



BIBL. NAZ.  
Vitt. Emanuele III

Racc.

DE MARINIS


A  
141

NAPOLI

ale




~~175~~  
179



Rec. of Marinsy A 141







CONRADI RITTERS-  
husii Jurisconsulti,  
PARTITIONES  
JURIS FEUDALIS,  
in duos libros tri-  
butæ.

*Cum præfatione Cl. viri,*  
Dn. HUBERTI GIPHA-  
NII, S. CÆS. MAJ. à CON-  
filiis aulicis Imperii.

*Subjeto rerum & verborum INDICE*  
*copiosissimo.*



*Ex libris*  
*Johannis Th.*  
*1755.*




MARPURGI,  
*Apud Paulum Egenolphum, Typogr. Acad.*

ANNO M. DCXV.

சிவசுந்தரி  
சிவசுந்தரி  
சிவசுந்தரி





# REVERENDISSIMO

ILLUSTRISSIMOq; PRINCIPI  
ac Domino, D. HENRICO JULIO,  
Postulat. Episcopo Halberstadiensi, Duci  
Brunswic. & Lüneburg. Acad. Julia, quæ  
est Helmæstadii, primo ac pp. Rectori, Do-  
mino suo clementissimo, & Mæcenati be-  
nigniss.

S. D.



ARTITIONES FEUDALES  
istas, Illustrissime ac clementiss.  
Princeps, amicorum rogatu e-  
dere paranti, & de patrono, quæ  
ipsis pro more passim recepto  
conciliarem dispicienti, inter alia hoc quoq; in  
mentem mihi veniebat; *Honestum esse, cui mul-  
tum debeas, eidem plus etiam debere velle.* Ea co-  
gitatio ad Reverend. Celsit. tuam rectâ statim  
me quasi manu deducebat, ut tibi potissimum  
istud quicquid est opusculi inscribere, & tan-  
tum patronum tantillo huic meo fœtui coo-  
ptare auderem, qui ei defensionem, si tibi res  
posceret, præstare & vellet & posset. Quum  
enim ante hac dedicationem operis Musei &  
Philologi tam gratam à me habueris, ut *Oppia-  
ni de Venatione & Piscatu* aurea omnium eru-  
ditorum consensu jam olim habita carmina à

me recensita, & sub Illustr. Tuo nomine in lucem reproducta, aureâ tui vultus effigie, aliisq; insuper tanti doni accessionibus, quasi id solum declarandæ Clementissimæ tuæ erga me affectioni parum sufficiens esset, adcò liberaliter remuneranda judicaris (quo nomine plurimum tuæ Celsitudini me debere, & aliâs sæpè inter amicos, & nunc publicè grato animo & ore profiteor) bona me spes habet, eandem, ne hoc quidem JURIDICUM OPUS, quod sub Illustrissimi nominis tui auspiciis in lucem prodit, ingratum habituram, neque aspernaturam esse hominem, qui multum debens tuæ Celsitudini, plus plusq; debere, nec priora beneficia ingrato callidove animo dissimulare cupiat. Sic igitur primùm tua Celsit. hanc inscriptionem à me velim accipiat. Deinde tametsi ipse, Princeps Illustrissime, nihil aut perparum ex hujus libri lectione haurire queas novî (quippe quem sciunt omnes qui literas sciunt, cùm in omni genere scientiarum, quæ Principe laudatissimo dignæ sunt, tum in jure quoq; & Civili & Feudistico tam egregiè versatum esse, ut cum quovis præstantissimo Jurisconsulto non dicam paria facere, sed & vincere possis nō paucos) tametsi quoque omnibus suis numeris absolutum non esse hoc opusculum, ut in Academia mihi natum, ingenuè fateor: Tamen aliquis fortasse fructus inde poterit redundare (& ut redundet, opto & voveoq;) ad Illustrissimâ sobolem tuam, in quâ familiam ducit natu maximus Celsitud.

# DEDICATORIA.

tuæ filius, DN. FRID. HULDERICUS, ipso  
 nomine bis amabilis, & magnæ expectationis  
 adolescens: Cui, ut & fratribus Inclytis, gene-  
 rosiſſimæque indolis Principibus, quamquam  
 non deſunt ſui, abſ te ſapientiſſimo arbitro at-  
 que æſtimatore ingeniorum, electi additi-  
 que magiſtri & Ephori, à quibus teneræ ipſorum  
 mentes ad omnem virtutis doctrinæque; tam di-  
 vinx quam humanæ laudem formetur, ut ipſis  
 talia & multò etiam meliora domi (quod ajūt)  
 naſcantur, nec noſtris hiſce præceptis admo-  
 dum egere videantur: Tamen nihil, ut opinor,  
 nocuerit, aliquando etiam ad ea deſlectere o-  
 culum, quæ vel tuæ Celſit. vel ipſis offeruntur  
 ab aliis, unde ſi nihil aliud, at certè conſenſum  
 animadvertant eorum, quæ alii alibi docent,  
 cum illis quæ ipſi à ſuis magiſtris accipiunt, tan-  
 toque; proinde plus fidei eis adjungant. Τὸ γὰρ ἀ-  
 ληθὲς ἐν καὶ σύμφωνον, καὶ ἀπὸ πάντων συνάδει τὰ ὑπαρ-  
 χοντα, ait ille. Equidem in hoc toto Feudalium  
 partitionum opere, etſi formam, & quaſi ve-  
 ſtem novam huic virgini, (ſive Matrona eſt,)   
 circumdare & aptare non neglexi; tamen ſtu-  
 dio ſemper habuiſſe memini, τοῖς τῶν παλαιῶν  
 ζηλώμασιν ἐμμένειν, ὅπερ ἡμναίων εἶναι ἀνδρῶν, ne-  
 ſcio quis veterum, referente Suidá, veriſſimè  
 pronunciavit. Si quando autem fui hallucina-  
 tus, opera dabitur, ut olim δευτέραι φροντίδες σο-  
 φώτεραι καὶ Εὐεπίδην appareant, ubi πρώτο πείρους  
 hoſce conatus non prorfus diſplicuiſſe intellexo,  
 cùm aliis, tùm maximè tibi, Princeps Cle-

EPIST. DEDICATORIA.

mentis. quo nemo alius poterit facile exactius  
ac melius, nemo volet incorruptius ac beni-  
gnius judicare. Ne pluribus tuam Celsit. mo-  
rer, atque vel imprudens in publica commoda  
peccem, hinc tempestivè desino in voto perpe-  
tue & florentissimæ felicitatis tuæ, & Illustriss.  
conjugis ac prolis, nec non & beatæ pacis po-  
pulorum, quos à Deo Opt. Max. tuæ ditioni  
subjectos æquissimis imperiis & sapientissimis  
arbitriis gubernas. Vale. Altorfii, in Acade-  
mia Noriberg. Mense Martio, An. cld, l. clll,

*Reveren. T. Celsit.*

*Deditis.*

CONRADUS RIT-  
TERSUSIUS.

HUBER.



HUBERTUS GIPHANIUS JURISCONS. CONRADO RITTERSHUSIO, Juris Doctori & Antecessori Clariss.  
S. D.



**E**TSI, vir Clariss. multorum de Feudis, tam veterum, quàm recentiorum, quos inter duo in Germania nostra, ut ita dicam, ἀμαξιαῖοι, qui πάντε ὑπὸ μίαν μόχλων modò pronati extant commentarii; non possum tamen tuum improbare consilium, qui Partitiones de Feudistuas divulgare velis. Eas enim dispondis nostris accommodasse te puto: ut Ciceronem Rhetoricas suas filio Marco, etiam tum adulescentulo seu puero potius. Sed non satis video causam cur eum tu indicem libro tuo sumpseris. In Cicerone patet ratio. Sed, ut dixi, laudo consilium & institutum tuum. Scio enim ea quæ in omni scriptione & οὐτάξει requiruntur, optimè à te præstari posse. Quæ autem ea sint, velim paulisper ad ea exponenda digredi, ut alii quoq; videant, ea te in hoc Commentario & secutum & assecutum esse. Sed perincommodè accidit, ut eo ipso ferè tempore, quo literas tuas accepi, in gravem morbum reciderem, qui etiam nunc in lectulo, licèt levior jam factus, me detinet. Ut tamen voluntati tuæ morem gererem, qui mihi es charissimus,

quædam pæro dictare volui, eaq; licet inchoata & imperfecta ad te mittere.

Duo omninò, vir Clariss. scriptionum genera esse videntur: Unum, quo nostra explicamus, ac memoria mandamus: Alterum, quo aliena explanamus. Quæ duo genera & Galen. explanat in 3. Epidem. Hippocr. distinguit: Ἄλλη μὲν γὰρ ὅτιν ἡ διδασκῶσα τὰ πρὸς γράμματα διδασκαλία κατὰ διέξοδον ἀκριβῶς γινόμενη. Διαφέρει δ' αὐτῆς ἡ κατὰ τὰς ἐξηγήσεις τῶν συλλογισμάτων ὅτι τὰ τὸ ἐκατέρωτὸ πρὸς κεῖμενον ἔχουσι. Hoc vulgò Commentarii, licet non satis rectè, veteres Explanationis nomine appellant: Illud vulgò in jure ferè Tractatus vocant, licet item non satis rectè. Sed omissis verbis, alijsq; actibus, de re ipsa, & juris ac civili scientia, videamus. De altero quoq; genere, quod in explanandis aliorum scriptis est positum, ἄλλο ἔστι λέγει. Utrunq; genus tractarant quidem & veteres Jurisconsulti, ut prius, in libris Institutionum, Pandectarum, Digestorum, Quæstionum, Responsorum, Sententiarum, Opinionum, Dotium, Fideicommissorum, &c. Alterum in libris ad Edictum, ad Sabinum, ad leges XII. Tabularum. Sunt & recentiorum tam Accursianorum quàm doctorum, & politorum hominum in utroq; genere scripta innumerabilia. Verùm in utroq; genere quæ sint tenenda ac servanda, scriptori scilicet, vel interpretari sive explanatori: quamq; in utroq; à multis variè peccatum sit, longum esset hîc explicare.

Quare omissio jam explanationum genere, de altero breviter explicemus. Non possum tamen quin

*Antonii Vacce, docti JCi, de vitiis suorum popularium in illo ἑρμηνευτικῷ genere, breviter & verè adfert, hic quoq; exponam: Nescio, (inquit, in Epistola ad Alex. Farnesium) quo fato factum sit, ut veram docendi atq; interpretandi rationem paulatim amiserimus: dum vel ambitione atq; ostentatione, vel germanæ veræq; doctrinæ inopiâ supervacuas quæstiones inculcant: de rebus impertinentibus & non necessariis, nec suis locis, disputant: auctoritati suorum plus quàm rationi tribuunt: quæ breviter dici possunt, magno verborum apparatu atque anfractu aguntur: quod propositum est, atq; ubi interpretatio maximè desideratur, id ne attingitur quidem: ubi non desideratur, ibi magno conatu intenditur: interpretum cōmenta magis quàm leges ipsas enarrant: tum mutuis velut telis sese ac vulneribus conficere student: sacra, prophana: divina, humana docendo cōmiscentur: nihil distinctè ab originis aut simplicitatis suæ cognitione repetitum traditur. Denique id unum agi videtur, ut magno labore, magnaq; temporis & precii librorum jactura, nihil scire doceamur. Hac ille. Quæ septem barbarorum Interpretum vitia, quibus & alia accedunt, facile mihi esset multis exemplis demonstrare; sed de his & de vera explanationis ratione, aliàs Deo adjuvante differetur.*

*Quod ad prius ὑπερμᾶτων sive διδασκαλιῶν & scriptionū genus attinet, requirit & illud suum, singularem & uberem commentarium; ejus tamen*

summa capita satis erit hic attingere. Omnino autem quatuor in omni justa scriptione necessaria mihi esse videtur, Oratio sive Elocutio (ἔρμηνεία) pura & elegans: Dispositio sive Ordo rei accommodatus: Res ipsa: & ratio rei docendæ & confirmanda, quam τέχρον ἐπισήμους, Princeps Philosophorum vocare mihi videtur, eosq; jure & merito reprehendit, qui rem ipsam, & rationem hanc, simul querunt. Ατοπον, inquit, ἄμα ζητεῖν ἐπισήμουν, καὶ τέχρον ἐπισήμους, lib. 4. minore, planè extremo. Idem extremo libro de partib. animant. Τέχρον τῆς μετέδοι vocat. Videtur & Plato in Cratyl. τέχρον τῆς διδουαλίας appellare.

Ergo de sermonis sive orationis puritate & proprietate, non est dubium quin ea & hoc maximè efficiat, ut oratio vel sermo sit planior ac dilucidior: quæ profectò prima & summa est virtus elocutionis. Quare & Quintilianus Jurisconsultorum summum circa verborum proprietatem laborem esse scribit, lib. 5. in fin. Quò magis deploranda est hujus sæculi ratio, quò, qui ne Latine quidem rectè norunt, tamen magnos & ponderosos de jure commentarios divulgare non verentur. Vir omnium laudum cumulatissimus, inquit de Petro Bellino. Menochius, & de Cusacio idem, Vir omnium, inquit, laudum dignissimus: idemq; de Connano, Doctè, inquit, ac omnium melius doctiss. Franc. Connanus: alios omitto. Verùm de puritate plura si quis requirat, videat Galenum in lib. de ordine librorum suorum extremo. Cùm autem purum & dilucidum sermonem laudamus,



damus, non probamus eorum sectam, qui hodie plus  
 opera in verbis, quam in rebus collocant. Praclare  
 Galenus: τῶν ὀνομάτων περὶ ἐργα μὴ τῆς τῶν ὀνομα-  
 μάτων ἀμελείας ἤξαστο. Eleganter Quintilian.  
 lib. 8. Curam, inquit, verborum rerum volo  
 esse sollicitudinem. Illud tamen vetus oraculum,  
 quod Plutarchus adfert in comment. de Iside &  
 Osyride, meminisse semper oportet: Eos qui rerum  
 vocabula non curent rectè intelligere, in tebus  
 quoq; ipsis facillè errare. Præter puritatem, (cui  
 contraria barbaries, & inquinatus sermo, abusio  
 quoq; & novatio verborum) etiam ipsa eloquentia  
 ostentatio & verborum copia, non minus cavenda  
 est. Oratio juriscons. elegans. pressa & subtilis esse  
 debet. Id quod Cicero non uno in loco indicat: Fa-  
 cillè, (inquit ad Jurisc. Servium) cedo tuorum  
 scriptorum subtilitati & elegantia. Quo in gene-  
 re ex relictis Juriscon. in Pandectas excellunt Alfe-  
 nus, Julianus, & Paulus. Quare & qui vel eloquen-  
 tiam hic ostentant, vel gravitatem verborum se-  
 ctantur, vel longâ atq; diffusâ oratione jura tra-  
 ctant, veram scribendi rationem & viam ignorare  
 mihi videntur. Quod vitium in Cascellio videtur  
 notare Pomponius, quod idem in multis hodie no-  
 tari potest.

Jam verò ad dispositionem sive ordinem scri-  
 ptionis quod attinet, caput hoc est gravissimum.  
 Non tamen est hujus loci laudes & utilitates or-  
 dinis explicare, quas in Oeconomico diligenter ex-  
 posuit Xenophon. Aristoteles eo memoriam juvari  
 scribit. Εἰς, inquit, κομνημίοντα ὅσα τὰ ἐν πρᾶξι ἐστίν.

*Sic & Cicero lib. 2. de Orat. Ordinem esse maxime, qui memoriae lumen adferret. Theophrastus angustum quid esse scribit ordinem, & comprehensionem seu definitionem, ἐν τοῖς πμιοτάτοις ἐστὶν τὰ ἔτι, καὶ τὸ ὠκυτά. Non est quoque instituti sermonis, genera ordinum explicare, de quibus hodie maxime laborant Medici, Galenum secuti, in libro de arte medendi. Tantum, Monita quaedam sive Praecepta: & contra Vitia quaedam Interpp. juris Accursianorum indicabimus. Distinguit Galenus hac in re tres, ut vocat, διατάξεις, sive dispositiones: Unam Analyticam: Alteram Syntheticam: Tertiam, Historicam, sive definitionis. Quae tamen trimembris, collocationis distinctio, nec aliis multis viris doctis placet, & mihi nova videtur. Sed ea disputatione alium in locum ac tempus rejecta, Monita illa exponamus. Prius tamen id quoque admonendum, Jurisconsultos veteres in jure tractando, magnam habuisse ordinis rationem. Compositio tot edictorum ab Juliano in unum librum congesta, quanti fuit judici & artis? Sic Tribonianus in Pandectis, quarum confusione multi reprehendant, recte disponendis magnam diligentiam esse usum, ut alibi demonstratum. In aliis quoque & singulis eorundem Jurisconsultorum scriptis, ordinis curam videre licet. Ulpian. in l. 3. §. ult. de recept. qui arbitr. &c. Tractemus, inquit, de personis arbitrantium. Et postea Paulus sub eod. tit. l. 32. De officio, inquit, arbitri sciendum est, &c. Ita de reslit. minor. 25. annis. Ulp. Nunc, inquit, videndum, qui in integrum restituere possint,*

possint, l. 16. in causa, §. ult. ff. de minor. 25. annis. Sic & de oper. nov. nunc. idem Ulp. tractans: Nunc videamus, inquit, quibus ex causis fiat nuntiatio: quibusque nuncietur: in quibus locis fiat nuntiatio: & quis effectus sit nuntiationis, l. 1. §. 9. nunc videamus, de oper. nov. nunc. Idem de hereditatis petitione agens: Nunc, inquit, videamus, quæ veniant in hereditatis petitione, l. 18. item videndum, §. ult. de hered. pet. Idem & de actione commodati disputans: Nunc, inquit, videndum est, quid veniat in commodati actione. Sic & de actione quod certo loco: Nunc, inquit, de officio iudicis hujus actionis loquendum est, l. 2. §. ult. de eo quod certo loco. Ita & Mar. Cicero de numeris oratorius disputaturus, principio totam collocationem quatuor partibus circumscribit. Primum, inquit, origo, deinde causa, post natura, tum ad extremum, usus ipse explicetur orationis aptæ atq; numerosæ. Ex aliis quoque veteribus scriptoribus facile esset exempla proferre.

Sed nunc monita quadam exponamus, in quibus hoc sit primum: A primis ordiendum: ἀπὸ τῶν πρῶτων, inquit Aristoteles. Sed omnis difficultas in eo est, ut intelligatur, quid primum in collocatione, quid secundum, &c. sit. Videtur autem habenda ratio rei de qua agitur: nam si de actione aliqua disputandum sit: certis ea res capitibus continetur, ut, quæ sit origo actionis, quæ ejus causæ, quibus ea, & contra quos detur, etiam ne heredibus, & contra heredes, quid in eam veniat, quam diu duret, quis in ea, & quemadmodum.

dum concipiendus sit libellus, quid in ea probandum: quæ contra eam exceptiones, quod iudicis in ea sit officium, & si quæ sunt alia. In rerum consideratione, ut hæreditatis, dominii, ususfructus, servitutis, pignoris, feudi, alia erunt capita, aliog, modo disponenda. Idem dicendum de actionibus sive actibus, ut de matrimonio, tutela, usucapione, testamento, contractibus, ac delictis. In quibus item alia erunt capita, aliterq, collocanda. Sed hæc longum esset hîc persequi, quæ singularem commentarium requirunt.

Habetur autem in collocazione interdum ratio non ejus quod naturâ primum vel proximum, sed dignitatis, affinitatis, sive cognationis, & facilitatis, & hoc est quod Aristot. scribit, non semper ab eo quod primum quoad rem; sed ab eo interdum quod ad faciliorem rei cognitionem sit utilius, ordiendum esse, lib. 8. Metaph. Hinc quoq, est quod Tribonianus in plerisq, Pandectarum titulis longioribus ea quæ difficiliora sunt, in extremos tit. conjecerit: quod idem & in Euclide diligenter servatum. Plato quoq, à facilioribus & parvis ad majora & difficiliora progrediendum, in Sophista. Sic & Aristot. libr. 1. de historia animal. Ea quæ longiore egent consideratione & opere, in extremum esse rejicienda. Tertium Stoicorum est præceptum, idq, & olim & hodie celeberrimum, quod tamen & ipsi, eosq, secutus Cicero, multis in locis, ex Phædro Platonis sumpsisse se dicunt: Omnem scilicet, quæ ratione suscipitur de aliqua re institutio, à definitione debere proficisci.

# P R A E F A T I O.

cifel. Sed Epicurus, Dialecticos aliquin imperi-  
 rus, locum Platonis de verbi notione, rectè accepit,  
 ipso Cic. teste lib. 2. de fi. quo loco & ipse Cic. Plato-  
 nem ita accipere videtur: Omnis, ait Cicero, in  
 querendo, quæ via quadam & ratione habetur o-  
 ratio, præscribere primùm debet, ut quibusdam in  
 formulis ea res agatur, ut, inter quos differitur, cõ-  
 veniat, quid sit id, de quo differatur. Hoc positum  
 in Phædro à Platone probavit Epicurus: sensitq; in  
 omni disputatione id fieri oportere; sed quod proxi-  
 mum fuit, non vidit: negat enim definiri rem pla-  
 cere: sine quo fieri interdum non potest, ut inter eos,  
 qui ambigunt, conveniat, quid sit id, de quo aga-  
 tur. Rectè igitur & Galen. quem ut summum non-  
 modò Medicum, sed etiam Philosophum, libenter  
 & sæpè laudo, li. 4. πρὸς σφύρμον. Quicunq;, inquit,  
 Medici ac Philosophi disputationem aliquam  
 gravem à definitione essentiali ordinantur, quam-  
 vis eam rectè confecerint, & dilucidè exposuerint,  
 obscuri tamen ut sint necesse est, nec intelligantur  
 ab auditoribus, qui paucis verbis res multas bre-  
 viter comprehensas assequi nequeant: prius enim  
 multis verbis rerum essentia auditoribus sunt ex-  
 plicanda, ut earum postea facta collectio, paucisq;  
 verbis comprehensa definitio, & intelligatur faci-  
 lius, & credatur. Plato enim & in Phædro & in  
 Theage id voluit; In omni disputatione præscri-  
 bendum primò quid sit id de quo differatur, id est,  
 ut si multæ ejusdè verbi sunt notiones, illa principio  
 indicanda & ponenda, qua de tota sit futura dis-  
 putatio sive scriptio. Ἀνάγκη γὰρ τὴν διάνοιαν ἀορίστως  
 εἶναι.

ἔχειν, ἂν τις τῷ διαρυσμένῳ πολλαχῶς, ὡς ἀδιαρῆτω  
 χεῖται· ἀδύλον γὰρ κατὰ ποῖαν φύσιν αὐτῷ συμβαίνει τὸ  
 λεχθῆναι, ut summus ait Philosophiae doctor: qui  
 id diligenter servavit, ut libr. i. de cælo, c. 9. dispu-  
 tans de cælo seu mundo, quem Græci ἑγεγὼν vo-  
 cant, sitne unus, an plures? prius verbi ἑγεγὼν tres  
 notiones distinguit, & quæ ex iis propria sit totius  
 commentarii ac disputationis, dilucidè & ante o-  
 mnia exponit. Sic & c. ii. contra Platonem distin-  
 guit notiones verbi Græci ἀγίνντων. Verùm hoc si-  
 ve vitium, siue principium & monitum, ita jam  
 olim inolevit etiam doctis viris, ut & in Pandectis  
 Tribun. à definitione, ubi potest, titulum siue tra-  
 ctatum exordiat, ut videre est in l. i. de legib. l. i.  
 de in jus vocando, l. i. de pact. l. i. de proc. l. i. de dolo  
 malo, l. i. de tut. l. i. de capite minutis, &c. Nec  
 possit hæc opinio animis hominum facilè evelli. Il-  
 lud quidem magnus ille medicorum Tranquillus  
 concedit, ut notione verbi explicata, & iis quæ ad  
 essentiam rei pertinent præmunitis, adjungatur  
 definitio, velut memoria causa. Sed præmunitio-  
 nibus illis omissis, statim exponere definitionem seu  
 λόγον τῆς οὐσίας, præposterum esse, verè testatur ac  
 demonstrat, ut modò dictum. Ad dispositionem si-  
 ve collocationem pertinet & hoc monitum seu  
 præceptum: Suo quidq; loco esse tractandum,  
 nec omnia omnibus in locis congerenda, quæ-  
 dam uno loco attingenda tantùm, quæ ut alio  
 & suo plenè & copiosè explicentur. Ita Arist.  
 in lib. de sensu: δεῖ μὲν ἔνδοξείζειν περὶ τούτων ἐν τῷ  
 περὶ φύσεως· νῦν δ' ὅσον ἀναγκαῖον ἀφ' αὐτῶν. Et  
 ipse

# P R A E F A T I O.

ipse Plato in Timaeo, interprete Cicerone: Reliquorum, inquit, siderum quae causa collocandi fuerit, quaeque eorum sit collocatio, in sermonem alium differendum est: ne in eo, quod attingendum fuit, quàm in eo, cuius causa id attigimus, longior ponatur oratio. Hoc praeceptum qui non observant, semper quidem confusè rem tractant. Sæpè autem & in hæc vitia incurrunt, ut vel eadem multis in locis inculcent atque iterent: vel dum alienis immorantur, eaque persequuntur diligentius, sua & instituti sermonis propria leviter attingant. De his eleganter Tertullianus lib. 2. de poenitentia: Ita, inquit, evenit, ut cum aliquid ubi non oportet, adhibetur, illic ubi oportet, negligatur. Quod vitium & in magno Jurisconsulto nostrae aetatis sæpè notari potest, & in omnibus ferè responsis Accursianorum Interpp. patet. Iterationis illud vitium Chrysippo familiare esse scribit Galen. lib. 2. cap. 2. de decret. Hippoc. & Plat. qui non modò bis, terve, sed quater interdum aut quinquies de eadem re in aliis atque aliis libris disputet. Quod idem & de iisdem Stoicis commemorat, nec tamen improbat Cicero lib. 5. Tusc. quæst. Geometra, inquit, cum aliquid docere volunt, si quid ad eam rem pertinet eorum, quae antè docuerunt, id sumunt pro concesso & probato: illud modò explicant, de quo nihil scriptum est. Philosophi quamcunque rem habent in manibus, in eam quae conveniunt, congerunt omnia, etsi alio loco disputata sunt.

De confusione Accursianorum Interpp. multa doctorum hominum extant quærelæ, & inprimis



mis Duareni, qui de eo vitio egregiè explicat in  
 Epistola ad Guillartum: & eleganter de eodem  
 Muretus orat. 17. & ante eos Taxequetius orat. 2.  
 Libet exempli causa breviter quadam adferre.  
 Paul. in l. 1. ff. de acquir. possess. scribit, bello capta  
 fieri capientium, arrepta verbi, bello, occasio-  
 ne, verbosè illi disputant, quòdnam justum sit bel-  
 lum? Menoch. lib. 6. de præsumpt. cap. 69. dispu-  
 tans, possidentem habere pro se præsumptionem,  
 excurret in commoda possessionis, eaq<sub>3</sub> 24. multis  
 verbis explicat. Et libr. 5. præsumpt. 1. disputans,  
 quemq<sub>3</sub> præsumi esse bonum, digreditur in eam  
 Philosoph. quæstionem: Utrum quis natura sit  
 bonus, an malus. Idem in magno volumine suo,  
 de arbitrariis, ut loquitur, judicium, exposito bre-  
 viter, quod quidem erat ejus loci, & tamen à jure  
 est alienum, pœnas esse arbitrarias, magnam par-  
 tem ejus voluminis consumit in explicandis ge-  
 neribus pœnarum, quæq<sub>3</sub> singulorum delictorum,  
 sint propria. Riminaldus ad §. 1. Institut. de donat.  
 de militibus verbosè tractat. Bartol. ad l. 3. §. 1. de  
 operis nov. nunc. eumq<sub>3</sub> & alii secuti ejusdem notæ  
 Interpp. quos jure eo nomine reprehendit Zasius,  
 de concursu remediorum juris ordinariarum &  
 extraordinariorum, alieno planè loco multa con-  
 gerit. Ludol. Schrad. de fendis facta mentione tu-  
 torum, excurret in ea quæ à tutoribus prius præsta-  
 ri debeant, quàm ad administrationem admittan-  
 tur: ex quibus tamen duo adfert falsa, Decretum  
 pratoris, & generalem de defendendo permissio-  
 nem verbosè persequitur: adeò, ut justus liber  
 eaca-



*ea capere non possit. Sed infinitum esset hæc persequi.*

*Ad hoc autem vitium & illud de alienis & superuacaneis, sæpè etiam falsis auctoritatibus sive allegationibus pertinet. De quo jam olim conquestus est Conrad. Summenhartius in li. de contractibus, cujus verba, quia liber non est in omnium manibus, non erit alienum hîc adscribere : Ut quid enim etiam, inquit, apud Jurium Professores, tanta, tamq; inundans super una re, etiam aliquando vulgatissima, fit jurium allegatio : quorum etiam pleraq; cùm à casu ipso distantissima sint, eundem minimè attingunt, atq; ad eum à longinquo respiciunt: ut plus utilitatis de papiro atque ingenio absumant, quàm utilitatis ad eundem casum decidendum adferant. Utilius quidem longè foret, quæ tam longinquum & ferè inanem habent respectum, rescindere, & unum vel duo solida atq; stringentia adducere jura, & superfluis concordantiis omissis, diutiùs radici decisionis immorari. De eodem vitio cùm alii multi, in quibus & Jacob. Toming. & ipse Gail, tùm egregiè Zasius lib. 2. singul. resp. c. 1. nu. 25. Nec te moveat, lector, inquit, quòd me in Doctoribus allegandis non involvo, ut nunc hunc, nunc illum citem, quemadmodum novitii Legulèi folia inaniter occupantes, facere assueverunt, ostentatione quàm utilitate magis considerantes, &c. quasi pulchrum sit, si intus & in tergo plena sint omnia Bart. Bald. Imol. Raph. Paul. Jas. Alex. Salyc. aliorumq; id genus Doctorum. Nam*

si eos ad omne verbum citari necesse sit, quis erit finis? cum Doctores super Doctores magno ingeniorum proventu crescant. Misera certe superstitio: imò nugosa vanitas. De falsis autem & temerariis eorundem Interpp. allegationibus volumine sit opus, si eas vel exponere velis. Unum vel alterum exempli causa: Præsumi pro possidente probat. Menoch. ex l. circa. de probat. & l. liberis, §. ult. de liberali causa, in quibus tamen legibus nihil tale. In offerendi dotem marito competere, Gail. ait esse textum, ut & alias sepe in l. mutus, §. manente. de jure dot. & l. sed et si sol. matrim. in quibus ne vola quidem aut vestigium ejus rei extat. Mynsing. conf. 41. num. 13. adfert Ferrariensem, ut probet jus Pontificium, cum de peccato vel periculo animæ agitur in usu servandum, & Cæsarto præferendum. Ferrariensis autem perspicue contrarium docet in forma resp. rei conv. in verbo præscriptionis, n. 28. Idem cent. 5. obs. 84. scribit se exemplum mandati Procuratorii, quo quis constituatur omnium causarum, & non unius duntaxat causæ procurator, reperisse apud Ciceronem in ejus Epistola, quam totam allegat, quæ tamen epistola planè barbara & Cicerone indigna, apud eum nusquam extat. Eodem nomine acriter Alciatum reprehendit Cujacius ad l. 134. ff. de verb. oblig. qui & idem notat in responsis vulgariū Interpp. in Epistola ad librum Consultationum: quibus, inquit, sæpè falsos locos notare, pudori non est. Et sanè in hoc scriptorum genere hæc duo vitia alienorū inculcatio, & allegationū multitudo ac falsitas maxime

ximè grassantur: unde & immania illa & ponderosa volumina atq; farragines quotidie succrescunt. In quibus familiā apud nos ducere videntur Ludovic. Schrader. & Henric. Rosenthal. quorum hic ingentem commentarium de feudis divulgavit, eumq; tamen Synopsin non veretur appellare: Ille non minorem edidit. Utriq; si cum alienis detrahas allegationes, summaria & indices, justos propè Commentarios reddideris.

Celebratur & hoc praeceptum, Communia plerumq; priore loco, propria posteriore esse tractanda, de quo ita Arist. Phys. Acroaseos, ὁ δὲ ἐν ἡμεῖς λέγων, &c. Primum, inquit, de omni sive communi generatione disputemus: est enim naturae consentaneum, communia primum explicare, atq; ita ad propria & singula considerata progredi. Quam rationem & viam & in praclaro suo opere, de animalibus, persequendam esse docet: alioqui, inquit, initio lib. 1. de membr. seu partibus animalium, si propria & singularia prius explicentur, futurum est, ut multae sepè iterentur & inculcentur. Quod certè & Plinio accidit, eò quòd hanc ὁ δὲ Aristot. non secutus est. Videntur & ipsi jurisconsulti veteres hac in re peccasse. Et si enim & hoc praeceptum non ignorarunt, eosq; Tribun. secutus, in Pand. & C. etiam in Instit. generales titulos specialibus preposuit: ut in Pand. titulum de statu hominis duobus proximis: ut tit. de in int. rest. tit. prox. quod metus causa, &c. & aliis v. seqq. ut tit. de judic. innumerabilibus seqq. ut tit. de servitut. tit. prox. de servitut. praed. urban. & tit. seq. rustic.

ut tit. de tut. cui subjungit ti. speciales de test. tutela, & legit. tut. de tut. & curatoribus datis: ut ti. de leg. cui subjungit speciales aliquot: ut de ann. legat. de usu & usufr. de serv. leg. &c. ut ti. de bon. poss. cui subjungit speciales, si tabula test. extabunt, &c. Sed p̄tamen immemores hujus præcepti communia in propriis & specialibus inculcant, ut, furiosum non posse mutuo dare vel accipere, non posse locare, emere aut vendere, &c. Sic quod satis erat semel dixisse communiter de omni in rem actione, id illi repetunt in singulis in rem actionibus, eas non dari possessori, sed contra possessorem, ut videre est in l. 9. regulariter, de her. pet. l. 9. offic. de rei vind. l. ult. de pub. in rem act. l. 16. si fundus, de pign. Illud autem multò quis mirari possit magis, quòd in Pand. & C. Tribonianus quosdam tit. generales subjecerit specialibus, ut tit. com. prædior. tit. urb. & rustic. præd. ut tit. de oblig. & act. generalem seu communem, tit. prioribus propriis & specialibus innumerabilibus, ut tit. C. communia utriusq. jud. & tit. comm. de legat. Sed ejus collocationis ratio & causa alibi à nobis est exposita: nam & aliàs propria seu minus communia vel ob præstantiam, vel quia sint faciliora, & nobis notiora, ut cum Aristot. prius de animant. quàm περὶ φυτῶν, sive de iis quæ è terra eduntur, vel quia proximè antegressis sint propria & cognita: ita Aristot. primo de arte dicendi: Rhetorica, argumenta priore loco propria, posteriore cōmunia tractat. Thessalus olim ejusq. heres postumus P. Ramus in hoc præcepto mirè se jactant, & hanc unam, ut loquuntur, methodum appellant,

quorum ea est ἀνωθεν οἰα, ut omnes etiam scientias in communibus tantum præceptis hæcere & habitare debere putent, tantumq; suas κοινότητες & communitates crepant, id quod in practicis potissimum scientiis perabsurdum. Ἡ δὲ περὶ τὰς ἐν κοινότητι. Quare in iis scientiis non universè seu communiter omnia tractanda, sed ad singula progrediendum, quibus communia consentanea esse debent: in his enim practicis scientiis, ut in scientia civili, in arte medendi, λόγοι, ὁ μὲν καθόλου κενώτεροι εἰναι οἱ ὅτι ἐπὶ μέρους ἀληθενώτεροι, ut ait Arist. lib. 2. Ethic. c. 7. idemq; iterat lib. 6. c. 7. in fin. Sic & alibi κενὸς vocat τὸς λόγους καθόλου, ut lib. 2. de generat. anim. c. ult. ubi τὸδε κενὸν δοκεῖ μὲν εἶναι πᾶσι, ὅτι δ' ἐξέειναι. & alibi eos scribit κενολογεῖν. Hoc vitium & in Platone notat interdum Aristoteles, & in Stoicis etiam poeta Horatius: Cum ventum ad verum est mores & vita repugnant.

Quod etsi & Accursiani ipsi viderunt, qui inter Brocardica sua & hoc habent, Specialia magis afficere, ut loquuntur, quam generalia, arg. l. 2. C. de servo pign. dat. de quo & Prataus in lib. de reg. gener. Idem nihilominus omnia ad communes & generales regulas revocare conantur: quarum postea innumerabiles exceptiones sive limitationes & sublimitationes, ut vocant ipsi, adferunt: qua peste nulla major in hac juris scientia esse potest. Magni ingenii & artis, inquit Francisc. Bald. in docendo esse creditur, ex singulis Pandectarum thematicis, atq; ad cō hypotheseis regulam aliquam generalem elicere. Ego verò valde vereor, ne

*hec Interpp. audacia potius quam ars ingeniosa  
 Jurisprudentiam penè totam corruperit. Ita Bal-  
 duin. ita & Duar. præclarus Jurisc. multis in locis  
 in eadem Brocardica invehitur: ut ad l. 1. §. si sti-  
 pulanti. de verb. oblig. Non eò id dico, inquit,  
 quòd has theses omninò cõtemnam, sed quòd  
 in eis colligendis ac trandendis modum adhi-  
 beri velim, quem in Scholasticis Dd. à quibus  
 corrupta est mirum in modum his nugis, ac  
 propè delera Jurisprudentia, desidero. Et ad l.  
 30. talis & 31. in fin. de leg. lib. 1. Illa, inquit, regula  
 Brocardica, clausulam in medio positam ad o-  
 mnia referri tam antecedentia quam sequen-  
 tia, falsissima est: ut ceteræ ejusmodi, quos isti  
 Brocardici fabrefecerunt. Quod regnum Bur-  
cardicum siue Brocardicum si pragmaticis indo-  
ctis auferas, muti erunt in consiliis: eorum enim,  
 prudentiæ non veræ juris scientiæ fundamenta cõ-  
 munita hæc dicta siue κοινότητες esse certum est, ut  
 ait Cujacius in Epistola ad librum Consultat. de  
 quibus & conqueritur Jac. Curt. ad fratrem, lib. 1.  
 c. 6. ut alios omittam. Sed de his dabitur, ut spero,  
 alius differendi locus: Ut de contrario huic vitio,  
 quo in minima quæq; secant, & singulatim omnia  
 enumerare, ac planè σμικρολογεῖν solent: atq; artem  
 juris, quæ ut omnes aliæ finite esse debent, infini-  
 tam reddiderunt, hoc est, ex arte, inertiam. Pauca  
 tamen ( & hoc exempli causa ) hîc libet exponere.  
 Regulam commentum sunt, Exceptiones perem-  
 ptorias nō posse opponi ante litis contestatio-  
 nem: Cujus limitationes Philip. Canon adfert 45.  
 Delen-*

Delenda potius erat ipsa regula, nō pote falsissima, l. 2. C. sent. resc. l. 9. C. de præs. long. l. 8. C. de exc. Fabricarunt idem regulam, Omnem orationem de primo actu intelligendam, cuius regul. exceptiones Tiraq. exponit 316. Et aliam reg. citationem partis in quolibet actu requiri, cuius limitationes adfert Gabriel. 124. apud quem id genus σμικρολογίαί καὶ μεγτολογίαί, ut in divisionibus Bartoli extant. Privilegia dotis, Vincentius Palaeotus adfert 100. Bartolinus 186. Doli præsumptiones Mascardus 119. Lucas à Penna 223. Socinus casus congeffit 82. quibus non sit necessaria litis contestatio: cū ne unum quidem iudicium sine ea reperiatur, loquor de iudicio primo. Calic. in Margar. fisci collegit 418. casus, quibus bona fisco applicentur. Menoch. remedia possessoria facit 32. Maranta 29. cū tamen reversa sint tria tantum: Interdictum, Actio, & Exceptio. De iis remediis adfert questionis 798 ut de dote Campesius 490. & de lucro dotis Ruland. 111. Ut de equo, sive ut ille librum suum inscribit, de equo 150. Bonacossa, ut Castald. de Imper. 110. quarum in ultimam coniecit casus 330 Sed ohe jam satis est!

Reliqua sunt duo maximi momenti capita: Unum, de rebus ipsis. Alterum, de ratione & modo earum & constituendarum & confirmandarum. In quibus tota juris scientia est posita, Graeci ἐπισημνῶν τε ἔργον ἐπισημνῶν appellare videntur. Sed eorum explicationem ob invaletudinem in aliud tempus rejicere cogor.

Nunc ad teredeo, mi Rittershusi, de quo non  
 \*\* 5 dubito,



dubito, quin diligenter in his Partitionibus tuis,  
 quatuor illa capita observaris: Orationis enim  
 tuae genus novi, dilucidum, purum, & facile: non  
 amas neq; spinosum dicendi genus, neq; Battolo-  
 gum, non μακρὸν λόγον & Σιωπιδόν. Argumento sit  
 vel lunus Oppianus tuus, ex quo etiam semidoctus  
 (quamquam & tuis in eum Poëtam præclaris  
 Notis detrahi à quibusdam intelligo) facile vide-  
 re possit, quæ in te vis sit utriusq; sermonis. Quan-  
 quam in hoc argumento novo & singulari, necesse  
 est sæpè, & licet βαρβαρίζειν ἐν τοῖς βαρβάεσι. Or-  
 dinem ac Dispositionem libenter ex Indiculo ad  
 me misso cognovi. Agis de jure in rem, quod Feu-  
 dum vocant, non absimile Emphyteusi: certè & si-  
 milius, quàm iuri ususfructus, si nostram ætatem  
 spectes, qua fenda non cum personis, ut ususfru-  
 ctus, extinguuntur, sed etiam ad hæredes vel a-  
 gnatos pertinent. Omnia autem jura in rem non  
 videntur meliori ordine describi posse, quàm ut  
 ipsa quæ sint, quàmq; utilitatem possidenti adfe-  
 rant, primò explicetur; deinde, quemadmodum  
 ea vel acquirantur, vel amittantur. Postremò, de  
 remediis juris, quibus ea vel vindicentur, aut con-  
 serventur. Cujus ordinis vestigia impressa vide-  
 mus cum in libris Pand. ut distinctè in tractatione  
 de usufructu, & in tractat. de servit. prædior. itemq;  
 de pignor. tum in hoc erudito tuo Commentario:  
 cujus prima in parte de jure ipso feudi, licet in se-  
 cunda paulò plenius ac distinctius; in altera, mo-  
 di ejus acquirendi & amittendi; in tertia reme-  
 dia ejus vindicandi ordine ac deinceps explican-  
 tur, à



tur, à quo non longè abluiffe mihi videtur & VOL-  
TEJUS noster in accurato ejus commentario de  
feudis. Quod ad rem ipsam, ejusq; docendâ &  
confirmandâ rationem attinet, scio te à novis &  
perversis opinionibus semper abhorruisse, non  
pompa & speciem, sed veritatem, solitamq; ju-  
ris scientiam persecutum esse. Quare & in hoc  
tuo de feudis commentario, dubitari non debet,  
quin ea quæ veræ juris scientiæ sunt consentanea,  
complexus fueris. Multa quidem hoc jus feu-  
di habet singularia, quæq; à jure veteri abhor-  
reant, pleraq; tamen ad principia juris revocari  
possunt ab iis, quorum in numero tu es, qui prin-  
cipia ea juris rectè jecerint. Ad opiniones Dd.  
quod multi factitant, ea revocare, quàm sit incer-  
tum, & periculi plenum, ex ipsis opinionibus bar-  
barorum Interpp. communibus perspicuè intelli-  
gitur: quibus ipsis nihil est incertius, nihil instabi-  
lius: adeò, ut sæpè ne inter ipsos quidem sitis con-  
stet, quæ sit communis, quæ communior, quæ com-  
munissima. Nosti quoq; in disputationibus juris,  
ut egregiè ait Sarmientus, nō Doctorem aucto-  
ritatibus & opinionibus, sed legibus & ratio-  
nibus agendum esse: idq; & Matth. Wesembe-  
cius, licet alioqui his addictior, & ferè dixerim ho-  
mo opiniosissimus, tam in consiliis quàm in para-  
titlis, tamen à veritate coactus, in epistola apud  
Hartm. Pistorium, pronunciat, viros prudentes  
posthac probatam & assertam, ut loquitur, ve-  
ritatem potius, quàm falsas atq; erraticas opinio-  
nes in regno justitiæ amplexuros. Verùm dum  
de opi-

de Opinionibus agimus, sensim & ad quartum caput delabimur : In quo quin te præclare gesseris, non dubito. Scio enim quod tu Præceptore in Dialecticis sis usus, Philippo Scherbio nostro, summo & Philosopho & Medico. Non igitur opiniones imperitorum, ut magnæ eas Juriscons. appellat, communes; sed rationū pondera & momenta: non nudas juris sententias & præcepta, sed eorum causas quoq; & rationes in hoc tuo commentario es persecutus. Distinxisti argumenta levia & nugatoria à gravibus, atq; ad ipsam rei cognitionem proximè pertinentibus, propriis & non alienis, quam distinctionem homines à te auctori ignorant: De quibus alio in loco, Deo adjuvante.

Quare spero fore, totoq; pectore opto, ut hic tuus insignis Commentarius de Feudis, cū tibi honestus & gloriosus, tum Reipub. & studiosis adolescentibus perutilis & gratus sit. Vale vir amicis. & salve. Præge 27. Martii, 1603.

SERIES





*SERIES ET SUMMÆ CAPITUM  
TOTIVS OPERIS PARTITIONVM IVRIS  
Feudalis, hîc evidentie majoris ergò præ-  
missa, & sub unum aspectum  
proposita.*

**P**rolegomena ad commendationem Feudorum, &  
de nova docendi ratione. pag. 1.  
Proœmium continens encomium doctrinæ Feudalis,  
& Oeconomiam operis; aliaq; præparatoria. p. 19.

*PARTITIONUM FEUDALIVM  
LIBER PRIMVS.*

- CAP. I.** De origine feudorum variæ sententiæ refe-  
runtur & examinantur. De auctoribus & auctori-  
tate horum librorum, qui de usibus feudorum in-  
scribuntur. De feudorum jure quæstiones quæ-  
dam generales, & quasi præliminares. De nomine  
& etymo feudi. De quibusdam verbis feudalibus.  
pag. 25.
- CAP. II.** Negocia quædam feudo similia & cognata  
ab eodem discriminantur. De allodiis unde di-  
cta. Utrum in dubio res præsumatur feudalís, an  
allodialis. 42.
- CAP. III.** Notæ seu proprietates feudi. Definitio  
feudi, ejusq; explicatio. Variarum definitionum  
inter se collatio. Quæstiones item circa definitio-  
nem moveri solitæ, maximeq; de genere; Feudum  
sine contractus, an non sit. 55.
- CAP. IV.** Divisiones feudorum præcipuæ. 68.
- CAP. V.** De feudi *adquisitione*: & primò quidem de  
personis, quæ feudum dare possint. 78.
- CAP. VI.** De his qui feudum accipere possint. 90.
- CAP. VII.** De rebus in quibus feudum consistat. 93.
- CAP.

# INDEX CAPITUM.

- CAP. VIII. De modis constituendi & acquirendi feudum. Et primò quidem de *investitura*, tam propria quàm abusiva: deq; hujus symbolis sive solennibus ac ritibus. Ubi est digressio in locum communem de horum in plerisque omnibus majoris momenti negociis interventu. 103.
- CAP. IX. De illis quæ circa investituram considerari solent: ut scriptura, testibus, tempore, loco, conditione, &c. 113.
- CAP. X. De jurejurando fidelitatis, quod cum investitura conjunctum esse solet. Ejus formulæ & singulorum capitum explicatio. 127.
- CAP. XI. De pactis variis, quæ in investitura adjici & intervenire consueverunt, eorumque jure, viribus, & interpretatione. 142.
- CAP. XII. De *successione feudi*: ubi primùm removetur testamentaria: deinde ascendentium in linea recta. 151.
- CAP. XIII. De successione descendantium, sive liberorum vasalli. Liberorum varia genera: & quoniam ex his à successione tanquam incapaces arceantur. 163.
- CAP. XIV. De fœminarum successione in feudis regulariter nulla. 173.
- CAP. XV. Rursum de liberis, qui succedant in feudis, vel non: & quæstionum quarundam circa successionem explicatio. 184.
- CAP. XVI. De successione collateralium: à qua primùm remonentur cognati: deinde & jam agnati in feudo novo. Demonstratur, fratrum & sororum filios solos inter se patruo vel avunculo suo succedere debere in capita, non in stirpes. 204.
- CAP. XVII. De Ganerbinatu. Von Ganerben/ vññß Ganerbschafft. 229.
- CAP. XVIII. De *prescriptione* feudi. 238.
- CAP. XIX. De aliis quibusdam feudi constituendi modis. 259.

*LIBER SECUNDUS.*

- CAP. I. Feudi constituti & acquisiti *jus* quale sit: & primùm quid vasallus debeat seniori tã belli quàm pacis tempore. 261.
- CAP. II. Quid & quatenus in feudo liceat vasallo, vel non liceat: Ubi inter alia de subfeudatione & refutatione feudi. 292.
- CAP. III. De alienatione feudi prohibita. De variis speciebus alienationis: & quæ circa singulas quæri solent. 292.
- CAP. IV. De seniore seu domino feudi, primùm ad quid is vicissim vasallo teneatur: Deinde quid in re feudali possit vel non possit. 355.
- CAP. V. De *amissione* feudi: Et primùm de ea quæ contingit in persona vasalli, ob ejus culpam tam commissionis, quàm omissionis circa personam ipsius senioris; deinde in res ejus vel feudales, vel alias: tùm circa personas eorum, qui senioris potestati vel affectioni subiecti sunt: deniq; circa extraneos. 367.
- CAP. VI. Modos & causas amittendi feudi culposas (ut sic dicam) sequuntur non culposæ. Hic quæstiones aliquot de amissione feudi solvuntur. 1. Utrum ipso jure feudum domino committatur, an verò interveniente judicis sententia. 2. Feudum amissum ad quem redeat. 3. Quid juris sit de fructibus, meliorationibus & incrementis feudi amissi. 459.
- CAP. VII. De illa feudi amissione, quæ in persona domini contingit. 489.
- CAP. VIII. De actionibus, aliisque juris remediis, quæ feudi nomine competunt vasallo, & domino; Itemq; liberis & agnatis vasalli, quibus feudum apertum seu vacuefactum est. 498.
- CAP. IX. De judiciis feudalibus: quis hîc sit judex competens: quis ordo judicii observetur. 527.
- CAP.

## INDEX CAPITUM.

CAP. X. De probationibus feudalibus, & quid hîc peculiare sit. Appellatio in causis feudalibus ad quem fiat: deq; executione.

*Habent autem singula capita distinctas literis D. & M. (quibus Discipulus & Magister denotantur) ac ordine annumeratas quaestiones & responsiones.*

PROLE-





# PROLEGOMENA

*Ad commendationem FEUDORUM, &  
de docendi ratione.*



U<sup>1</sup> lanam aut pannum colore tingere instituunt, Auditores, si prius lanam aut pannum eum vel isatide, vel aliis herbis, lotionibusq; præparare consueverunt, quò melius atq; penitus colorem combibat, & firmitus

durabiliusq; retineat. Qui terræ semina commendare volunt, hi prius quàm sementem faciunt, terram subigunt & molliunt, glebasq; frangunt & committunt aratro, rastris, sarculo, bidente, cæteroq; instrumento ac mundo rustico, quò facilius ager sparsum semen concipiat ac foveat, donec adultum fructificet copiosè, & colonum multiplici scœnore beet. Qui picturam aliquam tabulæ vel parieti inducere cogitat, is prius in tabula aut pariete primas lineas peniculo ducit, & adumbrat picturam, quàm vivis coloribus illustret atq; perficiat, quæ rem ipsam, cujus imago & imitatio est, verè representans, spectatorum oculos animumq; sua pulcritudine capiat & oblectet. Qui arcem aut ædificium molitur architectus, figurâ futuri ædificii prius delineat, quàm structuram ipsam aggrediatur. Deniq; qui sacris operantur sunt, remq; divinam facturi, sollicitè prius se abluunt & purgant, quàm quicquam attingant, persuasum nimirum quod

Τὴν ἀπομαξαμένην Θεοὶ διδασκᾶμενον, ut est in versu Callimachi.

Quid ni igitur nos quoq; in novi argumenti, quòd, volente Deo, deinceps explicaturi ex hoc loco sumus,

aggressionē & exordio nonnulla præmittamus, quæ pertineant ad animos audientium præparandos? Sic enim & alacriores promptioresq; in hujus doctrinæ Feudalis studio futuri, & facilius atq; felicius quæ tradentur percepturi, & fidelius firmitusq; tradita & accepta retenturi videntur. Præfationis igitur loco decrevi hac hora nonnihil afferre, quod partim commendationem hujus, quod tractabimus, argumenti, partim ejus tractandi modum rationemq; completatur. Intelligetis autem, uti spero, ex his, quæ dicam, siue quis utilitatem spectet (quæ animos plerorumq; mortalium maximè commovere solet) nihil esse Feudorum doctrinâ utiliùs, nihil fructuosius: siue *Necessitatem* intueatis, nihil esse quo minùs carere possit Imperium Germanicū ad status sui, qualis quidem nunc est, conservationem & perpetuitatem: siue *Honestatem* quæras (quæ in generosis animis, & meritò, valet plurimum) nihil hac cognitione honestius cogitari posse: siue jucunditatem & voluptatem consideres, quæ si cum honestate conjuncta sit (neq; enim aliter voluptas homine digna dici meretur) maximè nos allicit & invitat, nihil esse juris feudalis notitiâ jucundiùs: siue deniq; hujus argumenti difficultatem respiciamus, eam tantam esse, ut vix ulli parti juris civilis concedat: sed tamen, si quis certa via ac ratione rem istam aggrediatur, & ordine in ea discenda progrediatur, facile posse omnem illam, quæ magna videtur, difficultatem mediocri saltem adhibita diligentia superari. In quibus attentè audiendis, ut animis adesse velitis, frustra & ex abundanti vos oravero, cum jam antè attentissimos esse videam.

De utilitate igitur, quod primum erat ex iis, unde Feudorum commendatio peti possit, neminem vestrū esse arbitror, quin eam faciliè agnoscat, maximamq; fateatur. Sed tamen paucis ea per nos quoque explicanda videtur. Utilitatem verò cum nomino, eamq; à Feudis uberrimam profluere dico, non hoc tantum intelligi volo: Posse hac doctrina instructum



procuratorem, vel advocatum & causidicum aliquem clientibus operam dando, cavendo, consulendo, patrocinando, multos inde nummos corradere, seseq; magno & ubere quæstu collocupletare, &, ut ajunt, bursas implere. Et si enim huc quoq; plurimum conducit Feudalis juris cognitio: tamen scopus hic princeps ac primarius ingenuis animis propositus esse nõ debet. Fructus enim magis hic est quàm finis. Qui autem quæstui tantum deditus est, eoq; omnia meretur, is quid aliud quàm pretio nummario pulcherrimam æqui boniq; scientiam dehonestat? quod tamen fieri Ulpianus quoq; noster vetat. Et (quod sæpè subiit animum mirari) qui in hanc rem laudant locum Justiniani, *ex Nov. l. de hered. & falcid.* quoddam leges neminem sinant, neq; in paupertate vivere, neque in anxietate mori, ii aut mentem auctoris parum attendisse, atq; affecturi esse videntur, aut eam scientes prudentesq;, dum cupiditatibus suis blandiebantur, aliud detorserunt. Quenam igitur est ea, quam potissimum prædicamus, feudorum utilitas? Nimirum illa, quæ ad Rempublicam redundat. Quæ autem sunt publicè utilia, non possunt non etiam singulis utilia esse, quandoquidem publica utilitate singulorum utilitas continetur; & contrà (ut à Solone rectissimè dictum accepimus:)

*Intrant in thalamos publica damna tuos.*

Reipublicæ igitur utilia sunt Feuda: primùm eadem ratione, quâ & militia: deinde eadem ratione, quâ ordo divinitus institutus, ut alii præsent, partent alii, sive ut alii sint magistratus, alii subditi: & inter ipsos illos, qui præsent, alii sint aliis vel superiores, vel inferiores: deniq; eadem ratione, quâ Reipubl. utilis est necessitudo illa & mutua obligatio inter clientes ac patronos. Quæ singula, ut melius ab unoquoque intelligantur, qualia sint, non nihil explicanda sunt.

Dico igitur, primùm eadem ratione feuda Reipub. utilia esse, quâ & militia. Nam militaria esse hæc beneficia, quæ Feuda appellamus, vel inde liquet, quodd

vasalli subinde in hoc jure *Milites* nominantur. Neq;  
dubium est ullum, quin prima origo hujusmodi be-  
neficiorum & obligationum ex militia fluxerit. Tu-  
né ergo (inquiet aliquis) militiam, tu bella, tu expe-  
ditiones, tu prælia Reip. utilia esse ais? Ego verò, Au-  
ditores, affirmo. Quippini? Et si enim, ut canit Poëta:

— *Pax optima rerum,*

*Quas homini novisse datum est; pax una triumphis*

*Innumerus potior.* —

Tamen quia propter improbitatem hominum pax  
honestè, & cum bona gratia semper obtineri non po-  
test, aliquando bella gerenda sunt, ut in pace honestè  
ac tutò vivamus: quæ & Ciceronis in libris officiali-  
bus, & S. Augustini est sententia. Quid enim si ab ho-  
stibus, si à latronibus atq; prædonibus injustè inva-  
daris, si bona tua diripiantur, agantur, ferantur, si ali-  
ter violeris, injuriisq; afficiare, nōnne te natura ipsa  
docet, nōnne omnes leges, omniaq; jura permittunt,  
vim vi repellere, cumq; jure non possis (quod prius  
tamen semper tentandum est) manu experiri? Cū  
autem ad sui bonorumq; suorum defensionem, ma-  
ximè adversus plures, nemo sibi unus sufficiat (quia  
ut proverbio vetere dicitur: *Ne Hercules quidem adver-*  
*sus duos*) sed plurium societate & auxiliariis copiis  
quisq; indigeat (ipsa enim natura hominem hominis  
egere voluit, ut genus nostrum tantò arctius sibi in-  
vicem cōciliaret atq; devinceret) cumq; propter egre-  
giam in bello navatam operam beneficium alteri de-  
beatur, unde se & suos exhibere, & ad novam in poste-  
rum expeditionem, si opus sit, parare atque instruere  
possit: nemo non intelligit, quàm sit ex usu Reipubl.  
quàm utile, quàm salutare feudorum institutū, quod  
ad hæc omnia serviat & conducat. Hoc enim jure &  
vasallus seniori seu domino feudi ad fidem, obsequia,  
servitia militaria, defensionemq; , & hic vicissim illi  
ad fidem & protectionem mutuam obligatur. Est  
enim hīc ultrò citroq; obligatio, ut aliās pluribus ex-  
plicabo.

## AD COMMENDAT. FEUDOR. 5

Dixi deinde etiam idcirco feuda esse utilissimum Reipubl. institutum, quia procul dubio Reip. expedit, ut servetur ordo ab ipso Deo rebus humanis præfixus, quo alii præsunt, alii parent. Hoc enim neglecto, fiet cyclosum cæterus potius quàm civitas & hominum confociatio:

*Vbi nemo nulla nemini in re obtemperat:*

"Οπου αὐξέει ὁ δὲν ὁ δέος ὁ δέος.

Expedi quoq; Reipublicæ, ut inter ipsos, qui præsunt, certi sint gradus, & secundum Horatium:

*Omne sub regno graviore regnum.*

Quis autem est, qui nesciat, non solum in Germania, sed etiam in Hispania, Gallia, Anglia, Polonia, Dania, id est, in omnibus Christiani orbis regnis, provinciis atq; imperiis alios esse Imperatores, alios Reges, alios Duces, alios Marchiones, alios Landgraves, alios Comites, alios Barones, alios Nobiles, alios Nobilium vassallos? At qui de his omnibus dignitatum ordinibus & juribus, interq; se *ῥέπει* & affectione mutuaq; devinctio, quâ salus Reipub. continetur, & facta recta manet, in feudorum doctrina explicatur. Docetur enim, quis & quæ feuda possit dare, quis & quæ feuda accipere; quid acceptorum nomine domino suo (qui hîc senior non tam senectutis, quàm honoris vocabulo nuncupatur) præstare teneatur; quid rursus ipse ab eo expectare debeat.

Eaq; omnia illuc diriguntur, ut *Salus populi suprema lex sit*, quemadmodum est in XII. Tabulis, & apud Ciceronem de legibus. Quando autem hîc nobis de ordine nobilium sermo est, dissimulare non possum, ex observatione diligentissimi rerum nostrarum scriptoris Alberti Krantzii: Eos, qui hodie nobiles salutantur, olim *Ministeriales* dictos fuisse aut *feudatarios*. Nobilium verò titulum his tantum tribui solitum, Baronibus, Liberis Dominis, Comitibus, Ducibus. Hos (inquit) Papa appellat Nobiles viros, hos usus principalium scribarum, & omnium rectè discernentium munera graduum singulorum. Quid patitur

ministerialis, ut in hac nobilitatis appellatione coæquari quærat duci? Idq; multis historiæ suæ locis inculcat non sine stomacho. *Vide Metrop. lib. 3. c. 11, lib. 8. c. 14. lib. 9. c. 4.*

De necessitudine illa & obligatione mutua inter clientes & patronos, quod aiebam tertio loco, id optimè intelligetis ex Dionysio Halicarnasseo historico, *lib. 2. antiquit.* qui hoc institutum Romuli valdè commendat, & Reipubl. utilissimum fuisse prædicat. Illi autem instituto hoc nostrum feudale jus valdè simile atque cognatum est, adèd quidem, ut nonnullis etiam ex illo derivarum fluxisse videatur. Cui opinioni & hoc faver, quòd sæpè vasalli in usibus feudorum (ita inscribuntur vulgò duo illi libri, quos interpretabimur) *clientes* quoq; & *clientuli* appellantur. Et hanc, quam commemoravi, multiplicem feudorum utilitatem tot jam seculorum usus & lapsus comprobavit, ipsis rerum argumentis, magistratq; experientia. Nam quæ Reipublicæ & hominum societati perniciofa sunt, ea tanquam ipsi naturæ adversa diu consistere nequeunt; sed aut exturbantur velut è corpore Reipubl. aut illud perturbant & perdunt: petinde ut venena intra corpus humanum assumpta, nisi per vomitū rejiciantur, ei qui hausit exitio sunt; nunquam autem in substantiam corporis converti, & cum ea coalescere possunt. Jam verò feuda, quamvis fortè eorum initium & ortus tam præcisè & in puncto (quod dicitur) demonstrari non possit (paulatim enim moribus introducta, recepta, confirmata, auctaq; sunt: unde & *Consuetudines Feudorum* passim appellantur: ) & quæ consuetudine ac moribus introducuntur, in iis sæpè, ut in alluvionibus agrorum, neq; initium exactè demonstrari potest, neque quantum unoquoque tempore accreverit. Est enim utrobiq; latens incrementum. Quamvis igitur, uti cœperam dicere, fortassis initium & prima (ut sic loquar) incunabula feudorum ita ad unguem demonstrari nequeant; tamen ea jam ante aliquot secula in usu fuisse, continuaq; serie

serie mansisse certum atq; exploratū nobis est. Quodd si eventus, qui & stultorum magister dici solet, hoc institutum arguisset Reipubl. nostræ perniciosum, & hallucinatos fuisse eos, qui vel primi ejus inventores & auctores, vel inventi approbatores atq; imitatores extiterunt: ecquis putet, tam insanos ac stolidos homines futuros fuisse, ut re perniciosa tam diu, tamq; constanter uterentur; cū, ut vetus verbū habet, præstet retrorsum currere, quā perpetuū malè procurere. Παλινδρομεῖν δὲ μᾶλλον, ἢ κανὼς δερμεῖν.

Ad hæc, quis neget, ejusmodi institutum, quod ad conservandam familiæ dignitatem facit, Reipublicæ plurimum utilitatis afferre? Atqui feuda pleraque omnia ejus sunt conditionis, eoque jure censentur, ut exclusis à successione fœminis (quæ in aliam familiam migrantes, suæ familiæ & caput & finis esse perhibentur) soli succedant mares, per quos nomina familiarum propagantur & conservantur: unde &

*Domus columnæ liberi sunt masculi:*

(Στύλοι γὰρ οἴκων παῖδες εἰσὶν ἄρρενες.)

ut est apud sapientissimum Tragediæ scriptorem; *Artemidor. lib. 2. Onirocrit. c. 10. ex Eurip.* & ex eo citat etiam eruditus somniorum conjector. Familiæ autem dignitas sine opibus vitæq; præfidiis diu conservari & consistere non potest, sicut nec iter longum confici absq; luculento viatico. Bona verò feudalia ad eam rem plurimum conducunt. Quæ cū ita sint, quisquāne reperietur, qui insignem ac multiplicem feudorum utilitatem inficiari audeat? Equidem ego nunquam potui accedere ad sententiam doctissimi cujusdam viri, ex quo sæpenuerò audiavi, quod & publicè aliquando in disputatione defendere conabatur, *Feudorum usum Reipubl. benè constituta perniciosum esse.* Quam suam thesin tunc demum ille nobis persuadebit, cū ostenderit prius, & jura militiæ Reipubl. perniciosa esse, & ordinem atq; connexionem inter eos, qui præsunt, & qui parent, & mutuam inter patronos ac clientes obligationem, & familiarum

conservationem, quam tamen & ipsæ XII. tabulæ, fons ille ac finis omnis æquitatis, ante oculos jam olim habuerūt, & Plato atq; Aristoteles, & his omnibus prior & præstantior Legumlator Moses. Nec mover quicquam, quòd jus illud Feudisticum libertati civium & bonorum officere, quodq; servitutem quasi quandam introducere videatur. Unde etiam illud velut per manus traditum est: Unamquamq; rem in dubio potius allodiam, patrimoniam, liberam quàm feudalem præsumi, ut suo loco docebo. Et exclamat celebris Pragmaticus Ferrariensis: *Patet ex his, quanta sit servitus, vassallum esse, max. magnorum principum, quibus licet de facili quæstiones movere, & in eis obtinere.* Neq; enim omnis servitus Reipubl. perniciofa, quin potius sæpè utilis est atque opportuna. Nōne & legum idcirco sumus servi, ut verè liberi esse possimus? sicuti est verissimè à M. Tullio pronunciatum. Illud autem necessitudinis vinculum, quod in feudis inferiores cum superioribus connectit, firmissimum esse nervum Reipubl. quis tam est vel imperitus, qui non agnoscat, vel malevolus, ut non libenter fateatur?

Dixi de utilitate feudorum, non quæcunq; dici poterant, (sunt enim, si quis indagare & persequi velit, longè plura) sed quæ hujus loci ratio, & temporis brevis admittere videbatur. Alterum, quod ad commendationem hujus instituti Feudistici facere agebam, est Necessitas: quæ ex utilitatibus jam commemoratis evidentior atq; conspectior est, quàm ut pluribus debeat demonstrari. Illud fidenter mihi affirmare posse videor: quòd everfis atque abolitis feudis totius Imperii Romani status immutatus labefacteretur simul ac perverteretur: quod sine maximo malo fieri nequaquam posset. Nam in Rebus publicis quævis mutatio mortifera atq; exitialis esse solet, secundum Xenophontem. Et ut eleganti comparatione usus Plutarchus scribit: Ut periculosum ac difficile est, annosas arbores, quæ jam latè radices egerunt, loco suo revellere, & in alium transplantare: ita

Rem-

Rempubicam suis assuetam inveteratamq; institutis ad aliam vivendi rationem traducere non licet, quin maximi rerum novarum motus inde consequantur. Et hæc quidem publicè. Nobis autem, qui in jure tractando explicandoq; versamur, tam est feudorum doctrina necessaria, ut sine ea non dicam perfectus Jurisconsultus nemo, sed ne tolerabilis quidem quisquam esse possit. Quid enim vel de natura & substantia feudi, vel de variis ejus generibus, vel de acquirendi, retinendi & amittendi modis, vel de judiciis & probationibus feudalibus sciet, qui nunquam huic doctrinæ quicquam studii impenderit? Nōne, si de his fortè rebus incidat quæstio, obmutescet? quo quid fieri potest turpius?

Restat ut de honestate pauca attingamus. Nam etsi neq; tot tantæq; utilitates cum feudis essent conjunctæ, quot quantasq; paulò antè diximus, neq; tanta esset eorum necessitas: tamen vel ipsa hujus studii dignitas atq; honestas satis nos accendere atque impellere poterat, ut multum operæ in feudis cognoscendis poneremus. Qui enim ex Consiliis, Responsis, Advocationibus, Sententiis, Decisionibus, quæ de Feudalibus controversiis sæpè magnis, Regibus, Principibus, Ducibus, Marchionibus, Landgraviis, Comitibus, Baronibus, & Nobilibus viris dantur, ad dantem redit honor, tantus est, ut nec finem, nec modum habere videatur. Consilia verò dare, responsa tanquam oracula reddere, sibi aliisq; cavere, advocaciones præbere, sententias dicere, certos ex incertis dimittere, quî poterit, qui nunquam hæc, quæ de feudorum jure tradita sunt, cognoverit, legerit, audierit, hauserit, didicerit? Quàm porrò honestum putatis, Auditores, tractare de gravissimis rebus, non solum ad privatorum hominum commoda, sed etiam ad patriæ communem statum utilitatemq; pertinentibus: De Magistratibus, de Imperio & Jurisdictione. Hæc enim plerisq; feudis annexa sunt, & feudis concessis simul concessa intelliguntur. Jus quoq; militare co-



gnoscere & tractare, nōne honestissimum est? Cujus beneficio multi, quam à primo ortu ex parentibus non habebant, propria virtute nobilitatem sunt consecuri. Viri enim magni atq; præclari nō nascuntur, sed fiunt. Nec alia est magis expedita ad gloriam & nobilitatem grassandi via, quàm militiæ. Atqui militare jus tam cognatum, & quodammodo insitum est feudis, ut hæc etiam militiæ, & vasalli seu feudatarii milites inde fuerint appellati: quod & superius innuebam. Quòd si magnam consequuntur inter suos cives dignitatem, & in prærio habentur, qui de servitutibus, de stillicidiis, de viis & cloacis, de testamentis, de tutelis, de contractibus cavere, scribere, respondere norunt consultoribus suis, quæ tantum privati sunt juris; quantò majorem existimabimus promereri laudem ac dignitatem eos, qui de regnis & horum jure, de Ducatibus, de Marchionatibus, de Comitatibus, de Baronatibus, de Nobilium officio, de Imperio & jurisdictione, de territoriis, districtibus, ditionibus consuluntur, & operam dant clientibus, quos (ut agebat Ennius) ex incertis certos, & consilii compotes ab se dimittunt, ne temerè res tractent turbidas? Cùm enim juris duæ sint positiones seu species: Publicum & privatum: quorum illud ad statum spectat Reipubl. & ad publicam utilitatem refertur; hoc privarim singulis civibus expedit: nostrum hoc jus feudale ex utroq; velut mixtum & confusum esse videtur. Non solùm enim ad privatorum spectat utilitatem (quæ privati juris propria est nota ac definitio) sed etiam ad Reipubl. statum pertinet, ut ex suprà dictis facilè intelligitur.

De jucunditate porrò & honestissima voluptate, quæ ex hoc studio & feudorum tractatione percipitur, quid dicam? Historiarum cognitio, quæ cum feudorum explicatione vera ac solida cōjuncta, connexaq; est, eam vim habet in benè natis ingeniis, ut suavissimè animos nostros afficiat, & voluptate maxima perfundat. Omnes enim homines naturâ desiderant



derant scire, teste Philosopho : qui naturæ instinctus etiam in puerili statim ætate se prodit, dum vel fabulosis narrationibus, quàm avidissimè inhiamus : à scientia autem ipsa quoq; Historia nomē apud Græcos accepit. Ac nescire quid, ante quàm natus sis, in orbe gestum sit, hoc est semper esse puerum. Cumq; in universum quævis historia (etiamsi ineptè, ut ait Plinius, descripta sit) hoc habeat, ut lectores & auditores magnoperè capiat ac delectet : tum in primis historia rerum in patria cujusq; gestarum. Verissimè enim à Poëta dictum est :

*Nescio qua natale solum dulcedine cunctos*

*Ducit, & immemores non sinit esse sui.*

*Non dubia est It hæc sapientia; sed tamen optat*

*Fumum de patriis posse videre focis.*

Ἰμείρων δὲ καὶ πρὸν ἀποσπώσκοντα νοῦσαι ἢς γαίης,  
ut ait princeps Poëtarum.

In feudorum autem explicatione passim occurrent multa historica, de rebus cùm in Germania, tùm in Gallia, tùm in Italia, Bohemia, Polonia, Dania, gestis per principes ex gente Germanica electos & evectos ad Imperii Romani dignitatem, quæ prioribus illis seculis longè longèq; fuit augustior, & multò latius patuit. Nam, ut nuper in oratione de Friderico I. audivistis, non solum ille ex Marchionibus Duces fecit, & ex Ducibus Reges creavit, verùm etiam Daniæ Regem pro vasallo habuit, quem in regnum tanquam feudum Imperii Romani per sceptrum & gladium investivit. Idem & alii Germanici Impp. fecerunt, quiq; secuti eum sunt, quiq; præcesserunt. Posterioribus autem seculis eò res delapsa est, ut non dubitarit scribere Albertus Krantzius in Metropol. Dudum elanguit Imperium. Italici ferunt emortuum, nos magni nominis umbram possumus appellare : nam res dudum evanuit. Non dubitarit etiam magnus suo seculo vir Nicol. Cusanus Cardinalis, lib. 3. de concordantia Catholica, cap. 29. pronunciare : *Vastè sunt ex tyrannica dominatione principes multi & potentes Imperio decrescen-*  
se. Qua-

te. Quales aliorum querelas plures proferre possim, si hoc nunc agerem. Hujusmodi rerum humanarum vices contemplari & considerare nonne res est homine dignissima & jucundissima? Cum igitur tantam hæc de feudis doctrina pariat voluptatem, ob dulcedinem historiæ rerum Germanicarum, Italicarum, Gallicarum, Danicarum, Bohemicarum, & cæterarum: quisquam ne est, qui ea se privari velit, ac non potius remis ac velis eam consecrari? Sed ut solent quæ pulchra, eadem etiam esse difficilia, sic & feudorum ea quam prædicavimus utilitas, necessitas, honestas, & voluptas atq; jucunditas, sua non caret difficultate. Nimirum nil sine magno vita labore dedit mortalibus, ut ille ait verissimè. Sic armat spina rosas, mella tegunt apes: & qui nucleum esse vult, nucem frangat oportet, ut venustè dixit Comicus. Difficultatis autem ejus, quæ feuda circumsepta videntur, causæ variæ possunt indicari. Earum ubi nonnullas breviter attigero, simul etiam remedia monstrabo, quibus apparens illa difficultas possit omnis superari. Ex causis igitur, quæ hîc nobis difficultatem parere solent, non minima est barbaries vocum feudalium, & horror ac stridibligo sermonis, quo feuda in usum venerunt, ac tandem conscripta sunt. Neq; enim ea styli elegantia, cœve nitore aut cultu orationis, & nativa quadam puritate conscripti sunt libri juris Feudistici, quæ vel Jurisconsultorum veterum responsa, ex quibus *Pandectæ* sunt compositæ, vel quæ plerorumq; Imp. *Constitutiones* constant, quæ in Codicem Justinianum sunt relatae. Sed quemadmodum Pontificum Rom. Epistolæ, quæ *Decretales* vocantur, sic & Feudorum libri barbariem illius seculi redolent, quo sunt scripti. Jampridè enim uti priscus ille vigor Imperii Romani quondam florantissimi, sic & sermonis ac linguæ venustas & sanitas elanguerat, ac penè emortua fuerat. Quemadmodum Italia infusus in eam perigrinis nationibus Gotthis & Longobardis occupata permixtaque est, moresq; mutavit: ita & linguæ sermonisque puritas

carun-

earundem consuetudine & commercio gentium contaminata atq; polluta est, plurimæq; peregrinæ & absonæ voces Latinis tanquam muscerda piperi mixtæ: imò totus, ut sic dicam, genius Romani sermonis transmutatus est in quendam absurdum, inconditum, horridum loquendi modum: in quo tractando si quis diutulè versetur, ei metus sit fortasse non injustus, ne audiat Euripideam illam exprobrationem:

Βεβηλαίωσαι χεῖνι & ὦν ἐν βεβηλοῖς. id est:

*Tu barbarissas, dum diu es cum barbaris.*

Accedit & altera difficultatis causa, varietas scilicet atq; inconstantia ejus juris, quod de feudis traditum est, & literis consignatum. Nam cùm paulatim moribus recepta sint feuda, & consuetudine corroborata (unde & *Consuetudines Feudorum* dicuntur) quæ pro varietate locorum, regionum, ingeniorum variæ inter homines esse & servari solent: hinc factum, ut sæpè aliter iisdem de rebus observantint atque usitarint Mediolanenses, & ipsorum sapientes responderint: alio jure usi fuerint alii: nec illi ipsi semper stabile jus custodierint, sed pro temporibus aliud atq; aliud: ut hîc quoq; non immeritò Pindaricum illud usurpare liceat, ab Arremidoro laudatum: lib. 4 Onicocrit. c. 3.

*Alia alius legitima, sua singulis existunt.*

Ἄλλα δ' ἄλλοις νόμιμα, σφέτερά δ' ἐδίκται ἑκάστοις, φησὶν ὁ Πίνδαρος.

Cujusmodi varietatem ac repugnantiam sæpissimè in suis commentariis feudalibus notat ac reprehendit Francisc. Hotomanus: quanquam interdum hoc præter rem & immeritò facere videatur, ut suo loco docebimus.

Nec parum auget hujus juris difficultatem, quòd qui libri ad nos de eo transmissi sunt, ii nullum ordinis lumen præ se ferunt; sed confusè, sed perturbatè, sed præposterè & verè quod dicitur ὕστερον πρότερον scripti collectivè sunt, velut imperitè consuti centones, ut sæpè quod extremū esse vel medium debebat, hoc

hoc primo loco ponatur, & contra, quod primum, rejiciatur in extremum vel medium: ut nusquam verius quàm hîc illud Parmenidis usurpari posse videatur: *ἢ ἂν ἐν παντὶ μίμικται*. De quo cum res ipsa testimonium apertissimè dicit, tùm omnes conqueruntur Interpretes, paucis quibusdam exceptis, qui etiam ordinis rationem, si Diis placet, nobis reddere conantur, ubi nullus est ordo: quod dum faciunt, nihil aliud quàm magno conatu magnas nugas agunt; & hoc consequuntur, ut cum ratione insanire voluisse videantur. Accedit præterea, quod sæpiùs eadem siue causa repetunt, quasi quodam cantu cuculi, quod dicitur: Quamquam istiusmodi *παιολογίαι* non tam difficultatem, quàm tædium & nauscam pariunt auditori lectorive, ut cogitet meritò Comicum illud: *Plus millies audi vi*.

Verùm nos nihil horum deterrere debet, quò minus in Feudistici juris cognitione comparanda strenuè atque libenter laborare, omniq; studio in id incumbere velimus. Nulla enim harum difficultatum tanta est, quin adversus eam paratum sit nobis remedium. Nam ad voces peregrinas & exoticas, quod attinet, quæ in jus feudale irreperunt, eæ adhibito Lexico facilè intelligi poterunt, maximeq; à Germanis, cùm pleraque ex vernacula nostra lingua originem traxerint, sicut & feuda ipsa, quod suo loco demonstrabitur evidentibus argumentis. Quam ad rem omnibus studiosis navavit utilissimam operam *Franc. Hotomanus* scripto de verbis feudalibus commentario: cujus pleraque omnia alii postea compilarunt, & in Lexica vulgaria transtulerunt.

Quod ad styli barbariè, & orationis stribliginem, ea seculi illius infelicitati condonanda est. Potest autem splendescere etiam ipsa, & cultum quendam matronalem induere, cùm vel Cicerone teste, nihil sit tam horridum tamq; incultum, quod non splendescat oratione, & quasi excolatur. Idq; sanè fieri posse, illustri exemplo nos docuerunt *Cujacius, A. Contius,*  
*Guliel.*

*Guliel. Fornerius, & Hotomanus*, aliiq; recentiores, quibus placuit in hoc genere desudare. De Cujacio quidem scribit *Petrus Pithæus*, primum quodammodò publicè lumen feudis prætulisse, eaq; ex suis auctoribus repetentem ita ornasse & illustrasse, ut posthæc fœda, aut ut Feudistarum verbum est, Faida non sint. Et Cujacius ipse de Gunthero ait, cum nitidissimo carmine suo meliùs nonnulla juris feudalis explicare, quàm tota feudistarum sæculenta cohors. Cujus quidem auctoris testimonio nos quoque passim utemur, ad exemplum *Hotomani, Cujacii, & Doctoris nostri Joan. Borcholdi*.

Alteram porrò difficultatis causam sic licebit corrigere, ut in tradendo explicandoque non sequamur eam seriem, nō seriem, quā in usibus feudorum duobus libris comprehensorum tituli sese invicem excipiunt & consequuntur (inter eos enim nulla est ordinis ratio, nulla observata continuatio, ut suprà quoque dicebam) sed potius Partitiones quasdam Methodicas instituamus, quibus totum illud jus complectamur, & velut suis cancellis includamus. Si qui verò occurrent cōccysmi, & ineptæ neque necessariæ earundem rerum iterationes, eas pro non scriptis habebimus, & clausis oculis transmittemus. Quibus ita observatis, ex difficili facilem, ex confusa ac perturbata benè ordinatam atque distinctam, ex inculta & horrida elegantem ac nitidam concinnabimus juris feudalis cognitionem.

Dixi aliās, Feudorum jus nō pauciores, neq; ignobiliores nactum esse Interpretes, quā veteres, quā recentiores, quàm ulla pars juris vel civilis, vel canonici seu Pontificii. Id res loquitur ipsa. Ut aliās feci in Institutionum Imperialium Interpretibus, ita nunc commemorabo vobis, si non omnes, at certè præcipuos, qui de feudis scripserunt, sive Galli sint, sive Germani, sive Itali, quibus & Siculos accensco. Et ex veteribus quidē isti maximè celebrantur, & ad meam notitiam pervenerunt: *Andreas de Isernia, Iacobus Al-*

*varottus, Prapostus Mediolanensis, Alvarotti compiler, Jacobus Ardizo, Baldus, Jacobus de Belviso* (qui, ut ipse de se testatur, octies librum feudorum legit, ideoq; maximæ habetur inter Feudistas auctoritatis: ut scribit Matant. part. 3. de ord. jud. nu. 84.) *Iacobinus de S. Georgio, Ioannes Blancus, Marinus de Caratis Lundenfis, Ioan. de Anania.* Paulò recentiores sunt: *Francischnus Curtius, qui & Iunior, Matthaus de Afflictis, Iason, Claudius Seysellus, Paris de Puteo, Vdalricus Zasius, Petrus Rebuffus, Petrus de Ravenna, Petrus de Bella pertica, Petrus Loricus, Laurentius Sylvanus, Marinus Freccia, Ioan. Thomas de Marinis, Fridericus Schenckius, liber Baro à Tautenberg. Barthol. Camerarius, Franc. Sonsbeccius, Guilielmus Hanne-tonius, Gulielmus Fornerius, Antonius Contius, Franc. Duarenus, Iacob. Cujacius, Franc. Hotomanus, Eguinarius Baro, Carolus Molinaus in Consuetudines Parisienses, Ioan. Ferrarius Montanus, Ioannes Gemmelius, Ioannes Bapt. Caccialupus, Ioannes Blanchus, Iacobus Kleist, Arnoldus Bart. Ioannes Borcholdus* (ex quo doctore ego feuda explicari audiui) *Rudolphus Schraderus, civis meus: Henr. Bocerus, Henricus Rosenthalius, Nic. Intrigliolius Cata-nensis, Petrus Nicolaus Mozzius, Maceratensis, Ioannes Schneidevv. Matthaus Wesembecius, Ioannes Schonerus, Ioannes Niellius Vesaliensis, Liborius Haryserus, Nicolaus Vigelius, Hermannus Vultejus, Hartmannus Pistoris, Andreas Fachineus Foroliviensis, quem Ingolstadii au-divi: Guerrinus Pifo Soacius, Hieronymus Garzonius, A-medeus à Ponte Lombriascus, Fridericus Pruckmannus, aliiq; qui de Regalibus scripsere.* Horù non omnium idem consilium atq; institutum fuit. Nam alii ordinem titulorum secuti in duos feudorum libros commentati sunt, *μτ, πódas*: alii celebriora quædam & utiliora ejus juris loca illustrare voluerunt: ut nobilissimam illam Friderici constitutionē *de prohibita feodi alienatione*: Item *de feudi recognitione* exposuerunt, & ad eas cætera ferè, quæcunq; de feudis dici possunt, congestère: alii novum ordinem fabricarunt, relicta librorum feudalium serie: ac suos libros inscripsère vel


vel *Commentarios feudales*, vel *Tractatus*, vel *Epitomas*, vel *Praludia*, vel *Analyses*, vel *Compendia*, vel *Methodos*, vel *Synopses*, vel *Specula*, vel *Disputationes*, vel etiam *Nu- cem*: alii denique tantum quæstiones & controversias quasdam nobiliores & insigniores, quæ de feudis existere atq; agitari solent, sibi sumpserunt pettractandas: ut maximè *Hartmannus Pistorius*, & *Andr. Fachinæus*. Omitto hinc qui vel consiliis suis, vel aliis libris multa admiscuerunt Feudistica: ut *Andr. Gail. Ioach. Mynsingerius*, *Hartmannum Hartmanni*, *Topica Everhardi*, *Practicam seu formulas libellorum Ferrariensis*, &c. item *Classes Ioan. Oldendorpii*, prope finem. Quis est autem omnium, qui Consilia scripserunt, qui non sepius etiam de feudali aliqua controversia responderit? ut proinde longum sit hos recensere. Inter Germanos quidem maximè excellunt *Ioannes Eichardus*, *Modestinus Pistoris*, *Ioach. Mynsingerius*, *Ludolphus Schraderus*, & *Ioannes Borcholdus*. Omitto quoq; plurimorum passim editas, maximè in Academiis Germanicis, theses ac disputationes de feudis. Nobis hoc tempore in docendo & explicando isto argumento maximè placet uti formâ partitionum, quem docendi modum & faciliorem & jucundiorē fore confido Auditoribus pariter, pariterq; mihi: idq; ad exemplum & imitationem *Ciceronis* & *Hotomani*. Extant enim, & versantur omnium manibus, illius quidem partitiones oratoriæ: hujus autem partitiones juris civilis, ferè secundam seriem & filum Institutionum Justiniani conscriptæ, elegantissimo libello. Uterq; scriptor variat orationem interrogando & respondendo: quæ quidem ratio ad primam institutionem accommodatissima videretur. Taceo quod & antiquus Glossator *Rogerius* de præscriptionibus tractatum in forma Dialogi scripsit: & *Iulius Clarus* de feudis non nisi per quæstiones tractare voluit. Horum igitur magnorum certerè auctorum, exemplo nos quoque de præcipuis juris feudalis locis introducemus, cum interrogantem discipulum, tum ei respondentem, eumq; erudientem



Magistrum : & quæstionem à responsione per literas D. & M. præpolitus discernemus. Et discipulo quidem potius nunc tribuimus interrogandi partes quàm magistro; quòd illius discèdi cupiditas quærendo sæpè rogitandoque peritiores sese maximè exerat (nam & Plato inter Notas bonæ indolis hanc ponit, esse ζητηπλὸν, id est, talem qui libenter interroget.) Magistri autem est officium, erudire discendi cupidum, & quærenti de quæsitis respondere. Aliquando tamen hic ordo etiam invertitur, & hæc quærendi respondendi que partes inter se commutantur: Fir, inquam, interdum, ut interroget magister, respondeat discipulus, cùm videlicet velut rationes eorum, quæ accepit à discipulo, exigit magister, ejusque fidelitatè memoriæ excutit, quasi qui depositum reposcat: quod fit in repetitionibus atque examinibus. In his autem Partitionibus tradendis eum servabimus ordinem, qui & maximè naturalis est, & ad intelligendum accommodatissimus, & quem à nobilissimis quibusque & peritissimis interpretibus servatum videmus: quorum vestigiis ita insistemus, ut tamen etiam de nostro aliquid simus addituri. Nam miserum est aliorum incumbere ut famæ, ita & laboribus, cùm nihil ipse ex te promas. Contrà verò inventis aliorum aliquid addere, & τὰ κοινὰ χερσὶν, vulgata noviter tractare licuit, semperque licebit, nec unquam nisi honestum est habitum. Unde Vincentius Lirinensis Commonitorii part. 1. præcepit rectè: *Eadem qua didicisti, ita doce, ut cùm dicas novè, non dicas nova.* Sed priusquàm aliqua calamo à vobis excipi more consueto patiar, quorum sit relegendi & ruminandi copia (nam scripta manent, cùm vox alata faciliè aures prætervolet) breviter una alterave, aut summum tertia acroasi nonnulla de principis hujus doctrinæ capitibus disseram, non ingrata, uti spero, futura huic auditorio, sed opportuna, & illis, qui jam antea de feudis aliquid vel legerunt, vel audiverunt, & his qui nunc primum ad ea cognoscenda animum applicuerunt. Illis enim in hac nostra



citatione grata & jucunda erit eorū, quæ antea legē-  
runt, recordatio, ἀνάμνησις & ἀνακεφαλαίωσις. (Dul-  
cis enim & grata cognitio est etiam nota repenti, ut  
ait elegantissimus sacræ historiæ scriptor *Sulpic. Seve-  
rus*) istis hæc synopsis & summaria totius juris feuda-  
lis comprehensio ad id prodesse ac servire poterit, ut  
in animo ipsorum rudis quædam informatio, & velut  
adumbratio fiat eorū, quæ suo tempore magis enu-  
cleata & illustrata proponuntur. Ex iis capitibus pri-  
mum erit *de feudorum ortu & incrementis*: de quo cra-  
stina habebitur Schola. Subsequentur deinde alia.



## PARTITIONES JURIS FEUDISTICI,

*Auctore*

CUNRADO RITTERSHUSIO.



ROÆMIUM, continens doctrinam Feu-  
dalis commendationem, & Oeconomiam  
operis, aliq̃, præparatoria.

Vetus ac pervagata est querela, & res no-  
tior quàm ut verbis egeat, libros feudales, quibus ho-  
die utimur, sine omni ordine conscriptos esse, ut ma-  
gis cujusdam rhapsodiæ, & farraginis atq; centonum  
malè consutorum, quàm librorum ex arte factorum  
nomen mereri videantur. Quam in re pariter & mirari  
& misereri licet infelicitatem hujus juris: quod ta-  
men est Reip. utilissimū, & moribus nostris frequen-  
tissimum, & jam tot seculorum lapsu auctoritateq; &  
consensu gentium prudentissimarū comprobatum.  
Nam si eventu, qui & stultorum magister dicitur, tan-  
dem fuisset compertum hoc institutum Feudisticum  
Reipub. perniciosum, & hallucinatos esse, qui vel pri-  
mi inventores & auctores ejus, vel etiam adprobato-

res extiterunt: non est credibile, tam insanos & stolidos futuros fuisse homines, ut re pernitiola tamdiu, tamq; constanter per tot secula uterentur: cum præstet retrorsum currere, quam semper malè procurre, ut est in proverbio, quod hoc veteri versu Jambico Græci exprimunt:

Παλινδρομεῖν δὲ μᾶλλον, ἢ χακῶς δερμεῖν.

Testatur Jason in præludiis feudorum, præstantissimum suæ ætatis Jurisconsultum Bononiensem, Antonium de Prato veteri, reformasse, & in meliorem ordinem atque in compendium aptius redegisse hos libros, refertis & truncatis superfluis: quod opus dedicavit Friderico III. Imp. qui id adprobavit, & mandavit in publicis Scholis prælegi. Eiusdemq; operis meminit & Ioan. Cuspinianus, scribens, se id vidisse apud amicum, & valdè laudat à pulchritudine ordinis. Meminit quoque Hotom. in Præfatione Commentariorum in libros Feudorum. Hic liber si extaret, præsertim publica autoritate Imperii confirmatus, magna molestia nos liberaret, & vulgatos hosce libros de usibus feudorum tanquam non scriptos aboiere posset: *Extinguit stellas exortus ut atherius Sol*, ut canit Lucret. Sed ille, quod mireris, velut quidam fœtus abortivus lucem hætenus non adspexit: quamvis valde verisimile sit, alicubi in bibliothecis vel publicis, vel privatis eum adhuc latere: unde sperare liceat, aliquando ab indagatoribus rerum vetustate deperditarum prolatum iri: nec dubito, quin huc multum conferre possit Cl. vir Hugo Blotius, JC. Sac. Cæs. Maj. Bibliothecarius, què id ut faceret per literas pro nostra vetere notitia rogavi. Interea cum benè ordinato libro feudali, cujus seriem in interpretando sequamur, destituti simus: unusquisq; ferè interpretum sibi suum quendam ordinem excogitat, & propriam quandam sequitur docendi rationem, alius aliam architectatur. Hinc alii suos de feudis libros inscribunt *Commentarios*, alii *Tractatus*, alii *Epitomas*, alii *Synopses*, alii *Analyses*, alii *disputationes*, alii *Paraphrases*, alii

*Praludia*, alii *Specula*, alii *Quæstiones*, alii *Controversias feudales*: alii deniq; alios suis operibus præfigunt titulos: quorum singulis suam, quam quisq; meretur, laudem libenter tribuimus. Placuit autem nobis hoc tempore auditoribus nostris tradere *Partitiones feudales*: quando hunc docendi modum ad primam institutionem quàm maximè adcommodatum fore arbitramur. Quod quidem experiundo magis intelligi, quàm initio magnificè prædicare malumus. Sequemur hac in re, licet impari gradu, magnos duces, *Ciceronem & Hotomanum*: quorū ille jam senex ad filium scripsit *Partitiones oratorias*: hic *partitiones juris civilis* composuit, nec veritus est duobus Illustriss. Principibus Hassiæ Landgraviis, Wilhelmo & Mauritio, dedicare. Nec nos igitur pudere debet, si partitiones feudales conficiamus, in quibus alternâ vice introducamus nunc interrogantē discipulum, nunc ei respondentem, eūq; erudiantē magistrum. Discendi namque cupiditas, quæ sola ferè facit, ut plurimum discendo proficiamus, maximè sese exserit in benè natis ingeniis crebrò quærendo rogandoq; peritiores: quod & Plato inter aliàs bonæ indolis notas ponit. Notum est etiam Ulp. J.C. cognomentum *καίεκαί*, quod ab hac sciscitandi crebritate ei datum est, ut ex Athenæo didicimus. Initium igitur tale sumamus à rogando.

**DISCIPULUS.** *Studeo ex te summam quandam audire eorum, quæ de jure feudistico à majoribus tradita observantur: Adcensus enim sum cupiditate hujus juris cognoscendi, cum nuper te audirem de feudorum utilitate, necessitate, honestate, jucunditate & difficultate differentem.*

**MAGISTER.** Laudabilis sanè est hæc tua cupiditas, quam equidem omninò, quantum in me erit, implere studebo. Rectè autem accepisti, ejusq; fac perpetuò memineris, siue utilitatem spectes, quæ plerumque mortalium animos maximè solet commovere, nihil esse feudorū doctrina utiliùs, nihil fructuosius, non solùm quoad singulos & privatos, sed etiam

quoad statum Reip. siue necessitatem intuearis, nihil esse, quo minus carere possit Imperiū ( quale id nunc quidem per aliquot secula fuit ) ad statum sui conservationem, quā feuda, quibus everfis atque abolitis, necesse sit una converti, atq; interire totam Remp. siue honestatem quæras, quæ in generosis animis plurimum valet, nihil posse hac cognitione honestius cogitari: siue jucunditatem voluptatemq; sequaris, quæ cum honestate conjuncta, maximè unumquemque nostrum invitat & adlicit, nihil esse juris feudalis doctrina suavius, nihil jucundiùs: siue denique hujus argumenti difficultatem cōsideres, eam tantam esse, ut vix concedat ulli parti juris civilis aut canonici. Unde factum videmus, ut hoc jus feudale, nec pauciores, nec ignobiliores Interpp. tam olim quā hodie nactum sit, quā vel jus civile, vel canonicum. De difficultate autem, quod dixi, tantum abest, ut deterere te debebat, vel cupiditatem tuam, quam præ se fers, imminuere, ut potius valeat ad excitandam attentionem. Meministi enim & artem & virtutem circa difficilia versari. Neq; tamen ea difficultas est tanta, quin facilè queat superari adhibita mediocri diligentia, dummodo certa via ac ratione rem adgrediamur, & ordine in ea tractanda discendaq; progrediamur.

2. D. *Quonam autem ordine putas commodissimè feuda tradi ac percipi posse? Alios enim alia via ingressos video: & ferè suus cuiq; mos, suum institutum pulchrum est?*

M. Nimirum hoc ordine: ut primò videamus, unde orta sint feuda, à quibus populis inventa & usurpata, & quantum autoritatis tribuendum sit iis libris, qui de feudis circumferuntur, & corpori juris civilis pro appendice subjici solent, pertineant ad jus scriptum, an ad non scriptum? Nomen *feudi*, quod *ἐνυμων* habeat, & quæ sunt alia hujusmodi. Deinde, quia sunt quædam negotia, quæ cum feudo magnam cognationem habent, & ab eo tamen toto genere distant: hæc à feudo accuratè discernenda sunt, priusquā ad feudi de-

di definitionem adcedere possimus, ne similitudo nobis imponat. Tum definitio feudi ejusq; explicatio subjicitur. Quartò divisiones feudorum recitabuntur, & singularum specierum brevis declaratio adjungetur. Porro cum omne jus, teste Ulpiano & sensu communi, consistat vel in acquirendo, vel in conservando, vel in amittendo: de feudorum quoque jure tractantem oportet per hæc tria capita ire, & hunc naturæ ordinem sequi, ut exponat scilicet quomodo feuda adquirantur, quomodo acquisita conserventur, & quod eorum jus sit tam quoad vasallum, quàm quoad dominum sive seniore. Deniq; quomodo, & quas ob causas amittantur. Igitur quoad acquisitionem feudi, prima occurrit inspectio personarum, qui locus est duplex: Nam & de iis quærendum, qui feuda dare seu constituere, seu concedere possint, & de iis qui accipere, sive (ut Feudistarum verbo utar) quonam possint infeudare, & quinam infeudari. Non enim passim omnes possunt. Cùm de personis tanquam efficiente causa constituerimus, proximum erit, ut exponamus de rebus, quæ sunt quasi materia, in qua feuda constitui & consistere possint. Cùm & de personis, & de rebus cognoverimus, proxima succedit visio de modis acquirendi feudi, qui ab aliis plures, ab aliis pauciores ponuntur, ut suo loco audies. Inter modos constituendi feudi in primis occurrit *Investitura*; in qua considerata erunt pacta, quæ hîc mirificè variant, & ut solent legem dare contractibus jure gentium vel civili cognitis, l. 23 D. de R. l. l. §. si convenit, D. de pos. Ita & feudorum naturam variè informant ac reformant. Quia etiam jusjurandum fidelitatis, quo se vasallus seniori obstringit, plerunque vel statim in collatione investituræ accedere solet, vel mox eandem subsequi: ejus formula nobis cognoscenda erit, & capita illius excutienda. Videndum etiam de investituræ renovatione, quoties & intra quæ tempora fieri debeat. Dicendum etiam hîc de successione feudali, quæ tota (ut audies) est ab intestato: testamen-

taria verò nulla. Dicendum & de præscriptione feudi, & si qui alii sint ejus acquirendi modi. Docebo autem plures esse quam tres illos, quos vulgò ferè solos norunt. His ita cognitis, sequetur jus feudi aliquo horum modorum adquisiti, quale nam sit, quidq; adferat commodi vasallo, & quomodo, atque ad quid rursus ipse eo nomine obligetur seniori: quibus item modis ac remediis juris ab eodem vasallo conserve-  
tur. Adquisitionem & retentionem, seu conservatio-  
nem feudi naturali ordine sequetur *Amissio*. Nihil est enim in rebus humanis stabile aut perpetuum: & ferè quibus modis adquirimus, iisdem in contrarium actis amittimus, l. 153. de reg. jur. Iisdem modis res desi-  
nunt esse nostræ, quibus adquiruntur, l. 1. D. pro dereli-  
cto. Cognoscendum igitur erit, quæ sint ex causis, ob  
quas feudum amittatur: feudum amissum cui aperia-  
tur, & ad quem redeat, quidque de fructibus sit juris.  
Ultimum erit caput de actionibus, quæ feudi nomi-  
ne dentur: de judiciis feudalibus, eorumq; forma, or-  
dinè sive processu: quis in causis feudalibus sit com-  
petens iudex: cui incumbat probatio: quæ sint pro-  
bationū genera, quæ vel olim fuerunt recepta, vel et-  
iam hodie usitata. Hæc sunt præcipua capita, ad quæ  
ferè omnes, quotquot de feudis existere possunt quæ-  
stiones, non incommodè referentur: quamquam no-  
stri instituti non est omnes illas ad longum persequi.  
De his capitibus tuum erit ordine ex me quærere,  
meum respondere, aut interdum brevitatis causa ad  
alios te remittere.

3. D. Pulcherrimam sanè copiam & vltim optimarum  
rerum velut intento digito mihi commonstrasti, & earum  
capita atq; æconomiam recensuisti apto ac dilucido ordine:  
quem ego tanquam filium quoddam Ariadna subsequens te  
de singulis interrogabo, dummodo ne tibi molestum sit, mihi  
hanc operam impendere, meq; de qua sitis erudire.

M. An est quidquam quod ego malim, quàm te, ut  
in cætero omni jure doctum ac benè versatum esse,  
ita & juris Feudistici non ignarum: cujus quidem (ut  
aliàs

aliàs quoque dixi) tam est necessaria doctrina, ut sine eo nō dicam perfectus Jurisperitus nemo, sed ne quidem tolerabilis esse quisquam possit. Cave autem putres, mihi ullum esse laborem uolestum, quem in te tuique similibus, hoc est, honestis, & discendi cupidis adolescentibus, instituendis capio, cū præsertim alios docendo meipsum sæpè doceam, aut certè antea lecta & percepta recorder atq; rulinem.

In adlegendis autem vel textuum feudalium, vel Doctorum siue Interpretū autoritatibus ea utar moderatione, ut nimis manifesta, & ex jure quoq; civili omnibus nota non sim nimis sollicitè probaturus, *περιωλόγων* quorundā exemplo videamur soli mero meridie faces adcondere; sed tantū dubia, quæque necessariò probationem desiderant. Sed nec illud unoquoq; loco dissimulabimus, unde quidq; hausserimus. Hoc enim ingenui esse animi Plinius quoq; scribit, fateri, per quos profeceris.

## FINIS PROOEMII.

## PARTITIONUM FEUDALIIUM

## LIBER PRIMUS.

## CAPUT I.

*De origine feudorum varia sententiæ referuntur & examinantur. De auctoribus & auctoritate horum librorum, qui de usibus feudorum inscribuntur. De feudi jure quæstiones quædam generales & præliminares. De nomine & etymo feudi. De verbis feudalibus.*

I. D. Cū igitur feuda nusquam in jure civili Iustin. nominentur, quid super eorum origine censes, quando, aut à quibus introducta esse ais?

M. Difficile illud quidem factum est in tanta opinionum discrepantia. Ferè enim quot capita Interpretum, totidem sunt sententiæ, quas vel referre longum



gum foret, nedum explicare. Numeravi autem aliquando quasi 12. discrepantes sententias.

2. D. *Sed aveo scire tuam.*

M. Mihi hoc verissimum videtur, feudorum institutum esse Germanicum, introductum non tantum à Longobardis (qui ex Germania profecti, in Italiam infusi sunt, ejusq; partem occupârunt eam, quæ hodie *Lombardia* vocatur) sed etiam ab aliis Germaniæ populis, ut Alemannis, Francis, Bajoariis, Suevis, & Saxonibus: etiam Gothis, ut vult Hotom. Omnes enim ad hujus velut Pandoræ Hesiodeæ exornationem certatim contulerunt.

3. D. *Quæ habes hujus rei argumenta, unde id colligas?*

M. Primum inde, quod historici rerum Germanicarum ferè soli feudorum mentionem faciunt. Nam quod Itali quoque & Galli feudis usi comperiuntur, scire debes eos à Germanis accepisse, cum Longobardi Italiæ, Franci Galliæ partem occupassent. Facile enim solent alicujus gentis instituta utilia & laudabilia in exemplum trahi, atq; in mores adsumi etiam ab aliis populis. Exemplum habes in emphyteusi seu agris vectigalibus. Quod genus contractus Romani mutuati videntur à Byzantinis, ut alibi dictum. Exemplum aliud in acceptilatione, quam, sicut omnem stipulationem cum invenissent Romani: deinde etiam aliæ gentes propter insignē ejus utilitatē, quam habet in contractibus & solutionibus, fecerunt suam. Unde Ulp. in l. 8 in fin. D. de acceptil. ait: *Hoc jure utimur, ut juris gentium sit acceptilatio.* Sic ergo & hoc institutum Germanicum aliæ gentes sunt amplexæ, cum ejus utilitatē perspexissent. Deinde originem feudorum Germanicam satis arguunt, & nomina ipsa feudalia, & formulæ, quæ maximâ ex parte sunt Germanicæ; quamvis quædam verba hodie vix à Germanis ipsis intelligantur: quod hîc propter vetustatem eò minus mirandum est; cum & Romanis posterioribus idem acciderit in eâ linguâ, quâ leges regiæ, & xxi. tabb. fuerant conscriptæ. Accidit etiam nobis hæc diffi-



difficultas & obscuritas verborum ex eo, quod sæpè mirificè sunt corrupta, cum in aliam linguam transfunduntur, cumque ad Latinorum consuetudinem & terminationem ad commodantur; ex quo fit, ut vix amplius agnoscas eadem esse. Sic ex *Morgengab*/quod nobis significat munus matutinum, *Morganaticam* fecerunt feudistæ: ex *Ostendienst*/fecerunt *Hosenditias*: ex *Hereslicth*/ *Hereslicium*.: ex *Kampff* (quod est lucta seu certamen) fecerunt *campionem*: ex *Wart*/ id est, custodia, *Guardiam*: ex *Markt*/ id est, limite, *Marcham*: ex *Leuth*/ id est, hominibus, fecerunt *leodes*: ex *Wesien*/quod est stabilire, firmare, fecerunt *vestire*, & compositum *investire*: ex *Schlen*/vel *Ballen*/quod est labi, fecerunt *feloniam*, & similia quàm plurima: de quibus videre licet Hotom. de verbis feudalibus, & Cujac. in comment. feudorum. De nonnullis etiam Marq. Freherum in comment. ad constit. Caroli III. de feudis. Illi enim præclare omnia ad suos fontes revocarunt, magnoque labore ac tædio nos sublevârunt.

4. D. *Intelligo, & assentior tibi facile, feudorum originem Germanis adscribendam esse. Scire autem velim, quid eos impulerit ad hoc insitutum excogitandum. Nihil enim sine causa fit, ut & Cicero ait in Top. & est tritum sermo proverbium.*

M. Causa hujus instituti prima & antiquissima fuisse videtur, ut principes sibi adjungerent beneficiarios, quorum operâ militari in expeditionibus, quoties usus incidisset, uterentur, & ut hujus operæ præmium atque auctoramentum essent prædia quædam ipsis concessa, ex quibus vasalli sese honestè alerent atque exhiberent. Hinc est, quod toties vasalli appellantur *militēs* in libris feudorum: ut tit. *Quo tempore miles investituram petere debeat*: Item tit. *De milite vasallo, qui arma bellica deposuit*, & tit. *De milite vasallo, qui contumax est*: & passim alibi.

Hinc & *Capitanei*, in feudis nominantur pro vasallis: ut *Capitanei regni*, lib. 1. tit. 1. & tit. 7. & 17. Item tit. *de capitaneo, qui curiam vendidit*. Verisimile est au-

rem Principes Germanorum, qui vel Galliam, vel Italiani occuparant, quo sibi & suo generi, suæque etiam genti imperium firmarent, devictarum gentium dominia illustribus ex sua gente viris cōcessisse: de quo vide *Vincentium Cabotium lib. 2. diffut. jur. c. ult.* Sanè ex historicis rerum Germanicarum, nec non ex Constitutionibus Imperatorum quorundam ac Regū Germanicorum satis constat, inter cæteras causas feuda etiam ob id data fuisse tam Episcopis quàm laicis, ut haberent plurimos comites ac socios expeditionum, cum aliarum, tum Romanæ, quam suscipiebant ad petendam à Rom. Pontifice coronam auream, posteaquam accepissent ferream Aquisgrani, & argenteam Mediolani: his enim tribus in locis antiquitus coronabantur. Solebant autem jam superatis Alpibus, priusquàm rectà pergerent Romam, Roncaliis convenire, & castra locare, ibidemq; aliquot dierum conventus agere, & cum Principibus Imperii de jure ac legibus, de pace & bello, deq; omni Republicâ deliberare ac decernere, & quicumq; ab Imper. beneficia habebant, nisi in illis campis castrisq; adessent, & voce præconis citati ad dilectum respondissent, excubias item egissent circa Imperatorem: ii ob contumaciam feudis suis privabantur, sive clerici essent seu laici, nisi fortè veniam impetratâ domi remansissent. Vide hæc de re *Othon. Frisn. lib. 2. c. 12* & *Gunth. initio lib. 2.* Hæc, inquam, feudorum instituendorum prima occasio & causa fuisse videtur, ut essent beneficia quedam militaria, & nervi, quibus Imperium Germanicum contineretur ac vigeret. Sed deinde, (ut fieri solet) res latius diffundi ac patere cœpit: neq; tantum ad militaria, sed etiam ad alia honesta officia in pace obcunda concessa sunt feuda. Præterea etiam hoc ad originem feudorum pertinet, quod sicut olim fideicommissa primis temporibus valdè infirma fuerunt, ut quorum prima cūnabula tantum à fide hæredum penderent, sed postea magis magisq; cōfirmata sunt, & ad necessitatem juris redacta, teste Imper. in §. 1. *Inst. de*

*de fideic. hered.* §. 5. & quia primo, eod. tit. Ita etiam feudorum initia valdè fuisse tenuia & imbecilla, paulatim verò magis magisque rem à tenui exordio profectam crevisse, quod eleganter declarat Feudista in §. 5. & quia vidimus, lib. 1. tit. 1. Antiquissimo enim tempore dominus pro arbitrio suo revocare poterat feuda quandocunq; voluisset, perinde ut precarium jure civili revocari potest, l. 1. l. 12. & l. 13. D. de prec. Deinde eò ventum est, ut per annum tantum valerent. Tertiò, ut ad vitam vasalli producerentur: morte verò ejus sicut usus fructus finirentur. Quartò, ut etiam ad filios pervenirent. Quintò, ut etiam ad nepotes ex filio. Sextò, ut frater fratri quoq; succederet in feudo, itemq; fratris filio. Septimò, ut etiam ceteri agnati usque ad septimum gradum: qua de re latius infra in loco de successione feudi. Porro de feudorum ortu & incrementis memorabilis est locus apud Nicolaum Cusanum Cardinalem (qui tempore Synodi Basilienfis vixit) c. 28 lib. 3. De concordantiâ Catholica, quem recitabo, quòd non parum illustret d. §. 5. & quia vidimus.

Ordinabantur, inquit, etiam tunc Principes, Duces, & Comites constituti debere, tanq; officia publica, imperiali jussione habentes ad nutum removitilia, rationem sui ministerii arario publico reddere. Post hac, quia Senatorum filii, licet equestres primò forent, tamen ad Senatum demum perveniebant: introductum fuit, ut parentibus ritè in officio se habentibus, filii eodem officio nò privarentur, ad illum finem, ut patres minus avaritia studerent, habentes de successione in officio certitudinem: & etiam, ut eorum subiecti minus tunc gravarentur per patrem, quando & ipsi sui posteris praeesse deberent. Tandem ut imperiali Celsitudini nulla incommoda detractoria dominorum in futurum crescente potestate officiatorum exorirentur; feudalìa introducta sunt statuta, & de fide servanda strictissima juramenta, quae per unumquemq; vasallorum instituendorum praestare, & sub poena perditionis feudi inviolabiliter servari deberent. Est deniq; alia lex edita: Ad magna feuda plura nullum accumulative succedere posse; ne sic plura magna accumulando,

do, potentia subditorum in tantum excreſceret, ut dum tyrannica rabie, immemor juramentorum, apicem dominandi (cujus appetitus per acquisitionem creſcit) appeteret, Imperii potentia ſchiſmatica turbatione viſceret. Erat inſuper Imperatorum conſuetudo, facile accuſationes fracta fidei & perjurii admittere, ut fidelitas, per quam ſolum perſiſtit Imperium, nunquam negligentia parvi penderetur. Pœna verò erat privationis, fidem non ſervanti. Et tunc ne invidia fortè incitaret nobiles ejuſdem ſanguinis, contra eum, cui hæc ablata donarentur: iſta quæ ſic in commiſſum ceciderant, ſacri Imperatores Eccleſiis frequenter applicarunt, &c. Hæc Cuſanus: ubi, quod ait, officia Principum, Ducum, & Comitum initio fuiſſe ad nutum Imperatoris removibilia, eoſque rationem ſui miniſterii coactos fuiſſe reddere ærario publico; id valdè convenire videtur cum inſtituto Turcico, quo officia ſimiliter non ſunt hæreditaria, ſed ex nutu Imperatoris Turcici pendent: ipſum quoque nomen *Baſſarum* tantam habet affinitatem cum *Vaſſorum ſeſdaliū* appellatione, ut ex eo deductū quoque videri poſſit: quæ conjectura quorundam nec Fr. Hotomano diſplicet *diſp. de feudiſ, c. 3.* Cætera, quæ hîc adferuntur, de privatione feudi ob fractâ fidem, & adſignatione olii Eccleſiis potius quàm agnatis fieri ſolita, explicabuntur infra, cùm de amiſſione feudi quæremus. De origine quoque feudorum operæ precium eſt audire Æmil. Ferretum *ad l. legitima, n. 17. D. de pact.* qui ait contractum feudalem juri gentium & civili incognitum eſſe, introductum à conſuetudine & voluntate Imperatorum. Mallem addidiſſet, *quorum populorum conſuetudine*: ſed intelligere debes, non modò Longobardorum (ut plerique putant) ſed etiam Germanorum aliorum. Idem Ferretus feuda putat accommodari poſſe ad beneficia, quæ ab Imperatoribus Rom. concedi ſolebant, & ex inſtituto Tiberii non aliter rata habebantur à ſucceſſoribus, quàm ſi & ipſi eadem iſdem dediſſent: quæ omnia Titus Veſpaſianus uno confirmavit edicto, nec à ſe peti paſſus eſt, ut de hoc optimo

Imp. scribit Suetonius in *Tit. c. 8.* quem locum Hottomanus quoq; laudat, *c. 27. de feudis.* Et sanè petitio renoyationis investituræ à novo domino feudi faciendæ habet aliquid simile, nisi quodd hanc sine justâ causa dominus vasallo denegare non potest, ut infrà suo loco audies, cùm illæ confirmationes beneficiorum à superioribus Principibus datorum ex merâ voluntate successoris pependissent.

S. D. Dixisti *suprà*, varias ac discrepantes esse aliorum sententias super feudorum origine. Quia verò jucunda non minus quàm fructuosa est diversarum sententiarum collatio; velim mihi precipuas breviter enumeres, cùm quidem & Aristoteles de beatitudine disputans, non satis habuerit suam proposuisse sententiam, sed etiam aliorum examinet.

M. Rectè tu quidem admones, & morem tibi geram. Proderit enim hæc res etiam ad hoc, ut nihil antiquitatis penitus ignores, *arg. §. 1. Inst. de testam. ordin.* Est igitur, qui existimet, feuda fere cum ipso genere humano extitisse, & ortum habere à prima monarchiâ, & iis, qui primi in alios Imperium usurparint. Quamvis enim nondum tale nomē habuerint *feuda*: tamen rem ipsam jam fuisse, cui tandem nomen dederint, & jura, quibus hodie utimur, præscripserint Longobardi. Ita Ioan. Niellius in *initio disput. feud.* Quam sententiam suam probabilem facere conatur locis quibusdam S. Scripturæ, & Xenophontis in medium prolati. Sed aliud est, regem aliquem sibi facere tributarium, aliud vasallum. Deinde, Sattapæ Persarum longè à vasallis nostris differebant: quod est per se cuiusvis obvium. 2. Alii feudorum primam causam retulerunt ad prædia tributaria & stipendiaria, quorū quæ sit conditio, meministi ex §. *per traditionem, Inst. de rer. div.* Ita Lucas de Penna. Sed vasallus domino nullum pendit tributum de feudo, nullum stipendiū, sed servitia, & plerūq; militaria præstat pro prædio sibi gratuito, & ex benevolentia domini concessio. 3. Alii feuda repetunt à veteri Romanorum instituto de fundis limitaneis, de quib. extat *tit. C. li. ii. de fundis limitrophis*; quo-

quomodo & Alexand. Imper. teste Lampridio, agros quosdā in limitibus & finibus Imperii Rom. assignabat militibus & ducibus possidendos, tuendosq; adversus hostium & barbarorum incursiones. Cogitabat quippe eos tantò acriùs & fortiùs pro illis propugnaturus, si non tantùm pro salute Imperii, sed etiam pro suis bonis dimicarent. Ita *Lelius Taurellus*, & *Wolphgangus Lazius de Repub. Rom. lib. 1. c. 2.* Sed neque isti agri limitanei omninò cum feudis conveniunt. Feuda enim non ita sunt propria vasallorum pleno jure, ut illi agri fuerunt militum. 4. Alii feuda fluxif. se putant ex more Romanorum, qui veteranis & ceteris militibus agros debellatorum hostium assignabant, veluti præmii loco pro legitimè impletis stipendiis, & prælatè navatā in bellis operā Cujus assignationis non tantùm apud Poëtas, Ovidium & Lucanum, & apud Sueton. in Jul. Cæsare, sed etiam in jure nostro nō semel fit mentio, ut l. *Lucius 11. D. de evict. l. 15. §. 1. D. de rei vind.* Et subseciva dicebantur, quæ assignari non poruerunt, & in assignantis potestate remanserunt, teste Aggeno Urbico, & Julio Frontino, de limitibus agrorum, ubi idem Urbicus docet, neminē habuisse jus assignandi, nisi qui à Principe hanc potestatem accepisset. Assignare autem, inquit, nullo modo potest, nisi sacra fuerit præceptione firmatus. Citatur hujus sententiæ auctor *Vigl. Zuich in lust. de mil. test. n. 22.* ubi tamen de illa veteranis fieri solita assignatione agrorum nullum verbum est. Tantùm, ait, se arbitrari, feudorum jura inde sumpsisse originem, quod pleriq; veterum Impp. diligenter soliti sint providere, ut peritum exercitatumq; militem haberent. Differentiæ autem inter feuda, & istos agros veteranorum cuiusvis obviæ sunt. 5. Alii feuda derivant à largitionibus Imper. qui ab exercitū eligebantur. Hi namq; ut milites haberent obsequenres, & in officio ac fide continerent exercitum, largitionibus sibi devincire cogeabantur. Cumq; ad hoc non sufficerent pecuniæ, & prædia ex hostibus capta, veniendum fuit ad

ad officia & præfecturas, quæ militia appellabantur. Ita Nic. Vigel. in *methodo de jure feud. c. 1.* Quæ sententia ferè congruit cum Gregorio Haloandro. 6. Haloander enim feuda à militiis quoq; repetit, quarum in jure civili passim mentio fit, & fuerunt officia quædam seu ministeria, quorum commoda poterant emi & vendi, legari, oppignorari, l. ult. C. de pign. l. 18. §. ab hered. D. de alim. leg. l. penult. inf. D. de leg. 3. l. 30. C. de inoff. test. ubi Azo in comment. *militiam* vocat *præbendam* aliquam. Sed quàm hæc sint dissimilia, facilè intelligis, cum illæ militiæ fuerint officia personalia, feuda verò sint jura realia, & quidem regulariter in rebus immobilibus constituta. Vide Duarenum num. 1. hic.

7. Zas. & Budæus, eosq; secutus Hannetonius, feuda repetunt à veteri jure clientelarum, quas Romulum instituisse scribit Dion. Hal. lib. 2. Ea q; lex Romuli etiam in leges XII. tab. est relata, sicut & aliæ leges regiæ. Patronus (inquiunt decemviri) si clienti fraudem faxit, sacer esto: quæ verba refert Servius in 6. Æneid. ubi clientes suo tempore susceptos fuisse dictqs adnotat. Sed longè alia hujusmodi clientelarum jura fuerunt, de quibus vide Gellium lib. 13. c. 5. Alia verò feudorum jura sunt, de quibus infra. Quamvis & vasalli passim vocentur *clientes* & *clientuli*. Seniores autem patroni, lib. 1. tit. 13. de alien. feud.

8. Alii feuda referunt ad homines, quorum sæpè in jure fit mentio, maximeq; in posteriorum Imp. rescriptis: ita Cujac. & alii hunc secuti. Pro qua sententia facere videtur, quod etiam in jure feudali homo alicujus dicitur vasallus, & homo Papæ, id est, vasallus ejus (quamvis falsò) dicitur Imper. Romanus in veteri epigrammate, quod Romæ ad picturam Lotharii adscriptum fuisse accepimus, cui masculè contradixit Imp. Frider. I. idq; unà cum picturâ aboleri postulavit ab Hadriano I V. ut scribit Radouic. lib. 1. c. 10. & ex eo sumpsit Gunth. lib. 6. Ligurini. Sed homines illi servilis ferè erant conditionis, nec ad militiam aspirare poterant: cum vasalli sine liberi homines, & ferè milites. Homines illi erant quasi



quasi glebæ adscripti, tanquam æconomi, seu actores & custodes quidam. Vassalli verò sunt quasi domini, & seniori suo fidelitatē jurant nomine feudi, quam isti homines nō jurarunt. Rectè igitur Hotomanus eam sententiā, licet suppresso nomine Cujacii, refutat, c. 2. *sua disput. de feudis.* 9. *Francisc. Conan. lib. 2. com. c. 9.* feuda repetit ex Gallia, & quidem à veterum Gallorū Solduriis, de quibus legisti apud *Cæsarem 3. de bell. Gall.* quibus similes fuerunt eorundem Gallorum *Ambacti & Clientes*, de quibus idem Cæsar scribit *lib. 6. de bello Gall.* & l'et. *Greg. syntagm. jur. lib. 14. c. 10.* Similes etiam his ferè fuerunt Germanorū veterum Comites, quorum præcipuum sacramentum fuisse scribit Tacitus *de morib. Germanor.* defendere suum Principem, & pro eo pugnare. Huic verò superstitem ex acie recessisse, infame ac probrosum ipsis erat in omnem vitam. Quod quidem ferè similiter in vassallis nostris receptum esse infra cognosces. Sed neq; Soldurii clientes & ambacti Gallorum, neq; Comites illi antiquorum Germanorū per omnia correspondent vassallis, quod facile intelliges, ubi singulorum descriptionem inspexeris, & inter se contuleris. 10. Duarenus aliiq; vulgò Longobardis adscribunt feudorum inventionem: quæ sententia ex parte tantum vera est, non universè, ut suprà dixi. Nam Longobardi invenerunt, & usi sunt illi quidem, sed non soli. 11. Alii denique feuda ab initio nihil aliud fuisse volunt, quàm precarium, ideoq; & jure civili non incognita; nam ut precarium repeti potest ad nutū ejus qui concessit quandoq; is voluerit; ita feudum quoq; olim poterat, ut suprà dixi *ex tit. 1. lib. 2. feud. §. Et quia vidimus.* Sed in precario nulla fidelitas juratur: ut taceam, quòd pluribus in rebus precarium esse possit quàm feudum, quod non nisi in immobilibus.

6. D. Video in singulis harum opinionum, quòd aliquam habeas verisimilitudinem & convenientiam cum feudis: sed plura tamen discrimina animadverto.

M. Sic est: Quare rectius feceris, si primæ sententiz



riæ adhæseris : quam & Petrum Heigium amplecti video, Quæstione prima : ubi eruditè multa disputat de prima feudorum origine, & varias sententias examinat.

7. D. Sed à quibus conscripti sunt, & quantum auctoritatis obtinent hi libri, qui de usibus feudorum, seu consuetudines feudales inscribuntur ?

M. Quanquam duorum tantum auctorum aliquoties fit mentio, nempe *Gerardi Nigri*, (qui & *Capagistius* dicitur) & *Oberti de Orto* (Hotom. aliique *Ortensium* vocant) qui filio suo Anshelmo quædam inscripsit : uterq; autem Consul fuit Mediolani, imperante *Frid. I.* & *Gerardi* quidem domus diruta est à Mediolanensibus, quibus malè cesserat sua adversus Imperatorem rebellio, cujus auctor & suasor fuerat *Gerardus*) tamen verius est non tantum ab his duobus illos libros cõscriptos fuisse, sed plurimum esse rhapsodiam, & quidem hominum privatorum, quod vel ex ipsâ inspectione librorum satis adparet, & pluribus demonstratur ab *Hotom.* *Duar.* & aliis. De auctoritate autem horum librorum quod ex me quæxivisti, sintne pro authenticis habendi, fuerunt sanè, qui omnem ipsis derogarent auctoritatem, ut *Hostiens. in summ. decret. ad tit. de immun. Eccles.* itemq; *Carol. Molin. in consuetud. Parisiens.* Quod scilicet ab hominibus privatis collecti sint sine mandato Imperatoris, aut populi suffragio. Privatus autem nemo jus condendi potestatem habet, sed populus, & in quem is suum jus transfudit Imperator, l. i. C. de vet. jur. enuel. l. ult. C. de l. s. sed & quod Principi, *Inst. de jure natur.* Meminisse tamen debes, magnum esse inter horum librorum titulos discrimen. Non tantum enim à privatis hominibus confutas rhapsodias complectuntur, sed insunt ibidem multorum quoque Imperatorum de jure feudali promulgatæ constitutiones. Hos autem legis condendæ potestatem habuisse nemo dubitat. Ut maxime igitur de cæteris fortè dubitandum quis putet, de illis certè Principum constitutionibus dubitare ne-

fas est. Quin imò & cætera horum librorum videntur ab Imperatoribus & populo, si non expressè, tacitè saltem comprobata, dum & populus usu ac moribus ea recepit, & Principes quoq; publicè prælegi Bononiæ, & in aliis Imperio subjectis Academiis permiscerunt. Plus dico, auctore Jafone in præludiis feudorum, hoc jure etiam Ecclesias, & personas Ecclesiasticas obligari: unde etiam in jure canonico non tantùm titulus exstat *de feud.* sed etiam alibi passim eorū fit mentio. Plura apud Franc. Curtium legere licet *par. 1. q. 1.* nec non apud Rob. Maran. *par. 3. de ord. jud. n. 83. u/ q. ad 93.* inclusivè: ubi pulcras & utiles de jure feudorum quæstiones tractat.

8. D. *Sed cum omne jus, quo utimur, aut scripto constet, aut moribus sine scripto, & constat, Inst. de jur. nat. Quintil. lib. 12. c. 3. ad utram speciem jus feudale referendum censes?*

M. Alii indistinctè ad jus non scriptum referunt, non obstante eo quòd consuetudines feudorum posterius scripto comprehensæ sunt: spectandum enim esse, aiunt, initium, ex doctrina Bart. *ad l. de quib. 32. D. de ll. & ad l. 2. D. de vulg. & pup.* Sed ex suprâ dictis facile intelligis, constitutiones illas Principum his libris insertas ad jus scriptum pertinere. Quòd autem *usus & consuetudines feudorum* inscribuntur, intelligere debes ex potiore factâ denominationem. Semper enim ex eo quòd maximas partes continet, latissimeq; funditur, tota res appellatur, ut præclare ait Cic. *lib. 5. de finib. & facit l. 10. D. de stat. hom.*

9. D. *Sed debentne hæ consuetudines juri civili scripto & communi prevalere, an cedere?*

M. Omnino prævalere debent: Cùm enim jus civile de feudis, (quæ ei ignota fuerunt) nihil di' posuerit, sequemur *legem 32. cum seqq. D. de ll.* ubi Julianus & Ulpianus uno ore fatentur, diuturnam sive inveteratam consuetudinem pro jure & lege observari solere in his causis, in quibus non utimur legibus scriptis, si ve quæ ex non scripto descendunt. Et hoc respectu verisimile dixisse videretur Feudista *lib. 2. tit. 1. Legum Romanarum*

manarum non est vilis autoritas, sed non adeò vim suam extendunt, ut usum vincant, aut motes: ubi notandum, quòd planè invertat sententiam Imp. Constantini, quæ extat in l. 2. C. *quæ sit long. consuet.* & repetitur etiam in jure canonico cap. 11. *cum tanto, extra de consuetudine*: consuetudinis ususq; longævi non vilis autoritas est: verùm non usque adeò sui valitura momento, ut aut rationem vincat, aut legem. Quas inter sententias nulla erit pugna, si Feudistam quidem exaudias de eo casu, in quo destituimur jure scripto seu legibus (ut in feudo certè destituimur.) Constantinum verò intelligas loqui de consuetudine & moribus eo casu, de quo expressam habemus legem. Hic enim mores merito cedere debent legibus, & sese iis conformare. Factum verò contra leges ipso jure nullum est, l. *non dubium*. §. C. *de leg.*

10. D. *Quomodo autem megeram in hujus juris interpretatione, & contròversis feudalibus decidendus?*

M. Hunc ordinem observabis, ut ante omnia attendas, quid de unaquaq; re his libris feudalibus constanter fuerit comprehensum: hoc enim servabitur, nisi pactis investituræ fuerit immutatum: cujus investituræ tenor vulgò quoq; dicitur ante omnia inspicendus esse. Quòd si novus aliquis, & hic prætermissus casus incidat, aut emergat (sicut non possunt leges ita scribi, ut comprehendant omnes articulos & casus, qui quandoque incident, l. 10. & l. 12. D. *de leg.*) tùm observabis morem cujusq; regionis & populi, vel quid de eo statutum sit. Si neq; hoc appareat, tunc demum recutres ad commune jus civile, argumento à simili inde ducto: quod monet ipse Feudista d. tit. 1. lib. 2. in §. *strenuus autem*, & probat Bald. in l. *cum oportet*, C. *de bon. quæ lib.* & in l. 2. C. *de sus* & legit. verbi gratia, si occurrat quæstio, utrum vassallus, qui feloniam commisit adversus dominum feudi, de qua tum dominus nihil fuerit conquestus, dum viveret, nec ad privationem egerit, possit etiam mortuo domino adhuc ab hæredibus conveniri, feudoq; privari. Hic cum desti-

tuamur jura feudali, recurremus ad argumentationē ex jure civili; eademq; ratione negabimus actionem hæredibus senioris, quā & querelam inofficiosi testamenti nō motam neq; præparatam à defuncto jus civile denegat hæredibus, l. 30. *omni modo*, C. de inoff. test. ubi Azo in com. n. 3. Eādem quoq; ratione, quā revocatio donationis ex causa ingratitudinis denegatur hæredibus, si defunctus de eā conquestus non fuerit, l. 7. *his solis*, C. de revoc. don. Eādem deniq; ratione, quā nec injuriarum actio competit heredi, l. 10 §. *qui injuriarū*, D. si quis causā. Nec hæredes mariti possunt uxorē mulctare dote ob commissum adulteriū, de quo ipse maritus, quā diu vixit, tacuit. Ita gl. & Dd. in c. 1. §. 1. *quib. mod. feud. amit.* Alia tria exempla vide apud Cuj. in d. §. *strenuus*, & plura apud Joh. Ferrar. de feud. lib. 1. c. 4. Huc etiā pertinent loci legales à libertō ad vassallū, ab emphyteusi ad feudū, de quibus vide Nic. Eberh. in Top.

11. D. Sed ut à jure civili ad jus feudale argumentum ducere licet ad decisionem controversiarum, quæ de feudis nascuntur, nec ex jure feudali aut moribus componi possunt, an & eodem modo vice versa à jure feudali ad jus civile argumentari poterō?

M. Nequaquam. Nam si quid contra jus commune receptum sit in feudis, non est producendum ad consequentias ad correctionem juris communis, arg. l. 14. D. de l. c. quæ à jure cōmuni. 28. de R. I. in 6. vide Amil. Ferret. in loc. sup. cit. & Ioh. Vaud. lib. 1. q. 9. post Bart. in l. ut jurisjurandi, §. 1. D. de oper. libert. ideoq; nec à contrario sensu in feudis argumentari concessum est ad correctionem vel juris communis, vel feudalis, de quo vide Nico. Vigel. Meth. de jur. feud. c. 1. reg. 5.

12. D. Satis jam de origine feudorum, deq; horum librorum auctoritate & valore intellexi quid sentiendum sit, & ad quam juris partem referantur, & quomodo in controversiis feudalibus decidendis versandum sit. Nunc de vocabulo feudi, quale & tuorum habere putes, audire cupio.

M. Primum illud, sicut mea fert opinio, nemo negabit, feudi verbum non esse Latinum. Illud in obscu-

ro est, quo ævo primùm appellari feuda cœperint. Fuit enim res ipsa Feudorum antiquior quàm nomē, quod idem ferè in emphyteusi contigisse meministi. Prius autem beneficia dicta fuisse quàm feuda, ut in libro antiquo de beneficiis diu ante hos duos libros scripto usurpantur. Sic etiam non semel in his usibus feudorum feudum dicitur *Beneficium*, ut *lib. 2. tit. 1. §. l. 52. & alibi*. Unde & vasallus interdum *beneficiarius*, vel *beneficiatus*, vel *inbeneficiatus* dicitur. Feudi autem vox nusquàm apud antiquiores scriptores legitur, quàm in constitutione Caroli III. cognomēto *Craffi*, qui circa annum Domini 881. imperavit, ubi *Marquardus Freherus in comment.* etiā ex historicis unum atq; alterum locum adnotat. Scribebant autem olim non *feudum*, ut nos, sed vel *Pheodum*, vel *Feodum*, promiscuè per *oe*, & per *Phoe*, vel *F*, quod alii invertentes inde fecerunt *Fœdum*, vel *Phœdum*, & inde porrò factum feudum, nomen dissyllabum ex trissyllabo. Cùm igitur, ut faciliè animadvertis, Latinum non sit Feudi nomen, ridiculum est atq; ineptum ei velle Etymologiam assignare Latinā. (Qua in re sæpè nō solùm *Isidorum* videas egregiè ineptientē in libris originum, sed & *Varronem*, doctissimū illum Romanorum) sed tamē eam pleriq; vulgò assignarunt, alii à fœdere feudum derivantes, quod inter se dominus & vasallus in-eant: alii à fide seu fidelitate, ut *Feudista li. 2. r. 3.* ubi sic argumentatur: Feudum à fide seu fidelitate dictū est: Ergo non debet conferri ei, qui fidelitatem jurare recusat. Imò, inquam, Germanico nomini etiā *εἶς* Germanicum rectiùs tribuitur quàm exoticum. Alii igitur feudum derivant à *Scheyde*, id est, bello & inimicitia, quæ & *Guerra* dicitur. Utrumq; verbum sæpissimè reperies in legibus Longobardicis & Francicis. Hinc etiam hodie *Scheydebrieff* vocamus literas, quibus capitales inimicitia alicui denunciantur, & bellum indicitur, sive hostis aliquis declaratur. Hinc & *feidosum* appellarunt, & *diffeidatum*, cui inimicitia capitales denunciatae sunt, vel indictum bellum. Ita *Hotom. in*

*Lexico feud.* Quo etiam inclinare videtur P. Gregor. *syntag. jur. lib. 6. c. 2. nu. 2.* Alii (qui nimis longè mihi abire videntur) feudum dictum putant ex Germanico *Vogt*en. Nam Germani *Vogt* vocant curatorem, præfectum, præsidem, vel præpositum, & ipsa præfectura est dic *Vogt*en. Ita Nicol. Vigel. pag. 42. qui vocem Germanicam deducit ex Græco *βοήδεα*. Alii deniq; (quod magis mihi probatur) feudum deducunt à Germanico *Fūden* / quod est pascere vel alere. Nam prædia feudalia ad hoc dantur vasallis, ut inde se, equos, & familiam honestè alant, ut patari esse possint ad servitia dominis suis præstanda, & militares expeditiones obcundas quoties usus tulerit, & ad hoc fuerint evocati. Accedit, quòd *Fodrum* dicitur hîc in materia feudali, à Germanico *Fuetter* / annona militaris sive comæatus exercitui præbitus.

13. D. *Miror, tot unius nominis tam varias excogitari potuisse etymologias & deductiones.*

M. Non est quòd mireris. Fuerunt enim semper, etiam inter doctos viros liberrimè vocabulorum originationes; adeò quidem, ut lusum quendam ingeniorû in illis excogitandis exercere voluisse videatur. Maximè verò hac in re ineptire soliti Stoici, quod meministi ex Cicerone, & ipsis Jurisconsultis, quorum plerique omnes Stoicorum sectam adamarunt. Sæpè quoq; hîc ineprus est doctissimus Rom. Varro, ut supra dicebam.

14. D. *Sed unde putas dictum nostrum vocabulum Lehen / quo hodie feudum denotamus?*

M. A verbo *Lehen* / quo significamus concessionem rei ad usum aliquem, sive sit commodatum, sive precarium, sive mutuum. Inter quæ quantum interfit, *exit. Instit. quib. mod. re contrah. oblig.* meminisse potes. Nam & feudum conceditur vasallo ad quendam usum, quamvis illè usus multò sit plenior & melior, quàm servitus, vel usus, vel ususfr. ut infra audies. Galli (ut obiter hoc moneam) feudum vocant *Fief*, & pietasq; constitutiones & consuetudines, sive leges municipa-

les auspiciantur à titulo de feudis, *Des Fiefs*. Angli vocant *Fee*, quamvis hi etiam allodia à majoribus hereditate relicta sic nominant, ut docet Hotom *in comm. de verb. feud.*

15. D. *Audivi unde feudum derivandum sit: sed cum ferè totum jus feudale conscriptum sit sermone mixto barbaro, Nomenclaturam quandam verborum & formularum feudalium desidero, quæ sit mihi instar clavis ad totam hanc doctrinam aperiendam.*

M. Rectè admones. Sunt enim vocabula rerum symbola & notæ, quibus ignoratis etiam res ipsas, quæ illis subsunt ignorari necesse est, ex sententiâ tam Platonis quàm Aristotelis. Unde & J.C. ab explicatione vocabulorû & terminorû ferè auspiciantur suos commentarios ad edicta Prætoris, ut *Vlpian. in l. i. D. de reb. cred.* In jure autem feudali tantò magis necessaria est diligens explicatio verborum, nec sufficiunt vel commentaria Latinæ linguæ, vel libri ea significatione verborum juris, quòd Feudistæ aliâ penè linguâ loquuntur quàm juri civilis auctores, & ut rectè vocasti, sermone mixto barbaro utuntur: sicut Ciceron. *in li. de Oratore*, ait, Poëtæ aliâ linguâ quàm oratores loqui. Verùm hoc labore nos sublevabit eruditissimus Hotom. ad cujus commentariû recurrere debebis, quoties in verbis & formulis Feudisticis adhærebit diligentia tua; recutres etiam ad aliorum Lexica, in quæ pleraque sunt transcripta ex Hotomano: recutres denique ad classes Oldendorpji *sub tit. de actionib. beneficiariis, & in fine tabule actionum*. De quibusdâ licet etiam consulere commentarium Freheri ad *Constitutionem Carolinam de feudis*. Facile autem intelliges, cum hos auctores perlegeris, quod posterioribus Romanis & J.Ctis olim usu venit in explicandis verbis, quibus leges decemvirales seu xii. tabb. conscriptæ fuerunt, ut magno operè ipsis laborandum esset in vera vocum origine intelligentiaque eruendâ: idem ferè in verbis quoque feudalibus contigisse, quæ licet magna ex parte sapiant originem Germanicam; tamen inter Ger-



manos ipsos sæpè à vulgo vix intelliguntur; immò & inter doctos est super illis non parva dissensio.

## CAPUT II.

*Negotia quadam feudo similia & cognata ab eodem discriminantur. De Allodiis, unde dicta: & utrum in dubio res præsumatur allodialis, an feudalis.*

1. D. Dicebas, esse negotia quadam feudis similia, quæ tamen priusquàm ad definitionem feudi adcedere possimus, diligenter sint discernenda. Proximum nunc esse videtur, ut illa mihi exponas.

M. Negocia illa, quæ cum feudis cognitionem quandam habent, ferè ista reperio 10. vel 11. emphyteusin: usumfr. jus bonæ fidei possessoris: jus dotis marito competens, contractum libellarium, seu censualem precariam: item precarium & donationem, possessiones illas antiquas Romanorum, jus protectionis seu tutelæ, jus superficiarium, beneficia Ecclesiastica, deniq; & jus clientelarum, seu necessitudinum inter patronum & clientes, quæ fuit ex instituto Romuli: sed hoc postremum jus quale sit, & quantum distet à jure feudali, suprà audivisti. Quare eo omisso de reliquis, si voles, me interroga. Cognitis enim rerum similitudinibus & differentiis, res ipsas earumq; substantiam eò meliùs intelligimus, ut ait sapientissimus Plato.

2. D. Quæ sunt ergò præcipua inter emphyteusin & feudum differentia?

M. Primò sine differunt; alio namque sine, & aliâ lege datur prædium in emphyteusin; alio sine & aliâ lege in feudum. Emphyteusis hunc habet finem, & hanc legem, ut prædium cultius ac melius reddatur, & ut domino præstetur annua pensio, quæ canon dicitur, olim etiam *vectigal*: de quo audivisti ad §. *ad eò*, *Inst. de locat. & conduct.* Feudi verò finis, & lex hæc est, ut vassallus seniori suo præstet non pensionem aliquam, sed

servi-



servitia militaria, vel alia pactis expressa, & tenore investituræ comprehensa, *lib. 2. feud. tit. 26. §. 23.* Et *Emphyteuta* quidem etsi non appelletur de solutione canonis, tamen cogitur cum domino offerre, quando quidem dies pro homine interpellat: vasallo autem licet expectare dum vocetur à domino, cui servitia sua offerre non cogitur; satis est, si interpellatus officio suo non desit. Ferrariensis in formâ libelli, quo agitur ad revocationem feudi. 2. Differunt etiâ quoad successionem: In feudis enim nō succeditur ex testamento, sed tantum ab intestato: omnis successio hic est legitima, nulla testamentaria. Vasallus namq; de feudo testari prohibetur, ut infra audies. At de emphyteusi potest quisq; testari, potest eam legare, teste *Jul. Claro in §. emphyteusis quest. 15. & seq.* Item, in feudis olim tantum liberi, & hodie etiam agnati, sed nō extranei succedunt, *lib. 1. feud. tit. 1. & tit. 8.* ita dico: in emphyteusi est successio, non tantum legitima, sed etiam testamentaria: & successio nō tantum liberorum & agnatorum, ut in feudis, sed etiam extraneorum, qui emphyteutam sanguine prorsus non attingunt. 3. Differunt quoad alienationem, quæ in feudis invito domino planè est prohibita, primò quidem per *Lotharium*; deinde plenius & fortius per *Fridericū I.* In emphyteusi alienatio est permessa, *§. aded. in verb. aliove quocumq; modo alienaverit, Inst. de locat. & conduct.* Nisi quòd vendere volens emphyteusin, cogitur prius denunciare domino prædii emphyteutici: qui si ipse velit sibi comparare, & voluntatem hanc intra duos menses declaret, omnibus aliis præfertur, dummodò tantum precii solvere paratus sit, quantum revera ab alio habere potuisset emphyteuta; à novo autem emphyteuta accipiet pro introitu quinquagesimâ partem pretii, quam vulgò vocant *Laudemium. l. 1. C. de jur. emphyt.* 4. Differunt quoad amissionem & privationem. Emphyteuta privatur emphyteusi ob non solutum canonem, si cessaverit in civili quidem per triennium, in Ecclesiastica per biennium, ut dixi ad *§. aded.*

At feudum amittitur ob feloniam seu flagitium aliquod, ut plenius suo loco audies. 5. Differunt etiam quoad scripturam, quam pleriq; volunt necessariam esse in emphyteusi, in feudo non item. Et de feudo quidem omnes consentiunt, sed de emphyteusi, an ea possit consistere sine scriptura, nec ne, controversum est inter Dd. ut videre est apud Jul. Clar. in §. *emphyteusis, quasi*. 4. Et quod neq; in emphyteusi necessario a lege requiratur scriptura, veriùs videtur etiam Cujacio in recitationibus ad tit. *C. de jur. emphyt. par.* 236. Nam si necessaria esset scriptura ad substantiam contractus emphyteutici, tunc amisso instrumento emphyteutico futurum esset ut intercideret contractus: atqui amissio nihil nocet, *l. ult. in verb. vel fortè instrumentum emphyteuscos deperditum est, C. d. tit.* Ergò neq; ommissio ejus quidquam nocebit. Sed hac in re tutius est sequi consuetudinem cujusq; loci, ut rectè concludit Clarus d. q. 4. Plures differentias videre poteris apud Bart. in *l. ut jurisjurandi, §. si liberti, D. de oper. libert.* & Jas. in *l. 1. C. de jure emph.* item apud Berrach. in *repert. in verb. emphyteusis differt à feudo*, ubi 17. commemorat differentias: & mox 9. subjicit capita, in quibus conveniant. Ferrar. in *forma libelli, quo agitur ad revocationem feudi*. Illud te moneo ad postremum, ut caveas, ne à vulgo decipiaris, quòd lingua vernacula etiam eum contractum, qui revera est emphyteuticus, donat nomine feudi. Quæstiones varias de emphyteusi hîc afferri alienum est: pertinet enim ad tit. *C. de jur. emphyt.* unumquodq; autem suo loco tractandum est.

3. D. *Quid si quis rem, quam aliquamdiu in emphyteusi tenuerat, postea ab eodem domino recipiat in feudum, eritne feudum, an manebit emphyteusis, an verò utrumque erit?*

M. Rectè mones. Placuit autem Alciato post Albericum de Rosate, & Jasonem, hoc casu utrumque contractum simul consistere, nec aboleri priorem emphyteuticum per posteriorem feudalem: quod *παράδοξον* vocat Heint. Rosenthal in *Synopsi feudali*,

c. 6. m. 40. & tamen probat arg. l. ult. C. de novationibus.

4. D. *Intelligo quantum distet feudum ab emphyteusi. Sed usufructus quibus notis discernam ab eodem?*

M. Comparatur quidem usufructus quadantenus cum feudo, lib. 2. feud. tit. 23. in fin. imò sunt, qui feudum per usum, velut speciem per suum genus putent definendum, ut paulò pòst in definitione feudi cognosces: sed tamen usufructus à feudo longissimè est remotus: & primò quidem in eò differt, quòd usufructus est servitus personalis, & cum personà extinguitur, §. *finitur, Inst. de usufruct. tot. tit. D. quib. mod. usufructus amitt.* Feudum verò transit ad hæredes: si non passim ad omnes, saltem aliquos, ut liberos & adgnatos, ut habetur in tit. de success. feudi. Secundò differunt, quoad mentem seu rem subjectam. Ususfructus enim potest consistere non tantum in rebus immobilibus, sed etiam mobilibus, vel sese moventibus, imò etiam in rebus quæ usu consumuntur, mediante cautione, quod utilitatis causa Scito effectum esse audivisti in §. *constituitur, Instit. de usufruct. l. 1. & tot. tit. D. de usufruct. earum rer. quæ usu consumuntur. l. 1. de usu & usufruct. legat.* At feudum tantum in rebus immobilibus sive prædiis constitui potest, vel certè in iis rebus, quæ immobilium loco habentur, ut est in t. 1. lib. 2. Quæ cujuscumque sint, infra audies, cum de materia feudi agemus. 3. Vasallus domino jurat fidelitatem, quod infra explicabitur: usufructuarius proprietario nullam præstat fidelitatem. 4. Differunt quoad cautionem. Ab usufructuario enim exigitur cautio de utendo fruendo arbitrio boni viri, & re restituenda usufructui quandoque finito, tot. tit. D. *usufruct. quem adm. caveat.* Vasallus talem cautionem præstare non cogitur. Neque hoc mirum: habet enim jus plenius quam usufructuarius. Vasallus est quasi dominus, sive (ut vulgò loquuntur) habet utile dominium, directio remanente penes seniore: usufructuarius non est dominus. Quamquam enim usufructus in multis casibus pars domini dicitur in l. 4. D. *de usufruct.* tamen hoc non eam vim habet, quasi idem sint proprietarius & usufructu-

fructuarius, qui potius inter se opponuntur toto jure. Sed quomodo id accipiendum sit, præclare explicat Cujac. in suo *Paullo & Giphano*. ad d. l. 4. §. Differunt quoad alienationem. Vassallus rem feudalem invito domino alienare non potest, ut supra dixi. Usufructuarius verò potest usumfr. alteri vendere, donare, aliisq; modis alienare etiam invito domino, §. *Inst. de usufr. l. 12. §. 2. D. eod. l. 63. D. de jure dot.* Eatenus tamen, ut in accipientis personam non constituatur novus usufr. sed maneat idem, qui erat in personam alienantis, & ut extincto jure dantis, etiam extinguatur jus accipientis, arg. l. 31. *D. de pignor.* 6. Differunt etiam quoad fructus post mortem: nam si usufructuarius moriatur fructibus nondum perceptis & collectis, pendentes adhuc, & solo coherentes non transmittit ad heredes, sed fructus illi ad dominum proprietatis pertinent: videntur enim pars fundi esse, ut ait l. 44. *D. de R. V. §. is verò ad quem, Inst. de rer. divis.* Vassallus verò moriens post Calend. Martii, ante Augustum transmittit fructus ad heredem, etiam si feudum domino fuerit apertum, lib. 2. *feud. l. 28. §. pen.* Sed de fructibus feudi infra accuratius explicabo. Plures differentias apud Interpp. legere potes, & quasdam ex his reperies etiam apud Johan. Igneum ad l. 1. §. *domini 2. n. 56. cum seqq. D. de SC. Silan.*

§. D. *Ius bonæ fidei possessoris quomodo à feudo discernam?*

M. Non difficile id tibi erit, si memineris eorum, quæ audivisti ad §. *si quis à non domino, Inst. de rerum divis.* Paucas tamen differentias breviter indicabo. Primum igitur bonæ fidei possessor putat, rem quam possidet suam esse, ut quam justo titulo, bonæque fide acceperit ab eo, quem dominum esse putabar, ideoq; eam usucapere potest, ut dictum est ad r. *de usuc.* & possessione fortè amissâ ante impletam usucapionem habet actionem Publicianam, quæ est prætorica quædam rei vindicatio, ut meministi ex §. *sed iste quidem, Inst. de actio.* quæ omnia sunt alia in vassallo. Hic enim scit

scit rem esse alienam, sibi tantum in feudum concessam: ideoque nec usucapere potest rem feudalem, & alias de eo actiones habet, ut infra audies. Deinde vasallus alteri debet obsequium & fidelitatem nomine feudi: ac bonæ fidei possessor fidelitatem nullam debet domino rei, imò nescit alium quam seipsum dominum esse. 3. Senior à vasallo rem feudalem auferre non potest, nisi culpa aliqua vasalli intervenerit, *rot. tit. de feudo sine culpa non amittendo*. At dominus rem suam à bonæ fidei possessore potest avocare per rei vindicationem. Semper enim verus rei dominus præferendus est possessori, quantumvis bonæ fidei, *l. 9. officium, & passim toto tit. D. de R. V. l. penult. & ult. D. de Public. §. etsi in rem, vers. si verò bona fidei possessor sit, Instit. de offic. judic.* Ex quo intelligis, feudum quidem amitti ob delictum vasalli: non autem jus bonæ fidei possessoris, quod potius extinguitur per supervenientiam, & vindicationem veri domini. Denique differunt vasallus, & bonæ fidei possessor quoad fructus. Non enim omnes fructus irrevocabiliter & semper suos facit bonæ fidei possessor, sicut vasallus, sed extantes restituere cogitur domino rei, *l. certum est, C. de R. V.* Nam interim tantum eos facit suos, ut ait Paulus in *l. 48. D. de acquir. rer. domin.* Interim, id est, quamdiu res evicta non fuerit: qua de re alibi latius.

6. D. *Ius dotis, quod habet maritus constante matrimonio, qua in re differt à feudo?*

M. Habent illa quidem duo jura aliquam inter se cognationem. Nam, ut vasallus est quasi dominus, & omnes fructus ex re feudali percipit: sic & maritus in re dotata. Differunt tamen plurimis aliis in rebus, quod quidem manifestius est, quam ut verbis egeat. Ut autem inter maritum & uxorem soluto matrimonio per divortium sæpè quæri solet de fructibus dotis, quomodo sint dividendi: sic etiam extincto feudo sæpè controversitur inter hæredes vasalli, & dominum, quemadmodum fructus nondum percepti

cepti dividantur. Et Cujacius quidem putat *lib. 4. feud. tit. 30.* circa hanc rem esse observandas regulas juris civilis, ut scilicet ineatur ratio temporis, quo jus possessionis constituit, *secundum l. 7. §. 1.* (aliàs incipit *nova lex: divortio*) *D. solut. matr.* quam sententiam, ut juri scripto, & naturali æquitati consentaneam sequendam putaret Hartm. Pist. *lib. 1. quest. jur. q. 24. nu. 42.* nisi expressum ea de re aliud esset in jure feudali, § *his consequenter, l. hic finitur lex.* quam sententiam licet plerique Doctores fateantur non satis æquam, nec rationabilem: tamen sequuntur, de quo plenius infra suo loco.

7. D. *Libellarius contractus qualis est, & quomodo à feudo differt?*

M. Libellarius contractus (quæ & libellaria dicitur, & conjunctim cum allodio opponitur feudo, *lib. 2. tit. 26.* & passim alibi in hoc jure nominatur) secundum quosdam dicitur à libella, id est, parva libra æris: quod probat Welsenb. *tr. feud. c. 14.* quæ Etymologia etiam Gregorio M. placuisse videtur, cum ait, *lib. 2. Epist. 1.* Libellario nomine tetra ac libram unius semissis cõcedi: alij derivant à libello, seu brevi charta, in qua describitur, quod magis placet Hotom. & Cujac. *ad tit. C. de jure emphyt.* Est autem hujusmodi negotium seu conventio, quando res alicui in perpetuum utenda datur, ea lege, ut præsteretur eo nomine annua pensio paucorum denariorum, utque post aliquot annos contractus renovetur pretio renumerato. Ita vides, libellarium hunc contractum valde similem esse emphyteutico, adedò, ut quidam etiam ad emphyteusim retulerint libellariam, teste Hotom. *in feud.* & Cujac. *ad rubr. C. de jure emphyt.* deniq; Welsenb. *in d. c. 14.* qui tantum hoc interesse putant, quod emphyteusis constituatur à domino rei: libellus autem à quasi domino, ut à vasallo, ac emphyteuta. Quorum sententiæ meritò opponimus illud: Si idem libellaria, quod emphyteusis, posset, cur diversum his contractibus vocabulum mandaretur, quæ vis ac potestas,

testas unâ sociasset? *arg. l. pen. C. de codicill.* Certè jam rum Justiniani tempore libellarium contractum in usu fuisse constat ex variis Cassiodori & Gregorii M. epistolis. Nectamen in toto jure unus contractus pro altero uspiam nominatur, ut appareat facilè, re ipsâ distinctos esse. Et sanè plus juris tribuit libellaria, quàm emphyteusis: nam non tam facilè amittitur libellaria ob cessationem in solutione pensionis, quàm emphyteusis ob nō solutum canonem. Giphanius putat, libellariam esse velut mixtum quoddam negotium ex emptione, venditione, & locatione, atq; conductione. Qua in sententia est etiam Petr. Gregor. *syntag. jur. lib. 6. c. 1. nu. 11.* vetus Interpretes Novellarum *ad Nov. 7.* ubi libellaria nominatur *jus παροικιστικόν*: de quo ibi Cujac. *§ in d. tit. C.* Hinc jam facile tibi erit colligere aliquot differentias inter libellariū contractum & feudalem. Primū enim feudum datur gratia & ex benevolentia domini: libellaria verò emitur. Deinde de feudo præstantur servitia & operæ: de libellaria præstatur pensio seu merces annua. 3. Libellaria renovatur post certum annorum numerum, verbi gratia, de lustro in lustrum, vel etiam tricesimo quoq; anno. Feudi investitura non renovatur, nisi vel persona senioris, vel vasalli fuerit mutata. 4. Feudum est jus quoddam militare: at libellaria est contractus paganicus. 5. In feudo præstatur hominium seu fidelitas: in libellaria non item. 6. Illud ob feloniam amittitur: hæc non amittitur. Et in summa majus & melius videtur esse Jus libellariū quàm feudale. Plura de libellario contractu videre licet apud Speculat. *in tit. de feud. §. quoniam, n. 65. §. 1. in d. l. 1. C. de jure emphyt. n. 39. §. Dd. in auth. ingressi, C. de SS. Eccles.*

8. D. *Censualis contractus qualis est?*

M. Quando ipsum prædii dominium transit in accipientem, certa pensione veteri domino præstanda. Ita gl. & Canonistæ *ad c. constitutus, ext. de relig. domib. Jas. ad d. l. 1.* Videatur etiam Eberhard. *in Top.* ex quo facilè intelliges, quantum distet censualis contractus



ram ab emphyteusi, quàm à feudo. Nam in neutro horum ipsum prædii dominium sicut in censuali contractu transfertur, sed manet penes dominum prædii tam emphyteutici, quàm feudalis. Deinde in feudo & emphyteusi locus est commissio; in censuali contractu nõ item: quare melius est habere jus censuale, quàm vel emphyteuticum vel feudale. In dubio autem præsumitur potius contractus emphyteuticus pro domino, quàm censualis pro rustico.

9. D. *Nominabas supra inter negotia feudo cognata, etiam precariam, quæ qualis sit, scire a veo.*

M. Precariam & precarias quidam distinguunt ita, ut precaria non transeat ad hæredes, sed precariæ transeant. Verùm hoc discrimen non adtenditur, & precaria ac precariæ indistinctè usurpantur pro contractu, quo œconomus alicujus Ecclesiæ dat alicui rem Ecclesiæ utendam fruendam vel ad vitam, vel ad certum tempus, idq; aut gratis, aut certa mercede constituta: ea tamen lege, ut accipiens vicissim det Ecclesiæ rem aliam ex bonis suis, quæ si ejusdem precii, in qua sibi retineat usumfr. vel ad vitam, vel ad certum tempus; quo finito, utriusque prædii plena proprietas ad Ecclesiam revertitur. Vide hac de re *tit. 14. lib. 3. decretal.* Item *c. precaria. 10. q. 11.* Vides, quàm utilis & quæstuosus fuerit Ecclesiis hic contractus, videlicet ex quo pro uno prædio, cujus ususfr. aliquandiu alteri est concessus, receperunt duo. Unde non mirum est tantoperè crevisse opes Ecclesiasticas: quamvis illius opulentia plures sint causæ, de quibus alibi. *vide Cujac. ad t. 9. lib. 1. & ad d. tit. C. de jure emphyt.*

10. D. *Videor mihi etiam in jure civili quippiam non absimile legisse, & de constituto, quod possessorium vocant, & de retentione ususfr. facta à donatore.*

M. Rectè dicis: nam de eo qui constituit alieno nomine possidere, habes in *l. 18. quod meo, D. de acquir. possess.* De retentione ususfr. in *l. quisquis 28. C. de donat.* Nam utroq; modo quasi per traditionem quandam fictam, translatio fit possessionis. Sed neq; hoc est ab-

simile,



simile, quod sæpe debitores pignore creditoribus suis constituto in aliqua re precariam ejus rei possessionem impetrant ab iisdem, l. 6. § 10. D. de precar. Jam quæ sint inter feudum & precariam differentia, non expectas credo, ut plurius exponam. Sunt enim nimis quàm evidentes.

11. D. *Intelligo. Nam in precaria nulla fidelitas juratur: nec præstantur opera aut servitia militaria, ut sit in feudo: item qui precariam habet, est quasi usufructuarius quidam: at vasallus plenus ac pinguius habet jus. Denique aliis modis finitur precaria quàm feudum, &c.*

M. Rectè accipis: Nec dubito, quin jam etiam noveris discernere inter precarium juris civilis, & precarias illas, quarum in jure canonico fit mentio.

12. D. *Precarium juris civilis revocari potest ad nutum ejus qui concessit, quandocumque ipsi placuit, l. 1. l. 12. & l. 15. D. de precar. Precaria verò sic revocari non potest, sed cogitur quis expectare, donec finita sit precaria vel morte vel temporis lapsu.*

M. Ita est, ut dicis. Adde autem & hoc precarium juris civilis non tantum in prædiis consistere, ut precariæ jurtis canonici, sed etiam in rebus mobilibus.

13. D. *Donatio à feudo, in quo differt?*

M. Est quidem & feudum libera & gratuita ac benevola quædam concessio: unde & beneficium passim appellatur, & vasallus beneficiarius, sive beneficiatus & in beneficiatus: & sicut à donatario ob crimen ingrati animi, & injuriam in donatorem revocari potest donatio: ita & feudum à vasallo ob commissam in dominum feloniam. Potest etiam donator conveniri judicio ad rem quam donavit, nec dum tradidit, tradendam, ut dictum ad §. *alia, vers. & ad exemplum, Instit. de donat. l. quis argentum. 35. C. de donat.* quomodo dominus, qui promisit alicui feudum, potest cogi ad tradendum, ut infra audies. Sed non idèò putandum, feudum esse speciè donationis. Imò longè differunt. Nam donatarius non obligatur donatori ad præstandam fidelitatem & officia, sicut vasallus domino: non

enim potest iudicio conveniri ad præstanda *adv. l. d. w. eg.*  
 Quamvis enim hæc dicatur obligatio naturalis *in l.*  
*25. §. consuluit, D. de petit. hered.* tamen nimis est imbecillis quàm ut producat actionem: ex quo illud fluxit quasi proverbiale: Donare non esse administrare, sed perdere, *l. 7. D. de donat.* propius igitur feudum accedit ad naturam contractus & negotii, à quo donatio separatur, *l. Aristo. 18 D. de donat.*

14. D. *Quales sunt, quas suprà dicebas, possessiones veterum Romanorum?*

M. Ita vocabant prædia quædam, quæ tantùm iure possessionis & usus non proprietatis tenebantur: quale ferè erat jus prædiorum provincialium, quæ vel tributaria erant, vel stipendiaria. Horum dominium erat publicum populi Romani: ad provinciales verò tantùm usus & possessio pertinebat, & quidem in perpetuum, sub eâ lege, ut hoc nomine tributum inferrent aut stipendium populo Romano. Vide hac de re Bar. Brissou: *lib. 3. antiqu. jur. & Festum in verb. possessiones*: vide etiam *l. questio. 115. D. de V. S.* Harum ergò possessionum quænam sint à feudo differentia, cui libet per se patet: quamvis Hotom. putet feuda nō incommodè etiam possessiones dici posse.

15. D. *Quale est jus protectionis, quod item agebas cum feudorum jure cognationem habere?*

M. Est jus moribus receptum, quando scilicet princeps aut comes aliquis sit protector, sive advocatus & patronus alicujus civitatis aut monasterii, vel etiã una civitas potentior alterius imbecillioris defensionem protectionemq; suscipit, de quo jure vide *6. præcepimus, ext. de privil. & in Decreto Gratiani, c. 22. q. 2. 3. & 4. Hieron. Schurpf. cent. 3. cons. 23. Andr. Gail. lib. 2. obs. 24. Bodin. 1. de republ. c. 7. Petr. Gregor. lib. 11. de republ. Oldend. in tabulâ actionũ subjecta classibus, in verb. feudum.* Fuit hic mos etiam olim apud Rom. receptus, ut potentes familiae, vel etiam singuli cives, urbium, insularum, vel etiam regnorum patrocinia susciperent: verbi gratia, Marcelli patroni fuerunt Syracusanorum,

rum, Antonii Bononiensium, alii aliorum. Sic Cic. lib. 15. *Epist. ad famil.* Cyprum insulam, & Cappadociæ regnum duas maximas clientelas Catonis vocat. Sed differentias inter hæc duo jura, *protectionis* scilicet & *feudi*, facillè intelligis. Non enim eadem debet civitas vel monasterium protectori suo, cujus in fidem & tutelam se contulit, quæ vasallus domino debet, neq; prædia, inquam, a protectore suo accipiunt, neq; fidelitatem ipsi jurant: qua de re pluribus explicat Bodin. d. c. 7. &c.

16. D. *Superficiarium jus quale est, & quomodo à feudis separandum?*

M. Superficiem solo cedere audivisti in §. *cum in suo solo. Instit. de rer. divis.* Superficiarium verò appellamus eum, què in alieno solo domum aut villam extructam habet, vel emptam vel conductam certa pensione domino præstandâ: cui prætor & interdictum pollicetur simile interdicto uti possidetis, & in rem actione, l. 73. cum 2. seqq. D. de R. V. l. 1. & t. t. D. de superfic. Ex quo intelligis, superficiarium plenius habere jus, quam inquilinū aut colonum. His enim nullum jus in rem tribuit conductio, unde nec in rem actionem habent, sed in personam duntaxat, ut ad tit. *Instit. de locat. & conduct.* expositum est. Unde & prædia superficiaria in bonis alicujus connumerari dicuntur in l. 49. D. de V. S. cum prædia conducta non in conductoris, sed in locatoris sint bonis numeranda. Sed à feudis differt superficies, 1. Quòd feudum sit jus quoddam militare: superficies paganicum. 2. Quòd feuda constituantur donatione: superficies ferè per locationem aut emptionem, d. l. 1. D. de superfic. 3. In feudis præstatur hominum & fidelitas, in superficie non item. 4. Ex aliis causis finiuntur & amittuntur feuda quàm superficies.

17. D. *Beneficia Ecclesiastica quomodo à feudis differunt?*

M. Quamvis feudum aliquod sit Ecclesiasticum, quod opponi solet seculari seu laico, ut infra cognos-

sces in divisionibus feudi, quamvis item feudum sæpè dicatur *beneficium* : tamen cave, ne hæc confundas. Aliquod feudum est Ecclesiasticum, & potest dici *beneficium Ecclesiasticum* : sed non omne beneficium Ecclesiasticum pro feudo est habendum. Dantur beneficia Ecclesiastica clericis ab Episcopo, ut Ecclesiæ inserviant : sed clerici tale hominium non præstant nec Ecclesiæ, nec Episcopo, quale vasallus suo seniori. Imò clericus non potest militare seculo, cùm militet Deo, ut sæpè in jure canonico relatum est ex Paulo Apostolo, 2. *Tim.* 2. v. 4. Feuda vero sunt militaria. Beneficiorum illorum Ecclesiasticorum (quæ & *præbenda* & *præbenda* vocantur) creberrima est mentio in jure Pontificio, & extant de his pulcherrimi libri 7. a Franc. Duareno conscripti.

18. D. *Audivi sæpè de jure Majoratus, quod maximè apud Hispanos sit receptum, habetne hoc etiam aliquid commune cum feudis?*

M. Jus majoratus in eo simile est feudo, quòd sicut hoc potius ad masculos quàm ad fœminas pertinet, ita & illud. Sed pro majoratu non præstatur Homagium, ut pro feudo. Cùm autem hoc jure nō utamur, non est quòd hîc diutius in explicatione ejus immoremur. Videre potes prolixè de eo differentem Didaæ, Covar. *lib.* 3. *var. resol.* c. 5. & 6. Est autem majoratus ferè similis juri primogeniorum, de quo tractatus extat Andr. Tiraqu. unde & Covarruvias majoratum vocat *jus primogeniorum*, *lib.* 1. *var.* c. 15. *num.* 4. t. ubi disputat de fructibus ejus anni, quo possessor majoratus mortuus est, nondum perceptis fructibus, ad quem illi pertineant.

19. D. *Audivi affinia feudo, cui cùm soleat opponi allodium, quid de eo sentiendum est?*

M. Allodium Budæus in *Annot.* 2. & Joh. Oldend in *class. action.* aliisque hos secuti, dictum volunt quasi *Allodium*, videlicet à *laudando*, quòd is, qui tale prædium liberum, & ut veteres dicebant, optimo jure tenet, neminem cogatur ejus auctorem laudare, sive

patronum ac dominum recognoscere. Hoc enim est *allode* seu *allodium*, cujusque proprium patrimonium, sive bonae ejusmodi, quibus nemini obnoxii sumus, nemini gratiam debemus, quorum nomine immunes sumus. Sed hanc Etymologiam rectè repræhendit Hotom. in *Lexico feud.* pag. 632. & aliam refert ex Beato Rhenano, qui *allodium* dictum putat à Germanico verbo *Antöden*, quod est conferruminare, conglutinare, seu coagmentare: quia scilicet bona allodialia ita sint conjuncta & coherencia familiae, ut avelli ab ea nequeant, quasi inseparabilia: cum feuda facile & variis ex causis amittantur, sicut infra suo loco audies. Bonif. Amerb. in comment. ad ll. Caroli M. c. 7. derivat à Germanico *All*, quasi quod totum pleno jure teneatur.

20. D. Sed quid si res sit dubia, sitne prædium aliquod *allodiale* an *feudale*, utrum potius præsumatur?

M. Potius præsumitur *allodium*, quam *feudum*: quia unaquæque res libera censetur, donec probetur serva. l. 8. & ibi gl. in verb. prohibetur, C. de servit. & aqua. Petr. Gregor. syntagm. jur. univ. lib. 6. c. 1. n. 12. in fin. (ubi in prioribus numeris etiam docet, *Allodium* cum *Libello* & *Cambio* malè atq; imperitè confundi.) Unde etiam *feudum* non continetur appellatione bonorum, ut latè probat Tiraq. lib. 1. de retract. §. 1. gl. 3. n. 10. & 13.

### CAPUT III.

*Notæ seu proprietates feudi. Definitio feudi, ejusq; explicatio. Quæstiones aliquot circa definitionem moveri solitæ: maximeq; de genere. Feudum sitne contractus, an non sit?*

1. D. Posteaquam igitur me docuisti *feudum* ab aliis vicinis negotiis distinguere, itemq; quid de *allodio* sentiendum sit: velim mihi definitionem *feudi* tradas?

M. Fiet hoc, ubi prius & notas quasdā seu proprietates *feudi* à plerisq; Interpretibus observatas tibi indicavero, & *feudi* homonymiam distinxero.

2. D. *Quas igitur volunt esse feudi notas & proprietates?*

M. Has ferè sex: 1. Ut feudum sit gratuitum, & ex benevolentia domini erga vasallum profectum: Intellige, quoad initium, & ad id, quod plerumq; fit. Nam quin feudum etiam pecuniâ comparari possit, nihil prohibet, ut infra audies: sicut mandatum non ob id definit gratuitum esse, quod salarium intervenierit, l. 6. D. *mand. §. ult. Inst. de mandat.* Sicut nec commodatum gratuitum esse definit, etiam si remuneratio pro usu accedat, dummodo ne sit merces, ut audisti ad §. *item is cui. in fin. Inst. quib. mod. re contrah. oblig.* Nec obstat, quod dominus cogi potest, ut feudum promissum vasallo jam abusive investito tradat: quod item hæredi vasalli investiturâ justo tempore petenti denegare non potest. Nam, ut dixi, initium inspiciendum est, & id, quod in re est potissimum. Sæpè autem in aliis quoque contractibus, quæ ab initio erant voluntatis, postea fiunt necessitatis, arg. l. 5. C. *de action. & oblig.* 2. nota est, ut consistat feudum in prædio, seu re immobili, vel certè æquipollenti. 3. Ut ejus rei dominium directum quidem maneat penes seniores. 4. Ut dominium utile transeat ad vasallum. 5. Ut feudi successio tantum ad mares pertineat, non ad feminas. 6. Ut vasallus domino præstet fidelitatem & servitia, & quidem regulariter per semetipsum, non per substitutum. De his notis videre potes & Francisc. Curt. & alios, Petr. Grez. lib. 6. c. 2. *addit &* 7. ut sponte, non coactè datum sit feudum. Sed hoc satis includitur in 1. nota. Nam quod gratuitum est, idem & spontaneum.

3. D. *Intelligo notas feudorum. Nunc qua sit illa, quam modo dicebas, Homonymia feudi, & quomodo explicanda, scire velim?*

M. Verè dictum est à Philosophis: Homonyma non posse definiti, nisi prius distincta fuerint varia significata: ut autem in jure nostro alia quædam verba (ut pignus, dos, emphyteusis) aliquando significant contractum, aliquando rem ipsam super quâ contra-

Aut sit, aliquando jus in rem : sic & feudum tribus ferè modis sumitur : 1. Ut denotet ipsum prædium, seu rem feudalem. 2. Ut significet cōcessionem ejus rei factam alteri, sive contractum feudalem, seu negotium, quod inter seniores & vasallum geritur. 3. Ut significet jus ipsum per talem cōtractum in tali prædio & in personâ vasalli constitutum. Hæc enim duo maxime in feudis attendere debes: Ut sit prædium alteri concessum, & ut is hoc nomine personam suam obligat ad servitia & officia domino præstanda, quæ obligatio dicitur & *hominium*, & *homagium*, & *fideltas*: in qua substantia feudi consistere dicitur. Prius, nempe prædii concessio, sola non sufficit ad feudum constituendum: alioquin & emphyteusis, & precaria, & alia negotia, in quibus prædium alicui datur, feuda forent: sed oportet, ut accedat & alterum; nempe *fideltas* & *obligatio personæ* ad servitia. Postremò illud quoq; hîc observabis, aliter consideratî feudum quoad vasallum, aliter quoad personam senioris, aliter deniq; conjunctim quoad utrumque: quod rectè observavit Hotomanus. Cùm igitur tam varia sit notio, & tam varius respectus feudi: non est mirum, si à diversis auctoribus diversimodè definitum reperitur. Alii namque feudum in definitione ejus conficienda spectant, ut rem ipsam seu prædium feudale, alii, ut contractum super re: alii denique ut jus inde natum considerant.

4. D. *Cupio ex te audire, non modò tuam, sive quam tu optimam putes, feudi definitionem, sed etiam aliorum: placet enim secundum vetus proverbium: Purpuram juxta purpuram ponere.*

M. Primùm scias: non multum ad rem facere, & nimis remotam esse generalem illam definitionē beneficii, quam ex Seneca lib. 1. *de benefc.* repetitam adfert Feudista lib. 2. *feud. tit. 23.* Beneficium, inquit, nihil aliud est, quàm benevola actio, tribuens gaudium capientibus, capiensq; tribuendo, in id quod facit propria, & sponte sua parata. Cujus explicatio ex Aristote-



lepetenda est, *lib. 4. Eth. c. 1.* Idèd tamen hanc summi generis definitionem sibi afferendam putavit Oberus, quia *feudum* sæpillimè *beneficium* appellatur. Subjicit deinde huic generali definitioni, ipsius feudi tanquam speciei beneficii definitionē, nempe istam: *Feudum est beneficium illud, quod ex benevolentia ita datur alicui, ut proprietas quidem rei immobilis beneficiata penes dantem remaneat Usus fructus verò illius transeat ad accipientem, ita, ut ad eum hæredesve suos masculos sive fœminas, si de his nominatim dictum sit, in perpetuum pertineat, ad hoc, ut ille & sui hæredes fideliter domino inserviant, sive illud servitium nominatim, quale esse debeat, sit expressum, sive indeterminatè permissum.* Rotundius ibidem Cujac. eandem definitionem sic effert: *Feudum, inquit, est beneficium, quod propensò animo datur, ita, ut proprietas rei immobilis penes dantem remaneat: ususfr. in accipientē perpetuo jure transeat, sub onere fidei & servitii certi inc. rive, plurimumq; militiæ.* Hanc definitionem Oberti communiter probant & sequuntur Doctores, eamq; explicat Borcholt. *c. 1. in comment. de feud.* Alii, ut Car. Molin. *in consuet. Paris.* veriore & receptiorem esse testantur definitionem Jo. Reinaldi, quæ talis est: *Feudum est benevola, libera & perpetua concessio rei immobilis vel æquipollentis cum translatione utilis domini, retenta proprietate, sub fidelitate & exhibitione servitiorum.* Hanc definitionem & Petr. Rebuff. probat, & sequitur Zaf. *p. 1. n. 3.* & Guil. Forn. *de feud. c. 3.* ubi eam diligenter explicat. Sed Jul. Clar. *in §. feudum, q. 4.* verissimè ait: Neutram harum definitionum sine difficultate transire: significans, multa utriq; posse objici, & quidem in priore multa, partim verò, ut videtur, nimio studio contradicendi repræhendit Hotoman. *tam in disp. feud. c. 4. quàm in comment. ad d. §. fin. tit. 23.* ostendens, eam & defectu laborare, & superfluitate: sive tum nimis latam esse, tum nimis angustam. Primum non rectè ait omitti hîc *jura*; ut, Feuda dignitatum, Imperii, Regni, Ducatus, Marchiæ, Potestatum;



vectigalium, quæ tamen non sint res immobiles. Sed dicere possumus, partim hæc cohærere immobilibus, partim loco immobilium haberi. Unde certè illa ab hac definitione minimè exclusa intelligi debet. Ergo ait, vitium esse vel maximum, quòd hic prætermissa sit ab Oberto omnis mentio patrocinii, studii, benevolentiae, & fidei mutuae, quam dominus vasallo debet: sed nec eam excludit Obertus, imò sub benevolentiae verbo comprehendit, cum ait: quod ex benevolentia ita datur, &c. Quamvis fatear, potuisse patrocinium illud vasallo à domino debitum etiam clarioribus verbis in definitione exprimi. Ne hoc quidem concedendum, quod ait Hotom. Definitionem Oberti convenire etià in eos agros, & ea prædia, quæ colonis adscriptitiis attribuebantur, de quibus est *li. 11. C.* Imò, inquam, non convenit: nam fidelitas facit discrimen inter illos agros colonorum adscriptitiorum, & feudales vasallorum. Et hanc differentiam satis expressit Feudista illis verbis, ut fideliter domino serviant. Hæc nota non cadit in adscriptitios. Illud quoq; tanquam superfluum repræhendit Hotoman. quòd in definitione feudi fiat mentio *servitii, vel definiti vel indefiniti*: cum tamen feuda etiam sine servitiis, imò etiam sine jurejurando fidelitatis constitui & consistere possint, §. *nulla, lib. 2. feud. tit. 3. Et. 16.* Sed sufficit in definitione comprehendere id, quod plerumque fit, ut rectè ait Cujac. *lib. 3. feud. tit. 1.* & probat ipse Hotom. ita dicens, excusari posse Obertum. Quibus & hoc potest addi: Feudum esse vocabulum (ut Philosophi talia vocant) ab uno. In hujusmodi autem vocabulis sæpè una species eximia definitur, ad quam cæteræ analogiâ quadam referuntur. De proprietatis quoq; retentione, quod ait Feudista, quæ remaneat penes seniorein, id non satis exploratum esse putat Hotom. quia, inquit, vasallus non tantum sui juris, sed etiam ipsius prædii feudalis vindicandi, & judicio persequendi defendendive potestatem habet, §. *rei autem, lib. 2. feud. tit. 8.* Quod autem ususfr. nomen ait

non satis convenire feudatario, rectè ille quidem & ex nostro sensu: feudum enim non est usufructus, ut & Zas. fatetur *conf. 12. n. 29. lib. 1.* Et supra docui, quot in rebus differant hæc duo jura, & plures differentias licet petere ex Hotom. *c. 34.* Interea tamen & Hotom. alibi, *ut c. 4.* & Cujac. aliq; *jus utendi fruendi*, loco genere posuerunt in definitione feudi, quorum & nos imitari linguam possumus, dummodò hoc sciamus, plurimum interesse inter usumfr. propriè dictum, qui est servitus personæ, & cum personâ extinguitur, & à persona discedere non potest sine sui interitu, ut ait *l. 15. ff. fam. ercisc.* Cùm feudum sit jus in re immobili, & quidem etiam ad hæredes transitorium. Sic & legatum dicitur donatio quædam, cùm tamen longè distet à donatione, §. 1. *Inst. de legat. l. 36. ff. de leg. 2.*

Quod ad alteram definitionem attinet, non satis convenienter juri civili, & mori loquendi elegantioribus Jurisconsultis recepto dicitur dominium aliud utile, aliud directum, ut docuit Duar. *lib. 1. disp. cap. 17.* Neque enim duo in solidum ejusdem rei domini esse possunt, *l. 5 §. ult. ff. commod. l. 3. §. ex contrario, ff. de acqu. poss.* Et verò illa distinctio propria est actionum, quarum aliæ sunt directæ, aliæ utiles, §. *fin. in fin. Instit. de l. Aquil. in verb. neq; directæ, neq; utilis, l. Aquilie actio, l. 47. §. 1. ff. de negot. gest.* & plurimis aliis in locis, quanquam Hotom. hanc Scholasticorum, ut ipse vocat, Doctorum distinctionem excusat, *in disp. feudi c. 23.* velut non abhorrentem à consuetudine etiam veterum Jurisconsultorum in concisionibus nominum, licet hanc distinctionem nominatim non usurpârint. In foro quidem certè & in communi usu loquendi nihil crebrius audies, quàm *dominium directum, dominium utile, dominus utilis, & dominus directus*. Sua serim autem, ut hîc quoq; (quod sæpè aliàs faciendum) sentias cum paucis, loquare cum multis, alioquin odiosus atq; invidisus eris omnibus, si verborum pugnam excitare velis, cùm de re ipsa constat: Verba enim valent usu, ut nummi, & vim omnem ab impositione hominû sortiuntur.

tiuntur. Rei autē ejusq; natura & substantia fixa certa q; est, nec ab opinione nostra pendet, *arg. §. penult. & ibi præclare Cujac. in not. Inst. de V. O.* Quamquam etiam in nominum impositione studendum, ut sint nomina consequentia rebus, *§. est & aliud, vers. sed nos, Inst. de donat.* ut singulæ causæ singulis appellationibus distinguantur, *§. hoc autem casu, Inst. quib. mod. test. infirm.* Et in hanc sententiam Artemidorus quoq; loquitur in erudito opere de somniis interpretandis. Audiisti jam duas vulgares definitiones, & quid de utraque sentiendum esse videatur. Duaren. definit: *Beneficium seu feudum esse rem immobilem, qua fidei seu obsequii gratia certo modo fruenda alicui conceditur.* Cui consentit Baro, definiens feudum, quod sit res soli fidelitatis nomine utenda data retento dominio. Uterque pinguius cōsideravit feudum pro re ipsa feudali, perinde ut Cic. in *Top.* hæreditatem definivit pecuniam, quæ morte alicujus ad aliquem pervenit, & Seneca, hæreditatem, pro ipsis rebus, quæ in hæreditate sunt, accepit, *lib. 6. de benef. c. 5.* Videtur autem Cujacius nimis asperè eos perstringere, cum ait: Imperitos Philosophiæ jurisq; tantum id spectare, quod traditur possideturq;, dum feudum definiant rem esse immobilem: omnia vocabula apud jurisperitos habere intellectum juris: multum interesse inter rem, velut materiam feudi, & feudum ipsum, &c. quæ licet vera sint, tamen non est novum, ut idem vocabulum diversa habeat significata, & varios usus, ut suprà quoq; dicebam de dote, pignore, emphyteusi. Ipse verò Cujacius sic definit in *Prolegom.* *Quod feudum sit jus prædii alieno in perpetuum utendi fruendi, quod pro beneficio dominus dat, ea lege, ut qui accipit, sibi fidem & militia munus, aliudve servitium exhibeat.* Cum quæ ferè congruit media definitio Hotom. qui ex parte vasalli feudum ait esse jus utendi fruendi re aliena (intellige, immobili vel æquipollente) ea lege, ut aliquod eo nomine obsequium, & gratiæ testificatio debeat: ex parte verò domini seu senioris: idem Hotom. Feudum definit bene-

beneficium, ea lege tributum vasallo, ut quodam obsequii genere agnoscat ipsius auctorem. Coniunctim verò ex utriusq; parte tã vasalli quàm senioris: Feudũ, ait, esse clientelam militarem, ea lege contractam, ut cliens pro beneficio accepto militarem operam præbeat: vicissimq; patronus suam illi fidem benevolentiamq; præstet: quam postremam clausulam de mutua benevolentia & fide senioris erga vasallum, non rectè ab aliis in definitione feudi prætermittam esse arguit. Sequitur eorum definitio, qui feudum ut contractũ considerarunt, ut sunt in primis *Lud. Schrad. & Wes.* Feudum, inquiunt, est contractus civilis, nominatus, stricti juris, in quo dominus utile dominiũ rei immobilis vel æquipollentis vasallo ejusque hæredibus masculis investitura interveniente, concedit perpetuò & gratis, ea conditione, ut is ipsi & ad fidelitatem præstandam, & ad servitia honesta ac possibilia exhibenda obligetur.

§. D. *Atqui audiivi controversum hoc esse: an feudum sit contractus, & si sit, an sit nominatus, ac non potius innominatus? Item, an sit stricti juris, ac non potius bonæ fidei: de quibus singulis velim scire quid sentiendum putes?*

M. Opportunè sanè quæris. Movit autem hanc quæstionem Fr. Hotom. *obs. lib. 1. c. 28.* Ubi tribus vel quatuor rationibus (sed, ut mihi videtur, levioribus) refutat vulgarem opinionem, quòd feudum sit *contractus*. Cujacius quoq;, quamvis aliis in rebus sæpè gravissimè, nec minus quàm olim à Sabinianis Proculiani, ab Hotom. soleat dissentire, hîc tamen cum eo convenit: Ne dixeris, inquit, feudum esse contractũ; jus est potius, quod per contractũ constituitur, dum scilicet dominus id per investituram cedit: & hujusmodi contractum sequitur traditio, & est ex eo contractu actio de evictione, in dominum, & adversus vasallum, condictio causa dati, si fidem fallat, vel etiam præscriptis verbis, si nolit dominus feudum revocare. Nimirum distinguit Cujacius inter investituram feudalem, siue cessionem ac dationem feudi, & feudum ipsum:

ipsam: & investituram quidem dicit esse contractum: Hoc verò negat, & jus potius esse contendit per illum contractum constitutum: Investituram, inquam, de novo tantum feudo, non etiam de veteri contractum esse vult. Nam de veteri feudo tantum est simplex recognitio, quæ sit gratuitò. Ita censet Cujac. *lib. 2. feud. tit. 4.* Sed rationes Hotom. videamus, sintne satis idoneæ, ob quas à communi opinione recedamus. Primum ait: Pactiones publicæ distinguuntur à contractibus, *l. 5. ff. de pact.* Atqui feuda multa sunt regalia, id est, publica, ut quæ à principibus conferuntur. Ergo feuda sunt potius publicæ conventiones & pactiones quàm contractus. Sed resp. Non quicquid à principe, seu personâ publicâ geritur, statim publica conventio dicendum est, cum & principes privatos contractus celebrare possint: sed ea demum publica est pactio seu conventio, Ulpiano finitore, quæ per pacem fit, cum duces belli inter se quædam paciscuntur. 2. Ait Hotom. *Contractus sunt de re privata & familiari, quæque in commercio est, & æstimationem recipit. At feudum non est de re privata, & quæ in commercio sit. Ergo feudum non est contractus.* Major certa est *l. 7. §. si paciscar, & l. 38. ff. de pact. l. 83. §. sacramentum, ff. de V. O. §. item juris, Instit. de inut. stip. l. 6. & l. 70. ff. de contrah. empr.* Minor probatur, quia feudum & clientela potissimum instituta est ad salutem, caput & vitam senioris & vasalli, quæ sunt res inæstimabiles, & commercio exemptæ, nec privatæ, sed publicæ: unde & nemo dicitur dominus membrorum suorum, sed unusquisque est Reip. cujus civis est. Sed respondendum puto, in feudis non agi de vita, capite & salute hominis, sed iis de rebus, quarum est æstimatio & commercium, ut ex parte senioris quidem datur prædium, seu res soli: ex parte vasalli verò promittuntur & præstantur operæ quædam, sive militares, sive aliæ. Opera autem etiam liberi hominis potest esse in commercio. Nam ut ait Paul. *lib. 2. sent. tit. 18.* Homo liber, qui statum suum in potestate habet, & pejorare eum, & meliorare potest, arque

ided

ided operas suas diurnas nocturnasq; locat. Operæ enim hominis pecuniariter æstimantur, *l. 6. ff. de act. empt. l. 6. de operis liber. l. 3. ff. de usufr. leg.* Unde & pater, quamvis filium suum non possit vendere, tamen operas ejus locare potest, teste eodem Paul. *5. sent. tit. 1.* Et an non etiam facta locantur? an nō in stipulationem deduci possunt? *l. 5. §. 5. ff. de præscr. verb. §. ult. Instit. de V. O. §. sed cum facta, Instit. de stip. serv. l. 2. in princ. §. l. 75. §. qui id quod in faciendo, ff. de V. O.* Factum autem quoddam est, comitari dominum in militiam: factū quoddam est, ipsius vitam ac salutem defendere; & similia præstare, ad quæ vasallus tenetur. 3. Hotoman ratio hæc est: Contractus sunt lucri & negotiationis gratia, *per l. 25. §. 1. ff. de O. & A.* Hoc autem à natura feudi abhorret. Feudum enim est beneficium, & à liberalitate & benevolentia domini proficiscitur, *ut est lib. 1. feud. l. 27.* Feudum igitur contractus nō est. Resp. primū ad majorem: Quamvis contractus dicantur lucri causa fieri: tamen non ita hoc accipiendum, quasi nulli sint gratuiti. Nam certè sunt quidam tales, ut meministi ex *Instit. de commodato, de deposito, de mandato, &c.* Paulus quoq; eleganter ait: Commodatum ab initio esse beneficii & nudæ voluntatis, *l. 17. §. sicut ff. commod.* Commodatum verò esse contractum nemo unquam dubitavit. Ergo nihil impedit, quod minus unum idemque negotium simul & beneficium sit & contractus. Lucrum autem in illo Ulpiani dicto significat quodvis commodum; non tantū illud, quod caprant illi, qui, ut ait Cic. *in Offic.* ad medium lanum sedent, quique omnia ad suum quæstum referunt. Jam feudum utriusque commodum continere certum est: vasalli quidem, quia commodum est & lucrosū, habere prædium feudale, ex cujus fructibus se & suos honestè alat, & cujus nomine mutuam fidem benevolentiamque à domino expectet: senioris verò, ut habeat, qui fidelitatem ipsi exhibeat, qui ejus vitam existimationemq; tueatur. Hæc dignitas, hæc vires magno semper electorum juvenum globo circum-

cumdati: in pace decus, in bello præsidium, ut verba Taciti de Comitibus Germanorum huc accommo-  
dem ad negotium feudatarium. Ex quibus apparet,  
Feudum, etiam illud, quod propriū est, non ob id esse  
ex numero contractuum excludendum, quamvis sit  
beneficium, & quamvis à liberalitate benevolentiaq;  
domini proficiatur, id est, licet proprium sit feu-  
dum, ut dixi. Non enim ita absoluta & simplex hīc est  
liberalitas, sicut in donatione mera, ut nihil vassallus  
seniori suo hoc nomine præstare debeat; sed debet ei  
fidelitatem, debet officia militaria, aut alia honesta,  
quæ nisi præstet, poterit cum dominus vel privare  
feudo, vel etiam actione præscriptis verbis convenire  
quasi ex contractu: *Do ut facias*, quæ de re infra suo lo-  
co. De feudo emptio minus est dubitandum, quin  
sit contractus. 4. Postremò inquit Hotom. Contra-  
ctus non potest dissolvi sine utriusque voluntate. At  
feudum potest etiam ab uno dissolvi, altero invito.  
Ergo feudum non est contractus. Major probatur ex  
*l. 5. C. de O. & A.* Quia contractus ab initio sunt volun-  
tarii, postea verò necessarii. Minor probatur: Quia  
vassallus potest feudum quandocunq; commodū sit,  
refutare, id est, renunciare, remittere & restituere se-  
niori etiam invito, *ut est lib. 2 feud. t. 38.* Resp. Majorem  
non esse universaliter, neq; perpetuè veram in omni-  
bus contractibus, quod etiam Accurs. docet in *d. l. 5. C.*  
*de O. & A.* Ut ecce: Precarium est contractus, *l. 23. de*  
*R. I.* & tamen unus etiam altero invito hunc contra-  
ctum dissolvere potest. Is, inquam, qui concessit pre-  
carium, potest id quandocunque vult, revocare, ut &  
suprà dixi. Sic societas dissolvi potest renunciatione  
etiam ab uno facta pluribus quantumlibet invitis; *ut*  
*d. ad §. manet autem, Inst. de soc.* Nemo enim invitus in  
cōmunionē stare cogitur, sed ab ea recedere cuilibet  
integrū est. Mandatum quoque non solum ex parte  
mandantis extinguitur revocatione, sed etiā renun-  
ciatione ex parte mandatarii, dummodo id fiat tem-  
pestivè, & re integra, *ut dixi ad §. restit. & §. mandatum.*



*Inst. de mand. &c.* His rationibus Giphanius adjungit & alias. Nam & ipse cum Hotom. in eadem est hæresi, & feudum conventionem quidem esse concedit, sed contractum esse negat. Contractus, inquit, sunt tantum privatorum. At feudum sæpè in regnis & principatibus versatur, quæ sunt juris publici. Sic enim definitur jus publicum: Quod ad statum rei Romanæ spectat, quod in sacris, sacerdotibus, magistratibus consistat, §. *fin. Inst. de justit. & jur. & l. 1. §. hujus studii, ff. eod.* Puto respondendum esse: Contractus quosdam etiam esse publicos, per l. 6. C. de his qui ad Eccles. confug. Paul. lib. 5. sent. t. 25. in verb. *cas tabulas que publici vel privati contractus scripturam continent.* Nec desunt exempla, ubi etiam regna, ducatus & comitatus venditi aut oppignorati, aut permutati sunt. Deinde non omnia feuda sunt in regnis & principatibus. Multa enim etiam in privatis prædiis consistunt. Cætera ipsius argumenta ferè sunt eadem cum rationibus Hotom. ideoq; eadē illis responsiones accommodandæ sunt. Quæ cum ita sint, nihil causæ esse videtur, cur à communi & inveterata opinione recedamus, & feudum negemus contractibus annumerandū? Oritur enim ex feudo inter dominum & vassallum ultrò citroq; obligatio, quomodo contractum definiebat Labeo in l. 19. ff. de V. S. teste Ulpiano. Oritur etiam inde actio, ut ex jam dictis intelligere potuisti, & magis liquebit inferius. Vide etiam de hac controversia And. Fachin. lib. 7. cap. 1. Zasius quoq; annotat, feudum esse contractum, p. 7. nu. 58. Et quid multis opus? cum disertum habeamus text. qui feudum contractibus annumerat, lib. 4. feud. t. 87. in edit. Cujac. In beneficiis, inquit, ut in cæteris contractibus præscriptiones currere satis humanum, & rationi congruum videtur.

6. D. Cum igitur jam eviceris, feudum esse contractum: proximum est, ut ostendas, sitné contractus nominatus, an innominatus?

M. Ita quidem vulgò contractus dividunt, sed veteres JCi alios faciunt certos, alios incertos, de quibus



bus explicatur ad l. 7. §. 1. ff. de pact. & ad l. 1. ff. de præscr. verb. Feudum autem esse contractum nominatum communiter placuit, teste Jul. Claro in §. feudum, q. 6. n. 1. Idq; pluribus autoritatibus probat Schrad. c. 2. tr. feud. p. 1. n. 3 & Wef. c. 1. n. 7.

7. D. Quid refert scire, an feudum sit contractus nominatus, an innominatus?

M. Utilis est hæc quæstio ad hoc, ut sciamus, utrum hic locum habeat pœnitentia, nec ne. Est enim pro regula traditum: In contractibus innominatis locum esse pœnitentiæ, in contractibus nominatis non item.

8. D. Sed estné feudum contractus stricti juris, an bonæ fidei?

M. In jure nostro actionum potius est hæc divisio quàm contractuum, ut audivisti ad §. actionum, Inst. de actio. Vulgò tamen Interpretes etiam contractus hoc modo dividerunt, quia scilicet effectus arguat suam causam, & qualis est causa, talis etiam sit effectus: & contrà, quæ tamen regulæ interdum fallunt. Hotom. quidem d. c. 28. lib. 5. obs. ait: hanc quæstionem planè absurdam esse, utrum feudum sit bonæ fidei contractus, an stricti juris: quoniam illa disputatio in iis deum judiciis habeat locum, quæ ordinaria erant, & formulam à prætore præscriptam habebant judici pedanco, in qua formula si adderetur: *ex fide bonæ*, actio erat bonæ fidei: si in ea clausula omitteretur: *stricti juris* erat. Causæ autem feudales, inquit, solent agi & disceptari apud pares curiæ, ut lib. 1. feud. t. 10. & lib. 2. t. 22. & aliis locis. Pleriq; tamen omnes Interpretes feudum faciunt cōtractum stricti juris, teste Jul. Claro d. q. 6. n. 2. quia inquirunt: *Feudum est ex consuetudine introductum: consuetudo autem stricti juris est.* Quod argumentum non benè concludere videtur. Alvarotus etiam hæc ratione nititur, quia feudum non enumeretur in §. actionum, Inst. de act. quod sanè fatuum est. Quomodo enim ibi nominari potuit feudū, quod nondum fuit in rerū natura? Excipiunt feuda à Prin-

cipibus concessa. Nam hæc volunt esse bonæ fidei, autore Baldo *in tit. de pace Constant.* Zas. p. 1. num. 6. Sed eam exceptionem rejicit Wescenbec. quia etiam Princeps in contractibus jure privatorum utatur, *las. ad l. 1. ff. de pact. arg. l. donationes, C. de donat. int. vir. & ux.* Oltendorpius, autem *in class. 4. t. de act. benef.* vult: feudum indistinctè esse contractum bonæ fidei. Quis, inquit, *contractus erit bonæ fidei, si hunc non sinant esse talem, qui de eo pueriliter rixantur.* Et certè pro hac sententia videtur facere, quòd feudi substantia ipsa sit posita in fidelitate, à qua & nomen acceperit, secundum quosdam, *ut supra d. in Etymologiis feudi.*

## C A P U T IV.

### *Divisiones feudorum precipuæ.*

I. D. Teneo jam quid sit feudum: Item, an rectè dicatur contractus, nec ne: & si sit contractus, qualis sit, nominatus, an innominatus, bonæ fidei, an stricti juris. Nunc quotuplex feudum sit, scire velim.

M. Ut definitiones feudi à variis variæ afferuntur: sic & in divisionibus ejusdem multò magis discrepant Interpretes. Alii 20. afferunt, alii 10. alii 9. alii 8. alii 7. alii 5. alii 4. Petrus Rebuffus non dubitat affirmare, totidem esse feudorum genera, quot sunt qualitates personarum, & modi dandi. Ita ille in declaratione arboris feudalis: sed hoc non faciliè concedendum. Neq; enim quævis nova & adventitia qualitas statim novam speciem constituit: quod etiam Zas. verissimè admonuit *in tract. suo, p. 2. ubi & hanc tradit regulam: Magis & minus non facere diversas species.* Quidam non incommodè (ut videtur) feudorum divisionem in duo summa genera diducunt, ut aliud sit *rectum*, seu *proprium*: aliud *non rectum*, seu *improprium*, quod *feudastrum*, cum Hotomano vocare possumus, quasi quod degeneret à propria feudi natura: sicut ab olea oleaster, à filio filiaster dicitur. Ad hæc summa duo genera postea quascunq; species feudi referunt. Ita Duarenus,

• nus, Schrad. Wessenb. & alii. Ac de feudis degenerantibus à natura recti feudi diligenter explicat Zas. *totap. ult. sua Epitomes*. Quamvis dici posset, hanc non esse veram divisionem, sicut neq; testamenti vera est divisio, qua aliud justum, aliud injustum dicitur: cum hoc non nisi *ὁμολύμωρ* sit testamentum, *arg. l. 2. §. 1. D. de injust. rupt. ir. fact. test.* Sed præcipua feudorum genera breviter recensebo & describam. Primum itaq; sic: ut hominum alii sunt Ecclesiastici, alii laici, sive, ut Isidorus vocat, *populares*, sive, ut alii, *seculares*: (quæ quidem antiquissima est Christianorum divisio, ut constat ex Chrysostomo, & B. Hieronymo (cujus verba referuntur in jure canonico) aliisque patribus, ut notavit Cujac. *ad tit. 1. lib. 1. feud.*) ita & feudum aliud est Ecclesiasticum, aliud laicum, sive seculare, *d. s. 1. lib. 1 F. & t. de cler. qui inu. sec. & t. Episc. vel Abb. feud. dare posse, c. 6. & 7. ext. de for. comp.*

2. D. *Quid vocas feudum Ecclesiasticum?*

M. Quod vel ab Ecclesia datur, vel ab ea recipitur, vel quod à Clerico de bonis Ecclesiæ datur aut recipitur. Ita Zas. *d. p. 2. in §. diu.* Meminit feudorum Ecclesiasticorum, & Papa Innocent. III. *in c. 7. quæ in Ecclesiæ, ext. de const.* ubi venditiones hujusmodi feudorum præjudicium sine legitimo Ecclesiasticarum personarum assensu fieri prohibet. De causis autem ad Ecclesiasticum feudum pertinentibus, cognosceat Episcopus tanquam dominus feudi, *c. 7. verum, extr. de foro. compet. & ibi Cujac.*

3. D. *Quid seculare feudum?*

M. Feudum quod à secularibus seu laicis datur & accipitur. Nam laica beneficia tantum à laicis hominibus, non etiam ab Ecclesiasticis possideri possunt, nisi feudum sit paternum, ut docet Ant. Cont. *in methodo feud. c. 3.*

II. 4. D. *Dic aliam divisionem.*

M. Feudum vel est regale, vel non regale.

5. D. *Quid vocas feudum regale?*

M. Quidam ajunt hoc esse regale, quod Rex vel

Imperator, vel summus Princeps alicui contulerit, *arg. tit. quis dicatur Dux vel Marchio, &c.* Et ita Jul. Clar. in d. §. *feudum*, q. 10. Sed hoc displicet Baroni & Contio: qui hoc potius regale feudum esse volunt, cui dignitas quædam regia accedit, *lus cudenda monet a, &c.* De quibus videri potest, *c. un. tit. qua sint regalia*. Hujusmodi feuda sunt, Ducatus, Comitatus, Marchiæ, quæ vocantur etiam *feuda dignitatum*, d. loc. Giphanius quoq; pro eodem accipit *feudum regale*, & *feudum cum dignitate*. Item, *feudum non regale*, & *feudum sine dignitate*.

6. D. *Quid potissimum inter hac duo genera inter esse dicu?*

M. Feudum regale est individuum, sive, non potest in partes scindi inter plures cohæredes, obstante videlicet prohibitione Friderici I. *tit. de prohib. feud. alien. per Frider. §. & firmiter, vers. praterea*. Alia verò non regalia feuda, ut media & infima, dividua sunt, hoc est, inter plures cohæredes dividi possunt.

7. D. *Quæ est hujus differentia ratio?*

M. Majora illa feuda, quæ Regalia vocamus, idcirco placuit esse individua, quia ipsorum divisio nocceret Reipubl. ut ait Homerus: *Multos imperitare malum est, Rex unicus esto*, quam sententiam & Aristoteles & alii Politici laudant. Nihil enim est tam impatiens consortii, quàm imperium & regnum. Et, si in rer privatos communio parit discordiam & rixas, l. 77. *cum pater*, §. *dulcissimus*, D. de leg. 2. multò magis inter eos, qui in regno sunt consortes, hoc eveniet. Deinde illa divisio vires Imperii diminueret. Divisio enim (ut vulgò quoq; ajunt) rem attenuat, & multi fratres depauperant monasterium. Præstare igitur visum est in hujusmodi feudis, ut unus, & quidē primogenitus, dum modò non sit ineptus gubernationi, indivisum retineat principatum: quod etiam in plerisq; Germaniæ Principibus observatur. Hæc incommoda & pericula, quia cessant in minorum, & non regalium feudorum divisione, merito etiam ibidem cessat prohibitio: argumen-

gumento eorum, quæ tradit Everhard. *in loco à ratione legis cessante.*

III. 8. D. *Dic aliam feudi divisionem.*

M. Superiori vicina est hæc divisio, qua feudum aliud est *nobile*, aliud *ignobile* seu *plebejum*. Nobile feudum est, quod possessorem suum nobilitat: est enim hoc memorabile atq; singulare in isto jure, quod terra nobilitat possessorem. Hoc genus feuda Ant. Con-  
tius subdividit, quod quædam eorum habeant annexam dignitatem, quædam non habeant: illa sunt, verbi gratia, *Ducatus*, item *Marchia*: hæc sunt eorum, qui capitanei regni, vel *maiores vasallos* appellantur. Hic notandum est, peculiari quodam modo, & angustius usurpari in jure feudali vocabulum *dignitatis*, quam aliàs solet, vel in communi usu, vel in jure civili, in quo etiam advocatum esse, dignitas quidam est, & multa aliarum. *Ignobile* seu *plebejum* quodnam sit, ex contrario facile intelligitur, nempe ex quo possessor ejus non nobilitatur, quod vulgò vocant *feudum Burgense*, *Burgertchen*/teste Zaf. p. 2. n. 5. item, quod inter rusticos creberrimum est, *Mannichen*.

IV. 9. D. *Dic aliam divisionem.*

M. Feudum aliud est *ligium*, aliud *non ligium*: & hinc *vasallus* dicitur interdum *homo ligius*, videlicet is qui feudum *ligium* habet: cum quo nõ rectè à quibusdam confundi videtur homologus: quos refutat & Petr. Gregor. *syntag. lib. 6. c. 2. n. 25.*

10. D. *Vnde dictum est feudum ligium, & qualenam est?*

M. Nomen accepit à *ligando*: unde & *liga* vulgari lingua Italica dicitur fœdus & societas, Ein *Bündnuß*/ ut *liga sancta*: de qua multa superioribus annis & dicta & scripta sunt, dicebatur fœdus inter Papam, Hispanum, & alios quosdam Principes. Quamquàm enim quodlibet feudum obligat vasallum seniori ad fidem præstandam: tamen aliud alio arctius. Quod autem omnium arctissimè ipsum ligat, hoc feudum *ligium* quasi per excellentiam Interpp. appellarunt, quo vasallus domino suo fidelitatem jurat contra omnes,

nemine, nisi solo Deo, excepto, sive, ut Jul. Clar. ait, q. 11. Nulla alterius fidelitate reservata. Sic enim hoc feudum definiunt. Homo autem ligius erit is, qui ejus conditionis feudum (arctissimum scilicet) accipit. Similiter & *homagium ligium*, de quo vide Guid. Pap. *decis. Gratianop. q. 309.* sic Rex Sicilia dicitur homo ligius, & proprius vasallus Ecclesiæ Romanæ, in *Clem. pastoralis, de sent. & rejudic. Cujac. lib. 4. tit. 93.* Ex hoc illud primum sequitur, quod & glos. admonet in *d. Clem. & probat Jul. Clar. d. q. 11.* Neminem posse hominem ligium esse, nisi supremi principis, qui superiorem non recognoscat. Ab inferiore autē tale feudum accipi non posse, cui, quantumlibet arctē quis se obstrinxerit, quod velit dominum defendere contra omnes, tamen semper intelligitur exceptus Imperator, §. *ult. 2. F 55.* Deinde huic consequens est, plurium quàm unius hominem ligium esse posse neminem, *dd. ll. & Cujac. lib. 2. feud. t. 7.* Hoc ipso enim, quod quis defensionem jūrat uni contra omnes, excludit cæteros: nec possunt plures uno esse supremi. Ac valet hīc illud vulgatum ex Evangelico dicto: *Nemo potest duobus dominis servire*, unde & Guido Papæ *conf. 213. n. 4. ex Specul. & Bald.* tradidit, homagium ligium non posse fieri duobus, ne quidē pro rebus diversis. Quod idem repetiit etiam in *decis. suis, q. 310.* Aliud tamen moribus Gallorum receptū esse testatur Ant. Contius, ut quis possit etiam inferiorum esse *homo ligius.* & exemplum affert in Duce Nivernensi, *Uovian. Pontan. lib. 2. de Ferdinand.* & hunc secutus D. Phil. Camer. *Ligos homines* inde dictos putat, quod Reges ligatis pollicibus illos fidei imperiisq; suis sic vinciant, atque obnoxios statuunt. Quomodo & Tacit. *lib. 12.* Reges in societatem coeūtes, hunc habere morem scribit, ut dexteras implicant, pollicesq; inter se vinciant, & nodo præstringant, vide *Cam. Med. Hist. cent. 1. c. 6.* Cætera igitur feuda omnia quæcunque ligia non sunt, & in quibus tam arctum vinculum nō est, ea, manifestum est, nec ligia esse, *arg. §. furtorum, vers. nec manifestum, Instit. de obligat.*

*qua ex del. nasc.* Illud nolo hîc præterire, quod Hotomannus *ligium*, vel *hominem ligium* promiscuè accipit pro quolibet vasallo, imò etiam dominum non tantùm vasallum velut dici *ligium*: & proinde nostram hanc divisionem non agnoscit, sicut & Zasius eam prætermisit, quòd videlicet nihil variet in feudi natura, ut ait *in fin. 2. part.* Plura de ligio singularia vide apud Petr. Gregor. *syntag. lib. 6. c. 2.* verbi gratia: Quòd in tali feudo non habeat locum refutatio: quod etiam fœminæ succedant: quod non pares Curia, sed solus Princeps de eo judicet: quod omnia etiam non feudalìa bona vasalli in potestatem domini veniant: quod possit esse homo *ligius* alicujus, etiam si nullum ab eo feudum habeat, &c.

II. D. *Dic aliam divisionem.*

M. Feudum aliud est antiquum sive paternum, aliud novum: quam divisionem maximi effectus vocat Jul. Clarus q. 8. & Zas. dicit præcipuam p. 2. in 7. *divisione*. Effectus autem sive usus hujus præcipuè divisionis cernitur maximè in successione feudi: item quoad concessionem, & quoad privationem & alienationem: item quoad jus accrescendi, de quibus omnibus infra dicetur.

12. D. *Quid vocas feudum novum?*

M. Quod per præsentem possessorem primum acquisitum est, non autem à majoribus, sive progenitoribus ad ipsum per successionem pervenit: sive, quod nunc primò de novo conceditur, & initium habet in personâ ejus, qui de eo investitus fuit, c. un. *quot testes sint necess.* & c. un. *de frat. de nov. benef. invest. Zas. p. 2.*

13. D. *Quid est feudum antiquum?*

M. Quod ab aliquo ascendenti ad præsentem vasallum per successionem delatum est, quod sæpè etiam *paternum feudum* dicitur. (Hotomanus *profectitium* quoque vocat, ut Jurisconsulti *profectitium peculium*, quod à patre in filium est profectum.) Scire enim debes, quamvis feudum paternum interdum strictè dicatur illud, quod patris tantùm fuit, ut in tit. *de his,*

qui feud. dare poss. & tit. de contentione inter me & dominum, &c. Interdum verò latius pro eo, quod à patre vel aliquo ascendentium usq; ad quartum gradum inclusivè acquisitum est, ut: Avo, proavo, abavo, atavo, teste glos. & Baldo in c. 1. de success. feud. tamen sæpenu- merò promiscuè pro eodem poni feudum paternum & antiquum, teste Claro d. q. 8. nu. 1. quod Zas. p. 3. nu. 1. ait, fieri extento vocabulo, id est, latissima significa- tione, videlicet pro eo feudo, quod ab aliquo ex ma- joribus, qui communis agnationis stirps, idem caput & origo fuit, acquisitum & obtentum est.

14. D. Potestne feudum antiquum seu paternum con- verti in novum?

M. Potest ex antiquo novum fieri, si renovetur in- vestitura ejus, mutatis pactis, verbi gratia, si ex mascu- lino sit fœmininum, Zas. d. p. 3. n. 4. Quo tamen casu a- gnatorum quoque consensus erit necessarius, c. un. tit. agnat. vel fil. defuncti, & idem Zas. p. 12. n. 45. qua de re in- fra in c. de pact. investitura.

15. D. Potestne, vice versa, feudum novum concedi a'i- cui jure feudi antiqui & paterni?

M. Potest, secundum opinionem magis commu- nem & veriore, ut docet Jul. Clar. d. q. 8. nu. 2. & ante ipsum Ferrariens. in form. lib. quo agitur ad revoc. feudi, prope fin. ubi ait, se sæpè vidisse hoc fieri: item Zas. d. p. 12. n. 44. Dominatur enim hîc tenor investituræ, à qua sicut ipsa constitutio, ita & natura atq; conditio feudi tota dependet. Sed hæc etià ad locū de pactis in- vestituræ referri possunt: de quibus infra dicam c. 11.

16. D. Quid si obscurum sit, an feudum sit antiquum, an novum, utrum præsumetur?

M. Plerumq; hoc arbitrio judicis relinquitur: sed tamen propter antiquitatē possessionis creditur po- tius esse paternum, ut ex auctor. Alex. Bald. & Prepositi probat Zas. p. 3. nu. 8. vide & Rol. à Vall. conf. 48. num. 19. & seqq. Unde cū præsumptio sit feudum antiquum ef- se, probatio incumbet dicenti contrarium, d. conf. 48. n. 20. col. 4.



17. D. Si est aliquod feudum paternum, daturne etiam quod sit maternum?

M. Datur: Et quidem maternum feudum ab ali- quibus tanquam species subjicitur feudo antiquo, & definitur, quod primò acquisitum est à fœmina, quæ fuerit ex ascendentibus & caput cognationis. Ita Zas. p. 3. n. 3. & 4. Est etiam alia consideratione species quæ- dam feudi fœminini.

V1. 18. D. Dic aliam divisionem.

M. Afferam eam, quam nobis modò dicta suppe- ditant. Nam feudum aliud est *masculinum*, aliud *fœmi- ninum*: illud, in quo mares tantum succedunt, exclu- sis fœminis hoc, in quo etiam fœminæ succedunt de- ficientibus masculis, nempe, si hoc dictum vel com- prehensum sit in primâ ejus investiturâ, ut feudum etiam ad fœminas devolveretur, c. un. de feud. fœm. & c. un. §. videat, de success. feud. Regulariter enim, & ut plu- rimùm feudum, sicut & militia & tutela, est virile quid- dam & munus masculorum, ut lib. 1. t. 1. de feud. Qua de re plura dicemus infra, cùm de successione feudi age- tur. Ideoq; rectè Zasius feudum fœmininum degene- rantibus feudis annumerat, d. p. 12. n. 29. Ex quo illud intelligi datur, in dubio præsumi feudum potius ma- sculinum quàm fœmineum. Ideoq; si fœmina vel ex illa descendentes in feudo succedere velint, ipsis in- cumbere probationem, quodd sit fœmineum, id est, cujus investituræ tale pactum fuerit adjectum, ut etiâ fœminæ ad successionem admitterentur. Porro feu- do fœmineo vicinum est etiam *pignoratitium*, quod Germani vocant, Pfandtlehen. Nam in hoc quoq; fœ- mina succedit, Zas. d. p. 12. n. 24.

VII. 19. D. Dic aliam feudi divisionem.

M. Illa quoq; apud Feudistas celeberrima est tri- membris divisio in *feudum hereditarium*, Germanicè, Erblehen. Et *non hereditarium*, quod vocant ex pacto & providentia, (quidam etiâ *familiare*) & deniq; *mixtum*.

20. D. Quid vocas feudum hereditarium?

M. Quod concessum est alicui pro se & hæredibus qui-

quibuscunq; In quo genere etiam extranei hæredes vasallo succedunt.

21. D. *Quid est feudum ex pacto, & providentia seu familiare?*

M. Quod vasallus accepit pro se & filiis, vel pro se & liberis, vel deniq; pro se & hæredibus ex suo corpore natis, omiſſa mentione hæredum. In hoc feudo, ut quis succedat, satis est, eum esse filium vasalli, vel, ut descendat à primo acquirente, quamvis hæres non sit: unde etiam non hæreditarium hoc feudum dixerunt. Non quòd in eo non succedatur, sed quod non sit necesse, ut quis simul sit hæres vasalli etiam in allodialibus, qui in feudo vult succedere.

22. D. *Quid deniq; est feudum mixtum?*

M. Quod de utroque priorum participat, nempe quando quis feudum accepit pro se & filiis & hæredibus, in hoc feudi genere si quis velit succedere, cum oportet simul & filium esse, & hæredem vasalli sive ultimi, sive mediatè primi acquirentis, neq; audiendus esset hoc casu filius volens quidem amplecti feudum, sed repudians hæreditatem, utpote quæ fortè sit damnosa: quæ omnia latius explicantur à Jul. Claro q. 9. & multis Doctorum auctoritatibus communiuntur. Latissimè verò ab Hartm. Pist. lib. 2. q. jur. prior. q. 1. vide & Mynſ. cent. 3. obs. 67.

23. D. *Sed in dubio utrum præsumendum est, hæreditarium ne, an ex pacto & providentia concessum feudum?*

M. Præsumemus potius concessum feudum ex pacto & providentia, quàm hæreditarium, & ita in Camera hanc quæſtionem, cum fortè incidisset, decisam esse testatur Mynſ. cent. 4. obs. 2. allegans rationes decidendi & auctoritatem Matth. de Afflict. cujus tamen contrarium tenent alii, ut videre est apud Borch. c. 4.

24. D. *Quid si feudum simpliciter fuerit alicui concessum, nulla nec filiorum, nec hæredum mentione facta, quod feudum informe vocant, utri speciei adgregandum erit?*

M. Censebitur hoc feudum ex pacto & providentia, quasi quis pro se & filiis suis hoc accepisset. Ita Jul. Clar.

Clar. d. q. 9. nu. 6. apud quem & plures ad hanc divisionem, quæstiones pertinentes videre poteris.

25. D. *Intelligo hanc divisionem Interpretum natam esse tantum ex verbis & formulis investiturae, siue ex tenore concessionis feudalis, nec in ipsa natura, siue substantia feudi quidquam mutare aut novare.*

M. Rectè accipis: æquè enim est feudum, quod hæreditarium vocant, atq; illud, quod ex pacto & providentia concessum est.

26. D. *Num & alia sunt divisiones feudi?*

M. Faciunt etiam Interpretes feudum aliud *Francum*, aliud *non Francum*. Illud vocant, quando vassallus non nisi ad servitia, quæ in investitura exprimuntur, obligatus est, ita Jul. Clar. q. 12. sed dissentiunt alii, qui illud feudum potius appellant conditionatum, eiq; opponunt feudum simplex siue rectum, ut videre est apud Borch. d. c. 4. n. 21. Alii igitur feudum *Francum* vocant illud, pro quo vassallus ad nullum prorsus obsequium nullamq; operam, sed tantum ad fidem seniori præstandam obligatus est, cæteroq; planè liber. *Francum* enim majores nostri *liberum* dixerunt. Alii deniq; etiam illud, pro quo ne fidelitas quidem præstanda sit, item, quando etiam ipsa proprietas, siue directum, ut vocant dominium alicui in feudatur, ut probat ex Baldo, & Jacob. addit. ad Jul. Clar. Et Zasius quoque ita fatetur: feudum concedi posse cum omni directo & utili dominio. d. p. 12. n. 33.

27. D. *Hoc verò num tam feudum, quàm mera donatio fuerit?*

M. Rectè ais, & ita sentit Andr. Tiraquel. ad l. si unquam, in verb. donatione, C. de revoc. don. Unde & vulgò Doctores hoc feudum *improprium* vocant, & Zas. feudis degenerantibus annumerat, d. part. 12. n. 36.

X. 28. D. *Dic aliam, si qua restat, divisionem.*

M. Feudum aliud est *intra territorium & jurisdictionem domini*, (vulgò vocant *districtum*) aliud *extra territorium*: ita accipit Ant. Cont. quod dicitur in fin. tit. 5. l. 1. feud. Feudum vel in curte, vel extra curtem domini haberi:

*beri*; quamvis Borch. d. c. 4. n. 31. Feudum in cunctis putat esse *feudum soldata*: sed mihi magis arridet Antonii Contii expositio. Non igitur necessaria est hæc collectio, si quis à feudo argumentari velit ad jurisdictionem, cum hæc separata esse pateat. Non valet, inquam: Titius habet feudum eo in loco: Ergo habet jurisdictionem quoque ibidem, vel contra: Habet ibi jurisdictionem; Ergo etiam feudum. A separatim enim nunquam rectè inferitur, arg. l. ult. & ibi Bart. ff. de calum. & l. neq; natales, C. de probat.

29. D. *Suntne plures etiam divisiones?*

M. Est etiam feudum aliud *personale*, aliud *reale*, si-  
ve quod ferè idem est, aliud est *temporale*, aliud *perpetuum*. *Personale* est, quod cum persona extinguitur, vel accipientis solius, vel dantis pariter & accipientis. Hujusmodi erant ab initio omnia feuda, & quidem aded, ut etiam in potestate & arbitrio domini situm esset auferre feudum quando vellet: quale jus est in precario, ut est text. in t. l. lib. 1. §. & quia vidimus. Hodie verò certa quædam duntaxat, ut: *Feudum habitationis*, *Feudum soldata*, *Feudum de Camera* & *de Cavena*. Item *Feudum advocatia*, *guardia* & *castaldia*, quorum nonnulla etiam anno finiuntur. Cætera autem ad vitam vassalli vel domini durant: de quibus vide Zas. d. p. 12. & Borch. c. 4. Hæc ferè sunt nobiliores feudi divisiones. Alias ab aliis Interpretibus petere licebit.

## CAPUT V.

*De feudi ADQUISITIONE: & primò quidem de personis, quæ feudum dare possunt.*

Nunc posteaquam & originem feudorum & Etymologiam & cognata, seu affinia & definitionem ac divisiones cognovisti, tempestivum est, ut de cæteris capitibus, quæ de feudis scitu necessaria sunt, me interroges.

1. D. *Ex illis, quæ suprà proposuisti, illud nunc proximum caput esse recorder, quod ad feudi acquisitionem pertinet.*

*not. Ac primò quidem de personis, quæ vel infeudare, vel infeudari possint.*

M. Probè meministi. Nam priusquàm vel de jure feudi constituti agatur, vel de ejus amissione, necessariò cognoscendum est de acquisitione ejus: exemplo ejus ordinis, qui in jure civili perpetuò observatur, estq; planè naturalis, verbi gratia, in potestate, vel dominica vel patria, in nuptiis, in tutelis, in tractatu de dominio, de servitutibus, de peculio, de testamentis, de legatis, de obligationibus, de actionibus, de possessione, &c. At in libris feudorù confusè de his omnibus, ac velut per Satyrà tractatur ὡς περὶ τῶν περὶ τῶν. Prima autem hîc occurrit inspectio de personis, ut sit qui det. Non autem quivis dare, sicut nec quilibet accipere feudum potest, sed is demum, qui jus dandi habet, & qui jus accipiendi legibus aut moribus sibi attributum. Deinde nec temerè, ut fors tulit, sed certis modis feuda debent constitui & adquiri: promiscuè enim pro eisdem utimur his duobus verbis. Ex his apparet, cùm de acquisitione feudi quæritur, hanc esse triplicem considerationem: 1. *De personis dantibus feudum.* 2. *De personis accipientibus seu infeudatis.* 3. *De feudi constituendi seu acquirendi modis.*

2. D. *Quinam igitur feuda dare potest?*

M. De Personis, quæ feudum dare possunt, primò observabis regulam desumptam, *extit. per quos fiat invest. lib. 2. tit. 3.* Quicumq; habet liberam suarum rerum administrationem, nec specialiter prohibetur alienare, is rem suam alteri in feudum concedere potest. Est enim quilibet rerum suarum moderator & arbiter, l. 21. C. mand l. 2 ff. si à par. quis marum. l. nemo, C. de iudeis, l. dudum 14. C. de contr. empt. Et ex contrario, qui qualibet ratione aliquid de suis rebus alienare prohibetur, is nec per feudum poterit investituram facere. Est enim infeudatio, sive in feudū concessio species quædam alienationis, & cui totū genus denegatur; eidem & omnes ejus generis species adimuntur. Nam, tametsi directum, ut vocant dominium, remanet penes senio-

seniorem dantem : tamen utile in accipientem vasallum transfertur, ut suprà in vulgata feudi definitione audivisti. Quibus autem permessa vel ademptra sit rerum suarum alienatio, meministi ex *Instit. t. quib. alien. lic.* verbi gratia : Pupillus sine auctoritate tutoris nullam rem alienare potest, §. *nunc admonendi, Instit. d. tit.* Ergo nec in feudum prædia sua dare potest. Idem dicendum de minore curatorem habente : nam & is pupillo comparatur, quo ad prohibitionem alienationis, l. *si curatorem, C. de in integr. rest. min.* Hic tamen adhibenda est distinctio inter *feudum antiquum & novum*. Nam vetus feudum, id est, quod etiam Majores pupilli soliti sunt cōcedere, ipse quoq; pupillus, dummodò aliquem habeat intellectum, rectè confert, etiam absq; tutoris auctoritate. Novum verò ne quidem cum auctoritate tutoris, d. *tit. per quos fiat investit. in princ.* Ratio differentię est : Quia novum feudum pupillus verè alienaret, at vetus ipse non alienat, sed ab aliis antè alienatum invenit, & confirmat factum majorum suorum, cui quidem etiam si vellet, contravenire non posset, sic rectè gloss. in verb. à minore, d. *tit. per quos fiat investit. vide & Zas. part. 5. num. 36. cum seq. & Borch. c. 5. n. 43.*

3. D. Miror, quod dicebas ; pupillum ne quidem cum auctoritate tutoris posse de novo aliquem de re sua investire, cum tamen interveniente tutoris auctoritate omnia rectè gerat pupillus, & ex actu suo obligetur, quamvis deterior inde fiat ipsius conditio, ut est text. fin. tit. *Instit. de auct. tutor. item l. 5. & l. 9. ff. eod.*

M. Hoc idem fit, quia tutor bona immobilia pupilli sine decreto prætoris, & sine causę cognitione, alienare prohibetur, tot. tit. ff. *de reb. eor. qui sub. tut. & c. & tit. C. de prad. & aliis reb. immob. sine decreto non alien. Menoch. lib. 2. de arbitr. judic. quæst. c. 171.* Feudum autem constituitur in prædiis seu rebus immobilibus, aut æquipollentibus, ut suprà in definitione feudi indicabatur, & latius explicabitur infrà, cum de rebus dicemus, quæ in feudum dari possunt. Deinde multum interest

terest inter alienationem & obligationem: quarum illa respicit bona, hæc verò personā obstringit: quam enim personā pupilli tutor autoritate sua obligare possit, tamen bona ipsius immobilia sine decreto alienare nequit.

4. D. *Miror etiam quod dicebas, in revocatione investitura de feudo antiquo à pupillo factā non esse necessariam auctoritatem tutoris, & pupillum etiā absq; ea obligari. Videtur enim hoc repugnare principiis juris in d. in i. t. de auct. tutor. traditis.*

M. Mirari defines, ubi cogitaveris, hoc casu pupillum facere conditionem suam non solum non deteriorem; sed etiam meliorem, nempe, dum vasallus ab ipso investitus fidelitatem ipsi jurat, & sanè pupillus non per tutorē demum obligatur, sed jam antea obligatio in ipsum transit à majoribus: contrarium tamen sentit Zas. d. p. §. nu. 39. videlicet: Pupillum & minorem, qui curatorem habet, antiqua feuda concedendo sine auctoritate tutoris & curatoris non obligari.

5. D. *Quod de pupillo & minore curatorem habentem, idem & de prodigo, & furioso & mente capto juris esse puto.*

M. Rectè putas: Nam & hi bona sua in feudum concedere nequeunt, quia scilicet administratio eorum ipsis quoq; adempta est.

6. D. *Nunc præmissa generali regulâ ejusq; declaratione, velim paulò distinctius mihi recenses personas, quæ feudum dare possint.*

M. Faciam hoc, ubi prius in memoriam tibi rede-gero, quod suprâ dicebam de antiquissima illa hominum, in Clericos seu Ecclesiasticos; & Laicos divisione, quæ etiam apud Tertullianum extat in exhort. ad Cast. Vani erimus, si putaverimus, quod sacerdotibus non liceat laicis licere: nōne & laici sacerdotes sumus? Dicendum igitur primò de Clericis sive Ecclesiasticis, quandoquidem hi primi omnium mortalium habentur: ex quo autem Ecclesia cœpit studere patrimoniiis, & ditari facultatibus, & quærere proventus

pingues, & vectigalia opima: Antistites quoque ejus feuda dare cœperunt: quod jure an secus fiat, non est nostrum hîc disputare. Quid fiat videmus. Inter Ecclesiasticos autem quasi familiam ducit *Papa Romanus*, huic proximi sunt *Patriarcha* seu *Primates*, *Constantinopolitanus*, *Alexandrinus*, *Antiochenus* & *Hierosolymitanus*, & his proximi *Archiepiscopi*, qui & *Metropolitani*, de quibus totum volumen historicum scripsit Albertus Crantzius; sequuntur hos *Episcopi*, *Presbyteri*, *Diaconi*, *Subdiaconi*, *Acoluti*, *Exorcistæ*, *Lectores*, *Psalmistæ*, *Ostarii*, *Canonici*, *Decani*, *Abbates*, sive *Archimandrite*, seu *Cœnobiarcha*, sicut *Moniarum Antistites* vocantur *Abbatissæ*, de qua hierarchia Ecclesiastica videatur Gratianus c. 1. *Cleros*, dist. 21. & tit. C. de Episc. & Cler. aliiq; tit. lib. 1. C. Item Isidorus li. 7. *Etymol.* Et quidam horum etiam nominantur à Feudistis lib. 1. tit. 1. Sciendum est tamen, hunc ordinem maxima ex parte ab instituto humano profectum, & quidem imitatione quadam Judaismi. Sanè de discrimine Episcopi & Presbyteri testatur ipse Hieronymus, id humanitus excogitatum in remedium schismatis, de quo videre licet Phil. Mornæ. de Ecclesia. Hi igitur pleriq; omnes in feudum dare possunt, tam propria bona, quam Ecclesiæ, sed hæc non aliter, quam si ab antiquo soliti sint infeudari: maxima autem omnium, & ferè Deo par potestas tribui solet Papæ Romano, ut videre licet in locis citatis ab Hotom. in Bruto Fulm. & passim in diss. feud. Itemq; apud Guidon. Pap. decis. 589. Qui quidem etiam potentissimos Reges. sibi obnoxios & vassallos fecit, atq; ad jusjurandū fidelitatis adegit, ut de regibus Sicularis, Anglicis, Danicis, Gallicis & Germanicis probat ex historiis idem Hoto. Et constat gravissima sæpè bella inde exstitisse, si qui Reges quasi calcitrantes jura majestatis, quæ Rom. Pont. imminutum ibat, sibi adferere studuissent. Et quidem voluerunt Canonistæ Papam non solum Ecclesiæ Romanæ, sed etiam cujuslibet alterius bona in feudum concedere posse, quia scilicet concurrat cum omni



prælatura Ecclesiastica, de cuius tamen dicti veritate non immeritò dubitat optimus *Zaf. p. 5. nu. 44.* Quantumcunq; verò tribuamus Papæ, certè inferiores ab eo Episcopi & Prælati Ecclesiarum non possunt neq; extra suam Episcopam, neq; suæ Ecclesiæ res non solitas infeudari in feudum concedere, c. 2. *ext. de feud. c. ad nostram, ext. de reb. Eccl. non alie. Zaf. d. p. 5. n. 53. & Iul. Clar. q. 13.* Imò etiam solitis infeudari in renovatione investituræ non possunt novas aliquas adjicere qualitates, quibus illa feuda alterentur aut mutantur, ut probat ex *Bart. Alex. & aliis Moz. in tr. de feud. t. de his qui feud. dar. poss. n. 9 & Zaf. p. 5. n. 60.*

7. D. Sed unde hoc asseritur, an res sit solita infeudari, nec ne?

M. Pleriq; requirunt binos actus, & 40. annorum curriculum, & insuper bonam fidem in accipiente. Ita *Zaf. d. p. 5. n. 52. & Clar. q. 13. n. 4.*

8. D. Car autem non quasvis res Ecclesia prælatus in feudum concedere potest?

M. Quia alienatio rerum Ecclesiasticarum est odiosa, & regulariter prohibita. Omnis autem infeudatio est quædam alienatio, ut & supra audivisti.

9. D. Cogiturne in concessione rei, qua solebat infeudari, prælatus adhibere consensum Capituli?

M. Non cogitur, ut ex Baldo, Felino, & aliis probat *Zaf. n. 47.*

10. D. Potestne verò prælatus etiam consanguineis suis concedere feuda Ecclesie antiqua, ad Ecclesiam reversa?

M. Potest, dummodo fuit honestæ personæ & Ecclesiæ minimè onerosa aut dedecori, *Zaf. num. 31.* Qui hoc argumento nititur: Quia & Christus consanguineos suos viros honestos ad Apostolatum assumerat: cui & hoc addi potest, quia Paulus domesticorum curam nobis præ cæteris commendat, quos & naturalis charitas maximè nobis conciliat. Hic tamen illud cavendum est diligenter, ne incidamus in suspicionem Simonie, quod crimen frequentissimè committitur.

11. D. *Quid si praelatus Ecclesia fuit mortuus?*

M. Prælatura vacante ipsum capitulum, quod interim repræsentat personam prælati, in feudationem facere poterit, excepta tamen Ecclesia Cathedrali, ut docet Zas. n. 48. p. 5.

12. D. *Potestne praelatus rem infeudari solitam, si aperta sit Ecclesia retinere pro ipsa, ita ut neminem amplius de ea investiat?*

M. Potest: Imò verò etiam debet eam retinere, & Ecclesiæ bonis incorporare, sive, ut loquuntur, de mensa Ecclesiæ facere, si eam urgeat aliqua necessitas & inopia, ut ex Alvarotto, Præposito, & aliis probat Zas. nu. 59. aliàs verò extra casum inopiæ & indigentia honestius fecerit, si rem Ecclesiæ apertam rursus concedat alii, ut docet idem Zas. n. 49.

13. D. *Quid si praelatus Ecclesiæ de feudo nondū aperto: quod adhuc ab alio prossidetur, alium investierit? & interim moriatur, tenebiturne ejus successor, seu novus praelatus talem investituram ratam habere?*

M. Sæpè quidem hoc fit: idq; moribus receptum testatur Feudista li. 2. tit. 26 §. moribus, ut de viventium ac superstitum feudis, maximè eorum, qui sine liberis & agnatis morituri sperantur, alii impetrent investituram sibi & suis liberis: quem tamen morem graviter repræhendit Jul. Clar. q. 14. & Hotom. aliique, cum inducat votum captandæ mortis alterius. Nam & jure civili pacta de futura successione certæ personæ viventis, de qua improbè aliquis sollicitus esse dicitur, rectissimè improbantur, l. licet, & l. si ubi Dd. C. de pact. l. pactum quod dotali, C. de collat. l. ex eis, C. de inut. stipul. l. qui superstitis ff. de acquir. hered. Si tamen praelatus aliquem ita infeudaverit, & feudo nondum vacante interim mortuus sit successor ejus, non tenebitur ejusmodi investituram implere, ut est text. in tit. 3. lib. 1. qui success. feud. dar. teneant. & tit. 9. qui success. ten. & tit. 26. lib. 2. §. moribus, Zas. d. p. 5. nu. 61. & p. 6. nu. 19. & seqq. Nisi vel consenserit is, qui feudum tenet, & sine successore moriatur, vel nisi capitulum consenserit in hanc investi-

vestituram: quarum exceptionum prior habetur in d. tit. 3. Alteram cautelam excogitarunt Dd. ut videre est apud Matth. de Afflict. decis. 101. & in tract. de feud in d. tit. num. lib. 1. De utraq; videte Borch. c. 7. n. 20. & 21.

14. D. Potestne Clericus vel Prelatus etiā de bonis propriis aliquem infeudare de novo?

M. Potest. In his enim pari jure censetur cum quovis laico: & certè non debet deterioris esse conditionis, sicut etiam testari de iisdem potest Clericus. De investitura est tit. de Cler. qui invest. fecit.

15. D. Satis dictum videtur de Ecclesiasticis personis feudantibus: nam de decimarum infeudatione ab Ecclesiasticis facienda fortassè præmaturè hic quasi cæro, cum ea quaestio alio locum, de rebus seu materia feudi potius pertineat. Nunc igitur cupio ex te audire etiam de laicis, qui feuda dare possint.

M. Inter laicos meritò Principe loco numeramus Imperatorem Romanum, de quo elegans extat testimonium Tertulliani in lib. ad Scapulam: Imperatorem, inquit, colimus ut hominē a Deo secundum, & quidquid est à Deo consecutum, & solo Deo minorem. Sic enim omnibus major est, dum solo vero Deo minor est. Quam Tertulliani antiquissimi & gravissimi scriptoris sententiam meritò opponimus nugis illis bullatis quorundam, qui Imperatorem à Papa tanto intervallo superari gloriantur, quanto Sol Lunam claritate vincit, cap. 6. sollicita, ext. de major. & obed. junct. c. 10. duo sunt luminaria. & duob. seqq. dist. 96. Tertulliano & Chrysostomum addo, qui de Imperatore, Theodosio Magno, cujus statuas per tumultum dejecerant Antiocheni, loquens, sic ait homil. 2. ad pop. Antioch. Læsus est, qui non habet patrem ullum super terram, summitas & caput omnium super terram hominum. Imperatorem, quem sæpè Feudistæ Regem vocant, ordine sequuntur: I. Rex Rôm. qui & Caesar dicitur, & Duces sive Principes Imperii: inter quos tamen etiam ipsos sunt gradus quidam. Præcellunt enim alios hi, qui vocantur Electores, his dignitate proximi

sunt *Archiduces*, qui titulus in familia Austriaca primum cœpit. Hos sequuntur qui absolutè *Duces* vocantur, Germanis *Herzogen* sive *Bürsten*; quamvis plerumque distinguant *Herzogen* ab iis, qui vocantur *Bürsten* & majorem dignitatem tribuant iis, qui vocantur *Herzogen*. *Ducibus* proximi sunt *Marchiones* seu *Margravii*, quasi dicas, *Comites limitanei*: item *Landgravi*, quasi *Comites provinciales*: item *Comites Palatini*, seu *Pfaltzgravi*, his gradu inferiores sunt, qui absolutè *Comites* vocantur: quibus in Germania ferè æquiparantur *Barones*, ut & *Zasius* testatur. Et hi dicuntur *Capitanei Regis*, seu *regni*. Sunt alii, qui simpliciter dicuntur *Capitanei*: item *Valvasores majores*, seu *Valvasores regni* & *regis*. Hos excipiunt *Valvasores minores*, & hos *Valvasores minimi*, qui & *Valvasini*. Omnes autem nomen accepisse videntur à valvis seu portis, ad quas apparere vel excubare coguntur. De his ordinum & dignitatum titulis videre licet t. 1. lib. 1. *feud. & tit. 14. & lib. 2. tit. 10. item Zas. Ant. Continuum, Borcholdum, & alios Feudistas*. Quin autem Imperator possit feuda dare, de eo dubitare proximum esset sacrilegio, cum Imperator sit fons omnium dignitatum, quo & in quem omnes dignitates fluunt & refluunt, tanquam flumina de mari & in mare, ut eleganter loquitur Bald. in c. un. §. *judices. de pac. juram. firm. & Præpos. in c. un. que sint reg.* Et cum Imperator sit dominus mundi, l. *axio. ff. ad l. Rhod. de jact. & l. benè à Zenone, C. de quadr. præscript. &c.*

Potest autem Imperator non tantum majora seu regalia, sed minora feuda dare, sive potest non solum cum dignitate, sed etiam sine dignitate aliquem infeudare, dd. t. lib. 1. tit. 1. & lib. 2. t. 10. Nam cui quod plus est licet, non debet quod minus est non licere; Neque tantum secularia feuda Imperator constitucere potest, verum etiam Ecclesiasticas dignitates, ut: Episcopatus, Abbatias, & Prælaturas alias ab ipso petere & impetrare oportebat, priusquam Pontifices Romani jura Imperatoria, ita, ut constat, diminuissent. Ejus rei pluri-

plurima extant documenta in Historiis rerum Germanicarum: nec rara etiam vestigia in ipso jure Canonico interlucent. Quæ diligenter annotavit Hotom. in feudis, & Giph. sed tamen & hodie, si qua Episcopi habent regalia, eorum investituram ab Imperatore petere coguntur, non minus quam seculares Imperii proceres, vide tit. 14. lib. 1. & 1. 34. & 40. lib. 2. F. eorumq; ratione etiam Imperatorem in expeditione comitari debent Episcopi, quod nisi faciant, feudis suis privari possunt. Quam ob rem scribit Guntherus, Episcopum Bremensem & Halberstatensem suis Episcopatibus exutos esse à Friderico I. quod ipso in Italiam proficiscente domi remanissent: qua de re infra, ubi de causis amittendi feuda.

16. D. *Quid dicis de Casare, seu Rege Rom.*

M. Idem quod de Imperatore, nempe hunc quoq; feuda dare posse. Videte Borch c. 5. n. 26.

17. D. *Quid de Rege Francorum?*

M. Et de Rege Franciæ, & de alio quovis non recognoscente superiorem, idem dicendum est, videlicet eos omnis generis ac dignitatis feuda dare posse.

18. D. *Atqui Baldus & alij glossographi Francia regnum subijciunt Imperio Romano.*

M. Fateor: sed Gallici Jurisconsulti ajunt, blandiendi causa Imperatori hoc eos fecisse, vide Anton. Contium: & prolixus atq; eruditus tractatus hac de re editus est à Jo. Igneo, sub tit. *An Rex Francia recognoscat Imperatorem.* Gallorum argumentis respondet Fr. Zoannet. in tract. de Rom. Imperio. Ad hos remississe sufficiat in præsentiarum: nam non nostrum inter eos tantas componere lites, aut nostras facere.

19. D. *Quid de aliis inferioribus principibus juris est, ut de Ducibus, Marchionibus, Comitibus, qui capitanei Regis vocantur?*

M. Hi in suis territoriis dicuntur eandem potestatem exercere posse, quam Imperator in universo orbe Romano habet, ut ex Paul. Castr. Alex. Gravetta, Rubino, Rolando à Valle, & Laurent. Kircho. receptum pro-

bat Borch, *d. c. 5. nu. 37.* sed tamen magno errore hanc sententiã receptam fatetur Jacobin. *de feud.* ut liceat hîc exclamare cum Ulp. *Vsurpatum hoc est, sed nullo jure.* Nam multos imperitare malum est. Feuda tamen quin possint dare nemo dubitat, *per tit. 1. lib. 1.*

20. D. *Quid dicis de ceteris, ut de valvasoribus Regis seu regni, qui & simpliciter Capitanei dicuntur? Item de Valvasoribus minoribus, & deniq; de Valvasoribus minimis, qui & Valvasini.*

M. Hi quoq; feuda dare possunt: exceptio quod à minoribus valvasinis valvasoribus translatum non censeatur jure feudali, de quo vide *tit. 1. lib. 1. in §. notandum est, init. t. 7. & t. 16.*

21. D. *Quid de aliquo quis patresam, plebejo homine, qui extra personas jam enumeratas habetur, juri esse dicis?*

M. Communiter receptum est, posse quemlibet etiam plebejum atq; ignobilem sibi vasallum aliquẽ constituere, allodio suo seu prædio libero ac patrimoniali in feudum ipsi concessio, ut probat *Zaf. p. 5. nu. 31. ex Baldo, Præposito, & Innocentio: & est sententia Curtii in tract. feud. p. 2. q. 4. de feud. laic.* Sed contrarium probabilius videtur Francisc. Duareno *c. 6. in consuet. feud.* tum quia text. *in tit. 1. de feud.* loquatur de personis dignitate præditis, non autem à quovis indiscriminatum velit feuda dari posse: tum quod senior in vasallum exerceat jurisdictionem, *ut est lib. 1. t. 15. lib. 2. t. 46.*

& 55. Quod in plebejum & ignobilem cadere non posse constat: concedit tamen sequendam esse hac in re cujusq; loci consuetudinem.

22. D. *Sed nunquid etiam fœmina feudum dare potest?*

M. Potest, ut pleriq; consentiunt. Fœmina etiam novi feudi investituram facere, *ut est textus in §. fœminam, t. per quos fiat invest. & probat Zaf. d. p. 5. num. 33. cum duob. seqq.* Qua in re duo sunt singularia observanda: Unum, quod fœmina jure & more Longobardorum possit exercere jurisdictionem, quod à jure Romano abhorret, *l. 2. ff. de R. I. l. 12. cum prætor. ff. de judic.* Alterum est, quod fœmina plus juris videatur in alterum

trans-

transferre, quàm ipsa habeat, contrà R. I. Cùm fœmina regulariter non sit capax feudi. Sed hoc eò minus tibi mirum videri debet, quod etiam I. civili possit quis interdum plus in alterum transferre, quàm ipse habet, sicut de usufr. constituto ait Paul. in l. 63. ff. de usufr. & facit l. 46. ff. de acq. rer. dom. Deinde fœminam non perpetuè & simpliciter incapacem esse feudi, apparet ex eo, quod possit pacto investituræ comprehendì atq; effici, ut etiam fœminæ succedant, quod feudum fœmininum dici suprà audiisti.

23. D. *Quid juris est de rerum alienarum administratribus, ut: Tutoribus, curatoribus, & procuratoribus, num & hi feuda dare possunt?*

M. De procuratore quidem est text. in jure feud. lib. 2. tit. 3 § sed utrum ipse, & tit. ult. §. item investitura, ubi dicitur: Investituram posse & dari & accipi per procuratorem, sive nuncium, Sed nos hîc non tam quærimus, an investitura conferri possit per alienarum rerû administratores, quæ de re infrà suo loco, quàm illud, an hæ personæ feudâ dare possint, inter quæ duo certè distinguendum est: inter investituram scilicet & feudi dationem. Si tamen speciale mandatum procurator habeat, poterit bona domini, seu principalis sui in feudum dare. Tutor autem & curator antiqua pupillorum seu minorum suorû feuda renovare possunt: nova autem concedere prohibentur, per rationem suprà dictam. Quia sine decreto prædia minorum alienare nequeunt, vide Zas. p. 5. n. 40. & seq. Duar. c. 6. n. 10.

24. D. *Potestne etiam universitas sive collegium ali- quod dare feudum. & vasallum sibi constituere?*

M. Potest. Et vasallus universitatis alicujus non tenetur servire singulis de ea universitate, sed satis est, si toti serviat universitati, sive ejus administratori, qui universitatem repræsentat: argumêto ejus quod in jure civili dicitur de libertis municipii, cum non esse singulorum municipium, sed totius municipii libertû, vide Hart. Hart. lib. 2. præf. obs. tit. de feud. obs. 3. n. 4.

25. D. *Potestne vassallus alterum subinfeudare, sive subvassallum facere?*

M. Potest: Dùmmodo iisdem legibus, quibus ipse accepit, ut docet idem Hartm. *obs.* 38. & *seqq.* & Moz. c. 3. nu. 26. auctoritate gl. in c. un. §. *præterea*, t. de cap. *Conradi*, vide & Andr. Knich. in *comm. de privil. Duc. Sax.* c. 6. Sed de hac re plura dicentur infra.

## CAPUT VI.

### *De his qui feudum accipere possint.*

1. D. *Satis dictum videtur de personis feuda dantibus. Nunc mihi velim exponas: Qui feuda accipere possint?*

M. De his primum observabis regulam generalem, posse quemlibet feudum accipere, sive de eo investiri, qui non specialiter prohibetur. Quæ sumitur ex d. t. 3. lib. 2. §. *personam* verò.

2. D. *Quinam ergo prohibentur?*

M. Feuda tenere non possunt clericus, mutus, surdus, cæcus, claudus, vel aliter imperfectus, furiosus, item fœmina feudum masculinum, tot. t. 3. lib. 2. *feud. an mutus vel aliàs imperf. feud. retin.* & c. Ratio est: quia hi feudum deservire non possunt, vel ob statum ac vitæ genus, vel ob vitium corporis, vel ob fragilitatem, & pudorem sexus, vel ob mentis cæcitatem. Hic notabis; quod plerique Interpretes promiscuè tractentur de iis qui primò feudum acquirere possint, vel non, tum de iis qui in feudum succedere: quæ tamen omninò distinguenda videntur: & de successione infra peculiari cap. agendum.

3. D. *Ergone clericum negas feudi capacem esse?*

M. Si ius spectemus & rationem, videtur omninò negandum: imò & per clericatum quis amittit feudum, cujus antea capax fuerat, c. un. in fin. de feud. fœm. & c. & c. qui clericus, si de feud. controversia fuerit inter dominum & agnatos, & c. un. d. t. 36. Et ratio est, tum, quia portio clericorū est dominus, cui servire debent, sicut de Levitis in V. Testamento scriptum est, & egre-



giè explicat Sulp. Sever. in *Hist. sacra*, lib. 1 pag. 58. & seq. Tum quia miles Christi non debet implicari negotiis & militia hujus seculi; quæ sententia ex Apostolo Paulo desumpta, etiam in jure Canonico refertur, c. placuit 21. q. 3. vide §. qui clericus, lib. 2. feud. t. 36. Sed si mores & communem opinionem sequamur, quos etiam jus Pontificium posterius comprobavit, etiam clericus feudum recipere, idq; per substitutū seu vicarium deservire poterit, de quo vide Zas. p. 5. num. 71. & seq. & Moz. c. 3. nu. 19 & c. ult. nu. 12. & c. extr. transmissa ext. de foro comp. Et quidem si clericus feudum obtineat à laico ejus ratione ipsi subijciatur; ita ut ad tribunalia laicorum vocari possit, c. ceterum, ext. de judic. & ibi Cujac. cum aliàs non possit clericus nisi coram Ecclesiastico giudice conveniri, nec renunciare fori præscriptioni, c. si diligenter, ext. de for. comp. Ubi hac de re prolixè Cujac. in recit. & idem ad l. 38 ff. de pact. vide Hart. Hartm. obs. 4 t. de feud.

4. D. Quid si clericus feudum non solum persone sue, sed Ecclesie datum, sua culpa & felonia perdat, nocebitne hoc delictum prelato Ecclesie?

M. Hac de re dicitur commodius infrà, cum de amissione feudi agetur. Interim vide §. item si clericus, tit. de cap. Conradi. & Gunth. lib. 1. de gestis Friderici.

5. D. De servi investitura quid dicitur? potestne etiam servus feudum recipere?

M. Servus aut proprius investitur, aut alienus. Si proprius, valet investitura, & per hoc ipsum servus censetur manumissus, ut simul & feudum & libertatem consequatur, arg. §. 1. Instit. de hered. instit. Quia servus militare non potest, l. super servis, C. qui mil. non poss. Sin alienus, valet item investitura, dummodò à sciente facta, & acquiritur feudum domino ejus: de quo vide §. personam, tit. per quos fiat invest. & Zas. p. 5. nu. 62. cum seq. & Hartm. d. t. de feud. obs. 1.

6. D. Quid si monachus investitur?

M. Sicut domino per servum, ita monasterio per monachum acquiritur feudum, dum tamen illud sit ejus-

eiusmodi, cuius capax sit monasterium, *Zaf. num. 64* & *Nic. Eberh. in loco à servo ad monachum.*

7. D. *Quid de filiofam. ais?*

M. Hic quoque feudum acquirere potest: Quod erit peculium ipsius advenitium. & quidem licet aliâs bonorum filii adventitiorum pater habeat usum fructum, quod *ad tit. Inst. per quas pers. &c.* audivisti ex *l. 6. C. de bon. quæ lib.* tamen feudi, quod filiusfam. accipit ususfr. patri non acquiritur, teste *Zaf. d. n. 64.* & latius probat *Borch. c. 5. c. 48.* ubi & ratio redditur: quia scilicet inter dominum & vassallum ira convenisse videtur, ut ususfr. penes filium remaneret, nec patri acquireretur. Quod autem hîc de adoptivo & naturali filio interpretes afferunt, id pertinet ad locum de successione feudi, eoq; merito præservatur.

8. D. *Quid de pupillo & minore juris esse dicis? possunt hi quoq; de feudo investiri?*

M. Possunt etiam quidem tam in persona propria, sive per se, quàm per tutores & curatores. Ita tamen, ut iusjurandum fidelitatis usque ad tempus perfectæ ætatis differatur, §. *si minori, tit. si de feud. controvers. fuerit inter dom. & agnat.* & §. *si quis decesserit, lib. 2. F. tit. 26. Zaf. p. 5. n. 66. & Borch. c. 5. n. 46.*

9. D. *Quid de fœmina?*

M. Dixi fœminam non esse capacem feudi masculini: quale est regulariter omne feudum. Poteest tamen pacto hoc effici, ut etiâ fœmina feudi sit capax, de quo vide *tit. de feud. fam. & §. filia, tit. de success. feud. & tit. de eo qui sibi vel hered. suis masc. vel fœm. invest. accipit.*

10. D. *De Hermaphrodito seu androgyno quid ais?*

M. Etiam Hermaphroditus investiri de feudo potest, si in eo prævaleat sexus virilis, *arg. l. queritur, ff. de stat. hom. Borch. d. c. 5. n. 45. Alvar. in c. un. an mutus vel aliter imperfectus, n. 8. Bald. in c. un. de al. feudi paterni, & in c. un. de al. feud.* Est autem Hermaphroditus, ut eleganter describit Jo. Sarisberienfis *c. 10. lib. 5. politicor.* qui quodam delinquentis naturæ ludibrio sic utriusq; sexus ostendit.

ostentat imaginem, ut neutrius retineat veritatem.

11. D. *Quid de furioso & demente dicis?*

M. Furiosus quoque; tametsi in feudo succedere non possit: tamen ab initio de eo investiri potest, quia sibi imputari debet, qui sciens ipsi confert feudum, vide Borch. num. 50. d. c. 5. Quod tamen de manifestè furioso putaverim intelligendum, non de eo, qui sub obtentu inumbrata quietis latet.

12. D. *Potestne etiam rusticus investiri?*

M. Potest. Et quidem rusticus fit nobilis, si feudum acceperit, cujus conditio hoc exigit, & si ab eo, qui facultatem habeat nobilitandi, teste Zas. p. 5. n. 68.

13. D. *Potestne etiam maritus ab uxore feudum accipere in dotem?*

M. Potest mulier feudum habens marito id in dotem dare, sed tamen ita, ut non adponatur pactum de lucranda dote, vide Iul. Clar. q. 36. & Zas. p. 8. n. 70.

14. D. *Estne semper necesse, ut is, qui feudum accipit, inferior sit per omnia eo, qui dat feudum?*

M. Hoc necessarium non est. Nam & Papa & Imperator feuda, quædam etiam ab inferioribus accipere possunt, teste Zas. p. 5. nu. 73. sed tum per substitutas personas, & fidelitatem jurabunt, & servient ei, à quo feudum acceperunt.

## CAPUT VII.

*De rebus, in quibus feudum consistere possit.*

1. D. *Absolutis personis dantibus & accipientibus feuda, proximum videtur, ut quæramus de rebus, in quibus tanquam in materia feudum constitui & consistere possit, vel non. Quibusnam igitur in rebus feudum constitui potest?*

M. Est id quidem jam supra in definitione feudi breviter indicatum, sed hoc loco nonnihil latius explicandum. Igitur primò hanc tenebis regulam: Feudum tantùm in rebus soli seu immobilibus, aut solo cohærentibus, aut iis, quæ inter immobilia connumeran-

merantur, consistere posse, *ut est text. in lib. 2. t. 1. §. ult.* Res soli sive immobiles quænam sint, *in Inst. audivisti.* Res solo coherentes glo. quidem *ad d. §. ult.* intelligit fructus pendentes, qui dicuntur pars esse feudi, *in l. fructus pendentes. ff. de R. V.* Sed melius videtur, ut intelligamus superficiem, vel ædificia, *arg. l. 1. ff. de vi & vi arm. l. 10. ff. quod vi aut clam.* Deniq; res, quæ inter im- mobilia connumerantur ab Interpretibus vocantur *equipollentes*, ut sunt, verbi gratia, pensiones quædam de camera, vel de cavena (quod tamen feudis improprie ac degenerantibus suprà diximus annumerari.) Item hujusmodi sunt *panes*, qui vocantur *civiles*, de quibus *in l. ult. §. præterea, C. de jur. dot.* Item *teffera frumentaria*, *sportula*, *annui redditus*, sive illi dentur de re immobili, sive etiam de re mobili, dummodo ab aliqua negotiatione, vel loco commercii, *vide Zas. d. p. 4. n. 9 Borch c. 6. n. 13. & Moz. n. 7. & 9.* Item actiones pro rebus immobilibus competentes, *ut ex Ant. Gabr. & Andr. Gail aliisq; probat Borch. num. 16.* Item huc pertinent servitutes prædiorum. In his igitur omnibus feudum constitui potest. At contrà in rebus mobilibus, quæ ne quidem æquipollent immobilibus constitui non potest, ut admonet *glos. in c. un. si vassallus ab aliquo interpell. &c.*

2. D. *Quæ est hujus rei ratio, cur, inquam, feuda non nisi in rebus immobilibus aut æquipollentibus constitui possint?*

M. Primùm, quia feuda in perpetuum conceduntur, ut etiam ad vassalli descendentes & agnatos pertineant, ut patuit ex definitione feudi, suprà relata ex Oberto Ortenso. Atqui res mobiles non sunt perpetuæ, sed ferè utendo consumuntur, & sunt commutabiles, sicut Cic. in Paradox. commutabilia pecunia membra appellat. Altera ratio est, quia feuda ita debent dari, ut proprietas remaneat penes seniores, & in accipientem tantùm jus quoddam transeat in rem, simile usufructui. Quod idem ex definitione Hortensii patet. Atqui hoc in rebus mobilibus, quæ ulu consumun-

sumuntur ac depercut, fieri nequit, *arg. tit. ff. de usufruct. earum rer. quæ usu consum.* & §. *constituitur, Instit. de usufr.*

3. D. *Sed illarum rerum, quæ usu consumuntur, potest constitui usufr. mediante cautione ex Senatusconsulto, ut, audiui ad d. §. constituitur: Potestne igitur feudum in illis constitui interveniente cautione, de estimatione earum restituenda?*

M. Quamvis nonnulli Feudistæ hoc fieri posse existimarint, ut Jac. Ardizo, Blanchus, Matt. de Afflict. quem & Moz. sequitur, *c. 4. num. 17. vers. certio fallis*: tamen verior est sententia Andreæ de Isernia, quam & Zas. *n. 21.* & Borch. *n. 34.* aliiq; probant non posse, quia contra naturam feudi sit, ut in accipientem etiam proprietas rei in feudum datæ transeat. Deinde magna est differentia inter usumfr., qui longè facilius amittitur, & feudum, & aded quidem hæc feudi concessio non valebit, ut nec iusjurandum fidelitatis de ejusmodi rebus interpositum valeat, aut jurantem obliget, *arg. l. non dubium, C. de ll.* Et hæc fuit sententia Iserniæ, quam probat Zas. *p. 4. n. 22.* licet alii voluerint valere, si non tanquam feudum, saltem ut cōtractum innominatum.

4. D. *Ergo nenullo unquam casu feudum in mobili consistere potest?*

M. Excipiunt quidam duos casus. 1. Si mobilia dantur accessoriè cum immobilibus, ut si res mobiles, quæ in fundo sunt, dantur cum ipso fundo in feudum. 2. Si pecunia detur in locum feudi evicti, de quo vide apud Moz. *n. 17.* Reliquæ verò duæ exceptiones, quas ibidem affert, mihi non probantur.

5. D. *Sed Molendinum estne rebus mobilibus, an immobilibus annumerandum, ut scire possim, an in eo feudum possit constitui?*

M. Hic distinguendum inter molendina solo coherærentia, ut quorum stipites in terra sunt defossi, *argum. l. granaria, ff. de act. empt.* & inter ea quæ in aquis nataut. Illa enim rebus immobilibus cōnumerantur;

tur; hæc pro mobilibus habentur, sicut & naves, *vide Borch. sub n. 11. & paulò aliter Moz. n. 8.*

6. D. *Dixisti de pensionibus & proventibus, si ve reditibus eos in feudum dari posse. Poteruntne igitur promiscuè omnes undecunq; etiam percepti?*

M. Imò ex quæstu turpi obvenientes non possunt in feudum dari: argumento eorum, quæ de mandato rei turpis, item de societate & stipulatione rei turpis in *Inst.* audivisti, & facit *l. generaliter ff. de V. O.*

7. D. *Satisne ergo est, si res sit immobilis ad hoc, ut feudum in ea constitutur?*

M. Imò oportet hoc amplius etiam esse eam in commercio, si ve commercialem, ut Zasius loquitur. Nec alienari prohibitam vel per legem, vel per consuetudinem, vel per statutum, vel per testatorem. Nam primo si commercio res sit exempta, ut si sit sacra, si religiosa, si sancta, si publica, quoniam alienari non potest, etiam in feudum concedi nequit, cum omnis in feudum datio species sit alienationis, ut suprà dixi. Et probatur in §. *sed etiam res, tit. per quos fiat investitura.* De rebus autem illis commercio exemptis, quæ & cujusmodi sit, in *Inst. tit. de rer. divis.* audivisti, ut hic repetere non sit necesse. Porro de prohibitione alienationis facta, vel per legem, vel per consuetudinem, vel per statutum, vel per testatorem, *vide Borch. n. 10.*

8. D. *Sed cum nonnullis casibus liceat etiam res sacras alienare, ut meminite ad Institutiones annotare, poteruntne illis casibus & in feudum dari?*

M. Poterunt quidem, argumento à Majore ducto: nam cum possint vendi iis casibus, aut permutari, poterunt utiq; multò facilius etiam in feudum dari. Et enim venditio & permutatio continent omnimodam alienationem, per quam ipsa quoq; proprietates transfertur: atqui feudi datio relinquit proprietatem penes dantem, ac tantum jus quoddam in rem transfert in accipientem. Atq; hæc prima sit exceptio de rebus sacris.

9. D. *Estne ergo & alia exceptio?*

M. Est:

M. Est : si nimirum aliis rebus profanis in feudum datis accesserint vel sacræ , vel religiosæ ; quo cāsu in consequentiam valet eorum infeudatio , arg. l. hanc , cum duabus seqq. ff. de contr. empt. & l. quoties , C. de judic. & l. si quis nec causam , ff. de reb. cred. facit & cap. ex literis , ext. de jure patron. vide Borch. c. 6. n. 9.

10. D. *Quid de rebus Ecclesiasticis dicis, suntne eodem jure cum sacris conferenda?*

M. Imò ab iis distinguendæ. Nam res Ecclesiæ & jure Pontificio , & de cōsuetudine possunt in feudum dari , idq; cum consensu capituli , si jam primum de novo infeudentur , vel etiam à solo Prælato sine capitulo , si res sint solitæ infeudari , & si viderit Ecclesiæ hoc expedire , ut ait Pontifex c. 2. ext. de feud. Qua de re paulò ante dictum est in loco de personis feuda dantibus.

11. D. *Quid de decimis juris esse ais? Num hæ quoque laicis in feudum dari possunt?*

M. Decimas , ajunt Canonistæ , juris esse divini , cū Deus ipse eas ordinārit , & sacerdotibus attribuerit ad conservationem cultus divini : ideoq; laicis negant eas competere. Cū autem perversa quædam consuetudo invaluisset in contrarium , ut scilicet etiam laici decimas detinerent , vel titulo feudi , vel etiam jure allodii , & aliis quoque rursus eas jure feudi concederent , tandem Concilium Lateranense Romæ habitū id prohibuit , cujus meminit Innocentius III. in cap. cum Apostolica , extr. de his que fiunt à Prælati sine consensu capituli. Confer cap. 19. prohibemus , ext. de decim. itemq; c. 15 & 17. eod. & Guidonem Papam decis. 283. vide etiam Tib. Decian. resp. 22. n. 31. vol. 1. Si quæ tamen ante illud Conciliū à laicis possessæ fuerunt decimæ , ipsis relinquuntur , cū sicut leges , ita & Canones regulariter tantū futuris negotiis formam dent : non autem in præteritum vel retrò ferantur.

11. D. *Quid si decima à laico ad Ecclesiam reversa fuerint , poteruntne rursus infeudari , vel alteri concedi in feudum?*

M. Placet sententia negantium, quam refert & sequitur Zaf. p. 4. n. 26. itemq; Moz. c. 4. n. 19.

12. D. *Quid autem in universum putas sentiendum de iis, qui donatas & relictas Ecclesie liberalitate majorum possessiones detinent, & in rem suam vertunt?*

M. Odiosa hæc est quæstio: de qua malim te cognoscere aliorum judicia gravissimorum virorum, & cum primis Jo. Rivii, lib. 2. de conscient. pag. 43. edit. Basil.

13. D. *Potestne etiam jurisdictio in feudum dari?*

M. Maxime, non minus certè, quam jus venandi, jus piscandi, jus lapides cædendi, de quo vide Zaf. d. p. 4. n. 19. & seq. Imò re immobili, puta castro aliquo in feudum concessio simul etiã jurisdictio illi cohærens concessa videtur, Zaf. d. n. 20. p. 4. & Borch. c. 6. num. ult. Moz. n. 16. c. 3.

14. D. *Quid si res aliena in feudum data sit à non domino, valétne infeudatio?*

M. Sicut rei alienæ emptio, venditio valet, propter libertatem commerciorum, & manet res penes emptorem donec evincatur, & emptori auferatur, ut audisti ad tit. Instit. de empt. & vend. ex l. 28. ff. de contrah. empt. (non enim cogitur venditor rem emptoris facere, ut is, qui stipulanti spondit rem dare, l. 25. ff. de contr. empt.) Quod pluribus demonstrat Giph. in disp. de act. empt.) Ita etiam res aliena in feudum dari potest, ut habetur expressum, lib. 2. feud. tit. 8. & tit. 25. Quod si verus rei dominus vasallo litem moverit de proprietate, debet vasallus auctorem suum laudare, sive, ut Feudista loquitur, dominum vocare, id est, denunciare seniori suo, atq; ab eo petere, ut liti subsistat, seq; in judicio defendat: quod planè concordat cum jure civili, l. 29. §. fin. & l. 63. & ibi Budæus in annot. ad ff. ff. de evict. Quod si res fuerit evicta, & vasallo per judicium ablata, de evictione agere poterit contra seniores, ut vel aliud restituat feudum, quod sit ejusdem æstimationis, bonitatis & quantitatis, cujus fuit tempore rei judicatæ illud, quod evictum est (quod Cambium feudi petere dixit Feudista d. tit. 25. eleganti vocabu-



cabulo: *Cambium* enim idem est quod *permutatio*, lib. 1. feud. tit. 4. & tit. 22. quæ etiam dicitur *Cambitas* in veteri glossario, ἀνταλλαγή, *Cambitas*, *permutatio*. Et *Contambium*, teste Cujac. in recitat. decretal. & *Cambire* idem valet quod *permutare*, quod extat apud Prisc. lib. 10. & in d. vet. glossario, non semel ἀλλάσσω, *summuto*, (F. leg. *commuto*) *Cambio* Et alibi: ἐναλλάσσω, *muto*, *immuto*, *commuto*, *cambi*, *campsi*: pro quo leg. *cambio*, *campsi*,) vel nummos in feudum dando numerare cogitur, id est, præstare litis æstimationem, d. t. 8. & t. 25. F. 2. vide Borch. de feud. c. 9.

15. D. *Quid si vasallus auctorem laudare pratermiserit, si non denunciaverit ipsi?*

M. Non habebit de evictione actionem, argum. l. si feudo 53. §. 1. ff. de evict. Et dominus cogitur ratum habere, quod vasallus suo nomine egit, ut est textus lib. 2. feud. tit. 26. §. 23. & tit. 43. quam delirationem feudisticam, & quidem intolerabilem esse, ait Hotom. cum res inter alios acta, aliis non debeat nocere, & cum nemo nisi suum jus in iudicium deduxisse censeatur. Proprietas autem feudi non pertinet ad vasallum, sed manet senioris.

16. D. *Quid si vasallus sciverit, rem, de qua investiebatur, alienam esse?*

M. Hoc casu de evictione agere non poterit, nisi pacto speciali sibi prospexerit, ut ait d. l. 8. id est, nisi à seniore stipulatus fuerit evictionem. In vasallo igitur, ut de evictione agere possit, requiritur ignorantia rei alienæ: quod idem ex jure civili sumptum esse rectè observavit Hotomanus, videlicet ex l. si fundum, C. de eviction. At senior si sciverit, siue ignoraverit rem, quam alteri in feudum dederit alienam esse, ea evicta indistinctè tenetur, dummodo vasallus ipsi denunciaverit, ut habetur dictis locis, & vide Zas. p. 6. num. 18. & latius Borch. cap. 9.

17. D. *Quid interim fiat, dum lis evictionis pendet, cogeturne vassallus servitia prestare domino?*

M. Omnino. Quia cum interim percipiat commoda ex feudo, secundum naturam est, ut etiam neca ferat. arg. l. 10. ff. de R. I. & c. qui sentit, de R. I. in 6. ita Balb. & Alvar. add. tit. 8.

18. D. *Atqui feudum est beneficium & donatio. Donatario autem de re donata evicta non competit actio evictionis adversus donatorem, nisi per stipulationem promissa fuerit evictio. Ergo neque vassallus evicto feudo cum seniore agere poterit?*

M. Verum quidem, donatorem de evictione non teneri, l. Aristo. §. fin. ff. de donat. quia lucrativæ rei possessor ab evictionis actione ipsa juris ratione depellitur, ut ait Paul. lib. 5. sent. tit. 11. §. invitus. Cujus juris ratio est, ne ex sua liberalitate quis damnum ferat, quod esset iniquum, Cujac. ad d. loc. Pauli. Excipitur primò, nisi donatarius à donatore stipulatus sit evictionem, l. 2. C. de donat. & Paul. d. §. invitus, in illis verbis: *nec eo nomine, nisi promiserit, oneratur.* Ita enim legendum, pro eo, quod vulgò: *Si promiserit.* Sicut vice versa in l. 15. post contractum, ff. de donat. pro, *nisi*, restituendum puto, §. Ratio hujus primæ exceptionis est, quia hoc casu donator suo juri renunciavit, cum stipulanti promisit evictionem: hoc autem unicuique liberum est, suo jure non uti, l. pen. C. de pact. & Cic. pro Balb. Altera exceptio est: nisi donator sciens rem alienam donaverit ignoranti, & donatarius magnas impensas in eam fecerit: quo casu actione de dolo poterit conveniri, d. l. 18. in fin. ff. de donat. adjuvari enim nos, non decipi beneficio oportet, ut eleganter ait Paulus in l. 17. §. sicut, ff. commodati. Sic, inquam, res habet in donatione. Sed de feudo scire debes, quamvis sæpius dicatur beneficium. (ut in tit. an maritus ux succed. in benef. Item tit. de beneficio fratris. Item: de Capitaneo qui curiam vendidit, an censeatur beneficium vendidisse. Item, de controversia inter masculum & foeminam de beneficio. Item, de fratribus de novo beneficio investitis. Item, que fuit

fuit prima caussa beneficii amittendi, & passim in ipsis textibus) tamen non esse donationibus, sed potius contractibus annumerandum, propter mutuam, quæ inter seniore & vasallum est, obligationem, ut supra demonstravimus. Accedit, quod feudum non modò per donationem, sed sæpè per emptionem etiam constituitur.

19. D. *Audivi de re aliena in feudum data, quid autem de re communi juris est?*

M. Potest unus ex pluribus dominis ejusdem rei facere investituram de sua parte. Quo casu vasallus investitus, potest eum, cum quo rem communem habet, fortè nolentem dividere cogere per judicem, ut dividat. Ita est text. in 1. 58. lib. 2. §. item sciendum est. Ratio: quia res communis pro indiviso potest quovis modo per socium alienari, etiam reliquis inconsultis, ut: potest donari, legari, vendi, &c. l. 12. C. de donat. l. 1. & l. 3. C. de commun. rer. alienat. l. 5. §. 1. de leg. 1. Sed postulata jam divisione, res communis amplius in feudum dari nequit, arg. l. 1. C. commun. divid. De divisione autem quod dixi, ejus ratio est: quia nemo invitus in communione tenetur, l. ult. C. commun. divid. l. 26. §. si certum. ff. de cond. indeb. ut etiam ad Inst. audivisti, cum agerem de quasi contract. Itemq; de action. com. divid. & famil. ercisc. Item ad tit. de societ. Unde potest quilibet ex sociis, inter quos res communis est, ad divisionem provocare ceteros.

20. D. *Quid si iniqua facta sit divisio, quomodo ea corrigetur?*

M. Si vasallus se læsum esse dicat, & petat adæquationem, sive, ut divisio perperam facta in melius reformetur: quod jus ipsi competit ad 40. annos, teste Alex. ad §. item sciendum, d. tit. 58. sumplerunt hoc Longobardi ex jure civili, l. 17. C. de collat. l. 3. C. communia utriusq. jud.

21. D. *Sed estné hoc casu necessarium, ut læsio facta sit, supra dimidium justiprecii?*

M. Ita quidem vulgò volunt, arg. l. 2. & l. 8. C. de re-

*scindend. vendit.* sed malè, ut probat Forner. c. 9. *de feud.*

22. D. *Quid autem de re adhuc ab alio possessa, sive de feudo nondum aperto, potèstne dominus alterum investire, priore vasallo adhuc superstite?*

M. Ad hanc quæstionem sufficere tibi possunt, quæ suprà dixi, cum de personis Ecclesiasticis feudū dantibus, ageremus, *vide Iul. Clar. q. 14. & Guil. Forn. d. c. 9.* Ubi referunt quidem primò vulgarem sententiam, distinguendum inter purè factam investiturā, & conditionalem; quarum hanc valere ajunt, illam non item, ut habetur *in tit. 9. & tit. 26. lib. 1.* Sed tamen rectè admonet idem Clarus *in fin. d. quæst.* melius facturum, qui ab ejusmodi investituris abstinuerit, ne inducatur votum captandæ mortis, *arg. l. ult. C. de pact. cum similib.* & Forner. annotat hoc genus investituræ velut insidiosum, & nefaria cogitatione alienæq; calamitatis expectatione plenum in sacerdotis esse sublatum per Concilium Lateranense, de quo est *in cap. 2. & 3. extra de concess. prebend. vide & Zasium part. 6. num. 21.*

23. D. *Potèstne res ab alio in feudum accepta, alteri in feudum concedi?*

M. Vulgò receptum est, fieri posse subinfeudationem (sic enim vocant) & quidem etiam invito seniore, dummodo sine fraude, seu bona fide faciat, & subinfeudatus sive subrogatus ejusdem sit conditionis & qualitatis, cum primo vasallo, sive æquè sit idoneus ac sufficiens, & denique iisdem quoque pactis & conditionibus, quibus quis feudum accepit. Hæc enim tria requiruntur, *vide Iul. Clar. quæst. 32. nu. 4.* Sed Hotom. contra omnium sententiam & interpretationem contendit, jus illud, quo vasallis licuit feudum sibi datum alteri in feudum concedere, per constitutionem Friderici abrogatum esse. Ita ille *in dist. feud. c. 37. & in comment. ad lib. 2 feud. tit. 55.* & in eandem sententiam inclinans Iul. Clar. *d. quæst. 32. nu. 1.* scribit, se pondum potuisse apud Doctores reperire bonam aliquam rationem, cur stante generali prohibitione

aliena-

alienationis feudi permittenda sit subinfeudatio, cum nulla sit idonea ratio exceptionis, siue specialitatis, ut loquitur. Accedit & hæc ratio, quia non debet cuiquam socius obtrudi invito. Præterea cum dominus non possit feudum alienare, siue proprietatem suam in alium invito vasallo transferre, ne videlicet cogatur quis habere seniores, quem non vult, cur non eadem sit & valeat æquitas, etiam in persona vasalli? Sed de subinfeudatione infra pluribus agemus.

## CAPUT VIII.

*De modis constituendi & acquirendi feudum: Et primò quidem de INVESTITURA, tam propria quàm abusiva, deq; hujus symbolis ac ritibus. Ubi digressio est in locum communem de solennibus.*

1. D. *Exposito & de personis, & de rebus, posteaquam cognovi & quis, & cui, & quid in feudum concedere possit, vel non possit, proximum iam esse videtur, ut queramus, quomodo feuda constituantur & acquirantur: Quot igitur sunt modi constituendi seu acquirendi feudi?*

M. Primum illud velim te admonitum, sicut Paulus l. b. 3. sent. tit. 6. acutè & subtiliter distinguit inter usum fructum amissum & finitum. Quæ duo alii pro eodem sumunt promiscuè: ita etiam Giphani, secutus Ant. Cont. in meth. feud. c. 7. subtiliter distinguit inter constitutionem feudi & acquisitionem. Et constituendi quidem feudi modos facit quinque: 1. *Donationem.* 2. *In dotem dationem.* 3. *Emptionem.* 4. *Permutationem.* 5. *Prescriptionem.* Acquisitionis verò modum unum, videlicet *successionem* & *investituram* potius refert ad constitutionem, quàm ad acquisitionem feudi: sed certè quod constituitur, idem & acquiritur: sicut quod finitur, idem & amittitur, & contrà. Unde vulgo constitutionem feudi cum ejusdem acquisitione confundunt, ut

& *Hotom* qui in *diff. feud. c. 17.* & in *comment. ad t. 1. lib. 2.*  
 sex facit modos, quibus feudum acquiratur: 1. *Donationem.* 2. *Emptionem.* 3. *Permutationem.* 4. *Succeffionem.* 5. *Præscriptionem.* 6. *Inductionem in possessionem,*  
*sive traditionem.* Quam tamen etiam facit partem investituræ, in *c. 26. Ant. Cont.* & hos ipsos modos affert,  
 & insuper addit alios, ut 1. *per vim bellicā.* 2. *per legatum in testamento.* 3. *per divisionem hereditatis.* Sed non video, qua ratione hanc separet à successione, à qua certe tota dependet, *Obert. Hortens. lib. 2. tit. 1. de feudi cognit.* duos tantum nominat modos: *Investituram & successione.* Sciendum est, inquit, feudum neminem posse acquirere, nisi investitura aut successione. Eodemq; repetit in *princ. tit. 33. de consuet. recli feudi.* Item in *princ. tit. de success. frat.* Alibi tamen addit Feudista tertium quoq; modum acquirendi feudi, nempe præscriptionem, sive possessionem 30. annorum, ut in *§. si quis per triginta annos, lib. 2. tit. 26.* & hic modus indicatur etiam in *d. t. 33.* illis verbis: *Si alius probaverit, sed aliquid nomine feudi aliquo tempore tenuisse, ubi vide gloss.* Hinc vulgò tres acquirendi feudi modi esse perhibentur: *Investitura, successio & præscriptio,* de quibus nos quoque eodem ordine dicemus: ubi & hoc prius admonuerimus, etiam alium quendam modum acquirendi feudi poni à Ferraciensi, in forma libelli, quo agitur ad revocationem feudi, & à Nic. Moz. *c. 5. n. 32.* Nempe delictum vassalli, ob quod feudum ipsi ablatum ad proximum agnatum transfertur, de quo dicemus infra sub capite: *Feudum amissum ad quem redeat.* Sciendum tamen, non tam hunc esse modum acquirendi feudi, quam occasionem aliquam, per quam feudum ab uno ad alium transeat: & potest hoc etiā quodammodo referri ad successione. Nam is, cui feudum ademptum est ob delictum, pro eo habetur, ac si mortuus esset, ideoq; locum facit proximo agnato. Si tamen verum fateri volumus, sola *investitura* videtur esse modus feudi acquirendi. Unde & Feudista ait: *Feudum sine investitura nullo modo constitui posse, lib. 1.*  
*feud.*

*feud. l. 25. & ibi Bart.* Reliqui verò potius sunt tituli acquisitionis, ut pro donato, pro emptore, pro hærede, &c. Quocunque autem nomine feudum aliquis quæserit, semper investitura quoq; requiritur, sine qua, ut jam dictum, nullo modo feudum constitui potest. In præscriptione autem siue longissimi temporis possessione continua præsumitur etiam investitura intervenisse ab initio, *ut est d. tit. 26. & tit. 33. lib. 2. feud.*

2. D. *Primum igitur liceat mihi quarere de investitura, quid verbi sit?*

M. Investitura, quæ & *investitio* dicitur, *lib. 1. feud. l. 26. & tit. 28. & vestitura*, ut docet Hotom. in *Dictionario feudali*, ab *investi*endo derivatur. Sed an verbum *investire* hoc significatu sit Latinæ originis, nec ne, ambigi video. Communis est sententia (quæ & mihi probabilior videtur) non esse Latinum, sed potius Germanicæ originis, à nomine *West* / quod firmum significat, unde etiam in titulis poni solet *Ehinvest* / quati dicas, retinens & servans honoris, hinc verbum *vestigen* / & *bevestigen* / id est, *firmare*: & sic Hotom. in *Diction. Contr.* tamen, ut & Cujacius mavult Latinum asserere: quia scilicet etiã in veteri formula emptoris sic habeatur: *Tu venditor fuste illum investito. Tu emptor fuste illum manu capito.* Quam formulam Cujac. refert in *lib. 2. feud. ad tit. 3.* & integram ponit Barn. Brission. *lib. 6. de form.* Sed non videtur ea formula esse valde antiqua. Est igitur *investire* propriè possessionem alicui tradere, siue possessionem alicui confirmare, seu stabilire: sicut contrà *devestire*, est possessionem alicui adimere seu auferre: quod etiam Feudistæ & Historici appellarunt *exfestucare*. Sic ait Feudista *lib. 1. tit. 7.* Principem non posse capitaneos suos sine culpa *devestire*, quod alius titulus sic effert: *De feudo sine culpa non amittendo.* Sic *revestitus* dicitur, cui res aliqua est restituta.

3. D. *Quotuplex est investitura?*

M. Duplex: *Propria & impropria, siue abusiva*; quam

& quasi investituram vocare licet, ut lib. 2. feud. tit. 2. Quid sit investitura vide Iul. Clar. quest. 26. & Hartm. t. de feud. obs. 7. Zafius hanc etiā verbalem nominat, quia scilicet verborum expressio in ea sit necessaria.

4. D. Quid vocas Propriam investituram?

M. Hæc nihil aliud est, quàm possessio, id est, inductio in possessionem, vel traditio possessionis; cùm scilicet dominus vasallum suum corporaliter seu realiter (*Wirklich und Leibtlich*) inducit in possessionem fundi feudalis.

5. D. Quæ est abusiva investitura?

M. Hæc nihil aliud est, quàm ficta traditio, cùm videlicet dominus vasallum non inducit in possessionem realiter, sed symbolum aliquod corporeum, verbi gratia, hastam, gladium, sceptrum, annulum, vexillum, baculum, sive scipionem ipsi porrigens, non in re præsentis constitutus, investituram se facere dicit, his additis verbis: *Vade in illum fundum*. Ex quo intelligis investituram abusivam non tribuere alicui possessionem, sed tantum titulum possidendi, per quem neq; dominium, neq; possessio transfertur, l. 3. ff. de obl. & act. l. si ager. 50. ff. de rei vind. Et, ut maximè hanc aliquis fuerit nactus, adhuc tamen ipsi opus est traditione sive apprehensione possessionis, §. si facta, tit. si de feudo defuncti contentio sit, §. fin. tit. de nova forma fidelit. & tit. si de investitura feudi controvers. fuerit.

6. D. Cur addidisti: Non in re præsentis constitutus?

M. Quia si in re præsentis fiat traditio seu porrectio talium symbolorum, tum verò simul etiam possessio tradita censetur: quemadmodum & jure civili, si claves apud horreum tradantur, l. clavibus. 74 ff. de contra. empt. Aut res oculis subjecta demonstratur, l. 1. §. penul. & l. 18. §. si venditorem, ff. de acq. poss. Quæ de re aliquid diximus etiam ad §. item si quis merces, Inst. de rer. divis.

7. D. Sed num oportet necessariò & semper in feudis concurrere utramq; investituram, & propriam & abusivam?

M. Imò



M. Imò non semper. Nam si incipiatur à propria, hæc sufficit, & frustrà, atq; ex supervacuo adhuc requisiveris abusivam (obtentio enim sine, frustrà de mediis ad consequendum finem laboraverimus.) At si præcedat abusiva, adhuc necessaria est & propria, id est, tenetur dominus, qui vasallum jam investivit, sed abusivè tantum, ulterius ipsum etiam in vacuam possessionem fundi feudalis immittere: ut docet Jac. de Belvis. *c. l. d. tit. quid sit investitura.*

8. D. *Licetne vasallo abusivè investito propria auctoritate feudum ingredi, & possessionem ejus apprehendere?*

M. Licet: hæc enim facultas ipsi per investituram abusivam tributa videtur à domino: ita Bald. Alvar. & alii ad *d. tit. quid sit investitura*, & probat Zas. *p. 6. n. 7.* itemq; Borch. *c. 7. n. 3.* Nec obstat *l. 3. C. de pign.* Nam vasallus in feudo longè plus juris habet, quam creditor in pignore vel hypotheca. Vasallus est quasi dominus: unde & rei vindicatio utilis ipsi datur, ut infra suo loco audies. Creditor autem non est dominus pignoris, quamvis id vendere possit, debitore non solvente, ut audivisti ad *Inst. quib. alien. licet. §. 1.*

9. D. *Quid si plures sint fundi feudales, de quibus aliquis investituram accepit, an vasallus apprehendenda possessionis gratia omnes eos ingredi & perambulare cogitur: an verò sufficit unius ingressus ad possessionem omnium acquirendam?*

M. Si omnes illi fundi tanquam partes contineantur sub illo, quem vasallus ingressus est, velut sub toto, sufficit unum ingredi, arg. *l. 3. §. 1. ff. de acquir. possess.* Alioquin si fundi ad feudum pertinentes sint separati & sejuncti, ut ad nullum totum respiciant, tunc necesse est, omnes & singulos ingredi. Ita distinguit Zas. *p. 6. n. 29. & cons. 10. n. 6. lib. 1. post Isern. & Matth. de Afflict.* Eamque distinctionem probat & Myns. Zassii auditor *cent. 3. obs. 39.*

10. D. *Quid sibi volunt illa, quæ dicebas intervenire in abusivâ investiturâ, vexillum, hasta, gladius, baculus, annulus?*

M. Scias,

M. Scias, hæc esse symbola rem repræsentantia, & admonitiones de rebus necessariis, insinuantia hominum animis, quibus traditis res ipsa repræsentata quodammodo tradito videtur, sicut rei donatæ instrumento tradita ipsa res tradita censetur, l. i. *C. de donat.* In qua adhibitione istorum symbolorum & rituum, videntur Longobardi, seu primi invētores feudorū imitari voluisse veteres Romanos, quorū quantafuerit diligentia, ne dicam superstitio in solenni- bus, & formulis ac ritibus ad omnes ferè actus legiti- mos adhibendis, non ignoras, quæ *dicis causa* facta vocamus. Græci ἀφοσίωσης χάριν, νόμου χάριν, λόγου χάριν. Sic in manumissione pileus servo dabatur, velut insigne libertatis: unde apud Liviū aliosq; *servi ad pileum vocati.* Et servus inter manumittendum alapa seu rhapsmate percussus & rarus, vertiginē quadam circumagebatur, & apud Prætorem festuca, seu virga ei imponebatur. De quibus rhapsmatis manumissio- num plura in sacris lectionibus nostris reperies, ex antiquitate prolata. Cui mori non est absimile, quod hodie quoq; Episcopus, vel ejus suffraganeus, confir- mationem pueris baptizatis conferens, alapam dat: credo, quod diutius meminerint illius sacri ritus: quamvis aliàs hujus rei causas afferat Jo. Stephanus Durantus lib. i. c. 20. *de ritib. Eccles. Cathol.* sic sponsæ, itemq; hæredi & successori designato annulus daba- tur. Sic in matrimoniis novæ nuptæ in domum mari- ti deducebantur, adhibitis aqua & igni, velut princi- piis & elementis vitæ humanæ: & uxor domum mari- ti ingrediens postes ædium inungebat oleo, quo la- nam imbuerat: unde & nomen uxoris deductum. Sic claves à marito dabantur novæ nuptæ domū ductæ: sic in divortio claves rursus adimebantur, vel etiam ultrò remittebantur. Sic antestantes auriculam infimam apprehendebant, & quidem ter vellebant, cum his verbis: *Licet antestari? Quod vel ex Horatio constat lib. i. & erm. Satyr. 9. extrema,* ejusq; Scholiaste Acto- ne: qui addit hæc quoq; solitum dicere antestantem:

Memen-

Memento quodd tu mihi in illa causa testis eris, *vide & Barn. Briss initio li. 5. de formulis P. R.* Atq; hic mos auriculam testium vellicandi etiã inter Germanos usuratus fuit, diuq; in usu apud majores nostros mansit: ut videre est cum apud alios rerum Germanicarum scriptores, tum apud Jo. Aventinum in *Annalib. Schirrensis*. Interfuere, inquit, huic donationi Amelbertus quidam nobilis, & alii 10. testes, quorum aures vellatae more veterum. Et alibi eorundem Annalium: Testes qui auribus tracti sunt. Et rursus inferius in alia donatione: Testes auribus tracti. Sic militiæ insignie erat *cingulum*, quod ignominia notatis adimi solebat, ut discincti incederent aut foderent. Sic Germani veteres in militiam cooptantes aliquem juvenem scuto & framea ornabant, quasi togam virilem ipsi darent, de quo vide Tacit. in *lib. de morib. German.* Sic in mancipatione, quæ erat sollemnis quædam alienatio, interveniebat libripens cum ære, sive raudusculo & libra, quæ percutienda erat illo ære injecto, certis quibusdam & conceptis verbis prolatis. Sic in usurpationibus, id est, interruptione usucapionis surculum vel ramum ex arbore defringebant. Sic in vindictis manum conferebant imaginariũ quoddam prælium miscentes. Sic qui heredem sibi aliquem deligebat ac designabat, sæpè annulum ei tradebat: ut exemplis aliquot probat Guil. Fornet. *l. b. 1. select. c. 3.* ex Val. Max. & Justino. Quibus adde quæ ex Suetonio, Dione & Egesippo refert Brissou. *lib. 3. de formul.* Sic jurantes lapidem silicem manu tenebant, ac deinde certis conceptisq; verbis additis projiciebant, quod dicebant: *Jovem lapidem jurare.* Sic & jurantes ad aram accedebant, eamq; manu tangebant: ut ex Plauto, aliisq; auctoribus constat, Pro quo ritu inter Christianos receptum est, ut tangerentur sacræ Scripturæ: unde sæpè, *tactus sacrosanctis Evangelii jurari dicitur*: de quo infra in *formula jurisjurandi fidelitatis*. Sic in operis novi nunciatione lapilli jactum adhibebant, qui mos etiam hodie durat. Sic in aditione hereditatis inter-

interveniebant solennia cretionum, ut ex fragm. Ulpiani constat, & docet Duarenus in *disput. anniverf. ex Cic. de Orat.* Quarum cretionum nimiam scrupulositatem sustulerunt Imp. in l. 17. *C. de jur. delib.* Sic à legatis caducei & herbæ quædam præferri solebant, quæ *Sagma* dicebatur, teste Martiano in l. 8. §. 1. ff. *de diviser.* Sic hodièq; solenne est, ut rerum capitalium judex cùm sententia capitis in reum aliquè pronuntiata est, bacillum confringat, quasi qui hoc ipso ritu significaret, eodem modo vitam hominis illius, quo de agitur, jam destructum iri, & animam è corporis latebris per mortem violentam extrahendam esse: qui mos approbatur à Carolo V. Imp. *laudatiss. in Constit. crim. c. 96. & 97.* Alicubi hoc amplius receptum est ab antiquo, ut capitali sententia recitata, adfessores pariter & judex sellas suas omnes evertant, terribili quadam specie. Huc pertinent insignia magistratuum, de quibus & Seneca meminit *de benefic.* ut sceptrum, diademata & coronæ Regum, ut fasces & secures tum Consulum, tum Prætorum, quæ ipsis præferebantur per lictores plebem subinquentes. Item sellæ eburneæ, quæ omnia diligenter ex antiquitate collegit, & auctorum veterum testimonio comprobavit Horom. in *disp. feud. c. 22. vide & Accurs. ad princ. tit. de V. O. in verb. firmum. & Isidor. lib. 5. Etym. c. 34. & Cujac. ad init. tit. de verb. obl.* Romanorum igitur veterum, imò & aliarum gentium imitatione & exemplo, Feudistæ quoq; in vasallorum creatione certos quosdam ritus & ceremonias adhibendas censuerunt: & quidem pro diversitate feudorum varias atque diversas. Nam in alio vexilli traditionem requirunt, in alio hastam, in alio gladium: verbi gratia, in Regnorum & Ducatum, aliorumque majorum feudorum investituris: *Baculum, annulum, &c.* in minoribus feudis. Sic apud Guntherum *lib. 1.* Investituram de Ducatu legimus à Friderico I. factam per vexillum, & de regno per gladium: de Episcopatu, per sceptrum eburneum: de quo vide etiam Ott. Frising. *lib. 2. cap. 5.*

& Petr. Gregor. *syntagm. jur. lib. 6. cap. 14. num. 7. & seqq.* Sic apud D. Bernhardum in *Serm. de Cæna Domini*, observavi locum memoratu dignum, qui valdè ad rem facit: *Sicut, inquit, in exterioribus diversa sunt signa, & varie sunt investitura, secundum ea, de quibus investimur*, (verbi gratia, investitur Canonicus, per librum; Abbas, per baculum; Episcopus, per baculum & anulum simul.) *Sicut, inquam, in hujusmodi rebus est: sic & divisiones gratiarum diversis sunt tradita sacramentis. Quæ est gratia, unde, id est, de qua, unde per Baptismum investimur? utiq; purgatio delictorum.* Hactenus Bernhardus, alludens (ut existimo) ad illam Augustini definitionem: *Sacramentum est invisibilis gratia visibile, signum.* Quod autem de Episcopo ait, idem confirmat & Cujac. *ad tit. 3. lib. 2. feud.* Episcopatus, inquit, imò & omnia feuda, antiquo more Gallico per anulum & virgam tradebantur. Eoq; baculo sive pedo pastoralis officii sui admonentur Episcopi, quod gregem dominicum pascere debeant: sicut annulo admonentur, quod desponsata sit ipsis Ecclesia, cui fidelem curam impendere debent. Pontifices Romani his ceremoniis non contenti, & pallium Archiepiscopale adinvenierunt, ut esset aucupium pecuniæ, maximo enim precio redimendum est illud ex lana & lino confectum dignitatis insigne, de quo extat proprius titulus in *decret. de usu & autoritate pallii, &c.* Ejusque descriptionem videre potes apud Sleidan. *lib. 4. & lib. 13.* item apud Polyd. *Virgil. lib. 4. de rer. inventor. c. 12.* Apud Albert. Krantziû legimus etiã chirothecis adhibitis factam investituram Episcopatus, *lib. 4. Metropol.* Et idem sæpè ferulam pastorem seu Pontificialem appellat, quem alii frequentius baculum, *ut lib. 2. & 3. Metropol.* ubi hanc vocat *investituram & signum infudationis.* Porro in investitura Ducatus sæpè plura adhibebantur vexilla, sicut apud Othon. Frisingens. *lib. 2. cap. ult.* legimus, resignationem Ducatus Bavarie per septem vexilla factam ab Henrico, quod per septem signa ritè resignatum Ducatû dicit Gunthe-

Guntherus *lib. 3.* Ex quo colligimus, totidem etiam  
 vexilla intervenisse in ejus ducatus investitura, quot  
 in resignatione, seu de investitura adhibita fuerunt, *arg.*  
*l. 35. nihil tam naturale, ff. de reg. jur.* Quomodo etiam in  
 degradatione sacerdotali eadem adimuntur degra-  
 dato, quæ fuerant collata inauguratione, ut videre licet  
 apud Sleidan. *lib. 4.* & in *c. degradatio, de pœnis, lib. 6.* Sic  
 & hodie in novi Imperatoris aut Papæ inaugura-  
 tione multa adhibentur solennia: ut videre licet tum a-  
 pud Historicos, tum in *lib. de cerem. Pontificis.* Item a-  
 pud Jo. Steph. Durant. *lib. 2. de ritib. Ecclesie Cathol. ma-*  
*ximè c. 9.* ubi etiam de pallio illo archiepiscopali mul-  
 ta habet, & rationem reddit, quare Papa Romanus  
 nullo utatur baculo, sicut alii Episcopi. Sic investitu-  
 ræ quædam species fuit, quando præfecto urbi trade-  
 batur gladius: quod & Trajanum fecisse constat ex  
 Dione & aliis. Hic enim optimus Princeps, cum gla-  
 dium de more tradidisset Præfecto urbi, his eum ver-  
 bis allocutus esse dicitur: *Cape hunc gladium, eoq; pro*  
*me, si benè imperavero, sin secus, adversum me utitor; vide*  
*Buchan. lib. ult. Hist. Scot. & Petr. Fabr. lib. 1. semestr. cap. 3.*  
 Sic notissimæ illæ ceremoniæ, quæ hodie adhibentur  
 in collatione dignitatum Academicarum, in creatio-  
 ne, inquam, Magistrorum & Doctorum, & qui inter  
 hos mediis sunt Licentiatorum. Item in Rectoris in-  
 auguratione. Hæc, inquam, omnia, nihil aliud sunt,  
 quam symbola, quàm notæ & insignia cujusdam in-  
 vestituræ, quæ illæ dignitates conferuntur, ut tradi-  
 tio librorum, annulorum, faces ardentes, osculum,  
 catenæ, gladii, sceptræ, &c. Sic in illo joculari, ut vide-  
 tur ritu initiationis studiosorum, quàm *Depositionem*  
 Academici vocant, velut symbola adhibentur: *Sal &*  
*vinum.* Sic in creatione Notarii Comes Palatinus no-  
 mine Cæsaris adhibet pennam & calamarium, qui-  
 bus ipsum investit de Notariatu. Sic in ordinatione  
 ministrorum Ecclesiæ fit manuum impositio ex anti-  
 quissimo ritu Apostolico, de quo nobile est illud in-  
 terdictum S. Pauli: *Manus nemini citò imposueris.* Et in-  
 sum-

summa, in plerisq; omnibus actibus legitimis omniū ferè gentium receptum est, ut solennia quædam & symbola & ritus ac ceremoniæ adhibeantur, tum ne leviter & perfunctoriè res magni momenti acta videatur, tum, ut admonitiones utiles & necessariae de officio animis hominum per ea signa insinuentur, tantoque firmitus imprimantur: quæ admonitiones cum negliguntur, & tantum in externis illis ritibus atq; ceremoniis inhæretur, (ut sæpenuerò fit) tum verò paleas & quisquilias relictis granis, & putamina neglecto nucleo aliquis videbitur confectari.

## CAPUT IX.

*De illis quæ circa investituram considerari solent: ut scriptura, testibus, tempore, loco, conditione, &c.*

I. D. Mihi verò per jucunda fuit hac tua ἐκλεγμένη, sive digressio Philologica & historica, ex qua non pauca partim nova didici, partim antea lecta & cognita in memoriam mihi revocavi. Nunc porro liceas mihi querere de iis, quæ ad investituram pertinent. Igitur ad ejus formam & modum hoc quoq; arbitror necessarium, ut queram: 1. An necessariò hic requiratur scriptura. 2. An & quinam testes in ea adhibendi. 3. An possit dari & accipi per procuratorem. De quibus singulis cupio scire quid sentiendum.

M. De scriptura, quæ à Feudistis etiam breve testatum dici solet, ut lib. 1. 2. 3. & 4. & lib. 2. tit. 32. & alibi, sic sentio: Eam adhiberi quidem posse, sed non adeò necessariam esse, ut ad substantiam hujus actus pertineat, aut ea omissa hic actus non valeat, textus apertus est lib. 2. tit. 2. in verb. si instrumentum defecerit, vel quia factum non fuerit, vel quia amissum sit, &c. Faciunt huc in argumentum ea, quæ jure civili tradita sunt de pactis & cōtractibus, in illis non necessariò requiri scripturam, vel instrumentum, cum potuerit aliter quoque probari, l. 1. & l. instrumentum, C. de fid. instr. l. 17. C. de pact. l. indicia, C. de rei vindic. Et de empt. vend. audivisti iu



*Inst.* ad eam non esse necessariam scripturam, nisi inter contrahentes placuerit, eam in scriptis fieri, *vide l. contractus, C. de fid. instr.* Hoc tamen fateor, perutilem esse scripturam, ut scilicet eò facilius sit probatio investituræ, & quia semper ad primam investituram, ejusq; tenorem recurri solet, velut ad originem & radicem, ex eaq; deinceps de toto feudo judicari, ut lites amputentur. Homines enim sunt mortales & diarii, quibus defunctis posset oriri inopia & difficultas probationis, cum præsertim feuda non tam citò extinguantur: scriptura verò immortalis est, & semper loquitur: unde etiam de injuria scripto facta perpetuò agi posse receptum est, ut videre est apud Mynscent. 1. obs. 84. & And. Gail. 2. obs. 104. De emphyteusi autem, an ad eam necessariò requiratur scriptura, jam suprà dictum meministi.

2. D. *Intellexi de scriptura. De testibus investitura adhibendis quid ais?*

M. Investitura testato fieri debet, id est, adhibitis testibus ad minimũ duobus, *arg. l. ubi numerus, ff. de testib. & c. cum esses, extr. de testam.* Et quidem testes debent esse pares curiæ, id est, alii convasalli ejusdem senioris, si is plures habeat. Cæterum, id est, si nullos alios habeat, vel si absint, quos habet, sufficiunt quilibet extranei, dummodo sint idonei, id est, non prohibiti dicere testimonium, non improbi, nec intestabiles: neq; fœminæ, neq; servi, *vide lib. 1. feud. tit. 26. & lib. 2. tit. 2. & 32 cum tit. seq. & tit. 58.* Idcirco autem pares curiæ præferuntur extraneis, si haberi possunt; quia carent omni suspitione falsitatis, ut qui arctiore vinculo fidei obstricti sint quàm extranei, à quibus metuendum, ne quid falsitatis excogitetur, *d. tit. 58. & §. idcirco, & ibi Cujac.* Hæc de novi feudi investitura intelligere debes. Novam autem investituram dico, quando feudum primò quæritur: Quod si de veteri beneficio investitura fiat, quæ potius est renovatio quædam, etiam extranei testes recipiuntur, si dominus habeat alios vasallos, si non habeat, *d. tit. 32.*



*lib. 2.* Ratio differentiae, quia in renovatione investiturae, non tanta solennitate opus esse visum fuit, neque tam facile falsitatis suspicio locum invenit: sic & aliàs facilius admittitur investitura de veteri beneficio, quam de novo. *ut est lib. 2. tit. 3. § d. tit. supra de personis feudum dantib.* Sic etiam tempore differunt vetus & nova investitura, ut mox intelliges. Hic observabis, neq; foeminas, neq; servos investiturae feudali testes adhiberi posse. De foeminis text. est *in d. tit. 32. lib. 2.* De servis, *tit. 58 in verb. adhibeat quos meliores poterit, liberos tamen.* Et ratio prohibitionis hic eadem est, quae in testamento: cui etiam foemina & servus testis non rectè accedit, ut meminisse potes *ex §. testes autem, Instit. de test. ord.* Est enim investitura quoque actus solennis & legitimus, non minus quam testamenti ordinatio. A quibus actibus foeminae arcentur. Possunt, inquit Cujacius, testes esse, superstites non possunt. Intelligit, *superstites eos testes*, qui actibus solennibus adhibentur, *vide Cuj. lib. 4. feud. tit. 35.* Unde mihi valdè probatur admonitio D. Giphanii, existimantis, debuisse Feudistas in re tanti momenti, & actu tam solenni plures quam duos exigere testes, *arg. l. ult. vers. cum enim res, C. de fideicom.* Placet etiam sententia Jac. de Belvis. Balbi & Oldradi, qui contra Accursium probant, testes pertinere ad substantiam & solennitatem feudi, non tantùm ad probationem, ut voluit Accursius, *ad tit. qui testes sint necess. & Anton. Contius.*

3. D. *Idemne est de Clerico, quod de Laico investituram facien:?*

M. Imò in feudis Clericorum pariter accipiuntur pares curiae, & extranei, ut ait Feudista *lib. 1. r. 26.* Quae verba non rectè quidam accepisse videntur, quasi permittant Clericis, quoscunq; testes adhibere: cum hæc potius velint: Clericos investituram facientes debere pariter, id est, conjunctim & permixtim simul adhibere & pares, & extraneos, nullo autem modo excludere suos confratres: cujus exceptionis rationem tanquam

absurdam & ridiculam exagitat Hotom. in *dispo. feud.* c. 25. Sed similem confessionem propriæ turpitudinis aliâs quoq; notavi ex c. 1. §. *quamvis*, de *juram. calumn.* lib. 6. decret.

4. D. *Quid si testes investitura non intervenerint, & tamen volente jubente domino, aliquis possessionem rei nomine feudi nactus tenuerit?*

M. Hoc casu is quidem, qui sic possessionem adeptus est, poterit rem quasi feudi nomine retinere. Ceterum ad hæredes nihil juris transmittit, ut est textus notab. lib. 1. tit. 25.

5. D. *Sed potestne hic intervenire procurator in collatione investitura?*

M. Potest investitura & dari & accipi per procuratorem, sive per nuncium. Nihil enim interest, utrum ipse per te, an alius pro te investituram faciat vel suscipiat, ut scribit Feudista lib. 2. tit. 3. & tit. 58. §. *item investitura*, Ferrar. in *form. libelli*, quo agitur ad revocationem feudi, arg. c. *qui facit per alium*, 72. de *R. I.* in 6. Sic & per negotiorum gestorem investitura feudi accipi potest, verbi gratia: Maritus pro uxore investiri potest, vide tit. 85. lib. 4. feud. & ibi Cujac. Huc pertinet quod Elector Palatinus ad Rhenum vacante Imperio, tanquam vicarius Imperatoris, de feudis Imperialibus investituram conferre potest, ex Aurea Bulla Caroli IV. exceptis illis, quæ per vexillum dantur, & Germanis dicuntur *Sahntchen* vide Cujac. lib. 2. tit. 4. Sed quoniam cum investitura conjuncta est, vel statim eam sequitur *jusjurandum fidelitatis*, periculosum certè & mali exempli res esse videtur, alium pro alio jurare, propter anceps periculum perjurii, l. *pen.* §. *his ita*, C. de *reb. cred.* l. *Marcellus*, §. 2. ff. *rer. amot.* l. 39. §. 1. ff. de *procurat.* ut taceam, quod jure civili in actibus solennibus & legitimis non interveniat procurator, l. 123. ff. de *R. I.* l. 25. ff. de *adopt.* quod item emphyteusis per alium conferri prohibetur, l. 3. §. *pen.* C. de *jur. empht.* Putarem tamen, si senior desideret præsentiam vassalli, verius & æquius esse, ut non cogatur invitatus admittere pro-

re procuratorem, sed vassallus ipse eise sistere, & homagium præstare debeat: Quod quidē plerisq; Franco-Galliæ moribus receptum testatur Cujac. *d. tit. 4. lib. 2. & Horom. in disp. de feud. c. 10. de investit. solemn.* In summa, tunc demum per procuratorem accipi potest investitura, si dominus consentiat: quomodo ante octo annos in Comit. Rarisbon. investituram accepit Elector Palatinus per nuncium, videlicet Baronem Donanum. Ita fit, ut quis vassallum sæpè habeat, quem nunquam viderit. Sic & jure civili potest quemvis etiam ignorum, quem oculis nunquam usurpavit, tutorem dare liberis suis, & heredem instituere, ut audivisti *ad §. si propter inimicitias, vers. non esse autem, Inst. de excus. tut. & §. ult. Inst. de hered. inst. juncta l. 15. §. qui dixerit ff. de excus. & l. 11. C. de hered. inst.* Præstat tamen modis omnibus, ut vassallus corā adsit, quo magis sciat senior, qualem sit habirurus defensorem; maximè cum juranda est fidelitas. Nam & in testibus alia est auctoritas præsentium testium, alia testimoniorū, quæ recitari solent, ut prudenter rescripsit D. Hadr. *in l. 3. §. Gabinio ff. de testib.*

6. D. Potestne investitura etiam adjici conditio?

M. Sicut heredis institutio, tutoris datio, stipulatio, item emptio, aliiq; contractus possunt fieri non solum purè, sed etiam sub conditione, §. *ad certum tempus, Inst. de hered. instit. §. omnis stipulatio, Inst. de V. O. §. emptam tam sub condit. Inst. de empt. & vend.* Ita & investitura seu infeudatio potest fieri tam sub conditione, quam purè. Excipitur investitura feudi nondum aperti, de qua traditum est, eam fieri purè inutiliter, *ut sup. d. ext. 9. & t. 27. §. ult. lib. 1. feud. & ext. tit. 26. §. moribus, lib. 2.* quibus adjunge Andr. Gail. 2. obs. 155.

7. D. Atqui putabam conditionem nunquam rectè adjici, propter l. 77. ff. de R. J. ubi actus legitimi conditionem recipere negantur.

M. Nihil te moveat ista juris civilis regula: nam in feudis mores prædominantur, & ut Plautus ait, *legem pertraxerunt in potestatem suam.*

## 8. D. De loco investiturae quid dicis?

M. Investitura plerumq; ad domum senioris peti & fidelitas offerri solet, teste Cujac. *lib. 2. tit. 4.* Quod intell gendum, si vasallo tutus & honestus ad eam sit accessus, *Zasp. 6. nu. 39.* argumento ejus quod de loco judicii traditum est *l. pen. ff. de just. & jur. l. 12. §. si arbiter, ff. de recept. arbit. l. 59. si locus, in fi. ff. de judic. c. ex parte 47. extr. de appell. c. cum o'im 34. extr. de testib. cum simil.* Hic observabis posse de loco aliquid definiti vel pactionibus, vel etiã privilegiis, cujusmodi est privilegium domus Austriacæ, ut non cogantur investituram ullam accipere extra fines suæ ditionis: quod privilegium Archiducibus Austriæ concessit Fridericus II. *vide Ioh. Cuspin. in Aust. & Cujac. lib. 2. tit. 4.*

## 9. D. Quid ais de tempore, quando &amp; quoties petenda est investitura?

M. Distinguendum est inter novam investituram, & veteris renovationem. Nova nullum certum terminum præfixum habet, sed ejus tempus est arbitrarium: debet tamen vasallus futurus ad primam citationem domini comparere, quod si facere contempserit, dominus postea cum amplius investire non cogetur. Nam quid boni speres de futuro obsequio ejus, qui statim ab initio contumaciter abfuerit, veteris autem investituræ renovatio impetrari debet intra annum & diem a morte vel antecessoris vasalli, vel domini feudi, in singulis, inquam, etiam vasalli & patroni hæred. investitura est renovanda, *lib. 12. feud. tit. 24. que fuit prim. caus. benef. amitt. & tit. 40. & tit. 55. §. præterea, Hartm. de feud. obj. 8.* Est autem tempus illud computandum à scientia mortis, & lex illa de renovanda investitura hac sanctione munita est, ut vasallus intra prædictum tempus investituram petere negligens, feudo multetur, ut infra dicemus inter causas amitt. feud. ubi etiam de exceptione videbimus. De tempore autē illo, numerando ex quo quis rescivit, aut resciscere potuit mortē senioris, vel antecessoris sui vasalli, quod diximus, id congruit cum jure civili, *l. 2. ff. qui ordo, l. 2. C. qui admit.* 10. D.

10. D. *Sed obſtare videtur, quod legiſſe recordor de anno & menſe, in tit. 22. lib. 1. quo tempore miles inveſtituram petere debeat.*

M. Alii cum Accurfio reſpondent, eum textum (qui videtur alicujus Imperatoris eſſe conſtitutio, cum aliquoties repetatur verbum *Sancimus.*) correctum eſſe per poſteriorum Imperatorum, Contradi & Friderici ſanctiones, quibus pro *menſe*, *dies* ſit conſtitutus. Solent autem poſteriores conſtitutiones derogare prioribus. *l. ult. C. de conſt. Princ.* Alii, ut Alvar. putant, *tit. 22.* intelligendum eſſe de vaſallo milite, cui largius tempus indulgeatur, videlicet annus & menſis: reliqua loca de vaſallo non milite loqui. Sed hoc abſurdum eſt, cum vaſalli plerique ſint milites, & feuda ipſa militare inſtitutum contineant. Quare aut prior ſolutio amplectenda eſt, aut cum Hotom. & Cujacio dicendum: *Menſem, in d. t. 22.* perperam legi, pro *diem*, quod verum eſt, vide etiam Borch. *c. 7. n. 31 & ſeqq.* Accedit & Guntheri auctoritas, *lib. 8.* cujus verſus infra inter cauſas amittendi feudi recitabo, quibus indiſtinctè tantum annum & diem nominat.

11. D. *Quid opus eſt toties renovare inveſtituram, an non ſufficit ſemel eſſe factam?*

M. Omnino utilis & neceſſaria eſt hæc renovatio, tum, ut vaſallus eam petens debitam ſeniori ejusve hæredi exhibeat reverentiam: unde & Zaſ. *p. 7. nu. 13.* rectè ait: Vaſallum cum præſatione honoris inveſtituram petere debere. Tum ne longinquitate temporis jus domini fortè obſcuretur, & dubium fiat: tum denique, quia fidelitatis juramentum tanquam perſonale extinguitur cum perſona: ideoque ſemper in perſona ſucceſſoris renovandum eſt: alioquin nullum eſſet vinculum, quo vaſallus ſeniori obſtringeretur, vide & Borch. *c. 7. n. 3.*

12. D. *Sed cur diem anno adjecerunt?*

M. Ut tollerent controverſiam, an dies termini in ipſo termino computetur, de qua Mynſ. *cent. 5. obſ. 15.* Sic etiam Saxones in dilationibus concedendis ſo-

lent singulis septimanis adjicere unum diem, ut ita dilatio Saxonica constet sex septimanis & triduo. Sic & in aliis, ut in usucapionibus ac præscriptionibus, &c. vide Iac. Cujac. ad tit. decret. de eo qui mit. in possess. rei serv. caus.

13. D. Potestne dominus vasallum cogere, ut citius accipiat investituram?

M. Non potest dominus hoc tempus coarctare, quia in favorem vasalli constitutum est: sed contra protelare potest, arg. l. 4. §. si quis condemnatus ff. de res. jud. ita Andr. de Ifern. Alvar. Præpos. & alii citati à Borch. c. 7. n. 36.

14. D. Quid si plures sint ab uno de eadem re investiti, quis preferetur, & in jure feudi prior erit?

M. Si pluribus eadem res in feudum concessa sit, is reliquis præferatur, cui priori res fuerit tradita, vide Myns. cent. 4. obs. 61. Pari ratione qua & in jure civili in detinendo dominio rei pluribus venditæ vel donatæ, sicut & in Publiciana actione potior est, cui priori facta est traditio, l. 15. C. de rei vind. cui simile extat rescriptum eorundem Imp. in l. 4. t. 2. lib. 3. C. Grego. junct. l. 31. §. ult. ff. de act. empt. l. 6. C. de hered. vel act. vend. l. 3. C. de hu, qui à non domino, l. 9. §. si duobus ff. de Public. in rem act. l. 6 in pr. ff. de divers. temp. præscr. Paulus in sen. lib. 5. t. 11. §. cum unius rei.

15. D. Sed, nonne committit crimen stellionatus, qui ita duobus vel pluribus eandem rem in feudum concedit?

M. Jure quidem civili constitutum est, ut qui pluribus eandem rem vendidit, vel permutavit, vel in solutum dedit, vel oppignoravit priore obligatione dissimulata, is crimen committat, l. 3. ff. de fals. l. 36. §. 1. ff. de pign. act. Sed jure feudali non item. Tantum pro non facto habendum esse dicitur, tit. 22. lib. 1. §. si quis fecerit, vide Joh. Old. in tab. actio. t. feudum. n. 15.

16. D. Sed quæ ratio est, quare præferatur is, cui traditio facta est, licet posterius alteri, qui titulum habet vel investituram antiquiorem?

M. Quia pactis & contractibus, qualis est etiam in ve-

investitura, nō transfertur dominium, seu jus in rem, sed tantū persona obligatur, *l. 20. traditionibus, C. de pact. l. 45 ff eod. l. 3 ff de oblig. & act. facit huc l. 3. C. ut in poss legat. & l. 1. ff. de acquir. poss.* Ubi dominium rerum ex naturali possessione cōpisse dicitur. Hoc tamen jus limitatur, ut per traditionem secundo factam non præjudicetur primo, si sub hac lege tradita fuerit res secundo, ut traditio habeatur pro non facta, si primus feudum petierit, eoq; calu ad primum revertatur, *vide Zas. p. 6. n. 14.* Deinde notabis aliquot exceptiones superioris regulæ. Primò enim excipitur res vendita civitati & Ecclesiæ: in hac enim illud est propriū, quod dominium transit sine possessione, sine traditione, *l. si 2. C. de SS. Eccl.* 2. Excipitur concessio à Principe aliquibus, facta ob merita: hæc enim dominium rei etiam sine traditione facit illius, cui primò facta est concessio, licet res alteri prius tradita fuerit. Prima, inquam, concessio, prævalet omnibus posterioribus, *l. ult. C. de loc. prad. civ. lib. 11. vide Andr. Gail. lib. 2. obs. 55.* 3. Excipitur concessio beneficiorum Ecclesiasticorū. Prima enim secundæ præfertur, etiamsi traditio facta esset secundo, *c. 17. de prabend. lib. 6. & cap. 12. de rescript. lib. 6.* Diversum est jus in pignore. Hic enim potior est is, cui priori constitutum est pignus, etiamsi traditio alteri sit facta, *l. 12 §. fin ff. qui pot. in pign.*

17. D. *Quid si non satis appareat duobus facta traditione, utri priori tradita sit possessio, uter preferendus erit in feudo?*

M. Is, qui antiquiorem habet titulum, de quo vide *Zas. p. 6. n. 15.*

18. D. *An ergò impunè ludificatus fuerit senior eum, quem priorem investivit, nec tamen rem tradidit?*

M. Jure cogetur ei præstare, quanti ipsius interest habere feudum: quamvis quidam voluerint, aliud feudum ejusdem bonitatis præstandum esse: sed verior est sententia Accursij *ad §. si facta, lib. 2. feud. tit. 26.* *Zas. p. 6. n. 12. arg. l. 6. C. de hered. vel act. vend. & l. 114. si fundum. ff. de V. O.*

19. D. *Quid si dominus in traditione posteriore facta, addat protestationem hujusmodi: Salvo jure prioris, sive, abq; prejudicio prioris?*

M. Hujusmodi protestatio nullius est momenti: & ut Zasius ait, parum vel nihil operatur, p. 6. nu. 13. & rursus, n. 25. & seqq. Quia prior ille nullum jus in re habet, & proinde nihil ei reservari potest, arg. l. 1. C. comm. prad.

20. D. *Quod si dominum facta jam investitura abusi- va ante subsecutam traditionem pœniteat, liberabitur ne præstatione ejus quod interest, an verò præcisè cogetur ad traditionem vasallo faciendam?*

M. Non liberatur dominus præstando id quod interest: sed omnimodò cogitur investituram adimplere, & abusive investitum in possessionem feudi immittere, sive compellendus est tradere possessionem feudi: de quo investituram fecit, text. sunt aperti lib. 2. feud. tit. 4. & tit. 7. §. investitura. & §. si pacta, c. 26. Zas. p. 6. num. 12. Nec assentior D. Hotom. in disp. feud. c. 26. & in comment. add. §. si pacta, existimanti, de hac quæstione pugnantiâ respondisse Feudistas. Imò verò maximè sibi consentientia responderunt. Nihil movet, quod in d. l. 7. in fi. dicitur: de omni utilitate præstanda: quæ verba sic accipit Hotom. quasi dominus liberetur præstatione ejus quod interest: non rectè potest enim quis cogi ad omnem utilitatē ex mora præstandam, & tamen ea præstatione non liberari, quin adhuc ad rem ipsam tradendam. omnimodò, ut ibi ait textus cogatur. Non debemus igitur nobis fingere repugnantiâ, ubi nulla est: sed potius assentiri Accurs. in verb. præstabit, sic verissimè scribenti: *Nec liberabitur dominus volens ei solvere interesse.* Hic notabis vererem illam controversiam glossatorum de venditore: *An is præcisè cogi possit ab emptore, ut rem, cujus copiâ tradenda habet, ipsi tradat, an verò ab illa necessitate liberetur, si offerat id quod interest:* quorum illud voluit Martinus, cumq; secuti Bartol. Cynus, Castrensis, Fulgos. Cujac. ad l. 1. sent. Paul. tit. 13. & ad tit. 1. lib. 1. de feud. §. si verò Archiepi- scopus,



*scopus, item Hotom.* Hoc verò placuit Bulgaro, Joanni, Azoni, Alciato, & aliis. Accursius in hac quaestione varius est. Rationes pro sententia Martini diligenter examinat D Gypsa. in *disp. Ingolst. de act. empt.* Idem tamen Giphanius postea in *tract. de feud.* eandem sententiam quasi retractans, putat dominum non posse precisè cogi ad tradendum, sed liberari præstando id, quod interest.

21. D. *Quid si dominus non solenni promissione, sed tantum verbis honoris, &c. ut loquimur, verbis aulicis, promiserit rem feudalem non accedente investitura, an & hoc casu precisè promissa implere, & rem tradere cogitur? an verò liberatur præstando id quod interest?*

M. Respondet Zas. ex Alvarot. & Jacob. de S. Georgio: Hunc liberari præstando id, quod interest, p. 6. n. 11. Ego valdè dubito, an talis promissor ullatenus sit obligatus, & an possit conveniri de eo, quod interest: nam & jure civili multum refert, an quis promittat se venditurum, an vendat: donet quis, an promittat se donaturum, l. 58. *ab emptione*, D. de pact. l. si quis pactum, & ult. D. de V. O. Alex. in l. 7. pr. D. de pact. Alciat. ad l. 14. si pacto quo pœnam, C. de pact. Item interest multum, renunciaret quis, an promitteret se renunciaturum, Covarruv. in c. quamvis 3. relect. n. 4. de pact. in 6. Tiraq. de retract. lib. 2. in fin. n. 52. Hart. in pract. for. sub fin. in miscell. jur. civil. c. 1. obs. 2.

22. D. *Quod si dominus, qui investituram fecit, moriatur ante traditionem, cogetur hæres eam adimplere?*

M. Cogetur, & quidem ipse quoque omnimodò compelleretur, ut ait text. lib. 1. feud. tit. 3. in fin. juncto tit. 35. lib. 2. Hæres enim cogitur præstare factum defuncti, nec potest ei contravenire, l. ex qua persona, ff. de R. I. l. cum à matre, C. de R. V. l. ex contractibus ff. de O. & A. l. 3. C. de reb. alien. non al. cum simil.

23. D. *Quid si is, qui investituram de aliqua re accepit, jam antea illam habeat ex alia causa, ut pignoris, custodia, &c. An adhuc opus erit traditione?*

M. Hec casu sufficiet nuda voluntas domini ad rem

rem transferendam, arg. §. *interdum*. Inst. de rer. divis. l. 9. §. 5. ff. de acquir. rer. dom. l. 62. ff. de evict. l. 21. §. 1. ff. de acqu. rer. dom. Neq; enim tum videtur quis ipse sibi causam possessionis mutare, cum à domino potius volente id fiat, l. 3. §. *sed si is*. ff. de acquir. possess. Sic potest aliquis de fundo prius sibi pignorado postea investiri, ut habetur tit. 11. & tit. 28. lib. 1. feud.

24. D. *Quid si duo sint, qui de castri jure inter se contendant, utri jurabit, qui feudum ejus castri habet?*

M. Hoc casu vasallus homagium præstare debet ei qui possidet, quantumvis fortè in petitorio ejus castri jus non habeat, Guid. Papa conf. 92. nu. 2. ver. *ideò dicunt Dd.*

25. D. *Quid juris est in petenda renovatione investitura, si plures sint unius senioris aut vasalli hæredes, coguntur omnes & singuli, itemq; omnibus & singulis fidelitatem jurare?*

M. Si vasallus plures reliquerit hæredes, & feudum in divisione hæreditatis uni obvenerit, is solus jurabit, & seniori serviet, arg. l. 5. in pr. ff. commu. divid. Cæteri enim jam non amplius sunt vasalli. Sin autem feudum reliquerint indivisum (qui *fratres consortes* à Jurisconsultis dici solent) aut omnes ac singuli investituram petere & jurare debent, aut aliquem è suo numero, qui communi omnium nomine investituram accipiat & juret: quem vulgò vocamus den Lehentager/ & est plerumq; maximus natu inter fratres aut agnatos, vide §. *omnes filii*, & ibi Accurs. lib. 2. feud. t. 26. juncto §. *firmiter*, lib. 2. tit. 55. Quod si plures fuerint heredes unius senioris, communis est sententia, à qua difficile est recedere, vasallum omnibus jurare debere: ut est notab. gl. in l. *si ususfructus*, verb. *oportere*, ff. de ususfr. ubi ait Accurs. argumentum esse, quod singulis hæredibus domini faciendum est sacramentum fidelitatis: nam cum sit quasi individua servitus sacramentum fidelitatis, & fidelitas ipsa, insolidum debetur. Adducit l. *stipulatio*, §. *quesitum*, D. de oper. nov. nunc. l. *si ususfr.* §. D. *ususfr. quem adm. cav.* l. 2. §. *pen.* D. de V. O. Exceptionem addunt,

addunt, nisi hæredes illi unum elegerint, à quo investitura petatur, & cui omnium nomine juretur, *Zasp. 7.n.10.* Ubi tamen contra hanc communem opinionem tentat, sufficere, si uni juretur & serviatur. Quicquid sit, illud certum est, vasallum pluribus illis hæredibus non teneri plura præstare servitia, quàm solebat uni ipsorum antecessori. Non enim debet durior fieri ipsius conditio, quàm fuit ab initio, cùm contraheret, *arg. l. 2. ff. de exercit. act. l. 5. § pen. ff. judicat. solvi.* vel etiam posset alternis annis ipsis servire, *arg. l. 35. ff. de usufr.* Nec debet vasallus compelli pro uno feudo plures habere dominos, & præterea ducatus, *lib. 2. feud. t. 55.*

26. D. *Atqui potest quis plurium dominorum esse vasallus ratione ejusdem rei, ut colligitur ex t. 38. lib. 2. feud. in verb. contra unum dominorum, quorum communis vasallus erat.*

M. Locus ille intelligendus est de novo feudo, cujus respectu potest quis esse vasallus plurium, ut rectè Hotom. ibidem conciliat.

27. D. *Quid si quis copulativè jurasset fidelitatem domino & hæredibus ejus?*

M. Hoc casu volunt non posse cogi vasallum iterum jurare per c. veritatis, 14. extr. de jurejur. Ita & Fornerius de feud. c. 16. quod equidem non improbo, sed ex alia ratione, nimirum, ne jusjurandum absq; necessitate sæpiùs iteretur, quod non nisi in casu necessitatis adhibendum est. Juramentis enim parcè utendum tanquam pharmacis, c. autem illud impertinenter ad hanc rem allegari puto, cùm contineat privilegium papale, concessum à sede Romana regi Siciliae Guiliel. ejusq; successoribus, ut non cogantur sæpiùs jurare de illo regno, quod feudum est Ecclesiæ Romanæ. Quo modo Cujacius quoq; rectè accepit in recit. decret. Jus autem singulare, quod contra rationem juris receptum est, nō est producendum ad consequentias, l. 14. ff. de ll. Unde nec rectè arbitror ei c. hoc summarium appositum: *Vasallus qui juravit Pralato, successoribus ejus jurare non cogitur.* Quod ita generaliter positum

fitum falsum est. Imò cogitur, excepto Rege Siciliae, cui singulari quadam indulgentia, ut loquitur Cujacius, hoc remissum est.

28. D. *Dixisti supra ex investitura abusiva non transferri possessionem rei feudalis: An autem in filium suum haereditatis in feudum succedentem transfertur & continuatur possessio ipso jure sine nova apprehensione?*

M. Ita quidem Alvar. Bald. & alii vulgò putant, sed malè, abusi l. 11. ff. de lib. & posth. & contra l. cum haeredes, 23 ff. de acq. poss. Quæ lex indistinctè loquitur de omnibus hæredibus, vide Zas. p. 6. nu. 40. & à iunct. seqq. ubi nu. 42. distinguit ex mente Baldi inter possessionem actualem & habitualem: ut illa non sit in suis hæredibus ante apprehensionem corporalem: hoc verò sit ipso jure. Eandemq; distinctionem etiam usurpavit Jo. Oldend. de act. benefic. class. 5. act. sub c. quid de hered. sit. Sed ita veteres Juri loqui non solent, & meo judicio, tota illa distinctio nugatoria est, quod pace tantorum virorum dixerim. Hic notandum est, quòd mores Gallorù à jure civili hac in re discrepant: possessionem enim æquè ac dominiũ rerum hæreditariarum ipso jure transferunt à defuncto in hæredem, ut præter alios testatur Ant. Cont. in meth. de feud. c. 7. & Cujac ad d. l. cum haeredes. ff. de acq. poss. Nati sunt illi mores ex malè intellectis textibus juris civilis, ut l. cum miles ff. ex quib. caus. maj. partim ex gl. ad d. l. in suis, de lib. & posth. vide Gail 1. obs. 152.

29. D. *Expectavi jam pridem dum faceres mentionem investiturae simultaneæ: hanc enim aliquoties à Feudistis nominari audiivi, nec satis capio vim hujus verbi, quare ei subiecta sit notio. Hanc igitur nunc velim explices.*

M. Simultaneam investituram eadem forma dixerunt, qua & simultaneum processum, non à similitudine seu occulto odio aliquo, ut videri fortasse possit, sed à particula simul, formato nomine. Eademq; figura dici fortè posset etiam testamentum simultaneum, quando scilicet plures isdem tabulis testantur simul, ut sæpè fit, maximè à marito & uxore, de quo tractatum scri-

scripsit Petr. Peck. *de test. conjugum*. Est igitur ea simultanea investitura apud feudum, quæ simul duobus vel pluribus vasallis facta est, sive qua plures simul comprehenduntur, sive deniq;, quando feudum communiter acceptum est à pluribus, quod Germani vocant *Gesampter Handbeteihung*. Exemplum ejus habes *lib. 1. F. t. 1. & t. 8 in fin. & §. si duo fratres, t. 14. & lib. 2. feud. tit. 18*. Effectus autem hujusmodi investituræ potissimum cernitur in successione feudi, de qua infra. Interim vide Hart. *Pist. lib. 1. p. 2. quest. jur. q. 20. 21. 22. & 24. vide etiam consilia Modest. Pist. 8. 23. & 33. vol. 1.*

## CAPUT X.

*De jurejurando fidelitatis, quod cum investiturâ conjunctum esse solet. Ejus formulæ, & singulorum capitum explicatio.*

1. D. Dixisti paulo antè de jurejurando fidelitatis, id cum investitura conjunctum esse. Nunc igitur quaero, utrum debeat præcedere investitura, an fidelitas?

M. Hac de re sic ait Feudista, *lib. 2. t. 4.* sæpè responsum est, investituram debere præcedere fidelitatem: quæ oratio nō minus videtur ambigua & flexiloqua, quam illa veteris Oraculi: *Ajote Aaida Rom. vincere posse*: sed ita intelligenda: Investituram præcedere, hanc subsequi jusjurandum fidelitatis, ut satis apparet *ex t. 7. lib. 2. F.* Igitur hîc servabitur ordo, ut initium fiat ab investitura abusiva, sequatur fidelitatis præstatio, & hanc immissio seu inductio in possessionē, quæ jam est investitura propria, *Zaf. p. 6. nu. 16 & p. 7. nu. 14.* Ratio est: quia obligatio vasalli seu fidelitas nascitur & pender ex beneficio patroni: igitur hoc natura prius esse oportet, *Hotoia in comm. ad tit. 4. lib. 2.* Zafius verò hanc reddit rationem, quia actus agentium in subiecto prædisposito operantur: quæ verissima quidem nimis remota, & penè metaphysica est ratio.

2. D. Quid si hic ordo invertatur, vitiaturne & ipso jure nullum est id quod agitur?

M. Imò

M. Imò nihil nocet, etiamsi ordo iste non exactè observaretur. Sufficeret enim ordo intellectus, ut rectè admonet Zas *ad. loc. arg. l. 2. §. si quis ita, ff. de vulg. & pup. jun. 70 §. ante, Inst. de leg.* Dum tamen illud meminerimus, quod & suprà monui: si incipiatur ab investitura propria frustrà adhuc requiri abusivam. Quamvis Papa Johannes videatur etiam sic illam requirere *in c. 1. 16. quest. 2.* cùm sic scribit: *Divina illi habent & secularis, ut cujus est possessio, ejus fiat & institutio*, id est, *investitura*. Et si in dando, quod majus est, fuit charitas, sit facilius in concedendo, quod minus est, sancta largitas. Majus enim fuit possessionem dare, quam sic investituram concedere: sed hanc sententiam nō immeritò reprehendit Hotom.

3. D. *De jurejurando fidelitatis quid dicis?*

M. Primùm de vocabulo hoc scire debes, *fidelitatem* sæpissimè in jure feudali usurpari pro ipso jurejurando, quod vasallus præstat seniori, *ut lib. 2. tit. 4. l. 6. & tit. 7.* Unde fidelitatem facere est jusjurandum præstare, *lib. 2. tit. 3. & tit. 26. & passim apud Historicos.* Vocatur etiam *hominium & hominatus*. Sicut *dominium & dominatus* promiscuè dicitur, teste Cujac. *ad c. 14. extr. de jurejur.* Vulgò posteriores dixerunt *homagium*, sed antiquius & verius esse *hominium* significat etiā Alb. Krautz. *in sua Vandalia lib. 3 c. 36.* & Cujac. quoque *in inst. feud.* ait: vocem *hominii* esse concinniorē quàm *homagii*. Utrumq; verbum fidelitatis, inquam, & hominii, conjungit Otto Frising. *lib. 2. de reb. gest. Frid. c. 5.* Petrus verò Rex Danie accepto ab ipsius manu regno fidelitate & hominio ei obligaretur, &c. Et ipse Fridericus in Epistola ad Patrum suum, qua summa rerum capita ab se gestarum, tanquā materiam scribendæ historiæ subministrat, sic inter cætera ait: *Vbi Rex Danorum Petrus ad curiam nostram vocatus venit, & hominio ac fidelitate nobis facta coronam regni de manu nostra suscepit.* Ubi observabis, quod ad historiam pertinet, olim Regem Daniæ fuisse vasallum Imperatoris: sicut & Rex Poloniæ, (quī olim dux tantum fuit) non ante admissus fuit

fuit in conspectum Friderici I. licet multa munera ei adferret, quam homagium ipsi fecisset de Pomeranis & Rugis, subjectionemq; perpetuam sacramento confirmasset: teste eodem Ottone *lib. 7. Chron. cap. 19.* Ex quo priscam illam majestatem & amplitudinem Imperii Romani æstimare cuivis in promptu est. *Hominium* autem ab homine deductum esse manifestum est. Nam *hominem alicujus fieri*, idem est, quod *subjici ei tanquam vasallum*: unde & *Leutes* sive *Leotes* dicuntur Germanicè: *Eines* sive *Leute* / vel plenius & usitatius, *Lehenleut*: quomodo etiam in jure civili *homines* nostri dicantur servi, & qui servorum ferè loco sunt mercenarii coloni, &c. Exempla vide apud Cujac. *in prologo. feud.* Et si enim vasalli non sunt propriè servi (imò servi feuda non magis accipere possunt quàm militare) (ut suprà dictum) tamen sunt quasi servi, & (ut Cujacius eleganter vocat) *ἀνιδύλον*. Et hæc de verbis, quibus hoc jus jusjurandum feudisticum denotari solet: quibus & hoc addendum; Interdum discerni fidelitatem ab hominio, & illam sine hoc præstari: quo casu Hominium est subiectio personarum, verbi gratia, cum in capitulis concordie inter Papam Hadrianum & Fridericum II. continetur, ut *Episcopi Italia solum Sacramentum fidelitatis, sive homini faciant Imperatori.* Quemadmodum autem jure civili hoc jusjurandum non tantum ad controversias decidendas adhiberi solet, quod vocant *Litis decisorium*: sed sæpè etiam obligationis firmioris causa præstatur, vel ab iis, qui magistratum aliquem, aut munus publicum suscipiunt, item à judicibus, ab advocatis, ab ipsiſ litigatoribus, vel à contrahentibus, ut prolixè docet Borch. *in tract. de jurejur.* Quemadmodum item libertus inter manumittendum jurabat patrono, se præstiturum ei donum, munus & operas, *l. 7. & l. 8. in fin. ff. de oper. libert. l. ult. ff. de liberal. caus. l. 13. in prin. ff. de accept. l. 6. §. si quis absente, ff. de confess. Caus. lib. 2. Inst. tit. 9. de oblig.* Sic feudorum quoq; autoribus visum est jusjurando vasallum obstringere seniori ad fidem & obsequia præstanda. A-

junt quidem Theologi: Deum non facere discrimen inter nudum sermonem & jusjurandum: *Sit*, inquit Evangelion. *sermo vester: Est est, Non non*, Matth. 5. Ad quem locum memorabiliter in hoc verbo commentatus est Chromatius (vulgò malè tribuitur Chrysostomo) c. 12. juramenti. 22. q. 5. Dominus, inquit, inter juramentum & loquelam nostrā nullam vult esse distantiam. Quia sicut in juramento nullam convenit esse perfidiam, ita quoq; in verbis nostris nullum decet esse mendacium: quia utrumq; & perjurium & mendacium, divina judicii pœna damnatur, dicente scriptura: Os quod mentitur occidit animam. Quisquis ergo verum loquitur, jurat. Quam in sententiam præclare quoq; scribit Athanasius in passionem & crucem Domini. Unde etiam Evagoras Rex laudatur ab Isocrate, quòd non minus servaret nuda promissa, quàm juratas conventiones, Cujac. lib. 22. obs. c. 7. Et fidem quamvis injuram fallere grave, naturæq; hominum inconueniens esse dicitur, l. 1. ff. de pact. & l. 1. ff. de constit. pecun. Sed tamen omnium gentium opinione & instituto major vis tribui solet juratæ promissioni, quàm simplici ac nudæ, proinde etiam juratam fidem frangens, gravius delinquere existimatur, & durioribus pœnis afficitur, l. si quis major 41. C. de transact. l. 1. & auct. sacramenta puerum, C. si advers. vendit. vide Iul. Clar. in §. perjurium.

4. D. Quid igitur jurat vasallus domino?

M. Se toto vitæ suæ tempore fidelem ipsi fore (unde sæpè per excellentiam *fidelis* pro *vasallo* nuncupatur: exempla annotavit Hotom. in Lexic. feud. quibus adde tit. 7. lib. 2.) sive, ut ait Feudista, jusjurandum fidelitatis in se continet integram & perfectam fidelitatem, lib. 2. feud. tit. 7. Ubi observabis obiter verbum, eleganter sumi pro integra oratione, quemadmodum cum Latini dicunt: *vetus verbum*, pro *antiquo dictorio*, seu *proverbio*. Quia verò generaliter dicta ferè sunt obscura & confusa, nec satis ab omnibus intelliguntur: imò etiam sæpè neglecta videntur: (unde & Aristoteles inquit: Qui universè aliquid dicunt, nihil



hil dicunt, & seipſos decipiunt, & eruditè Zaſp. 7. n. 15. Simples, inquit, non niſi per individua ducuntur.) Idcirco interpretationis & explicationis clarioris gratia exprimuntur certa quædam capita hujus jurisjurandi, ut eò rectius & plenius etiam à rudioribus intelligi poſſit, quid hoc ſit, fidelem alicui eſſe, ut quæ ſint iſtius fidei vaſallitię partes & munia, intelligatur, omniſq; ignorantię excuſatio præcidatur: ea capita petere poteſ ex aliquot formulis deſcriptis *lib. 2. tit. 5. cum duobus ſeqq.* Maximè verò accurata & enucleata eſt ea, quæ poſtremo loco adſertur, quam & Feudiſta ait in omnibus ferè curiis hodie obtinere & frequentari: Hotoman. tamen *in diſput. de feud. r. 24.* eam formulam exagitant, ita ſtolidè & barbaricè à Feudiſtis conceptam eſſe dicit, ut ejus lectores pudeat. Cujac. quoq; *lib. 2. feud.* teſtatur formulas fidelitatis, quæ ponuntur *ſub tit. 6. & 7.* à melioribus libris abeſſe (ſicut jam olim Accuſ. ad eos tit. annotavit. Quidam non habent hunc tit. ſed addit: *malè*) ac putat, à neſcio quibus inſertas eſſe temerè libro Oberti. Titulus quidem 6. totidem verbis extat in jure canonico *22. q. 5. c. 18.* Eſt autem ex Epiſtola Epiſcopi Carnutenſis Philiberti (vel, ut in Decreto appellatur, *Fulberti*;) ad Guil. Aquitanię Ducem. Sed cùm jam tot ſeculis receptæ fuerint iſtæ formulæ, & maximè poſtrema: nos quoq; eas retinere poſſumus, licèt barbaricè ſcriptas. Nam elegantia ſermonis Latini nō eſt à Feudiſtis petenda. Illud tamen non invitus fateor, cùm feudorum non omniū ſit eadem cōditio, vix poſſe unam & generalem formulā omnibus ſatis commodè aptari: quare Conſiliariis Principum, vel etiā iſiſ ſenioribus videtur permittenda conceptio formulæ, quæ ad cujuſq; feudi qualitatem ſit accommodata: quæ in re ſequenda etiam eſt cujuſque regionis conſuetudo. In Germania paſſim generalis & brevis hujusmodi formula eſt recepta: *Ego promitto & juro, me utilitatem Domini mei adiuturum & promoturū, damna verò pro virili a verſurū ac propulſaturū ex fide bona abſq; dolo malo*

Ich gelobe vnd schwere/ daß ich meines Herrn Nutz vnd Trosten getreulich / meines besten vermögens fördern / vnd seinen Schaden hindern vnd abwenden wölle. Alles getreulich/ohne Arglist vnd Gheferde. Quæ postrema clausula omnibus fere instrumentis contractuum hodie ad finem apponi solet, exemplo Græcorum, qui eadem utebantur, ut ex Herodot. aliisq; didicimus: *ἀνὴρ δόλῳ καὶ ἀπάτῃς*: & Romanorum, qui addebant: *ex fide bona*, & *inter bonos bene agier*. Alias formulas Germanicas juramenti fidelitatis vide apud Andr. Perneder in *tract. feud. pag. 12 & seq. & pag. 16*. Sed priusquàm ad alia pergamus, ex illa formula *tit. 7. præscripta* delibabimus pauca quædam, & quid sibi velint, ponderabimus, ubi & hoc prius monuero: Non tam ovum ovo simile esse, quàm est huic formulæ illa, qua sibi Pontifex Rom. adstringit Episcopos. Ea describitur in *c. 4. ext. de iurejur.* ait Feudista: *Super hac sancta Dei Evangelia*. Quod in *tit. supra* sic habetur: *Iuro ad hac sancta Dei Evangelia*, id est, ut passim in iure Justiniani habetur: *tañtis SS. Evangeliiis*. Fuit enim antiquitus hoc receptum, ut homines maiore cum religione & veneratione ac pio quodam horrore ad iurandum accederent, in medio collocare codicem, in quo descripta essent 4. Evangelia, quem codicem iurans tangeret, vel tota dextra, vel duobus primoribus digitis impositis. In fine quoq; iurisjurandi addebant: *Sic me Deus adjuvet & hac sancta quatuor Evangelia*: ut extat etiam apud Radevic. *lib. 2. c. 19. vide & Antonin. Tressaur. decis. 47*. Quo tamen tactu sacræ Scripturæ non erat opus, si juraret clericus, in quo satis esse iudicarunt veteres, si saltem in conspectu eas haberet positas in medio. Interdum etiam reliquias sanctorum alicui capsulæ inclusas in conspectu proponebant à jurante tangendas: Quo modo hodie sæpè qui jurant, primoribus digitis sceptrum sibi porrectum contingunt. Quæ solennitates fortasse non mererentur reprehensionem, si homines hac occasione non prolaberentur in impiam superstitionē (quod sanè in præclivi est) & contra interdictum Christi, per

creaturas æquè ac per creatorem se jurate existimarent. Bono quidem studio ac fine eas ceremonias inventas & institutas esse ab antiquitate, nemo negaverit: sed solent etiam optima instituta sæpè degenerare, neq; sincerè ad posteritatem transmitti, ut etiam doctissimûs Virgilii interpres Servius alicubi conqueritur: quæ causa fuit, eür magistratus reformatarum Ecclesiarû hunc morem ac ritum ita jurandi per SS. Evangelia, vel per reliquias sanctorum sustulerit: omiserint etiam illam clausulam: *Sic me adjuvent hæc quatuor sancta Evangelia*: relicta tantûm illâ: *Sic me Deus juvet*: Das heiff mir der Allmechtig Gott / ut etiâ habetur *in refor. Nori. l. 4. t. 7.* Et quidè hoc melius est, quàm per Deum & omnes sanctos jurare, ut vulgò quoque dicitur: Einen End schreien zu Gott vnd allen Heyligen. Jusjurandum enim species est cultus divini, qui utiq; non est dandus creaturæ, sed soli creatori, per solum, inquam, Deum jurandum est, quia soli Deo honor & gloria, ut præclare Cujac *ad c. ut si Christus, extr. de jurejur.* Observabis hîc obiter, veteres Romanos sæpè etiam per suorum parentum & majorum ossa ac cineres jurare consuevisse: ut *Propert. lib. 2. Eleg. 10.*

*Ossa tibi juro per matris & ossa parentis,  
Si fallo cinis heu sit mihi iterq; gravis.*

*Et lib. 4. Eleg. ult.*

*Testor majorum cineres tibi Roma colendos, &c.*

Sic Seneca *lib. 7. controuv. in proæm.* jurat per patris cineres, jurat per patris memoriam, &c. Sic etiam per præceptoris manes aliquando jurabant, teste eodem Seneca *lib. 9. controuv. c. 3.* Sequitur in formula: *Ab hac hora in antea: pro quo in tit. 3. item apud Radenic. d. c. 19.* est, à modo in antea. In antea, idem valet istis semibarbaris, quod Latinis *deinceps, in posterum, posthac*: sequitur: *Vsq; ad ultimum diem vitæ meæ*: quæ verba tacitam hanc conditionem in se complectuntur, si nimirum, & quatenus, & quandiu vasallus retinebit feudum, nec domino id refutaverit seu resignaverit: id quod facere potest etiam invito domino, ut infra au-

dies, quanquam autem post revocationem seu resignationem non amplius cogatur vasallus domino præstare servitia: tamen offendere ipsum non debet ob memoriã pristinæ necessitudinis, ut habetur expressum *in fin. tit. 38. lib. 2.* Addit Feudista: *Contra omnem hominem.* Intellige nisi alius sit antiquior dominus, à quo antea feudum tenebat: hunc enim vasallus præferre debet omnibus posterioribus, §. *ult. tit. 28. lib. 2.* Quia prior tempore potior jure hic quoq; esse debet, *Accurs. d. loc. in verb. dominum antiquiorem.* Sequitur portò: *Excepto Imperatore vel Rege.* Regem & Imperatorem, Feudistæ promiscuè usurpant, teste Hotom. *in Lexic. feud. in verb. Regem*: quanquam Romani nomen regum non solum invisum habebant, sed etiam plane intolerandum ob damnatam memoriam Tarquini Superbi, quem propter tyrannidem Brutus expulit, civitate in libertatem vindicata. Quod autem in omni Sacramento fidelitatis nominatim excipi debeat Imperator, habes *in §. si. tit. 55. lib. 2.* Solus enim Imperator, aut alius non recognoscens superiorem, potest habere vasallum ligium, ut supra audivisti *in divis. feud.* Excipiunt quoq; Papam Romanum, *per c. 19. extr. de jurejur.* item patriam cujusq;, *Alvar. in d. §. fin. tit. 28. arg. l. veluti. ff. de just. & jur.* item personam ipsius vasalli. Quod deinceps ait formula, *Ero fidelis*: id generale est in omni feudo, & quidem substantiale feudi, à quo etiam nomen accepit secundum quosdam, §. *ult. tit. 3. lib. 2.* Nam inter dominum & vasallum nulla fraus, nec ullum malum ingenium debet intervenire, §. *si. tit. 52. lib. 2.* Non potest igitur fidelitas seu fides vasallo remitti à domino, quia pacta contra substantiam contractus apposita, nullius sunt momenti: & quia ista remissio invitaret ad delinquendum, sicut etiam jure civili nullâ pactione effici potest, ne dolus præstetur: est enim contra bonam fidem, & contra bonos mores, l. 27. §. *illud. ff. de pact. l. 17. in princ. ff. commod. l. 1. §. illud. ff. de pos. l. 23. ff. de R. I.* Sed jurisjurandi gratiã dominus vasallo facere potest, ut habetur *in fin. tit. 3. lib. 2.*

*in verb. nisi eo pacto acquisitum sit ei feudum, ut sine juramento fidelitatis habeatur; item in §. est & alia, tit. 24. in verb. sunt enim quædam feuda ita data, ut pro his fidelitas non sit præstanda. Ubi observa: Fidelitatem poni pro juramento fidelitatis.*

5. D. *Sednum sicut iusjurandum remitti potest, ita & omne servitium? siue, valétne pactum de non præstando ullo servitio, neq; reali, neq; personali?*

M. Valeri: Potestque feudum ea lege constitui, ut nullum pro eo præstetur servitium: non enim ut fidelitas, ita & servitium est de substantia feudi, *Andr. de Jern in §. fin. tit. in quib. casib. feud. amitt.* nisi servitium consideres, quatenus ipsi fidelitati inest, ut voluit *Barzol. in c. Imperialem, de prohib. feud. alien. per Frid.*

6. D. *Nunc velim pergas in explicatione formula iurandi.*

M. Capita ejus singula totidem continent officia vasalli, quæ seniori suo præstare debet: quæ cujuscumodi sint, infra accuratius examinabimus loco proximo, post expositos acquirendi feudi modos. Interim hoc memineris: Omnia illa officia ad hæc duo revocari, quæ sunt utilitates domini in ejus corpore ac vita, in honore & rebus promovere atq; adjuvare, & damna, incommoda, pericula ejusdem præcavere, propulsare & avertere, siue abstinere à malo & facere quod bonum est, ut dicitur *in Epist. Philiberti*, ex sacris literis desumptum, *Pf. 34. v. 13. Esa. 1. v. 15 & seq. & 1. Pet. c. 3. v. 11.* Ex qua eadē Epistola observentur illa sex capita, quæ vasallus semper in memoria habere jubetur: 1. *Incolume.* 2. *tutum.* 3. *honestum.* 4. *utile.* 5. *facile,* & 6. *possibile*, quæ etiam eodem ordine refert ex illa *Philiberti Epistola Joh. Saresberien. lib. 6. Policrat. c. 25.* Quod autem in formula additur: *pro posse meo*, & mox: *prout potuero.* Item: *Sicut potero* ( *in Clem. 1. de jurejur. Secundum scire & posse meum* ) id elegantius dici potuisset, *pro mea virili*, vel *pro viribus*, vel *ex summis opibus*, ut *Plautus & Symmachus* loquuntur, vel, ut *Salust.* *summa ope.* Germanicè: *Nach meinem besten vermögen.*

Observetur autem hic, ad impossibilia neminem obligari; quæ est regula utriusque juris. Notabis etiam in formula quod dicitur: *inderequisitus*. Ubi rectè annotat Accurs. *ex tit. 21. lib. 1. & tit. 37. lib. 2. §. ult. & ex tit. 26. §. et si. & §. licet vasallus, & ex tit. 26. §. et si. & §. licet vasallus, & ex tit. 28. §. ad hoc vasallum non teneri offerre domino officium, satis est, si domino petenti & requirenti servire paratus sit, si non denegat operam suam.*

7. D. *Sed ob stare videtur quod precessit: ubi jurat vasallus, se impediturum, aut saltem nunciaturum domino, si quid alii contra ipsum machinentur: Ergo ultro etiam non requisitus vasallus domino se offerre cogitur?*

M. Dicitur quidem: Vasallus si rescierit aliquas molitiones contra dominum, debent eum super hos quantocyus certiorare, quod ni faciat, beneficio cariturus est, §. *præterea si vasallus, t. 24. lib. 2. & d. §. ad hoc, tit. 28.* Sed hoc intelligendum est de casibus domino ignotis, sive de molitionibus & insidiis occultis atque clandestinis: has ultro non requisitus debet domino patefacere, cum frustra hoc casu requisitionem sive interpellationem domini expectemus, qui perjurus esset, nisi à vasallo de cavendis insidiis admoneretur. Aliud est in casibus domino non ignotis, in quibus si non requisiverit opem sui vasalli, sibi hoc imputet. Nam, ut est regula juris: Eum, qui certus est, certiorari amplius non oportet, *t. 31. de R. l. in 6.*

8. D. *Quid est, quod ait: Si scivero te velle justè aliquem offendere?*

M. Ut intelligamus vasallum non cogi assistentiam facere, vel auxilio suo adesse domino injustam fœventicam causam, sive injustè alteri guerram facienti, ut loquitur Feudista, §. *1. tit. 28. lib. 2.* Sed hæc latius explicabuntur infra suo loco, cum de officio vasalli erga seniores agemus. Interim quod de secreto sive arcano domini per vasallum nō manifestando in omnibus tribus formulis, continetur *lib. 2. feud. tit. 5. 6. & 7.* Ad id velim te observare primò quidem illud Horatii præceptum, jubentis: *Caveri eum tanquā nigrum com-*  
missa

*missa tacere quinequit.* Deinde notabis insignem locum Senec. lib. 5. de benefic. cap. 21. *Multa legem non habent, nec actionem. Atqui consuetudo vite humana lege omni valentior dat aditum. Nulla lex jubet amicorum secreta non eloqui. Querar tamen cum eo, qui arcanum sermonem non continuerit. & fidem datam, nec servatam indignabor.* Hactenus Seneca. Jure tamen feudistico non tantum primus conqueri cum tali, sed etiã actionem adversus ipsum instituere, nempe ad privationẽ feudi propter feloniam, ut aliã audies. Tandem addit Feudista: *si consilium mihi* (pro, à me) *super aliquo facto postulaveris, &c.* rectè ait: *postulaveris*: alludens scilicet ad illud vetus præceptum: *Ad consilium, nisi vocatus, ne accesseris.* Est enim consilium res sacra, quod eleganter explicat Erasmus Chiliad. *Illud tibi dabo consilium, quod mihi magis videbitur expedire,* intellige, tibi: & simul observabis hîc versum Theogn. usurpatum & Cujac. in proœm. consult. quem hoc Latinum facere possis: *Nostro sit capiti, si quid malè consulam amico.* Sic & erga dominum vasallus animatus esse debet, ut non minus rectè ipsi in ejus causa consultum esse velit, quam sibi in propria. Occasione ejus, quod in formula promittit vasallus, nunquã se futurum in ullo consilio contra dominum. Quæri posse video: Si dominus factus sit furiosus, vel prodigus, vel tyrannus: an possit vasallus ejus consilii particeps esse, in quo agatur de ipso vel capiendò & ligando, vel compescendo castigandoq;. Probo sententiam Ifernix, Præpositi & Zafii existimantium, posse vasallum hujusmodi consiliorũ tractationi sine fraude interesse: non tam enim hoc pertinebit ad injuriam & contumeliã, aut damnum domini, quàm ad ipsius pariter & totius regionis utilitatem ac salutem, vide Zaf. p. 7. n. 15.

9. D. *Semperne eadem formula utendum est, in renovatione investitura, qua in prima investitura juratum est, an verò poterit eam dominus invito vasallo mutare aut innovare?*

M. Iund, si dominus vasallo nova quædam & insolita



lita capitula jurisjurandi posterius obtrudere velit, non cogitur vasallus ea recipere, sed recusare potest, & petere, ut dominus velit esse contentus antiqua formula: ita rectè Hartm. *de feud. obs.* 13. nu. 7. allegans ad hoc Alvar. & Specul. Hoc tamen scias, si vasallus dicat: Pacta quæ dominus investituræ apponere vult, esse nova & insolita apponi domino negante vel contra, semper ei quæritur, non qui negat incumbere probationem, l. 2. cum simil. ibid. per Gothofr. allegatis; ff. de probat. Iul. Clar. §. feudum, q. 20. Ubi notabiliter admonet, vasallum cautum esse debere, ut semper accipiat renovationem juxta formam primæ investituræ.

10. D. *Estne illud jusjurandum, quod præstant subditi suo Principi quod Germanicè vocamus die Huldigung oder Erbhuldigung idem cum juramento fidelitatis, quod præstat vasallus?*

M. Sunt quidem hæc inter se similia, sed tamen multum differunt, vide Zaf. p. 7. n. 16. & hujusmodi juramenta subjectionis sunt illa, quæ Carolus Magnus, & Fridericus I. Imperatores suis subditis præscripserunt, ut videre licet lib. 4. legis Franc. tit. 46. & apud Radevic. lib. 1. c. 19. Et memorabile est discrimen, quod inter hæc duo genera annotavit Zaf. p. 7. nu. 21. civem vel subditum hoc jusjurandum subjectionis ipsum per se, non per procuratorem, ut vasallus potest, præstare debere, sicut etiam jus civitatis ipse per se resignare debet, arg. l. 35. ff. de R. I. Deinde etiam diligenter ab hoc feudistico discernere debes jusjurandum sive sacramentum militare. Cujus formulas diligenter hinc inde ex historicis collegit Just. Lips. lib. 1. de milit. Rom. dial. 6. vide & Veget. de re mil. lib. 2. c. 5. & com. Stewechii, itemq; Hotom. disp. feud. c. 24.

11. D. *Quid tibi videtur de jurejurando illo, quod Imperator Romanus in sua coronatione præstare solet Papa, cujus formula extat in c. 33. tibi domina, dist. 63.*

M. Nobilis est hæc quæstio, ut & Hotom. ait, rectè multorum exercituum sanguine cruenta. Et Imperator quidem Henricus VII. qui cum Roberto, Siciliæ Rege



Rege, inimicitias exerceret, Papâ Siculi partibus contra Imperatorem adhærente, negabar eam esse formulam fidelitatis. Neq; enim Imperium tanquã beneficium seu feudum aliquod sibi à Papa recognoscendum existimabat, quod etiã ante ipsum Fridericus I. strenuè negaverat Adriano Pontifici. Sed Clemens V. qui sedem Pontificiam Roma transtulit Avenionem, in Concilio, quod Viennæ in Gallia habuit, defuncto jam Imperatore Henrico, ita eã declaravit, ut omnino jusjurandum fidelitatis complectatur; Cujacio potius assenserim, *ad tit. 7. lib. 2. feud.* qui negat Ottonem Magnum, Joanni XII. Papæ fidelitatem jurasse, cum potius vice versa, Papa tunc Imperatori jurare solitus sit, qui etiam creandi Pontificis jus potestatemq; ea ætate habebat, ut patet ex multis locis, maximeq; *ex c. 9. 22. & 25. dist. 63.* sed tantum Ottonem Joanni tanquam dominum, non tanquam vasallum Papæ operam suam pollicitum fuisse ac fidelem defensionem adversus Berengarium, qui tunc in Italia pro Imperatore se gerens Pontificem opprimebat. Alioquin non negaverim superiorem etiam ab inferiore feudum accipientem posse ipsi respectu ejus feudi fidelitatem jurare, ut docet Zas *p. 7. n. 19.*

12. D. *Satis jam multa de jurejurando vasalli dixisse videris. Nunc scire velim, an etiam dominus sive senior vasallo jurare teneatur?*

M. Dicitur quidem dominus fideli suo in omnibus vicem reddere debere, quod si nō fecerit, maleficus censetur, *lib. 2. feud. tit. 8. §. ult.* Et quoniam, ut ait Seneca *lib. 6. de benef. prope fin.* beneficium commune vinculum est, & inter se duos alligat; Est inter eos fides reciproca, sive, dominus & vasallus sunt inter se conjuges, id est, communi vinculo fidei conjuncti, *lib. 2. F. ult.* ut rectè exponit Cujac. *ad tit. 7. lib. 2. feud.* Et confert locum Pauli Apostoli, ubi Timotheum, familiarem suum ac discipulū, vocat *σὺν ζυγόν*, id est, *germanum conjugem.* Huc pertinet proverbium nostratè; *Brüder Heri / Brüder Knecht.* Unde etiam ex

qua

quacunq; feloniam vasallus feudo privaretur, ex eadē & dominus proprietatem amittere dicitur, §. *domino committente*, lib. 2. feud. tit. 26. & tit. 47. ut hīc quoq; valeat illud æquissimum Prætoris edictum, quæ est vox naturæ ipsius: *Quod quisq; juris in alium, &c.* Quod ad similem casum accommodat Feudista, §. *in quibus etiam causis*, lib. 2. feud. tit. 33. Nam quod Lotharius Imperator ait in tit. 55. inter dominum & vasallum nullam fraudem, nullum malum ingenium intervenire debere, id non minus ad domini, quam ad vasalli personam referendum est. Unde & lex 12. tab. quam supra retuli ex Servio; Patronus, inquit, *si clienti fraudem fecerit, sacer esto*. Sed nusquam lectum est, dominum vasallo quoq; jurare debere: idq; communiter negant omnes Interpretes ad d. §. *ult. tit. 6* Zas. p. 7. num. 57. Jul. Clar. *quest. 70* Ita, inquit, servat totus mundus. Et merito: nam neque patronus jure civili compellitur liberto suo jurare de calumnia, l. 1. §. *penult. ff. de jurejur. l. 7. §. 3. ff. de obseq.* Debet quidem patronus vasallo vicem reddere, debet fidem mutuam, sed debet injuratus, Cujac. *ad d. tit. 7*. Debet dominus vasallum defendere, sicut vasallus dominum, ut ait Jul. Clar. *quest. 27*. De calumnia autem in causis feudalibus, neq; dominus jurare cogitur, neq; vasallus, d. §. *in quibus*, lib. 2. tit. 33. De quo latius infra cū de judiciis feudalibus dicetur.

13. D. *Quid si vasallus domino fidelitatem jurare nolis?*

M. Pœnam hanc patitur, ut dominus non cogatur investituram ipsi facere, §. *nulla autem*, tit. 3. lib. 2. Rationem hanc reddunt Accurs. & alii ex regula utriusq; juris: quia, Frangenti fidem ipsi quoque fides frangi possit, l. *cum proponas*, C. de pact. cap. frustra 75. de R. L. in 6. cum simil. Cujac. *ad c. 3* & c. 29 ext. de jurej.

14. D. *Quid si dominus vasallum jurare paratum investire nolit?*

M. Ejus pœna hæc est: ut proprietate sua privetur, Accurs. quamvis hæsitanter ( utitur enim particula *forte*) *ad d. §. nulla*. Idq; licet textu destituamur; tamen

ex natura relativorum æquum videtur etiam Anton. Contio c. 7. meth. feud. Accursium etiam sequuntur Ifern. Alvar. Præpositus & alii, vide Hartm. obs. 8. n. 6. Sed contraria sententia verior videtur Nicol. Moz. c. 5. de feud. n. 65.

15. D. Estne pro investitura ejusq; renovatione aliquid dandum seniori à vassallo, an verò gratis præstanda?

M. Dubitationem facit, quod feudum ex amore & honore domini originē habere dicitur, nec sub prætextu pecuniæ acquiri oportere, l. 1. feud. t. 27. & quod in definitione beneficii dicitur: *Benevola actio ad id, quod facis sponte sua prona & parata*: & in altera definitione similiter dicitur: *ex benevolentia dari*, tit. 23. feud. 2. in fin. Unde videbatur dicendum: gratuita feuda esse debere. Si gratuita: Ergo nihil pro iis pecuniæ dandum. Contrarium enim est officio merces, ut ait Paulus l. 1. §. fin. ff. mand. Sed quamvis gratuitum dicamus feudū, nihil tamen vetat, quò minus aliquid velut remunerationis loco reddatur ei, qui concessit. Nam & mandatum, & commodatum, & precarium, & depositum gratuiti sunt contractus, & originem trahunt ex amicitia: veruntamen in iis intervenire potest aliquod honorarium sive salarium, & remuneratio quædam, dummodo ne tanquam merces aut precium pecuniā detur: tunc enim negotiū migrabit in alium contractum, & fiet vel locatio conductio, vel emptio venditio, l. 6. §. l. salarium, ff. mand. l. 2. §. & generaliter, ff. vi bon. rapt. l. 1. ff. si mens. fals. mod. dix. vide quæ dicta sunt ad tit. Inst. quib. mod. re. vide etiam Vincent. in spec. doctrin. lib. 7. c. 145. quem allegat Cujac. ad tit. 1. lib. 1. feud. Atq; ita passim in Germania receptum est, ut tam in prima investitura, quàm in renovatione ejus domino aliquid pecuniæ numeretur, quasi pro introitu, quod nostri vocant *Handlohn* vel *Lehengelt*. De Galliarum moribus similiter testatur Cujac. ad tit. 1. §. t. 5. lib. 1. Feudum redimi soleat vel redditu unius anni, vel pecunia certa ac arbitraria. Ad emptitiū feudum quod attinet, in quo non modicum quippiam, sed verum

rum & justum precium prædii feudalis domino datur à vasallo, scire debes, id non esse proprium feudum, sed degenerans seu feudastrum, ut videre est apud Zaf. p. ult. n. 19. cum trib. seqq.

## CAPUT XI.

*De pactis variis, quæ in investitura adjici & intervenire consueverunt, eorumq; jure, viribus & interpretatione.*

I. D. Quoniam in investitura feudali pacta plerumq; adjici solent, cupio ex te cognoscere, quid de eorum viribus statuendum sit?

M. Rectè mones, & videtur hoc loco oportune de illis quæri & explicari, priusquam ad alios acquirendi feudi modos transeamus. Primum igitur illud ex jure civili ponendum est, pacta legem dare contractibus, eosq; unà cum actionibus inde descendenti-  
bus informare, maximè si in continenti & initio contractus, non postea ex intervallo adjiciantur, l. 7. §. quinimò, ff. de pact. l. 1. §. si convenit, ff. de pos. l. contractus, ff. de R. I. c. contractus 85. eod. tit. in 6. cum simil. Deinde illud quoq; præsupponendum, quædam esse quæ pertineant ad substantiam & naturam, sive essentiã ipsam contractuum, quædam esse eorundem accidentia, si-  
ve adminicula, ut vocat Papinianus in l. 72. ff. de contrah. empt. vide Hotom. illustr. quest. 37. Interpretes vulgò faciunt divisionem hanc trimembrem. Contractuum, inquit, alia sunt substantialia; quædam naturalia, quædam accidentalia. Ita Zaf. p. 1. de feud. nu. 7. & duob. seqq. & latius in intellectibus singularibus, l. 1. c. 12. Jo. Cortal. lib. 3. miscell. c. 10. & Petr. Peccius ad d. cap. 85. de reg. jur. in 6. & Nicol. Mozz. passim in suis tract. Sed Cujac. in fin. proæm. de feud. disertè scribit: idem esse naturam & substantiam: ac falsam esse vulgatam Interpp. differentiam, arg. §. de illa, Instit. de societ. & dd. legibus 72 ff. de contrahend. empt. & l. 7. §. quinimò, ff. de pactis. Qua in sententia est etiam Giphani. in com-  
ment.

*ment. de divis. juris.* Sic igitur etiam in feudis quædam sunt naturalia sive substantialia, sive essentialia (jam enim his tribus promiscuè utemur pro eodem) quæ ad ipsam feudi substantiam ita perrinent, ut feudum sine his esse non possit: quædam verò sunt accidentalialia, quæ adesse vel abesse possunt, ut nihilominus sit & maneat feudum, quamvis interdum per ea vel dilutius fiat vel fortius. Prioris exempla sunt primò, ut feudum consistat in prædio. II. Ut proprietates feudi remaneat penes dantem; quasi dominium, sive plena possessio transeat in accipientem. III. Ut vassallus domino sit fidelis: & contrà, dominus vassallo fidem præstet mutuam: Quod quidem postremum aliqui etiam putant esse de substantia feudi, in quibus etiam est Schraderus. Posterioris generis sunt, ut vassallus de feudo jusjurandum præstet: ut feudum non pertineat nisi ad eos, qui servitia militaria obire possunt: ut ad mares, non ad fœminas, ut ad hæredes non quosvis, sed certos, puta, ad legitimos, non ad testamentarios: & ne ad legitimos quidem omnes, sed ad descendentes, non ad ascendentes, non etiam ad collaterales, si feudum sit novum (nam in antiquis succedunt collaterales, nec tamen cognati, sed soli adgnati) ut feudum non possit alienari neque à vassallo, neque à domino, invito altero: ut possit refutari seu resignari domino etiam invito: ut vassallus non habeat facultatem testandi de feudo. Cùm igitur inciderit quæstio: *Quanam pacta in feudali investitura apposita valeant, vel non?* attendendum est, sintne contra naturam & substantiam ipsam feudi, eamque immutent vel aboleant: an verò tantùm de accidentibus, quas *secundarias feudi notas* quidam appellant. Nam prioris generis pacta, quæ sunt contra substantiam feudi, non valent, arg. l. 12 ff. de precario. Posterioris generis pacta valent, verbi gratia, non valet pactio ne fides præstetur. Valet autem ne jusjurandum fidelitatis, seu jurata fides præstetur. Jusjurandum fidei remitti potest, fides ipsa

ipsa non potest. Rationem differentię suprà audivisti, & vide Zas. *p. ult. n. 34. & seq.* Illud autem conveniri potest, ut vasallus primus duntaxat inter fidelitatem, ejus liberi & posteri non teneantur eo jurejurando. Exemplum ex historiâ Danicâ Alberti Crantzii adfert Hotom. *in disp. de feud. c. 40.* Rursum non valet pactio, ut quis feudum pleno jure domini possideat, & actiones tam directas quàm utiles pro eo exerceat: non enim amplius erit feudum, sed aliud negotium (verbi gratia, contractus innominatus) ut voluit Oldrad. *conf. 169.* Quamvis hoc feudum alii (ut Zabrus quoq; *p. ult. nu. 33.*) velint esse quidem feudum, sed improprium. Sic potest etiam inter contrahentes convenire, ut in vasallum transeat non plena possessio, sed tantum usus & fructus. Quo casu erit etiam feudum improprium, teste Zas. *id. loc.* Sic valet pactio, ut nullum servitium pro feudo præstetur, ut & suprà docuit ex Iternia: & vide Nic. Moz. *c. 7. de feud nu. 32.* valet quoq; illa conventio, ut certum ac determinatum aliquod servitium præstetur: unde & in definitione feudi additur: *sive servitium illud nominatim, quale esse debeat sit expressum. &c. lib. 2. feud. tit. 23. in fin.* Et uterque Feudista ait, posse feudum dari ad certum servitium, §. *ult. l. 31. lib. 5.* Quod feudum conditionale vocat Cujac. *ad tit. 67. lib. 4.* alii vocant conditionatum. Hujusmodi certa servitia sunt: deducere uxorem senioris ad Ecclesiam diebus Dominicis, vel aliis festis, §. *præterea, tit. 2. lib. 2 de feud.* Item, apparere & ministrare domino ad mensam certis diebus: item, quotannis equum domino magni precii dare: item, auxilia certa ipsi mittere, tempore belli, puta 100. milites ad 40. dies, ut exemplum ex Chronico Sigberti adfert Hoto. *d. c. 40.* Sic certi servitii genus est strepam tenere consecranti equum, quod legimus aliquando etiam Imperatores Germanos exhibuisse Papæ Romano. Sic quæsitum scio, an valeat pactum, ut vasallus canat fidibus ad mensam domini? Et respondent, valere, dum tamen fiat ob honestam & justam causam, Moz. *cap. 7.*

*n. ult.* Hic notabis, si certum ac determinatum servitium pacto fuerit promissum, non posse vasallum cogi ad alia præstanda. Nam inclusio unius est alterius exclusio, *arg. l. 12 ff. de judic. & l. ult. C. de pact. convent. l. maritus, 21. C. de procur. cum simil.*

2. D. Quid si in investitura non fuerit facta mentio illorum servitiorum, neq; in genere, neq; indefinite, neq; in specie?

M. Quamvis Ifernina voluerit, vasallum nulla debere, tamen verior est aliorum, ut Præpositi, Matth. de Afflict. & Laudensis sententia, nihilominus servitia aliqua etiam tunc præstanda esse. Nam quæ insunt naturaliter contractibus, ea licet non exprimantur, tamen tacite veniunt, & in contrahendo quod agitur, pro cauto habendum est, *l. 3. ff. de reb. cred.* Et quæ sunt consuetudinis, ea maximè in bonæ fidei contractibus, etiam omissa pro adjectis tamen habentur, *l. 4. cum duab. seqq. ff. in quib. caus. pign. l. quod si nolit, §. quia assidua, ff. de adst. edict.*

3. D. Perge quæso enumerare exempla pactorum investiturae validorum & utilium.

M. Valet quoq; pactum, ut feudum successionem perveniat ad ascendentes: de quo infra in *c. de success. feud.* Item, ut frater fratri in feudo novo succedat, *§. ult. tit. 8. lib. 1. & tit. 14. §. si duo fratres.* Ubi ait textus: Per pactum frater fratri succedit: & *§. si quis miles, t. 19. & lib. 2. feud. tit. 4. & tit. 18.* Item valet pactum, ut frater non succedat: ne quidem in feudo paterno, *§. ult. tit. 26. lib. 6.* Sic valet pactum, ut liberi ex secundo matrimonio nati, non succedant in feudum, contenti donatione propter nuptias, quod dicitur matrimonium ad Morganaticam contractum, *ut est lib. 2. feud. tit. 29. vide etiam §. mulier, & §. filii, t. 26.* Morganatica verbum est feudisticum, ex Germanico Morgengab / depravatum, quasi dicas, *donum matutinum*, videlicet quod maritus uxori dat pro prima nocte in vicem donationis propter nuptias, quartam videlicet partem vel tertiam bonorum suorum, *vide Cujac. ad tit. 9. lib. 2. &*



Hotom. in *Diſtio feud. verb. Morganatica*. Contra quod-  
 que valebit hæc conventio, per quam à ſucceſſione  
 feudi excluduntur filii primi matrimonii, teſte Bald. ad  
 d. §. filii, tit. 26. lib. 2. vide & Moz. c. 7. n. 14. Sic conventi  
 etiam poſſet, ut naturales liberi legitimati in feudo  
 ſuccederent. Sic valet pactum, ut in feudo ſuccedant  
 etiam fœminæ, §. quia etiam, tit. 6. lib. 1. §. filia verò, tit. 8.  
 de ſucceſſ. feud. & §. ult. tit. 14. & tit. 24. Quemadmodum  
 feudum ad filiam pertinet, & §. ad filias, lib. 2. tit. 11. &  
 50. & ſeqq. §. ſimiliter ſi quis. Quod feudum fœmineum  
 ſeu muliebre dici ſuprà audiviſti in diviſionibus, &  
 plura de eo dicemus inſrà, cùm de ſucceſſ. feudi agemus.  
 Sic valet conventio, ut vaſallus habeat facultatem a-  
 lienandi feudum & transferendi in quemcunq; velit,  
 ſive cuicunq; dederit, §. ſi verò, tit. 13. lib. 1. §. penult. lib. 2.  
 tit. 26. & tit. 48. Item, ut poſſit de eo reſtari: de quo  
 item plura dicemus inſrà. Sic valet conventio, ut va-  
 ſallus ſuis ſumptibus ſervitia præſtet, ut latè probat  
 Borch. c. 1. de feud. nu. 25. ubi etiam duob. ſeqq. nu. docet,  
 quid juris ſit de ſumptibus, ſi nihil convenerit. Non  
 probo autem quod Hotom. ait c. 40. in diſp. feud. con-  
 tra naturam feudi fore, ſi ita convenerit, ut vaſallus  
 ſuo ſumptu operas daret. Utitur quidem ille §. 33. ff. de  
 oper. libert. Sed ea lex ſic intelligenda eſt, ſi videlicet li-  
 bertus inops, non habeat unde ſe aliat, neq; tantum  
 temporis vacuum ipſi concedatur extra operas, ut  
 quæſtum facere, ut alimenta ſibi comparare poſſit.  
 Ita conciliabis eam l. 33. cum l. 18. & trib. ll. ſeqq. item q;  
 cum l. pen. ff. eo. tit. vel certè hanc ex illis ita explicabis.  
 Sic valet pactio, ut liceat feudum dividere, vel ne di-  
 vidatur. Nam eſſe dividuum vel individuum, accidit  
 feudo, ut ſuprà dictum in diſp. feud. Sic valet pactio,  
 ut vaſallus propter denegata domino ſervitia, aut a-  
 lienationem feudi irrequiſito domino factam, aliàs-  
 ve cauſas non privetur feudo, ſed ad pœnam aliquam  
 pecuniariam teneatur, ut ex Alvarott. Ioan. Andrea, &  
 Iacobino probat. Mozz. c. 7. de feud. n. 43. Sed illa conven-  
 tio nõ valeret, ut ad nullam prorfus pœnam vaſallus



ob ingratitudinem teneatur, *arg. l. 5. ff. de pact. dotalib.* Invitaret enim ad delinquendum, cum maxima peccandi illecebra sit impunitas, teste Demosthene & Cicerone. Sic non valeret pactio ne jurata quidem, quia vasallus se obstringeret ad auxilia domino contra Imperatorem ferenda. Effet enim hoc contra jus & bonos mores, ideoq; non obligatorium, *l. 5. non dubium, C. de legib. cum simil. §. ult. 2. feud. 55. cum ibi not. Ferrariens. in form. lib. quo ag. ad revoc. feud. in gl. verb. contra debitum. fidel. jur.* Non etiam valeret illa pactio, ut pater feudo privetur ob delictum filii, ut voluerunt Bald. & Jacobin. allegati à Mozz. nu. 46. d. c. 7. Quia scilicet quisque sui admissi poenam sustinere, & nemo alieno odio prægravari debeat, *l. sancimus 22. C. de poen. cum simil. de qua tamen doctrina Baldi ut dubitem, facit primò, quòd in feudi amissione etiam filio nocet crimen paternum, ut infra audies. Secundò me movent quæ scribit Gunther. lib. 8. hist. Friderici. ubi pater ob delictum filii in seniore commissum ex constitutione Friderici I. privatur feudo, nisi festinaverit placare & conciliare sibi dominum. Cum igitur hoc potuerit fieri lege, poterit utique etiam pacto idem constitui. Proindeq; contra quam Bald. volebat, valere videtur talis pactio, qua pater se obstringit pro filio delinquente. Sic valet pactio illa, ut feudum, quod jam primum de novo datur, sit jure antiqui feudi seu paterni. Tum etiam ista, ut feudum antiquum vel paternum jure novi censeatur, dum tamen hoc posteriore casu accedat consensus adgnatorum, quibus insciis vel invitis hæc pactio non potest præjudicare. Quare de re vide quæ suprà dixi in *divis. feud. & adde Nicol. Mozz. c. 7. n. 38. cum seq. & And. Tiraq. de retract. consang. §. 32. gl. 1. n. 31. cum seq. usq; ad n. 43.**

4. D. Quid autem censes de *l. commiss.*

M. Primum de verbo hoc te scire velim: Quamvis veteres crebrius & usitatus dixerint *l. commissoriam*, pro pacto commissorio, non malè tamen etiam Interpretes usurpant pactum *l. commissoria*. Nam & pignoris

*hypothecam dicimus, & legem pacti, & pactum pacis, & actionem conditionis.* Cur non igitur rectè quoq; dicamus *pactum legis*: ut ait Cujac. lib. 4. feud. tit. 66. Cujus inscriptio vetus est *de pact l. commissoria*. Est autem lex commissoria pactum hujusmodi, quo inter contrahentes convenit, ut pecuniâ ad certum diem non solutâ, res sive dominium rei, de qua agitur, alicui commissum sit ipso jure, & penes eum remaneat in perpetuum: talis porrò lex sive tale pactum apponitur vel emptioni & venditioni, & tunc fundus dicitur venditus, *l. commissoria*, quando cavet venditor, ut nisi intra certum diem exolutum fuerit pretium, fundus sit ineptus, *l. 1. 2. 4. 5. & tot. tit. ff. de commiss. vel* adjicitur pignoris dationi, hoc modo: Nisi debitor ad certum diem solvat, ut dominium rei oppignoratae perpetuò maneat penes creditorem, utpote ei commissæ: Das es als dann ihm soll verstanden seyn / oder heynigefallen: & olim quidem hujusmodi pactum pignoratitium valebat. Sed Constantinus M. id sustulit per *l. ult. C. de pact. pign. & de leg. commiss. in pignor. repr.* Ratio quare Imp. omne ejus pacti memoriam in pignoribus abolitam voluerit, hæc est: quia insit ei nimia captio, cum sæpè debitores, pro parva pecuniâ, quam fortè agentes mutuâ acceperunt, pretiosis pignoribus defraudentur. Nam quidvis, quamlibet iniquum, paciscuntur qui egent, dummodò impetrent nummos, quibus præsentem suam inopiam sublevent, seq; ex difficultatibus explicent, aut etiam, ut carcerem evadant securi de futuro. Judæis tamen hoc genus pacta etiam hodie usitatissima sunt: imò vix cuiq; dant mutuum, nisi & sub usuris gravissimis, atq; ut Seneca loquitur, sanguinolentis; & hac lege commissoria, ut pignorum proprietates ipsis cedat sive committatur, si non intra definitum tempus fiat solutio. Illa vetò pactio neutiquam improbat, si inter debitorem & creditorem convenit, ut pecuniâ ad statutum tempus non solutâ, creditor pignus insolutū accipiat vel retineat, aut etiam, ut ei sit emptæ, justo precio, *l. 1. C. de distract. pignor. l. 16.*

§. ult. ff. de pign. l. Titius, ff. de pign. act. l. quamvis, ff. de solut. Hoc enim casu salva est debitori petitio hyperochæ, id est, ejus, quantum plus valet pignus, quam est summa debiti. Sunt, qui putant (& inter illos Cujac. ad tit. 29. lib. 1. feud.) hanc legem sive pactionem commissoriam eandem esse cum fiducia. Et sanè pro illis facere videtur, quod Paulus sent. lib. 2. tit. 13 de leg. commiss. tractat etiam de fiducia. Definitur autè fiducia species pignoris, cum res aliqua sumendæ pecuniæ gratia vel mancipatur, vel in jure ceditur, teste Isidoro lib. 5. Etymol. c. 25. & in eadem sententia fuit aliquando Hotomanus. Sed eam correxit atque retractavit ad tit. 27. lib. 1. feud. Ubi quatuor adfert differentias inter l. commissoriam & fiduciam, quas apud ipsum videre poteris. Ejusq; rei hoc vel firmissimum argumentum esse puto: quod contractus fiduciæ, etiam temporibus Imp. qui Constantinum secuti sunt, in usu remanserit, ut constat non solum ex l. 4. C. Theodo. de infirm. his quæ sub tyrannis vel barbaris gesta sunt, in his verbis: *Pignoris atq; fiducia obligatio perseverent, quæ est constitutio Arcadii & Honorii.* sed etiam ex scriptis D. Ambrosii. Ac mihi quidem hanc Hotom. retractionem sententiæ prioris legenti in mentem venit, ejus quod Cornel. Celsus lib. 8. c. 4. Hippocratem laudans, scribit: Magnis ingeniis familiarem esse, ingenuam erroris confessionem. Quid, quod & Quintil. lib. 3. cap. 6. de eodem Hippocrate ait, eum honestissimè fecisse, cum quosdam suos errores confessus est, ne ejus auctoritate decepti posterius similiter errarent. Et generaliter in quolibet homine sententiæ mutatio in melius non nisi laudi adscribi debet, ut notat Cujac. ad c. 1. ext. ut lite pendente nihil innovetur. Notum quoq; est de S. Augustino, quod eodem cōsilio scripserit libros Retractionum. Nunc ad propositum revertamur. Puto enim te hoc ex me quæsisse: An in feudis locum habeat ista l. commissoria, id est, an valeat hujusmodi conventio, si ad certum sive statutum tempus pecunia creditori nō solvatur, fundum oppigno-

ratur creditor habeat pro feudo. De hac quaestione contrariæ fuerunt opiniones Gerhardi & Oberti. Qui duo velut signiferi Feudistarum passim in his duobus libris laudantur, Nam Gerhardus negabat valere, Obertus contra agebat, *videl. lib. 1. feud. tit. 27. & lib. 2. tit. 51. §. pen.* pro sententia negativa Gerhardi videtur facere *d. l. ult. C. de pact. pign.* quæ in quolibet pignore tale pactum reprobavit. Ergo etiam in hoc casu. Deinde & altera ratio, quæ allegatur *lib. 1. feud. tit. pen. 27.* Quia feudum hoc casu sub prætextu pecuniæ acquireretur, cum potius amore & honore domini sit acquirendum. Pro Oberto facit primum: Quod debitor hoc modo non totum jus, quod in eo fundo habet, à se abdicat, sed retinet dominium, ut vulgò vocant, directum. Deinde, quia hoc jure receptum est, ut feudum possit emi præsentî pecunia. Quid ni igitur etiam l. commissoria constitui possit? Accedit tertio, quod etiam possit creditor pignus antea sibi traditum posterius titulo feudi incipere possidere, ex consensu & voluntate domini sive debitoris, ut etiam supra monui. His rationibus mox Hotom. putavit Oberti sententiam esse veriorem. Gerhardi tamen *d. tit. pen.* præferri, videtur absurdum esse. Zaf. tamen *p. 12. nu. 23.* & Ludolph. Schrad. *p. 5. de feud. c. 1. n. 4. & §.* distinctione quadam adhibita hæc sententias in concordiam adducunt, ut apud eos videre poteris.

5. D. *Quid si pacta inutilia, impossibilia, aut probrosa fuerint adjecta, vitabiturne id quod actum est, an verò pacta ipsa pro non adjectis habebuntur?*

M. Imò investitura per hujusmodi pacta vitabitur, ut non valeat, *argum. §. si impossibilis, Instit. de inutil. stipulat.*

6. D. *Quid si pacta investitura sint obscura, contra quem facienda erit interpretatio?*

M. Contra vasallum, utpote qui potuit declarationem petere obscuritatis, quod cum non fecerit, sibi debet imputare, *arg. l. 39. veteribus. ff. de pact. & l. 21. ff. de contrah. empt.* Atq; ita consuluerunt Bald. Alex. & Cyn.

Decius,

Decius, quos allegat Hieron. Garf. *in tract. de sum. ad feud. recipiend. n. 50 & seq.*

7. D. Intellexi satis, quæ pacta in feudis sint utilia & valida quæ irrita & nulla. Quid verò si pacta non fuerint, interposita?

M. Si investitura nulla adjiciantur pacta, tunc verò ea servabuntur, quæ fert communis natura feudorum. Sicut fit etiam in contractu emptionis & aliis. Nam quod Cujac. *in parat. C. de pact. inter empt. & vend. compositis* negare videtur, jure civili suam cuique contractui formam, statum, naturam esse constitutam & attributam, id rectè refellit Giphon. *in disp. de act. empt. n. 200. & in disp. de pact. n. 169.*

## CAPUT XII.

*De Successione feudi: ubi primùm remouetur testamentaria Deinde ascendentium in linea recta.*

I. D. Posteaquam dictum est de primo acquirendi feudi modo, videlicet investitura, & iis rebus, quæ cum ea conjuncta esse solent, ut de solennibus investitura, de jurejurando, de traditione possessionis, & de pactis deniq;. Nunc tempus videtur de successione differere, quem aliterum modum acquirendi superius constituisti. De hoc igitur cupio exte audire quid juris sit?

M. Primùm illud admonendus es, ab initio nullam fuisse prorsus in feudis receptam successionem, cum scilicet feuda essent beneficia quædam personalia, imò etiam penderent à solo nutu cōcedentis, qui ea quandocunq; vellent, auferre poterat, perindeq; ut in precario non est æquum, ut tu re mea diutius utare, quàm ego velim: sicut de primis feudorum incubulis, & satis imbecilli origine suprà dixi ex §. & quia vidimus, lib. 1. F. t. 1. Tandem eò paulatim progressum est, ut feuda jure successionis ad filios & ad nepotes, cæterosque descendentes ex filio pervenirent: itemq; ad adgnatos, non solùm ad 7. gradû, sed etiam

in infinitum, *d. §. & vidimus*. Deinde, ab hoc modo acquirendi per successionem hodie quoque nonnulla feuda remanent exclusa: verbi gratia, feuda Guardix & Castaldix. Item feuda Soldatæ: quæ ne quidem in persona primi acquirentis durant ad tempus vitæ ejus, sed moriuntur antequam ipse, *vide tit. 2. lib. 1. & t. 10. lib. 1. in §. soldata autem*. Cujusmodi sunt etiam alia quædam feuda, vel potius feudastra, de quibus Zas. explicat *p. ult. de feud.* Præterea feuda Marchiæ, Ducatus, Comitatus, vel alius cujuscumque Regalis dignitatis, non recipiunt successionem, sed ea tantum ille habet, qui de his investitus est. Heres autem non succedit ullo modo, nisi ab Imper. per investituram acquisierit, *tit. 14. lib. 1. feud.* Et hic *rationabilis usus* a Feudistis dicitur *in §. ult. t. 18.* Idèd scilicet rationabilis: quia beneficia Principum sunt personalia, & morte personæ extinguuntur, *l. 3. ff. de censib. l. 191. ff. de R. I. §. sed & quod Principi, vers. planè, Inst. de jur. nat. gent. & civ.* Tribuuntur enim ut plurimum, ob amicitiam, virtutem & industriam, quæ omnia sunt personalia. Est autem longa inter homines differentia morum, industriæ ac virtutis, *arg. l. 31. ff. de solut.* Ac licèt consentaneum sit fortes creari fortibus & bonis, secundum Horatium, & natis insit virtus Patrum, sitq; optabile & deceat liberos, non modò facultatum, sed etiam virtutum patriarum hæreditatem cernere: sæpè tamen etiam illud verum est: *HEROUM FILII NOXÆ*. Permultum igitur interest Principis, quales habeat militiæ, & muneribus suis præfectos, utrum natos, an electos. In nascendo sors dominatur; in eligendo judicium versatur. Erant autem olim omnes Ducatus, & Marchiæ, & Comitatus, nihil aliud, quàm præfecturæ quædam personales & temporales (quod benè observandum est) ex mero nutu Imperatoris pendentes, non hæreditariæ, non perpetuæ: quarum administrationis ratio ærario Principis erat inferenda. Dicitur tamen hodie hoc usurpatum esse, ut etiam in feudis illis dignitatum, obtineat successio, *in §. ult. tit. 19.*

*lib. 1. Quem §. aberrasse à conveniente suo loco, & ad tit. 14. refertendum esse rectè admonuerunt Cujac. & Hotom. Nihil enim pertinet ad alienationem feudi, de qua tit. 13. agit: sed potius ad successionem, id est, ad ritulum sequentem. Observabis hîc igitur consuetudinem unam per alteram abrogatam: sicut etiam lex una per alteram abrogari potest: prior per posteriorem, l. ult. ff. de consis. Princ. §. penul. Inst. de l. natural. Non debet quidem facile jus per usurpationem quæri aut constitui. Et rectè ait Hotom. ad tit. 14. hoc periculosum esse, arg. l. 13. §. ult. ff. de injur. ubi ait Ulp. usurpatum hoc est, sed nullo jure. Non debet etiam temerè recipi consuetudo, nisi quæ sit rationabilis, l. 39 ff. de legib. c. mala consuetudo, cum §. seqq. dist. 8. Sed quoties posterior consuetudo vel æquè vel magis etiam rationabilis est, quàm fuit prior. omninò prævalere debet posterior. Jam verò hic posterioris consuetudinis, nempe, ut feuda illa dignitatum per successionem etiam ad liberos transeant, hæc potest assignari probabilis ratio: quia beneficium patrum etiam in ipsorum liberos propagatum visum fuit redditurum patres amiciores Reipubl. atque ad obeunda pericula promptiores. Nam fortius propugnabit pro patria, ac ne quidem occumbere, si opus sit, recusabit is, qui cogitaverit, sibi mortuo in beneficium successuros liberos suos, in quibus etiam ipse renatus, & sibi quasi superstes futurus sit. Accedit quod minus sæviet in subditos, & minus studebit corradendis opibus, qui spem habeat etiam liberos suos in ejusdem muneris dignitatem sibi successuros, quàm qui ea destituitur. Quare non debuit fortasse Hotom. in disput. feud. c. 18. hanc consuetudinem adedò graviter reprehendere, ut exclamet nihil absurdius dici potuisse, cum præsertim ad eam accesserit quoq; approbatio Friderici I. in §. præterea ducatus, lib. 2. t. 55. Ubi hoc ipso quod prohibet Imper. feuda dignitatum dividi inter plures cohæredes, certè probare videtur consuetudinem, ut ad unum successorē, verbi gratia, maximum*



natu devolvantur. Egregius autem ad hanc rem locus est Nicolai Cusani Cardinal. *lib. 8. de concord. Cathol. cap. 28.* Quem locum propter eximiam viri autoritatem, & quia in paucorum manibus est, alibi retulimus. Ex qua observatione discimus, non disparem olim fuisse conditionem præfecturarum, & officiorum publicorum in Imperio Germanico ab ea, quæ est hodie Bassarum & Begorum in Turcia, & in Polonico regno, Palatinorum & Castellanorum. Quomodo etiam in Gallia ante Hugonem Capetum erat comparatum in magistratibus & officiis, teste Fr. Conano *lib. 2. comment. cap. 9.* quem & Hotom. laudat *in diss. sua c. 18.* Et hodie quoque magistratus & præfecturas in illo regno à nutu Regis pendere, plurimi auctores testantur: Hodie, inquit Hotom. *ad tit. 1. lib. 1.* in Gallia nostra magistratus omnes à Rege cum hac formula mandantur, quàm diu nobis placebit. Utrum autem institutum sit utilius Reipublicæ, quæstio est politica: de qua prolixius hîc disputare non est nostrum. Et hæc quidem hætenus de feudis, quæ successionem non recipiunt, vel certè non semper receperunt: quibus & hoc addendum, non transmitti ad hæredes feudum, de quo quis non ritè investitus est, coram Paribus curiæ: sed tantùm possessionem ejus nactus est, domino jubente; ut voluit Feudista *lib. 1. tit. 25.* Quanquam & Accurs. in glossa, ad eum locum, in verbo, succedente, hoc absurdum esse putat, cum alibi dicatur propriè investituram esse possessionem, *lib. 2. tit. 2. in princip.* & apertè repugnat alius textus *lib. 2. tit. 33.* ubi dicitur: Licet non intercessisset investitura, tamen si dominus dixerit vasallo coram paribus curiæ: Vade in possessionem, & hoc tale est ac si intercessisset. Quia ille ejus voluntate possessionem fundi nactus est, feudi nomine. Atque hoc vitium repugnantix Hotom. quoque notat *in comment. ad d. loc.* Posset tamen fortasse dici, nullam inter hæc esse pugnam: sed *tit. 33. lib. 2.* esse interpretandum & limitandum, ex eo quod dicitur *tit. 25. lib. 1.* Qua in sententia etiam Cujacius fuisse videtur,



tur, *ad tit. 26. lib. 1.* Postremò feudi successorem nō habentis mentionem reperies etiam factam *lib. 1. tit. 27. & lib. 2. feud. tit. 26. §. moribus.*

2. D. Remotū jam illis feudis, quorum non est successio, aut certè non semper fuit, priusquàm mihi pergas exponere, qui & in qua feuda succedant, velim & hoc mihi explices, utrum successio feudalis sit universalis, an verò singularis? sive an is, qui in feudum succedit, sit successor juris, an verò rei vel corporis?

M. Oportunè quæris: Hæc enim duo genera successorum in jure civili reperiri meministi me docere *ad §. diutina. Instit. de usuc.* verbi gratia: Emptor est rei vel corporis successor: non autem universi juris: sicut hæres & bonorum possessor & fideicommissarius. Nam alter est successor singularis: reliqui verò sunt universales. Multum verò interest in feudis quoque, utrum hoc an illud dicamus, maximè quoad solutionem æris alieni. Item quoad retentionem feudi, repudiata hæreditate, qua de re infra commodius dicitur. Interim hoc tenebis, successionem feudalem non esse universalem, sed singularem, nisi fortè feudum sit hæreditarium, id est, quod alicui pro se & hæredibus concessum est, vel etiam simpliciter, nulla facta mentione hæredū: nam unusquisq; etiam hæredibus suis prospexisse præsumitur, non minus quàm sibi, *l. si patet, ff. de probat.* quæ sententia etiam in jus feudale est relata, *tit. 18 lib. 2. vers. unusquisq; enim sibi suisq; hæredibus prospexisse videtur.* Facit huc quod etiam patronus in portione sibi debita, ex bonis liberti non est successor juris, sed rei sive corporis, *l. 16. §. idem scribit. ff. de petit. hered.* Et libertus filio patroni debet operas non tanquam hæredi patris, sed tanquam patrono, *l. 4. & §. si liberi, ff. de oper. libert.*

3. D. Cū autem omnis successio jure civili sit vel ex testamento, vel ab intestato, sive alia testamentaria, alia legitima: & illa hanc præcedat atq; excludat, *l. 39. ff. de acq. hered. & l. 89 ff. de R. I.* sicut audivisse recorder in *Inst. Num etiam eodem jure in feudis utimur?*

M. Minimè gentium. Nam successio allodialis à feudali plurimum distat: Et primò quidem quoad causam testati.

4. D. *An ergo vasallus de feudo suo testari, & hæredes testamentarios in eo habere non potest?*

M. Hæc de re traditur regula, tit. 8. lib. 1. feud. Nullam ordinationem defuncti in feudo inuere, vel valere, id est, vasallo nullam esse testamenti factionem de feudo. Ratio hujus juris ac regulæ est, primùm: Quia legatum & fideicommissum, & donatio causa mortis, & institutio hæredis, sunt alienationes quædam, l. 16. ff. de test. milit. l. 1. §. 1. ff. si qui in fraud. patr. l. 7. §. pari. ff. de donat. l. 87. ff. de leg. cum simil. Jam verò omnis feudi alienatio interdicta est vasallo per Lotharium primò, deinde plenius quoq; per Fridericum I. Est & altera ratio: Quia unusquisque de rebus propriis & plènè suis testari debet, non de alienis, l. consueuntur. §. si post. ubi Accurs. ff. de jur. codicill. auth. ingressi, C. de sanct. Eccles. in verb. nec de his testari possunt, utpote nec domini rerum, l. ult. C. de hered. instit. l. 77. §. mand. ff. de legat. 2. At feudi proprietates non est vasalli, sed ad dominum sive seniore pertinet, ut suprà audivisti. Præterea feudi hoc jus est, ut cuicumq; de aliqua stirpe id obveniret, is autorem beneficii cogatur agnoscere dominum potius quàm patrem suum. At verò, quæ ex testamento alicujus consequimur, eorum autorem agnoscimus ipsum testatorem, non alium. Nonnulli & hanc reddunt rationem, quia feudum sit quidam ususfructus: ususfructuarius verò non possit usufructum suum alteri legare, ne perpetuò inutilis sit proprietas nuda. Ampliabis autem superiorem regulam primam, ut vasallus ne quidem ad pias causas feudum legare possit, quod Feudistæ dicunt: *Judicare feudum pro anima, §. donare autem, tit. 9. lib. 2. & init. tit. 55.* Cùm tamen aliàs magnus sit favor testamentorum, & multiplex privilegium piæ causæ, ut d. ex part. ad §. ult. Inst. de obl. que ex quasi contract. nasc. & ad §. sed furti, Inst. de act. Judicandi verbum Longobardi quoq; sic usurpa-

runt passim in suis legibus, cum significare volunt legatum: inde, ut puto, quia testamentum à vet. JC. sæpius vocatur supremum alicujus judicium, l. 1. de SS Eccles. l. 7. D. testam. quemadmod. aper. & alibi Ammi. Marcell. l. 18 Qui cum supremis judiciis ordinatis quæ habebant, reliquerint his, quibus moderando testati sunt, ilicè pereunt. Loquitur de iis, qui à captatoribus suis tolluntur è medio. Hinc judicare pro legare, ut l. 1. de prob. alien. tit. 29. lib. 2. leg. Long. Quodcumque fecerit vel judicaverit de rebus suis, stabili ordine debeat permanere. Et mox: Habeat licentiam de rebus suis pro anima sua sanctis locis causa pietatis vel in Xenodochio judicare quod voluerit: & quod judicaverit, stabile debeat permanere.

5. D. Sed an non pater, sicut libertum potest uni ex liberis assignare, ut audiui ad tit. de assignat. libert. Ita etiam feudum poterit in ultima voluntate uni filiorum assignare, & prælegare, ut is vel solus totum habeat, vel ceteri majorem partem quàm ceteri?

M. In allodialibus quidem, seu patrimonialibus bonis, ita jus est, ut liceat parentibus ea inter liberos inæqualiter dividere, dummodò neminem in sua legitima portione, non ingratum defraudent, l. 8. C. de inoff. test. (quanquam Ambrosius in opere sex dierum, & ante ipsum Basilius, inæqualitatem illam divisionis valdè improbant, velut inimicam naturæ, quæ, ut vitam æqualiter liberis impertivit per parentes: ita etiam bona tanquam adminicula vitæ iisdem à parentibus æquis portionibus tribui vult:) ut item liceat patri assignare libertum uni ex filiis, d. tit. de assignat. libert. Sed in feudis aliter obtinet, ut scilicet non possit pater uni ex pluribus filiis, plus quàm aliis in feudo assignare; tantum abest, ut totum feudum uni possit prælegare: quæ communis est opinio, fundata textu aperto in d. tit. 8 lib. 1 feud. vide Zas. p. 8. nu. 62. & Jul. Clar. in § feud. q. 40. n. 5. Mox c. 6. n. 80. Repudianda igitur videtur sententia Pauli Castrensis, qui consulti, patrem uni ex filiis feudū prælegare posse: quem

& Cujac. allegat *lib. 4. feud. tit. 54.* Nisi fortè cæteri liberi consentiant in hoc factum patris, quo casu sententia Castrensis sustineri posset. Atq; hæc secunda sit regulæ ampliatio, cujus ratio ea est: Quia providentia legis vel consuetudinis constitutum est, ut omnes filii æqualiter succedant. Hoc igitur jus sive hic ordo per contrariam dispositionem patris, non debet ipsis invitis adimi, vide *Zaf. & Jul. Clar. dd. loc.*

6. D. *Cum vulgò dicatur nullam esse regulam adeò firmam, quæ non patiatur exceptiones, an non & superior regula aliquibus casibus suum officium perdit?*

M. Habet & illa suas exceptiones, quibus potest vasallus de feudo testari. Primò enim potest pro arbitrio suo disponere de feudo, simpliciter & absolute hæreditario, idq; cui voluerit relinquere. Quo casu cogentur filii patris voluntati acquiescere, nec facto ejus contravenire possunt, *arg. l. 14. C. de rei vend. Zaf. p. 8. num. 61. Clar. d. quest. 40. num. 2. & Mozz. d. c. 6. nu. 83.* Quod genus feudi potest etiam per fideicommissum alicui relinqui, ut docet *Jul. Clar. quest. 85.* Ex quo intelligere debes feuda, quæ sunt ex pacto & providentia, itemq; feuda mixta manere sub regula. Secundò excipiunt quidam feudum Francum. 3. Feudum quod quis accepit pro se & hæredibus quibuscunque, vide additionem ad *Jul. Clar. d. quest. 40.* Sed de feudo Franco aliqui tamen dubitant, teste *Mozz. num. 86. d. 6. 6.* 4. Excipitur feudum novum, de quo accedente consensu & permissu domini, aut certè subsecuta ratificatione, vasallus testari potest, ut proinde etiam uni ex filiis id prælegare possit, ut docet *Jul. Clarus d. quest. 40. num. 3. & quest. 41. num. 2.* Ratio differentię inter feudum antiquum & novum, cur, inquam, de illo non possit vasallus quidquam disponere testamento, vel uni filiorum illud prælegare: hoc possit, est hæc: Quia in illo fieret præjudicium vel adgnatis, vel cæteris liberis, quibus non debet auferri jus semel quæsitum ex tenore primæ investituræ: quod secus est in feudo novo. Nam quod ego primùm mihi ac-

qui-

quisivi, quare non possim meo arbitrio alienare, cum per id nemini sim nociturus? Quare, quod Hotom. putat *ad tit. 8. lib. 1. feud.* vasallum ne tum quidem posse de feudo testari, si dominus ipsi liberam testamenti factionem dederit, id non usquequaq; verum esse videtur: sed sub illa, quam attuli, distinctione, videlicet si feudum sit antiquum, aut (quod superioribus addendum est) si novum quidem sit, sed quod expresse fuerit receptum, contemplatione alicujus filii investituræ nominati, *Iul. Clar. d. quest. 41. num. 2. & Moz. d. c. 6. num. 82.* Utitur quidem Hotom. *arg. l. 47. §. patroni, ff. de bon. liber.* sed ea nihil ad rem facit. Quinta est exceptio, in testamento facto à vasallo presentibus neque contradicentibus, quorum interest, domino scilicet & vasallo. Nam taciturnitas illa consensum imitatur, *vide Mozzium num. 84.* Sexta exceptio est, nisi consuetudine alicujus regionis introductum & receptum sit, ut vasallus de feudo testari possit, *Zaf. part. 8. num. 63.* qui ad hoc allegat *Raph. Cumanum cons. 173.*

7. D. Cum igitur, ut dixisti, feudum regulariter non possit in ultima voluntate per vasallum alienari, & non debeat feudum ipsum, an saltem æstimatio ejus debetur & peti potest?

M. Est quidem in legato rei alienæ hoc receptum, ut, si ipsa res aliena à testatore sciente legata ab hærede redimi & præstari nequeat, tum in locum rei succedat ejus precium & æstimatio, ut audivisti *ad §. non solum, Inst. de leg. l. 10. cum aliena, C. eod.* Sed aliud est in feudis, quorum nec æstimatio quidem debetur, teste *Bald. in d. §. donare, n. 13. & Iul. Clar. d. q. 40. nu. 4. & Mozz. c. 6. n. 79.* Ubi & ratio differentię redditur. Quanquā ut hoc obiter admoneam, si res aliena Ecclesiæ sit legata, Ecclesiam hoc legatum repudiare debere, ut constituit *Gregorius IX. in c. 5. filius noster, ext. de testa.*

8. D. Remota igitur jam à feudis successione testamentaria, proximum esse videtur, ut exponas de legitima, siue qui in feudis ab intestato succedant, vel non?

M. Dixi paulò antè : *Inter successionem allodiale[m],* (de qua initio *lib. 3. in Instit. dictum*) & feudalem plurimum interesse : ut ecce jure civili in bonis allodialibus non solum descendentes succedunt ascendentibus, sed etiam vice versa, ascendentes descendenti-  
bus, & quidem vel ascendentes soli, vel cum iis, qui à latere, atq; ex transverso cognatione juncti erant defuncto, verbi gratia : Pater cum fratre defuncti, *Lult. C. ad SC. Tertull.* At in feudis ascendentes non succedunt, ut mox latius dicetur. Deinde jure civili ad successionem allodialium æquè admittuntur fœminæ atque mares, cum disparitas visa sit injuriam afferre ipsi naturæ; *l. 14. C. de hered. l. 4. maximum vitium, C. de liber. prater. §. item vetustas, Instit. de hered. qua ab intest. cum simil.* A successione autem in feudis fœminæ regulariter arcentur, *§. hoc autem notandum, lib. 1. feud. t. 1. & §. ad filias, lib. 2. tit. 11. & passim alibi.* Tertia: Jus civile novissimū nullum discrimen agnoscit inter agnatos & cognatos, & hos æquè atq; illos admittit, tam ad hæreditatem quàm ad tutelam, *auth. sicut hereditas, C. de leg. tut. auth. post fratres, la 2. C. de leg. hered. Novell. 118, c. 3. 4. & 5.* At jus feudale servat discriminē, quod etiam jure civili olim obtinuit ante illam cōstitutionē Justiniani, & agnatos solos admittit exclusis cognatis. Atq; ita vides, quomodo mores feudistici secuti sint jus civile Romanorum ante Novellas, ut dixi, recepti, *l. 5. C. de leg. hered.* Ratio: Quia feuda sunt jura quædam gentilitia, ad conservandam familiarū dignitatem potissimū instituta. Familiarum verò nomina per agnatos retinentur & propagantur, nō per cognatos, qui per fœminas descendentes nomen perdunt, & in alias familias transeunt; *l. 195. §. fin. ff. de V. S.* Quartò: Jure civili valet prærogativa gradus, ut scilicet proximior gradu remotiorem excludat a successione, & pares gradu pariter admittantur, *d. auth. post fratres, C. de leg. hered.* Sed jure feudali hoc non est perpetuum: aliquando enim gradu licet remotior, proximiori præfertur, & pares gradu, non tamen pa-

fiter admittuntur, ut infra intelliges. Quintò: Aliter jus civile instituit supputationem graduum, aliter Feudistæ, quorum supputatio potius cum jure Canonico congruit, ut quidem vult Hotom. *in comm. ad tit. 31. lib. 2. feud.* qui Canonistas *consanguineos Feudistarum* vocat, *in d. feud. c. 19.* Et hanc sententiam Hotom. probat etiam Giphon. *in tract. de feud.* Alii tamen (quos refert & sequitur Curt. *in tract. de feud. part. 3. p. 2. nu. 52.*) noluerunt sequendam esse in feudis supputationem juris civilis, vide & Ludolph. Schrad *p. 7. c. 7. nu. 112. & Hart. obs. 15. n. 5.* & aliter Hartm. *Pist. lib. 9. c. 19.* Et sanè difficile est reclamare communi scholæ Feudistarum; cum præsertim & Cujac. *ad tit. 4. feud. 1.* illi accedat, cum fratres pattueles in quarto gradu esse scribit, qui certè jure Canonico essent in secundo. Nam quantum differat supputatio graduum civilis à Canonica, *ad tit. de gradib. exposui.*

9. D. *Sed quare ascendentes (ut ajebas) non succedunt in feudis?*

M. Ait Feudista: Talem esse naturam successionis feudi, quod ascendentes non succedunt, verbi gratia, pater filio, &c. *tit. 50. lib. 2. feud.* Sed cur talis est natura, inquires? quia feudum vel est antiquum, vel novum: Si antiquum seu paternum, tunc impossibile est, ut feudum à descendantibus ad ascendentes successione devolvatur, cum potius contrà ab ascendentebus jam mortuis in descendentes permanet. Quare si dicemus, tale feudum à descendantibus pervenire ad ascendentes, idem esset ac si flumen fontem suum retrogrado cursu repeteret. Sed nec amplius eo casu in rerum natura sunt ascendentes. Sin autem feudum sit novum vasallo, cui primò datū erat sine liberis mortuo, potius ad dominum recurrit feudum apertum, quam ad ascendentes, aut collaterales defuncti vasalli, quia liberorum ejus, non autem parentum aut fratrum, aliorumve adgnatorum contemplatione fuerat concessum. Accedit, quòd successio feudalisi stri-  
ctè ac propriè sit interpretanda, utpote quæ sit con-



traria primævæ naturæ feudi, de qua suprà dixi ex §. 6. quia vidimus, tit. 1. lib. 1. & ex Cardinali Cusano. Magis autem propria & primaria est successio descendentiū quàm ascendentiū, cū parentes liberis suis turbato mortalitatis ordine, & contra communem cursum naturæ potius ex commiseratione quadam, quàm ex suo voto succedant, l. 15. nam etsi, ff. de inoffic. testam. & ibi Accurs. Cujac. ad d. tit. 1. hanc quoque rationem assignat, quia qui feudum accipit, sibi tantū & posteris suis accipit, unde fit, ut semper in feudum succedant posteriores ejus, à quo originem capit feudum: his deficientibus feudum recurrat ad dominum. Quæ ratio sumpta est ex conjecturatâ mente & communi affectione hominum suæ posteritati atq; etiam æternitati, quantum quidem licet, consulere cupientium, l. 220. liberorum, §. ult. D. de V. S. unde etiam vulgò dicimus: *Amorem potius descendere, quàm ascendere.* Sed hæc quæ dixi de ascendentibus, eos non succedere, intelligēda sunt de iis, qui in lineâ directâ ascendunt, id est, de parentibus. Nam aliud est juris in ascendentibus per lineam transversam, qui descendentiis transversaliter in feudo antiquo certè succedunt, verbi gratia: Patruus succedit filio fratris sui, & tamen patruus est ex ascendentibus, verū per lineam transversalem, non directam, vide Hotom. de feud. obs. 16. n. 5. ubi ad hanc rem allegat Alvar. & Præpositum.

10. D. *Estne hoc perpetuum in ascendentibus, ut in feudis non succedant suis descendentiis?*

M. Imò hujus quoque regulæ quædam sunt exceptiones, ut 1. Nisi pater in favorem filii feudum antiquum refutaverit seu resignarit in manus domini, ut filius super eo investiretur, & filius ante patrem sine liberis moriatur: tunc enim feudum revertetur ad patrem: quanquam hæc non tam successio quàm recuperatio est appellanda, cū feudum patris remansisse videatur. Feudum enim quamvis refutatum, nihilominus esse paternum scribit Feudista lib. 2. tit. 14. in fin. Quem locum impertinenter nonnulli huc allegant,



gant, cum totus ille titulus agat non de patris, sed fratris successionem. Sed finis tamen ejus tit. generalis est, & ratio quoq; communis utriq; speciei accommodari potest. Et hanc exceptionem solam agnoscunt *Zaf. p. 8. num. 2. & Hartm. tit. de feud. obs. ult. n. 3. & Myns. cent. 3. obs. 93.* itemq; *Giphanius in tract. de feud.* Dixi non frustra *feudum antiquum*: nam aliud est in feudo novo, teste eodem *Hartm. d. obs. ult. n. 5.* Alii etiam hanc addunt exceptionem, nisi filius propter bene merita patris remunerationis ergo de feudo aliquo fuerit investitus, & ante patrem decesserit: jam enim pater filio in eo succederet excluso domino. Facit hoc contemplatio meritorum ejus, cum ipsi quoque feudum concessum videatur, in eum casum, quo superventurus sit filio, vide *Alvar. & Matth. de Afflict. de natura success. feud. Cujac. ad tit. 59. lib. 1. feud.* addit etiam alia, nempe nisi pater contractam fiduciam filium de feudo investire curaverit. Nam premortuo filio hoc feudum ex contentione recurreret ad patrem: Et merito: cum enim valeat pactum hujusmodi, ut frater fratri succedat in feudo novo, ut supra dixi, quid prohibet quod minus etiam hoc valeat, ut ascendentes succedant descendentibus?

### CAPUT XIII.

*De successione descenduntium, sive liberorum vassalli. Liberorum varia genera: & quinam ex his à successione tanquam incapaces arceantur.*

I. D. Cum igitur remotis jam à successione feudali ascenduntibus duo tantum remaneant limites sive ordines cognationis: Inferior scilicet sive descendens, & obliquus, (quem vulgò collateralem & transversalem appellant.) velim distinctè mihi explices. 1. Quomodo succedant descendentes? Deinde quomodo hi, qui ex latere veniunt?

M. Priusquam hoc quod petis præstem, scire debes, doctissimos quosdā esse viros, qui purent, successionem feudalem verè ac propriè tantum esse liberorum

sive descendendum, nullam transversariam adgnatorum. Nam cum agnatus ad feudum vocatur, fieri hoc, non ut succedat tanquam agnatus, sed tanquam unus ex liberis primi autoris feudi, quem vulgò vocant *primum acquirentem*. In hac sententia est Hotom. *in disp. feud. c. 19.* eamque probat etiam Giphani. *quest. 7. loc. ex liberis feudi*: ubi ad successionem feudi novi, ne quidem patruus aut patruelès: imò ne fratres quidem admittuntur, qui tamen omnium maximè videbantur debere succedere, si in feudis recepta esset transversarium successio, cum non sint ulli proximiores agnati alii quam fratres. Sed vulgò tam subtiliter hæc non limantur. Et nos quoque fortasse præstat trita viâ incedere, & dicere etiam transversales sive adgnatos in feudo succedere. Prius autem de successione descendendum videndum. Et hinc de ista re regula traditur, tit. II. lib. 2. *feud.* (qui sic inscribi debet: *De gradibus succedentium in feudo*. Nam ita non solum Cujac. ex scriptis libris restituit, sed etiam veteres glossatores eum citare solent.) *Mortuo eo qui beneficium tenebat* (id est, vasallo, cujus hæc est periphrasis.) Prima causa liberorum est, filiis enim existentibus masculis, vel ex filio nepotibus, vel deinceps per masculinum sexum descendentibus cæteri remouentur adgnati. Et hætenus convenit jus feudale cum civili. Nam in eo quoque prima causa est liberorum. In eo non item, quod addit Feudista, feudi successionem ad filias, & qui ex filiabus descendunt, non pertinere, quod & supra admonui. Rectè autem Feudista utitur verbo *liberorum* potius quam *filiorum*. Illud enim latius patet quam istud. Et si enim filiorum quoque appellatione omnes dicantur contineri, qui ex nobis descendunt, l. 220. §. *penult.* & ult. ff. de V. S. tamen hoc fit improprie. Nam proprie filiorum appellatione non continentur nepotes, & cæteri descendentes, qui tamen liberorum nomine continentur, ut meministi ex §. ult. *Instit. qui testam. tutor. dari poss. junctæ eadem l. 20 in princ. ff. de V. S.* Cur autem in successione defuncti prima esse debeat

debeat causa liberorum, & quare hi omnes alios propinquos excludant, rationem repetere ex l. 15. ff. de inoff. testam. l. 7. §. ult. ff. unde liber. l. 7. ff. de bon. damn. & ex his quæ dicta sunt ad l. 3. tit. 1. Inst. nempe quia natura ipsa hos maximè nobis conciliat. Naturam verò jus & lex imitatur. Hinc & l. 12 tabb. & edicta Prætorum, & Senatusconsulta, & cōstitutiones Principum in eo conveniunt, ut liberos in successiones parentum prætulerint: meritiò igitur etiam mores Feudistici jus civile & naturam sibi sequendam existimarunt.

2. D. Sed cum varia sint liberorum genera, non satis est dicere primam esse causam liberorum: nimis enim hoc generale est, proindeq; obscurum: quare melius videtur, ut distindè de singulis tractes, cum non omnium idem jus sit?

M. Rectè admones, & jam in eo eram, ut id facerem. Sunt igitur prima divisione liberorum alii *justi*, alii *injusti*. Justi vel sunt *naturales*, id est, quos ex justis nuptiis procreavimus, vel *adoptivi*, quos quidam civiles liberos, alii *legitimos* vocant, vel deniq; *legitimati*. Et rursus: Alia sub divisione liberi vel sunt in potestate patris vel emancipati. Injusti liberi sunt vel ex concubina procreati, quos quidam *nothos*, vulgò *naturales* usurpant, vel sunt vulgò *quasiti*: qui & *spurii* dicuntur, & in jure Canonico *manferes*: vel deniq; sunt *incestuosi*, & *ex damnato*, atq; *nefario coitu nati*, quorum deterrima est conditio. Secunda principali divisione liberorum alii sunt primi gradus, qui propriè filii. Alii ulteriorum graduum, ut nepotes, pronepotes, abnepotes, atnepotes, & trinepotes. Tertia divisio à nexu desumitur: qua liberi vel sunt mares vel fœminæ. Quarta ab ætate seu ordine nascendi, qua unus est primogenitus, alii postgeniti. Quintò liberi aut sunt hæredes instituti, aut exhæredati, aut præteriti. Sextò liberi vel sunt ex eodem matrimonio, qui inter se fratres germani, vel ex diversis, & hi vel consanguinei, vel uterini. Deniq; aut sunt veri, aut putativi seu præsumpti. Nunc de singulis, quodnam eorum jus sit, breviter cognosce. Rationes autem & fundamenta

harum divisionum non tibi erit difficile ex Instit. & aliunde colligere, atque huc ascribere: videre etiam licet tractatum Gabr. Palæot. de spuris. Ac primò quidem de iis liberis, qui in feuda non succedant, videamus, tunc deinde de iis, qui succedant. In initio autem hoc observabis: Quicumq; jure civili arcentur à successione, eos multò magis excludi à successione feudali: Sed non contrà: Quicumq; jure civili ad successionem admittuntur, eisdem statim etiam ad hanc feudalem admittendos esse. Semper enim facilius jure civili quàm feudali aliquis admittitur: quod verissimè à me dictum esse ex seqq. magis magisq; intelliges. Igitur à successione feudali hos removemus: incestuosos atq; ex damnato complexu natos. II. Spurius seu maneres, seu vulgò quæsitos. III. Natos ex concubina, sive naturales. IV. Adoptivos. Item fœminas, & quicumq; per fœminas descendunt, sive cognatos. De incestuosis non est mirum, quòd eos à feudorum successione removemus, cùm ne quidem in allodialibus bonis, quorum tamen semper facilius datur successio, quàm feudali, neq; patri neq; matri succedant, nec nomine naturalium liberorum, nec alimentis digni, *auth. ex complexu, C. de incest. nupt. Novell. 89.* Quod tam rigidum jus in eos constitutum est studio & amore castitatis, odioq; libidinù, atq; incestus. De spuris quoq; seu vulgò quæsitis nihil mirum: nam hi neq; jure civili succedunt patri, cùm nullum habere patrem intelligantur, §. *vulgò quæsitos, Instit. de success. cognat.* Quod quidem, ut multa alia instituta, Romani mutuati sunt ab Atheniensibus, & l. *Attica*, mentio extat apud Scholiastem Aristophanis. Quamvis si non sit illustris, succedant matri tales SCro Orphiciano, ut audivisti ad §. *novissimè, Instit. de SC. Orphiciano*: sicut & vice versa, mater ad ipsorum bona admittitur, ex SC. Tertull. §. *ult. Instit. de SC. Tertull.* De naturalibus ex concubina eos in feuda non succedere, disertus est textus in §. *naturales, tit. 26 lib. 2.* Et si enim concubina solo dilectu & affectione separatur ab uxore,

uxore, teste Paulo *lib. 2. sent. 20.* sive ut ait *l. penult. ff. de concubin.* sola destinatione animi. Et concubinarus legibus, imò & jure Pontificiò permittitur, tamen melioris conditionis meritò sunt liberi ex justa uxore, quàm ex concubina nati: cùm etiam Plautus concubinarum matrimonio opponat. Ratio de his omnibus redditur ista: Quia honestè in curia domini comparere & ministrare non possunt, vide *Wesemb. in comment. de feud. c. 6.*

3. D. De hystribus generibus liberorum facile tibi assentior, eos non succedere in feudis: sed quod de legitimatis dicebas, id est ejusmodi, ut scrupulum mihi injeceris.

M. Scio quid dicturus sis; Nimirum audivisti, vulgò distingui inter modos legitimationis. Priusquàm autem respondeam, atque hunc scrupulum tibi eximam, illud breviter repetendum est ex *Inst. §. ult. tit. de nupt. §. 1. vers. quibus connumerari, de hered. quæ ab intestat. & ex tit. C. de natural. liber. itemq; ex Novell. 12. 18. 22. 74. 89. & 117.* Legitimationem liberorum extra justas nuptias procreatorum, id est, restitutionem natalium pluribus fieri modis. 1. Per subsequens matrimoniù, cum concubina posterius contractum, confectis dotalibus instrumentis, sive tabulis matrimonialibus, quæ aliàs quidem necessariæ non sunt: sed hoc casu requiruntur: idq; sive extent alii justî ac legitimi liberi, sive non; sive ex serva, sive ex liberâ muliere naturales sint procreati. Hunc modum invenit Constantinus Magnus *l. 1. lib. 5. C. de natural. liber.* & amplificavit Justinianus. Secundus est per rescriptum Principis, qui modus non aliter locum habet, nisi nullis extantibus aliis liberis legitimis, & matre naturalium liberorum. Hunc modum invenit Justinianus. Tertius est, per oblationem sive dationem filii naturalis in curiam, quem introduxit Theodosius in *l. 3. C. d. tit.* & approbavit Leo Imperator. Quartus est, per nominationem filii in testamento à patre naturali, testamento factam: quem modum adinvenit Justinianus, *auth. si quis liberis, C. de natural. liber. Novell. 117. cap. 2.*

Erat olim etiā quintus modus per adoptionem. Nam si pater filium naturalem adoptasset, fiebat ipsi suus & legitimus ex constitutione Anastasii, l. 6. *C. de natur. lib.* Sed hunc mox sustulit Justinianus in l. 7. *et item tit. Quamvis* tentari possit cum reduci in usum ab eodē Justiniano, in d. *Nov. 117.* Sed aliud est adoprio, aliud nominatio filii in testamento facta, ut maximè hæc duo inter se vicina sint, arg. §. ult. *Inst. de adop.* Ideoque à separatis argumentari non debemus, l. ult. ff. *de calum.* Cum præsertim jus novum & correctorium non sit ex consequentiis inducendum, vide etiam Cujac. ad *Nov. 74.* Ex his autem duo primi ferè soli hodie frequentantur, reliqui in desuetudinem abierunt. His præmissis, sciendum est, plerumque Interpretes ita distinguere, ut legitimati per subsequens matrimoniū indistinctè in feudis succedant, non minus quàm si legitimè nati essent. Ac legitimati altero modo per rescriptum Principis non succedant, nisi in ipsa eorum legitimatione Imperator specialiter expresse- rit, quod etiam in feudo succedere possint. Ita Accurs. ad d. §. *naturales, tit. 26. lib. 2.* Et probat etiam Ferrariens. *Præcticus in forma libelli, quo agitur ad revocationem feudi.* Et quæ opinio communiter approbata est à Dd. teste *Jul. Clar. in §. feudum, q. 82. & Zas part. 8. n. 74. And. Geil. lib. 2. obs. 141. n. 12. & seq. Myns. cent. 4. obs. 42. Borch. c. 7. de feud. Schrad. part. 7. c. 5. n. 23. cum seqq. Moz. c. 6. nu. 91. & trib. seqq. Wes. c. 6. de feud. n. 14.* Et hoc aded, ut non dubitarent etiam tunc admittere legitimatos, etiam si quis feudum acceperit pro se & filiis legitimè ex se natis, cum legitimati legitimè natis per omnia & in omnibus, ut loquitur Clarus, æquiparentur. Tanta vis est matrimonii, c. 6. *ext. qui fil. sint. legit.* Et hanc sententiam prolixè tuerur Hartm. *Pistor. lib. 2. quæst. jur. quæst. 46* qui in seq. quæst. disputat, etiam de legitimatis per subsequens matrimonium, vide etiam *Alex. cons. 60. lib. 2. Guil. Forn. in commen. de feud. distinguunt inter feudum ante legitimationem acquisitum, & postea, ut in illo non succedant legitimati à Principe, in hoc suc-*

cedant,

cedant, sed Hotom. in comm. ad d. §. naturales, & latius  
 conf. 29. itemq; Guilhelm. Forn. in comment. de feud. &  
 Giphanius contrariam sententiam probabiliorē &  
 juri rationiq; magis consentaneam esse arbitrantur,  
 videlicet legitimatos nullo prorsus modo succedere:  
 cujus sententiæ hæc sunt præcipua fundamenta:  
 1. Quia textus feudalī, qui naturales legitimatos à  
 successione excludit, generaliter loquitur, nec discrimen  
 facit ullum inter modos legitimationis, an sint  
 legitimati per subsequens matrimonium, an verò per  
 Principem, & an simpliciter per principem, an verò  
 hac expressa clau'sula, ut in feuda quoq; succederent.  
 Sic enim ait: *Naturales filii, licet postea fiant legitimi, nec  
 soli, nec cum aliis admittuntur.* Ubi notabis obiter, par-  
 ticulam; *postea*, à Cujac. sic accipi, post delatam suc-  
 cessionem. Rectius tamen Hoto. *postea* scilicet quam  
 nati sunt. Sic igitur habentibus verbis textus non de-  
 buerunt Interpretes distinguere, ubi lex non distin-  
 guit, l. de pretio, ff. de public. in rem act. cum simil. Verba  
 enim generalia, generaliter quoq; accipienda sunt, l.  
 1. §. cum urbem, ff. de offic. pref. l. 9. §. ult. ff. de jur. & fact. ign.  
 & rectè ait For. d. loc. textum generaliter conceptum,  
 miserè detortum in angustias coactum fuisse. 2. Quia  
 successio in feudis recepta est contra primaviam eò-  
 rum naturam & conditionem. Non est igitur produ-  
 cenda ad consequentias, sed potius coarctanda, arg. l.  
 quod verò ff. de ll. & l. 141. ff. de R. l. Proindeq; in feudis  
 appellatione filiorum non venient liberi naturales,  
 quamvis postea legitimati. 3. Legitimati comparari  
 solent cum adoptivis, Accurs. ad l. 1. C. de adopt. Sed ado-  
 ptivi in feudis non succedunt, ut est textus expressus  
 in § adoptivus filius, eod. tit. 26. F. 2. de quo nemo dubi-  
 tat. Ergo neq; legitimati succedere debent. 4. Quia  
 effectus legitimationis non est is, ut legitimatus ha-  
 beat plenum jus, & fiat per omnia suus, & legitimus,  
 item agnatus, sed tantum ut patri suo ab intestato  
 succedat, Nov. 74. 89 & 117. Omnis, inquam, vis legi-  
 timationis concluditur intra personam patris & filii



legitimati, Ad adgnatos non porrigitur, quibus etiam non potest præjudicare. Atque hæc ratio pertinet ad feuda antiqua, cur legitimati in illis non debeant succedere. De novis autem hæc est ratio quinta: Quia feudum non tam ex patris hæreditate, quam ex beneficio domini feudum concedentis æstimanda sunt: dominus autem feudum vasallo concedens prolem ejus legitimam sive legitimè natam potius videtur in animo habuisse, quam de legitimatione cogitasse eorum, qui extra justas nuptias procreantur. His & sextum addatur fundamentum *ex tit. 6. cap. 16. Epistolarum Petri de Vineis*: ubi sic ait, sub persona Friderici II. Imp. cujus Cancellarius fuit. De plenitudine potestatis nostræ ex certa scientia eos spurios esse scientes legitimavimus, & omnia jura legitima restituvimus, ut tanquam legitimi & legitimo thoro nati in bonis paternis & maternis, quæ feudalialia non existunt, succedant. Quæ cum ita sint, verius videtur (quod pace tantorumq; virorum, quibus contrarium placuit, dictum velim) Legitimatos in feudis nunquam succedere, sive per subsequens matrimonium, sive per testatum Principis legitimentur. Quò magis etiam probandæ sunt constitutiones illustrissimorum quorundam Germaniæ Principum, quibus successionem feudalem denegarunt legitimatis. Qualem scio non ita pridem ab Illustr. Duce Brunsvicensi, Dn. Henrico Julio, &c. Domino meo clementiss. promulgatam, cum hac de re lis mota esset inter adgnatos quosdam, qui fratris sui liberos legitimatos per subsequens matrimonium excludere volebant. Et similem constitutionem Mauricii Elect. Sax. laudat Hæftm. Pist. l. 2. q. 41. in fin. Quod autem Princeps hanc potestatem habeat denegandi successionem legitimatis, latè probatur in responso facultatis Ingolstadiensis *ibidem post questionem* 41. relato. Nec obstat quod ex jure Pontificio in contrarium objicitur, tantam esse vim matrimonii, ut qui antea sunt geniti post contractum matrimonium, legitimi habeantur, ut ait Pontifex in c. 6. ex-



*tra qui fil. sint legit.* Non enim sequitur: Legitimati habentur pro legitimis. Ergo etiam in feudis succedunt. Nam eadem ratione possemus quoque de adoptivis colligere, quos tamen non succedere certissimum est. Dicendum est igitur, hinc generi per speciem derogari, per dictum, inquam, §. *naturales*. Habeantur sane & legitimati & adoptivi legitimorum liberorum loco: sed in feudis certè non habentur, neq; succedunt, d. §. *adoptivus*, & d. §. *naturales*, t. 26. lib. 2. feud. Sed jam satis de legitimatis liberis, de quibus & hoc observabis, non gratis solitos esse quosdam Principes legitimatorem concedere, sed pro vicefima parte proventuū omnium bonorum, quæ istius legitimatorem beneficii & occasione ad legitimatos perveniebant, quotannis fisco inferenda, ad recognitionem scilicet gratiæ seu indulgentiæ principalis, quod didicimus ex eodem loco *Epistolarum Petri de Vinis*.

4. D. Sed qua ratio est, cur adoptivi non succedant in feudis, cum tamen in allodiis jure civili succedant, ut memini audire in *Inst. lib. 3. tit. 1.*

M. Quanquam sufficere nobis poterat autoritas consuetudinis, & aperti textus in d. §. *adoptivus*, cum non omnium quæ à majoribus tradita & observata sunt, ratio sit quærenda aut reddenda, l. *non omnium*. 20 D. de legib. tamen quia & rationem quæris, hanc assignare possumus: Quod adoptio non adferat jus sanguinis, §. *per adoptionem*, *Instit. de legit. agnat. success.* l. 23. ff. de adopt. l. 7. ff. de injus vocand. l. 12. §. *fin.* ff. de rit. nupt. Atqui feuda sanguini conceduntur, Nec in potestate vasalli collocari debuit, per commentitios & factitios liberos dominum vel agnatos suo jure privare. Sic etiam ad excusationem à tutela vel cura liberi adoptivi non profunt, *init. tit. Instit. de excus. tut.* Tacitus, lib. 15. *Annal.* Neq; etiam ad immunitatem in ulla parte muneris publici, quod Scto effectum est. Sic etiam in successione juris civilis interdum est deterior conditio liberorum adoptivorum quàm naturalium. Minus, inquam, juris habent adoptivi quàm natu-

legitimati. Ad adgnatos non porrigitur, quibus etiam non potest præjudicare. Atque hæc ratio pertinet ad fœda antiqua, cur legitimati in illis non debeant succedere. De novis autem hæc est ratio quinta: Quia feudum non tam ex patris hæreditate, quam ex beneficio domini feudum concedentis æstimanda sunt: dominus autem feudum vasallo concedens prolem ejus legitimam sive legitimè natam potius videtur in animo habuisse, quam de legitimatione cogitasse eorum, qui extra justas nuptias procreantur. His & sextum addatur fundamentum *ex tit. 6. cap. 16. Epistolarum Petri de Vineis*: ubi sic ait, sub persona Friderici II. Imp. cujus Cancellarius fuit. De plenitudine potestatis nostræ ex certa scientia eos spurios esse scientes legitimavimus, & omnia jura legitima restituvimus, ut tanquam legitimi & legitimo thoro nati in bonis paternis & maternis, quæ feudalia non existunt, succedant. Quæ cum ita sint, verius videtur (quod pace tot tantorumq; virorum, quibus contrarium placuit, dictum velim) Legitimos in feudis nunquam succedere, sive per subsequens matrimonium, sive per rescriptum Principis legitimentur. Quò magis etiam probandæ sunt constitutiones illustrissimorum quorundam Germaniæ Principum, quibus successionem feudalem denegarunt legitimatis. Qualem scio non ita pridem ab Illustr. Duce Brunsvicensi, Dn. Henrico Julio, &c. Domino meo clementiss. promulgatam, cum hac de re lis mota esset inter adgnatos quosdam, qui fratris sui liberos legitimatos per subsequens matrimonium excludere volebant. Et similem constitutionem Mauricii Elect. Sax. laudat Hartm. Pist. l. 2. q. 41. in fin. Quod autem Princeps hanc potestatem habeat denegandi successionem legitimatis, latè probatur in responso facultatis Ingolstadiensis *ibidem post questionem* 41. relato. Nec obstat quod ex jure Pontificio in contrarium objicitur, tantam esse vim matrimonii, ut qui antea sunt geniti post contractum matrimonium, legitimi habeantur, ut ait Pontifex in c. 6. ex-

*tra qui fil. sint legit.* Non enim sequitur: Legitimati habentur pro legitimis. Ergo etiam in feudis succedunt. Nam eadem ratione possemus quoque de adoptivis colligere, quos tamen non succedere certissimum est. Dicendum est igitur, hinc generi per speciem derogari, per dictum, inquam, §. *naturales*. Habeantur sane & legitimati & adoptivi legitimorum liberorum loco: sed in feudis certe non habentur, neq; succedunt, d. §. *adoptivus*, & d. §. *naturales*, t. 26. lib. 2. feud. Sed jam satis de legitimatis liberis, de quibus & hoc observabis, non gratis solitos esse quosdam Principes legitimatorem concedere, sed pro vicesima parte proventuum omnium bonorum, quæ istius legitimatorem beneficio & occasione ad legitimatos perveniebant, quotannis fisco inferenda, ad recognitionem scilicet gratiæ seu indulgentiæ principalis, quod didicimus ex eodem loco *Epistolarum Petri de Vincois*.

4. D. *Sed qua ratio est, cur adoptivi non succedant in feudis, cum tamen in allodiis jure civili succedant, ut memini audire in Inst. lib. 3. tit. 1.*

M. Quamquam sufficere nobis poterat autoritas consuetudinis, & aperti textus in d. §. *adoptivus*, cum non omnium quæ à majoribus tradita & observata sunt, ratio sit quærenda aut reddenda, l. *non omnium*. 20 D. *de legib.* tamen quia & rationem quæris, hanc assignare possumus: Quod adoptio non adferat jus sanguinis, §. *per adoptionem*, *Instit. de legit. adgnat. success.* l. 23. ff. *de adopt.* l. 7. ff. *de injus vocand.* l. 12. §. *fin.* ff. *de rit. nupt.* Atqui feuda sanguini conceduntur, Nec in potestate vassalli collocari debuit, per commentitios & factitios liberos dominum vel adgnatos suo jure privare. Sic etiam ad excusationem à tutela vel cura liberi adoptivi non profunt, *init. tit. Instit. de excus. tut.* *Tacitus*, lib. 15. *Annal.* Neq; etiam ad immunitatem in ulla parte muneris publici, quod Scto effectum est. Sic etiam in successione juris civilis interdum est deterior conditio liberorum adoptivorum quàm naturalium. Minus, inquam, juris habent adoptivi quàm natu-

naturales. Illi enim per emancipationē desinunt esse liberi, perdunt gradum liberorum, *l. 4. ff. unde lib. §. minus ergo, Inst. de hered. qua ab intest.* isti non item. Hoc quoque de legitimatis & adoptivis liberis postremò observabis: Quamvis succedere non possint in feudis, nihil tamen prohibere, quò minus de novo ipsi feudum acquirant, ut rectè Hotom. *ad d. §. adoptivus, & §. naturales.*

5. D. Nullāne est in adoptivis exceptio?

M. Imò: Hos quoq; duobus casibus succedere volunt: 1. Si ita cautum sit investiturā. 2. Si ita obtineat consuetudo regionis aut loci, *Wes. c. 6. de feud. nu. 13.* Rationes harum exceptionum evidentes sunt, prioris quidem: Quia maxima est vis pactorū in feudis, ut & supra audivisti. Posterioris: Quia cū feuda introducta sint consuetudine & moribus, iisdem quoque mutari possunt, & consuetudo in illis dominatur. Addunt aliqui & hanc tertiam exceptionem, nisi adoptio facta sit antequam feudum alicui daretur. Sed hanc exceptionem non videtur admittere generalitas verborum, in *d. §. adoptivus*: In quo etiam non distinguitur inter adoptionem in specie dictam, & arrogationem. Unde nec quartam quorundam exceptionem probare possum, qui putarunt, arrogatum auctoritate Principis in feuda succedere.

6. D. Atqui putabam hanc saltem succedere debere, ea ratione, quia beneficia Principum latissimè interpretanda sunt, *l. pen. ff. de constit. Princ. c. 1. ext. de donat. c. olim. ext. de V. S.*

M. Verum quidem hoc est, sed in iis demum casibus, ubi nō lāditur jus alicujus tertii. Nam Princeps nemini jus suum auferre potest, *l. rescripta, & l. quoties, C. de precib. Imp. offer. l. 2. ff. ne quid in loc. publ. c. quamvis, de rescript. l. 6. l. si quando, in pr. C. de inoff. test. vide Zas. ad l. 2. §. sed quod Principi, ff. de orig. jur. & in Epitom. feud. p. 8. n. 75.* Id autem hīc fieret, si adoptivum istum, quamvis à principe adrogatum, ad successionem feudi admitteremus. Aliis namq; fieret injuria, quibus jure sanguinis successio debetur.

## CAPUT XIV.

*De fœminarum successione in feudis regulariter nulla.*

I. D. Sequitur de filiabus, sive potius in genere de fœminis, ut dicas, quare in feudis non succedant? tum verò, an hoc sit perpetuum, an verò saltem aliquando, & quibus casibus succedant?

M. Regula igitur hæc esto: Fœmina in feudo non succedit ex natura & conditione feudorum, tit. 1. lib. 1. feud. §. hoc autem notandum est. Ubi sic distinguendus est textus, qui vulgò perperam legitur: *Licet filia ut masculi patribus succedant legibus*. Sic accipe, quasi dixisset Feudista jure civili. Intelligit autem cum alia juris nostri loca, tum l. 4. C. de liber. prater. & l. 14. C. de legit. hered. Quod si ita ut vulgo distinguas: *Legibus remouentur fœmina à successione feudi*, nullam poteris proferre legem: quia hoc cautum sit, cum potius sit jus moribus introductū quàm legibus, aut juri scripto. Nominat quidem Hotom. l. Lotharii & Cunradi, sed non probat: eadem regula confirmatur etiam tit. 8. feud. 1. in §. filia verò, & tit. 24. item tit. 11. lib. 2. feud. versic. ad filias, & tit. 30. item tit. 50. in verb. filius patri succedit, & non filia. Notandum est igitur hîc exemplum ad id quod dicitur in l. 9. ff. de stat. hom. in multis juris articulis deterior est conditio fœminarum, quàm masculorum. Quod pluribus exemplis demonstratur à Philipp. Decio, Cagnolo & aliis ad l. 12. ff. de R. l. Ratio hujus regulæ & juris feudalis (cum quo etiam convenit lex Salica) multiplex reddi potest: sed omnia referri possunt ad hæc duo capita: 1. Ad imbecillitatem fragilitatemq; tam corporis quàm animi, quæ in eo sexu ut plurimum inest. Deinde ad honestatem, & pudorem ac verecundiam naturalem, quæ prohibet fœminas cœtibus virorum immisceri. Quarum rerum ratio sæpè etiam in jure civili atq; Canonico habetur, l. 1. ff. de postul. l. 1. ff. de senat. l. pen. ff. de contrah. & commit. stipulat.

*stipulat. l. 21. C. de procurat. l. 4. C. Theodos. eod. tit. l. 5. C. de adopt. l. 12. ff. de judic. c. mulieres, de judic. l. 6. l. 1. ff. ad SCtum Vellejan. c. forus, extr. de V. S. l. fin. C. de arbitris, c. dilecti, ext. eod. & vide d. l. 2. ibidemq; Interpretes de R. I. Eleganter quoq; ait Cato apud Livium lib. 44. in suasionel. Oppia, in princ. Majores nostri nullam rem ne privatam quidem agere fœminas sine autore voluerunt: ideoq; in manu esse parentum & fratrum virorumq;. Et notum est testimonium Ulp. in fragment. de perpetua mulierum tutela. Hinc igitur fit ut fœmina non possit sedere iudex inter pares curiæ, ut aliâs convassalli sæpè sunt iudices, si controversia incidat inter dominum & vassallum, de quo infra dicetur. Non possit etiam honestè defendere dominum in prælio: Cùm magis conveniat mulieres à viris defendi, quàm viros à mulieribus, *argum. §. patitur, vers. defendi, Instit. de injur. l. 2. ff. eod.* Non etiam possit facilè reticere arcana atq; secreta domini, quod se facturum vassallus inter cætera jurare solet, ut suprà dictum *extit. 6. lib. 2. feud.* Nota enim est garrulitas muliebris, proverbio quoque notata. Notum est in hist. Rom. exemplum matris Papyrii prætextati, de quo vide Gell. lib. 1. c. 23. Macrobi. lib. 1. Saturn. cap. 6. Nota deniq; levitas hujus sexus, de qua Poëta ait:*

—— *Varium & mutabile semper*

*Fœmina. vide Zas p. 8. n. 36.*

2. D. *Quid si qua fœmina sit virago & bellicosa, prudens, gravis & taciturna, quales multa leguntur extitisse?*

M. Exempla hæc, quia rariora sunt, non vitiant regulam, quia ll. de iis feruntur, quæ ut plurimum, non quæ rarò accidunt, hæc enim insuper habere solent legislator, l. 3. & 3. seqq. ff. de ll. l. 3. ff. si pars hered. petat. Quocirca per ridiculum mihi videtur quod ait Hieron. Garz. in tract. de fœmin. ad feuda recip. vel non, n. 131. appellatione masculi venire etiam fœminam viraginem: ubi immeritò reprehendit Zasium contrà sentientem: sicut etiam initio ejusdem tractatus superiores omnes rationes rejicit tanquam falsas, &

unam

unam solam causam, hanc videlicet assignat, quia sic ab initio placuerit primis feudorum auctoribus, ne fœminæ ad feuda admitterentur: idq; paulatim moribus ita receptum & observatum, cursuque temporum confirmatum fuerit: quod sicut non negamus, ita hoc quærendum esse dicimus, quid moverit primos illos autores feudorum, ut fœminas à successione excluderent. Moverunt autem certè superiores rationes: quibus & hanc addere possumus; Quia feuda dantur ad generis & familiæ conservationem, quæ fit non per fœminas, sed per mares, l. 195. *pronunciatio. in fin. ff. de V. S. l. 1. ff. de jur. immunit.* Atque hinc est, quod communiter traditur, hæredum appellatione in feudali investiturâ tantum masculos venire, non fœminas, ut tit. 1. lib. 1. feud. §. 1. in verb. *sine legitimo herede. &c. & tit. 13. §. & si clientulus, item tit. 34. lib. 2. feud.* Verba enim intelligenda sunt pro subiecta materia. Quamvis aliud esse velint Interpretes in feudo improprio, ut in eo dictio hæredum, omnes etiam fœminas includat, quod multis Dd. auctoritatibus probat eruditissimus Telsaurus *decis. 246. n. 8.* Ampliationes superioris regulæ aliquot extant. Primum enim ad eod excluditur fœmina, ut ne quidẽ omnibus masculis deficientibus succedat, sed potius feudum, tanquã apertum redeat ad dominum, & consolidetur cum proprietate, ut tit. l. 6. lib. 1. feud. & tit. 11. lib. 2. feud. *vers. si enim, & tit. 24. lib. 1. feud. item tit. 17. lib. 2. feud. vide Borcholt. c. 7. num. 35. Zas. p. 8. num. 45.* 2. Ad eod excluditur fœmina à successione feudi, ut nõ admittatur, etiã si in investiturâ dictum sit, ut vasalli descendentes seu hæredes masculi & fœminæ in eo succederent, vel etiã si quis feudum pro se & hæredibus masculis & fœminis recepiſſet. Ne tũ quidem, inquam, fœmina admittitur, quamdiu supersunt masculi, sed iis demum deficientibus, *vide tit. 6. & tit. 24. lib. 1. feud. & tit. 17. lib. 2. feud.* in verbis: Non patet locus fœminæ in feudi successione donec masculus superest, ex eo, qui primus de hoc feudo fuerit investitus, *vide*

*etiam*



*etiam tit. 18. item Dd. tit. lib. 2. feud.* Nec obstat quod Hotom. objicit, re & verbis conjunctos simul admitti. Nam particula *&*, quamvis aliàs copulat ea, quibus adjungitur, tamen hic ordinem successivum denotat. 3. In tantum excluditur fœmina, ut semel per masculos exclusa, maneat perpetuò exclusa tam ipsa, quam ejus soboles, quantumvis postea omnes masculi defecerint, *d. tit. 6. §. quin etiam, Zas. p. 8. Hier. Garzon. tract. de fœminis, nu. 33. 48. & 59.* Quæ de re vide etiam Myns. cent. 5. obs. 74. & Andr. Gail. lib. 2. observ. 48. & Hoto. in cons. 4. Ampliatur regula de successione fœminarum, ut vera sit etiam de filiis ac nepotibus fœminarum. Nam ne hi quidem licet idonei essent, ad feudalìa ministeria, & munia militiæ obeunda admitterentur, *§. hoc autem notandum, tit. 1. lib. 1.* Ita dico, ubicunq; non admittuntur fœminæ, neq; ex ipsis descendentes admittentur, ut rectè Tessaur. d. decis. 246. nu. 2. Destructo enim antecedente, destruitur & concidit etiam consequens, *Zas. n. 58. & seq. p. 8. &*, ut vulgò ajunt: Infecta radice, infectum etiam habetur omne id, quod ex ea enascitur. Adde, quòd non potest quis plus juris in hæredem transferre, quam ipse habuit, *l. 58. & 59. ff. de R. I.* Nec debet quis melioris esse conditionis quam auctor suus. Cùm igitur fœmina ipsa jus succedendi in feudum non habuerit: non habebunt etiã illud hæredes ejus, quamvis masculi. 5. Ampliatur regula, ut procedat etiam in feudo emptitio, teste *Zas. d. p. 8. nu. 37. Wurms. lib. 1. pract. forens. tit. 51. obs. 3. n. 2. Myns. cent. 5. obs. 73. & Henr. Rosent. c. 7. de feud. n. 99.* Quæ sententia etiam Doctori ipso Giphantio probatur in tract. de feudis, licèt contrarium senserit Odofredus, aliiq; cum secuti, quorum opinionem Jul. Clar. g. 73. n. 6. magis communem & verioreni esse credit, & priori præfert: nititur hac sola ratione, quia feudum à domino emptum non habeat propriam feudi naturam. Sed licèt hoc fateamur, inde tamen non sequitur quod inferunt: Ergo etiam fœminæ in eo succedunt. Hoc enim firmiter tenendū est pro regula, quod



sæpè inculcat *Zaf. p. 12.* Feuda impropria, quæ in aliquibus recedunt à communi natura feudorum, & alterantur, in cæteris capitulis seu placitis non alteratis remanere sub natura & regulâ feudali ac simplici, & secundum eam gubernari. Jam verò feudum emptum in eo tantùm recedit à rectâ feudi natura, quòd non sit gratuitum. In cæteris igitur manet sub naturâ communi, quæ inter alia hoc quoq; secum fert, ut fœminæ feudorum incapaces sint. Tenenda quoque est altera certissima regula feudalis: Fœminas à feudis excludi ac removeri, nisi nominatim vocentur. Ab hac autem regula nusquâ excipitur feudum emptum. Quare sub regula manere dicendum est, *vide Zaf. p. 8. n. 37. & p. ult. num. 21. & eundem Zaf. lib. 2. cons. vide etiam Wurms. d. tit. 51. obs. 3. & Matth. de Afflict. ad tit. 1. lib. 1. feud. item Schrad. p. 7. c. 4. nu. 5. & Garzon. nu. 103.* Alii tamen contrarium tenuerunt, & fœminas cum sua prole ad successionem feudi empti admittendas censuerunt, quos præter *Jul. Clar. refert & sequitur Anton. Tessler. d. decis. 246. n. 7.* Quorum hæc est ratio: Quia tale feudum, quod precio paratum est, sapiat naturam rerum allodialium, & instar allodii refutetur, perindeq; ut alii contractus reguletur. In allodiis autem fœminæ certè succedunt, æquè ac mares, *l. 4. maximum vitium, C. de lib. præter. l. 14. C. de legit. hered.* Sed de illa ratione non immeritò dubitari potest. Sanè moribus Gallorum non tantùm hæc emptitia, sed & cætera feuda omnia jure patrimonii censeri, sive ad instar patrimonii redacta esse, proindeq; etiam fœminas apud ipsos admitti non negamus, cum id uno ore sæpissimè in suis scriptis testentur clarissima illa Gallia lumina, *Tiraq. Hotom. Contius, Cujacius, Fornerius, Duarenus, Jo. Imbertus, Molinaus, & Paponius.* Verùm nos hîc de jure communi quærimus, quo certè verius mihi videtur, fœminas in feudo empto nō succedere, nisi fortè hoc ipsum in contractu emptionis expressè convenerint, ut succederent: quo casu admittendæ erunt, non tam vi emptionis, quàm vi pa-

eti, quod emptioni feudi adjicitur, quo non adjecto, nō succederent. Adferunt quidam & hanc rationem: Cur, inquam, fœmina in feudo empto debeat succedere: quia, inquiunt, hîc nullum beneficium feudi emptor accipiat à domino. Sed primò hoc negandum est, quia præter feudum accipit quoq; mutuam fidem benevolentiamq; à seniore suo expectandam. Deinde etiam si nihil amplius acciperet, tamē consequentia ista neganda esset.

3. D. *Posteaquam mihi exposuisti & regulam de successione fœminarū, & rationes ejus atq; ampliaciones: Proximum nunc esse videtur, ut subjicias etiam exceptiones, id est, eas casus recites, quibus fœmina succedant?*

M. Adferuntur quidem ab Interpretibus longè plurimæ, partim veræ ac solidæ, partim falsæ: sed nos non modò falsas à veris separabimus, verùm etiam eas, quæ veræ videntur, quam brevissimè fieri poterit contrahemus. Primam igitur illarum exceptionum jam intelligere potuisti, ex modò dictis, videlicet secundum aliquos in feudo emptio, quos sequuntur clarissimi viri, Jul. Clarus, & Antoninus Tressaurus. Secundum alios verò, quibus magis accedimus, si cōtractui emptionis insertum fuerit pactum expressum de fœminarum successione, quæ prima exceptio latius patet, atq; ad totum genus revocanda est. Ubicunq; enim in feudali investitura pacto nominatim hoc expressum atq; conventum fuerit, fœminæ quoque succedent. Altera exceptio est: Nisi feudum fuerit fœmineum, seu muliebre, id est, tale, quod primum à fœmina fuit acquisitum. Et hæ duæ exceptiones sæpè repetuntur in hisce libris feudalibus, ac ubicunque ferè proponitur regula, ibidem etiam statim subjiciuntur hæ exceptiones, *ut tit. 11. lib. 2. feud.* Proles, inquit, fœminini sexus, vel ex fœmineo sexu descendens ad hujusmodi successionem (intellige feudalem) adspirare non potest, nisi ejus conditionis sit feudum, vel eo pacto acquisitum. Sic *tit. 50.* dicitur: *Filius patri succedit, & non filia, nisi ex pacto, vel*  
nisi

*nisi sit fœmineum. Sic tit. 8. lib. 1. feud. Filia non succedit in feudo, nisi investitura fuerit facta in patre, ut filii & filia succedant in feudum* (tunc enim succedit filia filiis non extantibus) vel nisi investitæ fuerint. Quæ postrema verba dupliciter accipi possunt. 1. Ita: Nisi fœminæ primitus fuerint investitæ de feudo, id est, nisi ejus conditionis sit feudum, ut à fœmina primò acquisitum fuerit: breviter, nisi sit fœmineum, quæ est altera nostra exceptio. Possunt deinde etiam ita intelligi (& fortasse rectius, & menti Feudistæ convenientius:) *Nisi patre mortuo filia impetret de novo investituram à domino*: intellige potius ex gratia, sive, ut loquuntur, ex dispensatione, quàm ex debito, vel nisi redemerit feudum, quod patris morte ad dominum redierat, quæ esset tertia exceptio ponenda. Notabis autem obiter *in d. tit. 8.* veriore esse lectionem Hotom. & Cujacii. Hæc de feudo paterno: ut sit quædam transitio & oppositio ad verba sequentia. In aliis verdè libris vulgò hic locus perperam & legitur & distinguitur: *Nisi investita fuerint de hoc feudo paterno.*

4. D. Priusquàm pergas in commemorandis exceptionibus, scire velim, idem ne sit feudum fœmina, & feudum fœmineum?

M. Cujacius quidem *ad tit. 12. lib. 1.* scribit: multum interesse, an mulier habuerit feudum, an feudum muliebri fuerit: Facit, inquam, differentiam inter hæc duo. Nec enim, inquit, omne, quod mulier habuit, muliebri est. Et in muliebri succedunt filii & filia æqualiter. Muliebri est id, de quo primùm investita est mulier. Illud quod à mare ad mulierem pervenit, pacto vel privilegio, vel gratia domini, vel more regionis non est muliebri. Sed hanc distinctionem non agnoscit Hotom. *ad tit. de feud fœm. 30. lib. 2. feud.* ut nec alii Feudistæ. Hoc quoque observandum de secunda illa exceptione: eam ab Oberro quidem & Gerhardo probari, ab aliis verdè Jurisconsultis acutius æternentibus jam olim rejectam fuisse, ut discimus ex

eodem tit. de feudo fœm. quorum sententiam Hoto-  
 quoq; præfert, hac ratione: Quia singulare sit bene-  
 ficiū in fœmina, ut feudum ei concedatur contra  
 suam naturam. Proindeq; non debeat ejus personam  
 egredi & longius produci, *arg. l. 141. & l. 136. ff. de R. I. &*  
*l. quod verò contra, ff. de ll. vide etiam Cujac. lib. 1. tit. 12.* Vo-  
 luerunt igitur qui ab Oberto & Gerhardo dissen-  
 runt, etiam si feudum fuerit fœmineum, tamen fœmi-  
 nas in eo non succedere, nisi ex pacto, vel nisi speciali-  
 ter datum fuerit, ut ad eas pertineat. Quæ erat prima  
 nostra exceptio, eaq; sola refertur in §. *hoc autem no-*  
*tandum, lib. 1. tit. 1.* Idq; placuit glossæ, *ad tit. 30. & Jul.*  
*Clar. q. 37. n. 5.* utitur Zas. hac ratione: Quia qualitas  
 fœminea, quæ fuit ab initio in tali feudo, præsuma-  
 tur durare, quamdiu nullum intervenerit obstacu-  
 lum. Clarus autem ista, quia non sit inconveniens, ut  
 & fœminæ successivè admittantur ad illud feudum,  
 quod in fœminis habuit originem. Sed his omissis,  
 pergamus exponere alias exceptiones. Tertia igitur  
 sit ista: Fœminas in feudo succedere, si feudum a do-  
 mino, ad quem reversum fuerit, redemerit. 4. Si do-  
 minus propter benemerita patris id ipsi dare volue-  
 rit, sive, ut Feudista loquitur: Si dominus propter be-  
 nemerita & amorem patris dare voluerit. Hæ duæ  
 exceptiones conjunguntur, *tit. 24. lib. 1. feud.* In quo  
 titulo, ut & alibi in his libris & jure Canonico paren-  
 tes observant positos pro adgnatis. Non revocetur  
 (inquit) ab ullo ex parentibus suis, id est, adgnatis fi-  
 liæ suæ defuncti, *vide Cujac. ad tit. 25. lib. 2. & Hotom. in*  
*Lexic. feud.* uterq; ex Hieronymo observat, militarem  
 hunc esse & vulgarem sermonem, parentes nominare  
 cognatos & affines. Tertullianus quoq; sic usurpavit  
 in *lib. ad Martyres, c. 2.* ubi rectissimè annotavit Beatus  
 Rhenanus, parentum vocabulo quoslibet cognatos  
 intelligi, quemadmodum & hodie vulgus Italorum  
 & Gallorum loquitur. Exempla plurima vide in Lexi-  
 co Gallico. Hinc parentela sæpè in jure Canonico  
 usurpatur pro cognatione, vel etiam adfinitate, *ut*

cap. 17. §. 3. quæst. 2. & 3. cap. 2. ad sedem, cum duob. seqq. eod. cap. quæst. 2.

5. D. *Quid si adsint benemerita non parentum, sed ipsius fœmina, quæ succedere vult?*

M. Idem juris esse volunt, nempe ut succedant & fœminæ, vide Garz. n. 151. cum aliquot seqq. Ad hanc exceptionem quodammodo referri potest & is casus, si vassallus rem sterilem in feudum acceptam suis impensis excoluerit, & sine masculis hæredibus decesserit. Tunc enim fœmina admittetur, quasi scilicet in prædium emphyteuticum.

6. D. *Qua est quinta exceptio?*

M. Si hoc ferat statutum vel consuetudo regionis, vel curiæ domini vel familiæ, quæ dedit, & cui datum est feudum, teste Zas. p. 8. nu. 42. Iul. Clar. d. q. 73. nu. 9. & Mozz. c. 5. n. 92. Hier. Garz. n. 110. cum duob. seqq. Nec mirum quod dicimus, in successione feudali maximè attendendâ esse consuetudinē, quia & ipsa feuda ab initio per consuetudinem introducta sunt, proindeque moribus potius quàm lēgibus reguntur, & ut ait Iul. Clar. à consuetudine in feudis non est recedendum. Sic de regno Siciliae. Item de Suevia testatur Zasius, de Gallia Duarenus, aliique supra citati.

7. D. *An etiam consuetudine & pactis gentilitiis alicuius familie hoc induci potest, ut fœmina succedant?*

M. In feudo novo, quod familia aliqua alteri concedit, nō est dubium quin hoc fieri possit, unusquisque enim rei suæ legem dicere potest quam vult, l. legem, C. eod. At in feudo paterno accedat oportet consensus agnatorum, sine quo non potest natura feudi mutari: ita aut familia, quæ feudum ab aliis accepit, non potest in præjudicium domini ullam inducere consuetudinem, aut pacto efficere, ut fœmina succedat. Ita distinguit Zas. p. 8. num. 42. ver. 5. quærit & probat Mozz. d. c. 5. n. 93.

8. D. *Qua est sexta exceptio?*

M. In feudo Franco sive libero, ubi nulla præstatur servitia, nulla etiam fidelitas juratur. Volunt Dd.

Bald. secuti etiam fœminam succedere, *vide* *Iul. Clar. d. q. 72. nu. 7.* & *Garz. nu. 95. & seq.* Zali. tamen p. 8. n. 44. contrarium probabiliter teneri posse existimat, quem & Borch. sequitur c. 7. n. 68. & Mozz. c. 5. n. 82. Septima priori vicina exceptio hæc est: si feudum pro certo servitii genere concessum sit (quod vulgò *conditionatum* vocant) idq; vel per substitutum, verbi gratia, per maritum aut extraneum, vel per ipsam fœminā, non minus decore præstari possit, quam per masculū, c. 32, *si cui militi in extr.* Ardiz. quæ in lib. 3. F. retulit Hol. *vide* & *Zasp. 8. n. 48* & *Iul. Clar. d. q. 73. n. 8.* & *Garz. nu. 95. 98. 139. cum seq.* ubi tamen ait accedere debere dispensationē domini. Sed in eo ab aliis dissentit idem *Garz.* quodd feudum conditionatum aliter accipit, ut videre est apud eundem n. 30. & n. 134. Octava exceptio est, nisi adgnati, qui aliās fœminā excluderent, cōsentiant, ut fœmina succedat. Licet enim cuiq; sui juris persecutionē, aut spem futurę perceptionis deteriorē constituere, l. 47. ff. de pact. l. pen. C. eo. *vide* *Garz. n. 159.* Nond, fœmina succedit in feudo Ecclesiastico, quod inferior aliquis Pape cōcessit, *teste* *Garz. n. 126.* Quia, inquit, ecclesia nō indiget auxiliis & armis externis, cū a Deo defendatur, & arma ejus sint preces, lachrymæ & jejunia. Ubi hoc idem etiā tentat de summo Pontifice, & universalī Ecclesiastica potestate. Decimò excipiūt feudum exiguum, seu modicū ac tenue, in quo etiam fœminam succedere volunt, *teste* *Meno. de arb. jud. q. 6. 114. n. 3. vide etiam* *Garz. n. 122.* Sed hanc exceptionem rejicit *Curt. p. 3. n. 14.* Undecimò excipiunt feudū ignobile, de quo *Men. cons. 65. nu. 30. & seq.* *Garz. nu. 168. cum seq.* Duodecimò, fœmina succedit, si vel æquē potens sit, vel etiā potentior quā ipse dominus, *vide* *Garz. n. 171. & 173.* cui vicina est decima tertia, si nimirū agatur de scandalo evitando, vel de insigni aliqua utilitate publica procuranda: tunc enim fœminā quoq; ad successionē feudi admitti volunt, quia ob has causas à jure communi nonnunquā solet recedi, *vide* eundem *Garz. n. 174. cum seq.* Decimoquartò succedit fœmina,

mina, si pro feudo annuus census solvatur. Nam hic contractus nō tam feudal̃s quā̃m censual̃s est, *Zaf. p. 8. n. 37. vers. uno tamē casu, vide etiam Borch. c. 2. p. 2. n. 71.* Decimoquintò, si feudum fuerit concessum masculo, ad arma consiliaq; inepto, *Garz. n. 170.* Qui tamen de veritate hujus exceptionis non immeritò dubitat: quia videlicet etiam ex masculo inepto sperari potest soboles idonea. Decimosextò, succedit fœmina in meliorationibus feudi, quas vassallus fecit, *vide Iul. Clar. q. 88. & Borch. conf. 3. n. 31. & c. 7. in 2. p. n. 173.* Si tamen difficilis sit harum separatio, præstanda est æst̃matio, ut rectē docet *Garz. n. 146. & seq.* Decimoseptimò, si feudum prius fuerit allodium, & vassallus id receperit in feudum ab alio, cujus in fidem & clientelam se receperit, etiam in eo volunt fœminam succedere, *vide Garzon. nu. 165. cum seq.* Decimaoctava sumi potest *ex l. 18. lib. 2. feud.* Si verò duo fratres simul investiti sint de feudo novo ea lege, cōve tenore, ut quamdiu ipsi, vel eorum hæredes masculi viverent, & masculis deficientibus fœminæ feudum haberent: & unus postea ex fratribus istis præmoriatur relicta filia, hæc in portione defuncti succedit, & patruū suū excludit. Decimononò, excipitur feudum pignoratitiū, *Psandehen* / in quo ut fœmina quoq; succedat moribus receptum esse scribit *Zaf. p. 10. n. 24.* Sunt & aliæ quædam exceptiones, sed partim falsæ, partim magis dubiæ & controversæ, verbi gratia: Quod volunt quidā secuti auctoritatem Speculatoris, fœminā succedere etiam in feudo ligio: quam sententiam jure nō probari ait *Borch. c. 7. in 2. p. n. 70. & Garz. n. 115. cum seqq.* Sic excipiunt magni auctores feudū remunerationis causa datum, in quo similiter putant fœminam succedere: de quo tamen non immeritò subsistit *Garz. nu. 94.* Item feudum de quo non præstatur speciale jusjurandum fidelitatis. Item feudū suapte natura promiscuū, i. e. concessum alicui pro se & descendantibus. Itē cum potestate faciendi quicquid in eo potuit facere, cōcedēs integrē, cū omni jure, sine ulla diminutione, cum



potestate alienandi, dandiq; cui vasallus voluerit. De quibus clausulis, quæ sæpissimè in investituris occurrunt, vide Garz. n. 124 cum multis seqq. item n. 134. & seqq. apud quem etiã plures exceptiones videre licet. Hoc quoq; postremò notabis, omnes casus in quibus fœmina ad successionem admittitur, intelligendos esse de fœminis adgnatis, non aliis, ut docet Anton. Gabr. l. 6. t. de V. S. concl. 4. n. 4.

9. D. Quid si mulier, quæ à feudi successione arcetur, non habeat unde se aliat, an non erit durum, ita omnibus vite præsidis eam denudare, cum necare dicatur is, qui alimenta denegat?

M. Hoc casu alimenta saltem ei ex feudo assignanda erant, arg. §. multi, t. 6. lib. 1. feud. vide Alvar. & Matth. de Afflict. ad t. 36 lib. 2. feud.

10. D. Quid si lis inter marem & fœminam non de petitorio, sed possessione feudi sit, utra pars alteri præferenda est?

M. Fœmina præferetur mari, & vincet in judicio possessorio, ita ut dominus vel adgnati cogantur postea feudum ab ipsa petere, nisi statim & notoriè constaret rem feudalem, & fœminam ejus incapacem esse. Item nisi fœmina alicui possessionem avocare vellet, qui vi, neq; clam, neq; precariò ab ipsa possideret. Denique nisi in specie fœmina peteret possessionem feudi. His enim tribus casibus ne quidem in possessorio fœmina vincit, sed vincitur: qua de re vide Garzon, num. 141. & 4. seqq. item Hartm. Pistor. lib. 2. p. 2. in quest. jur.

## CAPUT XV.

*Rursum de liberis, qui succedant in feudis, vel non. Et questionum quarundam circa successionem explicatio.*

1. D. Nunc posteaquam de fœminis, aliisq; liberis in feuda non succedentibus satis dixisti: restat ut exponas de



*iis, qui succedant. Quæro igitur primum de liberis emancipatis quid iuris sit?*

M. Idem prorsus quod de filiof. teste *Zaf. p. 8. nu. 4. Duaren. c. 11. n. 3. & Borch. c. 7. in 2. part. nu. 15.* Nam quod quis forte putet, emancipatos idcirco non succedere in feudis, quia per emancipationem amittant jura agnationis & familiæ, quorum respectu & favore feuda concedi solent, & quia ex agnatis fiant cognati, ut in *Instit.* dictum est: nihil nos movere debet: nam eorum quæ sunt civilia, nostris moribus non magna habetur ratio. Quod autem dicitur *tit. 11. lib. 2. feud. ad agnatos non pertinere beneficium & ejus successionem*, id non debet trahi ad emancipatos, sed tantum de iis verum est, qui per fœminas cognitione junguntur, quos propriè cognatos dici audivisti ad Institutiones.

2. D. *An primi duntaxat gradus liberi, an verò etiam ulteriorum graduum in feudis succedant, & quo modo?*

M. Non tantum primi gradus liberi, id est, filii succedunt, ut olim, sed etiam secundi, ut nepotes, quod lege Imperatoris Cunradi effectum est, & ulteriorum quoq; aded, ut Feudista scribat in *§. penult. tit. 1. in masculis descendantibus hodie novo jure successionem usq; in infinitum extendi*. Idem testatur textus *tit. 50. lib. 2. in verb. & sic usq; in infinitum, vide t. 11. lib. 2. in verb. vel deinceps per masculinum sexum descendantibus*, ubi nota, indefinitam orationem cum universali eandem vim habere. Idem namq; valet ac si dixisset: *omnibus descendantibus*, vel, *semper*, vel, *in infinitum descendantibus*. Vides igitur quomodo hac in re jus feudale converſiat cum civili, de quo audivisti initio *lib. 3. Institur.* Quod autem quærebas de modo succedendi, est aliqua differentia inter liberos primi gradus & ulterioris: nam filii æqualiter succedunt patri, ut ait Feudista in *§. & quia vidimus. lib. 1. tit. 1. & init. t. 8. eod. Æqualiter*, id est, ut veteres Jurisconsulti loqui solent, *in capita*. Et merito: veniunt enim jure proprio, & ex sua ipsorum persona vocantur. Nepotes autem loco pa-

tris sui succedunt, ut ait *d. tit. 8.* quod idem est ac si dixisset: *Eos venire non tanquam ex propria persona, sed jure representationis*; ut siue sint multi, siue pauci, non plus nec minus in feudo accipiant, quàm parens suus, si vixisset, habiturus erat: quod est apud veteres: *succedere in stirpes.* vide Gajum *lib. 3. Instit.* cujus verba referuntur in *tit. 16. de legit. success. in libello*, cui *titulus est: Lex Dei*: & *Vlpian. in fragm. tit. 26. de legit. hered.* & *Novell. 118. item quæ dicta sunt ad Inst. & Valent. Forster. lib. 4. de success. cap. 14. & c. 21. Anton. Gomes. tom. 1. c. 1. num. 12. 13. & ult.* Filii igitur quamvis gradu proximiores defuncto, tamen non excludunt nepotes vel pronepotes & cæteros, sed hi unà cum illis admittuntur jure representationis, quo in locum parentis succedunt. Quæ item omnia congruunt cum jure civili, ut videre licet in *§. cum filius, Inst. de hered. quæ ab intest.* & *l. 2. C. de suis & leg.*

2. D. *Quid si liberi inæqualiter succedant in hereditate patris, quod fieri posse constat ex l. 8. C. de inoff. test.*

M. Adhuc tamen in feudo æqualiter succedent, nihil enim commune habet hæreditas cum feudo, *tit. 45. lib. 2.* ubi *Hotoman.* & nulla ordinatio defuncti circa feudum valet, ut suprà audivisti ex initio *tit. 8. lib. 1.*

4. D. *Quid si quis ex re certa fuerit institutus hæres, cum ceteri universaliter sint scripti?*

M. Nihilominus & hic æqualiter cum cæteris in feudo succedet, *Clar. q. 86.*

5. D. *Quid si quis exheredatus sit à parente suo?*

M. Si justa sit exheredationis causa, & quidem ex tali causâ facta, ob quam vasallus non posset stare in curia domini, & honestè ei servire, exheredatus nec in feudo succedet, præsertim si feudum sit hæreditarium, id est, ejusmodi, quod filius habere non posset, nisi simul etiam hæres esset patris. Sin autem exheredatio sit injusta, & testamentum à filio per querelam inofficiosi rescissum, ea non attenditur, & filius feudum procul dubio retinebit, vide *Zaf. p. 8. nu. 8. & seqq.*

*Clar.*

Clar. quæst. 74. Borch. p. 7. in poster. membr. num. 61. Mozz. c. 5. nu. 72.

6. D. *Qui si filius à patre non not a seu ignominia causa, non mala mente exheredatus sit, quod fieri posse didici ex l. 18. D. de liber. & postum. & l. 12. §. si quis non, & l. 47. D. de bon. lib. l. pen. §. potuit, ff. de curat. fur. Bald. ad auth. hoc amplius C. de fideicom.*

M. Etiam hic feudum retinere poterit, Zaf. p. 8. n. 9.

7. D. *Quid si filius testamento patris præteritus sit, neque id tamen impugnare velit, aut nullum dicere? Potest enim pius filius ad quiescere voluntati paternæ, & bonus ejus abstinere: cujus res exempla sunt apud Val. Max. quo casu, ut loquitur Papin. ex bono & equo tuebitur voluntas patris, l. 17. ff. de inj. rupt.*

M. Tunc quoq; feudum retinebit filius, Zaf. nu. 7. Nam feudum non tam patris beneficio quam domini ad filium pertinet. Quare nec pater id ei adimere potest vel exheredatione, vel præteritione.

— 8. D. *An liberi tantum ex eodem matrimonio procreati in feudo succedunt, an verò etiam ex diversis?*

M. Nil necesse est liberos esse ejusdem matrimonii, siue fratres Germanos per utrumq; parentem conjunctos, quos Germani vocant, Von beyden Vanden / oder von vossler Geburt: immò etiam ex diversis matrimoniis nati admittuntur, dummodò sint fratres consanguinei, id est, qui communè & eundem patrè habeant; hi enim per Germanos nō excluduntur, sed æquè & pari jure cum illis succedunt. Uterini verò qui matrè duntaxat communè habent, nō succedunt in feudis, quia sunt extra familiam, Ita rectè Bald. aliq; Dd. ad l. 2. C. de legit. her. In allodialibus verò quomodo succedant diversorum matrimoniorum liberi, vide apud Forster, lib. 4. de success. c. 16. & Borch. in tr. de grad. c. de successione descendantium, vide & l. 4. C. de sec. nupt. & Nov. 22. Sed quod dixi de liberis diversorum matrimoniorum, eos pariter in feudis succedere, cum hac exceptione intellige, nisi posterius matrimonium fuerit contractum cum femina plebeja ad Morganaticam, id est, cum tali

tali pacto, ut feudum relinquatur liberis primi matrimonii, nec pertineat ad liberos secundi, qui contenti esse debeant Morgengebâ, id est, donatione propter nuptias, de quo pacto superius quoque diximus *in loc. de pact.* in investitura feudali adjici solitis. Quanquam autem & Feudista *in §. filii, tit. 26. lib. 2.* fatetur, talem conditionem ratione improbari, & Zas. *p. 8. nu. 71.* hujulinodi pacta iniqua esse putat, quæ unius loci pravâ consuetudine recepta nō debeant ad alia loca extendi, Bald. *quoque ad t. 29. lib. 2.* hanc potius nequitiam esse dicit quam consuetudinem: denique & Hotom. hanc conventionem iniquam & juri publico contrariam vocat, propter *l. ult. ff. de suis & legit. junctâ l. 24. ff. de pact. & l. 15. C. eod. cum simil.* tamē ex usu admittitur, *d. §. filii, tit. 26. lib. 2.* Feudâ autem moribus potius quam legibus reguntur, Cujac. *ad tit. 32. lib. 4. feud.* qui est vulgō *tit. 29. lib. 2.* ubi verba Feudistæ: *Nolens existere in peccato*, rectiùs cum Cujac. sic accipies, id est, nolens injuriam facere filio prioris matrimonii, nolens etiam lædere memoriam prioris conjugis superinductâ filio noverca, eâque plebejâ sceminâ, cum prior esset nobilis. Rectiùs, inquam, ita interpretaberis, quam Hotom. qui peccatum hoc loco intelligit de secundis nuptiis, quas multi veterum patrum damnaverint tanquam peccatum. Quod verum quidē est, sed huc non quadrat. Quomodo enim non existeret in peccato, qui post obitum primæ conjugis aliam ita ducit, ut tamen justa uxor ei non sit, ac tantum explendæ libidinis, non liberorum quærendorum causâ ducta, si etiam justam uxorem ducens sciret se peccatum admissurum? Omnino igitur verior est Cujacii expositio.

9. D. *An primogeniti sive maximi natu filii habent aliquid præcipui in successione feudali: an eodem cum postgenitis jure censentur?*

M. Distinguendum est inter feudâ dividua & individua, sive inter minora & majora, quæ & regalia dicuntur, & dignitatem habentia. In illis enim quæ di-

visio-

visionem recipiunt, idem omnium jus est, nec quicquam præcipui habet primogenitus: hæc verò cum sint individua, consortisq; impatientia, & integra relinqui debeant (ut Ducatus, Marchia, Comitatus, §. *præterea Ducatus*, li. 2. *feud. t. 55. Gmth. lib. 8. vers. 637.*) ad maximum natu, sive fratrem sive agnatum pertinet, exclusis cæteris. Quod jus Carolus I V. in *Aurea Bull. c. 23.* etiam de regno & principatibus quatuor Electorum secularium disertè sanxit, eosq; cum suis pertinentiis omnibus vetuit dividi, sive, ut loquitur, scindi ac demembrari: hac ramen additâ conditione, ut maximus natu clementem ac pium se exhibeat erga cæteros fratres & sorores, id est, ne planè nudos dimittat, sed alimenta ipsius pro familiæ dignitate assignet. Additur ibidem exceptio: nisi maximus natu ob notabilem aliquem defectum ineptus & incapax sit successione atque imperii, ut quia sit mente captus, fatuus, &c. quo casu succedet is qui eum proximè sequitur. Huc pertinet quod tradit Zas. p. 8. n. 65. jus esse patri in feudis dignitatem habentibus eligendi ex pluribus filiis, & præferendi eum qui sit aptior imperio, & magis idoneus saluti tranquillitatiq; subditorum quàm primogenitus: cum Alvar. voluerit primogenito inhabili adjungi debere aliquem coadjutorem: quod nō absolute verum esse ibidem docet Zas. n. 67. Hanc igitur primam observabis in ista re distinctionem. Est & altera inter mores quarundam nationum & regionum. Nam apud quosdam receptum est, ut non tantum in majoribus feudis, sed etiã in minoribus, imò etiam in allodialibus solus succedat maximus natu, vel frater, vel agnatus. Vocant vulgò Jus Majoratus, item jus primigeniorum, de quo prolixè Tiraq. & Covar. lib. 3. *var. res.* Contius quoq; in *meth. de feud. c. 8.* de jure primogenituræ, apud Gallos testatur nullam esse provinciam in toto regno, quæ non aliquod jus primogenituræ agnoscat, quamvis alia magis, alia minus, Cujac. ad lib. 2. *feud. tit. 11.* & Forner. ac Duar. De Anglia quoq; constat, ibi omnia bona pa-

terna

terna capere primogenitum, & reliquis fratribus ferè pro ministris uti. Translatum autem videtur hoc jus primogenituræ ex legibus Mosaicis, immò etiam ex moribus Judæorum ante legem Mosaicam receptis, ut videre est *Genes. cap. 25. & cap. 49. item Deuter. cap. 21. & 2. Paralip. 21.* Ratio hujus juris est familiarum conservatio, ut in plures diviso patrimonio claritas familiæ faciliè obsolescat ob inopiam rei familiaris, & quia destituta sit nervis rerum gerendarum. Sed jure civili Rom. primogenituræ nulla habetur ratio.

10. D. *Quid si gemelli sint?*

M. Etiam inter gemellos locus esse potest juri primogenituræ, quod ei competet, qui prior à matre cecidit, inq; lucem editus est. Neq; enim natura parit ut simul uno impetu duos infantes de utero matris excidere, ut ait Tryphon. in l. 15. ff. de stat. hom. Exemplo sint Esau & Jacobus, *Genes. 25.* quorum ille postea tamen primogenituræ jus fratri suo vendidit, ut ibidem habetur, quam ipsius profauitatem reprehendit Paulus ad *Hebr. 12.*

11. D. *Quid si primogenitus sit naturalis. & matre postea in matrimonium ducta legitimatus, ex qua eadem alius post contractum matrimonium natus sit filius, uter potior erit in jure primogenitura?*

M. Is qui ex justo matrimonio, quamvis posterius natus est: nam legitimatio per sublequens matrimonium contingens non debet retrahi in præjudiciū alterius, vide *Valent. Forst. lib. 6. de success. c. 24.* ut taceam quod naturalis legitimatus licet non succedat in feudis nec solus, nec cum aliis, ut supra dixi.

12. D. *Quid si duos quis habens filios, quorum unus sit natus antequam pater ad regnum, vel Ducatum, ve: Marchiam, vel Comitatum perveniret: alter verò postea adquisita jam dignitate, uter horum præferendus erit?*

M. Hanc veterem, & inter Historicos nobilitatam quæstionem Zasius quidem autoritate Accursii & Baldi ita decidit, ut putet, cum qui in statu digni-

tatis natus sit, alteri, qui antè, præferendum, *part. 2. nu. 66. Bald. in l. 23. §. his illud, C. de nupt. vide Bart. ad l. senator, C. de senatorib. lib. 12.* At Hoto. *illustr. quest. 2. in utramq; partem disputans, tandem concludendo ita distinguit, ut si quidem hac de re nulla exstet lex, tum omnia bona antè quæsitæ à patre, cujuscunque sint generis, æquè ad filios ante acquisitionem atque ad postea susceptos pertineant, argum. l. nihil interest, 50. ff. de bon. libert. & argum. l. 7. ff. unde liberi.* proindeq; si jus primogenituræ alicubi vigeat, illud debetur ante dignitatem nato: non enim debet jus alicui quæsitum ipsi adferri propter externum & adventitium, quod ipsius personam non attingit: multò minus superveniens dignitas patris nocere debet liberis aut ea natis, sed potius prodesse. Sin autem exstet hac de re aliqua Lex scripta, tum attendendum quibus sit concepta verbis, utrum his: *Filius Regis primus vel natus maximus hæres esto:* an istis: *primogenitus Regis hæres esto.* Et priore quidem casu in successione præferendum putat eum, qui natus est ante regnum vel Ducatum: posteriore eum, qui patre jam Rege vel Duce editus est: hac de re vide etiam Forster. *lib. 4. de success. cap. 24. n. 77. & seqq.*

13. D. *Quid si mortuo alicujus primogenito filius ejus contendat cum secundogenito, id est, patruo suo, uter alteri præferendus est, an filius primogeniti, an verò patruus, sive secundogenitus?*

M. Magna hæc est quæstio, largamq; disputandi materiam & Jurisconsultis & Historicis præbuit: cujus decisio olim etiam duello commissa est, imperante Othone I. cùm in Comitibus Imperii componi nequivisset: commissa, inquã, duello, eo eventu, ut vinceret pars ea quæ nepotem admittebat, & inter filios computabat, teste Witechindo Saxone *li. 2. & Sigberto in Chron. sub anno Domini 942.* quos & Hoto. allegat in *diff. feud. c. ult. & ill. q. 3.* Non mirum igitur, calamis quoq; de hac quæstione certatum fuisse, cùm & armis fuerit pugnatum, Et Bart. quidem in *auth. post fratres,*



*fratres, C. de leg. hâred. præferendum putat patrum fratris primogeniti filio : quam sententiam Cujac. quoq; , quamvis Bart. non nominans secutus est ad tit. 11. lib. 2. hac juris ratione, quia jus repræsentationis non hanc vim habeat , ut proximior prorsus excludat , sed potius ut remotior unâ cum proximior concurrat in successione. Ut in totum excludatur proximior, hoc excedit vigorem, finem, & exemplum repræsentationis. Cùm igitur primogenito defertur successio , ibi non esse locum repræsentationi , sed eum vocari , qui moriente eo , de cujus successione quaeritur, locum primogeniti obtinuit, non qui primogenito jam antè mortuo per repræsentationem successit, Mozz. c. 5. de feud. n. 69. existimat tunc demum salvari posse hanc Bart. opinionem , si secundogenitus, id est, patruus, qui se præferri postulat, valdè sit sapiens. Contrarium tamen indistinctè tenuerunt Jo. Andr. in addit. ad Spec. tit. de feud. item Bald. & Paul. Castrensis. videlicet, nepotem patruo præferendum: quos etiam Hent. Rosent. sequitur c. de success. feud. n. 37. plura vide apud Hotom. d. ill. q. 3. & apud Forster. lib. 2. c. 18. & Menoch. conf. 97. lib. 1.*

14. D. *Succeduntne etiam in feudis liberi præsumpti seu putativi qui vocantur ?*

M. Etiam, nam & hi pro veris filiis habentur, nec usquam reperiuntur excepti, vide Forner. de feud. cap. 12. quo modo autem probetur filiatio, prolixè Forst. li. 4. de success. c. 7. & quatuor seqq.

15. D. *Quid si filius feudum quidem amplecti velit, sed repudiet hæreditatem paternam, vel ab ea se absteineat, quia fortè ære alieno sit gravata, audiendusne erit, & poterit hanc separationem facere ?*

M. Hac de re duo sunt textus in jure feudali, quibus dicitur non posse filium hæreditatem patris absque beneficio seu feudo recusare vel repudiare, & alterum sine altero retinere: propinquum verò vel agnatum posse, vide tit. 45. lib. 2. & §. filius, t. 51. ut ita hac in re deterior sit conditio filii quàm agnati, vide Clar.

*quest.*



*quæst.* 76. Rationem differentiæ hanc reddit Cujacius *4. feud. tit.* 54. quia filius succedat patri non tantum in feudo genearchico, id est, antiquo, sed etiam novo, & antiquum à patre capere videatur, non ab avo, cæterisq; majoribus. Non aliter igitur in feudum antiquum admittendus est, quàm quasi hæres patris, & proinde bona non poterit separare. Agnatus verò tantum in feudo antiquo, non etiam in novo succedit: ideoq; non tam à proximè defuncto agnatò feudum capere videtur, quàm à primo acquirente, communi videlicet stirpe agnationis. Ex quo illud sequitur, ut possit agnatus agnati hæreditatem repudiare, & feudum solum retinere, non quasi ab agnato suo, sed quasi à communi parente in se profectum, ut ita evitet onera & debita hæreditaria. Sic inquam Cujacius: nec multò aliter Alvarott. quem allegat Zas. *p.* 8. *n.* 15. Sed hæc ratio satisfacit Hotom. *ad tit.* 45. *lib.* 2. & *in disp. feud. c.* 19. qui aliam, nempe hanc adfert: quia scilicet feudum, quod ab agnato obvenit, perpetuò manserit separatum ab hæreditate, nec unquam fuerit cum ea confusum. In fratre, verbi gratia, qui successit fratri, allodium quidem dicitur fraternum, sed feudum paternum. In patre verò utrumq; & feudum, & allodium dicitur paternum. Cùm igitur filius non tantum allodium seu hæreditatē à patre suo habeat, sed etiam feudum, si non primariò, saltem secundariò: non debet patrem hac injurià adficere, ut quantum in se est, patiatur illum successore catere, quod solet ignominiosum haberi, *l.* 6. *ff. de interrog. act. l.* 1. *in pr. ff. de success. edict. §.* 1. *Instit. qui & ex quib. caus. manum. §.* cum igitur, *Instit. de bon. poss.* Tandem Hotom. ibidem secundum juris civilis rationem tentat, filium æquè atque agnatum posse relictâ hæreditate feudum retinere: quia scilicet feudum ad filium non patris, sed patroni beneficio deferatur. Solet autem jure civili diligenter distingui inter ea quæ filio à patre obveniunt, & quæ aliunde: quod quidem pluribus textibus & exemplis demonstrari posset. Verum ut sæpè

dixi, feuda non tam legibus quàm moribus reguntur. Mores autem feudales hoc discrimen inter filium & agnatum receperunt & comprobarunt, quod aperte docent duo suprà adducti textus: cujus discriminis aliam quoque rationem adducit Contiùs, quia ad agnatos nō semper hæreditas pertineat, cū frequenter accidat ut alius sit successor feudi, alius hæreditaris: hoc dicit; quia in agnatis feudum recipit separationem ab hæreditate: quod secus est in filio. Giphanius nullam ejus rei aliam rationem esse putat, quàm reverentiam; quæ parentibus à liberis, non etiam agnato ab agnatis debeatur. Superioris tamen regulæ, qua dictum est: non posse filium amplecti feudum repudiata hæreditate paternâ, aliquot traduntur exceptiones: quarum una continetur in ipso textu *d. r. 45.* nempe, nisi dominus consentientibus agnatis, ad quos feudum à filio repudiatum erat rediturum, de feudo ipsum quasi de novo investiat, *vide Zas. p. 8. n. 13.* apud quem & regulæ declarationem, & plures quoque exceptiones seu limitationes videre poteris, *num. 6. & seq.* quamvis de quarundam veritate non immeritò dubitaveris.

16. D. *Sed an vassallus semper de re alieno creditoribus defuncti respondere cogitur?*

M. Hujus quæstionis decisio pendet ex superiori: nam quo casu successor non potest repudiare hæreditatem, & feudum retinere, eodem cogitur etiam æs alienum à defuncto contractum solvere, qua de re necessarias distinctiones videre poteris apud Gail. *2. obs. 154.* & apud Borch. *c. 7. p. 2. n. 94.*

17. D. *Quid si filius hæreditatem patris cum beneficio inventarii adire voluerit, (ut potest quilibet hæres facere, l. ult. C. de jur. delib. §. extraneus autem, Inst. de hered. qual. & diff.) an tunc saltem poterit retinere feudum ab oneribus hæreditariis liberum?*

M. Ita quidem vult Zas. *p. 8. n. 10.* & Gail. *d. loc.* cum aliis communiter Dd. sed si feudum sit hæreditarium, verius videtur contrarium, nempe quòd non gaudeat filius

filius beneficio inventarii, *Clar. q. 43. Hart. Pist. p. 2. q. 2. n. 45. cum seqq. Rol. à Valle cons. 44. n. 3. & 4. vol. 3. deniq; Fr. Soubec. p. 9. n. ult.*

18. D. *Cum supra significaveris, non semper filium, ceterosq; descendentes in feudis succedere, & exceptionē unam atq; alterā jam attuleris, (ut de liberis natus ex secundo matrimonio ad Morganaticam contracto, item de liberis jussu exheredatis: ) velim nunc addas etiam ceteras?*

M. Non est capax successionis feudalis 1. filius clericus. 2. qui habitum religionis assumpsit, id est, monachismum ingressus est, de his vide *lib. 2. feud. tit. 21. & tit. 26. §. qui clericus, & tit. 30. §. ex hoc illud, & tit. 36.* Plenissimum quoque hac de re extat consilium Martini Uranii, quod est I X. in Tom. 1. Exempla multorū etiam Regum, qui regnum cum cuculla commutatur, atq; ita Exreges facti regnum amiserunt. ex historiis eruditè observat Hotom. *lib. 2. tit. 26.* Ratio est, quia hi feudū de servire non possunt. Ex quo enim quis factus est miles Christi, desit miles esse sæculi: proindeq; nō pertinebit beneficium ad eum, qui nō potest præstare officium, *d. t. 21. cui concordat text. in c. & jure & moribus, quod extat in extraord. cap.* Sed Hot. hanc rationem repræhendit ut vitiosam: cū nihil prohibeat, quò minus homo Christianus possit simul & Christo & suo Principi militare, argumēto concionis Joh. Baptiste, *Luc. 3. ad milites habitæ.* Imò non tantū sub Christiani, sed etiam sub pagani & infidelis Imperatoris signis Christianū militare posse, consentiens est traditio multorū Ecclesiæ Doctorum, in primis Ambrosii atq; Augustini, quem vide *epist. 5. ad Marcel. & epist. 207. ad Bonif. & lib. 22. contra Faustum, c. 74. vide etiam Gratian. in 2. part. Decret. caus. 23. q. 1. & seqq.* Repræhendit Hot. & alteram rationem, quia multis in locis & mulieribus & impuberibus (qui in isto jure minores dici solent) jus fructū feudi concedatur, quos tamē constet non posse pro feudo servitia præstare. Sed de impubere respondeo, id fieri propter spem futuræ habilitatis: de mulieribus verò propter expressum consensum senioris.

19. D. *Quid si clericus aut monachus habitum religiosum deponere, & ad secularem redire velit, quo videlicet capax fieri possit possessionis: eritne audiendus & admitendus?*

M. Ne tum quidem succedet, ut disertè cautum est in d. §. ex hoc illud, tit. 30. lib. 2. Nam nec socius callidè renunciare debet societati, in hoc, ut obveniens aliquod lucrum ipse solus habeat, §. manet, vers. sed planè, Inst. de societ. neq; etiam illa desultoria levitas probanda est, ut quis heri clericus aut monachus, hodie sit & dicatur laicus ac secularis: sed deliberandum est diu, quod statuendum est semel de vitæ genere deligendo: in qua consultatione, periunde ut in bello, bis peccare non licet. Atq; hinc est quòd non statim quilibet primo aditu, seu (ut militari verbo utar) primo pedatu ad Monachismum admittitur, sed per quosdam gradus, & post explorationem aliquam multi temporis, de qua vide Novel. Inst. de monachus. Primùm enim dicebantur *conversi*, quasi à strepitu mundi, & communi hominum consuetudine ad vitam solitariam traducti: nam hic primus gradus erat ad Monachismum. Secundò *professi* vocabantur. Et tertio demum *Monachi*. Hotom. in Lex feud. in verb. *conversus*. Conversorum autem mentio fit duobus in locis juris feud. ut tit. 21. & 30. lib. 2. Quod vocabulum & in Germanicis Monasteriis quamvis reformatis adhuc usurpari audivi. Obiter & hoc notabis, Clericos & Monachos distinguere in jure nostro, l. generaliter, C. de Episc. & Cler.

20. D. *Atqui ob stare videtur §. si Clericus, tit. 40 lib. 2. ubi dicitur: Clericus veluti Episcopus, Abbas, beneficium habere potest à Rege.*

M. Respondet Cujac. ad tit. 21. lib. 2. cum textum loqui de feudo, quod initio concessum est Clerico & Ecclesiis: id quod fieri possit. Aliud autem esse, Clericum non succedere in feudo, vel feudum per Clericatum postea susceptum amitti. Semper enim prima lex & origo sive constitutio & concessio feudi inspicienda servandaq; est. Hic autem cui feudum datum est,

is esse

is esse desit, id est, mutata est conditio vasalli, quam habuit tempore acquisitionis, & quam dominus in concessione feudi spectavit & approbavit. Quam verissimam rationem immeritò mihi videtur reprehendere Hoto *add tit. 21.* hoc usus argumento, quia quæ qualitas superveniens actum viciat, eadem ab initio existens eundem impediat. Sed ea regula non est perpetua, *vide Accurs. ad l. 85. §. non est novum, ff. de R. I. & Cujac. ad lib. 6. quest. Pauli.* Dixi etiam ad §. *idem juris, vers. item contra, Inst. de inut. stip.* Ipse verò Hoto aliam adfert conciliationem, quia scilicet titulus 40. non ad militaria, sed ad otiosa seu Ecclesiastica beneficia pertineat. Ad Cujacii rationem hoc quoque addere possis: Cùm dominus feudi possit vasallo remittere servitia, atq; ita suum jùs deterius constituere: licentiam quoq; habebit talem eligendi vasallum, qui ad servitia præstanda sit ineptus, qualis est Clericus. Observabis hîc differentiam inter bona feudalìa & allodialia: nam hæc per Monachum adquiruntur Monasterio, *d. Novell. de monach. & Everhard. in Top. Cujac. ad d. tit. 21.*

21. D. Rursum obstare videtur c. 6. ext. de foro comp.

M. Respondent aliqui, per hoc cap. abrogari jus feudale. Borcholt. autem p. 2. c. 7. n. 62. intelligit illud de Clerico, qui initio de feudo sit investitus, cùm jam Clericus esset, quod fieri posse supra audivisti *ex §. ult. tit. 36. lib. 2.* Sed si textum probè inspicias, non agitur ibi de clerico vasallo, sed potius de vasallis Ecclesiæ, qui ab Ecclesia seu Episcopo ejus feuda tenebant, cùm ipsi essent laici, *vide Cujac. in recit. Decret.*

22. D. Sed nunquid poterit clericus feudum per substitutum deservire, atq; ita in eo succedere?

M. Non poterit: quamvis Præpositus, aliiq; vulgò id putent: quia certæ personæ industria à domino electa est, qui non debet habere socium, quem non vult. Zasius quidem p. 5. n. 72. tale quiddam hoc videri posse ait, ac si furem quispiam excuset, quòd per substitutum furetur.

23. D. *An non saltem à cateris clericis excipiuntur Cardinales, Archiepiscopi, & Episcopi?*

M. Quamvis quidam hos excipi & in feudis succedere velint, ut *lul. Clar. q. 68. n. 5. Borch c. 5. n. 49. & Menoch. de arbitr. jud. c. 231.* verior tamen videtur contraria sententia, quam probat idem *Menoch. conf. 181. nu. 74. & conf. 202. n. 31. Henr. Rosent. c. 7. conclus. 73.* nam & hi generali clericorum appellatione veniunt, nec usquam reperiuntur excepti; ut nulla sit ratio, cur non sub regula manere debeant.

24. D. *Quid de sacrorum ordinum Equitibus, ut S. Iohannis, &c. iuris est, num & hi, si ut Clerici, à successione feudali arcentur?*

M. Imò admittuntur: nam hi magis etiam quàm laici vasalli ad militandum obstricti sunt, vide *Hartm. Pist. part. 2. quest. 33. n. 22.*

25. D. *Quid de filio furioso aut mente capto, aut muto, surdo, ceco, claudo, vel aliter imperfecto iuris esse dicis?*

M. Distingendum est inter eos, quibus naturalia sunt ista vitia, & quibus accidentalialia: prioris generis filii non succedunt, ut contra opinionem Overti & Gerardi, aliorumq; obtinuit, *tit. 36. lib. 2.* Et ratio est, quia feudum deservire non valent, id est, quia nulla spes eos unquam fore habiles & utiles vasallos domino: naturalia enim vitia vix possunt deponi aut corrigi. Secus est in accidentalibus, quæ post feudū jam acquisitum vasallo contingentia ineptum atq; inhabilem effecerunt: quæ aut corrigi atq; tolli spes est, aut si perdurent, inhumanū & crudele foret, feudum propterea talibus vasallis adferri, ne languor animi corporisve ipsis etiam in bonis damnum adferat, argumento ejus quod de furioso humanissimè scripsit Papin. *in l. 44. §. eum qui. ff. de usucap.* Sæpè quoq; fit, ut occasione diuturnæ militiæ, & laborum in ea pro domino exantlatorū talis aliquis casus, ut cæcitas, mutilatio membrorum ac sensuum amissio, vasallum affligat. De muto autem hæc quoq; distinctio observanda est *ex §. ult. tit. 6. lib. 1.* inter eum qui nullo mo-  
do

do loquitur, & cum qui difficulter: quæ distinctio etiam in surdo recepta est apud Just. in §. *itē inutilis*, vers. *mutum*, Inst. de inut. stipul. & huc accommodari potest. Hujusmodi tamen personis humanitatis causâ tantum relinqui debet ex feudo, unde se sustentare possint, si aliunde se exhibere non valeant, arg. d. §. ult. l. 6. lib. 1. ubi notabis elegans verbum *exhibere*, quod veteribus est alere, & exhibitio significat alimenta, ut scpe apud J. C. usurpatur, & apud Tertull. in li. de idololat. c. 6. ubi vide *Notas Fr. Iun.* vide etiam exempla in Lexicis annotata, quibus hoc addes: & plura apud Just. *histor. lib. 9. 11. & 22.* qui plenius quoq; dixit: *Vitam exhibere*: Hoc quoq; observabis ex Bald. ad tit. 36. lib. 2. feud. si is qui feudum regale obtinet, ex accidenti fiat, non autem natus sit demens, solere ipsi adjungi aliquem curatorem: cujus rei exempla etiam in quibusdam familiis Principum nostrâ memoria proferri possent.

26. D. *Dic plures casus seu exceptiones, quibus filius ceteriq; descendentes in feudo non succedant?*

M. Si vassallus culpam committat, propter quam feudum amittere debeat: neq; filius neq; ejus descendentes ad id feudum revocabuntur: quæ exceptio continetur in §. *si vassallus*, lib. 2. tit. 26. & tit. 31. Vassalli, inquit, feudum delinquentis filius ad id nullatenus aspirabit: ubi tamen hæc additur limitatio, nisi dominus gratiam faciat filio, & feudum ipsi relinquat.

27. D. *Ergone patris delictum nocebit filio?*

M. Maxime: nam & jure civili nonnunquam patris iniquitatem portat filius, ut audivisti ad t. Inst. de publ. jud. ex l. *quisquis*, C. *majest.* ubi & rationes hujus rei exponuntur. Sic & vice versa interdum filii delictum nocet patri, §. *in super*, lib. 2. l. 55. vide Accurs. ad t. 21. lib. 2.

28. D. *An etiam hoc feudum perdet filius, quod ab avo adquisitum erat?*

M. Etiam hoc perdit: quamvis quidam contrarium voluerint, sed malè, ut notat glos. ad §. *si vassallus*, tit. 26. lib. 2. in verb. *revocabuntur*, & ad d. §. *in super*, in verb. *privetur*, d. tit. 55.



29. D. *Suntne etiam alii casus, quibus filius non succedit?*

M. Etiam tum excluditur, cum ipse filius vivo patre commissa aliquâ feloniam dominum offendit, ob quam feudo excideret, si id jam ad se per mortem patris devolutum fuisset, nisi filius fuerit domino per patrem reconciliatus. Quanquam enim hac de re dissentientes opiniones fuisse discimus *extit. 51. lib. 2. in §. 2.* (ubi obiter notabis emendationem Cujac. respondi secundum Stephanum sic: secundum Gerardum & Oberrum similiter:) tamen per Constit. Frederici hoc jam determinatum est, ut filius eo casu patri non succedat, *d. §. insuper, tit. 55. & glos. ad d. tit. 51. in verb. si filius.* Et quidem ratio ipsa sensusque communis hoc dictat, facilius unumquemque atceri ab acquisitione ejus quod nondum nactus est, quam privetur eo quod nondum habuit. Cum igitur filius ob hujusmodi feloniam privandus esset feudo jam acquisito, ut infra audies *in cap. de causis amittendi feud.* multo magis & facilius ab acquirendo removebitur.

30. D. *Quis præterea non succedit?*

M. Filius patri non succedit in feudo novo, de quo pater non ritè neque debitâ forma se investire curavit, licet domino jubente possessionem ejus nactus sit, ut est *tex. tit. 25 lib. 1.* quod tamen absurdum, aliisque locis contrarium esse putant Accurs. & Hott. *ibid.* Sed hoc supra quoque attigimus, cum à successione feudi nonnulla removeremus.

31. D. *Quis præterea?*

M. Filius qui defata sibi successione feudi non debito tempore, id est, intra annum & diem à domino petiit renovationem investituræ, *ut est lib. 2. tit. 24. & tit. 40. & tit. 52. §. ult. item tit. 55. in pr.* Sed hoc non tantum ad filium, verum etiam ad cæteros successores feudorum pertinet. Nam ut supra quoque dixi, quotiescunque vel vasalli vel domini mors intervenerit, & persona mutata est, toties renovatio investituræ potenda est. Plerique hanc neglectionem & prætermis-



nem novę investiturę referunt inter causas admittendi feudi. Quare nos quoque ibi plura de eâ dicemus. Nunc absoluta successione descendentium, ad collaterales transeundum videtur, nisi tu aliqua etiam ad primam illam succedentiũ seriem pertinentia prius ex me querere volueris.

32. D. Solent quedam gravissima & cottidiana circa eam moveri quęstiones, de quibus cum nihil adhuc dictum sit, audire cupio quid sentias, ut 1. an feudum liberis imputetur in legitimam sive quartam ab intestato debita portionis. 2. An feudum veniat in collationem bonorum. 3. An non filia à successione feudi exclusæ legitima saltem ex feudo debeatur, itemq; an ei dos & alimenta inde constituenda sint. 4. An filius à patre gravatus fideicommissio universalis, cogatur etiam feudum fideicommissario restituere? Breviter: an feudum veniat in restitutionem fideicommissariam. 5. An in feudis locum habeat jus accrescendi?

M. Age satisfaciam desiderio tuo, & ordine ad singulas quęstiones istas, sicut abs te propositę sunt, quàm brevissimè respondebo. Ad primam igitur quod attinet, communiter quidem receptum est, feudum novum in legitimam indistinctè liberis computari, sive sit hæreditarium, sive ex pacto & providentia: antiquum verò non aliter quàm si hæreditarium sit: cuius opinionis & auctores & argumenta videre licet apud Hartm. Pist. lib. 2. q. 38. & Jac. Toming. decis. 2. Rosent. c. 7. n. 15. Wurml. in præf. Forens. tit. 51. obs. 11. verius tamen videtur tam vetus quàm novum imputari in legitimam, dummodò ne sit ex pacto & providentia: nam hoc feudum non ex propria patris substantia filio obvenit, sed ab ea distinctum est & separatum, vide Gail. 2. obs. 154. nu. 15. qua in sententia etiam esse video Hent. Bocerum class 4 disp. 14. th. 37. Secundę quęstionis, an videlicet veniat in collationem feudum? resolutio pendet ex priorē, nam illud demum feudum à filiis conferendum est, quod in legitimam imputatur. Etenim hæc duo à pari procedere solent, ita ut quicquid imputatur in legitimam, idem etiam sit confer-

rendum, & contra: *l pen. & ibi Dd. C. de collat.* Wurmferus tamen *obs. 9. d. tit. 51.* ex sententia Batt. illud tantum feudum vult conferri debere, quod filius à patre vivo accepit, non etiam quod post mortem ejus, multoq; minus antiquum. Ad tertiam quæstionem: An filiabus è feudi successionem exclusis legitima saltem debeat. Respondeo: Hanc ipsis non deberi, est enim legitima quarta pars debitæ ab int. portionis, ut audivisti *ad tit. Instit. de inoffic. testam.* atqui filiabus ab intestato nulla debetur portio in feudis. Ergo neque portionis illius, qua nulla est, quarta ulla potest intelligi. Exceptio est, nisi feudum sit novum, quod pater sua sibi pecunia comparavit: jam enim iniquum foret filias legitima sua privari, cum pater vel omnem substantiam suam, vel maximam ejus partem in feudi emptionem contulerit, cujus soli filii sunt capaces exclusis filiabus, *Schrad. part. 7. cap. 5. num. 45. Toming d. decis. 2. & Hartm. Pistor. d. quæst. 38. num. 35. & seqq.* qui duo à se invicem dissentiunt, adde *Bocer. d. disp. 14. num. 38.* De alimentis quod quærebas & de dote quæ in alimentorum locum succedit, sic sentiendum est: si filiæ alia bona non habeant, quæ in dotem dare, aut unde se exhibere possint: omnino & fratres & agnatos, qui in feudo succedunt, & dominum ad quem feudum vacans revertitur, cogendos esse, ut alimenta & dotem filiabus ex feudo constituent, *arg. tit. 6. §. 1. lib. 1. feud. Alvar. & Matth. de Affl. ad tit. 36 lib. 2. Borch. c. 7. in 2. membr. num. 74. Rosent. c. 7. nu. 112.* Ad quartam quæstionem de fideicommissio: An feudum eo contineatur, per distinctionem respondeo cum Claro *q. 85.* nempe quo casu vasallus de feudo restitui possit (de his autem casibus supra dictum est) eodem etiam posse eum per fideicommissum id relinquere, & proinde gravatim fideicommissio cogi quoque feudum restituere: item si feudum sit hæreditarium, tunc etiam in restitutionem fideicommissariam illud venire: secus si sit ex pacto & providentia, item si sit mixtum, *vide Gail. d. obs. 154. n. 11. & 14.*

33. D. *Quid si pater unius ex filiis fideicommisserit, ut feudum restitueret fratri suo, valerne hac dispositio?*

M. Non valet, ut rectè docet Mich. Grassus in §. *fideicommissum*, q. 50. per text. tit. 8. lib. 1.

34. D. *Quid aus de jure accrescendi, habétne locum in feudis?*

M. Regulariter locum non habet, *argum. §. quod si communiter*, t. 1. lib. 1. & §. *si duo*, t. 14. & *arg. t. 12. in pr. li. 2. feud.* Ratio est, quia in contractibus nunquam locus est juri adcresecendi: potuerunt enim contrahentes apertius legem dicere contractui, l. *si mihi* & 110. ubi Ias. & alii Dd. ff. de V. O. Duar. lib. 1. de jure accrescend. c. 15. Feudum autem est cōtractus, ut supra docuimus. Exci-  
piunt 1. feudum antiquum. 2. feudum novum, quod duobus vel pluribus conjunctim concessum est ab Imperatore vel Rege alióve Principe superiorem non recognoscente, *arg. l. un. C. si liberal. Imper. socius*, lib. 10. sed hæc posterior exceptio non caret contradictori-  
bus, ut videre est apud Jal. in d. l. 110. num. 7. de V. O. & apud Soarez in thesaur. recept. sent. lit. F. num. 68. Cujac. quoq; ad tit. 12. lib. 2. feud. negat hanc l. un. ad feuda ad-  
commodari debere. Vide de jure accrescendi, an & quando in feudis locum habeat vel non, Zas. p. 8. n. 32. Clar. q. 77 Schrad. p. 7. c. 1. Mozz. c. 6. nu. 70. Hoto. autem in  
conf. 30. omnino negat juri accrescendi in feudis lo-  
cum esse, quæ etiã fuit sententia Cyni in d. l. un. C. si li-  
ber. Imp. socius. & alii quoq; Interp. fatentur, cū por-  
tio deficientis alteri defertur, id fieri non tam jure  
accrescendi quàm jure successionis, & ut loquuntur,  
jure non decresecendi, Johan. Niell. in 7. disput. feud. ad  
th. 1. de jure accrescendi, sic existimat: Nullam esse ra-  
tionem cur hîc recedamus à regulis juris civilis, sed  
iisdem casibus illud habere locum in feudis, quibus  
etiam locus ipsi est jure civili in allodialibus, idq; si-  
ve feudum pluribus sit legatum, sive plures in eo hæ-  
redes instituti (nonnunquam enim potest quis de  
feudo testari, ut supra dictū) sive deniq; plures ab int.  
sint hæredes, quorum unus suam partem repudiet.

Nititur ille potissimum hac ratione, quia nihil de jure accrescendi comprehensum vel cautum sit in jure feud. sequendam igitur esse l. scriptam seu juris civilis dispositionem, secundum regulam Oberti in *vers. strenuus autem*, lib. 2. tit. 1. feud. facit huc l. sancimus. C. de testam. & l. precipimus, C. de appellat. ubi traditur regula: Jus quod mutatum non reperitur, quare prohibeatur stare? respondet quoque ibidem ad ea quæ obijci possunt.

31. D. Unum adhuc quæram de successione descendens: si vassallus defunctus non reliquerit liberos primi gradus, id est, filios cum liberis ulteriorum graduum concurrentes, sed tantum ulteriorum graduum, ut nepotes, pronepotes, &c. an nepotes præferantur pronepotibus, & sic deinceps proximiores remotioribus in eadem lineâ descendentibus?

M. Cave hoc putes, in quo errore quidam versantur, decepti malo intellectu textus tit. 30. in fin. lib. 2. tu hoc potius tene quod suprâ monui: jus representationis in lineâ descendentium extendi in infinitum. Quod si verum est, ut est verissimum, nō igitur remotiores excludendi sunt à proximioribus, sed potius simul cum ipsis admittendi jure representationis.

## CAPUT XVI.

*De successione collateralium: à qua primum rejiciuntur cognati: deinde etiam agnati in fendo novo. Demonstratur, fratrum & sororum filios solos inter se patruo vel avunculo suo succedere debere in capita, non in stirpes.*

1. D. Nunc collateralium successionem mihi explices velim.

M. Primum illud memineris quod Hotom. in disp. feud. cap. 18 & seq. contra communem Dd. opinionem contendit, & probat etiam Giphani. jure feudistico nullam esse transversalem successionē: nam aut feudum est novum, & ab ejus successione in tantum re-

moventur agnati vel collaterales, ut ne frater quidem succedat fratri, ut mox latius dicam: aut est feudum antiquum, & in eo agnatus nō tanquam defuncti agnatus, sed tanquam unus ex liberis seu descendentibus primi acquirentis succedit. Imò jure Saxon. cujus etiam in Silesia & Pomerania, aliisq; regionibus usus est, ne quidem in feudo antiquo agnati succedunt, nisi fuerint etiam simultaneè investiti, teste *Fachsf. diff. 29. Hart. Pist. lib. 2. quest. 19. & seq. Wes. de feud. c. 6. n. 15. Gail. lib. 2. obs. 151 nu. 5. & Giph in tract. de feud in c. de successione agnatorum*. Vulgò tamen inter Feudistas receptum est, etiam agnatos in feudis succedere. Et si enim respicitur ad primum adquirentem feudum, à quo descendat oportet is, qui succedere in feudo voluerit: tamen negari non potest, aliquem etiam haberi respectum agnationis & proximatis, quæ inter defunctum, cui succeditur, & eum qui succedit, intercessit. Porro cum eorum qui à latere sive ex transverso cognatione junguntur, alii dicantur agnati, alii cognati in specie, quorum illi per mares, hi per fœminas conjunguntur, ut meministi ex §. 1. *Inst. de legit agn. tut.* & ex §. 1. *de hered. qua ab int.* & ex §. ult. *Inst. de success. cognat.* inter quos novissimo jure sublata est omnis differentia tam quoad successionem, quam quoad tutelam legit. §. *ex his autem*, Nov. 118. *jure feud.* vetus illud discrimen in usum revocatum est, & soli agnati ad successionem feudi vocantur, exclusis cognatis, ad quos beneficium & ejus successio non pertinet, ut est tit. 11. lib. 2. *vers. ad cognatos*, & tit. 50. *in verb. ex latere omnes per masculos descendentes*, id est, omnes agnati: ratio est favor conservandarum familiarum, quæ propagantur per agnatos, non etiam per cognatos, deinde cum cognati descendant ex fœminis, quæ à feudi successione sunt remotæ, ut supra dictum, nō possunt ipsi admitti: cum absurdum sit plus juris habere successorem quam habuit ejus antecessor, & nemo plus commodi relinquat hæredi quam ipse habuit, l. 54. l. 120. l. 160. §. ult. l. 175. §. 1. ff. de R. I. Remotis igitur à successione feudali

feudali collateralium iis qui sunt cognati, soli remanent agnati. Inter hos primum locum obtinent fratres vasalli defuncti: sequuntur fratrum præmortuorum filii: deniq; agnati ulteriores, & quidem in infinitum, ut infra demonstrabitur. Sic enim ait text. in *l. 11. lib. 2. his vero deficientibus*, (nempe liberis quorum prima causa est, ut dictum) vocante primò fratres, cum fratrum præmortuorum filiis: deinde agnati ulteriores. Sed hinc ante omnia distinguendum est inter feudum novum & antiquum. In novo, id est, quod in persona defuncti primum cepit, sive, ut ait Feudista, quod habuit initium tantum à fratribus, frater fratri non succedit, multoq; minus remotiores agnati, sed fratre sine liberis mortuo, feudum revertitur ad dominum. Atq; hæc regula fratrem fratri non succedere in feudo novo, sæpè in jure feudali repetitur, ut *tit. 8. & 14. lib. 1. §. si duo fratres*, & *tit. 19. §. si quis miles*, & *l. 20. & tit. 11. & 12. lib. 2. vide Zas. p. 8. nu. 23.* cujus regula hæc est ampliatio, ut procedat, etiam si unâ eademq; investitura simul & communiter feudum acceperint: etiam si fuerint simul de eodem feudo investiti, ut habetur dictis locis, maximeq; *tit. 1. §. & quia, vers. quod etiam si*, & *tit. 8. & 14. lib. 1. & tit. 12. lib. 2.* ratio hujus regulæ vix alia reddi potest, quam quia sic placuerit iis qui feuda constituerunt, & quia ab initio in feudis ne descendentes quidem succedebant.

2. D. *Estne hæc regula, quæ fratrem à fraterni feud. successione excludit perpetua?*

M. Imò quasdam habet exceptiones, & quidem quatuor recensentur uno loco in *d. tit. 21. li. 1.* quarum quædam etiam alibi reperiuntur. Prima est certissima ac nobilissima: Nisi pacto ita convenerit inter dominum & vasallum, sive ut Feudista loquitur *d. tit. 26. & l. 1.* nisi per investituram à domino ordinatum fuerit, ut frater fratri sine hæredibus masculis mortuo succedat: vel ut alibi; nisi hoc nominatim dictum sit; nisi dictum hoc fuerit expressim, ut alter alteri succedat: nisi pactum fuerit in investitura, quod frater fra-

tri succedat, deniq; nisi pacta fuerit eo pacto investitura, pacta enim dant legem contractibus, ut suprà prolixè docui. Et sanè si pacto investituræ adjecto hoc effici potest, ut fœmina quoq; succedat, quod fieri posse suprà audivisti, & habetur *tit. 14. lib. 2. in fin. & alibi*, quid ni idem multò magis in fratre valeat? Secunda exceptio est, nisi ex fratribus simul cohabitantibus unus de communibus & indivisis bonis feudum communi nomine emerit, idq; sciente domino, quo casu frater fratri succedit, *d. tit. 20. lib. 1.* Dixi, sciente domino; nam aliud est, si is ignoret istorum fratrum conditionem, ut rectè distinguit *gl. in §. fin autem, in verb. nominativum, tit. 1 lib. 1. & t. 12. in verb. dicunt, lib. 2.* & probant *Zaf. p. 8. n. 55. Cujac. ad t. 12. lib. 2.* qui hoc casu, quo dominus scivit feudum communi pecuniâ vel nomine redimi, vult quasi ex tacita conventionem successionem inter fratres esse: ut ita etiam hic non minor sit taciti quàm expressi pactivis. *Zafius tamen d. num. 25.* vult, cohabitationem fratrum non esse necessariam, aut certè consuetudine Germaniæ non requiri, ut in simul stent, sive ut post mortem patris in communi casa remanserint, quemadmodum Feudistæ loquuntur, *lib. 1. tit. 20. & lib. 2. tit. 12.* Mihi videtur cohabitatio ista intelligenda non tam de unis sedibus, quam fratribus consortibus, quorum adhuc indivisum est patrimonium, sive, qui omnium bonorum socii sunt. Hos enim barbarè ait Feudista in simul stare, sive in casâ communi remanere. Tertia exceptio est, nisi unus ex fratribus feudum utriusque nomine emerit, quamvis ex propria pecunia, idque item sciente domino. Hæc enim verba, sicut & sequentia: Si in simul steterint, in *d. tit. 20.* ad utramque præcedentem clausulam referenda esse puto. Aliud esset, si non utriusque nomine, sed suum negotium gerens emisset, tunc enim non cogeretur communicare quod emisset, *argum. l. si patruus, C. commun. utriusq.* Nota hinc discrepantiam juris feud. à civili: nam jure civ. si quis alteri & sibi rem emerit, idem juris est quod



quod in eo qui sibi & alteri dati stipulatus est, ut scilicet tantum pro parte dimidia ei qui contraxit adquiratur obligatio, cum per liberam personam ea non acquiritur, §. *si quis alii, vers. quod si quis, Instit. de inut. stip. & l. 110 de V. O. §. ex his itaq; Instit. per quas pers. vide Dd. ad tit. C. si quis alteri vel sibi. Quarta exceptio est, nisi fratres feudum in hostem Regis adquisierint: quæ verba text. in d. tit. 20. quidam sic acceperunt: nisi ea lege eoq; sine feud. datum sit fratribus, ut communibus armis & equis dominum suum iuvenc contra hostes. Sed hac lege omne feudum cõceditur, ut vasallus pro domino pugnet in hostem. Quare mihi magis probatur Zasii & Hotom. expositio, quæ est: nisi in exercitu Regis seu in iisdem castris militantes id adquisierint, Zas. p. 8. n. 26. Hotom. in disp. feud. c. 19 & in comment. ad d. tit. 20. & congruit text. in d. tit. 12. lib. 2. in verb. si cum equis & armis communibus sit acquisitum Rotundè igitur Feudista dixit: feudum in hostem acquisitum, pro eo quod poterat plenius dici: in expeditione in hostem adquisitum. Et quatuor hæ exceptiones in ipso text. feud. continentur d. tit. 20. quarum tamen primam solam pro certa agnoscit Hotom. reliquas vel falsas, vel certè ambiguas esse putat, propter text. in d. tit. 12. lib. 2. ubi his tribus casibus posterioꝛibus non ipsum feudum, sed tantum fructus ejus dicuntur communicari inter fratres, quamdiu simul habitaverint. Quamquam autem repugnantia inter Feudistas non sunt novæ, tamen cum text. tit. 12. sic licebit accipere, ut in eo tantum aliorum opinio referatur, quod satis ostendunt verba: plerique dicunt. Et illa: adhuc idem dicunt. His exceptionibus alias quoq; addiderunt Interp. ut nisi consuetudo aut statutum alicujus loci ita ferat, ut in feudo etiam novo fratres ceterique agnati succedant, vide Schrad. p. 7. c. 7. n. 5. & ratio est, quia cum feuda tota dependeant à consuetudine & moribus, facilimè etiam iisdem immutantur & variantur. Item nisi feudum novum concessum sit alicui uni ex fratribus, vel etiam duobus, vel pluribus simul jure feudi*

antiqui: id quod fieri posse supra audivisti in divisionibus, itemq; cum de pactis investituræ ageremus, vide *Myns. cent. 4. obs. 84. Gail. lib. 2. obs. 50.* Potest enim unusquisque legem suæ rei dicere quam velit: potest jus suum remittere, & deterius cōstituere, ut tæpè antea dictum. Addunt & hanc exceptionem, nisi feudum de novo fratribus concessum sit indivisibile, ut si in feudum data sit jurisdictio, si jus patronatus, jus vendendi, piscandi, servituti: quo casu similiter volunt fratrem fratri succedere, ratione individui, excluso domino: cui tamē frater superstes æstimationem solvat ejus portionis quam à fratre accepit, *Zaf. p. 8. n. 28. & seq. Rosent. c. 7. concl. 122.* quos tamen nuper Bocerus in *disp. 15. class. 4. in th. 15.* erroris convincere conatus est hoc argumento: Quia omne feudum sit individuum, Sed hoc falsum esse supra cognovisti, ubi dictū, quædam esse feuda, quæ divisionem recipiant.

3. D. *Quid si is casibus, quibus frater fratri in feudo novo succedere potest, non ipse frater vivat, sed ex prædefuncto supersint filii, an hi succedent & dominum excludent?*

M. Placet mihi sententia Baldi, & Curtii, & Jacobini de S. Georg. quam & Schrad. *p. 2. l. 3. n. 7.* & novissime Bocerus secuti, nempe feudum hoc casu reverti ad dominum, nec ad filium fratris pertinere. 1. Quia fratris appellatione non continetur fratris filius in successione ex dispositione hominis delata. Deinde, quia pactum de successione fratris in feudum fraternum sive novum contrarium est juri communi feudorum; proindeq; strictè accipiendum, nec ad consequentias producendum, *arg. l. 14. D. de l. l. 141. ff. de R. I.* De moribus autem Gallorum testantur Fornarius, & alii, inter eos receptam esse successionem fratrum etiam in feudo novo, non minus quàm in bonis allodialibus, quorum ad instar feuda apud ipsos redacta sunt, unde fit ut etiam cognati & sceminæ ibi succedant, teste Cujacio, Contio, Duareno & aliis.

4. D. *Remota jam à successione feudali collateralibus cognatis, remotis etiam agnatis à successione feudi novi: restat*

*stat scilicet ut dicas deus, qui & quo ordine in feudo antiquo succedant?*

M. Primum illud tenebis; non aliter succedere agnatos, quàm si ex primo acquirente, velut à communi parente, & ut vulgò loquuntur, *stipite descendant*, ut t. 8. lib. 1. feud. & t. 11. lib. 12. in vers. *quod ita*, & t. 50. pater jam, Alvar. ad t. 14. lib. 1. Ferner. c. 13. de feud. Cont. c. 8. method. de feud. Borch. c. in secundo membro, n. 78. Exempli gratia, pater meus, qui feudum de novo acquisiverat, moritur relicto fratre (qui mihi est patruus) relicto etiam altero filio, seu fratre meo. Jam in divisione hæreditatis feudum mihi obvenit, vel sorte, vel electione, seu conventionem inter me, & fratrem habita. Morior ego quoq; , sed sine liberis, & relinquo fratrem & patruum: inter quos contentio oritur de successione in meum feudum, quod est, ut dixi, paternum. Hic succedet mihi frater meus excluso patruo, quia patruus meus licet non minus quàm frater mihi sit agnatus, tamen non descendit ab eo, qui primus feudum adquisivit, id est, à patre meo. Ejus enim frater fuit. At frater fratri in feudo novo non succedit, ut paulò antè dictum.

5. D. *Cum igitur in hoc ordine collateralis successio fendi (ut etiam allodialium jure civili) primum deferatur fratribus: quid juris erit, si fratres non sint utrinq; conjuncti, sed tantum per alterum parentem?*

M. Meminisse potes ex superioribus, fratres uterinos in feudis nō succedere, quia tantum sunt cognati. Sed hic observabis exceptionem. In feudo namq; fœmineo fratres uterini sibi invicem succedunt, ut rectè Fr. Sonsb. de feud. p. 9. nu. 94. verbi gratia: Titius defuncta prima conjugē, cum ex ea suscepisset filium, ducit alteram viduā, quæ ex priore matrimonio duos habebat filios, habebat quoq; nonnulla feuda, eaq; fœminina. Ex hac duos procreat filios, qui respectu liberorum prioris matrimonii sunt fratres uterini: & tamen succedunt in feudo illo fœmineo, excluso fratre suo consanguineo. Fratres autem consanguinei æquè

æquè ac germani succedunt, neq; illi ab his excluduntur: Sunt enim inter se agnati. Nec refert, quòd in germanis fratribus duplex sit vinculum, in consanguineis unum duntaxat: cùm aliàs dici soleat, quòd duo vincula fortius ligent, *arg. § sed hodie, vers. si verò, Instit. de adopt.* nam vinculum, quod à parte matris intercedit, id est, cognatio in feudis non attenditur, sed pro eo est, ac si non adesset, *vide Gail. lib. 2. obs. 151. Hart. Pist. lib. 2. q. 43. Borch. c. 7. n. 80.* in quo jus feudale iterum recedit à civili novissimo: quo jure fratres utrinque conjuncti excludunt à successione fratres ex altero tantùm parente, *auth. itaq; C. commun. de success. quæ sumpta est ex Nov. 84. c. 1. & congruit Nov. 118. c. 3.* ubi Justinianus abrogavit jus verus, quod extat in l. 2. §. *hereditas. ff. de suis & legit. § in l. 3. C. de legit. hered. vide Cujac. ad tit. 11. lib. 2. feud.* At jure feudorùm simul succedunt fratres ex utroq; parente, & ex altero tantùm conjuncti, dummodò non sint uterini. Fornerius tamen hoc discrimen putat esse falsum, & sequendam esse etiam hinc dispositionem juris civilis, cùm id non reperiatur abrogatum jure feudorùm, ut proinde secundum prædictas Novel. excludatur frater ex altero tantùm, per fratrem ex utroq; parente conjunctum. Sed mihi religio est à communi opinione recedere propter supra dictam rationem, præsertim cùm videam hoc etiam clariss. Giphani probari.

6. D. *Quid si fratres non sint soli, sed concurrentes habeant præmortuorum fratrum filios?*

M. Filii fratrum præmortuorum unà succedunt cum fratribus supersticibus defuncti, id est, patruis suis, idq; jure repræsentationis in stirpes, id est, ut tantundem accipiant, quantùm pater suus in feudo habiturus erat, si vixisset. Atq; ita intelligendus est tex. feudalis in t. 11. lib. 2. in t. *his verò deficientibus*, & alibi quoq; ut in tit. 50. ut scilicet conveniat cum jure civili, quod hoc casu per jus feudale nusquā reperitur mutatum, ideoq; ei standum est, *arg. § strenuus, tit. 1. lib. 2. feud.* Est autem hoc cautum jure civili novissimo, ut jus repræ-

sentationis etiam in fratrum filiis locum habeat, non verò ulterius, *d. Nov. 118. c. 3. & Nov. 127. c. 1. vide Zas p. 8. n. 17.* ubi ait, hoc nullum habere dubium, *vide & Clar. q. 75. Myns. cent. 3. obs. 94 ex Hartm. Pistor. lib. 2. q. 1.* Neq; hîc assentiendum est Covarruvæ, qui in *pract. quest. c. 38.* putat, in feudis ex pacto & providentia, itemq; in mixtis fratres defuncti præferri fratribus defunctorum liberis, quorum sunt patruus, hoc, inquam, non est recipiendum, quia textus in *tot. tit. nu.* eam distinctionem penitus ignorat. Vocantur, inquit, primò fratres cum fratrum præmortuorum filiis.

7. D. *Quid si vassallus reliquerit patrum, & filios fratrum præmortuorum, an hi quoq; simul succedent?*

M. Imò fratrum filii soli succedent excluso patruo defuncti (qui ipsorum est patruus magnus) quamvis pares sint gradu defuncto conjuncti, nempe tertio, *tit. 50. lib. 2.* qui textus communiter ad hoc allegatur. Affertur etiam ratio, quia successio feudalis non tam fundatur in prærogativa, vel æqualitate gradus, quàm stirpis, & genealogiæ ejusdem, *d. tit. 50. vide Wes. cap. 6. de feud. & Forner. c. 13. reg. 8. & Bocor. disp. 15. th. 28. class. 4.*

8. D. *Quomodo autem filii fratrum succedunt patruo?*

M. In capita, & non in stirpes, de quo vide Borch. p. 7. n. 82.

9. D. *Quid si filii fratrum non concurrant cum patruo, sed ipsi sint soli, & quidem dispari numero, verbi gratia, ex primo fratre tres, ex secundo quinq;, ex tertio sex, &c. qui inter se velint succedere: utro modo fiet successio, an in stirpes, an in capita?*

M. Hac de re olim maxima fuit controversia inter Dd. aliis probantibus successionem in stirpes, aliis in capita. Auctores, & rationes utriusq; sententiæ hîc recitare nimis longum foret: quas videre poteris diligentissimè annotatas ab Ant. Tessauro *decis. 162. & Zas. p. 8. nu. 18. cum duob. seqq. & in intellectibus singular. item conf. 4. lib. 1. Martin. Uran. conf. 16. tom. 1. denique apud Forst. lib. 8. de success. c. 3. Ang. Mattheac. lib. 2. c. 7. in Epit. leg. & fideic. & Andr. Fach. lib. contr. jur.*

Summa hæc est: quamvis Accursius sibi ipsi non satis constans, in l. 14. *§ in auth. cessante, C. de legit. hered.* eumq; secuti Bart. ad l. post consanguineos, §. agnati, ff. de suis & leg. Bald. Castrenf. Cynus, Raph. Cuman, Angel. Alex. & recens etiam Sonsbec. p. 9. n. 100 de feud. voluerint, filios fratrum (idem est etiã in liberis sororum, seu consobrinis in bonis allodialibus) inter se, id est, quando soli sunt, in stirpes succedere patris, & avunculis suis, velut parentum loco, & non in capita: tamen vetiorem esse sententiã contrariam Azo. in summa. C. de legit. hered. quam idem Azo etiam repetit in comment. ad sing. ll. C. ad d. auth. n. 2. C. d. tit. & Za. dd. loc. de qua re ut tandem cessarent tot digladiationes Interpretum, Imp. Carolus V. auctoritatem suam laudabiliter interposuit in Comitibus Spiræ habitis, anno 1529. promulgatâ constitut. qua discretè confirmavit sententiam Azonis. Constitutionis illius verba vide in Reichsabschied / de anno 29. quæ etiam referuntur à Val. Forst. lib. 8. de success. c. 3.

10. D. Ergò, quantum intelligo, ex jure novissimo, id est, ex illa cõstitutione Carolina, jam succedunt filii fratrum & sororum in capita. cum olim successerint in stirpes?

M. Ita quidam putant hoc esse jus novissimum, in quibus sanè nollem esse D. Wesenbecium in cap. 6. de feud. ubi non satis cautè vocat novam hanc opinionem, cum sit vetustissima: non opinio, sed veritas, ut mox probabo. Sed sapè ita fit, ut quæ vetustissima sunt, ea postquam aliquandiu incognita latuerunt, tandem cum rursus proferuntur in lucem, videantur nova esse: quod etiam in religionis negotio non raro accidit: nam & olim paganis religio Christiana habebatur pro nova quadam superstitione, cum esset vetustissima, non superstitio, sed divina veritas: quod falsum crimen novitatis eruditè refellit Arnobius lib. 2. contra gentes, ubi post alia sic scribit: Omnipotens & primus Deus novella vobis videtur res esse: Et qui eum venerantes colunt, inauditas, incognitas, repentinas agitare atq; inducere religiones? Estne illo

antiquius quidquam? Et mox: Non ergo quod sequimur novum est, sed nos serò addidimus, quidnam sequi oporteat & colere, aut ubinam spem salutis affigere, & salutaria subsidia collocare.

II. D. *Sed quibus locis demonstras, hoc jus olim etiam obtinuisse, ut filii fratrum, si sint soli, succedant aequaliter in capita, & non in stirpes?*

M. Docent hoc aperte ista loca, ut l. 2. §. 1. ff. de suis & legit. l. 1. §. ult. ff. si pars hered. §. si plures, & ibi Theoph. Inst. de legit. agnat. success. Vlp. in fragm. t. 26. §. agnatorum. Cajus lib. 2. in fragm. Inst. tit. 8. §. regulariter, vers. item si, in verb. quænes quidem fratrum filii patruo suo ab intestato succedunt, sed non in stirpes, sed in capita. His accedant duo clarissima loca ex tit. 16. de legit. success. in libello, cui titulus est, lex Dei collata cum legibus Rom. à Petro Pitheo primum edito. Unus ex Caji Inst. alter ex sententiis Pauli decerptus. Sed operæ pretium est, ipsamet eorum verba audire. Sic igitur Cajus lib. 3. Instit. Quod si defuncti nullus frater extet, sed sint liberi fratrum: ad omnes quidem hæreditas pertinet, sed quæsitum est, si dispari numero sint (fortè nati ex uno unus, vel duo, & ex altero tres, vel quatuor) utrum in stirpes dividenda sit hæreditas, sicut inter suos hæredes juris est, an potius in capita? Jamdudum autem placuit, in capita dividendam hæreditatem. Itaque quotquot erunt ab utraq; parte personæ, tot portiones fient. Sic enim pro eo quod vulgè legitur, *fuert, restituit* Pitheus, Horom. verd ill. *quæst. 14. legit, erunt*. Possis etiam plenius: *faciendæ erunt*. Quæ Caji verba, si conferas cum iis, quæ ex ejusdem decurtatis ab Amano Institutionibus paulò antè retuli, facillè intelliges, quantum distent æra lupinis, & quomodo carbones pro thesauro nobis obtulerit, quisquis ille fuit truncator. Alter est locus Pauli descriptus ex lib. 4. sent. tit. de intestat. success. Sed si (inquit) duorum fratrum sint liberi, non in stirpes, sed in capita hæreditas distribuitur: scilicet ut pro numero singulorum viritum distribuatur hæreditas: quæ postrema verba, scilicet

ut,



ut, *pro numero*, putari aliquando non esse Pauli, sed alicujus glossatoris, qui sic voluerit interpretari, quod Paulus breviter scripserat: In capita hæreditas distribuitur. Hotom. *tamen d. quest. 14.* ea retiner quasi essent ipsius Pauli: Sed *pro virisim*, non dubitat ipse, quin reponendum sit *marium*, ut scilicet fœminas excludat. Quæ lectionis mutatio mihi minimè probatur. Indè live Pauli ipsius ea verba sint, live alicujus Interpretis, omninò retinendum contendo, *virisim*: nam & apud Cicer. 3. *Tuscul. Casarem, lib. 1. de bello Gall. & Suetonium in Caligula cap. 18. & 46.* Virisim dividere vel distribuere, est æqualiter & in singulos pro virilibus portionibus partiri, quod Græcis est *κατ' ἀνδρα*, item *κατ' ἐνα ἄνδρα*, ut rectissimè vetus glossarium exponit. Seneca quoq; *lib. 5. natural quest. cap. 7.* inter se opponit in universum dicere, & virisim discutere. Præterea hoc jus jam olim obtinuisset disertè scriptum reperies apud Const. Harmenop. *lib. 5. cap. 8.* Denique argumento nobis esse possunt etiam Gottorum leges, in quibus ferè omnia ex jure civili petita esse solent. In his autem *lib. 4. tit. 2.* ita continetur expressum: Qui moritur, si fratres & sorores non reliquerit, & filios fratrum vel sororum reliquerit, si ex uno fratre sit unus filius, & ex uno fratre vel sorore forsitan plures: omnem hæreditatem defuncti percipiant, & æqualiter per capita dividant portionem, *vide Cujac. ad tit. 11. lib. 2. feud.* ubi etiam judicium suum interponit super illo Codice legum Gotticarum. Taceo hîc jus Sax. quod eandem sententiam sequitur *lib. 1. Landrecht / artic. 17.* Ex quibus omnibus facillè jam intelligis, non debere cuiq; novam videri eam opinionem, quam & Zas. & aliquot ante ipsum annis Martin. Uran. *d. conf. 16.* fortissimè propugnavit, & Carol. V. *sua const.* comprobavit, & deniq; etiam Galliæ Parlamenta secuta sunt, *teste Hotom. Forner. & alius*, & docent Joh. Papon. *lib. 21. arrest. tit. 1. arr. 10. & 2. seqq.* Lucius *lib. 8. s. 10. arr. 5.* Sic solent Galli Romanarum legum majestatem comiter conservare,

non tam auctoritati & sanctioni earum aliquid in se permittentes, quam rationi & æquitati se submittentes: ut eleganter scribit Pithæus in *præfat. ad Christoph. Tuan. præfixâ libello, Lex Dei, &c.* Animadvertis, in quâ, non hoc jus novum aut novam opinionem, sed potius vetustissimam esse, ipsamq; adeo veritatem altercationibus Interpp. obfcuratam, quam Zasius, aliiq; summi viri in lucem revocarunt, cui proinde firmiter adhærere debemus.

12. D. *Quoniam mihi sufficit, & vetustatis, & Imperialis sanctionis auctoritas: tamen quò melius possim contradictores refellere (audio enim adhuc esse, qui etiam post repertas fruges ad glandes redire malint, hoc est, qui pro illa altera sententia, & successione, in stirpes propugnare non desinant) his igitur, ut satisfacere possim, cupio ex te audire, & quæ sint vera sententiæ hujus fundamenta, & quo pacto contrariis argumentis respondendum sit?*

M. Poterâs quidem utriusque partis fundamenta petere ex Zas. Hotom. Matt. Urañio, Forstero, & aliis suprâ laudatis: sed quia tamen ex me quoq; hæc audire desideras, age satisfiat tibi, & breviter subducam ea, quæ prolixius ab aliis disputantur; nonnullis etiam novum lumē inferre studebo. Prima igitur & præcipua illa hujus juris est ratio, quia nunquam fit divisio in stirpes, nisi ubi locum obtinet successio in locum parentum: atqui inter agnatos (ut sunt hoc casu fratrum filii seu patrueles) leges 12. tabb. nullam instituerunt successionem in locum parentum, arg. l. 3. *C. de legit. hered.* ex qua L. patrui excluderat fratris filios. Ergo inter eos non potest fieri divisio in stirpes, sed tantum in capita. Vel brevius ita concludemus: Divisio in stirpes nititur jure representationis: Ergo ubi representatio locum non habet, ibi nec ipsa illa divisio locum habebit: tanquam scilicet fundamento ejus subtracto ac deficiente. Hic autem deficit representatio, nam quisque ex fratrum liberis venit ex proprio & suo, non ex parentis sui jure: Ergo etiam deficit divisio in stirpes, & hæreditas in capita potius divi-

dividetur. Secundò : Hoc jus non reperitur uspiam mutatum aut abrogatum. Ergo manere censetur, *arg. l. sancimus, C. de test. & l. precipimus, C. de appell.* Et si enim Justin. in *Novell. 118. § si igitur defunctus*, jus repræsentationis concessit etiam fratrum liberis, ut in parentum suorum locum subeant, & jure succedant tamē hoc beneficium, & ut ipse vocat, privilegium non omnino neq; indistinctè ipsis indulgēt, sed limitatè ac definitè, videlicet tunc demum, quando filii fratrum cum propriis *deïis*, id est, patruis suis, qui erant defuncti fratres, concurrunt, *vide d. Nov. 118. c. 3. vers. sed Etum*. Quare cū jus novum sit strictè accipiendum, neq; extra suos terminos trahendum, si non concurrunt liberi fratrum cum patruis, sed ipsi sint soli, non erit hoc casu ad ipsos privilegium istud porrigendum, *arg. l. 114. D. de R. l.* Tertio, nulla quoq; ratio fuit, quæ Imperatorem moveret, ut idem tribueret fratrum filiis solis, quod concessit illis in concursu cum patruis. Ibi namq; erat illa ratio, ne minimum adimeret patruo, id est, defuncti fratri superstiti, qui ante illam *Novell.* totam hæreditatem fratris sui sibi retinebat, exclusis fratrum prædefunctorum liberis, tanquam gradu remotioribus, *l. 3. C. de legit. hered. § si plures, Inst. de leg. agn. success.* Cessante igitur ratione legis, meritò etiam ipsa legis dispositio cessabit. Quarto, præterea animus erat Justin. consulere fratrum liberis eo tantum casu, quo antea per jus commune negligebantur, atq; à successione per patruum excluderentur, *d. l. 3. §. non autem*, quo casu jam antea satis erant tuti jure communi, id est, quando soli essent, neq; cum patruo concurrerent. Jam enim quia omnes pari gradu sunt, pariter etiam & æqualiter vocantur, sicut & jure veteri ante prædictas *Nov. 118. & 127.* semper vocati fuerunt. Quintò, adhæc ratio est, ut quibus proximorum nomen æquè competit, quiq; æquè jure suo veniunt, æquas etiam ferant partes. Cū alii ex legis aut statuti verbis, ut proximi vocantur, alii successionis seu repræsentationis quodam jure ex aliorum persona

veniunt, æquitas postulat, ut & illis pars integra ex lege conservetur, & his conjunctim non plus juris deferatur, quàm ille habiturus esset, cujus in locum partemq; succedunt, id est, cujus personam repræsentant, ut eruditè Petr. Pirhæus in nos. ad d. rit. 16. Deniq; nulla potest afferri idonea ratio differentia, quare fratrum nepotes succedant patruis magnis in capita (ut certum est omni & veteri & novissimo jure eos succedere) fratrum verò filii non debeant in capita, sed in stirpes vocari. Jam verò ubi eadem est ratio, nempe, quia sicut fratrum nepotes ad successionem patruis magni vocantur jure proprio, & ex suamet persona, tanquam proximi: sic filii fratrum, quando soli sunt ad successionem patruis.

13. D. Intellexi probè, quibus hæc sententia nitatur fundamentis. Quia tamen vetus lex Attica jubet utramq; partem audire, cupio etiam contraria opinionum rationes cognoscere, & quomodo iis occurrendum sit?

M. Qui contrarium tenent ferè suis ipsi acumini-  
bus sese configunt, quippe nimis argutas, atq; audaces conjecturas, & interpretationes comminiscuntur, contra verba & mentem Legislatoris. Justin. in d. Nov. 118. nam inde pleraq; suas rationes tanquam tela ex pharetra depromunt: quas non erit difficile ex iis, quæ pro vera sententia jam attulimus, diluere. Cognitâ enim & probè perceptâ luce veritatis, facile errorum & falsitatis nebulæ diffugiunt, & evanescunt. Primum igitur inquit: Ex Nov. 118. constat, filios fratris in successionem patruis sui præferri patruo defuncti, eumq; excludere. Unde apparet ipsis concedi jus repræsentationis, quo in locum patruis sui ascendant, ut ita jam secundum gradum obtinere videantur, cum revera sint in tertio gradu, perinde ut patruus defuncti: Si in filiis fratrum est repræsentatio: erit ergo in iisdem etiam facienda divisio in stirpes. Hanc enim peperit repræsentatio. Respondebis esse hanc fallaciam secundum non causam ut causam: Quid enim patruo defuncti præferuntur fratres filii,

id non tam ex jure representationis fieri putandū est, quā inde, quia hæreditas semper facilius ac proclivius descendit, quā ascendit. Ita rectè Zaf. p. 8. n. 18. & Hot. d. q. ill. 14. quam rationem etiam Zaf. comprobatur auctoritate glossæ in fi. tit. Inst. de suc. agn. Taceo quod casus ille longè sit diversus à nostra quæstione, non enim agimus de concursu filiorū fratrum cum ascendentibus collateralibus defuncti, ut cum patruo, aut avunculo, sed de fratrum filiis solis inter se succedere volentibus. Secundò ajunt, per eand. Nov. 118. generaliter jus repræsentationis tribui fratrum filiis, & quidem ipsis solis tribui. Ergo hoc privilegio gaudebunt, sive sint soli, sive cum fratre defuncti, eodemq; patruo suo concurrant, & per consequens, hæreditatem inter se dividant in stirpes, & non in capita. Respondeo: Illam generalitatem orationis, quæ videtur, sic restringendam esse ex antecedentibus, ex toto contextu Novellæ illius, ut intelligatur ipsis tributum illud privilegium, sive ut Imperator vocat *αγονόμιον*, eo duntaxat casu, quo cum patruis suis concurrunt, non autem specialiter, atq; etiam tunc, quando ipsi sunt soli. Breviter, negandum est antecedens, non enim simpliciter, non omnino, neq; indistinctè Imp. illud privilegium concessit filiis fratrum, ut parentes suos repræsentent in omni successione, sed certo quodam casu, limitatè, restrictè, ac definitè, quando scilicet unà cum ipsis concurrat frater defuncti, qui cum sit in secundo gradu, olim excludebat fratris filios, utpote in tertio gradu defuncto conjunctos, & si plures, Instit. delegit. agnat. success. hodie verdè ex Novell. 118. simul cum ipsis succedunt. Estq; fallax hæc collectio: Soli fratrum & sororum liberi habent hoc privilegium, ut in parentum suorum locum subeant, & in eorum jura succedant. Ergo etiam quando sunt soli, id est, extra concursum cum patruis eodem privilegio utentur, & in stirpes succedent. Imò contrarium hoc est ipsius legislatoris consilio, & intentioni, qui quid voluerit istis verbis: *Hujusmodi privi-*

*privilegium solis concedimus fratrum aut sororum filiis. aut filiabus*: satis declarant, quæ mox ibi sequuntur: *Nulli autem omnino alii persona ex hoc ordine cognationis* (nempe collateralium) *venienti istud jus concedimus*. Tertiò inquirunt: Post fratres demum & fratrum liberos jubetur fieri divisio inter cæteros agnatos in capita, *d. Nov. 118. §. si verò*. Ergo inter ipsos fratrum filios fiet divisio in stirpes. Sed neganda est talis consequentia: Cæteri agnati, qui sunt remotiores fratrum liberis, semper in capita succedunt. Ergo fratrum liberi nunquam in capita succedere debent. Imò hi quoque aliquando in capita succedunt, cum videlicet soli sunt. Quartò, si (inquiunt) fratrum liberos ponamus succedere in capita, inde sequeretur, quod unius ejusdemq; hæreditas, nunc in stirpes, nunc in capita divideretur, ut ex Bart. demonstrat Hotom. *ill. q. 14.* Hoc autem est absurdum. Sed nihil est absurdi, etiam si pro varietate casuum unius ejusdemq; hæreditas alio atque alio modo dividatur, ut rectè Hotom. *d. loc. ubi* etiam negat, agnatorum hæreditates dividi in stirpes: quæ divisio tantum habeat locum inter eos, qui ex defuncti stirpe succedunt, quod de agnatis dici non potest. Et sanè idem sunt in stirpes, & ex stirpibus succedere, *l. 2. C. de suis & legit.* Quintò ajunt, fratrum liberi jam olim succedebant in capita. Ergo ex *d. Nov.* hodie succedere debent in stirpes: alioquin enim supervacanea esset illius Novell. sanctio. Sed respondebis, quamvis non totum jus vetus successionum ea Nov. immutavit, non idèò tamen ex supervacuo promulgatam esse, propterea scilicet capita, quæ immutavit, & in quibus a jure antea recepto recessit. In cæteris verò retinendum est jus causæ, quod ante eam Nov. obtinuit, *arg. l. precipimus, C. de appell.* Sextò, proferunt text. *ex auth. sessante, C. de legit. hered.* qui sic habet: Vocantur primò fratres fratrisq; præmortui filii in stirpes. Ecce, inquiunt, hic nulla fit mentio divisionis in capita. Respondendum est auth. illam intelligendam secundum Nov. ex cujus corpore desumpta est,

est, nempe cum in stirpes vocari filios fratrum, si concurrant cum patruo, non etiam si sint soli. Quod si auctor dictæ auth. (qui putatur fuisse Irnerius, qui & cæteras clausulas ex Novellis excerptas, quæ vulgò *Authentica* vocantur, passim Codici Justiniani inseruit:) si, inquam, hoc sensit Irnerius, fratrum liberos etiam cum soli sunt, in stirpes succedere, malè atque imperitè sensit, ac præter mentem Justiniani auctores *d. Nov. 118.* ideoq; rectè Azo, Joh. Fabri, aliiq; ea verba acceperunt de eo casu, quo cum fratrum filiis concurrat patruus.

14. D. *Satis jam de successione filiorum fratrum: quæ mihi nō tantum in feudis, sed etiam in allodiis & jure civili plurimum proderunt, ut posthac non sim refrigidaturus veritatis contradictores. Quid autem si vassallus nec fratrum filios reliquerit?*

M. Si nec fratres, nec fratrum filii extent, neque etiam fratrum nepotes (nam hi quoque patruo suo magno in capita succedunt, ut supra audivisti: sin autem cum patruo magno concurrant, ei præferuntur, ut docet Hartm. *de feud. obs. 16. n. 7.*) tunc ad successionem feudi primi admittuntur alii agnati transversales gradu proximi, exclusis remotioribus, *tit. 11. lib. 2. in verb. deinde agnati ultiores.* Quæ verba ita, ut dixi, interpretanda sunt, id est, qui ex ulterioribus agnatis defuncto gradu proximi sunt. Et si in eodem gradu plures sint, hi pariter & æqualiter omnes succedunt, divisione in capita, & nō in stirpes facienda. Quia in re jus istud planè congruit cum jure civili, ut videre est *in auth. post fratres, la 2. C. de legit. hered. Nov. 118. c. 3. vide etiam tit. 56. lib. 2. ex quo titulo hoc notabis, interdum gradu proximiores vinci atq; excludi à gradu remotioribus, si nimirum hi nitantur prærogativâ genealogiæ seu lineæ & fibrarum, qua destituantur illi proximiores. Exemplum ibidem affertur, & aliud ab Hent. Bocero *disp. 15. class. 4. th. 3.**

15. D. *Quid si agnatus sit ex linea collateralis ascendenti: ut si sit patruus, vel patruus magnus defuncti, an hic quoq; in feudo succedet?*

M. Ma.



M. Maximè, dummodò feudum sit antiquum, & adquisitum ab iis, à quibus uterq; & qui succedere vult, & cui succeditur, tanquam à communi stipite ortum trahat. Textus est apertus *in fin. tit. 16. lib. 2. in verb. Et si filius fratris mortuus fuerit. frater patrù in beneficium avi defuncti succedat*: quem text. ad hoc ponderant Bald. Alvar. Præpos. Martin. Laudens. aliq; Feudistæ, *vide Hartm. de feud. obs. 16. nu. 5.* Dixi, dummodò feudum sit antiquum. Aliud est enim in feudo novo, de quo vide alium text. *in tit. 11. lib. 2. vers. si enim Titii avus.* Ratio differentię ex suprâ dictis patet: quia in feudo novo agnati non succedunt. Nec turbet te, quod suprâ audivisti, ascendentes non succedere in feudis: id enim verum est de iis, qui in linea recta ascendunt: non autem de iis, qui in linea transversa.

16. D. *Sed ad quotum usq; gradum agnati succedunt?*

M. Ex jure civili meministi distinctionem inter agnatos & cognatos, nempe illos in infinitum succedere, etiam si (ut exempli causa ait Imperator) decimo gradu sint, sive ut alibi; etiam si longissimo gradu sint: hos verò tantum ad septimum usq; gradum: qua de re dictum ad §. *ceterum, Instit. de legit. agnat. success.* & §. *ult. de success. cognat. item §. ult. de servil. cognat.* Sed jure feudali cognati non veniunt in considerationem, *tit. 11. lib. 2. vers. ad cognatos enim.* De agnatis verò textus variant: aliquando enim tantum ad quartum gradum eos vocant, aliquando ad septimum, aliquando in infinitum, §. *hoc quoq; sciendum, tit. 1. lib. 1. §. hoc quoq; tit. 8. & lib. 2. tit. 26. §. si vassallus culpam, & tit. 50. in verb. ex latere omnes per masculos descendentes usq; in infinitum, tit. 52. §. satis benè.* Antiqui illi sapientes, qui volebant successionem ultra quartum gradum, id est, ultra fratres patruales progredi, hac ratione nitebantur, quia ultra quartum gradum non dicatur feudum paternum, *vide d. tit. 8. lib. 1. & ibi Cujac. & Hotom.* tamen vitiosè ac perversè sic eos ratiocinatos esse arguit ex lege Lotharii Imp. Qui verò ad septimum usq; gradum successionem esse voluerunt, eorum

eorum hoc fundamentum fuit ex jure Longobardorum, quo omnis parentela, id est, cognatio usque in septimum gradum (quem ipsi *Geniculum* vocant) numeretur: ut parens parenti per gradum & per parentelam hæres succedat. Sic enim habent verba legis Longobardicæ, *tit. 14. lib. 2.* *Seniculum* Longobardi vocant gradum, quasi à gignendo: est enim generatio causa graduum, & semper generata persona adjicit gradum, sive: Quot sunt generationes, totidem sunt gradus, ut docui *ad Instit. tit. de gradibus*. Sic *Seniculum* quidam libri legunt in §. *pen. lib. 1. tit. 1.* ubi vulgè est *ad septimum gradum*, ut ibidem annotavit Accurs. & Cujac. quoque ex veteribus libris reponendum monet. Sic etiam quartus gradus & successionis in infinitum simul fit mentio in *fin. tit. 21. lib. 2.* ex quo loco, sicut etiam ex *tit. 37.* observabis, non solum mortuo vasallo proximo, agnatos succedere, verum etiam ob culpam aliquam feudum committenti, quæ culpa facit, ut quantum quidem ad feudum pro mortuo habeatur.

17. D. *Quomodo autem illos textus tam varios putas in concordiam redigendos?*

M. Quantum quidem ad 4. gradum facilis est ratio, ut dicamus, hoc esse jus vetus, & consuetudine contrariâ abrogatum: quoad cætera verò Interpp. hanc excogitarunt conciliandi rationem: ut siquidem feudum à primo auctore non ad descendentes, sed ad collaterales transitum fecerit (quod ex pacto fieri posse suprà audivisti) tunc ad septimum usque gradum duntaxat succedant agnati: sin autem feudum primò ad descendentes, & deinde ab illis ad collaterales pervenerit, tunc agnati in infinitum succedant, vide *Harim. de feud. obs. 16. num. 9. & trib. seqq. Borch. c. 7. nu. 93. Mozz. c. 5. nu. 76.* quæ distinctio & in Camera est recepta, teste *Myns. cent. 2. obs. 95. & Gail. 2. obs. 150.* & in hac sententia fuisse videtur etiam *Clarus q. 79. nu. 3. & Covar. 3. resolut. 5. n. 4.* Differentiæ rationem hanc reddunt, quia hoc posteriore casu agnati non tanquam agnati,

agnati, sed tanquam liberi primi adquirentis succedunt, & proinde in infinitum: hæc enim est natura feudi, ut in infinitum transeat ad descendentes, *vide Hartm. d. loc. n. 13. & Clar. d. loc.* Sed si verum amamus, in textibus feudalibus hujus differentię, nec vola, nec vestigium, quod dicitur, extat: quare quidam etiam non putant recipiendam, sed potius dicendum, agnatos indistincte in infinitum succedere in quolibet feudo, quamvis in præxi hodie metuendum videatur, ut hoc ægrè obtineamus, *vide Hartm. Pist. lib. 2. quæst. jur. nu. 26. cum seqq. & Bocer. disp. 15. n. 33.* De eo tamen inter omnes convenit, in feudo ligio agnatos etiam si millesimo gradu sint, vel ultra, succedere, ut ex doctrina Baldi refert Duar. c. 11. n. 16.

18. D. *Quid si defunctus agnatus feudum refutaverit, an adhuc ad ejus successionem agnatus admittetur?*

M. Etiam si vasallus defunctus feudum refutasset, tamen adhuc in id succedet agnatus: Intellige primò, si feudum fuerit paternum: deinde, si agnatus proximus, qui successionem sperabat, non consenserit refutanti: tunc enim ad id repetendum nullo modo regressum habet, & præterea, ubi *Accurs. tit. 5. lib. 1. vide tit. 14. lib. 2. & ibi Cujac. & tit. 38. cum seq. & tit. 49.* denique *Cont. in meth. de feud. c. 8.* potest quidem vasallus feudum refutare, siue ei renunciare: verum illa refutatio seu renunciatio tantum quoad ipse vivit, tenet, ipsi q; præjudicat renuncianti, non etiam aliis, ad quos post ejus mortem feudum revertetur, sed quoad illos, pro eo habetur, ac si nulla unquam intervenisset refutatio. Verum hac de re distinctius dicam infra inter modos amittendi feudi.

11. D. *Habesne ulterius, quod de collateralium successionem moneas?*

M. Quod de renovatione investituræ justo tempore petenda suprà dixi in successionem descendentium: idem hinc quoque in agnatis repetitum censeretur debet. Nulla enim hinc est differentia: quamvis jure civili in petenda bonorum possessione distinguatur inter li-

beros ac parentes, & alios cognatos vel agnatos, & illis largius tempus concedatur quàm his, ut audivisti ad §. cum igitur plures, *Inst. de bon. poss. ex l. i. §. largius, ff. de success. edict.* sic etiam ipse hoc loco repetes quæ supra dixi de iis casibus, quibus à successione excluduntur descendentes: quamvis quoad privationem feudi ob delictum vasalli antecessoris aliquantulum intersit inter filium cæterosq; descendentes & agnatos. Illorū enim sæpè durior est ac deterior conditio, quàm istorum. Sed hac de re infra commodius, cūm dicemus de feudo ob delictum aperto, ad quem pertineat. Deniq; recordaberis hīc discriminis ejus, quod supra indicabam esse inter filium & agnatos. Illi videlicet non licere feudum patris amplecti, ejusdem hæreditate repudiata, quod his tamen licet. Differentiæ rationem suo loco exposui: strictius enim filius patri obligatur, quàm agnatus agnato, majoremq; reverentiam debet filius patri, quàm agnatus agnato: de quo vide Forner. c. 13. in fin.

19. D. *Quid de successione conjugum in feudis est juris?*

M. Potuisset quidem hæc quaestio discutī superius, quando agebamus de iis, qui à successione feudi arcentur, ut sunt fœminæ, ascendentes, ut sunt agnati in feudo novo: sed quandoquidem huc reservata est, sic de ea habendum est. Quanquam jure Prætorio vir & uxor deficientibus omnibus cognatis sibi invicem succedant in allodialibus (de qua successione prætoriana, sive specie bonorum possessione audivisti ad tit. *Inst. de bon. poss. & habetur tit. ff. C. unde vir & ux.*) tamen aliud est jure feud. quo successio inter conjuges non est recepta, neq; in antiquo, neq; in novo feudo: ut habetur tit. 15. lib. 1. & tit. 13. lib. 2. in quo titulo observabis, si, pro an, Græcismo quodam positum, ut sæpè etiam in C. Quare si uxor feudum acceperit, & sine liberis mortua fuerit, feudum non acquireretur marito, sed ad dominum revertetur, atq; ita consolidatio fiet feudi cum proptietate, *ad. loc.* Ampliatio hujus regulæ primæ hæc est: Aded id verum esse, ut procedat,

etiam si de feudo simul fuerint investiti cōjuges. Nam & hoc casu pars deficientis domino acquiritur: nō autem superstiti conjugī, ut *tit. 85. lib. 4. feud. & ibi Cujac.* Ratio hujus juris hæc potest adferri; quia non tantum nobis licere debet in bonis feudalibus, quantum in allodialibus. Hæc enim pleno jure nostra sunt: at feuda sunt beneficia gentilitia, & à seniore recognoscenda, quo invito non debent ab una familia in alteram derivari, ut nemini mirum esse debeat, quòd conjunx cōjugi non succedat, *Hot. in diss. feud. c. 19. & in com. ad lib. 2. feud. tit. 13.* hanc assignat rationem, quia constitutiones Imperatorū Conradi & Lotharii, quæ successionem in feudis permiserunt, cū olim nulla esset, nullam faciant mentionē mariti & uxoris: tum quia beneficium concessum mulieri cā mortuā extinguitur. De uxore etiam hæc ratio est, cur illa non succedat marito; quia fœminæ à successionē feudorum arcentur, ut suprà copiosè dictum. Et sanè si filia patri non succedit, quantò minus uxor marito, quæ ipsi nec cognata, nec affinis est. Conjuges enim non sunt affines inter se, sed principium dant affinitati inter alios: ut dixi *ad tit. de gradib.*

20. D. Nullōne igitur casu conjuges sibi invicem succedunt?

M. Exceptio hæc traditur in ipso textu feudali, *d. tit. 15. lib. 1. in verb. nisi specialiter investitus fuerit*, id est, nisi expresso pacto ita convenerit, ut conjunx conjugī succederet, *vide Hart. tit. 43. obs. 16. n. ult.* Ratio exceptionis est, quia magna vis est pactorum, sicut in aliis cōtractibus, ita hīc quoq;, ut suprà docui. Exemplum illustre est in familia Landgraviorum Hassiæ, de quo & Duar. *c. 9. de feud. nu. 19. & c. 11. nu. 16.* se consultum respondisse scribit. Cū enim Henricus Hassiæ Landgravius, hujus, qui nunc rerū potitur, Mauritiū Landgravii propatruus, duxisset filiam Philippi Comitē in Catzenelnbogē, qui fuit ultimus suæ familiæ, curavit se unā cum uxore sua vivo adhuc socero de eo comitatu investiri ab Episcopo Herbipolensi; eaq; occasione

sione comitatus ille Henrico sine masculis liberis defuncto ad Hassiæ Landgravios pervenit. Vide etiam illustre hac de re ipsa consilium Simonis Pistor. quod est in ordine X. *post consilia Modest. vol. 1.*

21. D. *Quid si feudum sit sæmineum?*

M. Ne tum quidem maritus uxori, vel hæc illi succedet, quæ est altera ampliatio, nusquam enim hoc feudum reperitur exceptum.

22. D. *Quid si feudum marito in dotem datum sit, an non tum saltem maritus id lucrabitur?*

M. Ne tum quidem in eo feudo maritus uxori succedet: quæ est tertia ampliatio regulæ nostræ comprehensa *tit. 13. lib. 2.* Sed hoc loco, memineris distinguere inter patrem & filiam: pater enim non potest sine domini, & in feudo antiquo etiam agnatorum consensu, feudum pro filia in dotem dare, §. *donare, tit. 9. lib. 2.* idq; etiam tunc facere prohibetur, quando nulla alia bona habet, unde filiam dotare possit, ut docet Wurm. *tit. 51. observ. 19.* Ipsa autem mulier pro se feudum in dotem dare potest, *d. tit. 13. & tit. 17. lib. 2.* sicut etiam potest quis fundi alieni usumfr. in dotem dare, *l. 6. & l. 18. C. de usufr. l. 7. §. 2. & l. 66 ff. de jure dot.* sic etiam potest res fideicommissio obnoxia in dotem dari, *l. 6. mulier, §. pen. ff. ad SC. Treb. Nov. 39.* Sed his duabus conditionibus filia feudum in dotem dare potest. 1. Si dos inæstimata sit. 2. ne apponatur pactum de lucro dotis.

23. D. *Quæ est hujus differentie ratio?*

M. Fortassè illa, quia mulier dominium dotis naturaliter semper retinet, *l. 30. in rebus, C. de jure dot.* Ac in patre dotis datio est quædam alienatio, quæ vasallo in feudis prohibetur, *d. §. donare, & tit. 55. lib. 2.* ita ferè & Zalsp. *9. n. 7.* & Clar. *q. 36.* quæ tamen ratio non satisfacit Horom. qui *ad tit. 9. & tit. 13. lib. 2.* tentat, posse etiam patrè vasallum genero suo feudum, titulo dotis concedere, dummodò is sit homo militaris, æquè idoneus, atq; suus socer, ita tamen ut redditus tantum

prædiorum solvantur genero, & feudum mortuo focero sine liberis redeat ad dominum: Quia, inquit, etiam extraneo, dummodò sit miles, feudum cedi potest, id est, potest quivis etiam extraneus subinfeudari, tit. 34. lib. 2. in quo tamen vir doctissimus parum constare sibi videtur, cum alibi scribat: Omnem subinfeudandi potestatem vasallo ademptâ videri *per consuet. Frider. I. de prohib. feud. alienat.* Illud extra dubium est, posse patrem vasallum ex fructibus feudi dotem constituere filia, quamvis non requisito consensu senioris, vel agnatorum, de quo Zas. p. 9. num. 8. Horum enim ipse pleno jure dominus est: ideoq; de ipsis pro arbitrio statuere, arg. l. 21. in re mandata, C. mandat.

24. D. *Quid si statutum adsit, ut maritus uxore sine liberis mortua dotem lucretur?*

M. Hoc statutum (quod est creberrimum) ad feudalialia bona nihil pertinet: ut rectè Bald. Laudens. aliique add. t. 15. lib. 1. Et hæc quarta sit regulæ ampliatio.

25. D. *Si feudum à muliere in dotem datum sit marito, uter præstabit jusjurandum fidelitatis?*

M. Maritus fidelitatem domino jurabit nomine uxoris. Exemplum illustre est in historia Boëmica & Austriaca in Rege Ottocaro & Rudolpho I. de quo vide Æneam Sylvium Hist. Boëm. c. 77. & Ioan. Aventinum 7. annal. Idem exemplum attingit Hotom. ad tit. 13. lib. 2. feud. & Cujac. ad tit. 12. lib. 1.

26. D. *An non saltem aliquam partem bonorum feudalium conjugis superstes conjunx lucrabitur?*

M. Ne partem quidem, verbi gratia, quartam aut tertiam (quæ uxori superstiti jure Rom. aut legibus Longobard. interdum dicitur) potest maritus ei in feudo assignare, ut disertè cautum est §. ult. tit. 8. lib. 2. ubi Accurs. vide. Atq; hæc quinta est regulæ ampliatio.

27. D. *Quid si feudum sit morè hereditarium, vel transitorium ad quoslibet heredes, an non tunc locum habet editum unde vir & uxor?*

M. Ita sanè volunt Interpp. ut videre poteris apud Schrad. p. 7. 6. 7. n. 28. & apud Rosent. 6. 7. q. 133. Et hæc



nova est exceptio regulæ, si modò vera. Verùm textu hac de re destituimur.

28. D. *Sed an fiscus aliquando in feudum succedit, si videlicet omnes & descendentes, & agnati è medio sublatis fuerint?*

M. Jure quidem civili bona vacantia, quæ hæredem nullum habent, neq; legitimum, neq; honorarium, pertinent ad fiscum, ex l. Iul. & Pap. videl. 96. §. 1. ff. de leg. 1. l. pen. C. de præpos. sacri cub. lib. 12 & tit. C. de bon. vac. lib. 10. cujus tit. l. ult. fiscus abusivè aliquoties appellatur ærarium, quæ duo propriè loquendo plurimum differunt, ut satis colligitur ex panegyrico Plinii, aliisq; locis, & docet Asconius Pædian. Quæ bona vacantia negant Impp. in l. 1. C. d. tit. de bon. vacant. deberi civitatibus fortè sibi ea vindicantibus, velut ex permisso, aut privilegiorum suorum obtentu. Ita, inquam, jure civili obtinet. Sed aliud est jure feudi, quo fiscus non succedit deficientibus vasalli & liberis & agnatis. Quin potius tunc feudum revertitur ad dominum, arg. tit. 1 tit. 14. r. 20. lib. 1. & tit. 12 tit. 28. in §. his consequenter, lib. 2. feud. ni fortè & dominus ipse non reliquerit ullos hæredes. Quo casu existimaverim jus civile de successione in bona vacantia suum vigorem obtinere, cùm nunquam jure feudali fuerit abrogatum, arg. §. si renuus, lib. 2 tit. 1. junct. l. sancimus, C. de testam. & l. precipimus, C. de appell. An autem bonis vasalli ob crimen aliquod publicatis possit fiscus etiã feuda occupare, alia est questio, de qua vide distinctionem Clari q 84 §. feudum.

## CAPUT XVII.

*De Ganerbinatu, von Bauerben / vnd Banerbschafft.*

1. D. *Post expositam successionis feudalis doctrinam faciamus hic digressionem quandam, non valde opinor alienam ab instituto, & videamus nonnulla de jure eorū, qui à nostris hominibus vocantur Ganerben: quos equidem in tra-*

*Statione causarum feudalium interdum nominari audiri, sed nondum plenè cognoscere potui quales tandem hi essent, quòvò jure censerentur. Hoc igitur abs te expecto, ut me doceas.*

M. Vocemus sanè ficto nomine Ganerbios, & jus ipsum Ganerbinatum.

Credo autem paucos reperiri, qui horum notitiam habeant cetrâ atq; exploratam. Mihi quidem de eorum jure pro re nata ex aliis discendi causa quærenti hoc aliquando contigit, ut nōnulli ingenuè faterentur se nescire: aliqui verò obscurè; alii variè responderent. Neq; id sane mirum, non enim quisquam de his, quod equidem sciam, ex professo literis aliquid mandavit: quamvis & in constit. Imperii, sive Reichs Abschieden aliquoties, & alicubi in Speculo Saxonico, & in consiliis Modestini Pistoris nominentur die Ganerben. Locum juris Saxonici art. 17. etiam Hoto. laudat in Lexic. verb. feud. in verb. heredes accelerantes. Operæ pretium itaq; me facturum arbitror, si hac tota de re, quæ ego non indiligenti habita inquisitione adhuc indagare potui, colligam & proponam. Et tibi autem & aliis hæc tantò gratiora fore confido, quantò difficilius erit apud alios talia reperire. Ibo autem per hæc quinq; capita, dicturus videlicet primùm, quid verbi sit Ganerben / & qualia sint bona, quæ vocantur Ganerben güter. Secundò, quæ sit origo hujusce Germanici instituti, quis ejus finis, sive cui bono res inventa sit. Tertiò, quomodo constituentur die Ganerben / & Ganerben güter: sive, quid ad constitutionem Ganerbinatus requiratur: quomodo etiam differat à Majoratu, & à prælegato familiæ. Quartò, quo jure censeantur hujusmodi & homines & bona: an, & quānam in re ab aliis communiter vassallis & bonis feudalibus distent. Quintò, quomodo Ganerbinatus extinguatur. Ad hæc capita nō incommodè revocari posse existimo, quicquid de jure Ganerbiorum seu Ganerbinatus quæri aut disputari potest: & his quoq; capitibus facile adjici poterit, si quid à nobis fuerit prætermis-  
missum,

missum, & ab aliis posthac in usu vitæ observatum. Nam hæc talia usu potius quàm ex libris discenda sunt, recteq; & laudabiliter facerent illi, qui observationes practicas cōscribunt & edunt, si ejusmodi singularia potius colligerent, & nobiscum communicarent, quam alia sexcenties dicta repetentes.

1. Igitur ad nomen quod attinet, id Germanicum esse, & quidem compositum àb Erben / quod hæredem nobis denotar, cuius facile adparet. Sed prior compositionis syllaba, seu pars cujusmodi sit, quidvé sibi velit, non omnibus obvium est. Nonnulli Etymon ei assignant à Gehen / quod est Germanicis *ire* seu *proficisci*, ut sint Ganerben / quasi Gangerben. Videri etiam possit deductum à Gehen / quod *festinum* vel *festinantem* significat, atq; ita sentisse videretur auctor juris Saxonicæ, quando licet angustius definit Ganerbios, ad quos hæreditas à linea descendenti veluti citò & festinanter transit, auff welche das Erb niederwartz entet vnnnd gehet.

Quam significationem etiam respexerunt, qui Latine Ganerbios verterunt hæredes accelerantes, ut supra ex *Speculo Saxonico*, & *Hotom. Lex.* locum protuli. Latius quoq; eadem dictio sumitur: Daß nemlich alle die Ganerbē heissen / die sich gleich nahe zu der Eyp ziehen / es sey Mann oder Weib. Sed hæc istius verbi notio non est amplius in usu. Alii, & quidem rectius aut certè probabilius, putant corruptum sive contractum esse nomen ex eo, quod integrum foret gemeyn Erben / quasi dicas *communes heredes*. Unde ab aliquibus etiam *condomini* adpellantur. Fuerunt enim tales antiquitus ita conjuncti, sicut apud Græcos qui vocantur *ὁμόδαιπνοι*, vel *ὁμόκταπνοι*, (die bey einem Rauch vnnnd Feuer leben / vnnnd auß einem Hæfen essen.) Possunt etiam dici *ὁμόφυλοι* & *κοινωνοί*: sic collegia Canonicorum (quæ hodie sunt opulentissima) initio hoc modo fundata institutaque sunt, ut Canonici ex eadem olla cibarentur, à quo primævo more vivendi quantum recesserint, palam est, dum videlicet quisq; ferè pro se vivit, & propriam alit aulam ac familiam. Jus Saxonicum alibi de

his ita loquitur: Burger oder Burgmann heissen die Ganerben vnd Edelkeuth/so vor Alters vnder einem Burgtherien auff einer Burg gewohnet haben/da sie dann der Burg Burger genennt worden. Item alibi: Burglehen heissen solche Lehen/da ihr viel Edelskeuth oder Ganerben / wie mans jetzt nennet / in einer Burg oder Schloß zusammen haben Lehen vnnnd Lehenrecht von Fürsten vnnnd Herrn/denen die Burg zugehöret.

Maneat igitur illud, Ganerbios videri dictos esse quasi Communem Erben / communes hæredes & condominos: & Ganerben güter / sive Ganerbschafft dici ea bona, quæ prædicta lege a condominis sive Ganerbiis possidentur.

De origine autem & fine hujusce instituti, hæc ferè sunt quæ accepi. Exstitit hæc res in Germania ea tempestate, quando vis potior erat jure, (da das Baujrecht im Schwang gieng) & *zwei Sitten* prævalebant, ut secundum Varronem: Qui potè plus urgeret atq; opprimeret imbecilliores, pisces, ut sæpè minutos magnus comest, ut aves enecat accipiter: ac nimis sæpè verum evadit, quod versu Marcelli Palingenii Stellati dicitur: *Cui vis est, jus non metuit: jus obruitur vi.* Tum ergò ante promulgatam pacem publicam, (quam vocamus den Landfrieden) cùm passim itinera latrociniiis intuta atq; infesta essent, & latrones atque prædones asyla sua in arcibus apud ejusdè farinae homines, qui similiter ex rapto vivebant, haberent, alii honestiores & generosioris animi ac spiritus nobiles, quibus invisa essent ejusmodi latrocinia, etiã ipsi arces munitiones sibi extruxerunt, in quas sese cum familiâ ac rebus pretiosioribus, tanquam in receptus tutos, & securas mansiones, ingruentibus latrociniorum & depopulationum tempestatibus, conferrent. Quòq; major esset ipsorum inter se conjunctio, peculiares quasdam confraternitates certis pactis inter se instituerunt, in eum finem, ut se suasq; facultates contra vim & incursiones hostiles conjunctis viribus defenderent. Cùm autem se solos sibi ipsis ad defensionem sui & suorum contra vim potentiorum nondum sufficere animadverterent: in tutelam sese ac protectionem

nem vicinorum quorundam Principum tanquam vassallos contulerunt. Fuit igitur inter Ganerbios quædam societas, fraternitas & confœderatio, sui defendendi causa coita, certisq; adstricta legibus, quas leges seu conventiones adpellarunt den Burgfrieden. Ex quo intelligimus, etiam sub capite de pactis feudali-  
bus non incommodè hac ipsa de re explicari potuisse. Poterat etiam locus dari huic argumento *in cap. de success feud.*

Cæterùm ut solent etiã bonæ res paulatim ad deteriorem statum inclinare atq; degenerare, ita etiam de hac societate seu confœderatione factum est, ut scilicet quamvis initio ex honestissimis & probatissimis causis instituta fuerit, tamen in abusum tandem venerit, & nobiles illi condomini sive Ganerbii freti arcibus ac munitionibus suis non solum in defensionem sui incubuerint, verùm etiam alios per vim invadere atq; opprimere cœperint, aut etiam aliquos suæ societatis injusta patrantes receperint. Quocirca ipsorum insolentia & audacia publicis legibus, & Imperialibus constitutionibus tandem fuit refrenanda. Nam Imp. Maximilianus I. in Comitiiis Augustæ celebratis, anno 1500. inter alia, quibus pacem publicam saluberrimè sancivit, prohibuit, ne condomini sive Ganerbii cum qui in bannum Imperialem incidisset, quamvis alioqui participet jus illius arcis, quæ inter plures communis est, ingredi eam patiantur, sed proscriptum à sua societate excludant, foresque ipsi occludant, quàm primùm declaratio banni ipsis infinuata fuerit: sin secus faxint, & nihilominus bannitum sive proscriptum permiserint gaudere possessione arcis communis & fructuum perceptione, maximeq; si personam ejussecum toleraverint; tum ut ipsi quoq; receptatores in pœnam pacis publicæ violatæ incidisse declarentur ac pronuncientur: quod planè congruit cum dispositione juris civilis Romani, *l. i. D. de recep.* ubi pessimū genus receptatorum esse dicitur, & petinde puniendum præcipitur atq; ipsi latrones:

quia sine susceptatoribus aut receptatoribus nemo diu latere potest, sive, ut Paulus ait *lib. 5. tit. 3.* sublati susceptatoribus, cupido grassantium conquiescit. Pœna autem illa Comitiiis Wormatiensibus, anni 1495. constituta est ferè quadruplex, quam vernacula lingua referam. 1. Daß ihr Leib und Gut allermenniglich erlaube seyn soll / vnnnd niemands daran freveln soll oder mag. 2. Daß alle Pflicht vnnnd Recht auch Anforderung / die sie haben/sollen gegen den/so ihnen verhasst / todt vnd ab seyn. 3. Daß sie alle Lehen verfallen haben. 4. Daß sie vor vnredlich gehalten werden. Repetita est autem illa constitutio, & renovata aliis Comitiiis Wormatiensibus, anni 1521. deinde in Augustanis, anno 1548. deniq; inserta in ordinatione Cameræ, anno 1555. *part. 2. tit. 13.*

Exempla hujusmodi arcium &munitionum, quæ vocantur Ganerben Häuser/hæc nunc liceat cōmemorare. Prima est arx *Rotenburgeris*, quæ non procul distita est Norimbergâ, & olim pertinuit ad Wildensteinios. Ab his vendita est coronæ Bohemiæ, & tandē pervenit ad Electorem Palat. reservato tamē directo dominio. Hujus arcis condomini sunt plusquàm septuaginta nobiles, quorum unus Burggravius iudicis loco est. Nam (ut hoc obiter dicā) veteribus Germanis nihil aliud fuit *Grass*/ sive *Gravio*, quàm iudex. Quomodo & *in libb. feud. & in legib. Longobard.* sæpè Comes usurpatur pro Iudice, ut videre est *tit. 27. lib. 2. F.* & notavit Hot. *in Lex. feud. item Cujac. ad t. 1. lib. 1. feud.* vide etiam Petr. Heg. *in quæst. jur. quæst. 2.* Hinc composita *Burggraffe* / *Landgraffe* / *Pfalzgraffe* / *Margraffe* / *Centgraffe* / *Salzgraffe* / *Wettgraffe* / *Dinagraffe* / id est, iudex pedaneus, *Gehgraffe*/qui cognoscit de flagrantibus criminibus, &c. Et jure Saxonico comitatus hoc modo definiuntur: *Grassschafft* ist nichts anders/ dann eine Jurisdiction/ oder eine Gegend vnd Wendbild/ welche vor alters den Grassen durch die Keyser vertiehen worden / auff daß sie an ihre Statt daselbst Gerichtszwang hielten/ vnd iederman richteten / dieweit man den Keyser ( als dem vor alters alle Gericht zu hören ) nicht vmb alle Sachen hat mögen bescheiden. Secundò, aliud exemplum præbet *Friburgum*, in *Weteraviâ*, quæ arx etiam est celebris Ganerbinarus, habens item Burgtavium peculiarem, & leges inter

con-

condominos constitutas multis dotata privilegiis, & immediatè subjecta Imperatori, tanquam domino feudi. Tertiò, aliud exemplum est in arcè *Salzburg* ad *Salam* in Francia Orientali, ubi & Imper. *Conradi* (qui cognomen Salici inde adeptus est) regia olim fuit, & lex Salica primùm lata est a *Pharamundo*, ejusque Consiliariis quatuor, qui in ipsa lege nominantur. Hæc arx hodie etiam est domus *Ganerbica*, similiter suum habens *Burggravium*, & sua regalia: neque minus est celebris arx ob jus *Ganerbina*tus, quod habet *Reiffenberg*, infra *Francfurtum* sita, &c. Neque arces solùm *Ganerbicæ* quædam sunt, verùm etiam civitates nonnullæ: ut *Creutzenachum* oppidum situm ad *Rhenum*, condominos habet *Electorem Palatin.* & *Marchionem Badensem*: sic *Schmalcaldia* dum viverent *Comites* & *Principes Hennenbergenses* ex parte dimidiâ ad ipsos, ex altera pertinuit ad *Landgravios Hassie*, hodie *Landgravius* solus eâ potitur. Tale quidpiam fuit olim *Hebron*, de quo in sacris literis habetur, & in Decreto *Gratiani*, *Can. Hebron. 13. quest. 2.* De origine & usu *Ganerbina*tus hæc sufficiant.

Sequitur nunc ut de modo constituendi ejus juris videamus. Constituuntur autem *Ganerbii* & bona (ut sic vocem) *Ganerbica*, pactis & conventionibus ipsorum inter se condominorum, qui in confederationem & societatem hujusmodi sese contulerunt, seque sibi invicem certis conditionibus devinxerunt: quibus ferè adcedit etiam confirmatio atque protectio superiorum ac potentiorum, ut Imperatoris majestatis, aliorumve Principum, quemadmodum in superioribus exemplis videre licuit. Cæterùm diligenter discernendus est *Ganerbina*tus, tum à pacto quod vocant *Erbeinigung* / sive *Erverbrüderung* / & receptum est inter familias quorundam Principum, de quo apud *And Geil.* videre est, tum à Majoratu & legato familiae, de quo latè disputat *Gomesius in ll. Taurinorum, fol. 198.* Arius *Pinell. in l. 1. C. de bon. matern.*



*matern. part. 3. & Fernand. Vasq. lib. 1. illustr. controuv. c. 8. num. 7. & alibi quoq;.* Germani hoc legatum vocant *Verfchtungen*/quæ quidem res usitatissima est. Sed hoc interest inter illas & Ganerbinatum, quod legata ejusmodi familiæ potissimum spectant ac restringuntur ad unam duntaxat familiam ejusdem nominis, & originis communis, ita ut semper natu major usumfructum ex ea re prælegata sibi habeat, quoad vivit; eo defuncto, idem jus statim devolvatur ad proximū, qui tunc ætate maximus in ea familia fuerit, atq; ita deinceps. Ganerbinatus autem latius extenditur, nimirum ut ad diversas quoq; familias pertineat, ita tamen, ut uno mortuo, succedat alius ex eadem familia, aut si non extet vel nolit, portio deficientis adcreseat cæteris condominis.

Illud hîc, quando de constitutione Ganerbinatus agimus, minimè est prætereundum: posse aliquem non modò allodialia seu patrimonialia ac propria sua bona sic alterare, ut fiant bona Ganerbica, sed etiam feudalialia, dummodò in his nullum generetur præjudicium vel agnatis, qui pat jus succedendi in feudis habent (ut in antiquis, & in his quæ ex pacto & providentia) vel filiabus in novo feudo succedentibus, si hoc dictum sit. Fieret autem his maximum præjudicium, si legitima ipsarum interverteretur. Quòd autem possit quis propria bona seu allodia sua facere Ganerbica, id hac ratione nititur; quia unusquisque rei suæ legem quam velit dicere possit, utpote liber ejus moderator & arbiter, *l. in re mandata 21. C. mandat.* aliis verò præjudicium creare non potest: nec enim debet alteri per alterum iniqua inferri conditio, nec cuiquam suum jus invito auferri, per jura vulgò notissima. Ita scio Nobilem quendam ditissimum cum haberet duo feuda, & plura allodia satis lauta, agitasse apud animum suum, tam illa, quàm ista convertere in bona Ganerbica, idq; in favorem adgnatorū (quorum etiam voluntatem & adsensum super ea re per literas explorabat, adhibiturus etiam consensum domini

mini feudi: ) & ad familiæ suæ conservationem : qui tamen nobilis priusquàm excogitata exequi posset, & consensum senioris impetraret, (agnati enim jam lubentes consenserant ) rebus humanis exemptus fuit.

De jure Ganerbiorum quo censeantur, hæc pauca comperi : Nullā inter ipsos & alios vassallos ferè differentiam esse; exceptis illis pactis & conditionibus societatis & fœderis inter ipsos mutui. Quamquam enim aliquis in ipsorum societatem receptus, & condominus factus fuit : in aliis tamen rebus persona ipsius non mutatur, neq; desinit esse vassallus aut subditus illius domini, cujus erat antè, quàm in Ganerbinatum daret nomen aut cooptaretur. Quod illam habet rationem, quia pacta inter me & te composita non debent tertio alicui nocere, cùm sint res inter alios actæ. Et licèt interdum totū collegium sive corpus condominorum sua habeat privilegia & regalia ab Impp. sibi concessa: tamen ea non sunt singulorum condominorum, sed pariter omnium. Sic neq; status Imperii ( *Reichsfürstend* ) fiunt omnes, tametsi nonnunquam Baronatus & similia feuda possideant. Inter ipsos autem Ganerbios pacta conventa, dummodò non sint contra bonos mores, & contra leges ac jus publicum, procul dubio observanda sunt, *arg. l. i. § 8. cum simil. D. de pact. & l. i. D. de constit. pœ.* Solet autem plerumq; inter eos qui ganerbinatum constituunt, de eo convenire inter se, ut maximus natus in ea gente sit administrator bonorum, & pro onere administrationis partem aliquam fructuum sibi habeat præcipuam, reliqui fructus dividantur æquis portionibus inter omnes gentiles & adgnatos, qui quidem sint puberes, maximè si vel studiis, vel rei militari dent operam.

Quod deniq; attinet ad modum extinguendi tollendiq; ganerbinatus, quemadmodum societas quælibet renunciatione socii tollitur, §. *manet, Instit. de societ.* ita isti quoq; fraternitati & confœderationi inter

con-

condominos puto posse renunciari ab eo, cui nō amplius liber in illa societate & communione stare, in qua certè invitus detineri nemo debet. Similiter etiam à Protectore sive domino illius arcis, in qua Ganerbinatus est constitutus, liberabitur renunciatione, argumento eorum quæ alibi tradita sunt de refutatione feudi facta a vasallo.

Hæc de Ganerbiis habui quæ adferrem non tam quodd ubiq; plenè adquiesceret animus, quàm ut aliorum studia excitarem, didactra libenter debiturus ei, qui plura aut meliora me docuerit. Adhuc enim non potui invenire qui de hoc iurè (quod recens cuso vocabulo Ganerbinatum adpellari posse dixi) ex professo scripserit. Ne quid autem dissimulem, nève ingrato silentio tegam eorum nomina, quorum instructione pleraq; horū cognovi, erudierunt me *apud* *divos* clarissimi & prudentissimi exercitissimique viri, D. Phil. Camer. D. Abel. Strasburg. & D. Georg. Remus, Jurisconsulti ac Philologi præstantissimi, & Consiliarii inclytæ Reipubl. Norimbergensis. Nec parum quoque à se contulit optimus senex, fide & probitate spectatiss. Matth. Schilherus, ejusdem Reip. Senatui ab Epistolis secretioribus: quibus ut alia beneficiâ refero accepta, sic quoque *Si dæ* *lex* hîc me debere libens merito profiteor, debiturus & aliis, qui me plura meliorave docuerint,

## CAPUT XVIII.

### *De PRÆSCRIPTIONE feudi.*

I. D. Posteaquam & de investitura & de successione feudi satis dictum, tempus esse videtur exponere etiam alios feudi constituendi & adquirendi modos, ex quibus tertium superius faciebas caput præscriptionem, de qua deinceps velim differas.

M. Probè meministi Oeconomix nostræ: quam autem ex Interpretibus nonnulli sunt, qui præscriptionem præmittant successioni, quod per hanc, sicut

& investiturā feudum primò acquiratur, quod prius nullum fuerat: & præscriptionem vocant *presumptam* quandam *investituram*, cum per successionem quæritur alicui, quòd jam antea quoque fuerat apud ejus majores: tamen parum videtur referre quoad ordinem vel etiam rem ipsam, utrum præscriptionem explices antè successionem, an contrà hanc ante illam: dummodò scias hunc esse peculiarem ac separatum à cæteris acquirendi feudi modum, in quo omnes Interpretes conveniunt. Ut autem distinctè procedamus in hoc argumento, quod Jul. Clar. q. 45. non immeritò vocat intricatum, velim te attendere ad quinque diversas quæstiones. Primò enim quærendum est, an & quomodo vasallus feudū adquirat præscriptione contra dominum, quæ sola est propria hujus loci? Secundò, an & quomodo vice versa senior præscriptione adquirat proprietatem, ita ut is qui prius erat pleno jure dominus fundi, fiat alterius vasallus? Tertiò, an & quomodo dominus sive senior præscribat libertatem prædii feudalis contra vasallum? Quartò, an etiam vasallus proprietatem feudi contra dominum sibi acquirere possit præscriptione? Quintò & ultimò, an feudum in extraneum alienatum a vasallo absq; consensu domini & agnatorum præscribi ab eo possit? Agnoscis ipse, multū interesse inter has quinque quæstiones. Nam primæ duæ pertinent ad feudum constituendum: reliquæ verò ad extinguendum & tollendum. De his igitur ordine, si lubet, me interrogare poteris.

2. D. *Faciam: sed illud mihi prius velim explices, quomodo dicatur feudum præscribi, sive per præscriptionem adquiri, cum præscriptio non tam sit acquisitio rei, quàm exceptio actionis?*

M. Verum est præscriptionem propriè loquendo nihil aliud esse, quàm exceptionem, quæ opponitur actioni ad eam elidendam & submovendam, exemplo Græcorū, qui eodē modo dixerunt *παρὰ τὴν ἀκτὴν*. Sic Tertullianus librum scripsit de præscriptione adver-

adversus hæreticos, quo in libro varias exceptiones persecutus est, quibus Christiani Orthodoxi & Catholici adversus hæreticorum insultus munire ac tueri possunt: & notavit eruditissimus Cujac. *in intro tract. sui de divers. temp. præscript. vide & Donel. lib. 5. comment. c. 4.* Verùm tamen receptum est vulgò, ut etiam præscriptio perinde ut usucapio dicatur modus acquirendi, arg. *tit. Inst. de usucap. & long. temp. præscript. §. ex his itaq; Inst. per quas pers. §. l. 2. ei à quo, in fin. D. de usucap.*

3. D. *Quomodo igitur vasallus feudum præscribit adversus dominum, quæ erat prima in hac re abs te propo- sita questio?*

M. Si quis per triginta annos rem aliquam ut feudum possederit, & servitiũ domino exhibuerit, quamvis de eare non sit investitus, præscriptione tamen 30. annorum se tueri potest, quæ regula sumitur ex §. *quis per triginta, tit. 26. lib. 2.* eandemq; probat Accurs. *ad tit. ult. lib. 1. feud. in verb. per triginta annos*, & de ea quidam (ut & D. Hotom.) accipiunt quoq; textum *in tit. 33. in pr. lib. 2. feud.* Quamvis Accurs. *ibid. in verb. aliquo tempore*, rectè moneat, cum locum posse intelligi de uno anno, sive de scientia & patientia domini annua, ut habetur *in §. fin. tit. 26. lib. 1.* qua de re mox latius dicetur. Observabis autem in superiore regula hæc quatuor condiciones, sive hæc quatuor requisita: 1. Oportet ut res fuerit possessa. 2. Ut fuerit possessa tanquam feudum sive animo vasalli, sive jure & titulo feudi, non alio. 3. Ut per triginta annos. 4. Ut possessor servitium exhibuerit domino, sive obsequiũ feudisticum præstiterit. His, inquam, quatuor concurrentibus, vera est præscriptio; quæ hunc habet effectũ, ut perinde quasi investitura intervenisset (quæ revera non intervenit, sed præsumitur tantũ) possit vasallus tanti temporis præscriptione se adversus dominum tueri, si is fortè neget, rem feudale esse, & pleno jure sibi vindicare velit, *vide & Modest. Pist. cons. 31. vol. 2.*

4. D. *Præusquam pergas quas hæc requisita seu conditiones istas breviter mihi explices.*

M. Quædam horum faciliè intelligere poteris ex iis quæ dicta sunt *ad tit. Inst. de usucap.* ut novâ explicatione ferè opus non esse videatur. Verbi gratia: Primò dicebam requiri possessionem: nam sine hac neq; usucapio, neque præscriptio contingit, aut procedit, *l. 25. ff. de usucap. c. 3. de R. l. lib. 6.* Nec satis est possessionem inchoatam fuisse, nisi etiam continuata fuerit: nam interrupta nõ proderit ad usucapionem aut præscriptionem: unde sic inscribitur *tit. in ff. de usurpat. & usucap.* Quot autem modis interrumpatur seu usurpetur possessio, aliàs audivisti, & exponitur à Petro Peccio *ad d. c. 3.* Atq; hanc continuationem putant Interpretes satis indicari ipsa particula (*per*) sequenti *Accurs. ad d. § si quis per 30. num. 2.* Observabis autem, quemadmodum jure civili utilitatis causa recepta est accessio possessionum, ut dixi *ad §. diutina, Inst. de usucap.* ita etiam in feudis eandem habere locum, *arg. §. strenuus, tit. 1. lib. 2.* Secundò, dixi oportere, ut restitulo feudi; pro feudo, animo vassalli, sive ut feudum fuerit possessa. Nam si alio titulo, puta, pignoris, fundum aliquis possederit, non poterit eum pro feudo usucapere, sive jus feudi in eo præscribere, sed jus erit domino quandocunq; voluerit, pignus luere & recuperare: de quo vide *tit. pen. & ult. lib. 1. feud.* Non enim potest quisquam sibi ipsi causam possessionis suæ mutare, *l. 3. §. illud quoq; D. de adquir. poss. cum simil.* Nec jus luendi pignoris tollitur præscriptione triginta annorum, de quo vide Cujac. *ad d. tit. ult. & Borch. cap. 7. de feud. p. 3. n. 6. & plenius in tract. de usur. c. 6. n. 10. & aliquot seqq. Zaf. in §. actionum, n. 63. Inst. de act.* Tertiò requiri aiebam possessionem triginta annorum, eosq; completos esse oportet, adedò, ut si vel unus dies delit, non sit completa usucapio vel præscriptio, *arg. l. 26. §. quoties, ff. ex quib. caus. maj. & dixi ad tit. de usucap.* Nec te moveat, quod jure civili ususfructus aliæq; servitutes longi temporis præscriptione acquirantur, exemplo

rerum immobilium decem annis inter præsentēs, & viginti inter absentes, *l. ult. in fin. C. de præscr. long. temp.* unde dicendum videbatur, etiam ad jus feudi præscribendum tanti temporis spacium sufficere potuisse, cum jus feudi simile sit usufructui: nam cum in feudi præscriptione majus versetur præjudiciū, quam in præscriptione usufructus, &c. Merito etiā longius tempus ad eam requiri debere feudistis visum est, *vide lul. Clar. quæst. 19. n. 1.* Feuda enim inducunt umbram quandam servitutis, ut ex Baldo retulit Zas. *p. 7. nu. 7.* verissimè, quia plurima sunt capita mutue obligationis inter dominum & vassallum, ut infra cognosces. Ergo ubi majus versabatur periculum ac præjudiciū, ibi cautius erat agendum, & tardius concedenda præscriptio. Quartò, dixi necessarium esse ad feudi præscriptionem, ut vassallus domino servitium exhibuerit, *d. §. si quis per triginta, tit. 26. lib. 2.* & quidem satis est vel semel intra triginta annos servitium aliquod præstitum fuisse, etiamsi non quotannis neq; sæpius vassallus servierit: ut communiter tradiderunt Interpretes ad *d. §. si quis per.* Zas. *p. 6. nu. 30.* pro qua sententia facit, quòd textus utitur singulari numero *servitium*: quamvis instare quis posset, infirmum hoc argumentum videri, cum non rarè etiam singularis numerus collectivè usurpetur de pluribus: sed à communi opinione non temerè est recedendum. Quòd autem quidam distinguunt inter *exhibitionem servitii*, & *prestationem*, non videtur recipiendum; cum idem potius utrumq; valeat.

§. D. Sed quid sibi vult, quod de uno anno dicitur in §. *fin. tit. 26. lib. 1. si unus annus sufficit ad acquisitionem feudi, quorum requirimus triginta?*

M. Quod de anno ibi dicitur, de quo & Accurs. interpretatur textum *tit. lib. 2. in verb. aliquo tempore*, id nihil pertinet ad præscriptionem feudi, de qua nos hîc agimus; sed ad conditionem jurisjurandi deferendam vassallo, qui sciente & patiente domino per annum in possessione feudi fuit, ut is domino fortè  
inve-



investituram negante juret, se vel patrem suum de eo investitum fuisse. Ab eo autem qui per triginta annos rem pro feudo possedit, & servitium inde præstitit, non exigitur hujusmodi jusjurandum, quia investitura ex tam longâ patientiâ domini intervenisse præsumitur, vide *Zas. d. part. 6. sub num. 31. Forner. cap. 5. de feod. in versic. non obstat quod de unius anni spacio dicitur, vide etiam Franc. Balb. in tract. de præscript. p. 4. quæst. 12. num. 2.*

6. D. Rursum objicitur ex cap. quodam extraordinario, quod incip. In beneficiis, ubi dicitur jus adquiri longi temporis præscriptione. Non igitur 30 annorum, quæ dicitur longissimi temporis præscriptio, cum longi temporis præscriptio tantum sit vel 10. vel 20. annorum, teste Paul. lib. 5. sent. t. 2. & tit. 8. & tot. tit. C. de præscr. long. temp.

M. Posset quis rejicere auctoritatem hujus capituli, ut quod tanquam extraordinarium non sit receptum in foro. Sed si quis omninò illud urgere velit, argumento eorum quæ scribit Hart. Pistor lib. 2. quæst. 15. n. 59. alterâ utar responsione ex ipso textu illius capituli desumptâ; nempe, ibi agi de bonæ fidei possessione, quæ contenta esse potest longo tempore, id est, decem vel viginti annis. At longissimi temporis præscriptionem, de qua nos agimus, etiam procedere jure civili cum mala fide, l. 5. C. de præscript. 30. vel 40. annor. Dixi, jure civili: nam aliud est jure Canonico, quo possessor malæ fidei nullo unquam tempore præscribit, cap. 2. & ibi Dynus, Petrus Peck. & alii de reg. jur. in 6. c. 5. vigilantia, extr. de præscript. Præterea ibi facta est investitura in feudo alieno à non domino: nos autem loquimur de eo casu, quo nulla intervenit investitura. Quæ cum ita sint, non possum probare quod scribit Jul. Clarus quæst. 29. & repetit quæst. 45. num. 1. si quis diuturno tempore, id est, per decem annos possederit rem aliquam ut feudum, per talem cursum decennii præsumi præcessisse solennem concessionem feudalem. Quod quia manifestè repugnat d. 5. si quis per triginta: merito etiam aliis displicuit. De

hac porrò præscriptione juris feudalis, factâ à vasallo contra dominum, alias etiam quæstiones movet Accursus. *ad d. §. si quis per 30.* de quibus remittit nos *ad l. pen. & qua ibi notantur, C. de præscript. 30. vel 40.* Unde tu quoque, cum usus inciderit, earum resolutionem petere poteris. Illud hoc loco nō est prætereundum, hanc tricennalem præscriptionem, quæ à Theodosio juniore introducta est, eleganter à Cassiodoro *lib. 5. var. epist. 37.* vocari *patronam generis humani*, quia nimirum adfert finem controversiarum, & velut securis est litium: quam ob causam ipsa quoque usucapio bono publico introducta esse dicitur, *l. 1. D. de usucap. l. ult. D. pro suo.* Meminit ejus tricennalis præscriptionis etiam Sidonius Appollinaris, apud quem non rectè *lib. 8. epistolar.* aliqui legere voluerunt *triennalem*, cum verum sit *tricennalem*. Atque hæc de prima quæstione, id est, quomodo vasallus præscribat jus feudi contra dominum.

7. D. *Sed quid juris est in rebus Ecclesiasticis, civitatum sive reipublica & regalibus, an etiam in his feudum præscribitur triginta annis?*

M. Imò contra Ecclesiam & Rempubl. communiter volunt Dd. non præscribi feudum, nisi quadraginta annorum curriculo, & contra Ecclesiam Romanam requirunt etiam centum annorum lapsum, *vide Zas. p. 6. n. 31. & Fr. Balb. d. q. 12. n. 4. & Myns. cent. 4. obs. 29.* In qua sententia etiam est Guil. Forner. *c. 1. de feud.* cui adhærendum puto, quamvis nō ignorem quosdam existimasse quod hîc quoque sufficiant triginta anni: quos nuperrimè sequutus est amicus noster Henr. Bocerus *class. 4. disp. 14. nu. 47.* tribus allatis rationibus, quas ibi videre licet. De centenaria porrò sive seculari præscriptione, qua sola Ecclesia Romana gaudere dicitur, *vide auth. quas actiones, C. de SS. Eccles. & c. ult. 16. quæst. 3. c. 13. ad audientiam, & c. seq. extr. de præscript. ubi Cujac.* Ad regalia quod attinet præscribenda, requirunt tempus immemorabile.

8. D. *An ergo & senior sive dominus proprietatem præscribit*

*scribit contra vasallum, ut is amissâ proprietate jam incipiat esse vasallus alterius?*

M. Maximè: hoc enim postulat natura correlativorum. Si quis igitur à me per triginta annos servitia acceperit pro fundo aliquo, tanquam is feudalisis esset; jam feudalisis esse incipit, licet antea pleno jure meus fuerit. Tanti enim temporis lapsu amissâ proprietate siue directo dominio utile tabrum retineo, ut ex non vasallo efficiar vasallus, *vide Zas. p. 6. num. 35. Clar. q. 19 § 45. Myns. d. obs. 29.* Et plures ad hanc rem allegat Henr. Rosent. *de feud. c. 6. concl. 148.* eaq; res difficultatem nullam habet.

9. D. *An etiam dominus libertatem feudi prescribere potest contra vasallum?*

M. Potest: si videlicet rem per triginta annos pro libera possederit, nemine ab eo investituram illius postulante. Etiam si enim post tanti temporis lapsum aliqui veniant, & ad se tanquam proximos defuncti vasalli agnatos feudum illud pertinere prætendant, non sunt audiendi, sed poterit eos dominus repellere triginta annorum siue longissimi temporis præscriptione. Ita *Zas. p. 6. de feud. n. 33.* ex doctrina Baldi, Præpositi, & Gul. de Cune. eaq; sententia in Camerâ Imperii recepta est, *teste Myns. cent. 7. obs. 28.* Sed hîc illud memineris, agnatis non antè incipere currere præscriptionem, quàm ipsis jus acquisitum sit in feudo, id est, mortuo vasallo, vel aliâs feudo ob culpam privato. Nam nota est regula: Agere non valenti præscriptionem non currere *l. 1. §. ne autem, C. de annal. except. l. 1. C. de div. temp. præscrip.* cujus ratio est æquissima: quia ubi non adest negligentia, quæ alicui imputari possit, ibi non debet esse pœna, *arg. l. sancimus, C. de pœn.* Jam verò agnatus vivente vasallo ad feudum agere non potest, *§. donare, t. 9. lib. 1. F. §. Titius filios, t. 26. lib. 2. & tit. 31. & 37. cum simil.* Viventis enim nullâ est hæreditas, *l. 1. D. her. vel act. vend.* Huic simile est, quod jure civili potest qui servitutem aliquam urbanam debet, libertatem prædii sui usucapere, *l. 4. §. fin. D. de*

*usucap. l. 6. ff. urb. præd.* Item, quod ususfructus nō utendo amittatur, & cum proprietate consolidetur, ut *audivisti ad tit. Inst. de usufr.* quamvis hæc non est dicenda usucapio vel præscriptio, quæ non habet locum in iis quæ amittuntur non utendo, ut docet Paul. *lib. 1. sent. tit. 17. vide Cujac. in l. sequitur, & in l. iusto, ff. de usucap. & Hotom. de feud. c. 20. cumq; unaquæq; res sui naturæ sit libera, arg. l. 8. C. de servit. & aq. faciliè ad suam naturam revertitur, arg. §. cum in suo solo, vers. quod si aliqua, Inst. de rer. divis.* Atq; hæc de libertate feudi à domino contra vasallum præscribenda, quæ omnia intelligere debes de eo casu, quo dominus feudum possidet. Nam si vasallus rem possideat, etiamsi per triginta annos nullum domino præstiterit obsequium, quia fortè nō petebatur, nec ipse se offerebat (quod facere non cogitat) tamen nullo tempore poterit dominus libertatem prædii sui præscribere, §. 1. *tit. 21. lib. 1. feud. §. etiamsi vasallus, & §. licet vasallus, tit. 26. lib. 2. feud. Hotom. d. c. 20.*

10. D. Potestne etiam vasallus proprietatem vel dominium præscribere contra dominum?

M. Non potest: Tum, quia licet possessio per beneficium ad eum pertinere dicatur, §. ult. *tit. 8. lib. 2.* tamen non possidet pro suo, sed pro alieno, id est, non animo domini, sed tanquam vasallus, non sibi, sed alteri possidet: quo casu non procedit præscriptio, *l. 2. C. de præscr. 30. vel 40. ann.* Tum quia est in mala fide, id est, scit rem esse alienam: mala autem fides usucapionem impedit. Et quamvis jure civili longissimi temporis possessio etiam cum mala fide procedat, tamen aliud est jure Canonico constitutum, *c. 3. de reg. jur. in 6. c. 5. vigilantibus, & c. ult. extra de præscript. ut & supra monui.* Cujus juris dispositionem hîc magis sequendam Interpretes tradiderunt. Iisdem de causis nec emphyteuta potest proprietatem præscribere: neque conductor seu procurator alienarum rerum, *l. 12. tum sponsus, §. in vestigalibus, ff. de Public. l. 7. §. ult. C. de præscr. 30. vel 40. ann.* Neque usufructuarius rei, in qua usumfru-

ctum

etum habet, §. *idem placet, vers. fructuarius, Inst. per quas person. l. 8. C. de usufr. l. 10. in fin ff. de acquir. rer. domin.* Neque creditor rem sibi obpignoratam, *l. 10. nec creditores, C. de pignor. act.* Recteq; scribit Fornerius *cap. 5 de prescript. feud.* præberetur ansa perfidiæ, si hoc casu admitteremus præscriptionem, cum à sociis conjunctisq; personis minus nobis caveamus, & facilius nobis obrepere possint, nostramq; rem à nobis neglectâ & jacentem intercipere, sibiq; usurpare.

11. D. *Sed de vectigalibus sive emphyteuticis prædiis quod dixisti, ob stare videtur l. 15. § si de vectigalibus, ff. de damno infecto.* Ubi dicitur per longum tempus acquiri posse ædes vectigales, id est, emphyteuticas, quarum in possessionem ex causâ damni infecti quis misus est.

M. Variæ sunt ad hanc antinomiam responsiones. Respondet Accursius, quod videre potes in glossa utriusq; legis, sed illa mihi omnium verissima videtur solutio, quam & Hoto. probat, *c. 20. de feud. ipsum quidem emphyteutam usucapere non posse, alium verò posse.* Ita Accurs. *ad d. § si de vectigalibus.* Quomodo etiam prædium usufructuarium, licet ab ipso usufructuario non possit usucapi, tamen ab alio, qui ab eo nactus est causam, potest *l. 36. ff. de usu & usufr. leg.* Et manifesta est diversitatis ratio, non enim in re est vitium, quod usucapionem prohibeat, sed in persona tantum, quâ mutata, id est, re translata in bonæ fidei possessionem, nihil amplius est quod obstat usucapioni, quò minus procedat.

12. D. *Cum igitur, quod facile concedo, non possit vasallus contra dominum præscribere proprietatem prædii feudalis, an non saltem præscribet servitia feudalia sive immunitatem & libertatem ab illis, si dominus per longissimū tempus nulla ab ipso exegerit?*

M. Non poterit vasallus ne quidem libertatem acquirere servitiorum feudalium, etiam si per triginta annos neq; ipse aliqua obtulerit domino (quod ut paulò antè dixi, facere non cogitur) neq; dominus

eum de ipsis sibi præstandis interpellaverit, fortè quia non indigebat. Eademq; ratione nec civitas, quæ Principi suo militare subsidium præstare debet tempore belli, ejus libertatem præscribere poterit adversus Principem, qui diutissimè nullum exegit subsidium, nullâ videlicet urgente necessitate exercitus colligendi. Ita ex doctrina Bart. *ad l. in filius, num. 2. C. de agric. & cens. lib. 12.* annotant Andr. Gail. *lib. 2. obs. 60. nu. 4. & 5.* Onera (inquiunt Imperatores) etsi necessitas non exigit, tamen patria non remittit: quædam enim, ut ibidem ait Accurs. *ex l. ei fundo, D. de servitut. haberi possumus*, etsi nobis utilia non sint, id est, quamvis non assiduè iis utamur. Adcedit quòd ea quæ meræ sunt facultatis, (ut exigere servitia, vel non exigere) nullo unquam tempore præscribi dicuntur, neque amitti non utendo, *c. ult. ubi gl. extr. de privil. vide Rosenth. de feud. c. 6. concl. 156. & seq.* Alii tamen putant præscriptionem liberationis currere, si dominus cùm indigeret operâ vasalli, aliorum auxiliis insuper destitutus, tamen per triginta annos vasallum non interpellarit, atq; ita effecerit, ut ipsi aliqua desidia imputari possit: vasallus autem fuerit in bona fide, credens scilicet non esse feudum, sed allodium; puta, quia in alterius jus successerat, idèd probabili ignorantia ducebatur, *arg. l. qui in alterius, D. de reg. jur. quæ sententia probabilis mihi videtur, vide Fr. Barb. de præscript. d. q. 12. n. 15. & seq.*

13. D. Restat ex superiori distributione ultima explicanda quæstio, an videlicet feudum à vasallo absq; consensu domini & agnatorum alienatum possit præscribi triginta annis ab extraneo, siue tertio, in quem alienatio facta est?

M. Nobilissima sanè hæc quæstio est, quæ rursus bipartita constituenda est. Aut enim hoc quærimus, an præscriptio valeat contra dominum? aut de agnatis quæritur, an illis obstat? Dicam prius de domino. Est autem hac de re maxima inter glossographos, & Dd. contentio atque altercatio: an exceptio triginta annorum obstat domino volenti vindicare bona feudalit

dalia per vasallum absque suo consensu alienata, vel quæ vasallus ab alio usucapi patitur? nam & hæc species quædam est alienationis, l. 28. *D. de verb. sign.* Alii ajunt, alii negant. Utriusq; partis auctores & sectatores vide apud Wurm. tit. 57. obs. 13. nu. 1. & 2. & apud Fr. Balb. d. q. 12. n. 9. & duob. seqq. item apud Joh. Angel. de Bisutio in cons. quodam quod est inter responsa Zasii lib. 2. cons. 15. Quidam distinguunt inter scientiam & ignorantiam domini, ut contra eum quidem qui scit alienationem feudi, currat præscriptio 30. annorum, contra ignorantem non currat; quam distinctionem communiter reprobari testatur Wurm. d. loc. in fin. utpote contrariam textui in §. *præscriptione autem*, tit. 9. lib. 2. feud. Alii deniq; distinguunt inter eum, qui bona fide possidet rem feudalem à vasallo, & inter eum qui mala fide, ut scilicet ille præscribat contra dominum per 30. annos; hic non nisi tempore immemoriali, cujus in contrarium memoria non extet. Distinguunt quoque quidam inter primum emptorem bonæ fidei, & secundum similiter bonæ fidei, & illum quidem volunt præscribere 30. annis; hunc autem decem vel viginti. Ita Schrad. p. 5. c. 4. nu. 9. & 11. Inter eos qui ajunt, domino præscriptionem 30. annorum obstare, est etiam Cujac lib. 4. feud. tit. 49. & in fin. lib. 5. feud. ad Nov. Constantini de præd. milit. ejusque fidelis discipulus D. Borch. c. 7. de feud. p. 3. n. 13. cum trib. seqq. in quo sequuntur glos. ad §. *præterea*, tit. 40. lib. 2. feud. Ad text. autem in d. §. *præterea*, & in c. Imperialem, t. 55. ubi dicitur, nulla obstante præscriptione: item nullius temporis præscriptione impediende posse dominum revocare omnes alienationes feudi, sine suo permisso factas, ita respondent: ibi tantum prohiberi seu excludi longi temporis præscriptionem 10. vel 20. annorum: quam ad rem adducunt auctoritatem Guntheri lib. 8. qui constitutionem Friderici prohibitoriam alienationis feudi, id est, d. tit. 55. paraphrasi poetica illustravit. Is enim longi temporis præscriptionem nominat. Versus hi sunt:



*Si quis habens feudum, pretio seu vendere totum  
 Seu pro parte velit, dominiq; licentia desit;  
 Seu dare seu vadio supponere cogitet, illud  
 Qui dedit amittet; nec qui suscepit habebit,  
 Nullaq; vel longi præscriptio temporis obstat,  
 Quod minus ad dominum redeant translata priorem.*

Ita illi. Mihi longè alia mens est, & contrarium verius videtur, quod pace dissentientium, quorum memoriam veneror, dictum velim. Habeo assentientes non solum veteres illos patres, Pileum, Ardizonem, Iferniam, Hostiensem, Socinum, Lud. Romanum, & alios quos allegat Joh. Angel. de Bisutio in d. conf. 15. n. 11. & 43. sed etiam recentiorum aliquos, ut *Moth. de Afflict. ad §. præterea, de capit. Conradi, item in decis. 254. Jul. Clar. quest. 45. num. 2. & 4. Duaren. de feud. c. 8. num. 4. Forner. c. 5. in fin. Hotom. c. 20. prope fin. & Giphani. in tract. de feud. sub c. de præscript. feud.* quibus accessit denique Andr. Fachin. lib. 7. *controv. jur. c. 61.* Et Jul. Clar. quidem d. loc. scribit, possessorem rei feudalis irrequisito domino alienatæ, non posse eam præscribere contra dominum spacio triginta vel quadraginta annorum; sed tantum per cursum centum annorum. Nec dubitat ibidem dicere, hanc resolutionem esse magis communem: cujus rationem assignat hanc; quia possessor, cui jus commune resistat, non sit audiendus, si alleget præscriptionem. Fornerii hæc sunt verba: *Quod dicitur tit. 55. dominum revocare posse alienationem feudi, nullâ præscriptione obstante; id nonnulli ita diluunt, ut præscriptio intelligatur 10. vel 20. annorum, non triennalis: quod mihi non placet.* Itaq; verius esse crediderim, hanc quoq; tricennalem intelligi ac rejici, quoties feudum contra præcepta legum, dominiq; voluntatem alienatur, ut singulare sit, nullâ possessione, nullâ exceptione domini directi jus convelli posse. Nam cum malæ fidei possessori non suffragetur, malæ fidei possessor sit is, qui contra leges & interdicta mercatur, l. 7. *C. de agric. & cens.* non dubium est alienati contra Imp. constitutiones feudi præ-

præscriptionem defendi non posse. Hotomanus eodem modo ait, hinc in re feudali omnem præscriptionem removeri, quomodo jure civili per legem Juliam repetundarum. Nimirum hoc vult dicere, legem esse impedimento huic usucapioni seu præscriptioni, ut loquitur *Bona Fides*, ff. de reg. jur. & lex hoc ipso quod prohibuit alienationem feudi invito domino, etiam usucapionem prohibuisse videtur, arg. d. l. 28. ff. de verb. signif. atq; ita vitio quodam ipsam rem affecisse, perinde ut l. 12. tabb. & l. Attinia, item l. Julia & Glauicia, cum prohibuerunt usucapi res furtivas & vi possessas, § furtiva, Inst. de usucap. Idem tamen Horo. posterius putat totum istud jus fuisse abrogatū per constitutionem Friderici II. quæ extat lib. 3. constit. Neap. tit. 38. qua admittitur tricennalis præscriptio feudi: sed ex hoc ipso satis adparet, constitutionem Friderici I. sic accipiendam esse, quod in ea prohibeatur & removeatur etiam triginta annorum præscriptio: nam alioquin alterā illa constitutione Friderici II. non fuisset opus.

14. D. Ut tanò melius possim aliquando suscipere veritatis defensionē in tanta multitudine dissidentium, quas o mibi & fundamenta plura hujus sententia commonstres, & doceas me, quo pacto ad locum Guntheri, quo Cujacius aliiq; nituntur, respondendum sit.

M. Nihil fere amplius desiderabis, si prædictum in hac materia consilium pulcherrimum apud Zasium relegeris, nisi quod Guntheri nullam ibi mentionem facit, qui eo tempore recēns lucem aspexerat; fortasse nondum = isus ejus consilii auctori. Rationes autem sententiæ nostræ potissimum sunt istæ, quarum uberiorem explicationem ex illo consilio licet petere. Primum, quia Impp. universali oratione utuntur: *Nulla obstante præscriptione*. Item: *Nullius temporis præscriptione impediēte*, d. tit. 40. & tit. 55. lib. 2. feud. Quare cum ll. generaliter loquentes etiam generaliter sint accipiendæ, valdè profectò inconveniens esset, & cavillationi proximum, ea verba restringere tantum ad

ad præscriptionem longi temporis: nam ubi textus non distinguit, neq; nostrum est distinctionem adhibere: & qui totum dicit vel negat nihil excludit. Secundò, quia si dicamus tantum prohibitam esse eo loco præscriptionem longi temporis, id est, decem vel viginti annorum, nondum plenè satisfactum erit fini, scopo & consilio legislatoris. Voluit enim Imperator consulere utilitati publicæ totius regni, ut ea incorrupta persisteret. Iminueretur autem & violaretur illa, si liceret alienare feuda, & alienati feudi revocatio excluderetur præscriptione, non quidem decem vel 20. sed tamen 30. annorum. Quid ita? Quia non amplius possent vasalli cum dominis suis expeditionem suscipere, neque subsidium & adiutorium militare ipsis præstare, quas hostenditias Feudistæ vocant. Hæc utilitas æquè militat in longissimi atq; in longi temporis præscriptione. Tertiò, quia Imp. voluerunt suas illas constitutiones prohibitorias perpetuò & in omne ævum valere: Ergò contra alienationem ab ipsis prohibitam nulla ne longissimi quidem temporis præscriptio currere debet. Quartò, quia absurdum foret dictu, constitutionem Friderici I. quæ extat *d. tit. 55.* frustratorie promulgatam esse: planè autem frustratoria & supervacanea esset, si tantum excluderet 10. vel 20. annorum præscriptionem, non etiam 30. quia illa jam antè erat exclusa: fuisset enim ab omni ratione alienum, vasallum quidem 30. annis præscribere suum jus, quod vocant utile dominium, idq; tanto tempore dominum perdere: & eundem citius amittere, vel plenum dominium vel directum, cum tamen in hoc majus verferetur præjudiciũ. Quare ut hoc absurdum effugiamus, statuendum est, per constitutionem illam Friderici prohiberi præscriptionem aliquam quæ sit ultra vicenariam, id est, etiam longissimã, nempe triginta vel quadraginta annorum, quæ antea in feudis erat recepta, & domino obstabat alienationem revocare volenti, alioqui nova illa constitutio nihil operabitur, cum tamen con-

stet

ſter ex ipſius Friderici conteſtatione, quòd voluerit  
 plenius ac pinguius providere dominis, quàm antea  
 fecerat Lotharius. Quintò, quia actio in perſonam,  
 qua dominus vaſallum cogere poteſt ad recognoſcē-  
 dum feudum, & fidelitatem præſtandam, non niſi 30.  
 ann. præſcribitur, *arg. l. ſicut, & l. ult. C. de præſcript. 30.*  
*vel 40. ann. l. 2. & ibi gl. in verb. triginta, D. de conſtit. pec.*  
 Ergò non poteſt citiùs præſcribi proprietas contra  
 dominum, puta 10. vel 20. annis. Eſſent enim pugnan-  
 tia, aliquem privatum eſſe dominio, & tamen adhuc  
 retinere actionem, qua cauſam dominii ſibi conſer-  
 vet. Sextò, quia etiam alienatio feudi ad pias cauſas  
 facta ultra triginta annos revocari poteſt, ſi vaſallus  
 ſcilicet feudum judicaverit pro anima, ut Feudiſtę lo-  
 quuntur: nam legatis ad pias cauſas jure civili tan-  
 tùm quadraginta annorum obſtat præſcriptio, §. *pro*  
*temporalibus, Novell. de Eccleſiaſt. tit.* Voluit ergo Fride-  
 ricus etiam longiſſimam præſcriptionem excludere,  
 cùm & antea minor præſcriptio hoc caſu non curre-  
 ret: alioqui planè ſupervacanea eſſet ipſius conſtitu-  
 tio. Septimò, argumentum ſumi poteſt ex particula  
 (*hactenus*) uſurpata ab Impp. *d. t. 55.* quam volunt Dd.  
 comprehendere tempus 40. & ultra annorum, *c. vene-*  
*rabilis, & ibi Dd. c. cum ex officio, extr. de præſcript.* Videtur  
 ergo etiam quadraginta annorum præſcriptio hoc  
 caſu ſublata. Fateor tamen hoc fundamentum paulò  
 imbecillius eſſe, ſicut & illud octavum, quod ducitur  
 à fortiori, hoc modo: In feudis ſublata eſt præſcri-  
 ptio 10. vel 20. annorum, ut glosſa & plerique omnes  
 Dd. fatentur: Ergo multò magis ſublata cenſeri de-  
 bet præſcriptio 30. vel 40. annorum. Connexi ratio,  
 quia illa eſt favorabilis, utpote quæ habeat titulum  
 & bonam fidem, hæc verò eſt odioſa. Si ergo tollitur  
 quod eſt favorabilius, multò magis ſublatum cenſeri  
 debet quod eſt odioſum. Sed, ut dixi, hoc argumen-  
 tum infirmius videtur, quo tamen Johan. Angel. *d. loc.*  
 etiam inter cætera uſus eſt: nimirum, ut *Quæ non pro-*  
*ſunt ſingula, multa juvent.* Verùm ubi firmiores adſunt  
 ratio-

rationes, multò melius consulit causæ, qui inferiores prætermittit, ne etiam benè firmas reddat suspectas. Nona ratio hæc esse potest, quia omnis alienatio feudi est prohibita, *d. tit. 55.* Ergo etiam omnis præscriptio, *arg. l. 28. ff. de V.S.* Si omnis præscriptio: ergo etiam triginta & quadraginta annorum, non tantum decem & viginti: quia hæc non esset omnis præscriptio, sed tantum longi temporis. Decimò, ubi eadem ratio militat, ibi idem jus statui debet. Atqui in prohibenda præscriptione feudi 30. annorum eadem ratio militat, quæ in prohibitione præscriptionis longi temporis. Nam æquè adversatur utilitati dominorum feudi, & publicæ totius Imperii Romani præscriptio longissimi temporis, atque longi: Ergo de illa idem fieri debet judicium, ut scilicet dicamus, tam esse sublatam atque exclusam longissimi temporis, quam longi præscriptionem. Accedat undecimò glossæ autoritas *in tit. 8. lib. 2. in verb. per longa tempora*: ubi ait, idem esse intelligendum de longissimo tempore, maximè hodie; quia alienatio videtur prohibita: ut ita possimus glossam glossæ opponere, cum in alio loco contrarium statuat, nempe *in §. præterea, tit. 40. lib. 2.* in qua etiam ponderandum est verbum finale, (*ut puto*) quod certè non tam affirmantis quam hæsitantis est. Cum ergò ipsa glossa ibi non firmes pedes, ut dicitur, lubrica etiam vestigia esse necesse est eorum qui illam sequuntur, cum præsertim ipsi textui vim faciat. Est autem & à glossa & à communi opinione recedendum, quoties vel falsæ sunt, vel probabilibus rationibus convinci possunt, ut præclare docetur à Johan. Angelo *in d. cons. 15. num. 43.* Et mascula est vox Zassii *in comment. ad §. rursus, num. 28. Instit. de action.* Ego, inquit, in nullius verba juravi, a nullius fune pendeo: id quod mihi ex textibus fundatum videtur, hoc sequor, securus opinionum hujus vel alterius. Quam in sententiam idem alibi quoque multa scribit, maximè in singularibus intellectibus.

15. D. Intellexi fundamenta sententia illius, quæ vult, dominum non excludi præscriptione triginta annorum, quod minus possit revocare feudum à vasallo alienatū. Sed nonnullos mihi scrupulos injicit glossa d. §. præterea, tit. 40. quæ ne videatur sine ratione in contrarium discedere, aliquot indicat argumenta, quibus moveatur. Hac igitur velim paucis diluas, atq; ita scrupulum mihi omnem exemeris.

M. Nihil te moveant, quæcunque in contrarium afferuntur. Nam primò nihil obstat quod dicitur: Omnem actionem excludi spacio 30. vel 40. annorū, l. sicut, l. omnes, C. de præscr. 30. vel 40. ann. id enim de illis est intelligendum, quibus antea nulla fuerat præfixa meta: non autem est trahendum ad eos casus, quibus expressè inhibetur & veratur præscriptio, ut in feudis constat prohibitā per Lotharium & Fridericum. Deinde illa Friderici posterior est dd. ll. C. Ergò hac in parte eas abrogat l. 4. ff. de const. princip. Quod secundo loco ait glossa: Non esse verisimile, Imp. Fridericum voluisse tam leviter uno verbo evertere totam illam observationem de præscriptione longissimi temporis multis vigiliis excogitatam, argum. l. 35. C. de inoffic. testam. ad id respondendum est, non esse hîc opus conjecturis, cum apertè & certò nobis constet de voluntate legislatoris, omnem præscriptionem feudi excludentis, quam voluntatem expressè arguunt verba universalia, quibus utitur, ut & suprà ponderabamus. Secundò, eandem ostendit identitas rationis. Tertiò, ne frustratoria sit & supervacanea ejus constitutio, & alia quæ superius inter fundamenta attuli. Tertiò, quod in glossa dicitur de pœna desidia, & quod contemptores juris sui merito eo carcant, cum jura vigilantibus subveniant, l. 24. in fin. ff. quæ in fraud. creditor. Unde videtur inferendum, domipo obstare præscriptionem 30. annorum, id quamvis fortè concedi possit de sciente, tamen de ignorante verum non est. Hic enim deses fuisse, & suum jus contempsisse dici non potest. Sed & hæc & aliæ rationes d. l. sicut, C. de præscript. 30. annor. in feudis locum non habent,

in

in quibus simul etiam publica utilitas versatur, ut paulò antè dictum.

16. D. *Quid autem ad locum Guntheri respondebis, qui certè cum nominat longi temporis præscriptionē diversæ sententia autoribus multum patrocinari videtur?*

*Nullaq̃, vel longi præscriptio temporis obstat, &c.*

M. Minimè illis patrocinator, si rectè rem consideres: non enim ait, quòd longi duntaxat temporis præscriptio non obstat domino, quò minus ad ipsum redeat feudum translatum: longissimi verò temporis præscriptio ei obstat ac noceat, (quo modo Cujac. & Borch. acceperunt) quasi scilicet dixisset Guntherus, nulla nisi longissimi temporis præscriptio obstat. Non inquam ita; sed hoc potius vult Poëta, quod etiam in constitutione Friderici I. continetur: nullam quantumvis longi temporis sive etià longissimi præscriptionem obstare domino debere, quò minus alienata repetat & recuperet. Accedit quod Longobardi, à quibus magna ex parte jus feudale profectum est, longi temporis præscriptionem usurpare solent pro longissimi temporis, id est, 30. annorum spacio, nec aliud ferè noverunt præscriptionis genus quàm istud, ut in ipsorum ll. quæ tribus libris comprehensæ exstant, viderè licet.

17. D. *Nullane igitur differentia est facienda inter bonæ & malæ fidei possessorem feudi?*

M. Quantum quidem ad revocationem feudi alienati, nihil quicquam inter ipsos interest: nam æquè potest dominus ab utroque rem auferre: sed tamen quoad pretium & quoad fructuum perceptionem, multum interest. Nam ad pretium quod adtinet, sicut jure civili malæ fidei emptor, id est, qui sciens emit rem alienam, non habet actionem de evictione, l. 27. C. de evict. sed pretium perdit, & cogitur rem domino vindicanti restituere: ita hîc quoq̃. Secus est in emptore bonæ fidei, id est, qui ignorans feudum esse rem emerit, cum putaret esse allodiale: huic enim adversus venditorem competit actio ex empto nomine pretii,



pretii, d. tit. 55. idq; his versibus expressit poëta feudal-  
lis Guntherus d. lib. 8. *Ligurini*:

*Emptoriq; bona fidei praestetur in illum*

*Actio, quæ pretium cogat redhibere solutum.*

Ubi eleganter actionem de evictione vocat eam quæ  
cogat pretium solutum redhibere. Legebatur autem ibi  
vulgò vitiosè, *Pratoriq;*, pro *Emptoriq;*, priusquam Pi-  
thæus & Cujac. ita correxissent: quos Hotom. quo-  
que, sed tacitus sequitur. Differentiæ ratio manife-  
sta est, quia malæ fidei possessor sibi imputare debet,  
quodd non abstinuerat ab emtione rei, quam alienam  
esse sciebat, & cujus evictionem facilè prævidere po-  
tuit: sed bonæ fidei emptori nihil est quod imputari  
possit, vide *Hartm. Pist. lib. 2. quæst. 10.* In fructibus quo-  
que, quos possessor ex fundo percepit, similiter discrim-  
en servandum est inter bonā & malam fidem: nam  
malæ fidei possessor cogitur omnes fructus restituere;  
bonæ fidei possessor non item, de quo vide Bernhard.  
Wurm. & quos ille allegat *tit. 51. obs. 21. n. 3.*

18. D. *Quid sentis de illa distinctione inter primum &  
secundum feudum emptorem, quorum uterq; tamen bonā fide-  
rem feudalem, sed absq; consensu domini mercatus sit?*

M. Volunt quidem Interpp. secundum hunc em-  
ptorem non solum triginta annis, sed etiam longo  
tempore feudum contra dominum præscribere, ut  
Alvar. & Præpos. quos refert & sequitur Schrad. p. 5. c. 4.  
n. 11. Sed non rectè huc torsisse videntur, §. *quod autem*  
*ad eas res, Inst. de usuc. §. l. 7. §. si quis sciens, ff. de liber. caus.*  
quorum locorum longè alius est sensus, ut cuivis in-  
spicienti patebit. Nihil etiam hanc distinctionem ju-  
vat textus in *tit. 9. lib. 2. feud. in verb. qui secundo loco be-  
neficiū acceperat, non amittebat.* Neq; enim de præscri-  
ptione feudi ibi sermo est, neq; de secundo emptore  
feudi, sed de eo ipso cui vasallus inscio domino feu-  
dum vendidit, vel subinfeudavit.

19. D. *Quid si dominus ab extraneo illo, in quem sine  
ipsius consensu vasallus feudum transfulerat, servitia feu-  
dalia receperit?*

M. Jam hoc facto dominus sibi præjudicat, & locum habebit præscriptio adversus eum, non quidem plenæ proprietatis, aut directi domini, sed tamen juris feudalis, ut extraneus ille incipiat vassallus esse domini: nam illa receptio servitiorum est ratæ habitio quædam ipsius alienationis, *vide Schrad. d. c. 4. n. 10.*

20. D. *Posito quòd præscriptio 30. annorum obstet domino feudi poteritne aliquando contra eam dominus integrum restitui?*

M. Ita quidem volunt, ex capite justæ ignorantie dari restitutionem, qua præscriptio rescindatur, sequunt Bart. ut latè videbis apud Fr. Balb. *d. p. 4. q. 29* Sed de eo non immerito dubites.

21. D. *Quid si quis cùm cepisset præscribere, nondum impletâ præscriptione amiserit possessionem?*

M. Habebit actionem Publicianam ad repetendam rem, sed non à domino, *arg. l. pen. ff. de publ. in rem act.* Sed de actionibus feudi nomine competentibus, infra seorsim dicemus.

22. D. *Dixisti de præscriptione feudi adversus dominum. Quid autem de agnatis, an & quo tempore contra hos currit præscriptio?*

M. Juri revocandi, quod competit agnatis in feudo antiquo illicitè alienato in remotiorem aliquem ex agnatis, nunc anno præscribitur, nunc triennio. Anno, si sciverint, nec alienationi contradixerint intra annum. Triennio, si ignoraverint. Sed si feudum in extraneum, qui non sit ex numero agnatorum alienetur, indistinctè triginta anni ad præscriptionem requiruntur, quæ est communis opinio Dd. ut videre est apud Balb. *d. q. 12. n. 19.* quam tamen distinctionem inter alienationem factam extraneo & remotiori agnato non injuriâ videtur reprehendere Harrm. Pist. *p. 4. quest. 8. nu. 31. cum mult. seqq.* in qua quæstione 8. etiam alia huc pertinentia plenè discussa reperies, erbi gratia: An præscriptio uni obstans noceat etiam cæteris, & similia? sicut idem *q. 10.* prolixè disputat: an feudo per agnatū revocato heres ejus qui alienavit, etiam

etiam teneatur de evictione, & conveniri possit ad refundendum pretium? quæ omnia hîc persequi intempestivum & nimis longum foret: satis est in quibusdam loca velut sedes materiæ indicasse, ad quæ recurras usu exigente.

23. D. *Quia cum feudis sapè etiam jurisdictionem conjunctam esse aliàs dixisti, quid de jurisdictione præscribenda sentiendum est?*

M. Hanc quæstionem meritò difficilem & arduam vocat Fr. Balb. *de præscript. in 2. part. 5. partis, quest. 3.* de qua ibidem ipsum con'ule: & longè fusillimè tractat de ea Johan. Igneus *ad §. non aliàs, in l. necessarios, ff. de SC. Silan. nu. 122. cum multis seqq.* Nostrium non est falcem hoc loco in alienam mellem immittere, cùm præsertim brevi expectemus commentarium de jurisdictione clarissimi collegæ nostri.

24. D. *Sed habetne feudum præscriptione acquisitum eandem & communem cum aliis propriis feudis naturam?*

M. Omninò habet, nihilq; discrepat à quovis ordinario feudo, teste Duar. *c. 8. de feud. nu. 6.* ubi ait: Ab omnibus hoc celebrari.

## CAPUT XIX.

*De aliis quibusdam feudi constituendi modis.*

1. D. *Dixisti de investitura, successione & præscriptione feudi. Sed sunt ne alii quoq; præter hos tres feudi constituendi & acquirendi modi?*

M. Pleriq; Interpretes hîc pausam faciunt. Et sanè in libris feudorum plures modi non reperiuntur, Hotom. *in disp. de feud. c. 17.* purat, se sex facere, & cum ipsius partitione ferè congruit Anton. Cont. *in meth. c. 7. 8. 9.* novem modos facit. Sed Hotom. priores tres, verbi gratia: Donatio, emptio, permutatio, non tam sunt acquirendi modi, quàm causæ seu tituli possidendi. Alii addunt quartum modum, videlicet sententiam judicis, quæ transierit in rem judicatam, de

quo modo vide Henr. Rosenth. c. 6. *concl.* 133. nam si iudex ortâ controversia inter me & te, pronunciaverit, me in feudum abs te habere aliquem feudum, & vasallum tuum esse, quamvis revera vasallus non fuerim, & fundus non fuerit feudalís, sed allodialis, posthac tamen feudalís censebitur: idq; idèd, quia res iudicata pro veritate habetur, l. 207. ff. de R. I. cum simil.

2. D. *Suntne & alii modi acquirendi feudi?*

M. Reperitur etiam apud historicos illustris modus constituendi feudi, nempe vis bellica. Nam si potentior aliquis Princeps inferiorem à se devictum cogat, ut bona quæ prius pleno jure possederat tanquã propria, ea in posterum tanquam feuda teneat, & a victore ceu vasallus recognoscat, jam feudum constitutum est; de quo vide Ant. Cont. in pr. c. 9. Neq; hoc mirum. Cùm enim jus belli omnia bona victi addicat victori, pro beneficio accipere, & præclarè secum actum putare debet victus, si prædiorum suorum utile dominium sibi relinquatur à victore, qui totum auferre poterat. Nam cui quod plus est licet, non debet quod minus est, non licere; ut est in regula utriusque juris. Plus autem est omnia bona auferre, & minus est, aliquid juris auferre, videlicet proprietatem, & aliquid eidem relinquere, nempe jus vasalli, quod vocant *utile dominium*. Sic Berengarius Longobardorum Rex ab Othone Imp. devictus regnum suum ab eo in feudum accepit.

3. D. *Estne & alius modus constituendi feudi?*


M. Constituitur etiam feudum, si quis infirmior quàm ut suæ defensionis & honorum suorum sufficere ipse possit, meru hostilis impressionis, aut depopulationis allodia sua in tutelam potentioris alicujus Principis conferat, dominiumque eorum in illum transferat, jure feudi sibi suisq; hæredibus retento: jam enim bona, quæ prius allodialia seu patrimonialia fuerunt, plenoq; jure ad ipsum pertinuerunt, feudalía esse incipiunt. Hunc quoq; modum annotatum reperio ab Ant. Contio, sed investituræ tanquam speciem

ciem subjecit: in quo nonnihil ab eo dissentio, & potius separatim ac proprium quendam modum constitui posse puto, licet non negem, investituram accedere.

4. D. *Etiámne testamento feudum constitui potest?*

M. Rectè quæris. Esi enim jam supra dictum est, nullam de feudo dispositionem ultimæ voluntatis valere: tamen ab ea quæstione plurimum hæc præsens differt. Illa erat de vasallo, hæc de domino. Illa, de feudo jam cōstituto & acquisito; hæc, de constituendo & acquirendo. Quinquā autem hac de re nullam reperio in jure feudali extantem prohibitionem: assentior tamen Hotomano, qui putat *in disp. de feud. c. 34.* feudum nisi inter vivos constitui non posse; eaq; in re distare ab usufr. qui testamento constitui potest. Rationem ipse hanc reddit, quod ejus demum vasallus quisq; sit, a quo investituram accepit, 2. F. 3. §. 32. Potest & hæc esse ratio; quis qui vasallum sibi constituit, idèd hoc facit, ut habeat à quo sibi præstentur servitia militaria. At his non indiget mortuus. Testamentum autem non nisi post mortem vires habet. Præterea nusquam inter modos constituendi feudi testamentum numeratur.

FINIS LIBRÌ PRIMÌ.



CUNRADI RITTERSHUSII,  
PARTITIONUM FEUDALIU  
LIBER II.

CAPUT I.

*Feudi constituti & acquisiti Jus quale sit: & primum quid vasallus debeat seniori tam belli, quàm pacis tempore.*

1. D. *Expositus con. iurandi & acquirendi feudi mo-*

dis tum illis tribus qui à Feudistis in his duobus libris asseruntur, tum illis qui moribus additi sunt, & ab aliis Interpretibus, maximè ab Antonio Contio observati. Proximum nunc esse videtur, ut dicas de jure feudi jam constituti & acquisiti. Quid inquam, commodi illud asserat, non modo vasallo, verum etiam seniori, ad quid alter alteri obligetur, quidq; in feudo juris habeat vasallus, tum dominus, si & quod utriq; in eo liceat vel non liceat. Quibus item remedium vel hic vel ille suum jus conservet, ac tueatur. Quibus de rebus te deinceps differentem audire cupio?

M. Rectè meministi superioris Oeconomix, & respondebo tibi ad singula, de quibus me interrogaveris, dummodò hoc memineris, remedia illa, quibus tum vasallus, tum senior sua jura tueri possunt, eorumq; explicationem, videri potius reservanda ad caput de actionibus feudi nomine competentibus.

2. D. Quotuplex igitur est jus feudi jam constituti & acquisiti?

M. Duplex, Personale scilicet & reale. Utrumq; rursus bipartitum: nam & ratione vasalli considerandum est, & ratione senioris. Ita rectè distinguit Hot. c. 30. eumq; secutus Giphani. Neq; hoc mirum tibi videri debet, ex uno eodemq; negotio, ut ex contractu feudali, duplex jus oriri, unum in personam, alterum in rem: nam & in jure nostro meministi hoc fieri in contractu pignoratitio, ex quo nò tantum obligatio personæ oritur, qua & debitor qui dedit, & creditor qui pignus accepit sibi mutuò obstringantur, sed etiam jus in rem, quo ipsa res oppignèrata afficiatur. Unde ex pignore, itemq; ex hypotheca non tantum oritur & competit actio pignoratitia, quæ est in personam, sed & hypothecaria, quæ in rem, ut audivisti ad §. ult. Inst. quib. mod. re contr. oblig & §. item Serviana, Instit. de act. Similiter & ex dotis datione. Sic hoc loco etiam in feudo.

3. D. Quid vocas jus personale in feudo?

M. Obligationem, quæ definitur vinculum juris, quo

quo persona astringitur necessitate ad aliquid dandum vel faciendum, *init. tit. l. ult. de oblig.*

4. D. *Quid jus reale?*

M. Jus illud quod in ipsam rem feudalem habet uterq; tam vasallus quàm dominus, quo ipsis aliquid licet, vel non licet in re feudali. Agamus distinctè; primùm de iis, quæ sunt propria hujus vel illius: deinde de iis, quæ amborum communia. Et primùm quidem de jure personali, quo vasallus obstrictus est seniori suo, sive quid vasallus debeat domino. Secundò, de ejusdem jure reali in feudo: quid, inquam, & quatenus vasallo in eo liceat. Terriò, de jure personali senioris ad quid vicissim ille teneatur vasallo. Quartò & ultimò, de ejusdem jure reali, sive quid senior in re feudali possit, vel non possit.

5. D. *Responde partis: de singulis ordine jam interrogabo.*

Primùm igitur quid feudi nomine vasallus debet seniori?

M. Quanquam hoc aliquo modo intelligi possit ex capitibus jurisjurandi feudalis, (de cujus formula suprà egimus) tamen quo res manifestior evadat, amplius etiam explicanda videtur. Igitur eorum quæ vasallus domino debet, duo sunt genera; quorum unum spectat ad obsequium, fidem, honorè & reverentiam patrono exhibendam. Alterum consistit in operis & servitiis vasallicis sive feudalibus, quæ tamen ipsa quoq; ex illo obsequio & reverentiâ, tanquam ex fonte profluunt. Frustrâ enim fidem & reverentiâ vasallus jactaverit, si non re ipsa eam declaret, præstatione servitiorum, sicut frustrâ fides in Deum jactatur, nisi per caritatem erga Deum & proximum demonstretur. Reverentia autem hæc nominatur cùm alibi, tùm *lib. 2. feud. tit. 22.* ubi glossa hac in re comparat vasallum cum liberto, qui similiter eam debet patrono: rectèq; adnotat Accurs. istud salvâ reverentiâ, sumptum esse *ex l. 9. C. de condict. ob caus. dat. & ex l. 8. C. de liberal. caus.* Liberto semper honesta & sancta videri debet persona patroni, ut eleganter ait Ulp. *in*



*l. 9 ff. de obseq. & idem in l. 10. §. ult. ff. de in jus voc.* semper honorem habendum est patrono, ubi nota obliter Græcismum, qualis est etiam *in l. ult. ff. de senatorib. & in l. 12. §. facti. ff. de capt. & postl. & l. 19. ff. de novat. & alibi quoq; in par.* cuiusmodi exempla multa sunt apud Lucretium, Varronem, & alios optimos autores. De illa porro comparatione vasalli cum liberto prolixè videatur Eberhard. *in loco à liberto ad vasallum*, & Zaf. *in singular. intellectu. ad l. si non sortem, §. libertus, ff. de condi. t. indeb.*

6. D. *Quis est huius reverentiae effectus?*

M. Multiplex sanè: hinc enim est primò, quòd vasallus non potest adversus dominum famosam actionem instituere (quæ autem sint famosæ actiones, dictum est *ad tit. Inst. de pœna temerè litig. & explicatur sub tit. ff. de his qui notant infam. & sub tit. C. ex quib. caus. infam. irrog.*) Nam neq; liberto contra patronum famosa actio vel exceptio accommodari debet, *l. 11. §. 1. ff. de dol. mal. l. 4. §. 1. adversus, ff. de dol. mal. & met. except. l. 2. & l. 5. ff. de obseq. l. 4. C. eod.* Sed ita res temperatur, ut si factum actio, vel exceptio detur, ne tamen in damno sit libertus, aut in lucro injusto patronus, ut traditum est dictis locis, *juncta l. 1. §. interdictum, ff. de vi & vi arm. vide Modest. Pist. conf. 62. vol. 1.*

7. D. *An interdicto unde vi, vasallus contra dominum experiri potest?*

M. Ita putat Vincentius in *Speculo doctrinali*, quem citat Jac. Cujac. & probare videtur *l. 2. feud. tit. ult.* Sed mihi contrarium verius videtur, quod etiam video placere G. *Forner. c. 16. de feud. num. 3.* neque certè textus *d. tit.* illud significat, quod *interdictum unde vi*, competat vasallo: sed potius secundum jus civile intelligendus est. Ex eadem reverentia hoc quoq; manat, quòd dominum deferre aut accusare vasallus nequit, *§. item si delator, tit. 24. lib. 2. & §. similiter, tit. 33.*

8. D. *Quid si crimen perduellionis dominus commiserit?*

M. Hoc casu impunè vasallus ipsum deferet & accusabit, ut rectè hanc exceptionem addit glossa *in d. §.*

*item si delator, in verb. perdit, arg. §. causas, Nov. 115.* Nam & filius patrē majestatis reum facere potest sine metu exhæredationis. Valet autem argumentum ab exhæredatione ad privationem feudi, ut infra dicitur.

9. D. *Quid si vassallus accuset dominum ut suam suorumq; injuriam persequatur?*

M. Hoc quoq; casu excusabitur, quæ est altera exceptio annotata ab eodem Accurs. *in d. gl. arg. l. 11. ff. de accusat.*

10. D. *Nunquid testimonium dicere vassallus contra dominum potest?*

M. Quemadmodum jure civili libertorum adversus patronos illicitæ atq; improbæ voces pœnæ objectione præcluduntur, & nec volentes ad testimonium admittendi sunt, *l. 12. C. de testib. l. 4. ff. eod. Paul. lib. 5. sentent. tit. 15.* sicut item clienti contra patronum testimonii dictio non fuit, *teste Dion Halicar lib. 2. & Plutarch. in vita Romuli:* ita nec vassallus testimonium contra dominum reddere debet, neq; in civili, neq; in criminali causa, *d. §. similiter, lib. 2. feud. tit. 33.* ubi in fine refertur aliorum sententia aliter existimantium, & distinguuntium inter causam civilem modicæ & magnæ: ut in illa admittatur testimonium vassalli, in hac rejiciatur, perinde ut in criminali. Sed hæc distinctio non videtur usu recepta, ac potius sine discrimine repudiatum testimonium etiam in causa civili sive modica seu magna. Notabis ibidem in textu probabilem emendationem Cujacii, qui transponit epitheton *modica* in posteriorem locum, hoc modo: *In civili modica licet.*

11. D. *Quid sentis de illa distinctione inter volentem & coactum dicere testimonium?*

M. Accurs. quidem putat *ad d. tit. 14.* excusandum esse eum, qui necessitate urgente testimonium dixerit: at eum qui sua sponte, non item. Mihi tamen hæc distinctio non probatur, quamvis alias non ignorem officii necessitatem excusatam esse solere. Sed omnis testis cogi debet, *tot. tit. Decret. de testib. cogend. v. d. n.*

Semetipsum verò offerens ad testimonium non admittitur tanquam suspectus: unde etiam hoc unum caput ex interrogatoriis generalibus testium esse solet, *An testis se obtulerit?*

12. D. *Sed an potest vasallus dominum adigere ad iusjurandum calumnie?*

M. Non potest: vetuit enim hoc constitutio Friderici I. in Roncalia. (Ita legendum in §. *in quibus*, d. tit. 33.) & merito: nam neque jure civili libertus a patrono hoc iusjurandum rectè exigit, l. 16. & l. 34. §. *qui iusjurandum*, ubi verior est lectio II. Noricarum, quæ etiam in Basilicis probatur, ff. *de jurejur.* l. 7. §. 3. ff. *de obseq.* Etsi autem illi textus tantum de speciali jurejurando calumniæ, quod ante Justinianum in usu judiciorum fuit, loquuntur: tamen etiam in generali, quod à Justiniano introductum est, idem juris erit; quoniam & ratio eadem est, nempe quia qui iusjurandum calumniæ ab adversario suo exigit, is metueri videtur, ne non exacto aut præstito illo calumniatur. Talis autem metus, talis suspicio inter libertum & patronum, inter vasallum & seniore, locum habere minimè debet.

13. D. *An vice versa dominus à vasallo iusjurandum calumniæ exigere potest?*

M. Imò idem etiam à parte domini intelligendum esse putat Feudista, d. §. *in quibus*, tit. 33. ex ea ratione; quia ut est in æquissimo Prætoris edicto (de quo vide Duarenum in *disp.*) Quod quisq; juris in alterum statuit, eo ipse uti debet, l. ult. C. *de fructib. & lituum expens.* Giphanius tamen ad l. 2. C. *de jurejur. propter calumn. dand.* hanc productionem constitutionis Friderici à persona vasalli ad personam domini non probat. Et certe jure civili constat, patrono quidem hoc iusjurandum remissum esse, non etiam libertis, ut rectè observat Cujac. lib. 4. *feud. tit.* 36. Accedit quòd non ut vasallus domino, ita & hic illi reverentiam debet, aut fidelitatem jurat, Zaf. *part.* 7. num. 57. Duaren. *cap.* 13. *de feud.* n. 8.

14. D. *An potest vasallus dominum in jus vocare sine venia?*

M. Hac de re dissentientes sunt opiniones: putant enim aliqui, non esse necessariam vasalli veniæ petitionem vel impetrationem: alii contra necessariam existimant. Priorem sententiam amplectitur Jason *ad l. si non sortem, §. libertus, ff. de condit. indeb.* eamque communem opinionem esse testatur Zasius *ad §. pœnales, num. 26. Instit. de action.* ubi hanc assignat rationem differentię, inter libertum & vasallum; quia libertus, utpote novus homo, multò plus debeat patrono, quam vasallus seniori: ille a patrono habet novam vitam; hic à seniore nihil præter feudum, ut nimirum non sit, contra libertum hanc petitionem veniæ negligentem competere patrono actionem pœnalem in 50. aureos (de qua *ad Instit. dictum*) aliud autem sit in vasallo. Et hæc sententia probatur etiam Jul. Clar. *quest. 25. & Hartm. Hart. observ. 44. sub tit. de feud. nec nō & G. phanio.* In posteriore sententia sunt Speculator *in tit. de feud. §. quoniam, num. 33. quest. versic. 17.* Guido Papæ *decis. 551. num. 1. Matth. de Afflict. decis. 265. num. 36.* Oldendorp. *class. 1. action. 4.* Nic. Eberhard. *in loco à libertis ad vasallum, nu. 15.* Jo. Sichard. *conf. feud. 8. per tot. Wesemb. in parat. de in jus vocand. num. 6.* ubi eam usum servari testatur. Allegant pleriq; pro eadem sententia etiam glossæ autoritatem *d. tit. 22. in verb. salva reverentiā.* Sed glossa quamvis breviter & ambigüe loquatur, tamen potius in altera sententia esse videtur. Camera Imperialis hac in re variè judicavit, ut etiam in aliis quibusdam. Aliquando enim voluit veniæ petitionem necessariam esse, & quidem actus inferendam, ut testatur additio ad Hartm. *d. obs. 44.* aliquando contrarium tenuit, ut videre est apud Mynl. *cent. 4. obs. 92. & Andr. Gail. in lib. de pignorat. obs. 15. num. 4.* sed Zasius in eo parum sibi constituisse videtur, si confetas *d. loc. de actionibus num. part. 7. de feud. num. 49. & intellectib. singularibus d. §. libertas, l. si non sortem,*

15. D. *Quid nos in hac tanta varietate opinionum & volut fluctibus statuemus?*

M. Sequemur cujusq; loci consuetudinem & sty-  
lum curiæ, seu morem judiciorum, quod quidem re-  
ctissimè voluisse mihi videtur *glos. in dd. verb. salva re-  
verentia*, cum ait: *In his ambagibus locum esse consuetu-  
dinibus*. Quæ verba non rectè invertit Jul. Clar. d. q. 2.  
ubi addit etiam negationem: in consuetudinibus in-  
quit) non est locus his ambagibus. Eberhard. quoque  
d. loc. tandem fatetur, vasallum honestè ac turò factu-  
rum, impetrando veniam agendi a iudice, quamvis  
non sit necessarium. Quomodo etiam Canonistæ in-  
terdum de consensu parentum in matrimonius libe-  
rorum adhibendo dicere solent honestum esse, licèt  
non sit necessarius, ut dixi aliàs *ad tit. Inst. de nupt.* Pla-  
cet etiam distinctio Rol. à Valle *conf. 18. num. 15. vol. 2.*  
quando vasallus Principem suum in jus vocat, tunc  
veniam omninò esse petendam: secus quando infe-  
riorem aliquem à Principe dominum. Illud autem  
firmiter tenebis, quicquid sit, tamè nunquam ob non  
petitam veniam posse vasallum feudo privari. Hæc  
enim inter causas amittendi feudi non numeratur:  
dabiturq; potius pœnale judiciũ in 50. aureos: quod  
& Melch. Clingium voluisse video *conf. 60.* quod extat  
*vol. 1. inter conf. Mod. Pist.*

16. D. *Intellexi effectus reverentia domino debita à va-  
sallo. Quid autem si feudum fuerit extinctum, an simul et-  
iam reverentia extincta consebitur?*

M. Imò feudo etiam refutato seu abdicato vasal-  
lus dominum olim suum adhuc colere & observare  
debet ob memoriam pristinæ necessitudinis, in me-  
moriâ fidelitatis & jurisjurandi, sive prioris amicit-  
iæ, cujus reliquæ durare videntur: ut est text. & glo.  
*elegans tit. 38. li. 2. feud.* ubi observanda est vera lectio,  
quam restituit Cujac. & sensus ipse flagitat: post refu-  
tationem autem ad serviendum quidem non tenetur,  
sed eum tunc offendere non debet. Inter capitula  
quoque extraordinaria de feudis unum extat, in quo  
sic

sic distinguitur, ut si voluntate utriusq; facta sit separatio, tum finiatur fidelitas: sin autem vasallus vel suâ solius voluntate vel iudicio parium, id est, convasallorum dimiserit feudum, duret fidelitas. Huic simile est in jure civili, quod etiam inter conjuges, soluto licet per divortium matrimonio, tamen adhuc durat reverentia, & honor pristini matrimonii; unde fit, ut actiones famosæ inter eos locum non habeant, nec furti, sed rerum amotarum actio, vel conditio furtiva, quæ non infamant, inter virum & uxorem datur, l. 1. 2. & 3. totog; tit. ff. rer. amotar. Sic etiam qui præcepta officii & morum tradidêre, volunt, ut qui quondam inter se amici fuerunt, etiam dissoluto amicitie vinculo, tamen ab injuriis atq; contumeliis invicem abstineant, ob memoriam ejus quæ inter ipsos fuit amicitie.

17. D. Sequitur de altera juris personalis parte ut dicas, nimirum de obligatione servitorum, & operarum, quæ vasallus domino obstrictus est. Igitur de servitus & operis illis quid ais?

M. Sicut libertus patrono obligatur ad præstationem operarum, si quæ inter manumittendum ipsi impositæ, & jurejurando promissæ sint, de quibus explicatur tot. tit. C. de oper. libert. Ita etiam hoc jure vasallus domino servitia præstare debet: & regulariter quidem hæc sunt militaria, quod ex plurimis locis librorum feudalium est manifestum. Unde etiam vasalli milites appellantur, ut supra audivisti. Interdum verò hæc servitia etiam possunt esse paganica seu pacifica, quæ vel certa exprimuntur in ipsa investitura, vel generaliter atq; indefinitè promittuntur, ut est in fin. tit. 23. lib. 2. feud. in ipsa feudi definitione. Si certa fuerint expressa servitia, non alia præter illa debentur, quia inclusio unius aut aliquorum, est exclusio cæterorum, §. ult. & ibi gloss. tit. 51. lib. 2. Sed hîc priusquam pergamus, observabis insignem differentiam inter reverentiam, honorem ac fidem, & servitia. Nam reverentiam quidem, fidelitatem, & taciturnitatem in retin-

nendis arcanis semper præstabit vassallus domino suo etiam non requisitus, quamvis cum nemo admonuerit, ut rectè Wesemb. c. 10. de feud. num. 14. Sed servitia ultrò offerre, aut sese repræsentare non tenetur, verùm expectare potest, dum vocetur, ut habetur expressum, tit. 21. lib. 1. & lib. 2. tit. 7. ubi gloss. in verb. requisitus. & in §. etsi, & in §. licet, tit. 26. & §. ad hoc, tit. 28. & §. non cogitur, tit. 37. Huic simile est quod inter libertum & patronum quoq; stipulatio operarum tum deum committitur, id est, tum incipiunt deberi, & peti possunt, cum patronus eas poposcerit. Abundum enim est, credere, alio die deberi officium, quam quod is vellet cui præstandum est, ut eleganter Caus. in l. 22. in princ. ff. de oper. libert. cui similiter Ulpian. in l. 13. §. iudicium, ff. eod. operas ait cedere incipere posteaquam indictæ fuerint fieri: namque posset, ut alieno atq; incommodo tempore & vassallus & libertus operas offerrent: siquidem divinare non possunt, quando vel leniori vel patrono commodum sit, suâ operâ uti: ideoq; iudicium voluntatis illius expectari melius est.

18. D. Nunquàmne ergò vassallus ultrò accurrere, sed d. ad serviendum domino offerre debet?

M. Exceptio una, qua etiam invocatus præstare esse debeat, affertur in d. §. licet, tit. 26. & obscurè indicatur in §. si à morte, tit. 39. nempe si vassallus sciat domino magnū periculum imminere: tunc enim ultrò suum adiutorium ei præbebit: quod ita intelligo, si aut ignarus sit dominus ejus periculi sibi impendentis, aut sciat quidem in quanto versetur periculo; sed vassallum non possit ad opem ferendum evocare missio ad ipsum nuncio; puta, quia obsidione premebatur: quomodo etiam Accursius accepisse videtur, d. §. licet, in verb. periculum.

19. D. Cum, ut ajebas, plerumq; servitia feudistica sint militaria officia, de his prius explicandum videtur, quàm de aliis. Quid igitur de militaribus servitiis habes dicere?

M. Si dominus expeditionem in hostem suscipiat, (quod



(quod Feudistæ vocabulo Longobardico vocât *Guer-*  
*ram* alicui facere, *tit. 28. in pr. lib. 2. Hotom. in Lexic. verb.*  
*feud.*) vasallus ei præstò esse debet cum armis & equis,  
 cumque comitari in prælium, & defendere contra  
 omnes, etiam cum offensione vel læsione aliorum,  
*ut tit. 7. lib. 2. in verb. contra omnem hominem, & §. ult.*  
*tit. 28. lib. 2. nec ante deseret ipsum in acie periclitan-*  
*tem, quàm aut occisus, aut leraliter vulneratus sit do-*  
*minus.*

20. D. *Quid, num in quovis bello eodem modo se geret*  
*vasallus?*

M. Aliqui sine discrimine voluerunt, semper eum  
 debere dominum adjuvare. Sed eorum sententiâ re-  
 pudiatâ, verius est aliquam adhibere distinctionem.  
 Aut enim justam ob causam dominus arma induit,  
 aut belli causa manifestè injusta est, aut deniq; (ut fe-  
 rè fit) dubia, anceps atq; obscura. Primò, si constet ju-  
 stam esse causam domini; vasallus omninò tenetur  
 eum adjuvare: quòd si officio suo delit, feudum amit-  
 tit, de quo infra latius. Secundò, si palàm injusta sit  
 belli causa, vel si dominus irrationabiliter guerram  
 faciat, (ut ait Feudista) nò tenetur adjuvare, nisi quo-  
 ad ipsius defensionem: ad offensionem verò & læsio-  
 nem aliorum non item. Ratio differentiæ istæ et *defen-*  
*sionem & offensionem* manifesta est: quia nimirù defen-  
 sio est juris naturæ, quæ ne excommunicatis quidem  
 denegatur, ut disputant Interpretes *ad l. ut vim, ff. de*  
*just. & jur. cui offensio aliorum adversatur.* Terriò de-  
 niq; , si de causæ justitia dubitetur, idem juris esse vo-  
 lunt Feudistæ, quod in primo casu, cum videlicet pa-  
 làm justa est domini causa. Ita distinguit textus *in tit.*  
*28 in princ. in lib. 2. feud. ubi vide Hot. & Cujac.* Eademq;  
 distinctio pro parte continetur in ipsa formula juris-  
 jurandi fidelitatis, *tit. 7. in verb. si scivero te velle justè ali-*  
*quem defendere:* ubi vide & glossam. Sed postremum  
 illud de causa dubia quod dicebam, non immeritò  
 forrasse reprehendi possit ex loco Ciceronis *l. de offic.*  
*Bene præciunt, inquit, qui vetant quidquam agere*  
 quod

quod dubites, æquum sit, an iniquum. Æquitas enim lucet ipsa per se: dubitatio autem cogitationem significat injuriæ. Pro feudistis tamen facere videtur illud S. Augusti, *Vir justus*, inquit, *si forte etiam sub rege & homine sacrilego militet, recte potest illo jubente bellare, si quod sibi jubeatur, vel non esse contra Dei præceptum certum est, vel utrum sit, certum non est: ita ut fortasse reum faciat regem iniquitas imperandi: innocentem autem militem faciat ordo serviendi.* Illud quoq; vitio non vacat, quod in causa manifestè injusta feudistæ in arbitrio vasalli hoc ponunt, ut si velit, possit etiam ad offendendum alios dominum adjuvare, quod nihil aliud est quàm probare iniquitatem, eiq; fenestram aperire. Imò si dominus jure coercetur qui palam injustam fovet causam, non video, quomodo plus licere debeat vasallo adjutori quàm domino principali. Non injuriâ igitur Bald. ait auctores feudorum hoc in loco fuisse pecora, non homines; quod ejus dictum refert & probat Zas. in l. 96. qui servum, nu ult. ff. de V. O. Observabis dicto in loco emendationem Cujac. legentis: *ad offendendum verò alium, adjuvet, si vult*: ubi in vulgaribus libris (etiam in editione Hotom.) non rectè additur negatio, *non adjuvet, si vult.*

21. D. Quid si dominus fuerit excommunicatus aut bannitus, an tunc quoq; vasallus eum adjuvare debet?

M. Si dominus ab Ecclesiastica communione exclusus, aut a Rege fuerit bannitus, tunc vasallus ipso jure sacramento & fide omni solutus est, dicit. 28. in fin. Zas. p. 7. n. 40. Ac tantum abest, ut cogatur eum adjuvare, ut etiam volenti hoc nō sit permittendum. Imò si auxilium quis excommunicato aut bannito præstare vellet, eodem se reatu ac nexu banni involveret, ac teneretur pœnâ receptatorum, teste Andr. Garl. lib. 7. de pace publ. c. 15. quæ sanctio plerumq; etiam in formulis banni seu proscriptionis adjici solet, sicut & hæc clausula: Quod vasalli ac subditi ejus qui excommunicatur, debeant ab omni fidelitate, obedientia & jramento esse absoluti: quod nostra quoq; memoria factum

Atum vidimus in aliquot bullis excommunicationum Pontificiarum in maximos Reges ac Principes vibratarum, ut à Gregorio XIII. in Gebhartum Archiepiscopum & Electorem Coloniensem : à Sixto V. in Regem, qui tunc erat Navarra, nunc est Rex Christianissimus Galliarum : à Clemente VIII. in Ducem Ferrariensem : quo modo & Imperator noster civitatem Imperialem Aquisgranum non ita pridem proscripsit. An autem impunè cuilibet liceat offendere, aut etiam occidere bannitum, videbis apud Jul. Clar. in §. homicidium. n. 52. & 53.

22. D. *Quid si excommunicatus aut bannitus deinde fuerit absolutus & restitutus ab Ecclesia vel Rege?*

M. Absolutus ac restitutus recuperat pristina jura, bona, & honores, proindeq; etiam feudalialia jura & obligationem, qua ei vasalli sui tenebantur obstricti, d. tit. 28. lib. 2. feud. in verb. nisi fuerit restitutus. Plura de effectu absolutionis & restitutionis hujus vide apud Andr. Gail. d. lib. 2. de pace publ. obs. 19.

23. D. *An sicut vasallus non debet domino excommunicato vel bannito communicare, & auxilium prestare, ita etiam dominus prohibetur à vasallo excommunicato servitia exigere?*

M. Putant Præpositus & Andreas de Butrio, eosq; secutus Zas p. 7. nu. 41. dominum posse etiam à vasallo excommunicato servitia exigere. Quod mihi nō probatur : nam si domino excommunicato ullâ in re communicans vasallus incidit in pœnam receptatorum, ut supra dixi : idem profectò etiam de domino dicendum erit, qui vasallo excommunicato communicare, ejusve opera uti noluerit.

24. D. *Sed contra quos debet vasallus dominum adjuvare?*

M. Ait Feudista in tit. 17. lib. 2. contra omnem hominem, & in d. §. ult. tit. 28. contra omnes : sed hîc addit : *Nisi contra alium dominum antiquiorem.* Erit igitur hæc prima exceptio, ut si quis vasallus sit plurium dominorum, non adjuvet recentiorum seu posteriorem

contra antiquiorem. Quod si uterq; pariter ejus servitia desideret, potius ea præstet antiquiori: nam & hic qui prior est tempore, potior est jure, *arg. l. ii ff. qui pot. in pign. hab. l. i. 2. 3. 4. & 8. C. eod. cap. qui prior est 54. & ibi Dyn. & Petr. Pecc. de reg. jur. in 6.* Alteram exceptionem *ibid. & tit. 7.* rectè adjungit glossa *ex tit. 55. in §. illud quoq; præcipimus*, nempe in persona Imperatoris, qui & nominatim in omni juramento fidelitatis excipi debet: quod jus sic expressit Poëta noster feudalis *lib. 8.*

*Præterea quoties feudali jure recepto*

*Vasallus domino fidei juramina præstat,*

*Excipiendus erit Romanus nomine Princeps.*

*Nomine*, id est, nominatim excipiendus. Quod et si non excipiatur, tamen tacitè quoq; semper exceptus intelligitur, teste Baldo: nam si quis contra summum Principem aliquid moliretur, is contra Rempublicam facere videretur, hoc autem semper & omnibus hominibus prohibitum est. His addenda est & tertia exceptio, ne videlicet dominum patriæ bellum inferentem vasallus juvet: patriæ enim charitas, ut ait Cicero, omnes omnium charitates complectitur.

25. D. Sed si contra omnes, an ergò etiam contra seipsum vasallus dominum adjuvare tenetur, siue an & sua persona domini personam præferre cogitur?

M. Mihi penè supervacuum videtur istud quærare. Respondet tamen glossa *ad §. ult. tit. 28. eamq; secuti omnes ad unum Interpretes*, non cogi. Nam charitas ordinata & benè instituta à seipsa incipit, ut & vulgò dicitur, *vide Accurs. Bald. & alios ad l. 6. C. de servitutib. & aqua, per illum textum.* Eleganter quoq; & verè hoc scripsit D. Augustinus *lib. i. de civit. Dei, c. 17.* Regulam diligendi proximum à semetipso dilector accèpit: Quandoquidem scriptum est: *Diliges proximum tui sicut teipsum*: qui locus citatur *in c. 9. si non licet. 23. q. 5.* Deum quidem plus quàm nos ipsos, & supra omnia diligere jubemur, sed proximum non item, ut prolixè docet

docet discipulus Augustini Prosper Aquitanicus *lib. 3. de vita contemplativa*, citatus etiam in *cap. charitas est, de penitentia, distinct. 2.* Deinde in omni, quantumvis generali oratione semper intelligitur excepra persona loquentis, *l. 18. § ibi Bald. C. de solution. l. 10. ff. commun. pradior. gloss. in cap. petitio, extra de jurejur.* Præterea vasallus quando jurat, se dominum contra omnes defensurum, de extraneis tantum cogitasse & sensisse videtur, non autem de seipso: immò si specialiter fuisset interrogatus de se, verisimiliter jusjurandum recusasset. Jam vetò jusjurandum, sicut & transactio, non porrigitur ad ea, de quibus verisimiliter non fuit cogitatum vel actum, *argum. l. 30. ff. de oper. libertor. § l. ult. ff. ad municip. l. 5. § 9. § ult. ff. de transact.* Eleganter Cujac. *ad cap. 16. veniens, extra de jurejur.* Accedit deniq; quòd in obscuro interpretatio fieri debet contra stipulatorem potius quàm promissorem, cui solent jura favere, ne nimium obligetur. Hinc ergo est (ab hac, inquam, ordinata charitate) illud quoque, quod vasallus suam vitam potest præferre vitæ domini, si certam sibi mortem imminere videat, ut probat Zaf. *p. 7. n. 37.*

26. D. *An etiam contra patrem vasallus dominum adjuvare tenetur? aut si pariter utrumque videat periclitantem, hinc patrem, illinc dominum, an dominum præferet, an seniore?*

M. Ita vulgò receptum est, ob textum manifestum in *d. §. ult. tit. 28.* quamvis enim hoc perquàm durum videatur, & contrarium pietati ac reverentiæ parentibus debitum, *l. 2. ff. de justit. § jur. l. 6. ff. de in jus vocand. et tit. ff. de obseq.* tamen servandum esse ajunt, quia sic lex scripta sit, *argum. l. 12. ff. qui § à quib. manumiss.* Sed huic communi opinioni, ut quæ adversetur naturæ, humanitatis conciliatrici, contradicunt Zaf. *d. par. 7. num. 30. § seqq.* Forner. *cap. 16. in §. nunc videamus*, & Cujac. *lib. 4. feud. tit. 31.* ubi etiam verba ista: (*§ patrem*) delenda censet, cum quòd in veteri libro ea non

repererit, tum quòd vetus Interpres ea nò agnoverit, Et certè Accurs. in *gl. ad t. 7. in verb. contra omnem hominem*, omittit mentionem patris: tantùm nominans fratrem & filium. Hotomanus illam emendationem Cujacii testè reprehendit in *comment. ad d. §. ult. & potius ex causa sumendam putat distinctionē*, ut si quid pater contra Rempubl. moliat, si ad patriam delendam venerit, ut loquitur Marcell. in *l. 35. ff. de relig. & sumpt. funer.* tunc filius ipsum propugnare possit ac debeat; quia patria est antiquior parens, ut aliàs ex Varrone & Cicerone adtuli; secus si res tantùm agatur alicujus privati senioris. Quæ distinctio mihi æquissimè videtur, cùm præsertim videam & Zasium sic limitare *d. l. 35. ff. de relig. & sumpt. fun.* ut tantùm de illo patre eam accipi velit, qui proditor sit patriæ, *d. p. 7. num. 33.*

27. D. *Quid ais de filio, an & contra hunc stabit vasallus pater pro domino suo, an verò dominum filio proprio præferet?*

M. Vulgò quidem receptum est, vasallum pro domino etiam contra filium pugnare debere, *per text. in d. §. ult. tit. 28.* cui sententiæ etiam Cujacius ibidem subscribit. Aliis hoc iniquum videtur; primùm, quia par sit impietas; filio & patri necem afferre, *arg. l. 1. ff. ad l. Pompejam de parricid.* Sed ibi de patre hoc non dicitur, verùm de matre, quæ jus potestatis in filium non habet, sicut pater. Et quare inter personas, in quibus parricidium committitur, lex Pompeja quoad patrem non recenseat filium, neque *d. l. 1.* neque apud Paulum *lib. 5. sent. tit. 24.* docui *ad §. alia deinde lex, Inst. de publ. judic.* Et certè longè atrocius videtur vitam et ipere vitam auctori, id est, parenti, ut demonstrat Cicero pro S. Roscio. Secundò, inquiunt, quia natura filii cum patre penè una eademq; persona intelligitur, & pars quodammodo corporis ejus est, ad eò, ut vox filii intelligatur tanquam vox patris, & contrà: de qua arctissima conjunctione dictum est *ad §. si quis alii, Inst. de inut. stip.* Imò parentes magis in liberis

beris terrentur, quàm in semetipsis pro affectu suo, l. 8. ff. *quod met. caus.* & pater penè magis per corpus filii, quàm filius ipse periclitatur, §. ult. *Inst. de noxal. act.* Cum igitur nemo pro domino contra seipsum stare cogatur, (ut suprà demonstratum est) non etiam tenebitur, inquiunt, vassallus pugnare contra filium. Ita illi: Ego illam superiorem distinctionem inter causas hîc quoq; adhibendam existimaverim, ut tunc deum pater debeat stare contra filium, si hic patriæ bellum inferat, aut patriæ proditor esse velit: non etiam, si inter privatos tantum res agatur. In publicis enim valere debet, quod ait Paulus l. 19. §. *filius quoq;* ff. *de capt. & postl. revers.* Disciplina castrorum antiquior fuit parentibus Romanis, quàm charitas liberorum. Et quod Marcellus scribit: Si filius patrem, aut pater filium, qui ad patriam delendam venerit, occidisset, hunc majores etiam præmio afficiendum constituerunt, d. l. 35.

28. D. *Quid juris est de fratre, an contra hunc quoque vassallus pro domino pugnabit?*

M. Hoc non negamus, inquit Zasius d. p. 7. sub n. 36. vassallum domino contra fratrem oportere opem ferre: ibidemq; testatur de duobus fratribus nobilibus, quorum unus alterum in bello cepit, cum diversorum dominorum inter se pugnantium vassalli essent. Atq; ita omnes sentiunt Interpp. etiam Baro, Schenckius & Sonsbeccius, fratri textu d. §. ult. Dissentiunt tamen Fornerius d. loc. & nuperrimè Heur. Bocet. disp. 16. class. 4. n. 24. cujus quatuor rationibus, quas pro sua nova sententia confirmanda adfert, non erit difficile respondere. Nam quod primò de insidiis affert, quas fratrem vitæ fratris struere nefas sit; respondeo longè diversa esse hæc duo, insidias struere alicui sine iusta causa, & iusto bello aliquem oppugnare; quorum illud nefarium est; hoc verò licitum. Deinde, quod de humanitate fratri debitâ, de religione & affectu fraterno dicit ex l. 23. C. de excus. tutor. fatemur quidem hæc fratri à fratre deberi, nisi major sit obligatio, qua



quis alteri teneatur. Jam vasallus domino jurisjurandi religione obstrictus est, quòd cum velit contra omnes defendere. Ergò etiam contra fratrem, cùm is non reperiatur exceptus. Terriò quod ait, jus naturale & sanguinis, ac proinde illam charitatem quam natura inter fratres esse voluit, nullo jure civili tolli posse, *arg. §. ult. Inst. de legit. agnat. tutel.* Respondemus in multis juris articulis jus naturale reformari ac restringi jure civili, *arg. l. 6. ff. de just. & jur.* quod aliàs latius explicatur *ad §. ult. Inst. de jur. nat. gent. & civ.* Quod quarto loco affert ex Sallustio & Quintiliani declamationibus, neminem amiciores esse posse quàm fratrem, nullam extraneam amicitiam tam posse esse felicem, quin fraternitatem imitetur; id facile concedi posset, nisi atctior esset necessitudo inter vasallum & dominum: huic enim (ut dictum) vasallus jurejurando obstrictus est, frater fratri non item. Nec dici potest, hoc jusjurandum esse vinculum iniquitatis, & contra bonos mores, proindeq; non obligatorium: non enim tam arcta est conjunctio inter fratres, ut inter patrèm & filium, quod vel ex querela inofficiosi testamenti satis patet, quæ longè difficilius fratri datur quàm vel filio vel parentibus.

29. D. *Quid si vasallus quis sit Comitis aut Baronis feudum à Principe obtinentis, & bellum fortè oriatur inter Principem & Comitem, vel Baronem, utri potius opem ferret vasallus?*

M. Non dubium est, quin Principem præferre debeat, dum is non manifestè injustam bellandi causam habeat: nam princeps est antiquior dominus, quem vasallus contra omnes inferiores & posteriores defendere debet, ut dictum suprà, *vide Iacobin. de feud. fol. 69. vers. 14.*

30. D. *Quid si bellum gerat dominus extra patriam, quatenus ipsum comitabitur vasallus?*

M. Probo distinctionem Interpretum, ut siquidem ob defensionem sui ducatus aut territorii bellum gerat dominus, cegatur vasallus omninò ac simpliciter ipsum

ipsum sequi. Plerumque enim præstat sedem belli in hostico collocare, & vim hostilem in aliena ditione experiri, quàm in propria, ne dubia Martis alea secus si cadat (ut est Mars ἀλλοτρίου αἵματος) afferat duplex incommodum; nempe & cladem exercitus, & propriæ regionis devastacionem. Si autem non defensionis, sed ampliandi imperii, ejusq; limites profectendi gratia dominus arma susceperit, nec tamē procul à patria belli molem transferat; tunc vasallus cum non tam necessitate cogente, quàm honestate suadente sequatur: at si in longinquâ regionem pergat, & copias ducere instituat, tunc minime ei adesse cogatur, vide *Iacobin. fol. 67.* Quod autem dixi de sede belli in hostico potius quàm in propria regione collocanda, de eo consule scriptores rei militaris & strategematum, ut Vegetium, Frontinum, Poliaenum, Onofandrum, Polybium, & Just. Lipsium. Estq; præter cætera memorabile exemplū Scipionis, qui ut Hannibalem ab obsidione Romæ ad patriæ suæ defensionem revocaret, exercitum maluit in Africam traducere, quàm cum hoste in Italia congredi.

31. D. *Semperne vasallus ipsemet in propria persona domino servire, cum eoq; proficisci in militiam debet?*

M. Distinguendum inter personas vasallorum; ut si vasallus sit impubes (quem *minorem* sæpè vocant Feudistæ, ut & Cujacius rectè monuit), alium pro se mittat, & serviat domino per substitutum, sed idoneum, & quì æquè acceptabilis sit domino, §. *si minori*, & §. *si decesserit*, t. 26. lib. 2. feud. Observabis autem, Feudistas interdum pupillarem ætatem extendere usque ad 18. annum, ut patet ex tit. 53. in princ. & ex Guntheri lib. 8. quæ ætas à veteribus J. C. is dici solet *plena pubertas*. Interdum tamen 14. annis pubertas circumscribitur, ut & jure civili: quod liquet ex §. *præterea*, tit. 55. collato cum d. §. *si quis*, tit. 26. Idem dicendum est de septuagenario: nam & septuagesimus annus immunitatem tribuit, arg. d. t. 53. ubi qui septuagesimum ætatis

S 4

annum

annum complevit, jurare non cogitur, *fac. l. 3. ff. de jura  
immun.* Et quæ dicta sunt *ad tit. Inst. de excus. tut.* Olim  
apud Romanos sexaginta anni immunitatem præsta-  
bant, unde etiam natum est proverbium, quo dice-  
bantur *sexagenarii de ponte dejiciendi*; quodd scilicet suf-  
fragium non amplius ferrent, quod per pontem alii  
ferebant. Eleganter *Varro apud Non. in verb. sexagena-  
rios per pontem mittendos*: cum verò in quintum gra-  
dum pervenerant atque habebant sexaginta annos,  
tum deniq; erant à publicis negotiis liberi atq; otio-  
si. Hinc & *Plinius 4. Epist.* Ipsæ leges, inquit, majorem  
annis sexaginta otio reddunt. In Syriis, teste *Ulpiano  
in l. 3. ff. de censib.* erant anni 65. Tandem verò Romani  
septuaginta annos constituerunt, *vide Cujac. ad l. 3. C.  
qui etate se excus. lib. 10.* Sin autem vasallus sit major  
seu pubes, nec ullum ei objiciatur justū impedi-  
mentum; regulariter atq; ordinariè ipse præstabit servi-  
tia, maximè si ejus singularis sit petitia, industria, for-  
titudo & dexteritas consilii. Si verò impedimento  
aliquo detineatur domi, vel substitutū aliquem mit-  
tere debet æquè acceptabilem domino, vel certâ pe-  
cuniæ summâ necessitatem eundi redimere pro quan-  
titate feudi, alibi quidem dimidiâ, alibi tertiâ parte  
fructuum sive reddituum unius anni: *de quo vide §. simi-  
liter, t. 40. & §. firmiter, tit. 35. juncto tit. 54 lib. 2. feud.* In-  
terdum hæc summa permittitur laudamento sive ar-  
bitrio domini: quod tamen jure mireris, cum aliàs  
nemo judex in propria causa esse possit. Sic apud  
*Guntherum d. lib. 8.*

*Publica militia vasallus munera justæ  
Non renuat, dominiq; libens in castra vocatus  
Aut eat, aut alium pro se submittat iturum,  
Arbitrio domini, vel quam laudaverit ille,  
Compenset redimatq; suum mercede laborem.*

*Laudaverit*, id est, æstimaverit, vel arbitratus fuerit:  
unde *laudum* vel *laudamentum* in libris feudorum, &  
apud historicos posteriores significat arbitrium sive  
sententiam parlium curiæ, *vide tit. 15. 21. 22. 28. li. 1. feud.*

Et tit. 20. lib. 2. & exempla ex historicis apud Hotom. in lex. verb. feud. Dicuntur autem hæc quæ ita dantur, aliquando *stipendia militiæ*, ut d. tit. 54. aliquando *hostenditiæ*, ut tit. 40.

32. D. Vnde putas *hostenditiæ* esse appellatas, & quomodo definiæ?

M. Iacobus Cujacius 5. feud. ad constit. Friderici I. (quæ Noribergæ ante 400. annos promulgata est) annotat ex Annalibus Johannis Aventini, hæc tria idem valere, ac denotare multam non respondentis ad dilectum: *Raisogeltum*, *Heribannum*, & *hostenditiæ*. Vulgò (ut Hotomannus) deducunt *hostenditiarum* nomen ab *hoste*, cui Etymologiæ favere videtur textus in d. tit. 40. in verb. in hostem pergentibus. Item: *hostem faciunt*. Ac putat Hotom. corruptum esse verbum ex *hosteliæ*. Marquardus Freherus in comment. ad constit. Carolin. de feud. derivat à Germanico *Ostendienst*. Sic aliàs dicimus *Sperendienst* / *Brohnedienst* / *Reuterdienst*. Putavi aliquando *hostenditiarum* appellationem deductam videri ex veteri verbo *hostire*, quod significat æquare, unde & *hostimentum* apud Plautum in *Asinar.* quod rectè exponit Festus beneficii pensationem. In quam cogitationem deducebat me, quòd Guntherum suprâ d. loc. legimus:

*Compenset redimatq; suum mercede laborem.*

Unde simul etiam definitio sumi potest, quòd scilicet *hostenditiæ* nihil aliud sint, quàm mercedes sive stipendia præstita domino feudi à vasallo, qui ipse cum eo in militiam ire non potest, aut vult, neque alium pro se idoneum submittere; præstita, inquâ, ad compensandum redimendumque laborem in militia ob-eundum.

33. D. Sed si ipse vasallus cum domino proficiscatur, cujus sumptibus militabit, propriisne an domini?

M. Servabitur hac in re quod vel pactis feudali-bus in investiturâ conveniet, vel quod consuetudo regionis tulerit. Textus est in c. extraord. 107. quod incipit, *antiquatum*, in verb. nisi aliud contractibus pactio-

*nes inserta desiderarint* : & ibi Cujacius annotat , multum in hac re posse mores regionum , quamdiu & quatenus vasallus suis sumptibus debeat militare , *fac. l. 1. §. si renuerit , ff. de pos. l. 32. cum l. seq. ff. de legib.* Quod si neutro modo aliquid definitum fuerit , & feudum sit amplum , lautum , pingue atq; opimum ; vasallus gratis & suis dispendiis militabit , sive bellum geratur intra sive extra territorium domini , *arg. l. 18. cum duabus seqq. ff. de oper. libert.* Facit etiam huc *l. 33. §. ult. in verb. nisi certum salarium ei constitutum est ff. de ad. ministr. ius.* Sin autem habeat feudum tenue & macrum , ut sumptibus par esse non possit , dominus ipsi alimenta & sumptus suppeditabit : quod ipsa suadet æquitas , maxime si extra territorium sit proficiscendum , *vide Zas. p. 7. nu. 44. cum duob. seqq. Wurmst. tit. 51. de feud. observ. 31. Forner. c. 17. §. de sumptibus.* Quod autem dixi , etiam extra territorium pergenti domino vasallum adesse , & suis sumptibus militare debere : id tamen sub hac lege intelligendum est , dummodò ne vagentur dominus per orbem terrarum , quo casu non esset injungenda vasallo necessitas , ubiq; cum sequendi , minimeque suis sumptibus , *arg. l. 20. in fin. ff. de oper. libert.* quod & supra attigimus. Hic observabis notabilem differentiam inter vasallos , & alios subditos alicujus Principis , qui nulla ab eo feuda habent. Hi namque non tenentur principem comitari , & bellum gerentem adjuvare suo victu & propriis impensis , sed justa ac moderata ab eo percipient stipendia , si habeant redditus idoneos ex suo principatu ; quos quidem in rebus gerendis pro communi utilitate , non autem luxu consumere debet ; utpote non ad suam , sed ad civium utilitatem constitutos , vide eleganter hac de re differentem Fernand. Vasquium *lib. 1. illustr. controuv. cap. 6. n. 4.* facit huc quod scribit Cicero : Ut tutela , sic procuratio Reipubl. gerenda est non ad eorum qui administrant utilitatem ; sed eorū qui ipsis commissi sunt. Quod idem Ammianus Marcellinus aliquoties repetit *lib. 25. 29. & 30.* nihil aliud , inquit , esse justum impe-

imperium, ut sapientes definiunt, nisi curam salutis alienæ, & finem ejus esse commodum ac salutem obedientium.

34. D. *Allegasti paulò antè cap. extraordinar. quod est 107. apud Cujac. li. 4. feud. quod dum inspicio, jus de sumptibus longè aliud constitutum reperio.*

M. Verum est, ibi indistinctè poni, quòd fideles, id est, vasalli dominorum sumptibus servitia ipsis exhibere debeant, nisi aliud pactionibus convenerit. Ad-ditur & ratio sumpta ex Apostolo 1. ad Corinth. c. 9. v. 7. Quis, inquit, propriis stipendiis unquam militavit? Nemo, inquam, cogitur propriis impendiis militare; & justum est, ut consequantur stipendium, quo tempore suum obsequium commodare reperiuntur. Unde & Augustinus ait: Propter bella necessitatè militi stipendium præbetur, cap. 4. *quid culpatur*, 23. *quest.* 1. Sed scire debes, illa capitula extraordinaria non esse authentica ubique aut magnæ autoritatis: certò nulla est injustitia, cum, qui diu in pace fructus ex feudo solus percepit, tandem aliquando etiam adjuvare dominum in bello suis sumptibus, quos faciliè possunt exsarcire superiorum & sequentium annorum fructus, arg. l. 15. §. *Papinianus*, ff. *locat. junct. l. 8. & l. 18. C. eod. c. 3. extra eod.* Observabis obiter, in eodem capitulo satis novè atq; inusitatè (*antiquatum esse*) poni, pro antiquitus receptū, antiquo more introductum; cum aliàs antiquatum jus dicatur id, quod est aboliturum, & de consuetudine abrogatum: sive, ut Justinianus loquitur, *in umbratum*; & Festus dicit, legem in pristinum morem reductam.

35. D. *Quid si damnum vasallus fecerit in expeditione pro domino suscepta, num id resarciet ei dominus?*

M. Verius est, damnum illud, verbi gratia, equorum aut armorum amissorum, aliarumve rerum ad expeditionem necessariorum, spectare ad ipsum vasallum, neq; domino imputandum esse calum fortuitum, vel vim majorem & damna fatalia, quæ in nullo bonæ fidei judicio præstantur, l. 23. ff. *de R. l. Ferrarien. in form.*

*form. libell. quo agitur ad revocationem feudi, Innocen. ad c. sicut, extr. de jurej. Bald. & alii Dd. ad tit. 45. lib. 2. F. vide etiam Borch. c. 1. de feud. n. 27. Aliud cautum est jure Saxonico; nempe ut dominus hujusmodi damna sarciat, vide Echenrecht/ c. 4. & c. 24. quod tamen jus negant observari.*

36. D. *Videris jam satis dixisse de servitiis vasalli militaribus. Nunc de pacificis expecto ut dicas.*

M. Sub militaribus servitiis scias me etiam comprehendere voluisse assistentiam domino in rixa privata præstitam. Guerræ enim vocabulum utrumq; significat, & bellum publicum, & rixam privatam, teste Hotom. in *Lex. verb. feud.* Sed est etiam quoddam velut intermedium, & de utroque participans, de bello, inquam, & de pace, videlicet ut vasallus comitetur Imperatorem ad suscipiendam à Pontifice coronam Imperii in Italia, quod veteribus historicis rerum Germanicarum est *transalpizare*, quasi dicas *Alpes transcendere*. Hujus expeditionis Romanæ ob suscipiendam coronam, mentio fit etiam in *tit. 54. lib. 2. feud.* & paulò obscurius in *tit. 40.* eamq; felicissimam sui numinis expeditionem vocant Impp. Lotharius & Fridericus: quam loquendi formulam, ut scilicet numen suum jactent, didicerunt nostri illi Impp. ex legibus Justiniani, & aliorum Principum, quorum constitutiones in Codicem relati talibus scatent. Fateor equidem, subditos ita erga Principem affectos esse debere, ut pro numine, & pro Deo quodam terreno ipsum habeant, colant, ac venerentur: sed an Principem ipsum hæc sibi arrogare & de se prædicare deceat, subsisto. Ad expeditionem verò illam Romanam quod attinet, de ea vide etiam Marq. Freher. in *tit. comment. ad constit. Carol. III. de feud.* ubi ait, eam coronationem ut superfluam & gravem Impp. tandem fuisse insuper habitam. Dico, hanc servitii speciem esse mixtam, id est, partim pacificam, partim militarem. Pacifica est quatenus servit honoris, splendori & majestati novi Imperatoris, cujus interest, quam maximè ac splendidi-



didissimum comitatum secum ducere ad inaugurationem, quia ut Pindarus scripsit: Cujusq; rei splendidum oportet statuere vestibulum. Militaris verò sit eadem opera, si fortè in hostes aut insidias in itinere illo inciderit Imperator, ut eum defendant sui comites & vasalli, quod persæpè necessarium fuit cùm aliis Germanicis Impp. tùm maximè Lothario III, & Friderico I. ut in ipsorum historia legimus.

37. D. *Quanam ergò sunt alia officia, ad quorum praestationem vasallus domino obligatus est extra militiam & rixam, atq; etiam extra illam transalpinationem, de qua dixisti?*

M. Est etiam officium quoddam in pecuniarum contributione & subsidio positum; nempe si dominus filiam suam in matrimonium collocare velit, aut etiam in monasterium, (quod vulgò Canonistæ vocant *matrimonium spirituale*) nec ipse de suo patrimonio pro dignitate filiae suae dotem constituere possit. Ita ex sententia Speculatoris, Hostiensis & Laudensis consuetudine approbatâ tradidit Zas. p. 7. nu. 50. & seq. Wef. c. 18. de feud. nu. 18. cui tamen opinioni & consuetudini tanquam ridiculae & absurdae contradicit Forner. c. 16 de feud. in §. dominum feudi.

38. D. *Qua sunt utriusq; partu fundamenta?*

M. Pro Zasii & cæterorum sententia affirmativa, (quam etiam Schraderus sequitur p. 6 c. 6. n. 202.) facere videtur, quod & clientes veteres Romanorum suis patronis ob similem causam aliquid contribuere subsidii cogeantur, teste Dion. Halicarn. lib. 2. Pro Fornerii autem sententia negativa facit, quod si dicamus vasallum teneri ad dotandam filiam domini aliquid contribuere, sequeretur hoc absurdum, ipsam fore melioris conditionis, quàm parentem suum dominum feudi; nam huic fortè inopia laboranti alimenta à vasallis non deberi, vulgaris est sententia, ut mox audies. Ad clientes autem Romanorum quod attinet, respondet Fornerius exemplum esse dissimile, nec trahendum ad consequentias, arg. l. ult. ff. de calumn.

39. D. *Quid si filia non sit legitima, sed spuria, an vasallus tunc quoq; ad eam maritandam contribuere debet?*

M. Ita quidem volunt Zasius, Schraderus, & alii, hoc argumēto, quia dos cedat pro alimentis: alimenta autem jure Canonico etiam incestuosus liberis debentur, nedum spuris ac nothis. Mihi magis placet sententia negativa Jacobini, *in verb. qui quidem investiti*, n. 79. & Sponsbeck. p. 11. n. 48. parum enim honestum esset hoc officium, si vasallus cogderetur etiam ad spuriā maritandam aliquid conferre: ipse verò tantum ad honesta obligatus est, *tit. 7. lib. 2. feud.*

40. D. *Cogiturne vasallus dominum egenum exhibere & alere, an non?*

M. Dixi paulò antè, vulgarem esse sententiam negantem, quam & Zasius probat p. 7. nu. 48. & Jul. Clar. q. 23. Hartm. Hart. *tit. de feud. 54. obs. 33. num. 4.* Wels. c. 10. nu. 17. qua in re volunt differre vasallum à liberto, qui patronum, imò etiam patroni filium interdum inopem & famelicum alere tenetur, l. 5. §. *solent*, ff. de agnosc. & alend. l. 1. & ibi notat gl. & Dd. C. de oper. libert. & quidem alimenta menstrua ferè fuisse, sive in singulos menses præberi solita intelligimus ex l. ult. ff. de agnosc. & alend. ad eò, ut ob non præstita alimenta libertas in servitutē revocari possit, l. 6. ff. d. tit. Quemadmodum etiam à donatario tanquam ingrato revocatur donatio, si donatorem inopem alere neglexerit, gloss. & Dd. in l. ult. C. de revocand. donat. Ferrar. in form. libell. quo agitur pro donatione, in verb. *irrevocabiliter*. Addunt tamen hanc exceptionem, nisi patronus sive senior ex facto & occasione vasalli ad inopiam reductus esset, ut tunc vasallus ipsum alere teneatur, *dd. locis*. Excipiunt deinde & hunc casum, nisi dominus omnia bona sua in feudum dedisset: & tertio, nisi feudum valdè opimum sit. Sed aliis eòtrarium verius videtur, nempe vasallum cogendum esse egenti domino alimenta præstare, non quidem de suo patrimonio, sed pro quantitate feudi usq; ad dimidiam partem fructuum ac reddituum annuorum. Ita Nicol. Eberhard. *in loco à liberto*

*liberto ad vasallum, num. 14.* ubi tamen fatetur hunc articulum esse dubium. Vide etiam Hartm. *d. observ. 33. num. 4. & seqq.* & Schrad. *part. 9. cap. 8. num. 12. & seq.* qui Schraderus, ne putetur alibi contrarius sibi metipso, nempe *part. 6. cap. 6. num. 94.* dicendum quod res est, cum ibi non suam posuisse sententiam, sed aliorum retulisse. Et certè si vasallus domino non serviens, aut alium pro se submittens æquè idoneum, cogitur stipendia militiæ pro quantitate feudi persolvere, & quidem ad dimidium reddituum annuorum, sicut nuper de hostenditiis dicebam *ex tit. 54. & tit. 55. lib. 2. feud.* multò justius hanc mediam partem conferet ad alimoniam domini, cum alimenta denegans necare videatur, *l. 4. ff. de agnoscend. & alend. lib.* Si item vasallus domino succurrere in necessitatibus cogitur, (ut certè cogitur *§. licet, tit. 26.*) quæ potest esse major necessitas, quàm famis, quæ omnium rerum clades atq; acerbitates superat, teste Josepho *lib. 6. de bello Iudaico, cap. 14.* animi tormentum, corporis labe, magistra peccandi, dirissima necessitatum, deformissima malorum, ut verbis utar Quintiliani in declamationibus. Et quomodo incolumem servabit vasallus dominum suum (id quod inter cætera fidelitatis capita juravit se facturum) si alimenta ipsi denegaverit, sine quibus vita ipsa & incolumitas consistere nequit. Taceo quod paulò antè dictum de liberto & donatario, qui patronum & donatorem inopem alere tenentur. Taceo denique quod ad dominum multis casibus redire potest feudum. Ergo alimenta ipsi denegari non debent, *arg. l. 1. §. epies, ff. de ventre in poss. mitter. camq; sententiam novissimè probavit etiam D. Bocet. disput. 16. class. 4. n. 35.*

41. D. *Quid si dominus a re alieno oppressus sit, an vasallus pro ipso solvere teneatur. ut eum vel perjuriis, vel carceris, vel quo alio periculo liberet?*

M. Non cogitur, *arg. tit. C. ne filius pro patre vel libertus pro patrono conveniatur, Zas p. 7. num. 47. Ju<sup>l</sup>. Clar. quest. 24. Wesemb. d. c. 10. num. 17. Schrad. part. 9. c. 8. n. 8.*

Et seq. Fern. Vafq. illustr. controu. 6. lib. 1. n. 6. ubi ait: Multò minus simplicem subditum, qui non sit feudatarius suo principi ad hoc teneri, cum vafallus ad multò plura teneatur domino feudi, quàm simplex civis suo principi. Et de perjurii periculo textus est in §. licet, tit. 26. Et in §. ult. tit. 39. lib. 2. De carcere hanc reddunt rationem, quia dominus eum evadere possit cessione bonorum ex beneficio leg. Juliae: de quo diximus ad §. ult. Inst. de act. Exceptio est, nisi æs alienum propter vafallum sit contractum, Zas. d. loc. Hoc enim casu id à vafallo agnosci, & pro domini liberatione dissolvi, æquissimum profectò est.

42. D. Quid si dominus captus sit ab hostibus, num vafallus ipsum redimere cogitur?

M. Omnino, atq; ita intelligunt Dd. textum in §. item si delator, tit. 24. quamvis ille generaliter loqui videatur de quavis inclusione. Adcò autem cogitur vafallus dominum redimere, lytro hostibus pro eo persoluto, ut nisi hoc fecerit, cum posset, feudum ex hac causa perdat: nam hæc etiam exheredationis justa causa est Nov. 115. Cujac. ad Nov. 18. Est autem apud Feudistas celebratissima regula: Quas ob causas exheredari quis potest, ob easdem posse etiam ad privationem feudi procedi, §. prædictis modis, tit. 24. qua de re infra pluribus. Et ita quidem vulgò ferè sentiunt, distinguentes inter captivitatem apud hostes, & inclusionem in carcere ob æs alienum. Si tamen propius inspexerimus textum d. §. item si delator, cumque contulerimus cum textu Nov. 115. in §. aliud quoq; capitulum, vers. causas autem, (inde enim lumtus est textus feudalis) tum ergò deprehendemus, distinctionem illam vulgarem alienam esse à mente illorù textuum, & proinde verius videri, quòd vafallus etiam carcere clausum dominum, si possit, liberare debeat, verbi gratia, pro ipso fidejubendo, quàm sententia Cujacium quoq; esse video lib. 3. de feud. ad tit. 1. prope fin. ubi testatur hoc expressum esse constitutionibus Neapolitani lib. 3. tit. 19. Nec obstat huic nostræ sententiæ,

vel

*vel §. licet, tit. 26. lib. 2. vel §. ult. tit. 39.* quos vulgaris sententię patroni perpetuò in ore habent, sed perperam. Non enim loquuntur de omiſſa à vaſallo liberatione ex carcere & vinculis, ſed de ea liberatione quę fit à perjurio. Aliud autem eſt prohibere, ne quis in perjurium aut aliud grave crimen incidat; aliud longè, liberare quem ex carcere & vinculis. In carcerē & vincula ſæpè conjici poteſt etiam vir bonus & innocens; at perjuria, aliave crimina abſq; animo improbo, & ut Longobárdorum utar vocabulo, *aſte animo*, ſive ut J Cti loquuntur *ſine dolo malo* non committuntur. Illic verſatur calamitas digna commiſeratione, & ſuccuſſione; iſtic improbitas & malitia, quę odium meretur. Et qui ipſe ſciens prudensq; in aliquod crimen ſe præcipitat, is fruſtrà aliorum opem circumſpicit. Nam ut eleganter ac verè ſcripſit Baſilius Magnus, & ex eo Beatus Ambroſius in *Hexaëmeron*: quorum ipſi ſumus domini, quęq; in poteſtate noſtrâ habemus, (ut actiões quiſq; ſuas) eorum cauſſas ac principia foris quærere, aliisq; imputare non debemus.

43. D. *Suntne & alia ad obligationem vaſalli perſonalem pertinentia?*

M. Tenetur quoq; vaſallus domino perenti ſinec ac limites feudi oſtendere, niſi probabiliter ipſe eos ignoraret, ut docet Zaſ. p. 7. n. 52. Roſenth. c. 8. concl. 66. cum ſeqq. Sic tenetur ſæpè vaſallus conficere & tradere domino inſtrumentum recognitionis, quod vulgò vocant, *Einen Revers von ſich geben* / in quo inſtrumento contineatur conſignatio bonorum, quę in feudum accepit, & ſervitiſſimum feudalium expreſſio: qua de re vide Bald. ad l. *debitum*, C. de liber. cauſ. Tenetur item aliquando edere domino requirenti inſtrumentum inveſtiturę: quod tamen limitatur, ut non procedat in eo vaſallo, qui per 30. annos feudum poſſedit, ſed tantum obtineat in eo, qui recens poſſeſſionem feudi naſtus ſit, ut ſcilicet hic ſolus cogatur ſuę poſſeſſionis titulum oſtendere, ſi ſe vaſallum alicujus eſſe dicat altero negante, de quo vide Borch. c. 8. n. 117. & 119.

Rosenth. c. 8. concl. 59. cum seqq. cum aliâs regula sit, ne minem cogi titulum seu causam possessionis suæ dicere, l. ii. cogi, C. de petit. hered. Deniq; ne longum faciam, vasallus non debet inimicis domini sui comitatum concedere, neq; per feudalia bona, neq; per propria, nec hospitio ipsos excipere, aut ulla cum eis familiaritate conjungi: Zaf. p. 7. num. 43. hæc enim faciendi videretur esse amicus inimicorum domini, & cum ipsis colludere, atq; ob id feudo privari posset, vide tit. 57. lib. 2. feud. Sed hac de re infra distinctius agetur. Postremò vasallus tenetur renovationem investituræ à domino petere, quoties mutata fuerit persona vel vasalli, vel domini: de qua renovatione investituræ intra quod tempus petenda sit, & quid juris sit, si plures sint hæredes, vel senioris, vel vasalli, jam antè dixi in loco de investitura: ubi & hoc expositum est, an pro ea renovatione & pro introitu cogatur vasallus aliquid numerare, quæ omnia hîc repetere potes, cum etiam quodammodo ad obligationem vasalli pertineant. Hoc quoque non est omittendum, quòd cogatur vasallus cum paribus curiæ, id est, aliis convasallis judicare de controversiis, quæ inter dominum & alium quempiam vasallum fortè inciderint. Sed hac de re infra commodius erit dicere, sub cap. de judice competente, in causis feudalibus.

44. D. An ergò semper vasallus domino servitia præstare cogitur?

M. Imò quædam sunt exceptiones, quibus à necessitate hac excusatur: quarum nonnullas jam supra attigimus, nempe si dominus ex justa causa fuerit excommunicatus, vel bannitus: item si sit hæreticus, quàm diu non fuerit vel Ecclesiæ, vel Reipublicæ reconciliatus, & in integrum restitutus. Sic excusatur à præstatione servitiorum qui feudum refutavit domino: quamvis ut supra dictum, adhuc reverentia durare debeat: sic excusatur qui hostenditias, id est, sumptus belli domino præbuit, de quibus etiam supra memini. Sic non cogitur præstare servi-

tia,

ria, qui feudum habet francum seu liberum à servitiis; de quo item suprà in divisionibus feudorum. Non cogitur etiam vasallus servire domino qui servitia præscripsit, atque ita libertatem eorum adquisivit, si nimirum toto 30. annorum spacio nulla præstiterit, cùm quidem de iis interpellatus esset à domino, vel alii interim vasalli à domino ad servitia vocarentur, & ipse solus immunis relinqueretur. Sic enim volunt Doctores, ut *Iason ad l. 2. n. 72. C. de jure Emphyt. Schraderus part. 6. cap. 6. n. 62. Iohan. Andree in additionib. ad Specul. in rubr. de præscriptionibus*, quod addes ad ea quæ suprà attigi de præscriptione feudi, & servitiorum illius. Sic excusatur vasallus à servitiorum præstatione, si dominus bellum gerat palam injustum, & quidem non ad sui defensionem, sed ad aliorum offensionem, de quo item suprà audivisti. Item excusatur non præstans servitia, cùm non esset super illis requisitus. Item nõ tenetur servire domino adversus Imp. vel alium antiquiorẽ dominũ: Item si non possit absq; præsentissimo vitæ suæ periculo dominum juvare; aut si auxilium domino præstitum nihil eum juvaret. His nunc adde, si fortè quis feudum habeat ab Imperio, & contingat duos pluresve eligi Imp̃p. dissentientibus Principum suffragiis (id quod aliquoties contigisse scimus ex historiis, verbi gratiã, cum adversus Ludovicum Bavarum electus est Fridericus Dux Austriæ, & alii contra alios) ambobus impunè vasallus recusabit præstare servitia, quoad unus fuerit confirmatus: de quo vide *Schraderum p. 6. cap. 6. n. 61.* Sic dum pendet lis inter dominum & vasallum, interim servitia ipsi præstare non cogetur, de quo vide *Ius Saxonicum cap. 4. Lehenredyt.* Sic excusatur vasallus à præstandis servitiis, si non percipiat fructus neque commoda ex feudo, puta, quia absq; sua culpa possessionem ejus amisit, quia feudum seniori oppignoravit, vide *Nicol. Mozzium c. ult. n. 112. Abbat. in c. 1. ext. de feud. gloss. ult. in cap. 1. extr. de usu-ru.* Adhæc excusat vasallum à servitiis nimia egestas,



per quam nec equum, nec arma sibi comparare possit. Ita Joh. Blancus in summ. feud. tit. quib. mod. feud. amit. Quomodo etiā a tutela excusat paupertas, ob quam quis in juncto oneri impar sit, §. sed & propter, Instit. de excus. tut.

## CAPUT II.

*Quid & quatenus in feudo liceat vasallo, vel non liceat: ubi inter alia de subfeudatione & refutatione feudi.*

1. D. Dixisti, opinor, quantum satis est de jure personali, quod spectatur in vasallo, sive quod vasallus domino debeat. Nunc priusquam exponas, ad quid vicissim dominus vasallo teneatur, cupio cognoscere de jure reali, quod vasallo competit in feudo, sive quid & quatenus ei in feudo liceat, vel non?

M. Id quidem jam proximum est ex superiore nostra partitione ad explicandum. Velim tamen hoc prius universè velut in antecessum abs te observari, quod suo loco intelliges plenius: quot sunt capita, ad quæ vasallus obligatur, totidem esse commoda, quæ inde redeunt ad dominum. Nam hæc est natura obligationis mutuæ, ut qua in re gravat ad strictum, in eadem juvet eum, cui quis obligatus est, ejusque conditionem faciat meliorem.

2. D. Intelligo: sed quenam illa sunt, quæ dicis vasallo permitti jure feudali, vel contra denegari?

M. Latissimè patet hic locus, sed opera dabitur, ut quàm brevissimè omnia cōstringamus. Igitur in feudo vasallus hæc jura habet: Primum, quasi dominium quoddam: Secundò etiam possessionem feudi: Tertio, jus percipiendi, & suos faciendi fructus: Quarto, incrementa rei feudalis; ut si quid fundo accesserit per adluvionem vel insulam. Quintò, habet facultatem rei feudalis meliorandæ ac mutandæ. Sextò, facultatem subinfeudandi, seu alteri rem in feudū concedendi. Septimò, facultatem & adquirendi & imponendi

endi servitutem rei feudali. Octavò, facultatem feudum refutandi seu cedendi domino. Nonò, habet potestatem & agendi de feudo, & actiones excipiendi, itemq; transigendi. Contrà autem denegatur vasallo potestas deteriorandi & alienandi feudi: quæ singula qualia sint, ordine videamus. Primum dicebam vasallum in feudo habere quasi dominium, vulgò hoc vocant, *utile dominium*: quia scilicet utilis actio eo nomine datur, *glos. in tit. 43. lib. 2. in verb. ipse enim solus utiliter*. Alii verò usum fructum quendam esse volunt, *ut Hotom. c. 4. disp. feud. & Cujac. lib. 1. feud. tit. 5.* pro quibus etiam facit definitio feudi, in qua usus fr. adhibetur, *tit. 23. lib. 2. in fi.* sed quantum distet feudum ab usufructu, latè ostensum est suprà, cùm separavimus feudum ab aliis, quæ cum eo adfiniorem habere videntur. Ex hoc autem jure, quod quasi dominium vocamus, non tantùm illud fluit, quòd fructus feudi suos faciat vasallus, de quo mox; sed etiam, quòd tanquam dominus potest rem feudalem, de qua ritè investitus est, sibi quasi vindicare à quolibet possidente, sive habet utilem rei vindicationem, *§. rei autem, & ibi glos. in verb. vindicare, lib. 2. feud. tit. 8. & d. tit. 43.* sed de actionibus pro feudo competentibus inf. à seorsim dicitur: ubi hoc quoq; explicabitur, an actionem illam possit vasallus exercere solus sine domino? Ex eodem quasi dominio etiam illud est, quod possit vasallus ab alio conventus (ut aditio) per exceptionem se tueri, *d. tit. 43. in verb. & excipiendi habet potestatem, & tit. 8. in verb. etsi ab alio ejus rei nomine conveniatur defensionem opponere*. Idq; ex regula utriusq; juris: Quia cui damus actionem, eidem & exceptionem multò magis competere quis dixerit, *l. 156. §. 1. ff. de reg. jur. c. 71. de reg. jur. in 6.* Secundò dixi, ad vasallum pertinere possessionem rei feudalis: cujus sæpè fit mentio in his libris, *ut lib. 2. tit. 7. in fi. item tit. 88. §. ult.* quamvis inquit text. possessio per beneficium ad eum pertineat, tamè proprietas ad alium spectat, vide etiam *tit. 22.* ubi sæpè nominatur possessio. Sic *tit. 26. de transferenda & tra-*

denda possessione feudi aliquoties agitur; Vnde etiam supra vasallum contulimus cum bonę fidei possessore. Et hac in re feudum ab usufructu inter alia differt, usufructuarius enim non possidet rem fructuariam verè & civiliter, sed tantum naturaliter tenet, *l. 12. in princ. & l. 49. in pr. ff. de acquir. poss.* non enim sibi sed proprietario possidet. Licet Hotoman. dissentiat, & feudatarium quoq; non civiliter possidere, sed naturaliter tantum tenere velit feudum; quia sc. ad usucapionem sua possessio ipsi non profit. Verum hoc non fit ob defectum possessionis verę ac civilis, sed ob prohibitionem imperialem; de qua supra dictum. Quemadmodum autem ex quasi dominio illo competit vasallo utilis rei vindicatio ad rem feudalem, *d. §. rei autem, tit. 8. lib. 2.* ita possessionis nomine interdicta quoq; eidem vasallo accommodantur adipiscendę, retinendę, & recuperandę possessionis, ut prolixè probat *Iacob. Menochius remed. 4. adipiscenda possessionis, n. 375. & remedio 1. retinenda possessionis, n. 81. cum duobus sequentibus*; eaq; dantur vasallo non solum adversus alios, sed etiam in ipsum dominum: dummodò hoc meminervis pro interdicto unde vi, quod est recuperandę, debere vasallum instituere adversus dominum actionem in factum, quia scilicet interdictum gravaret opinionem domini apud honestos viros, utpote, quòd contineat mentionē violentię sive criminis cujusdam, *arg. l. 1. §. interdictum hoc, ff. de vi & vi armat. unde vi, &c.* & eorum quę supra dixi de effectibus reverentię domino debitę. Tertio, dixi, ad vasallum pertinere jus percipiendi, & suos faciendi fructus ex re feudali. Hujus quoq; juris passim in istis libris fit mentio, vide *tit. 28. lib. 2. in §. his consequenter, & tit. 45. item in §. firmiter, tit. 55. ubi nominantur redditus feudi, qui alibi fructus, ut tit. 40.* Quomodo etiam in Iure Canonico emptio reddituum vocatur, & in *l. 5. §. non passim ff. de rebus eorum quę sub tutela*, redditus & obventiones conjunguntur opponunturq; fructibus conditis, id est, in hor-

reum convectis, quæ etiam Latinis absolute interdum appellantur *Condita*. Fructuum divisio repetenda hæc est ex iis quæ dicta sunt ad *tit. Inst. de rerum divisione*. Nec mirum quod vasallus fructus suos faciat, cum etiam fructuarius, qui tamen minus juris habet, idem possit. Immo ad hoc ipsum datur feudum, ut vasallus ex fructibus ejus se exhibeat, & servitia præstet domino, quæ plerumq; sunt militaria, & magnos requirunt sumptus, ut supra ostensum est. Quantum verò quoad fructus inter sit, inter vasallum & fructuarium, jam ante attigi, cū indicarem differentias feudi, & usufructus, & plenius infra dicam, ubi de ratione dividendi fructus ultimi anni inter dominum & hæredes vasalli, post feudū domino apertum agetur. Qua de re intetim videre licet *Cujac. ad lib. 4. Feud. tit. 30. de fructibus feudi. & Hartman. Pist. lib. 2. quest. juris*. Si igitur in fundo feudali vasallus fortè offenderit venas aliquas seu fodinas metallicas, aut lapidinas, aut salinas, aut thesauros, hæc omnia ad ipsum pertinebunt, de quo vide *Wesembec. cap. 12. de feud. num. 4. & 6.*

6. D. *Incrementa feudi & accessiones ad quem pertinent?*

M. In usufructu quidem distinguitur incrementum latens ab evidenti, hoc modo, ut illud pertineat ad fructuarium, eoq; augeatur usufructus: hoc non item, sed pertineat ad proprietarium, l. 9. §. *huic vicinus, ff. de usufruct.* quamvis *Paulus §. accessio alluvionum, tit. 6. lib. 3. sent.* id negare, & ab illo dissentire aperte videatur, nisi quis ita ipsos fortè conciliandos putet, quod *Paulus* loquatur de usufructu finito; *Ulpianus* autem in l. 9. de eo durante, & adhuc constante. In feudo autem distinguitur aliter, nempe, utrum dominus aliquid receperit ac reservavit in, curte seu villa feudali, an verò nihil: ut priore quidem casu incrementum pertineat ad dominum, si illud sit latens, seu evidens: nisi statim vasallus etiam de illo fuerit investitus à domino. Posteriore autē pertineat ad vasallū, §. *si quis de manso. lib. 1. tit. 4. vide Cuj. ad fi-*

*nem tit. l. lib. I.* Ratio, quare incrementum & accessio pertineat ad vasallum, est hæc, quia accessorium sequitur naturam & conditionem principalis sui; & quod juris est de toto, idem etiam est de parte, *arg. l. cum principalis, ff. de reg. jur. c. 42. de reg. jur. in 6. l. quæ de tota, ff. de rei vind.* Facit hucl. 26. §. *tum inter, ff. de pact. dot. l. 8. C. de jur. dot. l. 43. ff. ad SC. Trebel.* Item tacit huc doctrina Bart. ad l. 18. §. *sinuda, ff. de pign. act.* quæ vult, quòd augmentato regno, etiam illa pars quæ regno accessit, iisdem legibus & constitutionibus, quibus regnum, debeat gubernari. Sed hæc quæstio ad jus publicum pertinet. Cur autem eo casu, quo sibi dominus aliquam partem recepit in curte feudali, incrementum ad ipsum pertineat, nec feudi jure censeatur, ratio esse videtur posita in tacito pacto. Hoc enim consilio, ea mente ac lege eam partem dominus sibi reservasse videtur.

4. D. *Sed estne de illo incremento nova opus investitura?*

M. Non est opus, quamvis hoc velle videatur Hotom. sed communis est sententia in contrarium, ut testatur Schrad. p. 5. c. 6. n. 29. post Alvar. Præpos. & Affl. ad d. §. *si quis de manso.*

5. D. *An autem vasallus pro eo quod sic accessit, plura & majora servitia in posterum domino debebit?*

M. Videbatur hoc quidem dicendum, cum pro majoribus beneficiis major sit etiam grati animi obligatio, cumq; secundum naturam sit, onera cujusque rei sequi eum, quem & sequuntur commoda, *arg. l. 10. de reg. jur.* sed contrarium tamen verius existimo, quod & Schradero post alios Feudistas placuisse video p. 5. c. 6. n. 26. *arg. l. ult. C. de alluvion. Bart. ad l. 28. §. vis major, ff. locat.*

6. D. *Quid si fundus feudalisis fuerit limitatus?*

M. Ad hunc non pertinet quod de incremento diximus. Nam alluvionum jus non habet locum in agris limitatis; sicut neq; in iis, qui aggeribus definiti sunt, neque in lacubus & stagnis, quod meminisse potes ex iis, quæ tradita sunt ad Inst. §. *propterea, & §. seq. de rerum divis.*

7. D.

7. D. *Quid si non à natura, sed ab ipso vasallo aliquid additum sit feudo, quoniam hac jure censebimus?*

M. Siquidem id hujusmodi sit, quod per se subsistere possit, & per se censeatur: vasalli proprium manet, nec pro incremento feudi habendum est, nec unquam adcrefcit feudo; verbi gratia, si prædium aliud, quod erat allodiale seu proprium vasalli hoc adjeccit feudo, ipsius manet, quale antea fuit. Non enim eo animo id adjecisse putandus est, quod velit hoc quoq; in clientelâ senioris sui conferre. Si verò per se non possit subsistere, tum accedet feudo, & de eo, tanquam de parte feudi disponendum erit. Quæ distinctio expressa est in §. *de contrario autem, tit. 8. lib. 2.* Exempla posterioris membri in hac distinctione duo adferuntur: servitus & ædificium, *d. tit. 8. §. si vasallus, tit. 28.* Servitus per se subsistere non potest; quia est qualitas prædio inhærens, est accidens prædii, ut *ad Inst. lib. 2. audivisti.* Ædificium quoq; sine solo seu fundamento subsistere nequit, unde dicitur à JC solo cedere, *§. cum in suo solo, & §. seqq. Inst. de rer. divis.* De ædificio tamen, quod vasallus fundo feudali imposuit, sicut & de servitute quam pretio adquisivit eidem (potest enim servitus emi ac vendi) dissentientes fuisse Feudistarum opiniones, testatur *d. §. si vasallus, tit. 28.* alii namq; voluerunt feudo ad dominum reverso, dominium aut pretia & sumptus factos in meliorationem hæred. vasalli refundere; aut si hoc nolit, pati debere, ut hæredes tollant quod extructum est. Alii contra omniò ad dominum id pertinere existimaverunt. Alii aliter. Ita hoc jus ferè in medio relictum est: de qua dubitatione etiam conqueritur Hotom. utroq; in loco, *§. tit. 8. & 28.* ubi acriter suo mote contra hæc disputat.

8. D. *Audiui de incrementis rei feudalis, tam naturalibus quàm artificialibus, seu ut vocant industrialibus, ad quem utraq; pertineant. Sequitur ut de facultate meliorandi mutendiq; feudi vasallo concessa me erudias?*

M. Non quidem cogitur, sed potest tamen vasal-

lus feudi conditionem meliorem facere, deteriore non potest. Meliorem facit, verbi gratia, si ædificium fundo feudali imponat, de quo paulò antè audivisti, id est licere, ex §. *si vassallus*, t. 28. lib. 2. Item si servitutem ei adquirat, d. t. 8. §. *de contrario*. qua in re differt vassallus ab usufructuario: hic enim non potest formam & qualitatem fundi fructuarii mutare, ne in melius quidem: Unde nec rectè in area ædificabit. l. 7. l. 13. §. *sed si adium*. ff. de usufr. non potest etiam novam acquirere servitutem, l. 15. in fin. ff. d. tit. Ex quo intelligis quod sæpè dico, id verissimum esse: plus juris concedi vassallo in re feudali, quàm fructuario in re usufructuaria, & quidquid permittit usufructuario, id vassallo permittendum esse multò magis. Cumq; jus sit usufructuario, lapidicinas aliasq; fodinas in fundo fructuario ad suum commodum exercere, substituere vites novellas, &c. l. 7. §. ult. l. 9. §. *sed si lapidicinas*, l. 13. §. *de prater*. §. *inde est*. ff. de usufr. multò magis eadem facere licebit vassallo.

9. D. *Facultas servitutem adquirendi & imponendi feudo qualis est?*

M. Vassallum acquirere posse servitutem fundo feudali, jam antè diximus: neq; hoc dubitatione ullà habet, cum hoc modo melior fiat feudi conditio, & utilitas prædii augeatur. Sed de impositione servitutis rusticæ, quàm urbanæ meritò dubitari poterat, cum per eam conditio feudi deterior fiat, quod vassallo non licet. Communiter tamen ita hac in re distinguitur. Primum, ut impositio servitutis voluntaria & extrajudicialis facta à vassallo etiam sine consensu domini valeat quidem in ipsius præjudicium, & ipsi tantum noceat imponenti, tam diu consistens, quoad ipse feudum retinet; non autem valeat in præjudicium aliorum; puta, domini, vel adgnatorum, ad quos feudum quandoq; revertetur: Sed hoc casu extincto jure constituentis servitutem, etiam extinguatur jus ejus cui constituta est, *argum.* l. 31. ff. de pignoribus. Secundò, ut impositio servitutis judicia-

ria,



ria, nempe per sententiam judicis, (de qua audivisti ad tit. *Inst. de officio judicis.*) præjudicet non solum vasallo, sed etiam domino, & successoribus ejus, sive agnatis, dummodò vasallus non possit argui collusionis cum adversario suo factæ. Hac de re vide §. *quid ergo, ubi Baldus, Aluar. & Ifernus, tit. 8. lib. 2. Hartm. tit. 54. obser. 28. & obser. 35. Iul. Clar. in §. Feud. q. 37.* ubi plures authores allegatos reperies. Ratio prioris distinctionis hæc est; quia unusquisque suum jus pactionibus deterius constituere, & sibi præjudicare potest, non etiam alienum, & alteri iniquam conditionem inferre: minimeque id facere debet vasallus domino, cui summam fidem debet, ut supra dictum in formulâ fidelitatis. Alterius distinctionis ratio posita est in auctoritate rerum judicatarum; & quia judiciaria omnia, etiam domino obstant, cum non sint voluntaria, sed judicia in invitum reddantur, l. 83. ff. de verb. oblig.

10. D. *Quid si servitus à vasallo imposita feudo per longa tempora perseveraverit?*

M. Ne tum quidē domino obesse poterit, quamvis longissimo tempore servitus duraverit, d. §. *quid ergo, in fine, & sibi glossa, d. tit. 8.* quia quod ab initio vitiosum est, nec consistit, non debet etiam tractu temporis convalescere, l. *qua ab initio, ff. de reg. jur.* Contrarium tamen ibidem tenet Alvarottus, sed malè, ut videtur.

11. D. *An igitur vasallus ob servitutem prædio feudali impositam poterit privari feudo, an, inquam, jure suo per hoc excidit?*

M. Non poterit ex hac causa feudo privari; ut rectè ex Alvarot. docet Hartm. obs. 35. n. 3. ex quo intelligis, impositionem servitutis non esse speciem alienationis feudi, quod tamen voluisse videtur gl. in d. §. *quid ergo.*

II D. *Audivi de impositione servitutis realis. Sed quid juris esse dicis de personali, an licet vasallo usumfructum alteri in feudo constituere absque consensu domini?*

M. Simpliciter hoc negant Franc. Curtius par. 4. de feud.

*feud. in ult. caus. amiff. feud. q. 15. Paris. conf. 98. n. 4. §. 6. vol. 2. Jul. Clar. q. 37. n. 2. quia nimirum ulus fructus sit pars domini, l. 4. ff. de usufr. & quia sit species alienationis, l. ult. C. de reb. alien. non alien. c. non liceat 17. q. 2. quod equidem ut liberè fateor verum, ita nihil tamen prohibet, quò minus vasallus alteri jus percipiendi fructus in vita sua possit concedere, cùm hoc etiam usufructuario liceat, ut ad Inst. dictum est, vide Hartm. obs. 28. n. 5 c. 6. nuper, & ibi gl. ext. de donat. inter vir. & ux.*

12. D. *Sequitur ut explices de facultate subinfeudandi. Potestne ergo vasallus de feudo alterum quoq; investire, seu in locum suum substituere, quod vulgò vocant, subinfeudare, Germani Aßfertelchen.*

M. Extant hac de re textus feudales, qui permittunt subinfeudationem, ut tit. 3. lib. 2. §. sed etiam is, vers. per feudum tamen cuilibet dari potest, & c. & tit. 9. in princ. & §. beneficium, tit. 26. Deniq; §. similiter, tit. 34 eod. lib. 2. Sed Hotom. in disp. de feud. c. 37. & in comment. ad §. calidus, t. 55. lib. 2. acriter contendit, illud jus postea abrogatum esse per constitutionem Friderici, qua omnis alienatio feudi prohibeatur, atq; ita etiam in feudum concessio, sive subinfeudatio, nisi quis fortè negare velit hanc sub alienatione comprehendì. Julius Clarus quoq; fatetur q. 32. num. 1. se non potuisse apud Dd. reperire idoneam aliquam ac sufficientem rationem exceptionis, quare, inquam, stante generali prohibitione alienationis feudi, permessa tamen esse debeat subinfeudatio, cùm nulla subesse videatur satis concludens causa specialitatis. Sed quicquid illi dicant, communis usuq; recepta est opinio, etiam hodie post illam generalem prohibitionem alienationis feudi, tit. 85. adhuc illà non obstante licere vasallo subinfeudare, seu alteri concedere feudum novum, idq; tribus hisce conditionibus, sive, ut vocant, requisitis concurrentibus: Primum, ut hoc faciat sincerè, bona fide, non in fraudem legis seu consuetudinis (qua scilicet alienatio prohibita est) non in necem atq; injuriam domini, vel adgnatorum, puta, ne sub colore &

prætextu hujus subinfeudationis atque investituræ venditionem fortè celebrem. Secundò, ut persone non difpari, sed ejusdem conditionis, cujus ipse est, vè etiam melioris, feudum concedat: verbi gratia, si ipse sit miles, sicut plerumque est, etiam alter debeat esse miles, & talis, qui possit de feudo servire, &c. Tertiò, ut eadem lege, eodem pacto & formâ investiat alterum, quibus ipse feudum à domino accepit. De his tribus requisitis vide text. feudales suprâ adductos, *item gloss. & Dd. ad §. illud, tit. 55. & Hartm. obs. 37. num. 2. & 3. Zas. p. 9. Myns. cent. 1. obs. 62. Iul. Clar. d. q. 32. num. 4. Borch. c. 8. de feud. n. 50. & cons. 3. ubi ex Bald. Alvar. Præpos. Afflict. Curt. & Zasio adjungit notabilem hanc exceptionem: nisi investituræ adjectum sit pactum de non alien. feud. Tunc enim volunt, infeudationē fieri non posse. Nam alioquin supervacaneum esset pactum de non alien. cū alienatio jam antè facta ipso jure prohibita sit. Alienatio igitur in pacto tali comprehendet subinfeudationem, quam in constit. Imp. non comprehendit.*

13. D. *Quid si feudum, quod primus vasallus alteri concessit, non fuerit novum, sed antiquum sive paternum?*

M. Valebit quidem subinfeudatio, quamdiu vixerit primus iste vasallus, qui eam fecit, ejusque descendentes; sed eo mortuo resolvitur, & proximus agnatus feudum revocare potest, teste *Ifern. ad d. tit. 3. num. 3. lib. 2. feud. Iul. Clar. d. q. 32. n. 5. ubi ad hoc allegat Specul. & Alex. dicens, communem esse opinionem, vide & Rol. à Valle cons. 67. n. 17. vol. 1. & Borch. d. c. 8. n. 51.*

14. D. *Potestne etiam de feudo Ecclesiastico fieri subinfeudatio?*

M. Potest, nusquam enim hoc prohibetur, neque excipitur. Manetque proinde sub communi regula: Et ubi lex non distinguit, nos quoque non distinguemus, vide *Zas. p. 9. n. 17. Iul. Clar. d. q. 32. num. 2. Rosenth. c. 9. concl. 56. & Schrad. p. 8 c. 2. n. 11.*

15. D. *Sed facta subinfeudatione, potestne superior dominus cogere vasallum vasalli sui ad præstanda sibi servitia?*

M. Hanc

M. Hanc quæstionem etiam movet *gl. in §. ult. de controvers. feud.* sed non decidit. Quidam ex feudistis negant, ut Ifernja & Iacob. Belvilo. Alii, ut Bald. ajunt: Pro opinione negantiū id facere videtur, quia subvasallus nihil contraxit cum superiore domino, ideoq; ipsi obligatus esse non videtur. Sed placet media sententia, quæ est *Ioh. Reinaldi in comment. ad §. illud quoq; t. 55. lib. 2.* probata etiam *Iacobino de S. Georg. in investitura feud. in §. ita etiam, n. 6.* nempe, dominum superiorem adpellare debere de servitiis suum vasallum immediatum, & hunc porro subvasallum suum, & ita primum debere servire domino auxiliante secundo, & sic deinceps, vide *Nicol. Moz. c. 3. de feud. n. 26.* Plura de subinfeudatione videre licet apud alios feudistas, maximeq; *Hartm. Pist. quæst. 44. p. 2.* vide etiam *Ioan. Borch. d. conf. 3.* ubi docet cum *Matt. de Affl. Iul. Clar. & Hart. Pist.* defuncto vasallo qui subinfeudarat alteri, expirare hodie subinfeudationem, quæ olim durabat nihilominus, dummodò is qui secundo loco feudum accepisset, paratus esset è domino feudum recognoscere, eiq; de illo servire, ut est in *c. 1. §. si verò, t. qualiter olim poter. feud. alien.* Quem tex. ajunt non amplius habere locum post *const. Friderici in l. imperialem, t. 55.* Vid. *Affl. ad d. t. qualiter olim pot. feud. alien. 16.* D. De facultate actionum feudi nomine exercendarum vasallo competente quid ais?

M. Potest vasallus actiones pro feudo dictare & excipere, etiam absente & ignorante seniore; aded, ut quod ita actum est à vasallo, id senior ratum habere cogatur, omni tempore firmo manente iudicio, siue obtineat vasallus, & vincat, seu causa cadat: siue, inquam, pro eo seu contra eum fuerit iudicatum. §. *rei autē t. 8. lib. 2. §. si vasallus de benefi t. 26. & t. 43.* Quod quidem satis novum & alienum est à Iuris civilis regula, quæ res inter alios acta aut iudicata aliis non nocet, sicut neq; prodest, ut est in *tit. C. unde & ab Hottom.* reprehenditur in *disp. de feud c. 39.* Actiones autem quæ feudi nomine exercentur, variæ sunt, non solum

solùm de proprietate seu dominio, (cujus ratione utilis rei vindicatio, sicut & superficiario ad commodatur, ut suprà dictum) verùm etiam confessoria & negatoria de servitutibus feudo debitis, vel quæ à vasallo petuntur. Vide *Cuj. ad tit. 9. li. 2. feud.* Sic & actiones finium regundorum, l. Aquilia, arborum furtim casarum, & cæteræ eidẽ vasallo competere possunt. Interdicta quoq; ipsi ad commodantur: & in summa, quæcunq; actiones directæ sunt si darẽtur seniori, et in persona vasalli sunt utiles. Illud hĩc memineris, vasallum qui de feudo agens succubuerit in lite, non aliter habiturum regressum sive actionem de evictione adversus dominum, quàm si ei denunciaverit litem, sive auctorem ipsum laudaverit ante sententiam, ut rectè admonet *gl. ad d. 1. 43. arg. tit. 55. lib. 2. & probat Cujac. ad tit. 23. lib. 4. feud.*

17. D. De transactione super feudo quid ais? An & hac absq; consensu domini vasallo est permessa?

M. Hac de re duos reperio textus in his duobus libris, quibus permittitur vasallo transactio de feudo, dummodò nihil fraudulenter & per collusionem factum sit. Vide *d. §. si vasallus, t. 26. & d. tit. 43.* Sed Doctores communiter ita distinguunt, ut valeat quidẽ transactio etiam in præjudicium domini, si feudum penes se retineat vasallus, non valeat in præjudicium domini, sed tantùm ipsius vasalli, si ex transactione id transferat in adversarium, vide *lul. Cl. q. 38. & Hart. 2. de feud. obs. 34. n. 2. & 3.* sive (quod eodem recidit) potest vasallus de feudo transigere in scio domino decidendi causa, non alienandi, aut diminuendi, ut cum veteribus Jctis eleganter loquitur *Cujac. ad tit. 23. lib. 4. id est, ad d. §. si vasallus, qui vulgò habetur tit. 26. libr. 2.*

18. D. Quid si vasallus nomine transactionis aliquid acceperit, cedetne hoc in feudum, an non?

M. Opportunè quæris. Nam omnis transactio de re dubia sit aliquo dato, vel retento seu promisso: sine quo minimè procedit l. 38. transactio, C. de transacton.

Ait

Ait autem Feudista *in d. §. si vassallus, tit. 26.* quod vassallus transactionis nomine acceperit, hoc feudum non esse. Verum hoc ita intellige, quod acceperit nomine transactionis, nempe, ut nihilominus feudum penes ipsum remaneat. Alioquin si ponamus eum aliquid accepisse dimisso alienatoq; feudo, tunc repugnaret hic textus distinctioni Interpretum paulò antè relatae.

19. D. *De compromisso super feudo quid juris est, licet ne vassallo absq; consensu domini in arbitros compromittere de feudo?*

M. De compromisso quoq; nonnulli Interpretum eodem ferè modo distinguunt, ut paulò antè dixi de transactione, ut in suum tantum non etiam domini præjudicium possit vassallus compromittere, ut videre est apud Hartm. *d. obs. 34.* quo etiam Jul. Clar. tandem inclinatur *in fin. q. 39.* cum prius distinxisset inter arbitratorem & arbitrum, ut in arbitratorem, id est, eum qui nullo observato juris ordine in causa procedat, factum compromissum non valeat: in arbitrum vero, qui de causa cognoscit secundum juris ordinem, perinde ut iudex, nisi quoddam ab arbitro non concedatur appellatio, quæ à sententia judicis datur: in arbitrum, inquam, factum compromissum valeat, *per text. in §. si autem inter pares, in verb. coram iudice vel arbitro finiatur, tit. 34. lib. 2.* Postea verò idem Clarus ex auctoritate Socini & aliorum pronunciat, tutiorem pariter, & communiozem opinionem illam esse, quæ ne quidem in arbitrum compromittere vassallum sinit: cum regulariter qua de re liberè disponere quis prohibetur, de eadem etiam compromissum facere non possit. Compromissum enim ejusmodi est actus, à quo facilè perveniri potest ad alienationem. Sed an non idem de iudicio æquè rectè dicemus? sanè si verum esset, quod vulgò ajunt, *d. §. si inter pares, tit. 34.* abrogatum & correctum esse per constitut. Fridetici *in tit. 55.* abrogatum, inquam, in uno, nempe quoad arbitrum, quò minus idem etiam quoad alterum, nempe judi-

judicem, abrogatus sit, idem §. intelligi vix potest. Cur ergo vasallo denegemus compromissum, cum ipsi permittamus exercere iudicium de feudo? Nisi fortè illa subsit ratio differentiae, quòd læso per sententiam iudicis superfit beneficiū appellationis, qua corrigatur ejus iniquitas, cum à sententia arbitri nulla sit provocatio. Litigatores enim compromisso sese adstrinxerunt vinculo pœnæ staturos sententiâ arbitri.

20. D. *Restat ni fallor, ex superiori partitione eorum, qua vasallo permittuntur in feudo sibi constituto, ut exponamus de refutatione sive cessione feudi?*

M. Refutare, item resignare feudum Longobardi dixerunt, quod Latinis esset abdicare, renunciare, cedere vel remittere, Germani: Die Lehen auff sagen oder auffstünden/ vide Hotom. in Lex feud. Resignandi verbo utitur etiam Guntherus lib. 5.

*Per septem signa ducatum ritè resignari.*

Ubi jam diu est, cum adnotavi, Horatium quoq; eodem modo usurpasse verbum resignandi, lib. 3. Odâ. 29.

— resigno qua dedit fortuna.

Et lib. i. Epod. 7.

*cuncta resignavi.*

617

Et observabis, in refutatione seu resignatione feudi easdem solennitates in contrarium actas intervenire, quæ in ipsa investitura adhibitæ fuerant: nimirum ut quo quidq; modo contractum est, eodem etiâ dissolvatur, arg. l. nihil tam naturale, l. ferè, & l. omnia, ff. de reg. jur. Quomodo, etiam claves uxori adimebantur in divortio, quæ in contrahendo matrimonio datæ fuerant, vide Hotom. disp. feud. c. 38. sicut etiam in degradatione clerici ac sacerdotis eadem ceremoniæ interveniunt, quæ in ejus inauguratione fuerant adhibitæ. Putavi aliquando eadem formâ Salustium quoque dixisse, *refutare vitam*, quo Feudistæ *refutare feudum* in hoc egregio fragmento, quod extat apud Servium lib. 4. Georgic. sc. devovent Regibus, & post eos vitam refutant: aded illis ingenita est sanctitas regii nominis.



Loquitur historicus de Parthis & Medis, qui, ut & Persæ semper fuerunt maximè observantes regis nominis. Sed verius videtur apud Salustium legendum esse, *vitam reputant*, non ut vulgò, *refutant*. Reputant vitam post reges, id est, vitam propriam regibus suis eorumq; saluti posthabent, parati pro ipsis profunderè vitam, siue regum suorum vitam ac salutem anteponunt propriæ: Quomodo Virgilius: *rege incolumi mens omnibus una est, &c.* Sed ad feudi refutationem redeamus: quod etiam vocant, *finem facere de feudo*, ut *tit. 40 lib. 2.* Fit autem refutatio à vasallo vel ipsi seniori, vel alicui ex descendantibus, vel deniq; alicui ex adgnatis: & fit vel in totum, vel pro parte: & fit vel de novo, vel de antiquo feudo; & deniq; si fiat domino, fit aut cum hoc pacto, ut is alium quendam de eo investiat siue in favorem alterius; vel simpliciter absq; tali pacto: De quibus distinctè cognoscendum est. Et primùm quidem quod ad dominum attinget, hæc sit regula: Possè vasallum domino, licet invito ac repugnantem remittere ac renunciare feudum: ut expressum est in *tit. 38. lib. 2. feud.* & fit mentio cum alibi, tum etiam *tit. 44. vide Zasium part. 10. n. 55.* ubi etiam de Germaniæ consuetudine attestatur. Ratio dubitandi, cur videatur non esse admitrenda hæc renunciatio seu refutatio, hæc est; quia primùm ex feudi datione mutua obligatio inter dominum & vasallum nata est, à qua non debeat alter altero invito resilire, *arg. l. 5. sicut, C. de oblig. & act.* Deinde quia dominus repudiando vasallum nihil ageret, neq; enim potest vasallum invitum sine culpa ejus feudo privare, *tit. 21. lib. 1.* ut infra audies latius. Ergo etiam vasallus dominum recusando nihil agit, ut nimirum eadem sit ratio correlativorum. Sed decidendi ratio hæc potissimùm est, quia vasallus domino propter rem tantum seu prædium feudale obligatus erat ad servitia. Igitur fundo feudali reddito cum non amplius percipiat fructus, meritò etiam tantquam fundamento sublato, & causa obligationis, ipsa corrui-

corruit & expirat obligatio: Et qua ratione ab initio nemo cogitur feudum accipere, eadem neq; postea retinere, ne videlicet beneficium in invitum videatur esse collatum, contra regulas juris. Præterea potest unusquisq; favori & juri pro se introducto renuntiare, eoq; non uti, ut in jure tritum est. Accedit, quod & usufructuarius possit usumfructum suum derelinquere, vel domino cedere, ut audivisti ad *Inst. tit. de usufructu, vide l. 48. & l. 64. ff. eod. junctim l. 66. ff. de jure dotium*. Item quod Emphyteuta quoq; agrum vectigalem domino cedere & legare possit, *l. 71. 9. pen. & ult. ff. de leg. 1.* Nihil igitur mirum, hoc etiam à vasallo fieri posse, qui, ut supra audivisti, in multis articulis cū fructuario & Emphyteuta comparatur. Longeq; hinc disparatio est domini & vasalli. Dominus nihil dampni facit, imò ejus conditio sit melior, quando feudum ipsi refutatur. Nam enim velut consolidatione facta plenam proprietatem in re sua recipit, & facile, si velit, alium reperiet vasallum. Atqui vasallus non tam facile alium reperiet patronum: unde intelligis non sine maximo damno feudum ipsi eripi. Vide etiam *Cujac. ad tit. 14. lib. 2. feud.* Hujus regulæ aliquot ampliaciones reperio, quarum hæc sit prima: domino etiam invito ac recusanti factam refutationem valere, & vasallum per eam liberari ab obligatione feudali sive à servitiis *d. 1. 38.* Secundò ampliatur regula, ut procedat, sive feudum fuerit datum sub servitii certi conditione (quod vulgò vocant *conditionale & conditionatum feudum*) seu ad incertum atq; indeterminatum aliquod servitium. Quamvis enim *gl. fin. ad tit. 51. lib. 2.* aliq; eam secuti existimaverint, feudum, quod datum est ad certum servitiū, non posse absq; voluntate domini refutari, quando dominus ad hoc possit vasallum convenire, vel actione ex stipulatu, vel cōditione certi, vel præscriptis verbis, vel cōditione ex moribus: eamq; glossa sententiam tanquā communem etiam *Iul. Clar.* tutius putat esse sequi, *quest. 34. n. 1.* cujus & rationē reddere conantur,

quia scilicet arctius obligetur vasallus, de certo servitio pactus, quàm qui indeterminatè servitia promissit: tamen quia hæc distinctio non exstat in *textu d. tit. 38.* neque alibi, non immeritò ab aliis reprobat, *vide Zas. p. 10 n. 86. & plenius p. ult. n. 14. cum seqq.* ejusq; discipulum *Myns. c. 5. obs. 65. & Sonsbec. p. 12. n. 116. cum seqq.* Tertiò ampliatur regula, ut valeat, si feudum fuerit novum seu antiquum, dummodò in feudo antiquo accedat consensus agnatorum. Ita enim jus est, ut in feudo novo refutando non exigatur consensus agnatorum, sed in antiqui refutatione exigatur, ad hoc, inquam, ut etiam post mortem refutantis vires habeat refutatio, & agnatis, qui alioquin successuri erant, in suo jure præjudicet. Nam quoad refutans ipse vivit, valet refutatio, etiamsi cōsensus agnatorum nō accesserit. Intelligitur enim vasallus suum duntaxat jus remisisse, quod facere potuit nemine prohibente. Ratio differentię inter antiquum & novum feudum, hæc est: quia in feudo novo nihil prorsus interest agnatorum, refutet id vasallus, an non refutet: non enim succedunt, ut suprà audivisti. At in antiquo ipsorum interest plurimum, utpote quibus jam quæsitum est jus aliquod ex prima investitura, & spes succedendi, quæ ab invitis auferri non debet, *vide Iul. Clar. quæst. 34. num. 3.* Si igitur proximis agnatis irrequisitis, & absq; eorum consensu facta sit refutatio, ea refutanti duntaxat, non etiam ipsis post illius mortem nocere poterit, sed habebunt jus revocandi feudum sic refutatum, *vide Zas. p. 10. de feud. num. 88. Fr. Sonsbec. p. 12. nu. 122. Wes. c. 11. n. 11.* Cujac. tamen *ad tit. 14. lib. 2.* putat, eos Interpp. falli tanquam imperitissimos omnium, qui volunt, agnatos debere huic refutationi consentire. Sed mihi hoc voluisse videntur Interpp. illi, nec malè, quod tunc demum hoc sit necessarium, quando agitur de perpetuo agnatorum præjudicio etiam post mortem refutantis. Quartò ampliatur superior regula, ut valeat refutatio feudi novi etiam in præjudicium descendendum: de quo vide

Myns.

*Mynf.c.6.observ.23.* Multoq; magis valebit in præjudicium adgnatorum. Quintò ampliatur regula, ut procedat, siue fuerit pars feudi refutata, siue totum. Quod tamen sic intellige, si vassallus quis fuerit communis plurium dominorum. Ita enim sonat textus in *d.tit.34.* hîc, inquam, uni dominorum poterit suam partem resignare, & alterius partem retinere. At si quis sit unius domini vassallus, aliud juris esse existimaverim: non posse, inquam, talem vassallum retinere partem feudi unam, & refutare alteram: sed aut integrum feudum derelinquere ac repudiare, aut integrum retinere debere, *arg.l.38.in pr.ff.de leg.1. & l.1.ff.de acquir.vel amitt.hered.Paul.lib.3.sent.tit.6. §. ejus res.* De partis quidem alienatione, & privatione, & alterius retentione satis constat eam fieri posse, ut infra audies inter causas amittendi feudi. De refutatione verò partis idem nusquam lego: ut non immeritò dubitari possit de sententia Cujacii, qui *d.tit.14.* putat, feudum etiam pro parte refutari posse in manus domini. Sextò ampliatur regula, ut valeat, siue simpliciter si at refutatio, siue certa quadâ lege, nempe, in favorem filiorum suorum, ut illos dominus de eo feudo investiat, *ut tit.14. lib.2.feud.* Quo casu sæpè quæri solet, an feudum tale deinceps fiat novum ex tali nova investitura: an verò maneat patetnum? Et verius est manere patetnum, ut & suprà dictum in divisionibus feudi. Atq; hæ sunt ampliationes regulæ de feudi refutatione domino facta. Limitatur verò eadem primum, ut intempestivè facta refutatio non valeat, eamq; dominus non cogatur admittere: verbi gratia, si fieret dum jam in procinctu esset dominus, & maxime indigeret operâ vassalli. *Mynf.cent.5. obs 65. nu.12. We'emb d.loc.Sonsbec.d.p.12.num.117.* qui omnes ad hoc allegant Bald. in *c. qua in Ecclesiis extra de constit.* cui simile est in jure civili, quòd mandati quoq; renunciatio nō debet fieri intempestivè, ut audivisti *ad §. mandatum non suscipere, Inst. de mand.* Item quòd oblatio debiti opportuno loco & tempore fieri debet credi-

tori à debitore, ut habeat eum affectum, quē jus alioquin ei attribuit, ut dictum est ad *tit. Inst. quibus modis toll. oblig.* Cū autem refutatio non debeat esse intempestiva, multò minus debet esse fraudulenta: hæc enim pro non facta habebitur: verbi gratia, si quis idē refutet feudum domino, ut mox aperto Marte cum ipso congregiatur, & feudum nihilominus per vim retineat, aut redoccupet, licet verboteus & falso colore quæsito renuntiarit: hujusmodi malitiæ non est indulgendum, sed potius occurrendum, arg. l. 38. *de rei vind.* Sicut igitur socius, qui societati callidè doloq; malo renunciavit, in hoc, ut ipse solus lucrum obveniēti sibi retineat, a se quidem socios, se vērò à sociis non liberat, §. *manet. vers. sed plane si quis callidè, Inst. de societ.* Ita hīc quoq; dicendū, vasallum scilicet à se quidem liberare dominum, ut is possit eum expellere tanquam ingratum ac perfidum, & feudum jure commissi sibi vindicare; se vērò à domino non liberare. Vide & *Cuj. d. tit. 14. li. 2. vers. sciendum est in hac quest.* Secundò, limitatur etiā in feudo ligio, quod volunt refutari non posse: teste *Curtiop. 1. q. 8. n. 24. & p. 4. n. 135. Iac. de Franch. in pralud. feud. nu. 45.* ubi plures adlegat. Sed ut suprà dictum *Hoto. & Giph.* rejiciunt hanc vulgarem Interpp. divisionem in feudum ligium & non ligium. Tertiò, excipiunt quidam feudum Francum: de quo idem *Curt. d. quest. 8. n. 30.* Quartò, excipiunt quoq; feudum, in quo vasallus ultra illud consuetum ac solemne jusjurandum fidelitatis etiā hoc juravit, se pactis consuetis firmiter statutum. Hoc enim feudum volunt invito domino refutari non posse propter vim & religionem juramenti. *Iac. Alvaros. ad §. ult. n. 6. tit. 5. lib. 2. feud. Bald. in proem. feud.* Hæres tamen ejus qui sic juravit, non prohibetur refutationem facere domino, dummodò simul præstet ei, id quod interest. Jusjurandum enim antecessoris cū fuerit vinculum personale, ipsum (heredem scilicet) obligare non poterit: per *e. verit. ext. de jurejurand. Iac. de feud. in verb. & unius ex dict. vasall. n. 3.*

21. D. *Quid si vassallus aliquod onus imposuerit feudo, quod refutat, puta onus servitutis, vel hypothecæ vel aliud, an id unà cum feudo ad dominum transibit, an verò ab omni liberum onere ad ipsum revertetur?*

M. Quanquam aliàs Regula juris sit, rem transire cum suo onere, hîc tamen verius est, planè liberum reverti feudum, & immune ab ejusmodi onere, *argu. §. rursus, t. §. lib. 1.* nam vassallus conditionem feudi deteriore facere non poterit. §. *è contrario, versic. meliorem, tit. 8. lib. 2.* & Quamvis sibi ipsi præjudicare potuerit, tamen non potuit domino. Ideoq; ipse extincto jure auctoris, extinguetur etiam jus in persona ejus, qui causam ab eo nactus est, *arg. l. 31. ff. de pignorib. l. 69. §. pradium. ff. de leg. 2. l. 7 ff. de act. empt. vide Tirag. lib. 1. de retract. gloss. 1. §. 34. n. 67. & 10.*

22. D. *Audivi de refutatione feudi facta domino, sequitur ut dicas de ea qua sit descendens sive liberus ipsius vassalli?*

M. De hac est textus in *d. titul. 14. libr. 2. feud.* ubi vassallus senex, sive ut ibi loquitur feudista, decrepitæ ætatis, feudum ad hoc refutasse dicitur in manus domini, ut duos filios suos de eo investiret. Nihil autem hîc interest utrum novum sit feudum, quod in persona refutantis primum cœperit, an verò paternum & antiquum, ut rectè docet *Borch. cap. 8. de feud. num. 85.* nam de utroque cogitur dominus vassalli filios investire, vigore nimirum pacti in refutatione adjecti, quod legem dedit huic negotio. Et quidem feudum quod prius fuerat antiquum, manet tale etiam post refutationem, nec fit novum, ut suprà dict. nisi fortè ea lege refutatum & concessum sit, ut deinceps novum fieret, *arg. tit. 49. libr. 2. feud. in fin. Cuj. ad tit. 14. lib. 2. vers. aliud etiam est dicendum.*

23. D. *Quid juris est de refutatione adgnatis facta?*

M. Ut ipsi domino etiam invito potest feudum à vassallo refutari, de quo suprà; ita quoque adgnatis proximis potest sine permisso patróni vassallus feudum antiquum cedere: & quidem feudum non mo-

dò sibi jam quæsitum, sed etiam delatum, imò duntaxat speratum, ut §. ult. tit. 26. & tit. 38. cum tit. 49. lib. 2. feud.

24. D. *Cur dixisti adgnatis proximis?*

M. Quia quoties adgnatorum plures sunt gradus, toties refutatio feudi facienda est proximiori, utpote, ad quem etiam successio feudi spectet, ut supra dictum. Remotiori verò adgnato vel gradui non aliter fieri potest, quàm si consentiat proximior, qui sua spe interverti ac defraudari non debet invitus.

25. D. *Quid si extent adgnati non plurium ac diversorum, sed unius ejusdemq; gradus?*

M. Hic vasallus refutationem faciet pariter omnibus, qui in eodem sunt gradu: ex quibus non poterit unum cæteris invitis eligere & præferre. Nam & successio æqualiter ad ipsos pertinet, quemadmodum audivisti supra ex tit. 1. lib. 1. §. & quia vidimus, & tit. 8. in princ. & lib. 2. tit. 11. §. his deficientibus, & tit. 50. Eamque successionis æqualitatem non poterit vasallus ipsis adimere.

26. D. *Quid si vasallus non adtentâ gradus prerogativâ, sive, ut Hotom. vocat, jure stirpis aut fibre, secundum refutaverit remotiori adgnato sine consensu proximioris, aut si ex pluribus in eodem gradu unum cæteris prætulit?*

M. Dabitur proximiori adgnato, qui neq; tacitè, neque expressè consensit, facultas retrahendi, revocandi ac recuperandi feudi, idq; cum hac distinctione, ut post mortem quidem refutantis possit feudum recuperare, quamvis nullo dato pretio, si quid forte vasallus pro refutatione acceperit: Sin autem gratis facta fuerit refutatio, nihil quidem reddet proximus adgnatus ei, à quo feudum revocat, sed tamen cogetur hoc casu expectare mortem refutantis. Jam enim nihil interest proximi adgnati, an vasallus ipse feudo utatur, fruatur, quàm diu vivit, an verò alius, cui jus concessum sit percipiendorum fructuum, arg. l. 12. & l. 67. ff. de usufr. Aliud est si pretium intervenerit. Qua de re totâ vide hæc loca in jure feud. §. hoc quoq; observa-



*sur, tit. 8. lib. 1. & §. pen. tit. 3. lib. 2. & §. pen. tit. 9. §. Titius filios, tit. 26. & tit. 39. in pr. Hotom. c. 34. in disp. de feud. & in comment. ad §. præterea, t. 5. lib. 1. & ad d. §. Titius, tit. 36.* Vides igitur, hîc adgnatum proximiorẽ habere jus *ωελιμήσεως*, quo uti possit adversus remotiorẽ, ei-  
 que feudum evincere: quod tamen moribus ferẽ ro-  
 tius Galliæ secus esse testatur Cujac, *ad d. §. Titius fi-  
 lius, lib. 4. feud. tit. 14.* ubi recitat proverbium vulgò de  
 hoc jure jactatũ, & refutat falsam quorundam ratio-  
 nem, quam assignant, nimirum quia jus *ωελιμήσεως*  
 idẽ sit introductum, ne res de familia excant, eaque  
 ratio cesset, quando bona transferuntur in aliquem  
 ex eadẽ agnatione, licet remotiorẽ: hæc, inquit,  
 non est vera ratio, sed potius honestas, nempe ut ad-  
 gnatus quilibet tantundem pretii obferens, quan-  
 tum extraneus, huic præferatur: proindeq; etiam ad-  
 gnatus propinquior ulteriori: quamvis Impp. *in l. du-  
 dum, 14. C. de contr. empt.* hunc inanem colorem hone-  
 statis appellent, quo iniquitas illa veletur, per quam  
 non liceat unicuiq; suo arbitratu emptorem quære-  
 re & probare; ideoq; abrogent jus *ωελιμήσεως* seu  
*ωελωωεξεως*, revocatum tamen postea in usum in  
 Orientis quidem Imperio per Romanum Lecapenum  
 Imp. Constantinopolitanum: in Occidente verò per  
 Fridericum II. quorum hac de re Constitut. videri  
 possunt apud Cujac, *lib. 5. feud.* Vide quoq; copiosẽ de  
 hoc jure (quod vulgò vocant, *jus retractus*) commen-  
 tantem Andr. Tiraquellum. Attingit etiam nonnihil  
 de eo D. Borch *c. 3. de feud. n. 13.*

27. D. *Quodnam tempus spectatur in jure proximi-  
 tatis?*

M, Nihil interest, utrum tempore refutationis pro-  
 ximus quis fuerit: an verò in locum proximiorũ suc-  
 cesserit: an jam editus sit in lucem: an verò adhuc in  
 utero sit, de quo vide Hartm. *Pist. lib. 2. quest. 6 num. 36.*  
*cum seqq.*

28. D. *Dixisti posse revocari feudum per proximum ad-  
 gnatum*

gnatum ab eo qui est remotior, tàm vivente quàm mortuo refutatore. Atqui d. §. Titius filios, tit. 26. dicitur omninò removeri, qui per annum, ex quo refutationem sciuit, tacuerit, quid ergò si is qui refutavit ultra annum superstes sit post refutationem?

M. Textum illum sic intellige, ut sufficiat intra annum à tempore scientiæ computandum contraxisse refutationi, ut extet aliquod testimonium dissensus: non quòd oporteat ipsam quoq; revocationem intra annum factam esse. Quod si taciturnitate sua annua commiserit, ut nulla extet sui dissensus contestatio, nulla contradictio refutationis, (Wann er nicht in Jahres frist darwieder protestirt vnd widerspricht/ &c.) rum verò à revocatione postea removebitur, quasi qui videatur refutationi consensisse. Consensus enim non tantum est expressus, verum etiam tacitus, de quo vide *Dynum & Petrum Peccium ad c. qui tacet. 43. de reg. in 6.*

29. D. Dixisti posse vassallum refutare adgnato proximo feudum antiquum. Quid autem de novo feudo juris est?

M. Feudum novum non potest adgnato refutari invito domino. Illa enim refutatio quæ fit ei, qui non habet jus in feudo succedendi (sicut adgnati in feudo novo nullum jus habent) non tàm pro refutatione, quàm pro alienatione habenda est. Alienatio autem feudi, ut mox audies, prohibita est. Vide *Mynsing. cent. 6. obser. 23. & Hotomannum consl. 4. Borch. c. 8 de feud. n. 56. & seq.*

30. D. Quid si is cui facta est refutatio, moriatur, antequam qui refutationem fecit?

M. Hoc casu verius est, feudum reverti ad refutantem nec aperiri domino, aut adgnatis, tit. 14. lib. 2. verbi gratia, si pater in favorem filii, ut scilicet is de feudo investiretur, feudum refutaverit, filio ante patrem turbato ordine mortalitatis defuncto feudum revertetur ad patrem superstitem excluso domino. Quod *Spiræ* quoq; sic observatum fuisse adnotavit *Mynsing. cent. 3. obser. 93.* quamvis huic opinioni

nioni contradicat *Anton. Contius, cap. 8. in methodo de feud.* Exceptio est, nisi quis omnino, id est, in rem, generaliter atque in universum, sive ut loquimur in omnem eventum refutaverit ac renunciaverit suum jus. Ratio differentiae inter pactum personale & in rem hæc est: quia pactum personale nec prodest, nec nocet nisi ei qui id fecit, id est, refutatori: sed in rem sive generale & prodest, & nocet omnibus, & semper: ut rectè *glos. ad tit. 49. in verb. non obstant*, & explicatur *ad tit. ff. de pactis, vide Cuj. ad d. tit. 14. lib. 2. vide etiam tit. 26 §. ult. lib. 2. feud.*

31. D. Effectus refutationis vel domino, vel descendenti-  
bus, vel agnatis factæ. quænam est?

M. Idem nimirum, qui ex aurationis militaris, ut scilicet non amplius sit obligatus vasallus seniori suo ad præstanda obsequia ac servitia: sed tamen ne tunc quidem ipsum offendere debet, in memoriam scilicet fidelitatis, & jurisjurandi, & amicitiae prioris, cujus reliquiae adhuc durare videntur, ut & suprà admonui, cum agerem de reverentia vasalli erga patronum ex *sine tit. 38. ubi & gl. vide lib. 2. feud.*

32. D. Audiui de jure quod vasallo concessum sit in feudo. Nunc proximum est, ut expeias quid in eodem ipsi denegatum sit?

M. Denegata est facultas feudi deteriorandi & alienandi. De deterioratione prohibita, textus est in *§. de contrario, vers. meliorem enim, tit. 8. lib. 2.* Unde non licet vasallo arbores fructiferas in fundo feudali incidere: neq; subditos ad castrum, quod in feudum habet, pertinentes malè tractare, inq; eos sævire: neque servitutem feudali prædio competentem remittere: neque aliter in re feudali abutenda, vastanda & dissipanda malè versari in præjudicium vel liberorum, vel agnatorum, qui aliquando succedent, vel domini, ad quem feudum quandoque apertum revertetur. Imò etiam posset vasallus hanc ob causam feudo privari atque expelli, ut infra audies. Vide *Iul. Clar. quest. 47. & 56. Harum. observ. 36.* Sic usufructuarius quoq; non potest

gnatum ab eo qui est remotior, tam vivente quam mortuo refutatores. Atqui d. §. Titius filius, tit. 26. dicitur omnino removeri, qui per annum, ex quo refutationem scivit, tacuerit, quid ergo si is qui refutavit ultra annum superstes sit post refutationem?

M. Textum illum sic intellige, ut sufficiat intra annum à tempore scientiæ computandum contradixisse refutationi, ut extet aliquod testimonium dissensus: non quod oporteat ipsam quoque revocationem intra annum factam esse. Quod si taciturnitate sua annua commiserit, ut nulla extet sui dissensus contestatio, nulla contradictio refutationis, (Wann er nicht in Jahres frist darwieder protestirt und widerspricht &c.) tum verò à revocatione postea removebitur, quasi qui videatur refutationi consensisse. Consensus enim non tantum est expressus, verum etiam tacitus, de quo vide Dynum & Petrum Peccium ad c. qui tacet. 45. de reg. in 6.

29. D. Dixisti posse vasallum refutare adgnato proximo feudum antiquum. Quid autem de novo feudo juris est?

M. Feudum novum non potest adgnato refutari invito domino. Illa enim refutatio quæ fit ei, qui non habet jus in feudo succedendi (sicut adgnati in feudo novo nullum jus habent) non tam pro refutatione, quam pro alienatione habenda est. Alienatio autem feudi, ut mox audies, prohibita est. Vide Mynsing. cent. 6. obser. 23. & Hotomannum consil. 4. Borch. c. 8 de feud. n. 56. & seq.

30. D. Quid si is cui facta est refutatio, moriatur, antequam qui refutationem fecit?

M. Hoc casu verius est, feudum reverti ad refutantem nec aperiri domino, aut adgnatis, tit. 14. lib. 2. verbi gratia, si pater in favorem filii, ut scilicet is de feudo investiretur, feudum refutaverit, filio ante patrem turbato ordine mortalitatis defuncto feudum revertetur ad patrem superstitem excluso domino. Quod Spiritæ quoque sic observatum fuisse adnotavit Mynsing. cent. 3. obser. 93. quamvis huic opinioni

nioni contradicat *Anton. Contius, cap. 8. in methodo de feud.* Exceptio est, nisi quis omnino, id est, in rem, generaliter atque in universum, sive ut loquimur in omnem eventum refutaverit ac renunciaverit suum jus. Ratio differentię inter pactum personale & in rem hæc est: quia pactum personale nec prodest, nec nocet nisi ei qui id fecit, id est, refutatori: sed in rem sive generale & prodest, & nocet omnibus, & semper: ut rectè *glos. ad tit. 49. in verb. non obstant*, & explicatur *ad tit. ff. de pactis, vide Cuj. ad d. tit. 14. lib. 2. vide etiam tit. 26 §. ult. lib. 2. feud.*

31. D. Effectus refutationis vel domino, vel descendenti-  
bus, vel agnatis facta, quisnam est?

M. Idem nimirum, qui ex aurationis militaris, ut scilicet non amplius sit obligatus vasallus seniori suo ad præstanda obsequia ac servitia: sed tamen ne tunc quidem ipsum offendere debet, in memoriam scilicet fidelitatis, & jurisjurandi, & amicitie prioris, cujus reliquię adhuc durare videntur, ut & suprà admonui, cum agerem de reverentia vasalli erga patronum ex *sue tit. 38. ubi & gl. vide lib. 2. feud.*

32. D. Audiui de jure quod vasallo concessum sit in feudo. Nunc proximum est, ut expeñas quid in eodem ipsi denegatum sit?

M. Denegata est facultas feudi deteriorandi & alienandi. De deterioratione prohibita, textus est in *§. de contrario, vers. meliorem enim, tit. 8. libr. 2.* Unde non licet vasallo arbores fructiferas in fundo feudali incidere: neq; subditos ad castrum, quod in feudum habet, pertinentes malè tractare, inq; eos sævire: neque servitutem feudali prædio competentem remittere: neque aliter in re feudali abutenda, vastanda & dissipanda malè versari in præjudicium vel liberorum, vel agnatorum, qui aliquando succedent, vel domini, ad quem feudum quandoque apertum revertetur. Imò etiam posset vasallus hanc ob causam feudo privari atque expelli, ut infra audies. Vide *Iul. Clar. quest. 47. & §6. Hartm. observ. 36.* Sic usufructuarius quoq; non potest

potest causam proprietatis deteriore facere, neque rem fructuariam dissipare, sed potius arbitrio boni viri, & tanquam diligens paterfamilias uti frui debet, ut dictum est *ad tit. Inst. de usufr.*

### CAPUT III.

*De alienatione feudi prohibita. De variis speciebus alienationis: & quæ circa singulas quæræ solent.*

1. D. *De alienatione feudi quid habes dicere?*

M. De alienatione feudi longa est disputatio, & multis implicata quæstionibus: sed breviter omnia perstringam, quæ huc pertinent. Igitur ante omnia hanc constituamus regulam: Alienatio feudi, quamvis olim ex parte permissa esset, hodie tamen tam pro parte, quàm in totum est interdicta: quod olim permissa fuerit alienatio feudi certis modis & conditionibus: verbi gratia, quod licuerit vasallo feudum usque ad medietatē libellario nomine alteri dare, item appignorare cum permissione distractionis creditori facta, docet nos §. *aut si libellario, tit. 5. lib. 1. quib. mod. feud. amitt. & tit. 9. lib. 2. qual. ol. pot. feud. alien.* Legitur vulgò in d. *tit. 5.* ut transactum permittat: nullo ferè sensu, ideoque recentiores eam lectionem mutarunt: Hotoman. quidem restituit, *ut transacto anno permittat*: existimans, id demum pignus prohibitum fuisse, quod ultra annum a creditore tenebatur: quo facto vasallus privatus fructibus feudi oppignorati nō posset se & equos suos alere, atque ita deficeret in præstandis domino debitis servitiis. Cujacius verò sic legit, ut distractionem permittat, id est, vendendi pignoris facultatem concedat vasallus, idemque debitor creditori suo: quod *pignus consultum* vocari putat alibi, nempe in §. *ult. tit. 8. lib. 2.* quia videlicet hac ratione optime consultum sit creditori. Quam Cujacii emendationem & expositionem probat etiam Borch. c. 8. n. 19. Hotom. hæsitanter ait, pignus consultum posse intel-

ligi vel de antichresi, vel etiam de pacto legis commissoriae. Nos in medio id relinquimus, tanquam obscurum, præsertim cum hoc jus hodie sit mutatum, & prohibita omnis etiam oppignoratio feudi, ut mox dicetur. Quod autem hodie alienatio feudi omnino sit prohibita, patet *ex tit. 52. & tit. 55. lib. 2.* ubi referuntur constitut. Imp. Lotharii III. quæ etiam allegatur *tit. 9. lib. 2.* & Friderici I. cujus sententiam versibus in hoc genere singularibus exposuit Guntherus *lib. 8.* Inter quas duas constitutiones hæc est præcipua differentia, quod posterior Friderici arctius & vehementius, quam prior illa Lotharii prohibet alienationem feudi: verbi gratia, cum Lotharii constitutio tantum pertineret ad futuras alienationes, quæ promulgationem ejus quandoque secuturæ essent: sicut solent leges & constitutiones regulariter futuris negotiis formam dare, & regulas imponere, nisi legislator nominatim expresserit, ut etiam ad præteritos casus, & adhuc pendencia negotia referrentur, *l. 7. C. de legib. l. pen. in fin. C. de decurion. lib. 10.* Friderici constitutio expressè etiam præteritas alienationes rescindi voluit, unde Guntherus *d. loc.*

*Hac fieri magnus vetuit Lutherius: at nos*

*Facta retractari volumus, facienda caveri.*

Et quidem optima consuetudine interdicta dicitur feudi alienatio *in d. tit. 55.* Quod ex contrario facile est intelligere: nam primò si permetteretur vasallo feudi alienatio, non posset amplius per egestatem, vel seipsum ac familiam honestè & pro dignitate exhibere, vel servitia militaria (quæ certè magnos sumptus requirunt) obire, ac domino præstare. Deinde alienatio irrequisito domino facta à vasallo nescio quem contemptum domini arguit contrarium reverentiæ ipsi debitæ. Taceo, quod non possit quis plus juris in alium transferre, quam ipse habeat. Vassallus autem non habet proprietatem in re de qua est investitus, sed ea manet domini, *§. ult. tit. 8. lib. 2.* Non debet igitur hoc jus proprietatis domino sine suo facto



& consensu auferri, per l. 11. *id quod nostrum*, ff. de regut. jur. Quid quòd etiam usufructuarius non possit usufructum suum extraneo cedere? §. *fnitur. Instis. de usu-fructu*. Ergò nec vasallus feudum, cum per similes sit utriusq; ratio, ut aliàs dictum. Accedit denique argumentum à minori ad majus: Vasallus non potest feudum deteriorare: ut paulò antè dictum est: Ergò multò minus potest alienare. Ampliatur superior regula. I. Ut valeat, tam quoad partem feudi, quàm quoad totum: sicut, inquam, totius feudi alienatio fieri prohibetur invito domino, ita & partis. Sancimus, inquit, Imp. Frideric. in d. tit. 55. hac edictali lege, ut nulli liceat feudum totum, vel partem aliquam vendere, vel pignorarè, vel quocunq; modo contrahere seu alienare, &c. Et *Guntherus lib. 8.*

*Si quis habens feudum, precio seu vendere totum  
Seu pro parte velit, dominiq; licentia desit,  
Seu dare, seu vadio supponere cogitet, illud,  
Qui dedit amittet, nec qui suscepit habebit.*

Ut ita hìc idem sit jus partis, quoad partem, quod est totius, quoad totum. Quod si quis tamen partem duntaxat feudi alienaverit, pro ea parte feudo privabitur, & non in totum, ut infra dicetur. Secundò ampliatur regula, ut procedat siue feudum fuerit novum siue antiquum. Primùm enim textus feudalis inter hæc duo genera hìc non distinguit, nec nos ergo debemus. Deinde utrobique pariter interest domini feudum non alienari absq; suo consensu: utrobique & id fiat, pariter contemnitur & irreverenter habetur dominus.

2. D. *Audivi regulam de alienatione feudi cum suis rationibus & ampliationibus, nullane est autem ejus exceptio?*

M. Primùm moribus Gallorum feuda ad instar patrimoniorum redacta sunt, & jure patrimonii seu allodii censentur: id quod uno ore testantur doctissimi quique Gallorum: ut *Cujacius, Fornorius, Duarenus, Hotomannus, Iohannes Imbertus, Eguinar. Baro, Con-*  
nanius,

*natus*, & alii ex eadem gente: unde *Cujac. ad tit. 1. lib. 1.* Eodem, inquit, moribus Gallia receptum est, posse omnino jus feudi sine voluntate domini à vasallo cedi & vendi alteri: qua ratione vulgò dicitur: *Feuda patrimonii jure censi*. Et idem *Cuj. ad tit. 9.* Gallico more feuda jure patrimonii censentur: proinde alienari etiam ac pignorari possunt. Sic etiam (quæ esset altera exceptio) aliarum regionum moribus hoc jus, & ista facultas recipi & comprobati posset: nam in feudis mores & consuetudines dominantur, *argum. §. legum autem Romanarum, lib. 2. tit. 1.* quamvis hoc repugnare videatur *Constit. Imp. Lotharii & Friderici*. Tertia exceptio est in feudo alicui dato ea lege, ut ipse & heredes sui masculi & feminæ, & cuicumque dederit, habeant. Hoc enim etiam sine voluntate domini alienari poterit. *§. feudum, penultim. titul. 26. libr. 2. & titul. 48. eodem libr.* Sed Hotomannus hoc ibi notat. Pactum enim investituræ adjectum complecti voluntatem domini: hoc vult dicere, non esse hanc veram exceptionem, cum non sit de regula, sicut veræ exceptiones esse debent, ut præter alios docet *Philipp. Decius, ad leg. 1. ff. de regul. jur.* Regula autem fuit de alienatione invito domino non facienda, non etiam de ea, quæ sit ex voluntate domini.

3. D. Estné idem jus harum formularum: *Doti feudo ea lege. ut ipse & heredes tui, & cui dederis illud habeas & alterius: Cui in feudum dederis?*

M. Imò verò plurimum interest, hæc an illa formula senior in investiturâ usus fuerit. Nam si priore utatur: cui dederis feudum non habet propriam naturam feudi (excepto uno casu, nempe quoad amissionem, hic enim solum jure feudi censetur, nempe, ut ex iisdem causis amittatur, quibus & verum seu proprium feudum.) Sin autem posteriore: Cui dederis in feudum: jam feudum tale retinet propriam naturam feudi. Ita rectissime distinguit *Cujacius ad titul. 25. libr. 4. id est, ad §. feud. titul. 26. post gloss. in §. feudum ea lege,*

*ea lege, tit. 26. lib. 2.* Eaq; distinctio extat in ipso textu *tit. 48. lib. 2.* quam vehementer miror non fuisse observatam à Dn. Hotom. qui non debebat nobis mutare textum *in fin. d. tit. 48.* ubi addit negationem hoc modo: *Et propriam feudi naturam non habet.* Manifesta hæc est corruptela, non emendatio textus, quod pace tanti viri dictum volo. Sed ita fit, ubi nimis cupidè in aliorum reprehensionem irruimus, ut ipsi sæpenumerò gravillimè hallucinemur, id quod hoc in loco manifesto videmus doctissimo viro contigisse. De illa porrò conditione feudo adjecta, ut id habeat vasallus, & cui dederit, *vide & Zas. p. 12. in 5. conclus. num. 25. cum 2. seqq.*

4. D. *Poteritne vasallus, qui ita feudum accepit, sicut alteri feudum alienare, ita & sibi ipsi appropriare?*

M. Videbatur quidem id dicendum, cum charitas ordinata incipiat à se ipsa, *arg. l. præses, C. de servit. & aqua,* sed verius est non posse, quia nemo causam possessionis suæ sibi ipsi mutare potest, *l. 3. §. illud quoq; ff. de acquir. poss. l. 5. cum nemo, C. eod. tit. l. non solum, §. 1. ff. de usucap. l. 6. ff. de precar. Zas. d. par. 12. num. 28.* cui simile est quod neq; decurio seipsum tutorem dare potest, *l. ubi absens, ff. de tut. & curat. dat. ab his, &c.* quodq; tutor sibi ipsi auctor fieri nequit, *l. 1. ff. de auct. tut.* neq; patronus Ecclesiæ, qui habet jus præsentandi, se ipsum præsentare potest, *c. consuluit, & c. per nostras, extr. de jur. patron.* neq; Episcopus sibi ipsi conferre beneficium suæ collationis potest, *c. fin. extr. de instit.*

5. D. *Quid si per feudi alienationem à vasallo factam conditio domini fiat melior, valebit ne tunc alienatio?*

M. Ita vulgò putant, quos allegat Petrus Duennas *reg. 40. limit. 8.* Et hæc secundum ipsorum opinionem esset quarta exceptio, si modò vera. Sed assentior Bartholomæo Camerario, Jcto Italo, qui *in repetit. c. Imperialem, de prohib. feud. alien. per Frider.* putat, ne tunc quidem valere alienationē, cum enim dominus non possit jus suum quod in feudo habet (vulgò directum dominium vocant) absque vasalli consensu alienare,  
etiam-

etiam si conditionem ejus meliorem faciat. ff. ad §. ex eadem, tit. 34. libr. 2. & dicam infra : suadet hoc natura correlativorum, ut nec vasallo hæc licentia permittatur. Deinde etiam si fiat melior domini conditio, tamen semper verum est, ejus reverentiam & auctoritatem spectam ac laesam esse à vasallo, dum videlicet irrequesito ejus consensu ad alienationem feudi proficiat.

6. D. *Quid si necessitas vasallum urgeat ad alienandum?*

M. Placet temperamentum distinctionis, quo Wilhelm. Hanneonius lib. 3. de feud. cap. 5. & Camera Spirensis usa est, teste Myns. cent. 6. observ. 30. nu. 5. nempe, ut si admodum urgens sit necessitas, cui nisi subveniatur, vitæ periculum immineret vasallo & liberis ejus, aut uxori, tum valeat alienatio. arg. l. ult. C. de patribus qui filios distraxerunt, & arg. c. si quis propter necessitatem, extra de furtu. Secus est si non admodum vehementis sit necessitas. Quo sensu accipienda est Baldi & aliorum opinio negativa, ad c. unic. tit. 9. lib. 2. vide & Menoch. de arb. jud. c. 182. nu. 26 & Antonin. Tressaurum, decis. 99. nu. 5. ibidem etiam disputat, an feudum in scio vel in viro domino possit revocari ab adgnato proximior oblati feudi precio. Quæ autem sit satis urgens necessitas, arbitrio judicis definiendum relinquitur: teste Men. d. loco. Debet tamen vasallus etiam magna necessitate ingruente, non statim antè ad alienationem procedere, quam domino significaverit, si is fortè emere velit, ut docet Wurms. in pract. observ. & ex eo Borch. c. 8. quest. 70. Atq; hæc de necessitate naturali. Est etiam alia necessitas juris, quæ similiter excusat vasallum: verbi gratia, si vasallus condemnatus sit sententiâ judicis ad feudum adteri vendendum, &c. Zas. p. 10. quest. 29. vers. 4. conclusio.

7. D. *Suntne plures ab hac regula exceptiones?*

M. Hanc quoq; adferunt, permitti alienationem invito licet domino, si fiat in proximum adgnatum. Quod verum quidem est, hoc casu non requiri cōsensum domini: Sed hæc non tam est alienatio, quàm refutatio feudi, de qua suprà separatim dixi. Itaque ne hæc

hæc quidem vera est exceptio, cùm non sit de regula. Addunt & hanc exceptionem de fructibus feudi, eorum scilicet commoditatem non prohiberi vasallum vel vendere, vel oppignerare, vel aliter alienare, *Zaf. d. p. 10. sub n. 94. & Borchol. d. c. 8. n. 58.* ex doctrina Baldi & Alvarotti. Quod ut verum esse fateor, ita exceptionem hanc esse nego. Erat enim regula non de fructibus feudi, sed de ipso feudo alienando. Nec sanè mirum est, posse vasallum fructus alienare, cùm eos faciat suos, eorumq; pleno jure sit dominus, ut suprà dictum. Excipiūt deniq; etiam feudum Francum, quod volunt quidam alienari posse etiam invito domino. Sed cōtrarium de jure verius esse existimo, quod probat *Ifern ad tit. in quib. caus. feud. amitt.* vide auctores utriusq; sententiæ apud *Borch. c. 8. n. 83.*

8. D. *Quid ergò si consensus domini accedat ad alienationem?*

M. Jam valebit alienatio, ducto argumento à contrario sensu: Invito domino facta alienatio non valet: Ergo eo volente valet. Idq; ita expressum est in §. *si verò cum domini voluntate*, t. 13. lib. 1. de alienatione feudi. Et ratio est evidens; quia volenti & consentienti non fit injuria: consentiens non contemnitur.

9. D. *Sed requiriturné consensus expressus, an sufficit tacitus?*

M. Videbatur necessarius esse expressus consensus, quia verbum licentia, quo utitur Imp. Fridericus in sua *constit. tit. 55.* & quod retinet etiam *Gunth. lib. 8.* innuit expressum consensum, arg. l. *observare*, §. *proficisci*, ubi hoc notat *Bald. ff. de offio. procons.* idq; pluribus probat *Barth. Camer. ad d. cap. Imperialem*, pag. 527. & seqq. Accedit maximum, quod hic versatur, domini præjudicium, ubi autem majus versatur periculum, ibi cautius est agendum. Verior tamen apud me quidem est sententia, sufficere tacitum consensum, si nimirum dominus tempore alienationis sit præsens, nec contradicat, per ea quæ tradit *Accurs. ad l. Cajus*, ff. de pignor. act. & *Bart. ad l. quæ dotis*, ff. solut. matrim. Vel si quidem

quidem sit absens, sed tamen per literas de alienatione certioretur. Vide *Iul. Clar. quest. 31. n. 13. Myns. cent. 4. obser. 87. & Baronem Schenckium in viridario conclus. 95. quibus nuper accessit And. Fachin. lib. 7. controver. c. 80.*

10. D. *An oportet consensum statim initio in ipsa alienatione intervenire, an verò expòst facto rati habitio subsequens eam confirmat?*

M. Quamvis à principio dominus non consenserit alienationi, tamen si postea eam ratam habuerit, ea rati habitio retrahitur, & cōsensum initialem imitatur, ut rectè Isernia ad d. t. 55. & F. Curt. p. 4. de feud. n. 138. *Myns. d. loco.*

11. D. *Quid si plures sint domini, an omnium consensus requiretur ad alienationem, an sufficit unius aut aliquorum?*

M. Necessè est, ut omnes consentiant, argu. c. 29. de reg. jur. in 6. & arg. l. ult. C. de auctor. præs. Ioan. And. in addit. ad Spec. tit. de locat. Quod si aliqui non consenserint, pro eorum duntaxat parte, qui non consenserunt, feudum committetur, ut docet Bal. ad l. libertus, ff. de in jus vocando.

12. D. *Quid si dominus in personam certam consenserit, poteritne vasallus in quemvis alium alienare feudum?*

M. Non poterit; primùm quia fines permissionis non debemus egredi: arg. eorum quæ de finibus mandati diligenter custodiendis dicta sunt ad Institut. tit. de mand. Deinde, quia domini interest, non in quemlibet fieri alienationem, ne scilicet vasallus ipsi cōtingat, quem habere non vult, argum. eorum quæ de societate traduntur, neminem cogendum esse socium habere, quem non velit. Tertiò, quia concessio & inclusio unius, est cæterorum exclusio, arg. l. 12. ff. de iudiciis, & l. 8. ff. de accusationibus.

13. D. *Quid si dominus permiserit vasallo alienationem feudi, poteritne is partem a quæ ac totum alienare?*

M. Videbatur dicendum posse, quamvis etiam partem, & non modò totum feudum, hoc casu alienare: quia in toto & pars continetur, l. 113. ff. de reg. jur. l. 7. in

*pr. ff. de except. rei jud.* eaq; sententia placuit Iſerniæ, ut retulit *Iacob. Alvarot. ad tit. 55.* Sed verius est, non posse partem alienari. Hoc enim non minus esset incommodum domino, habere ac recipere ejusdem feudi plures vasallos, quàm est incommodum vasallo plures agnoscere dominos, de quo suprà dictum *in cap. de investitura petenda.* Facit huc, quod etiam pupillo inutile est, turelam spargi per plures. Item quod aliàs in jure civili prohibetur obligatio scindi in plures.

14. D. Si dominus consenserit alienationi, poteritné etiam vasallus aequè in ultima voluntate, atq; inter vivos feudum alienare?

M. Qui simpliciter consensit in alienationem, is tantùm de ea cogitasse & sensisse videtur, quæ sit inter vivos; non autem de ea, quæ in ultima voluntate. Ita rectè *Bald. ad tit. 55. arg. l. 7. §. pari autem ratione, ff. de donationib.* ubi donatione permissa filioſa, à patre, tantùm comprehenditur donatio inter vivos, non etiam quæ sit mortis causa, nisi & hæc exprimatur. Quare videamus ne probandum non sit, quod quidam voluerunt, vasallum de tali feudo, quod accepit pro se, & quibus dederit, etiam restari posse.

15. D. Sufficitné ad alienationis firmitatem consensus domini, an etiam aliorum insuper adprobatio requiritur?

M. Si feudum sit novum, sufficit consensus domini; quia hîc ipsius tantum interest; sin autem sit antiquum, oportet ut insuper accedat consensus agnatorum proximorum, *tit. 39. in princ. lib. 2. feud.* quia quod omnes tangit, ab omnibus debet approbari, ut paulò antè dictum, *κοινὴ γὰρ ἡγεῖα, κοῖνοί δέ τε μῦθοι ἔσσιν*, ut est apud Apollonium Rhod. Vide *Mynscent. 4. obser. 85.* Et alienatio quantumvis cum consensu domini facta non præjudicat agnatis, sicut nec descendantibus, nisi ipsi quoq; consenserint, vide eundem *Schenckium d. toncl. 95.*

16. D. Quò melius intelligi possit superior regula de prohibita feudi alienatione, velim mihi explices, tum quid sit alienatio, tum quot sint ejus species.



M. Opportunè quæris. Nam generis hæc est natura uti ipsum quidem sit obscurū, fiat autem dilucidius, si in suas species diducatur. Et qui in universum tantū aliquid dicit aut docet, seipsum pariter & alios fallit, ut ait Aristoteles. Igitur *alienationis* verbum, (ut plurima alia in jure) non uno modo accipitur. Aliquando strictè pro sola venditione, ut in *l. 4. & ult. C. de jure emphyt. & tit. C. de pradiis decurionum, lib. 10.* Interdum sumitur latè pro quolibet actu, per quem transfertur dominium, *arg. l. 67. ff. de verb. signif.* Interdum deniq; latissimè pro cujuslibet juris translatione, *l. ult. C. de reb. alien. non alien.* Et ita in superiore regula accipiendum est, cum dicimus, alienationē feudi esse prohibitam. Vide *Mynsing cent. 6. obs. 30. & Dd. ad l. alienationis 28. ff. de verb. signif.* Hinc definitore Cujac. *ad tit. C. de alien. jud. mutand. caus. facta*: Alienatio est dominii, vel possessionis, vel juris in alium translatio. Vel juris; intellige alterius cujuscumque, quod separatum sit à dominio seu proprietate, itemq; à possessione rei, ut sunt, verbi gratia, emphyteusis, pignus, superficies, servitus, ususfructus, *d. l. ult. C. de rebus alien. non alienan.* nam alioquin etiam dominium & possessio jura quædam sunt. De dominio res est cetera; de possessione est *l. 49. ff. de acquir. poss.*

17. D. *Quæ sunt præcipuæ species alienationis?*

M. Venditio, permutatio, in solutum datio, divisio, donatio, in dotē datio, donatio propter nuptias; dotalitium, datio in emphyteusim, contractus libellarius, nexus pignoris vel hypothecæ, ususfructus datio, servitutis impositio, testamentum, transactio diminuendi causa facta, usucapionis seu præscriptionis permissio, sive patientia, refutatio facta ei cui non debet: subfeudatio, non ut oportet facta, precarii concessio, & secundum interpretes etiam locatio ad longum tempus, item constitutū, quod vocant, possessorium. Et breviter, alienatio aut sit inter vivos, aut in ultimā voluntate. Et inter vivos quidem fiunt omnes cæteræ species, præter testamentum, legatum, fideicommissum,

sum, & mortis causa donationem. Et rursus, alienatio feudi aut sit ex titulo aliquo oneroso, aut ex titulo lucrativo. De singulis harum specierum quod plenius ac distinctius explicandi sit occasio, ordine interrogare poteris, dummodò eas species hinc prætereas, quæ jam suprâ suis quoque locis sunt expositæ. Nam de testamento super re feudali, de legato, & prælegato feudi quod non valet, de impositione servitutis, & usufructus concessione inutili, de transactione diminuendi causa facta, sicut & de compromisso in feudo, itemque de refutatione feudi facta ei, cui non debet, & de subinfeudatione non ut oportet, neque observatis necessariis conditionibus facta: de his, inquam, omnibus jam antè, ut meministi, satis egimus, quæ per te ipsum hinc licet repetas. Itaque illis in præsentiarum commissis, tantum de intactis restatut dicamus.

18. D. *Placet conditio. De venditione igitur quid ais?*

M. Vassallus feudum invito domino vendere seu distrahere non potest, ut habetur *d. tit. 55. vers. habito ergo consilio. Myns. d. obs. 30. n. 1. & 3.* qualvis *Duar. cap. 12. de feud. nu. 6.* putet, alienatione prohibita non intelligi prohibitam simplicem venditionem sine traditione: quia nimirum dominia rerum non per contractus, sed per traditionem & usucapionem transferantur, §. *per traditionem. Inst. de rerum divis. l. 20. C. de pactis, l. 3. ff. de obl. & act.* pro qua sententia etiam facit, *l. alienatum, 67. in princ. ff. de verb. obl.* Accedit quod ex communi sententia non præcisè cogitur venditor rem emptori tradere, sed liberatur si præstet, quod ipsius interest. Sed animadvertere oportet, quod paulò antè diximus, *alienationis* verbum in feudis non propriè ac strictè pro translatione tantum dominii, verum latissimè sumi pro quovis actu, quo etiam aliud quoddam jus, vel in re, vel ad rem in alium transfertur. In eo tamen haud invitus adsentior Duareno, vassallum licet vendiderit feudum, tamen priusquam id tradiderit emptori, non dum incurrisse pœnam privationis. Dixi: vendere seu distrahere, hæc enim in jure civili pro eodem sumuntur,

tur, ut constat ex tit. *C. de distract. pign. & tit. C. de patribus filios qui suos distraxe.* & alibi passim. Fridericus tamen Imperator in *d. vers. habito*, latius usurpasse videtur *distrahendi* verbum, cum ait: *vel quocunq; modo distrahere vel alienare.* Itaq; distractio æquè latè ipsi patet, atq; alienatio: quod etiam perspicuum est ex præcedentibus, ubi de venditione jam scorsim dixerat: ut nulli liceat feudum vendere, &c. quomodo etiam Lotharius in sua *constit. tit. 52.* verbo *distrahendi* latissimè usus videtur, cum ait: *Nemini licere beneficia sine seniorum permissione distrahere.* Non enim tantum propositum fuit Imperatori prohibere venditionem feudi, sed omnem omninò alienationem.

30. D. *Quid si feudum vasallus contra jus vendiderit, ac ita dederit emptori, dominus autem id ab eo avocavit (quod quidem facere potest) quomodo emptori consulatur?*

M. Distinguendum est inter bonæ fidei emptorem, & malæ, ut illi quidem, qui nescit feudum esse, adversus venditorem competat actio ex empto, sive de evictione (*Buerschafft*) ad repetendum precium: huic verò denegetur. Ita distinguit *text. & gl. d. tit. 55. in fin. princ. junct. a gl. in tit. 52. in verbo precio, Gunth. lib. 8.* hoc discrimen sic expressit:

*Emptoriq; bonæ fidei præstetur in illum*

*Actio, qua precium cogat redhibere solutum.*

Vide etiam *Hotom. ad d. tit. 52.* ubi multas juris civilis leges, quibus idem discrimen probatur, adducit. Eandemque distinctionem etiam suprâ adhibuimus, cum de investiturâ de re alienâ factâ ageremus, confirmatam per l. 17. *C. de evict.* Ratio differentię inter bonæ & malæ fidei emptorem manifesta est, quia bonæ fidei emptori nihil est quod imputari possit, utpote qui ignorans rem feudalem esse, emetit, non autem contemnit disciplinam, qui ignoravit militem, ut eleganter ait l. 50 *si ignorans, ff. locati.* At malæ fidei emptor est in dolo, qui meritò coërcetur amissione precii, debuit enim à rei alienæ, quam talem sciebat, emptione abstinere.

20. D. *Quid tamen si mala fidei emptor de evictione sibi caverit interposita stipulatione?*

M. Quamvis aliàs etiam malæ fidei emptori hoc casu, quo eam stipulatus est, detur actio de evictione adversus venditorem, d. l. 27. C. de evict. l. 7. C. commun. utriusq; vide & l. ult. C. commun. de legatis, tamen hîc probò sententiam gl. ad d. tit. 55. in verbis: *exempto actione*: quæ vult, emptori malæ fidei, ne tum quidem dari repetitionem precii, etiamsi ei cautum sit per stipulationem, cùm contra istam legem sciens fecerit, ut ita aliud sit juris in eo, qui mala fide cõparavit feudum, aliud in eo qui aliam quampiam rem alienam emit. Aliarum rerum, quamvis alienarum, venditione nulla lex expressè prohibuit, imò ea permissa est propter libertatem commerciorum, licèt postea res emptori auferri possit, per verum ejus dominum rem suam sibi vindicantem, l. 28. ff. de contrah. empt. feudi autem venditio expressè prohibita est constit. Imperatorum Lotharii & Friderici, & ita quidem, ut ipso jure non valeat, d. tit. 55. & arg. l. 5. C. de legibus. Unde hujusmodi commercium illicitum vocatur à Lothario in d. tit. 52. in quo textu superiore loco etiam legitur vulgò, *commercium excogitatum*. Sed magis probò emendationem Cujacii, qui restituit, *commentum*, quod & Hotomannus sequitur suppresso licèt Cujacii nomine; cui ea laus non erat invidenda. *Commentum* idem ibi valet, quod *figmentum* & *machinatio* in constit. Friderici.

21. D. *Quid ergo fiet de precio, si ejus repetitio denegatur mala fidei emptori, an id retinebit venditor, an sisco attribuetur? an deniq; seniori, cui & ipsum feudum committitur, ad judicandum erit?*

M. Illud certum est, venditorem non lucrari precium. Disertè enim ait constit. Lotharii in d. tit. 52. qui aliquid in fraudem hujus legis machinari tentaverit, precio ac beneficio se cariturum agnoscat. Quæ verba æquè referri posse videntur ad personam venditoris, atq; ad emptoris. Accedit & ratio, quòd nemo ex dolo

dolo suo lucrum reportare debeat. De eo autem est controversia, an precium fisco applicari debeat, an verò seniori tanquam parti lætæ? Prius voluit *gl. in d. tit. 55. in verbis, ex empto actione*; pro qua sententia adlegat *tit. 9. ff. de jure fisci*. Poterat etiam laudare *l. 46. §. quod contra eodem tit. & l. ult. C. de litigiosis, & l. 52 ff. de contrah. emp.* posterius tamen probabilius videtur Domino Hoto. *ad d. l. 52. cujus rei hanc reddit rationem*, quia scilicet utriusq; Imp. constitutione feudū ipsum adjudicetur seniori. Commodius fortassis dixisset, quia senioris persona contempta sit à vasallo, & jus ipsius læsum, idcirco meritò ipsum præferri debere fisco in precii tanquam pænæ petitione, qua contemptus ille vindicetur, & honor ei suus restituiatur.

22. D. *Audivi de venditione: de permutatione feudi quid sentiendum est?*

M. Permutationem feudistæ vocant *cambium* (ein Wechsel) & ipsum permutare, *cambire*, verbo non ineleganti nec veteribus incognito, ut aliàs docui, vide *lib. 1. feud. tit. 4. & 22. & lib. 2. tit. 25. & Alc. libr. 2. παρῆργον c. 45. nec non Pet. Greg. Syntag. iur. univers. libr. 6. c. 1. nu. 12.* Idcirco autem permutationē proxime conjunxi cum emptione & venditione, quia hæc ab illa fluxit, ut dictum est ad § *item precium, Inst. de empt. & vend. ex l. 1. ff. de contrah. empt. & ex l. 1. ff. de rer. permut.* Sicut autem prohibita est vasallo venditio feudi invito domino, ita & permutatio, ut rectè *Alvar. ad tit. 24. in prin. n. 16. Myns. cent. 6. obs. 30 & Wesemb. de feud c. 11. nu. 3.* nam & permutatio est quædam alienatio, *d. l. 1. §. item empt. ff. de rer. permut. l. 1. §. in alienatione, cum §. seq. ff. quando de peculio act. an. sit, Nov. 7. c. 1. c. 5. nulli liceat, §. alienationis, extra de rebus Ecclesia alien. vel non.* Nec debuit hac de re dubitare *Francisc. Curt. part. 4. de feud. in postrema causa, quæst. 11. sacros. auth. sed & permutare, cum auth. seq. C. de sacros. eccles.* Illæ enim sacros. actiones non de feudis agunt, sed de rebus Ecclesiasticis, quæ certis cōditionibus observatis permutari possunt. An autem liceat etiam emphyt. permutare prædium emphyteuticum

X 5 absq,

absq; consensu domini, vide apud *Iul. Clar. in §. emph-  
tens. q. 17.*

23. D. *In solutum datio qualis est?*

M. In solutum dare dicitur is, qui pro pecunia nu-  
merata quam debebat creditori suo volēti, dat rem a-  
liquam sive mobilem, sive immobilem, seu se moven-  
tem: Quod & pro soluto datum dicitur in *l. 4. C. de  
eviction.* Dixi, *volenti.* Nam invito aliud pro alio solvi  
non potest, *l. 2. §. 1. ff. de reb. cred.* at volenti & consenti-  
enti potest, *l. 46. ff. de solutionib. l. 17. C. eod. tit.* ubi post  
veteres vide Donellum & Gothofr. Monui hac de re  
etiam ad *tit. Institut. quib. mod. tollitur obligatio.* Unus-  
quisq; enim potest suo juri renunciare, & volenti non  
fit injuria neq; dolus, ut est in *regul. jur.* Hæc igitur in  
solutum datio, vel pro soluto, etiam est alienatio  
quædam, & quidē vicem venditionis obtinere dicitur  
in *ad leg. l. 4. C. de evict. & in l. 4. §. auctores, ff. de doli mali  
& metus exceptione.* Unde non malè statim adjungitur  
venditioni & permutationi, & perinde ut illæ species,  
ita & hæc meritò prohibita esse in feudis intelligi de-  
bet.

24. D. *Divisio cujusmodi est?*

M. Divisio quoq; sive ea fiat in communi dividun-  
do, sive in familiæ erciscendæ judicio vicem emptio-  
nis obtinere dicitur ab eodem Imperatore. Anton. in  
*l. 1. C. commun. utriusq; judicii,* qui & *l. 4. C. de evictionib.*  
auctor est, idq; propter adjudicationes, quæ in hisce  
duplicibus judiciis usitatae sunt, per quas sæpè unus  
alteri certa pecunia condemnatur, in quantum scili-  
cet vni plus adjudicatum est quàm alteri, ut ita res ad  
æqualitatem revocetur. Qua de re dictum est ad *§. si  
familia, & §. eadem interveniunt. Institut. de officio judicis.*  
Cum autem de feudi divisione quæritur, an ea sit per-  
missa, nec ne, observanda est distinctio suprà tradita  
inter species feudorum, inter feudum, inquam, habēs  
anuxam dignitatem, & feudum sine dignitate. Prio-  
ris generis feuda (quæ & majora dicuntur, ut Duca-  
tus, Marchiæ, Comitatus) dividi prohibentur, non  
solum

solùm à Friderico in §. *præterea*, d. tit. 55. Verùm etiam à Carolo IV. in *aurea bulla*, cap. 23. Quare sic scribit *Gunth. lib. 8. F.*

*Marchia, seu comitis possessio, sive ducatus  
Integra permaneant: feudalia cetera multis  
Participanda patent domino dum quisq; fidelis  
Spondeat obsequium, jurandaq; fœdera præstet.*

Vide etiam *Iul. Clar. quest. 44. §. Zasp. part. 9. in fin.* Ratio prohibitionis est, ut virtus unita maneat fortior in seipsa quàm sparsa, cùm divisio soleat rem adtenuare, & ne regnum in se divisum desoletur, ut est in Evangelio. Alterius generis feudorum quæ sunt minora, seu inferiora, nec dignitatem adnexam habent, permissa est divisio. Possunt enim plures ejusdem vasalli sive liberi, sive adgnati, qui in eodem sunt gradu, feudum inter se dividere, si consortes voluerint, ut ait *Imperator in d. §. præterea, tit. 55.* nemo enim in communionem invitatus detineri compellitur, *l. ult. C. communi divid.* Unde receptum est, ut etiam uno ad divisionem provocante illa sit instituenda. Et divisio feudi, cujus fit mentio in §. *omnes, tit. 26. lib. 2.* itemq; in capitibus extraordinariis apud *Ardizon. cap. 8.* intelligenda est de hujusmodi feudis inferioribus, quæ sola sunt dividua, non etiam de majoribus. Quanquam autem inter individua feuda Imp. Fridericus etiam numerat Comitatus, tamen inveterata consuetudo inolevit in contrarium, nempe ut alia quoq; feuda dignitatum, exceptis tantùm regalibus inter feudatarios rectè dividantur: sicut de Italiæ, & imprimis Longobardiæ consuetudine testatur *Franc. Zoannet. cap. 4. rerum quotidianar. num. 12.* Observabis in d. §. *omnes*, probabilem emendationem Cujacii, legentis, *divisum*, pro eo, quod vulgò editum est *indivisum*: maximè si divisum habent: quamvis Hotoman. eam mutationem reprobet in comment. ad eum locum: Proponitur enim ibi duplex casus. Primus quo cohæredes inter se diviserunt feudum, ita ut unusquisque partem ejus acceperit. Alter casus est, quo feudum totum ad unum



ex ipsis pervenit, qui fortè reliquis pro suis portionibus, vel pecuniam dedit, vel allodialia quædam bona: priore casu omnes cohæredes jurare jubentur: posteriore tantum is cui feudum obvenit. Fateor tamen, alteram quoq; lectionem excusari & retineri posse, ut scilicet intelligatur textus de fratribus, vel adgnatis, consortibus qui adhuc pro indiviso retinent feudum: & sensus probari etiam videtur, per *textum in d. §. præterea*, in verbis, *qui partem feudi habent, vel divisi, vel adhuc dividendi*. Solet autè quæri, quis ex pluribus ejusdem vasalli cohæredibus fidelitatem facere seu jurare & servare debeat, qua de re jam supra dixi in *c. de investitura & jurejurando fidelitatis*. De divisione igitur, (ut concludam) duæ constituendæ sunt regulæ. Prima: Feuda dignitatum sive majora dividi non possunt. Secunda: Feuda inferiora nec dignitatem habentia dividi possunt, *d. §. præterea, t. 55. & §. omnes, t. 26. lib. 2. & §. item si duo fuerint fratres, t. 5. li. 1.* Prioris regulæ ratione paulò antè audivisti. Nunc attende & ampliationem, & exceptionem. Ampliatio hæc est, ut non valeat divisio, etiam si omnes consortes consenserint in ipsam: quia juri publico privatorum conventiones non possunt detogare, *l. 38. ff. de pactis*. Exceptio hæc est: nisi consuetudine alicujus regionis contrarium fuerit usurpatum, ut scilicet dividi possint etiam majora feuda, teste Alvarotto, Præposito & aliis ad *d. §. præterea, & Johan. Andr. in additionib. ad Spec. in rub. de feud. propè fin.* Sicut de consuetudine Germaniæ, Galliæ & Italiæ testantur *Zasius part. 9. nu. ult. & Jul. Clar. quest. 44. Item Hart. ab Eppingen obs. 19. n. 5. n. 5. tit. de feud.* de qua tamen consuetudine non immeritò quis dubitet, plus nō noceat Reipub. quàm prosit. Alia est exceptio, nisi dominus permiserit divisionem, *Duar. cap. 12. de feud. n. 18:* vide & alias exceptiones apud *Curt. par. 4. de feud. q. 30.* sed quæ non magni sunt momenti. Alterius regulæ ampliationes hæc sunt. Prima, etiam si pactum inter cohæredes fuerit interpositum de divisione nunquam facienda; hujusmodi enim pacto non obstante, nihilo-

Iominus fieri potuit divisio, tale enim pactum nullas vires habere manifestissimum est, *l. 14. §. si conveniat. ff. commu. divid.* ubi gloss. Cur nullas vires habet? quia communio rixas & discordias parit, propter naturalem hominum facilitatem ad dissentiendum, *l. 77. cum pater, §. dulcissimis, ff. de legat. 2. l. 26. in re communi. ff. urban. prad. l. 17. ff. de recept. arb. l. 26. §. si cautum. ff. de condit. indeb.* Dixi, non valere pactum de divisione nunquam facienda. Secus est, si convenerit, ne intra certum tempus à communione recedatur, *d. l. 14.* quo casu ante elapsum terminum non posset divisio cæteris invitis ab uno postulari, nisi aliquis ex sociis fortè nimis rixosus, aut aliàs molestus esset cæteris, ut docet Hieron. Schurpf. *conf. 37. n. 20. in 2. cent.* Secunda ampliatio est, etiam si pater filios suos in ultima voluntate obstrinxisset jurejurando, ne unquam dividerent, nihilominus enim & nepotes poterunt divisionem instituere, & ex ipsis quoq; filiis, is qui fortè enormissimè est læsus, aut dolo circumventus. Nepotes quidem, quia jusjurandum patris sui ipsos obligare non potuit, cùm fuerit vinculum personale, is verò qui enormissimè læsus dolore circumvêtus est; quia ex his causis etiam adversus juramentum in contractu interpositum datur reitutio in integrum, vide eundem Schurpf. *d. conf. 37. n. 22. cum seq.* Tertia ampliatio est, quamvis non omnes cohæredes, sed unus tantùm cæteris invitis ad divisionem provocer. Ita rectè Ifern. *ad d. §. præterea, & probat Curt. par. 4. n. 124. Dua. c. 12. in fi. Andr. Gail. lib. 2. obs. 153. n. 9. arg. l. 8 ff. commu. divid.* Nec obstat quod Imp. in *d. §. præterea*, ait si consortes voluerint: ex quibus verbis quidam interpretes colligere voluerunt, omnes consentire debere, quia inquirunt, indefinita equipollet universali. Sed hoc non esse perpetuum plurimis exemplis doceri potest. Neq; enim novum est & J.C. & aliis bonis auctoribus, ut plurali numero utantur, etiam ubi de uno tantùm est sermo: & contrà, ut singularem usurpent collectivè etiam de pluribus loquentes, *l. 158. & ibi Dd. ff. de verb. signif. Præ-*

terea posset illis hoc quoque reponi, quod pluralis locutio duobus contenta sit: ex quo sequeretur sufficere consensum duorum ex cohæredibus: quod tamen ne ipsi quidem volunt, qui omnium consensum putant esse necessarium. Melius igitur puto cum Duareno & aliis hanc quæstionem definiri ex jure civili, id est, ex *d.l.8. ff. commun. divid.* cum jure feudali contrarium expressè non sit decisum ex regula, quæ traditur *t. 1. lib. 2.* Quarta ampliatio hæc est; etiam si jura quædam sive res incorporales in feudum datæ essent, v. g. Jurisdictiones, curiæ decimæ, &c. etiam si enim ipsa jura sint individua, tamē res poterit expediri per adjudicationes, vel alternum usum, vel pensionibus, vel per territoria sive regiones, idque mediante cautione, ne alter alterū in suo usu impediat, *arg. l. 7. §. cum de usufr. ff. com. divid. l. 1. §. item quæsitum, l. 5. ff. de aq. quot. & astiva, l. 34. ff. de usufr. vers. Zas p. 9. n. 41. Duar. d. c. 12. n. 19. Iul. Clar. q. 44. n. 1. vers. & hoc etiam si.* Plura de divisione inter cohæredes petere licebit ex *Myns. cent. 4. obs. 37. And. Gail. lib. 2. obs. 116. in fi. Schr. p. 7. c. 5. & Modest. Pist. cons. 5. vol. 2.* verbi gratia: An divisio debeat expediri sorte, an arbitrio judicis, an majore fratre dividente minoris sit electio sive optio. Illud ad extremum hîc observabis, esse moribus receptam quandā inter consortes fratris, vel alios adgnatos divisionem, quam vocant *Theilung* auff den Mogen.

25. *Quid de donatione feudi dicis?*

M. Vassallus etiam donare feudū prohibetur, sive id fiat inter vivos, sive mortis causa, *§. donare, t. 9. lib. 2. & ibi post alios Frid. Schenk. & Hotom. per l. 67. §. 1. de verb. signif. Henr. Ros. c. 9. concl. 6.* Dici posset etiam furti speciem esse de alieno largiri, & beneficii debitorem sibi acquirere, nisi furtum esset tantum rerum mobilium, ut audisti ad *t. de usuc. & proinde in feuda non caderet, quæ sunt rerum duntaxat immobilium, ut supra dict.* Et hæc res nullam habet difficultatem, dummodo memineris postquam feudum ablatum est à donatario per dominum, non habere donatarium *act. de evict.*

*evict.* etiam si bona fide rem acceperit, nisi stipulatione sibi caverit, utpote qui tit. lucrativo rem sit nactus, per l. 2. *C. de evict.* *Paulus lib. 5. sententiarum, t. 11.* de quo loco quod mihi videtur, suprà exposui, gl. ad d. §. *donare*, adnotat hac in re differre vasallum ab emphyteura, qui jus suum etiam invito domino alteri donare non prohibetur. Vide *Iul. Clar. §. emphyt. quæst. 5.*

16. D. *Potestné vasallus feudum in dotem dare?*

M. Non potest, ne quidem pro filia; ex quo intelligere debes, multò minus licere pro extranea puella, d. §. *donare*, & ibi communiter *Dd. tit. 9. lib. 2.* Ratio est. quia dotis datio etiam est alienatio quædam, l. 4. ff. *de plagiar. l. 1. §. sed et si donavit, ff. quando de pecul. act. annal. sit, l. 19. ff. de oblig. & act.* ubi quasi emptor esse dicitur, qui dotem petit, & qui in dotem dedit, vendidisse videtur, propter onera scilicet matrimonii, ut ait l. 8. §. *sed si permisit, ff. quib. mod. pign. vel hypoth.* Unde etiam maritus exercere potest actiones de re dotali, quæ domino competunt, ut rei vindic. l. 9. *C. de rei vindic.* est quidem magnus favor dotium, quarum causa ubique præcipua esse dicitur, l. 1. ff. *solut. matrimonio.* Sed ita favere debemus dotis causæ, ne quid contra justitiam faciamus, & ne jus domini lædamus, *argum. cap. 6. extr. de donat. inter vir. & uxor.* Et licet non desint, qui vasallo permittant dationem in dotem, ut *Ardizo in summa feudali*, & *Cynus in l. voluntas, C. de fideicom.* licet *Hotom.* quoq; putet, feuditas non satis sibi constare, dum negant vasallo feudi in dotem dationem, cum permittant subfeudationem sive cessionem, ut suprà audivisti: ideoq; ad *tit. 13. lib. 2.* ed. inclinet posse vasallum genero suo feudum cedere, dummodò sit miles: tamen communis est sententia *Dd.* feudum à vasallo in dotem dari non posse, teste *Zaf. part. 9. num. 7. Iul. Clar. quæst. 36. & Mynsing. cent. 4. observ. 86.* In fructibus tamen feudi nihil prohibet, quin dos rectè constitutatur, *Zaf. d. loco, nu. 8.* Illud non negaverim, posse vasallum genero suo homini militari iisdem conditionibus, quibus penes ipsum fuit feudum, etiam per

perinfeudationem cedere, cum non debeat esse deterioris conditionis gener, quàm quilibet extraneus. Verùm meminisse oportet multum interesse inter subinfeudationem, & dotis dationem: Illa permissa est jure feud. hæc expressè prohibita, de illa supra egimus, de ista hoc loco. Ampliatur autem superior regula, etiam si pater nulla alia bona haberet præter feudalia, teste *Wurmbst. tit. de feud. obs. 19. n. 1.* quod tamen aliis improbat, qui volunt si pater non possit aliunde filiæ dotem constituere, nec filia aliter nubere, quam si dotata sit, tunc demum ei ex feudo magno & fructuoso dotem, convenientem rectè à patre constitui, ut videre licet apud *Hartm. Pistor. lib. 2. qu. 37. camq; sententiam* nuper etiam *Tubingæ Bocerius defendit, disp. 16. n. 72. c. aff. 4.* sed infirmis admodum argumentis, verbi gratia, primùm argumentatur ab alimentis ad dotem, hoc modo: Vassallo ob defectum corporis debentur nihilominus alimenta ex feudo magno, ut est *text. in §. mutus, tit. 6. lib. 1. feud.* Ergò, inquit, etiam dos poterit constitui à vassallo pro filia, sed ibi agitur de alimentis non filiæ, sed ipsi vassallo ex feudo assignandis. Sic quod ait dominum debere vassallo ea præstare, quæ ad honestatem ejus pertinent, *versic. honestum, & vers. dominus quoq; tit. 6. lib. 2. feud.* Jam verò honestum est dotari filiam vassalli, sed aliud est loqui de eo, quod filiæ aut genero ejus debeat, aliud de eo quid sit honestum, quærere. Et certè hinc sequeretur etiam vassallum dotare deberè filiam domini, quod tamen falsum esse supra docuimus.

27. D. *Quid si fœmina ipsa feudum aliquod habeat (sicut habere eam posse abusivum supra dictum est) nunquid ipsa pro se feudum in dotem dare potest marito suo?*

M. Potest per textum apertum in *tit. 13. & 17. libr. 2. feud.* vide *Myns. d. loco in obser. c. 4 obs. 86. Zas. & Jul. Clar.* locis paulò antè adductis. Nam & usum fructum mulier in dotem adferre marito potest, *l. 6. C. de usufr. l. 7. ff. de jure dotium.* Sic etiam ex rebus fidei commissio gratiatis, *l. 22. mulier. ff. ad SC. Treb. Nov. 39. ubi Cuj.* Sed hîc  
duæ

duæ conditiones observandæ sunt. Prima, ne dos sit æstimata, sed inæstimata. Secunda, ne adponatur pactum de lucranda dote, *Iul. Clar. quest. 36.* Cur autem dos inæstimata tantum hinc esse possit, ratio est; quia æstimatio vicem obtineret venditionis: ea autem, ut suprà dictum, prohibita est in feudo etiam fœmineo. Deinde cur non possit adponi pactum, de ineunda dote, ratio est, quia maritus in feudo non potest succedere uxori, ne quidem si in dotem id acceperit, *d. tit. 13. lib. 2.* ubi obiter notabis in fine tit. si, pro, an, positum. Quomodo & loqui amant Sever. & Justin. & sæpè I. C. ac Impp.

28. D. *Sed quæ ratio est differentia, quod mulier ipsa pro se feudum in dotem dare possit, pater autem pro filia non possit: cur, inquam, plus juris mulieri quàm patri conceditur, quod eersè prima fronte absurdum quis dixerit?*

M. Quia mulier feudum in dotem dans non sic alienare illud videtur, quomodo pater. Videtur enim ipsa dominium saltem jure naturali semper retinere durante matrimonio, *l. 30. in rebus, C. de jure dotium*, & feudum in muliere parum distatè videtur ab usufructu. Patris verò datio in dotem pro filia non potest accipi pro refutatione sive cessione, sed potius mèta alienatione; quia fœmina regulariter non est capax feudi, ut suprà dictum, *D. Iul. Clar. ead. q. 36. & Cuj. ad d. t. 13.* hæ tamen rationes non plenè satisfaciunt *D. Hotom. ad eund. t. 13.* Memineris quod ait *Clar. in feud. d. quest.* tutius esse utroq; casu requirere consentum domini.

29. D. *Si igitur mulier marito feudum suum in dotem dederit, uter jurabit fidelitatem, ipsa né, an maritus?*

M. Maritus jurabit nomine uxoris, ut & suprà monui, cum ageretur de jurejurando fidelitatis: nam & jure civili maritus, cui uxor usumfructum in dotem dedit, ejus nomine cautionem usufructuariam præstat proprietario, vide *Hotom. ad t. 17. lib. 2. feud.*

30. D. *Audivi de dotis datione. Quid autem de dotis restitutione juris est? Potestné dos de bonis feudalibus restitui?*

M. Si feudum sit simplex & proprium, dos ex eo restitui

stitui non potest. Secus, si sit hæreditarium atq; improprium. Tunc enim dotes inde restitui possunt; quia de talibus feudis tanquam de allodialibus judicatur. Ita distinguit *Osav. Cacher. conf. 7 n. 1. & 2.*

31. D. *Quid ais de donatione propter nuptias: Potestne vasallus feudum uxori donare propter nuptias?*

M. Donatio propter nuptias rectè subjungitur doti: quia sicut uxor marito dat dotem, ita maritus uxori facit donationem propter nuptias: & soluto matrimonio, sicut dos revertitur ad uxorem, vel interdum ad patrem, qui eam dedit; ita donatio propter nuptias ad maritum, nisi pacta intervenerint de alterutro lucrando, aut nisi aliter ferat consuetudo alicujus loci vel statutum: quorum illud ait Pontifex Innocentius III. (qui fuit egregius Jurisconsultus) in *cap. 6. nuper, de donationib. propter nuptias*; hoc autem, inquit Gregor. IX quod ex jure civili compilavit, ut solet in *c. ult. cod. tit.* Quod autem ait Innocent. in *fin. d. cap. 6.* secundum legitimas sanctiones intelligitur, *ll. Imperator. sub tit. C. de donat. ante nuptias, & Novell. 97.* nam hæc species donationis ante illas constitutiones Imperiales incognita fuit, teste Justin. in *§. est & aliud. Institut. de donat.* in pandectis cerè nusquam ejus fit mentio. Vult autem *Justin. in d. Novell.* ut omnind inter se congruant summæ dotis & donationis propter nuptias, sive ut sit inter eas æqualitas, unde & in *C. hoc est relatum in A. æqualitas, C. de pact. convent.* unde etiam vocatur *Antipheran*, quasi dicas contra dos, sive compensatio & levamentum dotis. German. eleganter *Gegensteuer / Gegenvermählung* / sicut *parapherna*, quasi dicas, præter dos, ea bona significat, quæ mulier extra dotem ad maritum attulit, quæ sunt Latinis *receptitia*, hæc tamen sæpè quorundam locorum moribus ipsam dotem superat; verbi gratia, si uxor decem millia det doti, maritus cogitur ei alterum tantum, id est, viginti millia nomine donationis propter nuptias constituere. Aliud quoque & differens ab hoc genus est dotalitium in jure Canonico, & in *Specul.*



*cul. Saxon. v. cap. 4. extr. de donat. propter nupt. cap. 15. extr. de foro compet. cap. pen. 36. quest. 2. § lib. 3. Speculi Eichenrecht/artic. 74. Dicitur quoq; dotarium in conslit. Neapolit. Frider. 11. vulgò Doarium, Germanis Eibgeding. Et rursum aliud genus, quod dicitur Longobardis Morgengab/vel corruptè Morganatica, ut aliàs dictum: nempe quod novæ nuptæ à viro postridie nuptiarum prima pro nocte datur. Græci, ut Harmenopolus & alii appellant, ὑπὸ γάμῳ, vide Cujac. in paratit. l. C. eod. tit. 9. lib. 2. feud. Vide etiam Hotom. in lexico feudal. observabis autem, sicut dos non tantùm à muliere dari potest viro, sed etiam ab aliò pro ea, ita & hanc donationem propter nuptias posse ab aliò constitui pro marito, l. 19. C. de donationib. ante nupt. Novell. 119. quod addes ad d. cap. 6. nuper. Deinde & hoc notabis posse sicut dotem, ita & donationem propter nuptias non solùm ante matrimonium, sed & postea eo jam contracto & durante tam constitui quàm augeri: quæ causa quoq; fuit, cur Imp. nomen huic donationi novum imposuerit, ut ad Institut. dictum est, §. est & aliud, de donat. Igitur ut ad quæsitum respondeam: sicut feudum in dotem dari non potest, ita nec propter nuptias rectè datur à vasallo invito domino, §. donare, & ibi Dd. tit. 9. lib. 2. Vide Wesembec. cap. 11. nu. 4. Dos enim & donatio propter nuptias judicantur ad paria, ita, ut ferè de uno dispositum etiam de altero statutum censeri debeat, argument. l. 9. §. A. sequent. C. de pactis convent. tam super dote d. cap. 6. extr. de donat. inter virum & uxorem. Exceptio est, quòd in quibusdam locis in Germania receptum est inter Nobiles, ut mortuo vasallo ejus successores cogantur viduæ constituere dotalitium in feudo, si nimirum uxor dotem dederit viro, quæ in feudum versâ sit, quod vocant, ein Eibgeding/ item Eibgucht: qua de re vide Hartm. Pistor. lib. 1. quest. 4.*

32. D. *Habet ne mulier in bonis feudalibus maritalitatem hypothecam nomine dotis & donationis propter nuptias?*

M. Jure quidem civili in bonis allodialibus mariti uxor habet justitiam hypothecæ pro conservanda dote & donatione propter nuptias, *l. unica, §. 1. C. de rei uxor. actio. l. 29. ubi C. de jure dotium*, sed jure feudorum non habet: quare de re infra pluribus, cum de oppugnatione feudi dicetur.

33. D. Sequitur de emphyteusi. Potestne igitur vassallus invito domino feudum alteri in emphyteusin dare?

M. An vassallus domino invito feudum alteri dare possit in emphyteusin; Ratio dubitandi, ob quam videbatur hoc ei licere ac permitti debere, hæc esse potest: quia per emphyteusin fundus melioratur. Eâ namque lege dari solet prædium in emphyteusin, ut idem cultius ac melius per emphyteutam reddatur, & ut canon annuus inde præstetur; quemadmodum audivisti ad *§. ad eod. Inst. de locat. & conduct. l. 1. & tot. tit. C. de jure emphyteuticæ*. Vassallus autem potest meliorem conditionem feudi facere, quamvis deteriorem non possit, *§. de contrario, vers. meliorem, tit. 8. lib. 2. feud.* Et hoc voluit Ioan. Faber ad d. *§. ad eod.*, quem & Iohan. Reinald. aliq; secuti sunt, *tit. 55.* Contrarium tamen jure feudali verius est; nempe vassallum in feudo emphyteusin constitutare non posse, ut rectè gl. ad d. *tit. 55. in verbis: seu alienare*, eamq; opinionem magis communem testatur Iul. Clar. q. 33. nu. 3. Glossa tamen distinguere videtur inter emphyteusin perpetuam & temporalem, ut illa sola sit interdicta, quomodo etiam sensisse videtur jus canonicum, quando contractum emphyteuticum perpetuum alienationis verbo contineri ait in *c. §. §. 1. extr. de rebus eccles. alien. vel non, & in c. 1. in fi. eod. tit. in Clem.* Ratio est, quia emphyteusis etiam est alienatio quædam, ideoque sub generali prohibitione alienationis feudi non immeritò comprehenditur, *l. ult. C. de reb. alien. non alien. Nov. 7. c. 1. & d. c. §. extr. de rebus Eccles.* & quidem in emphyteuta non tantum jus in rem, seu (ut vulgò vocant) utile dominium, verum etiam possessio in eundem transfertur, *l. pen. §. 1. ff. qui satisdare cogantur, l. 1. §. ult. ff. si ager vectigalis vel emphyt.*

C. de

*C. de fundis patrimonialibus, lib. II.* Et sanè cùm vasallo non liceat usufructum alteri constituere in feudo, ut supra dictum, multò minus licebit emphyteusis; quia usufructus est jus temporale, quod finitur cum vita usufructuarii. At emphyteusis plerumq; est jus perpetuum, in usufructuarium non transfertur possessio, in emphyt. transfertur. Ampliatur autem hæc regula; et si vasallus dixisset in concessione emphyteuseos se id facere ea lege, ut ex hoc contractu non transeat utile dominium in accipientem, *Bald. ad §. i. d. tit. 55. Bernh. Wurmbf. tit. de feud. obs. 33. nu. 2.* hujusmodi namque pactum in fraudem legis adpositum videtur: ut taceam quòd sit contrarium substantiæ ipsius contractus emphyteutici. Hujusmodi autem pacta nullius momenti esse solent. Exceptio est, nisi consuetudine introductum sit alicubi contrarium, ut emphyteusis etiam in feudo valeat, qualis consuetudo passim per Germaniam est recepta. Tunc enim etiam sine consensu domini & absq; metu privationis posset vasallus feudum in emphyteusin dare, *Iul. Clar. d. qu. 33. n. 4. ubi & Curt. ad hoc adlegat.*

34. D. *Ergone emphyteusin temporalem in feudo recipiendam putas?*

M. Si vasallus ad modicum tempus constituerit emphyteusin, eatenus hanc valere existimo, dum ne id quod canonis loco præstatur, sit quiddam nimis exiguum, ut ferè solet, sed tãrùm ut æquare possit sumptus, quos vasallus in servitia domino præstanda impendere consuevit: Jam enim nihil interest domini, cui nihilominus sua constabunt obsequia, ideoq; mera esset malitia non velle admittere talem emphyteusin ad modicum tempus, & pro canone non modico, & restitutam, malitiis autem non est indulgendum, *l. 38. ff. de rei vindicatione.*

35. D. *Quid de libellario contractu dicis, num vasallus illum super feudo facere potest?*

M. Libellarium contractum ferè eundem esse cum emphyteutico, aliàs docui. Olim autem vasallo lici-

tum erat feudum libellario nomine alteri concedere usq; ad medietatem, non supra, ut constat *ex tit. 8. & tit. 13. lib. 1. feud. & ex §. donare, tit. 9. lib. 2.* Sed textus illi correcti sunt per posteriores *constit. Lotharii & Frederici, per d. t. 52. & §. lib. 2. feud.* Quibus æquè prohibetur alienari pars feudi ac totum feudum. Illam ergò supra traditam distinctionem inter emphyteusim perpetuam & temporalem etiam ad libellarium contractum rectè adcommo- dabis; nempe ut libellarius contractus super feudo ad exiguum tempus, non tamen pro exigua pensione, neq; in fraudem habitus valeat: in perpetuum non item. Et ita putarim temperandum esse quod scribit *Iul. Clar. d. q. 33. nu. 1. de prohibita feudi concessione in libellum.*

36. D. De locatione feudi quid ais, licebitné vasallo fe-  
dum alteri locare inconsulto domino, & sine pœna privati-  
onis?

M. Rectè statim post emphyteusim de locatione quæris, cum in Institut. quoque conjunctim sub uno titulo de utroq; agat, & conduci, quamvis impropriè dicatur etiam ager vectigalis, sive emphyteuta, in *leg. 1. & ult. ff. si ager vectigal.* Distinguunt plerique doctores inter locationem ad modicum tempus; sive etiam indefinitè factam, & inter eam, quæ sit ad longum tempus, puta, ad decem vel plures annos, vel etiam in perpetuum factam denegant: nisi inter partes convenisset, ne dominium ex eo negotio transiret. Ita *Iul. Clar. qui plures adlegat, quæst. 35. nu. 1. Zas. part. 9. de feud. num. 12.* Fundamentum hujus vulgaris sententiæ, quam hausisse videntur *Dd. ex gloss. in l. ult. ff. si ager vectigal.* in eo ponunt, quòd locatio perpetua vel ad longum tempus quædam sit alienatio, quæ vasallo absq; consensu domini in feudo non sit permissa. Ex hujusmodi, inquam, locatione volunt non modo possessionem, sed etiam quasi dominium, sive ut vocant, *utile dominium*, in conductorem transferri. Sed hoc fundamentum, quàm sit aquosum & lubricum, atque à jure civili alienum, præclare ostendit

acutissimus & doctissimus Arius Pinellus Lusitanus ad leg. 1. part. 3. num. 63. C. de bon. matern. adlegans etiam Francisc. Connanum, lib. 7. commentar. cap. 12. quem & Wesembec. laudat in paratit. ff. locati, num. 8. Primum enim generaliter atque indistinctè de quavis locatione nullo habito respectu temporis pronunciat Ulpian. locationem non solere mutare dominium, leg. 39. non solet ff. locat. idque satis vel ex natura ac fine ipsius contractus adparet, quo non hoc agitur, ut proprietas rei locatæ in conductorem transeat; sed ut usus & fructus tantum ipsius sit pro certa mercede seu pensione. Est autem ipsis quoque interpretibus aliàs sæpè in ore hæc regula: *Actus agentium nihil operari debere, ultra ipsorum intentionem.* Cum igitur intentio, & animus contrahentium, locatoris, inquam, & conductoris non sic fuerit, ut ullum dominium vel quasi in accipientem transiret: quomodo id ex solo temporis lapsu transibit? An ignorans neminem sibi ipsi causam possessionis suæ mutare posse. Versatur quidem etiam in usufructu utilitas rei, nec proprietas ad usufructuarium pertinet, cum alius sit proprietarius, alius usufructuarius, & nemini res sua serviat, ut ad *Institut.* audivisti. Sed tamen longè distat usufructus à locatione, & fructuarius à rei conductore. Hic mercedem vel pensionem dat pro usu & fructu rei, ille non item: ille jus in rem habet, cum usufructus dicatur pars domini, l. 4. ff. de usufruct. ex quo etiam actiones in rem ipsi competunt, ut confessoria & negatoria, de quibus dictum in §. æquè, *Institut. de action.* Ille (conductor, inquam,) nullum jus in rem consequitur, sed tantum personam locatoris sibi obligatam habet; unde & actionem in personam, non in rem ipsi competere dicimus. Præterea si ab illa generali regula in dict. regula 39. ff. locati, excipienda foret locatio ad longum tempus: non sine flagitio id prætermisissent tam Imperatores, quam Jurisconsulti, qui in totis suis tractatibus de locato,

& conducto in *Pandectis*, C. & *Inst.* nè jota quidem de ea differentia, vel exceptione posuerunt, cum quidem ad eò memorabilis sit ea, tantiq; momenti ac præjudicii, si modò vera: Quæ enim sunt notabilia, ea nisi specialiter notentur, quasi neglecta videntur, ut eleganter ait l. 5. §. ait prator. ff. de injur. Quare & legibus & rectæ rationi potius inhærentes, & distinctionem illam neutro fundamento innixam repudiantes, bona cum venia eorum, qui ipsam vel excogitarunt, vel sequuntur, verius esse dicemus, quamlibet locationem vasallo permissam esse etiam absq; consensu domini, dum ne in fraudem ejus, aut simulatè fiat, id est, ne interim alius lateat contractus dominii translatarii. Ratio hujus sententiæ nostræ patet primùm ex fundamentis juris civilis paulò antè adductis, deinde ex *lexico feudorum*, in §. *donare*, in verbis licet posset locare, nisi locatio esset fraudulenta alienatio, t. 9. lib. 2. *feud.* ubi post alios vide *Hoto.* Sic & aliàs. in jure civili prohibitus vendere vel alienare non videtur prohibitus etiam locare quamvis ad 100. annos, l. 88. §. *Scævola* (aliàs est l. 91. *Codicillis*) §. *instituto*, ubi *Accur.* in fi. ff. de leg. 2. Et quidnì possit locare vasallus, cum id liceat etiam creditori, l. 3. *de pignor.* itemq; is, cui habitatio est legata, l. 13. *C. de usufr.* Vasallus autem utroq; longè plenius jus habet. Quid autem respondendum sit ad l. 1. §. *quod ait prator. ff. de superfici.* ex qua argumentum vulgò ducunt, videre licet apud eundem *Pirellum*, d. n. 66. *Giphanius* quoque vulgarem illam sententiam de locatione ad longum tempus improbat, cum alibi, tum in commentario feudali.

37. D. *Sequitur videre de al. Quid si vasallus non tanquam rem feudalem, sed tanquam propriam ac suam locaverit, valebitne locatio?*

M. Viderur hoc casu vasallus teneri; ut qui non modò deceperit cōductorem, sed etiam inficiatus sit, aut certè dissimulaverit feudum. Ex tali autem causa feudum perdi solere infra audies, vide l. 9. §. 1. ff. *locati*, ex qua argumentum ad hanc rem sumi potest.

38. D. *Sequitur videre de oppignoratione feudi, siue de nexu pignoris. Sic enim vocat l. ult. C. de reb. alien. non alienand. Licetne igitur vasallo feudum sine consensu domini obligare pignori?*

M. Initio hoc admonco, pignus à Longobardis appellari vadium, item guadia, de quo vide *Hotom. in lrx. feud.* unde verbum *invadiare*, idem quod pignorate: quod *Guntherus libr. 8.* vocat *vadio dare* & *supponere*: quamvis per suppositionem videatur exprimere velle eam speciem pignoris, quam vocamus *hypothecam per dationem*, pignus, propriè dictū, quod scilicet creditori traditur, & non tantū nuda conventionē obligatur, possessione interim penes debitorem manente. Sic sæpè *Guadium* leges Longobardorum usurpant. Nunc ad propositam quæstionem respondendum, vasallo non licere rem feudalem alteri oppignorare, §. *ult. in fin. tit. 8. lib. 2. feud.* Quanquam enim olim usq; ad medietatem valuerit oppignorare, §. *2. tit. 5. libr. 1.* tamen per constit. Friderici tam partis, quàm totius planè prohibita est omnis oppigneration, ut rectè dicit *Accurs. ad d. t. 53.* contra sententiam Pilei. qua in re lapsus est *D. Zas p. 9. c. 6.* cū ita accepit glossam, quasi per eam admitteretur oppigneration partis. Imò non adiungitur, sed expressè rejicitur ea sententia Pilei. Ratio prohibitionis est, primū; quia nexus pignoris est species alienationis: nam debitore non solvente, creditor, cujus ad securitatem pignus datum est, procedere solet ad ejus distractionem, ut ex precio sibi satisfiat, quando aliunde non potuit, *101. tit. ff. C. de distract. pign.* & dictum est ad §. *ult. Instit. quib. modis re contrahitur*, & d. §. *contra autem, Inst quib. alien. licet.* Deinde, quia cū non debitor, sed creditor ex pignore fructus percipiat, hac ratione fieret, ut milites agtorum suorum fructibus carentes satis parati esse in armis & in equis, ac militiæ munus obire, cumq; suis dominis in expeditionem proficisci, amplius non possent: Ex quo valde imminueretur Reipubl. utilitas, ut præclare *Hotom. in disp. de feud. c. 37.* & in comment. ad §.



*ult. tit. 8. lib. 2. junct. agl. in verbo utilitas, tit. 52.* De feudo autem dato in vicem legis commissoria jam supra dictum inter pacta feudalia.

39. D. *Sed quid est, quod emphyteuta predium vectigale oppignerare non prohibetur, l. 16. §. ult. ff. de pign. act. l. 33. ff. de pignor. quod item usufructuarius usumfructum suum, l. 11. §. 2. ff. de usufr. ejus enim est dominus, l. 8. ff. de rebus auctoris. jud. possid. quamvis proprietatem non possit, utpotè alienam, l. 6. C. de usufr. l. falsus 43. in fin. ff. de furtis. Quidni igitur etiam vasallus idem possit?*

M. Dispar horum est ratio. De vasallo & feudo disertè habemus prohibitionem *d. tit. 55.* De emphyteuta autem & usufructuario nihil tale habemus. Deinde ex oppigneratione horum non metuimus tale incommodum, quale ex oppigneratione vasalli: itaque per illos non sit deterior conditio dominorum, cum nulla ipsis debeant militaria servitia, quæ debet vasallus.

40. D. *Nulla ne est ab hac regula exceptio, qua permissa sit feudi oppignratio?*

M. Excipitur primùm is casus, quo feudum non extraneo, sed ipsi domino oppigneratur, ea lege, ut fructus percipiat loco usurarum, sive ejus quod interest, quæ est (ut nosti) ἀντιχρῆσις, *cap. 1. extr. de feud. vide Schrad. part. 8. c. 1. n. 24.* In hac prima exceptione multa sunt memorabilia; verbi gratia: primùm, quod domino res sua possit oppignerari, cum aliàs regulariter pignus rei suæ non consistat, ut neq; depositum, neq; precarium, neq; emptio, neq; locatio, *l. 45. ff. de reg. jur.* Alterum hinc singulare illud est, quod antichresis hoc casu permissa est utroq; jure, quæ aliàs cum pontificio prohibita est, utpote quam volunt accedere ad crimen usurarum, *capit. 1. 2. & 8. extr. de usur. capit. 7. ad nostram, & ibi Cujac. extr. de jurejurand.* Ratio permissionis hujus non est alia, quàm quod alius interim dominus careat servitiis vasalli ejusdemque debitoris sui. Nam si nihilominus percipiat à vasallo servitia consuetæ, tum verò cogeretur fructus feudi vel resti-

restituere ei, vel in sortem imputare. Ad hujus igitur defectus operarum militarium, siue carentiæ compensationem meritò fructus lucrari, & suos facere debet, nec in sortem eos imputare cogendus est, sicut aliàs fructus, quos creditor ex pignore percepit, etiam jure civili minuunt sortem, ejusque obligationem exhauriunt, si nihil aliud convenerit, l. 22. §. si prator, ff. de pign. actionib. Præterea in eodem cap. 1. extr. de feud. observabis verbum valdè inusitatum, *gageria*. Ait enim pontifex: *gageria*, quam de feudo dignosceris recepisse, &c. Glossa ibidem inquit, pignus denotare, & esse vulgare Teutonicorum. Eo in hodiernum quoque diem Italica lingua utitur.

41. D. *Quid si vasalli unius plures sint domini, poteritne uni eorum ceteris invito feudum suum invitè oppignorare?*

M. Feudum si sit dividuum, non amitteret totum feudum propter hanc oppignorationem: Sin autem sit individuum, perdet totum, nisi omnes domini consentiant. Ita distinguunt *Alvarot. & Bald. ad titul. 55. Vide & Henric. Rosenthal. cap. 9. de feud. conclus. 16.*

42. D. *Dic aliam exceptionem.*

M. Si vasallus pro necessitatibus ex causa feudi sibi incumbentibus, verbi gratia, pro servitiis quæ domino debet, nec aliter præstare potest, feudum oppigneret, hanc oppignorationem volunt Dd. validam esse, ut docet *Henr. Rosenthal. eod. loc.*

43. D. *Suntne plures exceptiones & casus, quibus possit vasallus feudum oppignorare?*

M. Tradunt & hanc, si dominus consenserit oppignorationi, tunc enim eam valere. Quod verum quidem est, sed non videtur hæc esse exceptio propriè dicendo. Satis enim id ipsum intelligitur ex regula à contrario sensu: Vasallus invito domino feudum non potest alteri oppignorare. Ergo ipso volente & consentiente potest. Sic etià excipiunt oppignorationem fru-

fructuum, *Ioh. Faber ad §. item Serviana. Instit. de act.* Ac ne hæc quidem vera est exceptio: licet aliàs verum sit, fructus feudi posse à vasallo in obligatione pignoratitiam deduci, etiam non requisito domini consensu. Regula enim fuit non de fructibus feudi, sed de ipso feudo. Itaq; vides exceptionem hanc non esse de natura regulæ, ut tamen omnis vera exceptio esse debet.

44. D. *Quid ergo si dominus consenserit oppignerationi feudi à vasallo factæ, cogeturne postea feudo ad se reverso debitum illud solvere, pro quo feudum se consentiente pignori erat nexum? item quid si ratione sortis consenserit, an etiam consensisse videbitur ratione ejus quod interest?*

M. De his duabus quæstionibus latè in utramque partem discutat *Hartm. Pist. lib. 2. part. 2.* de priorè quidem in *quæst. 48.* de posteriore verò in *quæst. 49.* quòd recurrere poteris, si quando usus inciderit.

45. D. *Audivi de pignore vo'untario, quod per contractum, quire fit, constituitur: quid autem de pignore necessario juris esse dicis?*

M. Quòd melius intelligatur quod responsurus sum ad hanc quæstionem, meminisse debes, pignus vulgò à Dd. constitui trimembre: Conventionale, Prætorium, & judiciale, quam divisionem reprehendit *Giphân. in comment. de divis. juris, n. 98.* cumq; secutus *Jacobus Scheckius*: tùm quòd judiciale sit pars prætorii pignoris, nec debeat proinde novam ac distinctam constituere speciem; tùm quòd emittatur testamentarium à testatore constitutum. Ipse igitur còmodius sic partitur, ut primò pignus aliud sit voluntarium, aliud necessarium. Deinde voluntarium vel sit conventionale seu conventum, vel testamentarium. Necessarium verò sit vel legitimum, vel prætorium. His ita præsuppositis, quia de pignore conventionali suprà dictum, non posse id còstitui in feudo, quia item de testamentario facilè intelligere potes, id quoque non valere, cū nulla dispositio testatoris de feudo ullas vires habeat, ut suprà dictum; jam de necessario respondeo, pignus

pignus prætorium in subsidium, quando videlicet nihil aliud superest, unde auctori satisfiat, posse etiam in feudis constitui, ita ut creditor inde percipiat fructus, quam diu feudum domino apertum non fuerit. Vide *Henr. Rosenth. c. 9. concl. 17.* ubi plura ad hanc rem allegat, ut & *Schrad. part. 8. c. 1. n. 28.* & *Andr. Tiraq. lib. 1. de retractu, gl. 7. §. 1. n. 49.* vide etiam *Wesemb. in paratit. ff. tit. de reb. auctorit. jud. p. ssid. n. ult.*

46. D. Quoniam de pignore satis dixisse videris, trans-eamus si placet, ad hypothecam. Potestne igitur v. vasallus in-bito domino hypothecam creditori suo in feudo constituere?

M. Ajunt hi, negant alii. Operæ precium est, utrius-que partis rationes breviter cognoscere, priusquam quid nobis videatur, exponamus. Igitur qui ajunt hypothecam valere, nec prohibitam esse, his ferè nituntur argumentis. I. Quia constitutio Friderici in d. c. 55. tantum prohibeat oppignerationem; hypothecæ verò dationem non item. Hæc autem duo differunt, hypotheca inquam, & pignus, quorum differentias meministi ex comment. *Inst. ad tit. quib. mod. re contrahitur, & ad tit. de act.* Cum autem constitutio illa sit pœnalis, & proinde odiosa (nam vasallus ex hac causa, si feudum invito domino oppigneraverit, beneficio suo privatur, ut infra dicemus) non debemus eam adjuvare, & producere interpretatione, sed potius restringere, *arg. l. 19. ff. de liberis & posth. c. odia de reg. jur. in 6. l. 1.* Quia per hypothecam non transfertur possessio feudi ad creditorem, sicut fit in pignore, sed penes vasallum remanet, nuda conventionē absq; traditione creditori obligatum. Jam verò (inquiunt) ea tantum alienatione vasallo interdictum est, quæ possessionem rei feudalis in alterum transfert, quod sumunt ex §. *callidis, d. c. 55 in verbis feudum vendunt, & in alios transferunt.* III. Quia vasallus, quamvis hypothecam in feudo constituerit, tamen cum possessionem ejus retineat, fructus quoq; ac reditus inde percipit. Dixi autem suprâ, hanc esse præcipuam rationem, quare feudi oppignératio sit prohibita; quia vasallus cariturus

turus esset fructibus feudi oppignérati, & proinde impar futurus obeundis servitiis militaribus, quæ domino debet : Hac igitur ratione prohibitionis jam cessante, merito ipsa quoque cessare debere videtur prohibitio. Et ita sentiunt *Bald. Alvarott. Ifernus, & alii ver. ad d. §. callidus, Zas. p. 9. nu. 8. Wurmbs. tit. 51. observ. 18. Hart. tit. 54. observ. 20. n. 3. Iul. Clar. in §. feudum, quest. 35. Borch. cap. 8. nu. 60. cum seqq. Iohan. Eichard. in consil. 5. vol. 1. num. 5.* In eandem sententiam video etiam inclinare *D. Giphani*. Contrariæ sententiæ patroni, quod scilicet ne hypotheca quidem in feudo constitui possit à vassallo, has potissimum rationes adferunt : Primum, quia pignus & hypotheca, quamvis differunt modo constituendi, tamen ad eundem ambo finem tendunt, qui est securitas & cautio creditoris, qui pignori incumbit tam convento, quam dato, & debitore non solvente ad distractionem rei procedit. Idem etiam præjudicium domino generaretur per hypothecæ constitutionem, quod per pignoris dationem, proindeque cum eadem sublit ratio, idem quoque jus statui debet. Valeat enim æquitas, quæ in paribus causis paria jura desiderat, ut ait in *Topic. Cicero*. II. Quia qui actionem ad rem habet, ipsam rem habere videtur, *l. 143. de verb. sig.* Atqui creditor actionem in rem, videlicet hypothecariam, habet ad persequendam hypothecam, non minus quam pignus : nam quoad hanc actionem, nihil interest inter pignus & hypothecam præter sonum nominis, ut dictum est ad *§. item Serviana, vers. inter. Instit. de actionib. l. 5. §. 1. ff. de pignor.* III. Quia constitutiones Imp. quæ feudi alienationem prohibuerunt, non tantum voluerunt illam alienationem excludere, quæ statim ab initio mediante traditione fit, sed etiam quoque quæ ex intervallo sequitur. Et proinde interdicta alienatione, etiam omnes actus, omnesque contractus, per quos ad eam perveniri potest, interdicere proculdubio voluerunt. IV. Pro hac sententia adlegant *l. ult. C. de reb. alien. non alienan. cap. 2. extr. de rebus Eccles. alien. vel non.*

*Negusant. in tractat. de pignor. part. 2. membr. 3. num. 71.* His V. accedit, quòd non minus in hypothecæ constitutione, quàm pignoris datione invito domino facta vasallus videretur contempnissse dominum, cujus consensum adhibere neglexit. Atque hæc jam olim fuit opinio *Iacob. Ardiz. in summ. feud. cap. 116. & Martini Laudensis ad d. tit. 55. num. 11. quam & Francisc. Soubec. defendit, part. 12. num. 100. & Hotom. consil. 30.* eamque usu servari testatur *Wesembec. de feud. cap. 11. num. 5.* Fateor tamen mitiorem esse priorem sententiam, nempe non ita ob hypothecationem feudi vasallum incidere in pœnam privationis, sicut ex oppigneratione, & in pœnis benigniorem sententiam nos amplecti debere. Sed aliud est quærere, an hypothecæ feudi valeat invito domino constituta, aliud, an ob hypothecam possit vasallus feudo privari?

47. D. Sed cum hypotheca alia sit expressa, alia tacita, quam lex constituit, an saltem tacitè bona feudalia vasalli ejusdem creditori obligata esse poterunt?

M. Rectè admones, non solùm esse hypothecam expressam, sed etiam tacitam, cujus variæ species in jure civili extant, quæ diligenter sunt collectæ ab *Hotoman. in comment. titul. ff. in quibus causis hypothec. tac. contrah.* Ita enim eam rubricam putat restituendam tam in D. quàm in C. deletis verbis: *Pignus vel*; quia scilicet pignus omne sit expressum; nullum verò esse possit tacitum. Celeberrimum exemplum tacitæ hypothecæ ex *Constitut. Principum* est illa, quam habet mulier in bonis mariti pro dote & donatione propter nuptias, *l. unic. §. 1. C. de rei uxor. act. l. 29. ubi, C. de jure dotium.* Scire autem debes feudalia bona huic oneri non esse obnoxia, ut docet *Mynsing. cent. 6. observ. 45.* Quamvis aliud sit jure Saxonico receptum, quo mulier tam diu habet jus retentionis in bonis feudalibus defuncti mariti, quo usque de bonis dotalibus, & donatione propter nuptias, & Morgengeba & paraphernalibus ipsi fuerit satisfactum, & dotalitium con-

constitutum: qua de re videatur *Schneid. par. 7. de feud. & constit. elect. August. par. 2. const. 25.* De cuius intellectu vid. *Dan. Moll. lib. 2. Semestr. c. 13.* Adde etiam *Lud. Fachf. conf. 6. & Matth. Coler. tract. de process. execut. pars. 1. c. 2. n. 193. & seqq.* Et nota, quòd Fächsius hanc consuetudinem testatur non solum per Saxoniam, sed ferè per totum Imperium receptam esse.

48. D. *Quantum recorder. 3. restant ex speciebus alienationis supra ab te commemoratis; videlicet, permissio usucapionis seu prescriptionis, precarii concessio, & constitutum possessorium, de quibus expecto, ut dicas.* Primum igitur quare permissio usucapionis adnumeratur speciebus alienationis?

M. Quia vasallus qui patitur ut is feudalis ab alio usucapiatur, vix est ut non videatur alienare. Itaq; rectè scripsit Paulus verbo alienationis etiam usucapionem contineri, l. 28. ff. de verb. signif. Meritò igitur prohibitionem Imperialem Lotharii & Friderici huc etiam accommodamus.

49. D. *Precarii concessio qualis est, & quare vasallo interdicitur?*

M. Precarium quatenus cum commodato conveniat, & quatenus ab eodem differat, dictum est ad *Inst. t. quib. mod. re contrahitur.* In utroque veratur usus & commoditas rei, quæ ad alterum transfertur, sed ille usus in precario quidem totus pendet ex arbitrio & nutu concedentis, qui eum quandocunq; vult revocare potest, etiam si fortè incommodo hoc fuerit ei, qui precario rogavit: cum equum non sit diutius quempiam nostra liberalitate frui, quàm nos velimus. Aliud est in commodato, quod nisi impleto usu, ad quem datum est intempestivè repeti non potest, cum adjuvari nos, non decipi beneficio oporteat. Porro cum duobus ferè modis precarium rogetur & concedatur, ut vel possessio transeat in accipientem vel non transeat, l. 4. §. 1. l. 6. §. 16. qui rogavit, l. 12. §. 1. in fin. l. 17. cum l. seq. ff. de precario, l. interdum 21. in princ. & §. ult. ff. de adq. poss. Utroque casu dicimus precarii concessionem in feudo



feudo prohibitam esse vasallo. De priore quidem non est dubium, cum videlicet possessio precarii transferatur in rogantem. Eadem quippe hinc est ratio, quæ in pignoris datione; nam & creditor in omnibus cæteris causis & articulis juris possidet pignus, excepta sola causa usucapionis, cuius respectu debitor fictione quadam juris possidere intelligitur, nimirum ad implendam usucapionem, quam rectè cepit. De posteriore casu hæc est ratio; quia in precatio etiam si non transeat possessio, tamen utilitas rei ad alterum redit, l. in pr. ff. de precario, l. Pompon. §. si is qui precarium, ff. de acquir. possess. Si igitur permittamus vasallo precarii possessionem, læderetur & minueretur utilitas domini, cui non amplius posset servitia exhibere, utpote fructibus feudi destitutus, ex quibus sumptus necessarii debebant ei suppetere, sine quibus servitia commodè expedi ri nequeunt.

50. D. *Qualenam est, quod vocant constitutum possessorium, & quare vasallo id interdictum esse ais?*

M. Constitutum non tam veteres Jurisconsulti, quam interpretes seu glossatores duplex fecerunt, unum promissorium seu obligatorium, alterum possessorium. De illo quod est, pactum quoddam prætorium extat tit. in II. §. C. de constituta pecunia, & dixi ad §. de constituta autem pecunia, Instit. de action. De possessorio putant agi in l. 18. quod meo, ff. de acquir. possess. & vocant constitutum possessorium fictam quandam & civilem translationem possessionis, quando quis id quod antea suo nomine & sibi possidebat, constituit deinceps alteri & alieno nomine possidere, verbi gratia, domum vel fundum quem possidebam tibi donare volo. Constituo igitur eum, non amplius meo, sed tuo nomine, non mihi, inquam, sed tibi possideri, id quæ tibi significo per epistolam, vel per nuncium. Jam secundum Dd. possessionem hoc ipso in te transtuli, & ego deinceps in possessione sum tuo nomine, & tu per me possides, non ego mihi, quam ad item adlegant l. 28. quisquis, C. de donat. & l. 77. quædam mulier, ff.

*derei vind.* De quo genere prolixè commentatus est *Andr. Tiraque.* in lib. *singulari de jure constituti possessorii*, tom. 4. Ejusdem quoq; mentionem facit *Iac Menoch* in *remed. possess.* Sed *Giphan.* in *comment. de divisione juris*, n. 99. & ad l. 18 ff. de adq. poss. ut & ad l. 10. absente, ff. de don. id refellit tanquam merum figmentum & commentum glossatorum ex malè intellecto initio d. l. 18. natum. Difficile tamè est exterminare aut mutare quod in usum fori receptum, ac vitæ communis consuetudine jam corroboratū est; quamvis primo fortè ex aliquo errore natum esse videatur, idq; utilitatis & tranquillitatis publicæ causa, arg. l. *Barbarius* ff. de offi. proc. Posito igitur tali constituto possessorio, verius videtur non licere vasallo possessionem feudi ne per constitutum quidem in alium transferre absq; consensu domini. Esset enim hæc alienatio quædam feudi, quæ vasallo est interdicta.

51. Q. Solet etiam quæri de compensatione, an liceat vasallo feudum compensare, de quo audire cupio quid sentias?

M. Compensatio est debiti & crediti inter se contributio, ut definit *Modestinus* in l. 1 ff. de compens. sive ut *Cujacius*, est per æris sui computationem ab ære alieno liberatio: sive, est absumptio, aut deletio ejus quantitatis, quæ petitur; sive denique est computatio vice mutua debite quantitatis. Et quidem compensationem ipso jure fieri, dummodò liquidum sit debitum in actionibus tam in rem quàm in personam, audivisti ad §. in *bona fidei*, & §. pen. *Inst. de act.* vide & *Cuj.* lib. 15. observ. c. 12. Volunt autem pleriq; omnes feudistæ ad §. *donare*, t. 8. lib. 2. vasallum non posse feudum in compensationem dare, *Alvar.* ad d. t. 55. *Jacob. Ardi.* in summ. feud. c. 135. ubi prohibeatur compensare, *Henr. Rosentb.* c. 9. conclus. 7. in fin. *Schrad.* p. 8. c. 1. n. 30. *Mozz.* cap. ult. n. 131. Estq; eadem ratio, ob quam vasallo prohibetur in solutum quoque datio, & permutatio, quæ omnia vicem obtinent emptionis & venditionis. Non desunt tamen qui putent, frustra quæri de compensatione feudi; quia quantitas propriè cum quantitate compensetur, non etiam

iam species cum specie, sive species cum quantitate, vel contra. Feudum autem non consistit in quantitate seu pecunia, sed in fundo, quæ est species, ut supra dictum, cum de materia feudi ageremus, *Duaren. tamen ad l. 7. fructus, §. 5. ff. solut. matri.* multis argumentis id contendit, etiam speciei cum specie compensationem fieri posse, cui contradicit tum communis schola interpretum, quorum sententiam refert *Zaf. ad d. t. in bona fidei*, tum etiam à præceptore suo & Collega *Duareno* dissentit *Donell. ad eundem §. nu. ult.* Verum ejus rei prolixior explicatio non est hujus loci.

## CAPUT IV.

*De seniore seu domino feudi, primum ad quid is vicissim vasallo teneatur: Deinde quid in re feudali possit, vel non possit.*

I. D. *Audivi de vasallo, tum quid is feudo constituto & adquisito, debeat domino: tum quid in ipsa re feudali eidem liceat, vel non liceat: & quidem inter ea, quæ ipsi denegantur, præcipua hæc duo esse, facultatem deteriorandi, & licentiam alienandi feudi: cujus alienationis species complures jam aliquot Scholis satis copiosè executus es: Nunc tempestivum esse videtur, ut exponas de seniore, & primum quidem de ejus jure personali, deinde de reali, hoc est, primum ad quid vicissim senior vasallo obligatur: tum quid ipse in re feudali possit, vel non possit?*

M. Probè meministi Oeconomix & ordinis superioris. Poterat autem hîc jam proximo loco quæri de revocatione feudi à vasallo absq; consensu agnatorum alienati: eaq; vel vigore juris *επιμήσεως*, vel vi juris succedendi competente. Sed cum hæc res sit futura prolixior, & diligenter pertractata à *Schrad. p. 8. de feud. cap. 7.* & *Iohan. Schoner. libr. 1. disput. 9. num. 102. cum seqq. usq; ad fin.* ad eos jam remisisse sufficiat. Atque ut priore loco de jure personali agamus, id est, de obligatione ea qua dominus vasallo tenetur, meminisse debes, non hîc nos agere de ea obligatione,

quæ acquisitionem feudi præcedit; puta, qua dominus tenetur ad traditionem feudi per investituram constituti, sive qua cogitur vasallum abusivè jam investitum præstito fidelitatis juramento in vacuum possessionem mittere, §. *ult. tit. 7. lib. 2. feud. & tit. 26 § si facta*. De hac enim jam supra diximus: & præterea videri potest *Mynscent. 4. observ. 61. Hartm. Pistor. q. 29. nn. 1. & 2. & Hartm. Hart. obs. 6. & 7. de feudis*. Non etiam agere nos hîc de obligatione auctoritatis præstanda, sive de evictione ad quam dominus tenetur vasallo, si fortè feudum in re aliena constitutum & ipsi evictum fuerit: pro quo aliud ejusdem bonitatis & quantitatis vasallo restituere debet, dummodò sibi fuerit denunciatum ab eo, ut liti subsisteret, t. *8. lib. 2. feud.* quod feudistæ vocant *guarentare*; vel ut vulgò legitur, *guaretiizare*, t. *34. lib. 2. feud.* Nam hac quoq; de re supra diximus. Sed nec de ea obligatione hîc dicendi locus est, qua tenetur dominus, ejusq; hæres renovationem facere investituræ mutatâ persona vasalli. De hac enim supra egimus in renovatione investituræ, quam diximus non posse denegari vasalli hæredibus, si intra annû & diem fuerit petita. Quid igitur? Nimirum de ea hîc obligatione senioris propriè tractamus, quæ feudum jam constitutum, & acquisitum sequitur: de qua primùm hîc generalis regula à feudistis traditur: Dominus in illis omnibus (quæ scilicet vasallus jurato ipsi promittit, incolume, tutum, honestum, utile, facile, possibile, quæq; velut partes sunt fidelitatis expostæ, t. *6. lib. 2.*) vicem fidei suo reddere debet, quod si non fecerit, meritò censetur malè fides. In summa, inter dominum & vasallum fides debet esse reciproca, *Zaf. p. 7. de feud. n. 56. Cuj. ad tit. 6. lib. 2.* Dominus, inquam, vasallo est conjunx, quasi communi fidei vinculo conjunctus, ut Cujac. rectè explicat textum feudalem in *tit. ult. lib. 2.* hoc tantùm interest, quòd vasallus fidelitatem jurare cogitur, adeò, ut jusjurandum recusans non admittatur à domino ad investituram obtinendam, §. *nulla autem, tit. ult. 3. lib. 2. feud. & tit. 7. in fin.*

*in verbo, fidelitate subsecutâ* : Dominus autem jurare non tenetur, sed juratus fidem mutuam præstare debet, *Zaf. & Cujac. dd. locis.* Quod tamen *Hotom. in diss. feud. c. 32.* juri feudali non rectè deesse arguit : non æquè scilicet certam jurisjurandi, & fidei adstringendæ formulam seniori sicut vasallo præscriptam esse, cum tamen omnes ferè gentes suos reges inter inaugurandum (bey der Krönung vnd huldigung) soleant ad fidem ac tutelam regni jurandam adigere, quod etiam ex textu juris Saxonici probat *lib. 3. art. 54.* & ex historiâ Gallicâ. Vide etiam *Georg. Buchan. lib. sing. de jure regis & regni apud Scotos.* Licet Imp. Fridericus I. Romanis jusjurandum ab ipso petentibus recusarit, quodd sibi velut superiori turpe esse judicaret jurare inferiori, & quodd nudo etiam ac simplici verbo regis vis & reverentia major quolibet juramento inesse debeat. Quam ejus recusationem jurisjurandi eleganter describit *Gunth. lib. 3.* ex quo operæ precium est hos sententiosos versus adscribere :

*Juramenta petis? Regem jurare minori,  
Turpe reor. Nudo vis & reverentia verbo  
Regis inesse solet, quo vis juramine major.  
Non decet in labiis versari lubrica reges :  
Non decet ore sacro mendacia cudere regem.  
Sancta & plena suo sunt regia pondere verba,  
Dicta semel nullum patiuntur jure recursum.  
Ergò quæd instigas jurando jure pacisci,  
Pone metum cura : vel non juratus habeo.*

Sed ut redeam ad differentiam nostram, ejus ratio probabilis hæc reddi posse videtur ; quia majorem fiduciam jus habet de seniore, quodd in fide mansurus sit, quàm de vasallo. Deinde, quia si vasallus vellet dominum quoq; adigere ad jusjurandum, videretur in dubium vocare velle ipsius fidem, & metuere ab eo perfidiam, quod esset contrarium reverentiæ ipsi debitæ, ut suprâ dictum. Illud tamen nemo negaverit, quin possit dominus suo huic juri renunciare, & vasallo suo ulterius jurare fidem mutuam, *arg. vulgatissima*

& conducto in *Pandectis*, C. & *Inst.* nè jota quidem de ea differentia, vel exceptione posuerunt, cum quidem aded memorabilis sit ea, tantiq; momenti ac præjudicii, si modò vera: Quæ enim sunt notabilia, ea nisi specialiter notentur, quasi neglecta videntur, ut eleganter ait l. 5. §. ait prator. ff. de injur. Quare & legibus & rectæ rationi potius inhærentes, & distinctionem illam neutro fundamento innixam repudiantes, bona cum venia eorum, qui ipsam vel excogitarunt, vel sequuntur, verius esse dicemus, quamlibet locationem vasallo permissam esse etiam absq; consensu domini, dum ne in fraudem ejus, aut simulatè fiat, id est, ne interim alius lateat contractus dominii translatorii. Ratio hujus sententiæ nostræ patet primùm ex fundamentis juris civilis paulò antè adductis, deinde ex *lexico feudorum*, in §. donare, in verbis licet posset locare, nisi locatio esset fraudulenta alienatio, t. 9. lib. 2. feud. ubi post alios vide *Hoto*. Sic & aliàs in jure civili prohibitus vendere vel alienare non videtur prohibitus etiam locare quamvis ad 100. annos, l. 88. §. *Scevola* (aliàs est l. 91. *Codicillus*) §. *instituto*, ubi *Accur.* in fi. ff. de leg. 2. Et quidnè possit locare vasallus, cum id liceat etiam creditori, l. 3. de pignor. itemq; is, cui habitatio est legata, l. 13. C. de usufr. Vasallus autem utroq; longè plenius jus habet. Quid autem respondendum sit ad l. 1. §. quod ait prator. ff. de superfici. ex qua argumentum vulgò ducunt, videre licet apud eundem *Pixellum*, d. n. 66. *Giphanius* quoque vulgarem illam sententiam de locatione ad longum tempus improbat, cum alibi, tum in commentario feudali.

37. D. Sequitur videre de al. Quid si vasallus non tanquam rem feudalem, sed tanquam propriam ac suam locaverit, valebitné locatio?

M. Videtur hoc casu vasallus teneri; ut qui non modò deceperit cōductorem, sed etiam inficiatus sit, aut certè dissimulaverit feudum, Ex tali autem causa feudum perdi solere infrà audies, vide l. 9. §. 1. ff. locari, ex qua argumentum ad hanc rem sumi potest.

38. D. Sequitur videre de oppignoratione feudi, siue de nexu pignoris. Sic enim vocat l. ult. C. de reb. alien. non alienand. Licetne igitur vasallo feudum sine consensu domini obligare pignori?

M. Initio hoc admoneo, pignus à Longobardis appellari vadum, item guadia, de quo vide *Hoto. in lex. feud.* unde verbum *invadiare*, idem quod pignorate: quod *Gunterus libr. 8.* vocat *vadio dare* & *supponere*: quamvis per suppositionem videatur exprimere velle eam speciem pignoris, quam vocamus *hypothecam per dationem*, pignus, propriè dictū, quod scilicet creditori traditur, & non tantum nuda conventionē obligatur, possessione interim penes debitorem manente. Sic sæpè *Guadium* leges Longobardorum usurpant. Nunc ad propositam quæstionem respondendum, vasallo non licere rem feudalem alteri oppignorare, §. ult. in fin. tit. 8. lib. 2. feud. Quamquam enim olim usque ad medietatem valuerit oppignorare, §. 2. tit. 5. libr. 1. tamen per constit. Friderici tam partis, quam totius planè prohibita est omnis oppignatio, ut rectè dicit *Accurs. ad d. t. 53.* contra sententiam Pilei. quæ in re lapsus est *D. Zas p. 9. c. 6.* cum ita accepit glossam, quasi per eam admitteretur oppignatio partis. Imò non admittitur, sed expressè rejicitur ea sententia Pilei. Ratio prohibitionis est, primum; quia nexus pignoris est species alienationis: nam debitore non solvente, creditor, cujus ad securitatem pignus datum est, procedere solet ad ejus distractionem, ut ex precio sibi satisfiat, quando aliunde non potuit, *tot. tit. ff. & C. de distract. pign.* & dictum est ad §. ult. *Instit. quib. modis re contrahitur*, & d. §. contra autem, *Inst. quib. alien. licet.* Deinde, quia cum non debitor, sed creditor ex pignore fructus percipiat, hac ratione fieret, ut milites agrorum suorum fructibus carentes satis patati esse in armis & in equis, ac militiæ munus obire, cumq; suis dominis in expeditionem proficisci, amplius non possent: Ex quo valde imminueretur Reipubl. utilitas, ut præclare *Hoto. in disp. de feud. c. 37.* & in comment. ad §.



ult. tit. 8. lib. 2. juncta gl. in verbo *utilitas*, tit. 52. De feudo autem dato in vicem legis commissoriae jam supra dictum inter pacta feudalia.

39. D: *Sed quid est, quod emphyteuta pradium vectigale oppignerare non prohibetur*, l. 16. §. ult. ff. de pign. act. l. 33. ff. de pignor. quod item usufructuarius usumfructum suum, l. 11. §. 2. ff. de usufr. ejus enim est dominus, l. 8. ff. de rebus auctoris. jud. possid. quamvis proprietatem non possit, utpote alienam, l. 6. C. de usufr. l. falsus 43. in fin. ff. de furtis. Quidni igitur etiam vasallus idem possit?

M: Dispar horum est ratio. De vasallo & feudo disertè habemus prohibitionem d. tit. 55. De emphyteuta autem & usufructuario nihil tale habemus. Deinde ex oppigneratione horum non metuimus tale incommodum, quale ex oppigneratione vasalli: itaque per illos non sit deterior conditio dominorum, cum nulla ipsis debeant militaria servitia, quæ debet vasallus.

40. D. *Nulla ne est ab hac regula exceptio, qua permessa sit feudi oppignratio?*

M: Excipitur primùm is casus, quo feudum non extraneo, sed ipsi domino oppigneratur, ea lege, ut fructus percipiat loco usuratum, sive ejus quod interest, quæ est (ut nosti) *ἀντίχρησις*, cap. 1. extr. de feud. vide Schrad. part. 8. ac. 1. n. 24. In hac prima exceptione multa sunt memorabilia; verbi gratia: primùm, quod domino res sua possit oppignerari, cum aliàs regulariter pignus rei suæ non consistat, ut neq; depositum, neq; precarium, neq; emptio, neq; locatio, l. 45. ff. de reg. jur. Alterum hîc singulare illud est, quod antichresis hoc casu permessa est utroq; jure, quæ aliàs cum pontificio prohibita est, utpote quam volunt accedere ad crimen usurarum, capit. 1. 2. & 8. extr. de usur. capit. 7. ad nostram, & ibi Cujac. extr. de jurejurand. Ratio permissionis hujus non est alia, quàm quod alius interim dominus careat servitiis vasalli ejusdemque debitoris sui. Nam si nihilominus percipiat à vasallo servitia consuetæ, tum verò cogeteretur fructus feudi vel resti-

restituere ei, vel in sortem imputare. Ad hujus igitur defectus operarum militarium, siue carentiæ compensationem meritò fructus lucrari, & suos facere debet, nec in sortem eos imputare cogendus est, sicut aliàs fructus, quos creditor ex pignore percepit, etiam jure civili minuunt sortem, ejusque obligationem exhauriunt, si nihil aliud convenerit, l. 22. §. si praetor, ff. de pigner. actionib. Præterea in eodem cap. 1. extr. de feud. observabis verbum valdè inusitatum, *gageria*. Ait enim pontifex: *gageria*, quam de feudo dignosceris recepiſſe, &c. Glossa ibidem inquit, pignus denotare, & esse vulgare Teutonicorum. Eo in hodiernum quoque diem Italica lingua utitur.

41. D. *Quid si vasalli unius plures sint domini, poteritne uni eorum ceteris in viſu feudum suum invito oppignare?*

M. Feudum si sit dividuum, non amittet totum feudum propter hanc oppignationem: Sin autem sit individuum, perdet totum, nisi omnes domini consentiant. Ita distinguunt *Alvarot. & Bald. ad tit. 55.* Vide & *Henric. Rosenthal. cap. 9. de feud. conclus. 16.*

42. D. *Dic aliam exceptionem.*

M. Si vasallus pro necessitatibus ex causa feudi sibi incumbentibus, verbi gratia, pro servitiis quæ domino debet, nec aliter præstare potest, feudum oppigneret, hanc oppignationem volunt Dd. validam esse, ut docet *Henr. Rosenth. eod. loc.*

43. D. *Suntne plures exceptiones & casus, quibus possit vasallus feudum oppignare?*

M. Tradunt & hanc, si dominus consenserit oppignationi, tunc enim eam valet. Quod verum quidem est, sed non videtur hæc esse exceptio propriè dicendo. Satis enim id ipsum intelligitur ex regula à contrario sensu: Vasallus invito domino feudum non potest alteri oppignare. Ergo ipso volente & consentiente potest. Sic etiã excipiunt oppignationem fru-

fructuum, *Ioh. Faber ad §. item Serviana. Instit. de act.* Ac ne hæc quidem vera est exceptio: licet aliàs verum sit, fructus feudi posse à vasallo in obligatione pignoratitiam deduci, etiam non requisito domini consensu. Regula enim fuit non de fructibus feudi, sed de ipso feudo. Itaq; vides exceptionem hanc non esse de natura regulæ, ut tamen omnis vera exceptio esse debet.

44. D. *Quid ergo si dominus consenserit oppignerationi feudi à vasallo factæ, cogeturne postea feudo ad se reverso debitum illud solvere, pro quo feudum se consentiente pignori erat nexum? item quid si ratione sortis consenserit, an etiam consensisse videbitur ratione ejus quod interest?*

M. De his duabus quæstionibus latè in utramque partem discutat *Hartm. Pist. lib. 2. part. 2.* de priore quidem in *quæst. 48.* de posteriore verò in *quæst. 49.* quò recurrere poteris, si quando usus inciderit.

45. D. *Audiui de pignore voluntario, quod per contractum, quire fit, constituitur: quid autem de pignore necessario juris esse dicis?*

M. Quò melius intelligatur quod responsurus sum ad hanc quæstionem, meminisse debes, pignus vulgò à Dd. constitui trimembre: Conventionale, Prætorium, & judiciale, quam divisionem reprehendit *Giphani. in comment. de divis. juris, n. 98.* cumq; secutus *Jacobus Scheckius*: tùm quòd judiciale sit pars prætorii pignoris, nec debeat proinde novam ac distinctam constituere speciẽ; tùm quòd emittatur testamentarium à testatore constitutum. Ipse igitur cõmodius sic partitur, ut primò pignus aliud sit voluntarium, aliud necessarium. Deinde voluntarium vel sit conventionale seu conventum, vel testamentarium. Necessarium verò sit vel legitimum, vel prætorium. His ita præsuppositis, quia de pignore conventionali suprà dictum, non posse id cõstitui in feudo, quia item de testamentario facilè intelligere potes, id quoque non valere, cū nulla dispositio testatoris de feudo ullas vires habeat, ut suprà dictum; jam de necessario respondeo.

pignus

pignus prætorium in subsidium, quando videlicet nihil aliud superest, unde actori satisfiat, posse etiam in feudis constitui, ita ut creditor inde percipiat fructus, quam diu feudum domino apertum non fuerit. Vide *Henr. Rosenth. c. 9. concl. 17.* ubi plura ad hanc rem allegat, ut & *Schrad. part. 8. c. 1. n. 28.* & *Andr. Tiraq. lib. 1. de retractu, gl. 7. §. 1. n. 49.* vide etiam *Wesemb. in paratit. ff. tit. de reb. auctorit. jud. possid. n. ult.*

46. D. Quoniam de pignore satis dixisse videris, transamus, si placet, ad hypothecam. Potestne igitur vassallus invito domino hypothecam creditori suo in feudo constituere?

M. Ajunt hi, negant alii. Operæ precium est, utriusque partis rationes breviter cognoscere, priusquam quid nobis videatur, exponamus. Igitur qui ajunt hypothecam valere, nec prohibitam esse, his ferè nituntur argumentis. I. Quia constitutio Friderici in d. l. 55. tantum prohibeat oppignerationem; hypothecæ vero dationem non item. Hæc autem duo differunt, hypotheca inquam, & pignus, quorum differentias meministi ex comment. *Inst. ad tit. quib. mod. re contrahitur.* & *ad tit. de act.* Cum autem constitutio illa sit perualis, & proinde odiosa (nam vassallus ex hac causa, si feudum invito domino oppigneraverit, beneficio suo privatur, ut infra dicemus) non debemus eam adjuvare, & producere interpretatione, sed potius restringere, arg. l. 19. ff. de liberis & posth. c. odia de reg. jur. in 6. II. Quia per hypothecam non transfertur possessio feudi ad creditorem, sicut fit in pignore, sed penes vassallum remanet, nuda conventionē absq; traditione creditori obligatum. Jam verò (inquiunt) ea tantum alienatione vassallo interdictum est, quæ possessionem rei feudalis in alterum transfert, quod sumunt ex §. *callidis, d. l. 55. in verbis. feudum vendunt, & in alios transferunt.* III. Quia vassallus, quamvis hypothecam in feudo constituerit, tamen cum possessionem ejus retineat, fructus quoq; acreditus inde percipit. Dixi autem suprà, hanc esse præcipuam rationem, quare feudi oppignratio sit prohibita; quia vassallus cari-

turus

turus esset fructibus feudi oppignérati, & proinde impar futurus obcundis servitiis militaribus, quæ domino debet : Hac igitur ratione prohibitionis jam cessante, meritò ipsa quoque cessare debere videtur prohibitio. Et ita sentiunt *Bald. Alvarott. Ifernia, & alii vet. add. §. callidus, Zas. p. 9. nu. 8. Wurmb. tit. 51. observ. 18. Hart. tit. 54. observ. 20. n. 3. Iul. Clar. in §. feudum, quest. 35. Borch. cap. 8. nu. 60. cum seqq. Iohan. Fichard. in consil. 5. vol. 1. num. 5.* In eandem sententiam video etiam inclinare *D. Giphani*. Contrariæ sententiæ patroni, quod scilicet ne hypotheca quidem in feudo constitui possit à vasallo, has potissimum rationes adferunt : Primum, quia pignus & hypotheca, quamvis differunt modo constituendi, tamen ad eundem ambo finem tendunt, qui est securitas & cautio creditoris, qui pignori incumbit tam convento, quam dato, & debitore non solvente ad distractionem rei procedit. Idem etiam præjudicium domino generaretur per hypothecæ constitutionem, quod per pignoris dationem, proindeque cum eadem sublit ratio, idem quoque jus statui debet. Valeat enim æquitas, quæ in paribus causis paria jura desiderat, ut ait in *Topic. Cicero*. II. Quia qui actionem ad rem habet, ipsam rem habere videtur, *l. 143. de verb. sig.* Atqui creditor actionem in rem, videlicet hypothecariam, habet ad persequendam hypothecam, non minus quam pignus : nam quoad hanc actionem, nihil interest inter pignus & hypothecam præter sonum nominis, ut dictum est ad *§. item Serviana, vers. inter. Instit. de actionib. l. 5. §. 1. ff. de pignor.* III. Quia constitutiones Imp. quæ feudi alienationem prohibuerunt, non tantum voluerunt illam alienationem excludere, quæ statim ab initio mediante traditione fit, sed etiam quoque quæ ex intervallo sequitur. Et proinde interdicta alienatione, etiam omnes actus, omnesque contractus, per quos ad eam perveniri potest, interdicere proculdubio voluerunt. IV. Pro hac sententia adlegant *l. ult. C. de reb. alien. non alienan. cap. 2. extr. de rebus Eccles. alien. vel non.*

*Negusant. in tractat. de pignor. part. 2. membr. 3. num. 71.* His V. accedit, quòd non minus in hypothecæ constitutione, quàm pignoris datione invito domino facta vasallus videtur contempsisse dominum, cujus consensum adhibere neglexit. Atque hæc jam olim fuit opinio *Jacob. Ardz. in summ. feud. cap. 116. & Martini Laudensis ad d. tit. 55. num. 11. quam & Francisc. Solfbec. defendit, part. 12. num. 100. & Hotom. consil. 30.* camque usu servari testatur *Wesembec. de feud. cap. 11. num. 5.* Fateor tamen mitiorem esse priorem sententiam, nempe non ita ob hypothecationem feudi vasallum incidere in pœnam privationis, sicut ex oppigneratione, & in pœnis benigniorem sententiam nos amplecti debere. Sed aliud est quærere, an hypothecæ feudi valeat invito domino constituta, aliud, an ob hypothecam possit vasallus feudo privari?

47. D. *Sed cum hypotheca alia sit expressa, alia tacita, quam lex constituit, an saltem tacite bona feudalia vasalli ejusdem creditori obligata esse poterunt?*

M. Rectè admones, non solum esse hypothecam expressam, sed etiam tacitam, cujus variæ species in jure civili extant, quæ diligenter sunt collectæ ab *Hotoman. in comment. titul. ff. in quibus causis hypothec. tac. contrah.* Ita enim eam rubricam putat restituendam tam in D. quàm in C. deletis verbis: *Pignus vel;* quia scilicet pignus omne sit expressum, nullum verò esse possit tacitum. Celeberrimum exemplum tacitæ hypothecæ ex *Constitut. Principum* est illa, quam habet mulier in bonis mariti pro dote & donatione propter nuptias, *l. unic. §. 1. C. de rei uxor. act. l. 29. ubi, C. de jure dotium.* Scire autem debes feudalia bona huic oneri non esse obnoxia, ut docet *Mynsing. cent. 6. observ. 45.* Quamvis aliud sit jure Saxonico receptum, quo mulier tam diu habet jus retentionis in bonis feudalibus defuncti mariti, quo usque de bonis dotalibus, & donatione propter nuptias, & Morgengeba & paraphernalibus ipsi fuerit satisfactum, & dotalitium con-

constitutum: qua de re videatur *Schneid. par. 7. de feud. & constit. elect. August. par. 2. const. 25.* De cuius intellectu vid. *Dan. Moll. lib. 2. Semestr. c. 13.* Adde etiam *Lud. Fachf. conf. 6. & Matth. Coler. tract. de process. execut. part. 1. c. 2. n. 193. & seqq.* Et nota, quod Fachsius hanc consuetudinem testatur non solum per Saxoniam, sed ferè per totum Imperium receptam esse.

48. D. *Quantum recorder. 3. restant ex speciebus alienationis supra abs te commemoratis; videlicet, permissio usucapionis seu praescriptionis, precarii concessio, & constitutum possessorium, de quibus expecto, ut dicas.* Primum igitur quare permissio usucapionis adnumeratur speciebus alienationis?

M. Quia vasallus qui patitur ut is feudalis ab alio usucapiatur, vix est ut non videatur alienare. Itaq; rectè scripsit Paulus verbo alienationis etiam usucapionem contineri, *l. 28. ff. de verb. signif.* Merito igitur prohibitionem Imperialem Lotharii & Friderici huc etiam accommodamus.

49. D. *Precarii concessio qualis est, & quare vasallo interdicitur?*

M. Precarium quatenus cum commodato conveniat, & quatenus ab eodem differat, dictum est ad *Inst. t. quib. mod. re contrahitur.* In utroque veratur usus & commoditas rei, quæ ad alterum transfertur, sed ille usus in precario quidem totus pendet ex arbitrio & nutu concedentis, qui eum quandocunq; vult revocare potest, etiam si fortè incommodo hoc fuerit ei, qui precario rogavit: cum equum non sit diutius quempiam nostra liberalitate frui, quam nos velimus. Aliud est in commodato, quod nisi impleto usu, ad quem datum est intempestivè repeti non potest, cum adjuvari nos, non decipi beneficio oporteat. Porro cum duobus ferè modis precarium rogetur & concedatur, ut vel possessio transeat in accipientem vel non transeat, *l. 4. §. 1. l. 6. §. 16. qui rogavit, l. 12. §. 1. in fin. l. 17. cum l. seq. ff. de precario, l. interdum 21. in princ. & §. ult. ff. de adq. poss.* Utroque casu dicimus precarii concessionem in feudo



feudo prohibitam esse vasallo. De priore quidem non est dubium, cum videlicet possessio precarii transferatur in rogantem. Eadem quippe hic est ratio, quæ in pignoris datione; nam & creditor in omnibus cæteris causis & articulis juris possidet pignus, excepta sola causa usucapionis, cujus respectu debitor fictione quadam juris possidere intelligitur, nimirum ad implendam usucapionem, quam rectè cepit. De posteriore casu hæc est ratio; quia in precario etiam si non transeat possessio, tamen utilitas rei ad alterum redit, l. 1. in pr. ff. de precario, l. Pompon. §. si is qui precarium. ff. de acquir. possess. Si igitur permittamus vasallo precarii possessionem, læderetur & minueretur utilitas domini, cui non amplius posset servitia exhibere, utpote fructibus feudi destitutus, ex quibus sumptus necessarii debebant ei suppetere, sine quibus servitia commodè expediri nequeunt.

50. D. *Qualenam est, quod vocant constitutum possessorium, & quare vasallo id interdictum esse ais?*

M. Constitutum non tam veteres Jurisconsulti, quam interpretes seu glossatores duplex fecerunt, unum promissorium seu obligatorium, alterum possessorium. De illo quod est, pactum quoddam prætorium extat tit. in II. §. C. de constituta pecunia, & dixi ad §. de constituta autem pecunia, Instit. de action. De possessorio putant agi in l. 18. quod meo, ff. de acquir. possess. & vocant constitutum possessorium fictam quandam & civilem translationem possessionis, quando quis id quod antea suo nomine & sibi possidebat, constituit deinceps alteri & alieno nomine possidere, verbi gratia, domum vel fundum quem possidebam tibi donare volo. Constituo igitur eum, non amplius meo, sed tuo nomine, non mihi, inquam, sed tibi possideri, idque tibi significo per epistolam, vel per nuncium. Jam secundum Dd. possessionem hoc ipso in te transtuli, & ego deinceps in possessione sum tuo nomine, & tu per me possides, non ego mihi, quam ad rem adlegant l. 28. quisquis, C. de donat. & l. 77. quadam mulier. ff. de rei

*derei vind.* De quo genere prolixè commentatus est *Andr. Tiraquel. in lib. singulari de jure constituti possessorii, tom. 4.* Ejusdem quoq; mentionem facit *Iac. Menoch. in remedi. possess.* Sed *Giphan. in comment. de divisione juris, n. 99.* Et ad l. 18 ff. de adq. poss. ut Et ad l. 10. absente, ff. de don. id refellit tanquam merum figmentum & commentum glossatorum ex malè intellecto initio d. l. 18. natum. Difficile tamè est exterminare aut mutare quod in usum fori receptum, ac vitæ communis consuetudine jam corroboratū est; quamvis primo fortè ex aliquo errore natum esse videatur, idq; utilitatis & tranquillitatis publicæ causa, arg. l. Barbarius ff. de offi. proc. Posito igitur tali constituto possessorio, verius videtur non licere vasallo possessionem feudi ne per constitutum quidem in alium transferre absq; consensu domini. Esset enim hæc alienatio quædam feudi, quæ vasallo est interdicta.

§ 1. Q. Solet etiam quæri de compensatione, an liceat vasallo feudum compensare, de quo audire cupio quid sentias?

M. Compensatio est debiti & crediti inter se contributio, ut definit *Modestinus. in l. 1 ff. de compens.* sive ut *Cujacius, est per aris sui computationem ab are alieno liberatio: sive, est absumptio, aut deletio ejus quantitatis, quæ petitur; sive denique est computatio vice mutua debite quantitatis.* Et quidem compensationem ipso jure fieri, dummodò liquidum sit debitum in actionibus tam in rem quàm in personam, audivisti ad §. in bona fidei, Et §. pen. Inst. de act. vide Et *Cuj. lib. 15. observ. c. 12.* Volunt autem pleriq; omnes feudistæ ad §. donare, c. 8. lib. 2. vasallum non posse feudum in compensationem dare, *Alvar. ad d. t. 55. Iacob. Ardiæ. in summ. feud. c. 135.* ubi prohibeatur compensare, *Henr. Rosenth. c. 9. conclus. 7. in fin. Schrad. p. 8. c. 1. n. 30. Mozz. cap. ult. n. 131.* Estq; eadem ratio, ob quam vasallo prohibetur in solutum quoque datio, & permutatio, quæ omnia vicem obtinent emptionis & venditionis. Non desunt tamen qui putent, frustra quæri de compensatone feudi; quia quantitas propriè cum quantitate compensetur, non etiam

iam species cum specie, sive species cum quantitate, vel contra. Feudum autem non consistit in quantitate seu pecunia, sed in fundo, quæ est species, ut supra dictum, cum de materia feudi ageremus, *Duaren. tamen ad l. 7. fructus, §. 5. ff. solut. matri.* multis argumentis id contendit, etiam speciei cum specie compensationem fieri posse, cui contradicit tum cõmunis schola interpretum, quorum sententiam refert *Zaf. ad d. t. in bona fidei*, tum etiam à præceptore suo & Collega Duareno dissentit *Donell. ad eundem §. nu. ult.* Verùm ejus rei prolixior explicatio non est hujus loci.

## CAPUT IV.

*De seniore seu domino feudi, primum ad quid is vicissim vasallo teneatur: Deinde quid in re feudali possit, vel non possit.*

I. D. Audi vi de vasallo, tum quid is feudo constituto & adquisito, debeat domino: tum quid in ipsa re feudali eidem liceat, vel non liceat: & quidem inter ea, quæ ipsi deneantur, præcipua hæc duo esse, facultatem deteriorandi, & licentiam alienandi feudi: cujus alienationis species complures jam aliquot Scholis satis copiose executus es: Nunc tempestivum esse videtur, ut exponas de seniore, & primum quidem de ejus jure personali, deinde de reali, hoc est, primum ad quid vicissim senior vasallo obligatur: tum quid ipse in re feudali possit, vel non possit?

M. Probè meministi Oeconomix & ordinis superioris. Poterat autem hîc jam proximo loco quæri de revocatione feudi à vasallo absq; consensu agnatorum alienati: eaq; vel vigore juris *ωγενήσεως*, vel vi juris succedendi competente. Sed cum hæc res sit futura prolixior, & diligenter pertractata à *Schrad. p. 8. de feud. cap. 7. & Iohan. Schoner. libr. 1. disput. 9. num. 102. cum seqq. usq; ad fin.* ad eos jam remisisse sufficiat. Atque ut priore loco de jure personali agamus, id est, de obligatione ea qua dominus vasallo tenetur, meminisse debes, non hîc nos agere de ea obligatione,

quæ acquisitionem feudi præcedit; puta, qua dominus tenetur ad traditionem feudi per investituram constituti, sive qua cogitur vasallum abusuve jam investitum præstito fidelitatis juramento in vacuam possessionem mittere, §. ult. tit. 7. lib. 2. feud. & tit. 26 §. si facta. De hac enim jam supra diximus: & præterea videri potest *Myns. cent. 4. observ. 61. Hartm. Pistor. q. 29. num. 1. & 2. & Hartm. Hart. obs. 6. & 7. de feudis*. Non etiam agere nos hîc de obligatione auctoritatis præstanda, sive de evictione ad quam dominus tenetur vasallo, si forte feudum in re aliena constitutum & ipsi evictum fuerit: pro quo aliud ejusdem bonitatis & quantitatis vasallo restituere debet, dummodò sibi fuerit denunciatum ab eo, ut licet subsisteret, t. 8. lib. 2. feud. quod feudistæ vocant *guarentare*; vel ut vulgò legitur, *guarentizare*, t. 34. lib. 2. feud. Nam hac quoq; de re supra diximus. Sed nec de ea obligatione hîc dicendi locus est, qua tenetur dominus, ejusq; hæres renovationem facere investituræ mutatæ persona vasalli. De hac enim supra egimus in renovatione investituræ, quam diximus non posse denegari vasalli hæredibus, si intra annû & diem fuerit petita. Quid igitur? Nimirum de ea hîc obligatione senioris propriè tractamus, quæ feudum jam constitutum, & acquisitum sequitur: de qua primùm hîc generalis regula à feudistis traditur: Dominus in illis omnibus (quæ scilicet vasallus jurato ipsi promittit, incolume, tutum, honestum, utile, facile, possibile, quæq; velut partes sunt fidelitatis expositæ, t. 6. lib. 2.) vicem fidei suo reddere debet, quod si non fecerit, meritò censebitur malè fides. In summâ, inter dominum & vasallum fides debet esse reciproca, *Zaf. p. 7. de feud. n. 56. Cuj. ad tit. 6. lib. 2.* Dominus, inquam, vasallo est conjunx, quasi communi fidei vinculo conjunctus, ut Cujac. rectè explicat textum feudalem in *tit. ult. lib. 2.* hoc tantùm interest, quòd vasallus fidelitatem jurare cogitur, aded, ut jusjurandum recusans non admittatur à domino ad investituram obtinendam, §. nulla autem, tit. 3. lib. 2. feud. & tit. 7. in fin.

*in verbo, fidelitate subsecutâ*: Dominus autem jurare non tenetur, sed juratus fidem mutuam præstare debet, *Zaf. & Cujac. dd. locis.* Quod tamen *Hotom. in diff. feud. c. 32.* juri feudali non rectè deesse arguit: non æquè scilicet certam jurisjurandi, & fidei adstringendæ formulam seniori sicut vasallo præscriptam esse, cum tamen omnes ferè gentes suos reges inter inaugurandum (bey der Krönung vnd huldigung) soleant ad fidem ac tutelam regni jurandam adigere, quod etiam ex textu juris Saxonici probat *lib. 3. art. 54.* & ex historiâ Gallicâ. Vide etiam *Georg. Buckan. lib. sing. de jure regis & regni apud Scotos.* Licet Imp. Fridericus I. Romanis jusjurandum ab ipso petentibus recusarit, quod sibi velut superiori turpe esse judicaret jurare inferiori, & quod nudo etiam ac simplici verbo regis vis & reverentia major quolibet juramêto inesse debeat. Quam ejus recusationem jurisjurandi eleganter describit *Gunth. lib. 3.* ex quo operæ precium est hos sententiosos versus adscribere:

*Juramenta petis? Regem jurare minori,  
Turpe reor. Nudo vis & reverentia verbo  
Regis inesse solet, quo vis juramine major.  
Non decet in labiis versari lubrica regis:  
Non decet ore sacro mendacia cudere regem.  
Sancta & plena suo sunt regia pondere verba,  
Dicta semel nullum patiuntur jure recursum.  
Ergo quod instigas jurando jure pacisci,  
Pone metum cura: vel non juratus habeo.*

Sed ut redeam ad differentiam nostram, ejus ratio probabilis hæc reddi posse videtur; quia majorem fiduciam jus habet de seniore, quod in fide mansurus sit, quàm de vasallo. Deinde, quia si vasallus vellet dominum quoq; adigere ad jusjurandum, videretur in dubium vocare velle ipsius fidem, & metuere ab eo perfidiam, quod esset contrarium reverentiæ ipsi debiti, ut suprà dictum. Illud tamen nemo negaverit, quin possit dominus suo huic juri renunciare, & vasallo suo ultro jurare fidem mutuam, *arg. vulgatissima*

*l. pen. C. de pact.* Quemadmodum igitur vasallus adversus dominum potest feloniam committere, seu facere, ob eamque feudo privari: ita vice versa dominus quoque potest delinquere in vasallum, & ob id proprietate feudi sive directo, ut vocant, dominio privari, §. *domino committente feloniam, tit. 26. lib. 2. feud. §. 2. 47. qualiter dominus proprietate feudi privetur, vide & gloss. in §. contra omnes, in verbo fratrem, tit. 28. quod probe est notandum adversus eos dominos, qui velut parvi quidem tyranni putant sibi quidvis impunè licere adversus vasallos, quibus velut mancipiis ad libidinem suam abutuntur. Rectè enim Baldus hanc determinationem ait esse sanctam & terribilem. Debentque seniores illud scitum semper in memoriâ habere, quod est apud Livium: *Fidem habitam fortius adstringere fidem*: & quod nostri homines velut proverbio dictitant, *fidelem dominum facere fidelem servum*, *Trewer Herr/trewer Knecht/ Mynsing. cont. 4. obser. 91.* debent item cogitare illud: *Quod tibi non vis fieri alteri ne feceris*, debent ante oculos habere æquissimum illud edictum, quod etiam feudista huc accommodat, in §. *in quibus, t. 33. lib. 2. Quod quisq; juris in alium statuit, ipse eodem utatur.* Ex hac mutua fide illud fluit, quodd nec dominus vasallum accusare, aut testimonium in ipsum dicere potest, §. *similiter d. tit. 33.* ubi vide gloss. in verbo, *accusare*. Nec sacramentum calumniæ à vasallo exigere potest, §. *in quib. versc. quod etiam*: qua tamen de re etiam suprâ nonnihil attingimus. Non tamen sicut fidem ac defensionem mutuam vasallo debet dominus, ita & obsequium ac reverentiâ; multoq; minus operas & servitia. Nam nec patronus liberto suo ea debet, sed libertus patrono, *tot. 2. ff. & C. de obseq. pat. præst.* utpote quæ potius superiori ab inferiore, quam huic ab illo debeantur.*

2. D. *Audi vi de obligatione domini, sive de jure personali. Restat ut dicas de ejusdem jure reali, sive quid juris habeat dominus in ipso feudo, vel non habeat?*

M. *Habet dominus in feudo proprietatem nudam:*

*quæ*

quæ interdum cum illo jure, quod vasallo competit, consolidatur, atque conjungitur in persona domini, feudo nimirum aperto & à vasallo cōmisso; aliquando verò ea proprietas amittitur à domino, & incipit pertinere ad vasallū, ut latius explicabitur infra cūm de amissione feudi agetur, vide interim *tit. 47. libr. 2. feud.* Atq; hujus proprietatis ratione actiones quoq; competunt domino feudi, de quibus item infra in loco de actionibus feudi nomine competentibus.

3. D. *Potestné dominus feudum alienare invito vasallo?*

M. Non potest: sicut neq; vasallus invito domino, de quo supra dictum, nam dominus & vasallus ad patria judicantur, §. *si quis fecerit, t. 22. lib. 1.* ubi cōmuniter *Dd. §. ex eadem lege, in verbis. dominus sine voluntate vasalli feudum alienare non potest, t. 34. lib. 2.* Cujus rei mentio quoq; fit *tit. 9. in fin. eod. lib. 2.* vide & §. *præterea ducatus, in verb. nec dominus feudum sine voluntate vasalli ad alium transferat, ti. 55.* vide & *Hart. Hart. tit. 54. obs. 40.* & *gl. notabilem ad l. invitus, ff. de fideicommiss. liber. quam & Iul. Clar. laudat, q. 28. n. 1.* Et hac in re covenit dominus feudi cum marito dotis domino: differt autem à proprietario rei usufructuariæ. Maritus licet dominus sit rei dotalis, tamen facultatem alienandi non habet ademptam sibi per *l. Iul. tot. tit. de fundo dotali*, quod audivisti ad *princip. tit. Institut. quib. alien. licet vel non*, sed maritus totius rei dotalis plenum habet dominium: senior autem feudi proprietatem tantum habet, utili dominio penes vasallum constituto. Proprietarius autem rei usufructuariæ suam proprietatem rectè vendit, etiam inconsulto usufructuario, *l. 17. §. ult. ff. de usufruct. legat. l. 44. §. non movet. ff. de usucapionib.* Ratio differentię est, quia feudi jus est perpetuarium, & ad hæres transitorium: usufructus non item, qui morte usufructuarii extinctus certò recurret ad proprietarium, & cum proprietate consolidabitur: cūm feudum per multa secula mulgasque generationes durare possit, quod & experientia docet. Incommodumq; hoc futurum esset vasallo, alium ipsi



obtrudi dominum: usufructuarii verò non tanto pe-  
re interest, quem habeat proprietarium, cum ip-  
sus jus non tam diu duret. Quare maneat hæc regula:  
Dominum suam proprietatem invito vassallo aliena-  
re non posse, verbi gratia, vendere, permutare, quod  
vocant, *cambium facere, delegare, donare, &c.* Et aliena-  
tionem ipso jure nullam esse, siue pro non facta ha-  
beri, *d. tit. 22. lib. 1 feud. in §. si quis fecerit, cum cæteris locis  
suprà adductis.* Solet etiam ita formari hæc regula: Do-  
minum non posse vassallos suos invitos & contradi-  
centes alienare in alium, neq; posse eos cogere, ut in  
ejusmodi alienationem consentiant, sed eodem res  
recidit. Ratio regulæ est, quia interest subditorum  
non mutare dominum, *Zaf. part. 7. n. 59.* Quò pertinet  
fabula de vulpe prohibente muscas veteres & jam ple-  
nas cruore sibi abigi, ne novæ advolarent ac fameli-  
cæ. Sic & antus quædam pro Dionysio tyranno vota  
concepibat, ut diu superstes esset, metuebat videli-  
cet, ne illi è medio sublato, deterior ac durior alius  
succederet. Huic autem vicina est altera illa quæstio:  
An valeat investitura de feudo nondum apertò alteri  
facta à domino vivente adhuc priore vassallo; de qua  
suprà diximus. Eam tamen hîc quoq; attingunt, cum  
alii, tum dominus *Zaf. d. par. 7. n. 59. vide tit. 3. quæst. 27. §.  
ult. lib. 1. feud. & §. moribus, tit. 26. lib. 2.* Ampliatur au-  
tem hæc regula. I. ut dominus non modò totum feu-  
dum, sed etiam quamlibet ejus partem alienare pro-  
hibeatur: idq; ideò, ne vassallus ejusdem feudi nomi-  
ne plures dominos recognoscere cogatur, & nec feu-  
dum atq; obligatio vassallitia per plures spargatur, *d.  
§. præterea ducatus, t. 55. Hart. d. obs. 40. n. 3.* Secundò am-  
pliatur, ut non tantùm prohibeatur dominus in mi-  
norem aliquem alienare, sed ne quidem possit in æ-  
qualem, vel majorem, sicut ex sententia Petri & Cyni  
refert *Hart. d. loc. nu. 7.* quamvis apud Mediolanenses  
consuetudo obtinuerit, ut posset alienatio fieri in ali-  
quem vel æquale vel majorem dominum. Nam si in æ-  
qualem, nihil interesse putabāt: si in majorem, etiam  
melior

melior fieri videbatur ejus conditio, cum non solum  
 honestius sit subesse ac servire majori & potentiori  
 domino, verum etiam tutius ad defensionem mutuam;  
 in minorem verò & inferiorem dominum si transfer-  
 retur, læderetur jus & existimatio vasalli, cui subtr-  
 piculum esset inferiori & minus nobili jurare fide-  
 litatem, & subjici atq; servire, vide *§ gloss ad d. § praterea  
 ducatus, in verbis: ad alium transferat*. Excipitur tamen  
 ab hac regula is casus, quod dominus vendit & alie-  
 nat feudum ac vasallos cum tota curia seu curia, id  
 est, cum toto suo territorio & universitate. Valebit  
 enim ista alienatio, quantumvis vasalli in eam non  
 consenserint, *Zas. d. p. 7. n. 60 Jul. Clar. quæst. 8 n. 2.* ubi ad  
 hanc rem etiam adlegat *Carol. Mol. in comment. consue-  
 tud. Parisien.* laudatum quoq; à *Fornerio in tract. de feud.*  
 Ratio hujus exceptionis est, quia multa transcunt cū  
 universitate, quæ separatim & sola non transirent, l.  
 62. ff. de adq. rer. dom. l. 22. cum 2. seqq ff de contrah. empt. l.  
 1. §. 1. ff. de fundo dotali, c. 7. ex literis, extr. de jure patron. cap.  
 18. extr. de sententiis & rejudicata, verbi gratia, fundus  
 dotalis per se & solus non potest alienari, sed cum u-  
 niversitate bonorum tantum transfertur ad hæredes  
 mariti, d. l. 62. & d. l. 1. §. 1. Sic locus sacer & religiosus  
 per se & separatim vendi non potest, sed si modica sit  
 accessio majoris fundi potest vendi, d. l. 22. & 2. seqq. Sic  
 jus patronatus transit cum universitate, quod solum  
 ac per se non transiret, neq; obligari, d. c. 7. & 18. oport-  
 tet tamen in venditione curtis seu curiæ expressè no-  
 minari ipsum quoq; beneficium siue feudum. Alio-  
 quin enim in generali alienatione feudum, & vasalli  
 non continebuntur, §. in generali, tit. 26. lib. 2. & init. tit.  
 31. de capitaneo qui curiam vendidit, an intelligatur be-  
 neficium vendidisse, ubi & gl. elegantem videre licet.  
 Sicut & aliàs ea quæ nobis chariora sunt, & preciosio-  
 ra in generali sermone non continentur, l. 6. 7. & 8. ff.  
 de pignor. talia enim non facile quis præsumitur etiam  
 specialiter obligaturus fuisse, ut rectè *Zas. p. 7. n. 60. in  
 fin.* Sic etiam jurisdictio non sequitur alienationem

curtis seu territorii, siue ea fuerit sola, siue cum feudis vendita; nisi nominatim etiā de iurisdictione actum fuerit, nihil enim commune habet iurisdictio cum feudis, vel contra, ut rectè *Cujac. ad tit. 19. lib. 4. ad d. §. in generali, tit. 26. libr. 2.* ubi simul notetur mutatio lectionis, quam sanè probabilem fecit idem Cujacius hoc modo: *In generali alienatione vasalli non continentur nisi nominatim dictum*, pro quo vulgò ibi legitur, *in generali alienatione vasalli non continetur feudum. Quam* lectionem Hotom. quoq; perspicuè mendosam agnoscit, sicut est, cùm non agatur hîc de alienatione feudi à vasallo facta, sed à domino. Delet ergò ipse verbū, *vasalli*, cætera retinet, hoc modo: *in generali alienatione non continetur feudum.* Res ipsa ferè eodē recidit, siue de alienatione feudi dicas, siue de vasallorū translatione, ut & suprà monui in regula. Hîc circa illud, quod de feudo & vasallis diximus, nō contineri in generali alienatione, sed oportere nominatim exprimi, sicut etiam in iurisdictione faciendum observanda est notabilis differentia inter feudum, & jus patronatus. Jus patronatus aliter hîc accipimus, quā solet jure civili; videlicet, pro jure præsentandi nominandiq; aliquem Ecclesiæ Rectorem defuncto priore, siue nominandi Episcopo ministrium Ecclesiæ vacante ministerio, qui ipso auctore in possessionem inducatur Ecclesiæ, teste *Cuj. ad c. 18. extr. de sent. & re jud.* hoc igitur jus patronatus tacitè transit unā cum ipsa universitate rerum temporalium, in quibus consistit, & quibus adhæret, nisi specificè fuerit exceptum *cap. 7. ex literis*, ubi summa & Canonistæ hoc notant, *extr. de jure patronatus, & d. cap. 18.* Excipiunt deinde etiam alienationem fructuum siue commoditatis servitiorum: hanc enim posse dominum cuicunque voluerit etiam invito vasallo donare, aut vendere, cùm etiam vasallus possit irrequisito domino fructus fundi alienare, aut vendere, ita *Hartm. Hartm. ex Ifern. Alvar. & alii ad §. ex ead. leg. tit. 34. libr. 2. d. observ. 40. nu. 11.* Sed primū dubito an hoc verum sit, & satis liquidum; non

non enim eadem est hîc ratio in personam domini & vasalli : deinde etiam si verum esset , tamen non esset exceptio , quia regula erat de ipsius feudi alienatione. Excipiunt tertio oppignerationem feudi , quam volunt permissam esse domino , etiam absque consensu vasalli.

4. D. *Potestne igitur dominus invito vasallo oppignera-  
re suam proprietatem , quam in feudo habet ?*

M. Ita vulgò feudistæ ajunt , adeoq; hanc senten-  
tiam communem testatur *Franc. Ripa ad l. obligat. nu.  
40 ff. de pignor.* quò refert & sequitur *Iul. Clar. quest. 28.  
n. 4.* ejusq; sententiæ auctor perhibetur *Wilhelmus de  
Zusa, teste Baldo* ; pro qua in argumentum facit , quòd  
etiam proprietarius rei , cujus ususfructus est penes al-  
ium , suam proprietatem non prohibetur oppignera-  
re creditori , obligare , *l. 2. C. de usufruct.* Vide & *Hartm.  
ead. observ. nu. 10.* ubi tamen duæ notabiles limitatio-  
nes tradit , quarum auctores adlegat *gloss. Alvarot. Ioh.  
And. & alios Dd.* Prima est , dummodò ne fiat oppi-  
gnatio pro tanta summa , ut nulla sit spes luitionis.  
Tunc enim prohiberetur oppignatio , proinde sicut  
alienatio , cum ex tali oppigneratione hoc consequu-  
tur sit , ut vasallus in alium transferat , & dominum  
habeat què non vult. Altera limitatio est , dum ne va-  
sallus ex tali oppigneratione obligetur creditori do-  
mini sui. Hac igitur in re volunt differre dominû à va-  
sallo , cui ut suprà audivisti , non licet suum jus , quod  
in feudo habet , oppignera-  
re , ut ita dominus & vasal-  
lus non semper nec ubiq; ad paria judicentur , neque  
dominus per omnia & in omnibus vice reddere ne-  
gatur vasallo , hîc enim illa regula fallit : Ratio diffe-  
rentiæ est ; quia oppigneratione proprietatis facta à  
domino , modò iis conditionibus & limitationibus ,  
quas dixi observatis non tantoperè præjudicat vasal-  
lo , quantum ea , quæ fit à vasallo , nocet domino : quid  
enim interest vasalli , utrum dominus suum jus alte-  
ri obligarit nec ne , dummodò ipse retineat posses-  
sionem feudi , & fructus ille percipiat , quos solebat ,  
nec

nec alteri quàm cui solebat, obligetur aut serviat, nec periculum sit translationis inde secuturæ. Quàquam autem hæc ita se habent, tamen D. *Hotom. ad d. §. ex eadem lege, l. 34. de leg. Conrad.* (ubi ipse legit *Lotharii*) dissentit à vulgari hac opinione, quam negat se concouere posse. Nititur hac ratione, quia regulariter, ubicunq; prohibita est alienatio, ibidem oppignerationis quoq; sit prohibita: Sicut contrà, ubi alienationi locus est, ibidem sit etiam oppignerationi, *l. ult. C. de reb. alien. non alien. l. 1. in fin. ff. quæ res pig. obl. p. l. 9. ff. de pig. l. 1. C. de rem alienam gerens. v. g. Proprietarius potest jus nudæ proprietatis per venditionem alienare, l. 38. ff. de usufr. leg. gloss. ad d. l. 2. C. de usufr. Ergo eandem & oppignere potest, d. l. 2. Ita usufructuarius suum usumfructum & vendere potest, & oppignere, l. 2. si is qui 8. ff. de pignor. Ita superficiarius superficiem suam sicut potest vendere, sic & oppignere, l. 5. ff. de pign. act. Sic olim emphyteuta non minus potuit alienare, quàm oppignere jus suum, quod in agro vectigali habet, sed alienandi facultatem Justinian. ei abstulit in *l. ult. C. de jure emphyteut. oppignerandi* ramen reliquit, *l. lex vectigali 31. ff. de pignor. l. tutor. 16. §. ult. ff. de pign. act.* Ad argumentum autem quod sumitur à proprietario rei usufructuariæ, respondet *Hotom.* longè diversissimam esse rationem feudi & usufructus. In feudo autem inutile esset pignus, propter perpetuam in ea successionem, quod secus est in usufructu, qui certis ex causis, & longè citius ac facilius ad proprietarium revertitur. Illud quoq; pro sententia *Hotom.* facit, quòd dominus non possidet feudum, sed vassallus: non potest igitur in creditorem transfere possessionem, quam ipse non habet, vulgatâ regulâ juris. Existimò tamen à communi opinione non temerè hîc esse recedendum, maximè si duæ illæ conditiones & limitationes suprâ indicatæ observentur.*

§. D. *Audivi prohibitam esse domino alienationem proprietatis feudi, & vassallorû translationem in alium. Quid igitur si dominus cõtra hanc prohibitionem venire præsumpserit, privabitur no jure suo, an non?*

M. Quamvis Baldi opinio fuerit, dominum ex hac causa proprietate sua non excidere, sed tantum huiusmodi alienationem ipso jure nullam esse, & pro non facta haberi, ad § *si quis fecerit, tit. 22. lib. 1.* eamque opinionem mitiorem & æquiores fateantur, *Alvar. Prapof. & alii ibid. quam & Franc. Sonsbec. quinq; rationibus sustinere conatur, p. 13. nú. 180. cum 2. seqq.* Jure tamen verius videtur contrarium, quamvis fortè sit rigidius, ut scilicet ob id privari possit sua proprietate, non minus quàm vasallus suo jure exui posset ob alienationem invito domino factam. In hac sententia est *gl. in tit. 6. lib. 2.* eamque opinionem communiter sequuntur feudistæ. Vide *Iul. Clar. quest. 28. nú. 3. Bern. Wurmbf. t. ff. de feud. obs. 29. & Hart. d. obs. 40. n. 13. & 14.* Fatetur ramen ibidem *Clarus* hoc à dominis de facto malè observari. Sed nos non quid fiat Romæ, sed quid fieri debeat, quærimus.

6. D. *Potestné dominus à vasallo exigere laudemium seu honorarium aliquod pro investitura renovations, & beneficii confirmatione?*

M. Jure feudorum communi non potest, nihilque hoc nomine vasallus domino debet. Moribus tamen quarundam regionum hoc receptum est, sicut de Gallorum moribus testatur *Duar. c. 13. n. 9:* apud eos deberi laudemias perinde, ut jure civili in emphyteusi debetur quinquagesima pars preii, ut est in *l. ult. C. de jure emphyt.* Et novimus in Germania Nobiles vassallos, qui feuda ab Imp. consecuti aliis subinfeudarunt, ea lege, ut de illis subvasalli sibi dent laudemii loco decimam partem æstimationis, quoties venditum aut permutatum fuerit feudum; vicesimam verò, quoties vel is qui subinfeudavit, vel subvasallus fuerit mortuus. De quo negotio dubites meritò, sitné feudis, an verò contractui emphyteutico potius annumerandum.

7. D. *Potestné dominus collectas imponere subditis?*

M. Collectas (vulgò etiam vocant *tales*, itemque *gabellas*) regulariter non potest inferior aliquis exige-

re: quia ius collectandi, & vectigalia imponendi est unum de regalibus, quæ supremo Principi superiorem non recognoscenti reservata sunt; quin & ipse Imp. non nisi ex rationabili causa collectas & vectigalia imponere debet, ut docet *Roland. à Valle conf. 91. vol. 2.* Imò inter conditiones Imp. creando propositas etiam hæc una est, quòd sine adîensu Electorum non liceat ipsi ullum portorium, aut vectigal novum instituire, ut videre est apud *Iohan. Sleid. libr. 1. commen. in Elect. Caroli V.* Huc pertinet tit. *C. vectigalia nova institui non posse.* Vide *Mynscent. 5. obs. 29. & Borch. in explic. cap. quæ sint regalia, à num. 45. usq. ad 55. Iul. Clar. quoque hac de re agit, quæst. 29. in §. feud. ubi concludit dominum aliquem inferiorem non posse collectam ullo casu imponere subditis, nisi hoc ipsum jus in speciem adquisiverit, vel ex pacto, vel ex consuetudine loci, quibus adde ex *Myns. d. observ. 29.* vel ex præscriptione. His vicina est illa quæstio, an possit dominus cogere subditos ad molendum in suo molendino, vel etiam ad coquendū panem in suo furno, & non alibi? de hac quæstione vide *Iul. Clar. in §. feudum, q. 30. & addit. ibid.* Summa hæc est, regulariter non posse dominum eos cogere ad id faciendum, quia cōtractus locati & conducti est, qui fit consensu. Exceptiones esse tres: Prima, nisi privilegio vel consuetudine dominus tale jus adquisivisset adversus subditos, ut nō liceret ipsis alibi molere, vel panem coquere, quàm in suo forno vel molendino. Sicut sæpè fit, ut nemo alius possit in vicina molam aut furnum extruere. Secundò, nisi domini prohibitioni longissimo tempore adquievisset subditi, nec alibi interim moluissent, aut coxissent. Tertiò, nisi molendinum aut furnus pertineret ad fiscum, atque ita in tali prohibitione versaretur utilitas publica.*

8. D. *Estné & aliud reale jus, quod domino in feudo competit?*

M. Est: nempe hoc, ut vasallo sine liberis virilis sexus, vel adgnatis mortuo, tota, inquam, ejus stirpe deleta,



& omnibus adgnatis deficientibus feudū reverteretur ad dominum, ut ei apertum & commissum, tanquam vacans & caducum, de quo vide *tit. 11. 15. 18. 26. § 31. lib. 2. feud.* quomodo non tantum minora feuda ad suos dominos reversa, sed etiam regna & ducatus & Marchias sæpè legimus recidisse ad Imp. Romanum, sicut de regno Bohemix jure<sup>o</sup> feudi reverso ad Imp. Ro. testatur *Albert. Kranz. lib. 7. Vand. cap. 46.* Et de Marchia Brandeb. *lib. 8. c. 3.* Sic Pontifex non ita pridem Ducatum Ferrariensem tanquam feudum Ecclesiæ Rom. apertum occupavit, expulso dejectoq; duce. Atq; hæc de acquisitione feudi. Jam deinceps oportet cognoscere causas propter quas feudum semel constitutum, & acquisitum amittatur.

## CAPUT V.

*De AMISSIONE feudi: Et primum de ea que cōtingit in persona vassalli ob ejus culpam tam commissionis, quàm omissionis, circa personam ipsius senioris: deinde in res ejus vel feudales vel alias: tum circa personas eorum, qui senioris potestati vel affectioni subjecti sunt: Deniq; circa extraneos.*

I. D. Posteaquam de feudi constitutione & acquisitione, itemq; de constituti, atq; acquisiti jure, tam quod vassallo competit, quàm illo quod domino, satis dixisse videris: Cupio cognoscere de amissione quoq; ejusdem, & ad quem feudum amissum revertatur, nam de remediis conservandi retinendiq; feudi expectabo, ut dicas infra inter actiones pro feudo competentes. Nunc igitur de amittendo finiendq; quid habes dicere?

M. Primum illud velim meminere, quamquam ut Paulus in sententiis *libr. 3. tit. 6.* subtiliter distinguit inter hæc duo, amittere usumfructum, & finire, nempe ut tūm propriè dicatur ususfructus amitti, cū intervenit culpa usufructuarii, puta, si is non utatur per  
tempus

tempus & modum, &c. finiri autem, cum aliter sua natura & per se absque usufructuarii culpa usufructus extinguitur, nempe morte aliisq; modis: ita etiam in feudis videatur distinguendum, ut ea tantum dicamus amitti, non autem propriè finiri, cum hodie feuda facta sint perpetua: tamen ista subtilitate non esse opus, ideoque hoc discriminè insuper habito, dicere possumus, finiri feudum, cum volumus significare ejusdem amissionem: nam & Imperator in §. *finitur. Instit. de usufr.* differentiam illam Pauli negligens, promiscuè utitur his terminis, *finiri vel amitti usumfructum*. Igitur nos quoq; in hoc tractatu duobus istis verbis promiscuè pro eodem utemur, sine vitio feudum finiri vel amitti. Præmittenda est autem huic tractationi ista regula, quæ aliquoties in libris feudorum repetitur: *Feuda semel legitimè constituta & acquisita non posse vasallo rursus eripi à domino, sine justa causa*: sive quod idem est, *nō posse vasallum ritè institutum absq; causa devestiri, aut beneficium amittere debere, aut adimi de possessione beneficii*, ut *l. 7. li. 1.* ubi hæc dicitur esse natura feudi, intellige natura non initialis (per hanc enim poterant feuda tanquam precaria quædam ad nutum concedentis rursus auferri, ut suprâ alicubi monui ex §. *Quia videmus, tit. 1. lib. 1.* & ex Cardinali Cusano.) Sed ea natura quæ postea supervenit, vide etiam *tit. 21. §. 5. sancimus, tit. 22. lib. 4. feud.* quod etiam constitutione Imp. Cunr. cautum est, quæ extat *lib. 3. ll. Longobard. titul. 7. l. 3.* Nam quod ab initio fuerat voluntarium, nempe concedere feudum, ex post facto necessarium efficitur, ut rectè *Accurs. in gl. ad d. tit. 7. ex l. sicut §. C. de oblig. & act.* Differt ergò hac in re dominus à vasallo. Dominus non potest vasallum invitum sine causa expellere & fendo exuere, dd. locis. Vasallus autem si non amplius libeat feudum retinere, & domino servire, potest id refutare seu resignare domino: de qua facultate refutandi suprâ dictum. Differentiæ hujus ratio illa est; quia expulsio ista & privatio vasalli conjuncta esset cum ignominia vasalli; quæ non debet

debet addici innocens, sicut nulla pœna irrogari debet, nisi ei, qui peccat, *l. sancimus 22. C. de pœn. cum simil.* Refutatio facta domino nullam ignominiam ipsi adfert, nullum quoq; incômodum, si modò tempestivè fiat. Quia pro eo quodd deinceps cariturus est servitiis vasalli, recipit feudum pleno jure, de quo si vult, potest alium deinde investire, vel si id malit, retinere, & fructus inde percipere potest.

2. D. Ut igitur priore loco agamus de amissione feudi in persona vasalli, & posterius de ea, quæ contingit in persona domini, quot sunt causæ, ob quas vasallus feudum amittit?

M. Hujusmodi causas vix licet numero certo comprehendere: sicut etiam jure civili non potest certis regulis definiri: quando satis probatum sit, ut ipse fateatur feudista *lib. 2. tit. 24.* sed tamen informandi judicis causa ab Interpretibus quædam recensentur, ab aliis quidem plures, ab aliis pauciores. Et Hotomanus quidem in *disput. de feud. c. 41.* constituit 10. causas, ob quas feudum patrono sive seniori committatur: à quibus separat eas causas, ob quas feudum proximo agnato committatur. Utriusq; generis causas ab ipso petere licet. *Iohan. Borcholt. in cap. 8. de feud.* enumerat & explicat 18. causas: D. *Giphan. 12.* sed crimini ingrati (quæ ipsi est decima causa) subjicit duodecim species, ut ita in univertsum faciat causas 24. Omnium autem prolixissimū harum causarum catalogum texit *Ludolph. Schrad. civis noster in tractatu feudali, part. 9. per tota 10. capita*, rudius ac pinguius minusque artificiosè; sed tamen ad usum forensem ad commodatè recensens primis novem capitibus causas 47. quibus ex delicto vasallus feudum amittat: Et postea subjiciens ca. 10. aliquot causas alias, in quibus licet nullum versetur delictum vasalli, tamen feudum perdit. Causæ in quibus delictum versatur, sunt istæ: Prima, si negligat petere à domino investituram feudi intra annum & diem. Secundò, si recuset præstare jusjurandum fidelitatis: (Sed hæc duæ primæ causæ potius impediunt

A a

feudi

feudi acquisitionem, quàm illius inducant amissionem.) Tertiò, si debita servitia ei non præstet. Quartò, si dominum in prælio & discrimine vitæ constitutum deseruit. Quintò, si literas domini ad se missas parum honorificè acceperit ac spreverit in contumeliam domini. Sextò, si feudum absq; consensu domini alienaverit. Septimò, si vassallus domum & familiam domini libidinibus polluerit. Octavò, si incestum commisit. Nonò, si dominum ejusvè castrum vel arcem adfuerit, & oppugnaverit. Decimò, si patricidium perpetraverit, vel tale crimen quod appellatione patricidii continetur. Undecimò, si convassallum suum interfecerit. Duodecimò, si alios subditos domini malè tractarit. Decimotertiò, si tale quid commiserit, ob quod dici possit proditor. Decimoquartò, si qua infamia juris laborare cœperit, propter quam non possit amplius honestè stare in curia domini. Decimoquintò, si ipsi domino graves & inhonestas injurias reales intulerit, ut vulnera vel verbera. Decimosexto, si eidem verbales injurias graves intulerit. Decimoseptimò, si gravem patrimonii jacturam ipsi intulerit. Decimo-octavò, si inimicus ei esse cœperit. Decimononò, si amicitias cum inimicis ejus copulaverit. Vigestimò, si hostibus domini com meatum vel annonam per suum territorium præbuerit. Vigesimo primò, si domino per suum territorium, absque maleficio tamen proficisci volenti, denegerit transitum. Vigesimo secundò, si literas aut nūcium miserit ad hostes domini, aut signum illis dederit. Vigesimo tertio, si castrum, arcem, munitionē suæ fidei a domino concreditam tradiderit hostibus domini. Vigesimo quartò, si arcana domini revelaverit, aut enunciaverit. Vigesimo quintò, si matrimonium quod tractabat dominus, impederit. Vigesimo sexto, si ab alio quàm ab ipso seniore feudum recognoverit. Vigesimo septimò, si vel ipsum feudum, vel ejus conditionem & pacta investituræ appositæ domino abnegaverit. Vigesimo octavò, si malè utatur feudo, idq; per abusum reddat deterius. Vigesimo nonò, si an-

si annum canonem, quem fortè ex feudo domino debebat, non intulerit. Trigesimò, si domino justitiam facere negaverit, sive, causa denegatæ justitiæ. Trigesimoprímò, si contra dominum domini sui delinquat. Trigesimo secundò, si sit delator domini sui. Trigesimo tertió, si sciens dominum captum vel inclusum, cùm posset, non tamen liberaverit, nec redemerit. Trigesimo quartò, si alimenta egenti non præstiterit. Trigesimo quintò, si Ecclesiæ vasallus statuta aliqua condiderit adversus libertatem & immunitatem ejus Ecclesiæ à qua feudum habet. Trigesimo sextò, si noluerit Ecclesiæ decimas solvere. Trigesimo septimò, si crimen læsæ majestatis commisit. Trigesimo octavò, si rebellis fuerit contra dominum feudi, atque contra ipsum sumendo, vel exercitum conscribendo, vel aliis modis. Trigesimo nonò, si tributum, quod fortè domino debet ratione feudi, non solverit. Quadragesimò, si feudum ab alio possessum vi occupet expulso possessore. Quadragesimo primò, si pacta in concessione feudi adposita non servaverit. Quadragesimo secundò, si adversus dominum ingratus extiterit. Quadragesimo tertió, si contra juramentum fidelitatis venerit. Quadragesimo quartò, si judex pronunciaverit aliquem feudo privandum esse, eaque sententia transferit in rem judicatam. Quadragesimo quintò, si bona vasalli omnia fuerint publicata propter delictum. Publicatio enim facta, non quidem feudum ad fiscum devolvit, sed tamen vasallo ablatum restituitur domino. Quadragesimo sextò, si aliqua causa par vel major sit iis, quæ in consuetudinibus feudorum sunt expressæ. Quadragesimo septimò, ex quibuscunque causis potest quis justè exhæredari, & donatio revocari, & matrimonium dissolvi, ex iisdem etiam vasallum feudo privari posse dicunt, dummodò ex causæ ejusmodi sint, ut ad privationem feudi rectè & dextrè accommodati possint: hanc enim regulam sumunt vulgò ex § *prædictis modis*, tit. 24. lib. 2. de qua tamen quid

alii quidam sentiendum putent, dicam postea. Et has quidem *Schrader*. constituit causas, ex quibus ob delictum suum vasallus feudo privari possit. Addit deinde in *cap. 10.* alias septem causas, in quibus nullum versatur delictum vasalli, ut est primò Clericatus, vel monachismi professio à vasallo facta. Secundò, defectus seu debilitatio corporis, quæ inhabilem ad præstanda servitia efficit. Tertiò, defectus hæredis masculi. Quartò, refutatio. Quintò, cessio bonorum. Sextò, evictio. Septimò, revocatio feudi facta à domino ob superveniéntiam liberorum. In hac enumeratione & distributione causarum amittendi feudi illud fortasse desiderari potest; primum, quod nimis minutè in plura membra dissecat, quæ paucioribus comprehendi & absolvi potuerant, quod vitium reprehendere solet Plato. Deinde, quod quasdam causas etiam omittit, non solùm ex iis in quibus delictum versatur, sed etiam in quibus nullum, verbi gratia, interitum rei feudalis. Item, lapsum temporis ad quod feudum fuerat constitutum, item consolidatione, item præscriptionem libertatis, aliosq; modos, de quibus infra. Sed, ut suprà dixi, maluit ille pinguiore quadam Minerva, & ad usum fori ad commodatiore ratione scribere, quàm nimis esse sollicitus circa methodum artificiosam, quam ab ingeniosis hominibus, & veritatis studiosis aliam atq; aliam pro cujusque capto, vel etiam pro arbitrio institui videbat. *Anton. Cont.* has causas revocat ad quinque summa genera: *Amittitur* (inquit) *feudum vel voluntate, vel casu, vel crimine, vel culpa, vel negligentia.* Fornerius autem ad tria capita refert, nempe, ad *casum, voluntatem, & culpam.* Duarenus duo tantùm constituit summa genera: *aut culpa, aut sine culpa vasallus feudum amittit.* In qua aptissima certè partitione convenit ipsi cum *Schradero*, qui vult aut ob delictum, aut sine delicto ex aliis causis vasallum feudo privari. Quam Duarenus vocat *culpam*, ipse est *delictum.* Alii deniq; aliter. Nam omnium methodos & partitiones perscrutari, aut hîc referre, neque præ-

cium est operæ, neq; libet aut vacat. Posset quis etiam ita parti: Causas amittendi feudi alias esse voluntarias, alias involuntarias. Et hæc autem & illæ multifariam postea subdividi possunt. In *Contiana* illa partitione hoc primùm videtur reprehensionem mereri, quòd vir doctissimus culpam à negligētia distinguit, cùm tamen nihil aliud sit culpa, quàm negligentia, sicut lata culpa definitur nimia negligentia, ab *Ulpian. in l. cedere diem, §. fin. ff. de verbor. significat.* & magna negligentia culpa esse dicitur à *Paulo in leg. 2. 26. ff. eod.* Excusari tamen potest, si dicamus, Contium negligentiam vocare eam culpæ speciem, quæ in omittendo est: sic enim Interpretes culpam dividunt, ut alia sit in committendo, alia in omittendo, vide *gl. 5. Dd. ad l. si mora ff. solut. matrim.* & *Wesemb. cap. 15. de feud. nu. 5. arg. l. 164. ff. reg. jur.* Secundò, quòd Contius distinguit crimen & culpam, cùm etiam in crimine quolibet culpa versetur. Unde & *Fornerius* sub culpæ nomine non solum comprehendit delictum sive culpa, sive dolo commissum, sed etiam crimen. Sed hoc quoq; excusari potest, non solum ea ratione, quòd crimen verum committatur dolo, *l. 7. ff. ad l. Corn. de sicar.* qui à culpa differt plurimùm, ut *ad Instit.* audivisti, verùm etiam eo, quod interdum docendi causa minus adcuratè quis loquitur. Tertia reprehensio ipsi Contio communis esse potest cum *Fornerio*, quòd etiam is videatur sua voluntate feudum amittere, qui vel deliquit, vel crimen aliquod perpetravit, poterat enim non commisisse quod commisit, cùm nemo invitus delinquat, ut docet *Arist. 3. Eth.* Sed respondendum, sponte quidem delinquere, vel crimen perpetrare vassallum (quantum etiam nonnulla sunt delicta ἀνύστα, quæ ignorantia contrahuntur, ut est in definitione legis tradita à *Papiniano in l. 1. ff. de legib.* & apud *Demosthenem* citatum à *Martiano in l. 2. eodem titulo.*) Sed non tamen sponte sua etiam obligari ex delicto ad pœnam, quæ hic est privatio feudi. Delicta quidem ipsa sponte suscipiuntur, sed quæ inde oritur obligatio ad pœnam,



ea verò est necessaria & legitima, l. obligamur. §. 1. §. lege obligamur. ff. de obligation. & actionib. & catenus ἀνάσσεια συναλλάγματα vocantur delicta ab Aristotele §. Ethic. Sunt deinde etiā ἀνάσσεια, ratione ejus adversus quem delinquitur. Quis enim est, qui non mallet jura sua integra atque illæsa manere, quàm post ea vulnerata remedium quærere, & adhibere, eoq; nomine adversarium habere obligatum? *argum. l. ult. C. in quib. caus. in integr. restitut. necess. non est, & l. 1. C. quando lice. unic sine judic se vindic.* Unde & Terentius Eunuchus: *Malo ego nos prospicere, quàm hunc ulcisci accepta injuriâ.* Rectè igitur causæ amittendi feudi ex voluntate distinguuntur ab iis, quæ ex delicto, sive illud crimen sit: Illud quoq; initio observabis: Delicta committi à vasallo, aut in ipsum seniore, hoc est, vel in personam ejus eorumvè, qui ipsius potestati aut effectui subjiciuntur, vel in res ipsius: aut committi in alios extraneos, plurimumq; sæpè interesse, an adversus ipsum, an adversus alios fuerint commissa, sicut inferius apparebit, cùm quærimus de feudo amisso ad quem redeat: Præterea & hoc memineris: culpam sive delictum in materia feudali vocari *Feloniam*, idq; verbum commune esse in utriusq; persona, tam domini, quàm vasalli, §. *domino committente Feloniam, tit. 26. & tit. 47. feud. 2. Cuj add. tit. 2. lib. 1.* vocat militare verbum, quo non tantum rebellio significetur ἀνταρσία, sed in genere quælibet fraus, culpa, improbitas, putat ipse tractum esse ex Græco φήλωσις & φήλωμα, quod sanè reperitur apud Suidam, Hesiodum & alios, ut & verbum ipsius φηλώω, apud Æschinem in Agamemnone φῶς, ἐφήλωσε φρένας, lumen decepit oculos: verius tamen puto esse ex Germanico *Schelten* / vel *Fallen* / ut aliàs quoque dixi. Nimirum majores nostri ista mollitie verbi videntur mitigare voluisse asperitatem rei, perinde ut veteres Romani in sententia capitali ferenda dicebant: parum cavisse videri, *Erhats vbersehen* / quem tamen volebant intelligi graviter deliquisse. Vide

*Fest. & Briss. libr. 5. formular.* Porro Felonia alio nomine Longobardico etiam *Astaliu* dicitur, ab *astu*, ut videtur *Cujac. d. loc.* & inde verbum *astalire, tit. 5. & 17. feud. 1.* ubi tamen legitur vulgò *assalierit*, vel etiam *assilierit*. Quod posterius Hotomannus probat in *Lex. feud.* Sic *astaliu* facere exponitur decipere in *ll. Longobard. l. 6. tit. 1. feud. 1.* & animo asto aliquem occidere, vel casam incendere, est voluntariè doloque malo id facere, *l. 19. tit. 9. eodem libr. 1. & lib. 2. tit. 54. lib. 12. & lib. 15.* interdum etiam absolutè dicunt asto, ut *d. l. 12. & l. 1. tit. 19. lib. 1.* Quod autem Cujacius putat etiam apud Plautum dici *animum astum*, id est, dolosum, & apud Accium in Medea apud Non. *astam linguam*, pro fraudulenta & falsidica, in eo falli videtur vir doctissimus: nam quod ad Plauti locum attinet in Pænulo: *Scena: Fuit hodie: asto: non est nomen, sed verbum.* Sic enim sorori suæ soror: Misera timeo, quid hoc sit negotii, mea soror, ita stupida sine animo asto. Ut taceam, quòd non rectè citat verba Plauti interposito verbo, *est: mea soror* ita stupida est. Non enim de sorore alteri, sed ipsa soror de se ista loquitur. Deinde ad locum Accii, is apud Nonium in verbo *lactare*, ita legitur: Nisi ut astu ingenium lingua laudem, & dictis lactem lenibus. *Astu*, inquam, legitur, non *astà*, ut Cujacius. Et astu laudare est dolo malo, non ex animo laudare aliquem. De iis locis ita sentio: quæ tamen obiter dicta velim, & absque libidine contradi- cendi tanto viro, cùjus erit felix si quis vestigia ado- ret.

3. D. *Quid erat, quod antea innuebas à quibusdam reprehendi in vulgata regula feudistarum de causis amittendi feudi?*

M. Fabricarunt quidam Interpp. ex §. *predictis modis, tit. 24. libr. 2.* hujusmodi regulam: Quæcunq; sunt justæ causæ exheredationis & divortii ac repudii, itemque revocandæ donationis, adde & libertum in servitutem iterum redigendi: eadem causæ sunt va- sallum feudo privandi. Aliqui tamen non hoc voluisse

putant Obertum: sed hoc tantum, quod ob causas prius à se enumeratas jure ac merito quis feudo privari possit, quodq; illæ causæ nitantur tam naturali, quàm civili ratione; id intelligi posse, si quis contulerit novam constitutionem justas causas exhæredationis enumerantem (intelligit autem *Novell. 115.*) & alias veteres constitutiones, intellige *tit. C. de repudiis, Et. de revoc. donat. l. 9.* quibus adde *tit. de ingrat. lib. et lib. et liberis.* Ita post Franciscum Curtium sentit *Duar. c. 14 de feud. n. 25.* Item *Giph. in tract. de feud. quem fecit Ingolst. & Iohan. Schon. lib. 1. disp. feud. dist. 10. nu. 17.* Hic illud notabis, privationem sive ademptionem feudi sæpè ab historicis vocari *exhæredationem*, videlicet, propter similitudinem, ut eruditè observavit *Cujac. ad tit. 2. lib. 1. feud. idemq; repetit lib. 3. tit. 1.* Feudi, inquit, ereptio exhæredatio est: sicut etiam hoc utrobique rectissimè inculcat, causas removendi & abdicandi vasalli relinqui disceptandas judicio parium Curia, seu convasallorum; proindeq; non certas neq; legitimas, sed arbitrarias esse, perinde ut olim ante Justinianum causæ exhæredationis erant incertæ & in arbitrio positæ centum virorum, qui de inofficiosi querela cognoscebant, ut ad *tit. Instit. de inoffic. test.* dictum est. Vide etiam ad hanc rem *Iacob. Men. de arbit. judic. quest. casu 266. & seqq.* Solet hinc quæri communiter, an numerus causarum exhæredationis expressus ac definitus à Justiniano in *Novel. 115.* possit ampliari? an inquam, propter causas vel æquè graves, vel graviores possit exhæredatio fieri? quæ quæstio non est propria hujus loci, cum non sit de feudis, de quibus nulla valeat testatoris dispositio, ut supra dictum. Putat tamen *Schrader. posse p. 9. t. 9. n. 20.* ubi plurimos ad hanc rem allegat. Jason quoque prolixè in utramque partem disputat ad *auth. non licet, C. de liberis præter. Jul. Clar. in §. testa. quest. 41. n. 2. & ibid.* additio similiter affirmat, posse hinc fieri extensionem sive productionem, quæ in sententia meminì etiam esse *Hieron. Schurpf. in consil.* Diversa tamen in sententia est *Vigl. ad §. ult. Inst. de inoffic. testam.*

*& in §. ult. Instit. de exheredat. liberorum: pro qua facit, quod ait Imp. in c. 3. d. Nov. ut præter ipsas nulli liceat, &c. quam etiam probat & aliquot rationibus communit D. Giphart. in comment. C. ad d. auct. non licet, C. de liber. præter.*

4. D. Expecto à te explicationem si non omnium (quæ fortasse quia arbitraria, ut dixisti, infinitæ sunt.) saltem præcipuarum causarum amittendi feudum, ob quas inquam vasallus jure suo excidat: nam de domino, quomodo us suam proprietatem perdat, separatim te dicturum promissisti.)

M. Ne hîc quasi temerè vagemur, & promiscua velut turba causarum pariat tibi confusionem & obscuritatem, memoriæque officiat, placet certos limites nobis circumdare, intra quos contineatur cursus explicationis nostræ. Primum ergò videamus illas causas, & casus, quibus vasallus feudum amittit ex culpa: deinde visuri eos, quibus sine culpa. Culpam intelligis me hîc latissimè accipere, ut etiam crimina dolo perpetrata comprehendat. Et ex culpa quidem primum ea, quæ in committendo, quod quis non debebat facere: tum ea, quæ in omittendo, quod quis officii necessitate cogente facere debebat, versatur: Rursum quæ in committendo posita est culpa, aut adversus ipsum dominum contrahitur, idq; tripliciter, vel personam ipsius in corpore aut honore offendendo lædendoque, vel res ipsius ac bona, aut adversus alios, sed potestati adfectui vè ejus subjectos, ut sunt liberi, uxor, soror domini, domestica, &c. aut deniq; adversus planè extraneos, id est, neq; potestati, neque adfectui senioris subjectos, & hos vel singulos, vel universos, sive totam Rempubl. Ad has veluti classes non erit tibi difficile omnes causas privationis feudi, quæ unquam incidere possunt, referre. Et de his jam ordine me interrogare poteris, ubi prius te admonuerō de tribus: Primum est, in dubio judicem debere proniorem esse ad absolvendū, quàm ad condemnandum: quod quidem præceptum non in feudis tantum auferendis, sed generaliter in omnibus judiciis, maxi-

meq; pœnalibus valet, l. 155. factum, §. in pœnalibus causis benignius interpretandum est, & ibi Phil. Dec. ff. de reg. jur. c. 49. l. in pœnis, & ibi Dynus & Petrus Peccius de reg. jur. in 6. quæ de re etiam Senecæ libri de clementia consuli possunt, eodemq; pertinet Andr. Tirac. tractat. de pœn. temper. aut remittend. Secundò, quòd pleriq; Interpp. velint, pœnam privationis feudi nunquam habere locum, nisi expresso jure caveatur, quos vide apud Men. d. cas. nu. 16. Tertid, non deesse etiam qui existiment: quia toti nobilitati istiusmodi privationes & exempla revocatoria sunt præjudicialia; & quia non parum animos ipsorum alienos reddant ab amore & fidelitate dominorum (juxta illud nostrorum hominum Proverbium, *Alzu scharpff/macht scharfig: nimia asperitas odium parit*) inde factum & moribus introductum esse, ut etiam ex causis jure feud. expressis nō facilè soleat super commisso & privatione feudi pronunciari, sed potius alia pœna, & quidem pecuniaria pro qualitate admissi vasallo irrogatur, quam ad hoc extremum & asperissimum remedium perveniatur, quo velut mortuum membrum à corpore abscinditur, ita vasallus à domino rejicitur. Nam neq; Medici facilè ad sectionem & uisionem membrorum corporis humani descendunt, nisi frustra omnis alia curatio tentata sit, vide Wesemb. consil. 43 n. 116. cum seqq. Melch. Kling. cons. 60. inter consilia Modest. Pistor. vol. 1. & Modestinum ipsum cons. 59. & cons. 61.

5. D. Expone quæso casus, quibus vasallus feudo privatur ob culpam, & quidem circa ipsum dominum ejusq; personam immediate commissam.

M. Hujusmodi causas ferè tredecim reperio: quarum singulas suis textibus & auctoritaribus breviter comprobabo. Faciè autem princeps ac gravissima inter illas est, si vasallus dominū occidat, gladio, an veneno, an aliter, nihil interst, §. porrò, in verbis: *vel morti ejus insidiatus fuerit*: (rectius dixisset *vita*) tit. 24. lib. 2. feud. neq; id mirum: non solum enim à tanto scelere ipsam abstrahere debuerunt juris naturalis præcepta; alte-

alterum lædere prohibentia; sed etiam peculiaris illa sanctissimaq; necessitudo, quæ ipsi cum domino feudi intercedit, imò jusjurandum quod ei præstitit, cujus unum caput fuit, *Incolume*, ne scilicet vasallus in domino sit domino suo de corpore suo, ut habet verba textus *1. 6. lib. 2.* quo item promisit nunquam se fore in consilio vel auxilio, vel factio; quo dominus amittat vitam, *1. 7. ejusdem libri.* Si igitur non modò principiorum juris naturalis, & præcepti divini de non occidendo, verum etiam jurata hujus fidei suæ oblitus, domino vitam eripiat, dignissimus profectò est, cui non solùm feudum, sed & vita sua rursus eripiat, tanquam proditori & perfido, secundum illam terribilem sententiam ab ipso Deo prolatam: *Quicumq; effuderit sanguinem humanum, fundetur sanguis illius. Ad imaginem quippe Dei factus est homo*, Genes. 9. Item, *omnes qui gladium acceperint, gladio peribunt*, Matth. 26. Item, *qui in gladio occiderit, oportet eum gladio occidi*, Apocal. 13. Ampliatur hæc causa, ut vasallus feudo privari possit, ob solas quoque insidias vitæ domini structas, & ob solum assultum sive adgressionem, etiam si non fuerit secuta mors domini, sive etiam si insidiæ non pervenerint ad effectum, §. *similiter*, tit. 5. lib. 1. & §. *si scierit*, tit. 17. d. §. *porrò*, tit. 24. lib. 1. feud. & §. *si voluerit*, ubi Bald. tit. 51. & tit. 57. Zaspart. 10. num. 27. in fine. Et de adsultu vide eundem Zas. num. 37. & seq. Aliud tamen est, si tantum voluerit vasallus dominum offendere, nec tamen hunc adfectum, & pravam cogitationem produxerit in effectum: si non laboraverit, ut ait Feudista in d. §. *si voluerit*, ob hoc, inquam, feudo non privabitur, nam cogitationis pœnam nemo patitur, l. 18. ff. de pœn. cum similibus juribus, quæ Accurs. allegat in verbis, *feudum amittat*, d. tit. 51. Præclare in hanc sententiam scribit Laclantius in Epitome sua divinarum Institut. cap. 3. Poterant leges delicta punire: conscientiam munire non poterant. Cui similia sunt apud Tertullia. Neq; his adversatur quod ait Apulejus lib. 4. Florid. In maleficiis etiam cogitata scelera, non per-

perfecta adhuc, vindicantur, cruenta mente, pura manu: sufficit ad pœnam meditari punienda: nam cogitationem, sicut & meditationem sceleris, intelligit non nudam ac simplicem cogitationem in mente inclusam & retentam, sed quæ forâs ad actum procedit, sive quæ externum quoq; adsumit conatum. Hic conatus delinquendi, sive affectus, qui jam forâs prorumpere, & in effectum produci cœpit, cum quis quantum in ipso fuit jam complevit, & perpetravit, quod instituerat, habetur pro delicto. Quod pertinent illa in jure nostro: In maleficiis voluntatem spectari, non exitum: consilium uniuscujusq;, non factum puniendum esse; consilia hominum, non exitus rerum legibus vindicari: non quæri factum, sed causam faciendi, etiam qui effectum sceleris potiri non potuerunt, puniri tamen propter voluntatem perniciosæ libidinis, & similia. Sic Isidorus Pelusiota Epist. 399. ἀπὸ τῶν ἐπιχειρημάτων, ἢ ἐκ τῶν ἀποτελεσμάτων τὰ πρὸς γ-ματὰ ὡς τὰ πολλὰ κέινεται. Et consimiliter alicubi Diodorus Siculus. Vide Paulum lib. 5. sentent. tit. 23. & l. 1. cum l. 14. ff. ad l. Corn. de fisco. l. 7. C. eod. t. l. 1. ff. de extraordinar. crimin. Et rursus Paulum lib. 5. tit. 4. l. verum est 39. ff. de injuriis, l. 53. ff. de furtis, cum similib. de quo loco communi vide tractatum Felini, quem laudat & Zaf. part. 8. nu. 28. & Jacob. Spigel. in comment. ad Gunth. libr. 8. ad illos versus;

— Ne quis fore credat incultum,

Quicquid in angustos ausus committere reges,

Vel meditatus erit. Hotomannus quoq; ad d. §. si vo-

luerit, tit. 51. & Schrad. part. 9. d. c. 4. nu. 47. Item Iul. Clar. lib. 5. sentent. §. fin. quest. 92. & Jacob. Menoch de arbitr. jud. cas. 360. Acrius hîc est judicium Dei, qui etiam meditatam scelus vindicat pœnis ultatricibus; qua de re memorabile est exemplum Glauci, qui oraculum consultit: Num abnegans depositum impunè id laturus esset? ac responsum tulit: Ipsam hanc cogitationem de abnegando non fore impunitam. Cui quidem Apollinis di-

ctioni



tionem etiam eventus respondit, quando Glaucus cum tota domo sua periit, vide *Herod. lib. 6. & Iuven. Saty. 13.* Sed ad rem redeamus. Igitur, ut dixi, voluntas prava vasalli erit extra pœnam privationis, si non laboraverit, id est, si non accesserit conatus, qui pro delicto habetur, eo tamen discrimine quod conatus est, quasi in itinere, cum delictum sive crimen consistat in meta d. §. si voluerit. Quod autem additur ibidem, etiam si laboraverit, non amittere feudum, id rectè sic restringit ibidem gl. si eum pœnituerit antè quàm completeret, arg. l. 19. qui falsam, ff. ad l. Corn. de fals. Sed oportet ut ultrò destiterit. Nam si necessitate adactus, puta quod vel videret se impossibilia conari, aut quod ab aliis impediretur, nihil juvabit ipsum, neq; excusabit ulla pœnitentia: quomodo rectè alibi sentit gloss. tit. 5. lib. 1. in verbo, exercuerit, quam & Zas. probat, part. 10. num. 28. Imò etiam si jurasset vasallus necem domini, non punitur privatione, si non etiam fuerit cædes subsequuta, dummodò ne conjuraverit seu conspiraverit cum aliis in necem domini, ut Zas. ibid. n. 39. ex sent. Ifern. & Alvar. ad d. §. porrò, tit. 24. Aliud enim est jurare alicui simpliciter necem, aliud in ejus necem conjurare: quorum hoc illo gravius atq; atrocius habetur. De conjurationibus autem copiosè scripsit Collega noster Scip. Gentilis duob. libris.

6. D. Atqui pœnitentiâ suâ nemo nocens esse desinit, ut memini traditum ad Inst. ex l. 65. ff. de furt. l. pen. ff. vi bon. rapt. & l. 17. quis sit fugitivus, ff. de Edil. edict. cum similib. quare ergò hic pœnitentia veniâ dignâ censetur?

M. Regula illa vera est de delictis jam perpetratis & consummatis. Ab eorum pœna neminem excusat, nec veniam tribuit in judicio humano pœnitentia: sed à nondum consummatis, imò ne quidem inchoatis excusat. Ea namq; nondum sunt delicta. In conatu est locus pœnitentiæ, (& desistendi impunè erit, dummodò, ut dixi, desistat ultrò, nō coactus, neq; ab aliis impeditus:) in delictis consummatis non item. Quid quod ne quidem in jam consummatis perpetuè illa regu-

regula obtinet. Exemplo sunt ea, quæ allegat *Accurs.* in *dd. ll. & Hoto. in fin. comment. ad d. §. si voluerit.*

7. D. *Quid si vassallus defensionis sua gratia dominum occiderit, cum aliter evitare periculum non possit?*

M. Hoc casu non incurret in pœnam privationis, ut neq; in ullam aliam. Quæ est notabilis & verissima exceptio, tradita ab *Accurs.* in verbis: *vel morti. l. 24. li. 2. de qua prolixè agit Schrader p. 9. cap. 4. nu. 54. & seqq.* Nam quod quis ob tutelam corporis sui fecit, jure fecisse existimatur: & vim vi repellere omnes leges, omniaque jura petunt; & adversus periculum naturalis ratio permittit se defendere, *l. 3. ut vim. ff. de Just. & Jur. l. 4. §. l. 45. scientia, §. qui cum aliter, ff. ad l. Aquil. l. 1. §. vim vi. ff. de vi & vi armata. Cicero pro Milone. c. significasti, extr. de homicid.* Quod autem fit jure permittente, nullam meretur pœnam, *l. 4. Gracchus, C. ad l. Jul. de adulter. c. 40. qui peccat. 23. quæst. 4.* Et damnum quod quis sua culpa sentit, sibi, non aliis imputare debet, imò sentire non videtur, ut est in regula utriusque juris. Sed ea defensio fieri debet cum modamine inculpatæ tutelæ, cujus limites si vassallus excesserit, non evadet pœnam privationis. De qua inculcata tutela, (quam Germani vocant *ein Nothwere*) prolixè explicat *Od. ad d. l. ut vim, ff. de just. & Jur. & Pannonitan. ad cap. significasti, extr. de homicid.* Vide & *Jul. Clar. in §. homicidium, nu. 24. & aliquot seqq. Schrader. d. p. 9. c. 4. Val. Volz. in comment. ad l. Cornel. de sicariis, c. 7.* ut nunc taceam tractatus aliorum doctissimos de hoc defensionis argumento editos, ut *Zdanneti, Romulei, Jac. Novelli, Fort. Garcia, & Mar. Salomonii*: apud quos etiam hoc diligenter discutitur, an liceat alterum occidere ob defensionem rerum ac bonorum? Item, an ob defensionem proprii honoris, & an pro defensione personarum conjunctarum, an deniq; pro extranei alicujus defensione? quorum nonnulla etiam attingit *Accurs. in gl. ad §. si quis alium, in verb. vitam suam defendendo, tit. 27. libr. 2. feud.* quæ omnia pluribus hîc persequi, alienum est à nostro instituto.

8. D. *Estné & alia exceptio qua vasallus dominum occidens liber sit à pœna privationis?*

M. Altera est exceptio, nisi vasallus dominum in adulterio uxoris suæ depræhensum occiderit: tunc enim feudo privari non poterit. Rationes exponit *Schrader. d. cap. 4. num. 92.* Quod autem hic Dd. argumentantur à liberto ad vasallum ex *l. 38. si adulterium cum incestu. §. liberto. ff. ad l. Iul. de adulter.* ubi dicitur, liberto non esse jus occidendi patronum in adulterio deprehensum, quia cujus honori & famæ, ejusdem multò magis & vitæ parcere debeat: videtur mihi ea comparatio claudicare. Multò enim plura debet libertus patrono, quam vasallus domino, cum & beneficia multò plura majoraque ab eo acceperit, adeoque & novus homo per manumissionem factus sit.

9. D. *Qua est secunda causa?*

M. Si vasallus atroci aliqua injuria afficiat dominum. Ita enim accipies, quod ait *Feudista in d. §. porrò, tit. 24. Graves injurias intulerit.* Et huc pertinent verba in formula fidelitatis: *Quod tu recipias in persona tua aliquam lationem, &c.* Non autem ob quamlibet levem injuriam pœna privationis locum habet. Porrò unde æstimetur levitas vel gravitas atq; atrocitas injuriæ, traditum est in *§. atrox. Instit. de injur.* Vide & *Menoch. de arbitr. jud. quest.* Si igitur vasallus impias manus ingesserit in personam domini, id est, si eum vulnerarit (intellige non tamen animo occidendi: nam alioquin hoc ad primam causam potius pertineret) si verberarit, si pulsarit, meritò privabitur feudo: cum & donatio ob hanc causam revocetur à donatario ingrato, *l. fin. C. de revoc. donat.* & uxor à marito repudietur, *l. consensu. C. de repudiis*, & filius à patre jure exheredetur, *Novell. 115.*

20. D. *Dicitur tertiam causam.*

M. Injuriam reali rectè adjungemus, proximo loco verbalem, quam significare voluisse videtur *Feud. in d. §. porrò*, cum ait, vel inhonestas injurias: nam in ea quoq;

quoq; obliviscitur vasallus sui jurisjurandi, cujus unū caput fuit, Honestum, *tit. 6. lib. 2.* Juravit enim se non fore in consilio, vel auxilio, vel facto, quodd dominus accipiat injuriam vel contumeliam, vel quod amittat aliquem honorem, quem habet, habiturusve est. Idem dicendum si vasallus contra dominum libellum famosum sparserit, nam hæc quoq; & quidem gravissima est injuriæ species, *tot. tit. C. de famosis libellis.*

II. D. Dic quartam causam.

M. Quarta causa est, si vasallus in aliquo castro seu vico dominum vel ejus uxorem scienter per vim aggressus obsederit & oppugnaverit: Quanquam non malè fortasse hanc causam etiam retuleris ad culpam in res domini commissam, *d. §. similiter, tit. 5. lib. 1. & tit. 17. in verbis, si scienter seniores assalierint, & d. §. porro, tit. 24. lib. 2. feud.* sed hic opus est distinctione. Aut enim dominus ejusve uxor est in castro, seu vico proprio, aut in alieno. Si in proximo, non videtur attendenda scientia vel ignorantia vasalli, omninò enim ab obsidione & expugnatione castri dominici abstinere debuit, sive dominus in eo esset, sive abesset, item sive præsentiam ejus scierit, sive ignoraverit, dummodò hoc scierit, arcem illam esse domini. Si in alieno, tunc rectè utemur illa distinctione inter scientiam & ignorantiam. Idq; voluisse videtur etiam *Accurs. in d. §. similiter, in verbo, sciens*; eumq; secuti sunt & alii feudistæ, quæ sententia *Giphanio* quoque non iniqua videtur. Idèò autem requirimus scientiam; quia dolus malus, absq; quo crimen nullum committitur, non potest cadere in ignorantem & errantem, cum is qui errat non videatur consentire, *l. nihil consensui, §. ult. ff. de R. l. ubi vide gloss. in Phil. Dec. sed de hac re consulendus etiam est Ioh. Vaud. lib. 1. quest. 46.*

12. D. Dic quintam causam.

M. Si vasallus cum hostibus domini amicitias copulaverit, ut loquitur textus in *tit. 57. lib. 2.* Sed hoc ita accipe, dummodò amicitia illa cum inimicis domini sit conjuncta cum damno & fraude domini, & ejus

ejus tendat in perniciem : si, inquam, sit confœderatio, conspiratio, & conjuratio quædam contra dominum, alioquin enim simplex amicitia, quæ bona fide sine fraude & pernicie domini cum aliis quantumvis inimicis ejus coleretur, non debet vasallo nocere. Nam iniquum certè dominus ab eo postularet, si vellet eum mandatas iras & inimicitias suscipere ac gerere, omnesq; eos odisse, ac pro inimicis habere, quos dominus fortè odit, vide *Zaf. p. 10. nu. 32. cum seq. Borch. c. 8. nu. 121. cum 3. seqq.* ubi multa pulcherrimè tradit de præsumptione & conjecturis, quæ adversus aliquem existunt ex pravo sodalizio. Unusquisq; enim talis esse, aut certè fieri, aut futurus præsumitur, quales sunt ii, quorum consuetudine gaudet, & quibus familiariter utitur : Si boni, bonus; si mali, malus. Oraculi enim instar est illud Menandri à D. Paulo quoq; laudatum, *1. ad Cor. 15. φθείρουσιν ἡθὴ καὶ ὁμιλίαι κακαί.* Id est : *Bonos corrumpunt mores congressus mali.* Sic enim Græca reddit Tertullianus *libr. 1. ad uxorem* : ubi eleganter ait, hunc versum sanctificatum esse ab Apostolo : cum quo conveniunt quæ scribit Euripides, referente *Diod. Sicul. lib. 12. Bibliotheca* :

*Si quis malorum gaudeat consortio,  
Non quero quali sit præditus indole,  
Ut certus iisdem præditum esse moribus.*

Nam ut ait *Floridus* in carmine pulcherrimo de qualitate vitæ, quod refert *Iust. Lips. lib. 1. Elect. cap. 5.* & primus in lucem edidit *Pet. Pithæus* :

*Qui mali sunt, non fuere matris ex alvo mali:  
Sed malos faciunt malorum falsa contubernia.*

Ea manifestò adparet sumpra esse ex Theogignomis. Congruit quoq; verus Senarius : κακοῖς ὁμιλῶν καὶ τὸς ἐκλήσῃ κακός, hoc est : *Si cum malis deges, malus quoq; ipse eris.* Et alter : Αἰσχρῶν παρ' αἰσχρὰ πρᾶγματ' ἐκδιδάσκειται. *A turpibus discuntur acta turpia.* Magna igitur hîc opus est cautione vasallo, & rectiùs fecerit, sibiq; consuluerit, si à familiaritate inimicorum domini

abstinuerit. Nam si hoc nomine à domino accusetur, scire debet, præsumptionem fore contra se, quæ onus probandi in eum transferet, ut doceat, se bona fide, non in fraudem domini, neque maligno proposito amicitiam cum ipsius inimicis junxisse. Ac meritò hunc passum dubitabilem vocat *Zaf. d. num. 33.* in quo res tota sit committenda arbitrio, & discretioni judicis, tanquam boni viri. Putarim autem illud quoque meritò hîc considerandum, quando quis cœperit amicitiam jūgere cum inimicis domini: utrum antè quàm ei inimici fierent, an postea, nam certè minor est præsumptio contra eum, qui antea, quàm qui postea amicitias copulavit, cū non posset futuros casus providere. Quæ omnia ferè sensu communi quoque dijudicantur. Non desunt tamen, qui à *Zafio* aliisq; hac in re dissentiant; & putent in dubio probationem incumbere ipsi domino adfirmanti amicitiam vasalli, quam is cum inimicis contraxit, spectare ad suam offensionem & perniciem. Vide *Nicol. Eberhard. in loco de tanquam si ve respectivis, sub num. 3. & Schrader. part. 9. cap. 5. Henric. Rosenth. cap. 10. conclus. 27. & Roland. à Vall. consil. 1. nu. 87. vol. 3.* qui plures allegant. Memorabile quoq; est dictum *Bald. in §. porro, tit. 24. lib. 2.* Vasallum non teneri pro domino suo gratis inimicitias procurare, vel alienum fieri à conversatione amicorum.

13. D. *Quid si vasallus quis sit duorum dominorum, qui hostilibus animis inter se dissidere cœperunt, & ab utroq; ad servitia militaria evocetur, quoniam hoc casu non potest ambobus inservire, si uni adsistat contra alterum, an ob id feudo alterius privari poterit? Aut quid si fœdus jungat cum alterius domini inimicis?*

M. Difficilis certè est hic locus, ad quem *Guilielmus Fernerius* ita respondet in *commentar. de feud. pag. 104. versicul. si tamen vasallus*: debere eum antiquioris domini partes contra posteriorem sequi, cui posteriori & novo si per id nocuerit, non propterea sit feudum perditurus. Novo autem domino debere ipsum vel

vel per substitutum servire, vel dimidiam partem fructuum seu proventuum illius anni dare. Allegat §. *illud quoque precipimus*, & §. *firmiter*, tit. 55. Sed satis impertinenter allegat, cum longè in aliis terminis illi textus loquantur. Quod insipienti per se manifestum evadet satis. Et quidem §. *illud quoque precipimus*, agit de subvasallo adversus domini sui, id est, primi vasalli delinquentem, an & quando feudum committatur primo feudi domino: alter §. *firmiter*, est de vasallo unius domini, huic vel servitia ipse in propria persona præstare debet, vel certè hostenditiarum loco partem fructuum. Quæ certè non possunt ad nostram quæstionem accommodari, quæ est non de uno, sed duobus dominis: non etiam de subvasallis, sed vasallis. De antiquiore autem domino cæteris omnibus præferendo facilè largior: & est text. in §. *contra omnes*, in fin. tit. 28. libr. 2. Sicut de Imperatore in omni sacramento fidelitatis nominatim excipiendo, est §. *fin. d. titul. 55*. Et suprà jam diximus. Concludit tandem Fornerius, malle se armis positus domi manere, & utrique dominorum dimidium fructuum unius anni pendere, quàm alterum dominum lædere. Rectè sanè atque pacificè. Verùm non hîc quæritur, quid nos malintus, sed quid jus ferat, & num feudo privari possis ab eo, contra quem steteris pro altero. Ut illud taceam, absurdum videri, simul utrique adversantium dominorum suppetias ferre, alteri quidem præstitis servitiis per teipsum, alteri verò per substitutum, aut datis hostenditiis, quod certè nihil aliud videtur, quàm in utrumque latus claudicare, & contra Evangelicum  $\pi\eta\rho\nu$  duobus dominis servire. Nicol. Eberhard. in dict. loc. negat posse quem argui de feloniam seu infidelitate ad effectum privationis feudi ob confœderationes cum hostibus unius ex dominis contractas. Adfert ibidem exemplum de Duce Brabantiae, qui cum esset vasallus simul & Regis Galliarum, & Romani Imperatoris; illius quidem ratione comitatus Flandriae & Artesii,



Imperatoris verò ratione aliorum Ducatum & Comitatum confederationem fecerit cum Anglis vicinis, qui erant antiqui hostes regum Franciæ: quam confederationem defendit ut rectè factam, quæque non mereatur privationem feudi apud regem Franciæ; quia non fecerit eam tanquam comes Flandriæ & Artesii, verùm ut Dux Brabantie, & ratione aliarum ditionum, quæ nihil cõmune habeant cum rege Franciæ. Sic & alia sunt exempla magnorum Principum, qui respectu diversarum provinciarum & ditionum diversos agnoscunt feudi dominos: verbi gratia, dux Lotharingiæ partim Rom. Imper. partim verò Regis Galliarum est vasallus, sic & aliqui Principes diverso respectu sunt & Pontificis & Imperatoris Romani vasalli. Quamquam ea res miras sæpè confusiones & turbas excitare solet, de quibus non nostrum inter eos tantas decidere lites.

14. D. *Dic sextam causam, siue culpa in ipsius domini personam commissæ speciem.*

M. Si vasallus dominum accusaverit de crimine capitali, §. *item si delator. tit. 24. lib. 2.* secundum communem intellectum & gloss. & Dd. & §. *similiter, tit. 33.* ubi vide gloss. Rem seu causam capitalem intelliges, cujus pœna est mors, vel aquæ & ignis interdictio, cujus in locum successit deportatio, l. 13. ff. *de bon poss. l. 10. ff. de jure patron. l. 14. §. is demum, ff. de bonis libertorum.* Et quidem optimo jure ex hac causa vasallus feudo privabitur, cū etiam patronus & patroni filius excludatur à beneficio bon. possessionis, contra tabulas liberti, quod alii habent, si in testamento sunt præteriti, d. l. 10. ff. *de jure patron. cum similib.* Multò igitur magis vasallus ob hanc causam beneficium suum amittit. Deinde, quia & filius ob hanc causam exheredari potest, *versic. si in eos in crimine capitali, c. 3. Novell. 115.* Ampliatur autem hæc regula, primùm, ut etiam veritas criminis non excuset vasallum accusatorem à pœna privationis. Sic enim rectius sentire mihi videntur *Curt. par. 4. de feud. n. 62. Ferner. pag. 106. & Sensb. par. 12. n. 47.* qua gloss. Al-

varottus & alii ad d. §. *sic delator*. Unde etiam faretur Præpositus limitationem illam gl. mirabilem & singularem esse: sed nobis non tantum mirabilis, sed etiam planè falsa videri debet.

15. D. *Atqui delicta nocentium nota esse oportet, eaq; puniri expedit Reipubl.* l. 18. ff. *de injuriis*, l. 51. *ita vulneratus*, §. *quod si quis*, ff. *ad l. Aquil.*

M. Credo equidem; sed non inde statim hoc efficitur, quemvis promiscuè à quovis accusari posse, cū possit honestius ab aliis institui accusatio, quæ scèdè institueretur à tam necessariis conjunctisq; personis: vel etiam cū possit magistratus ex officio, & per viam *inquisitionis*, quam vocant, adversus nocentes procedere. Sunt enim etiam jure civili prohibitæ quædam personæ ab accusando, l. 4. l. 8. *cum aliquot legibus seqq. ff. de accusat.* cū autem generaliter loquatur textus prohibitorius in d. §. *similiter*, quidnī etiam generaliter atq; indistinctè cum exaudiamus, *argu. l. 8. de precio. ff. de publ. in rem act. cum similib.* Accedit quòd etiam filius patrem, & patrōnus ejusq; filius libertum, ne quidem de vero crimine accusare potest, de quo nemo dubitat *dd. ll. ut l. 10. l. 13. l. 14. §. l. 15. d. Nov. 115.* Hæc igitur prima sit ampliatio, quæ etiam confirmari potest per *l. ult. C. de delator. lib. 10.* Altera hæc esto: Etiam si vasallus dominū in causa levi accusaverit, magis enim probo sententiam *Sonsb. d. par. 12. nu. 47.* licèt alii vulgò contradicant, secuti glossam, ut videre licet apud *Schrad par. 9. c. 8. n. 5.* Tertiò, etiam si minor fuerit vasallus, qui dominum accusavit. Placet enim sententia *Guiliel. Forn. pag. 105* qui negat, huic ob ætatem veniam tribui oportere: nam tamen ætati & imprudentiæ fere succurrunt jura, ut est in regulis juris: tamen in accusatione id locum non habet; cum quæ potius malitia quædam conjuncta esse videtur, quàm imprudentia. Quarta ampliatio est, etiam si vasallus non per se ipse accusaverit, sed vel alium subornarit, vel per alio accusatore fidejusserit, ut rectè *Accurs. in d. §. item si delator, in verbo, perdit*; quem communiter

ibi sequuntur Feudistæ. Ex quâ gloss. obiter observabis varietatem lectionis in textu : Nam, pro *perdit*, aliqui libri habuerunt : *indignationem domini non evitabis*, quod rectè exponit Accursius, id est, feudo privari potest; quem & Zasius sequitur p. 10. num. 41. solet autem hodieque mandatis Principum adjici ferè comminatio indignationis, bey vermeidung des Herrenhöchster vngnade: quem morem in mandatis Principum perveritum esse, licet animadvertere in Epistolis Imper. Juliani. Quinta ampliatio huic vicina est, etiam si dominum accusanti alteri vassallus ad vocationem tantum præbuerit, ut docet Zas. numer. 24. d. part. 10. quamvis aliàs advocatus ab accusatore distinguatur, leg. 14. §. si patroni filius, ff. de bonis libertorum, l. 54. ff. de rei vindicat. si quis tamen cogatur vel officii ratione, vel à judice, necessitas excusata esse debet, ut rectè idem Zas. d. loc. & n. 50. post gl. in d. verbo, *perdit*.

16. D. Nullenè sunt ab hac regula exceptiones?

M. Imò excipitur primùm accusatio de crimine læsæ majestatis: nam ob hanc à vassallo adversus dominum institutam feudum non amittitur, gl. & communiter Dd. in d. §. item si delator. Verissimè id quidem, nam & filius patrem ex tali causa reum facere potest, sine metu exhæredationis, d. Nov. 115. & servus dominum, l. ult. C. de delatorib. lib. 10. l. 7. ff. ad l. Iul. majest. cùm aliàs servorum delationes contra dominos non audiantur, teste etiam Cicerone pro rege Dejotaro: neq; etiam servi in caput domini torqueri debeant, ne videlicet in causis dubiis salus domini ipsorum arbitrio commissa videatur, qui ferè hostilem animum in dominos gerere consueverunt, ut eleganter Paulus in l. unic. §. servo. ff. de quasi. & in libr. 5. sentent. tit. 16. ubi vide Cujac. Unde nec in crimine læsæ majestatis delationes servorum in dominos quidam Imp. admittendas censuerunt, fortasse rectius. Vide Cujac. ad l. ult. C. de delatorib. Ided autem ad accusationem hanc admittuntur istæ personæ, quæ a-

liàs

liâs removerentur; quia publica utilitas & salus, quæ hîc vertitur ac periclitatur, omnibus privatis utilitatibus & necessitudinibus meritò antefertur, *argum. l. minimè, ff. de religiof. leg. 3. C. de primipilo, libr. 12. cap. 3. extra de postulatione prelatorum*, quò pertinent, quæ aliâs addaxi ex Cicerone & Varrone: Patriam esse majorem & antiquiorem parentem, omnes omnium charitates in se una compiebam. Secunda exceptio est, nisi vasallus suam suorumq; injuriam persequatur: nam hoc quoque casu excusatur, *gloss. in d. verbo perdit. Zas. part. 10. num. 47. argument. leg. 14. §. si patris mortem, & §. si pater. ff. de bonor. libertorum, l. 11. in princ. & leg. 12. §. lege Julia ff. de accusationib. cum similib.* Tertia exceptio est, nisi vasallus impetrata abolitione p<sup>ro</sup>b instituta accusatione destiterit, priusquam peroraliter usq; ad sententiam, vel post interpositam appellacionem, quàm diu ea pender, *argument. d. l. 14. §. accusasse autem ff. de bonis libertorum. Zas. d. p. 10. num. 48.* Sed hîc distractio est necessaria; aut enim ideò quis vult desistere à cœpta accusatione, quòd crimen intentatum à se non possit probare: aut alia de causa, pœnitentia videlicet ductus. Priore casu privationis pœnam haudquaquam effugiet: posteriore excusabitur, ut rectè *gl. in d. verbo, perdit*; quam & alii communiter sequuntur.

17. D. De septimam causam.

M. Si vasallus testimonium dicat adversus dominum, §. *similiter, tit. 33. lib. 2 feud.* & rectè: nam & vox liberti, contra dominum improba esse dicitur, *l. 4. ff. de testib. Zas. part. 10. num. 50.* & clienti contra patronum non fuit testimonii dictio, teste Dionysio Halicarnassæo, & Plutarcho in vitâ Romuli. Distinguendum tamen est inter causas, in quibus testimonium vasallus reddit. Aut enim causa est criminalis, aut civilis. In criminali indistinctè arcetur à testimonio, sive magna gravisq;, seu modica ac levis sit causa. In civili autem modica tantùm admittitur, in magna non item, *Eguinar. Baro libr. 3. de benefic. c. 3. & in comment. ad d. §.*

*similiter, Cujac. lib. 2. feud. tit. 36. qui verbum, modica, suo loco motum rectè restituit: In criminali non licere, in civili modica licere. Quæ autem sit dicenda causa magna vel modica, relinquatur arbitrio judicis definiendum.*

18. D. *Nunquam ne igitur ob testimonii dictionem vasallus effugiet pœnam privationis?*

M. Imò: Exceptio prima est, si urgenti ac stricta coactione, cum seridè se accusaret ac reniteretur ad testimonium contra dominum perhibendum, pertractus à judice non attendente ullas excusationes, *Zaf. n. 49. d. part. 10. Borch. c. 8. n. 128.* non enim videtur dolo malo facere, qui jussu judicis aliquid facit, cui parere necesse habet, ut est in *reg. jur. l. 167. §. 1. ff. de R. l. jussus*, inquam, judicis & prætoris, alteriusq; magistratus excusat quemq; à dolo & culpa. Secundò, excipitur causa feudalis; verbi gratia, si lis sit super negotio investituræ, in hac enim potest vasallus impunè testimonium dicere contra dominum: imò non alii testes in investitura admittuntur, quàm pares curiæ, si haberi possunt, *tit. 32. & tit. 33. §. quod autem dictum est, libr. 2. feud. Zaf. sub d. n. 49. Forner. pag. 107.*

19. D. *Dic octavam causam si ve speciem culpa in ipsius domini personam commissa.*

M. Si vasallus delator domini sui extiterit, & per delationem illam dominum grave dispendium sustinere fecerit, *d. §. item si delator, tit. 24. lib. 2.* Etsi enim vulgò ferè eum textum accipiunt de accusatione, de qua paulò antè dictum; pro qua interpretatione faciunt cùm alia loca juris nostri, tum vel maximè *lex 10. ff. de jure patron. ubi dicitur eum qui nomen alicujus detulit, accusasse intelligi, quod item accusator nomen quod pro delatore usurpat, ut in l. senatus, & l. deferre, §. iidem decreverunt, ff. de jure fisci*, tamen probabiliter *Sonsbec. part. 12. n. 46. arg. §. si delator, in d. Novel. 115.* unde feudalis iste textus descriptus est; delatorem putat eum hîc accipiendum esse, qui fisco nunciat rem caducam, vel bona vacantia, vel commissam, vel erepti-

tia,

tia, item tacita fideicommissa in fraudem legum relicta in rapacibus, aliaq; bona hujusmodi, quæ ad fiscum pertinent, & ab aliquo possidentur. Hoc genus hominum etiam nuntiatores dicuntur, l. 3. *C. de injuriis*, & quadruplatores, à quarta videlicet, quæ ex illis bonis fisco nunciatis præmii loco ipsis cedebat, idq; vulgare præmium delatoris dicitur in l. 13 §. *extor. ff. de jure fisci*, quod eruditè explicat *Cujac. lib. 19. obser. c. 3.* Vide etiam eundem ad tit. *C. de dilator. lib. 10.* Item ad sententias *Pauli lib. 5. tit. 16.* Cum autem sæpè abuterentur jure delationum etiam adversus innocentes, quos calumniosè deferebant, non tam amore ac studio juris fiscalis conservandi, quàm præmii duntaxat sui causa: hinc factum, ut perinde apud Romanos odiosum esse cæperit nomen delatorum & quadruplatorum, atq; olim apud Athen. Sycophantarum: Unde & ab Imp. unum maximum vitæ humanæ malum dicitur execranda pernicies delatorum, & humani generis inimici delatores, l. 1. §. l. 10. *C. Theod. lib. 10. t. 10.* & à Synesio in Epistolis communes alastores regionis. A bonis etiam principibus sæpè urbe pulsi sunt delatores, unde Martialis:

*Exulat Ausonia turpis delator ab urbe.*

Rectè, *turpis delator*; nam probrosum est dici delatorem, & hoc nomine injuriarum judicio experiri licet, ut est in *leg. 3. C. de injur.* atque hanc interpretationem *Sonsbecii* etiam comprobant verba sequentia in d. §. *item si delator*: Grave dispendium, quæ manifestò accipienda sunt de bonis, quæ tertius dominus amittit ex illa delatione seu nunciatione fisco facta. Ex accusatione verò non tam in bonis, quàm in capite & vita læditur reus, *auth. bona defunctorum. C. de bon. dam.* Dispendium, inquam, ut & contrarium illi compendium de bonis propriè dicitur, non de vita.

20. D. *Dic nonam causam.*

M. Si vasallus judex sit, & sententiam ferat contra dominum in causa magna & gravi, quæ sententia postea in judicio appellationis ex iisdè actis reformetur:

Bb 5 dum.

dummodò sit suspicio doli, fraudis vel latæ culpæ cōtra vasallum, *Zaf. p. 10. n. 47. juncto n. 50. Curt. p. 4. nu. 73. Nic. Vigel. in method. jur. feud. c. 5. causa 29.*

21. Q. *Quæ est decima species culpe in ipsius domini personam commissæ?*

M. Revelatio arcanorum domini dolo malo facta à vasallo, ut domino noceret. Quod Feudista his verbis significat in *tit. 17. libr. 1. si credentiam ad eorum damnum scienter manifestaverint*. Hoc etiam juravit inter cætera vasallus, ut est in formula fidelitatis *tit. 5. lib. 2. in verbis: nec id, quod mihi sub nomine fidelitatis commiserit dominus, pandam alii ad ejus detrimentum, me sciente*. Item *t. 7. in verb. et si aliquid mihi de secreto manifesta veris, illud sine tua licentia nemini pandam, vel per quod pandatum faciam*. Notandum est autem, quod in *d. r. 17. lib. 1.* additur adverbium, *scienter, & t. 5. li. 2. me sciente*. Quibus verbis significatur dolus malus & studium, consilium ac propositum nocendi. Si igitur absque dolo malo, non *damnificandi animo*, ut loquitur Accur. ad *d. tit. 17.* aliquid fortè arcani, quod reticendum fuerat vasallo exciderit imprudenti, quamvis id forrè redundet ad damnum domini, non tamen ob id feudo privabitur, *arg. l. qui injuria. 53. ff. de furt. & arg. l. 79. fraudis interpretatio. ff. de reg. jur.* ubi eleganter Papinia, semper in jure civili fraudis interpretatio non ex eventu duntaxat, sed ex consilio quoq; desideratur. Faciunt huc, quæ dicta sunt ad *Instit. §. in fraudem, tit. qui & ex quib. caus. manum*. Addit *Zaf. d. p. 10. n. 35.* hanc exceptionem nisi supina & crassa ignorantia esset, quam ait dolo æquiparari. Quod mihi non probatur, ea ratione, quia in delictis & pœnis, ut hîc certè agimus de delicto & pœna privationis, lata culpa non æquiparatur dolo, sed in contractibus tantum. Deinde quia à dolo quævis etiã fatua causa excusat, ut est caltatitium.

22. D. *Quid si vasallus animo & proposito maligno arcanum domini manifesta verit, ut damnum ei daret, & tamen eventus damni non fuerit subsequutus, an adhuc privabitur feudo?*



M. Videbatur dicendum, hoc casu non habere locum pœnam privationis, & quia in manumissione aliaque in fraudem creditorum facta alienatione conjunctim requirimus utrumq; , consiliū, inquam, & rem ipsam, sive eventum damni, l. 10 ff. quib. & à quib. manumiss. lib. l. ait prator, §. 1. ff. quæ in fraud. cred. Et sanè ita nonnulli existimarant, ut *Alvartus*, *Curtius* & *alii*, quos refert *Rosenthal* cap. 10. conclus. 60. Sed contrarium verius est, cum in maleficiis voluntas spectatur, non exitus, l. 14. *Divus*. ff. ad l. *Cornel. de fscar. cum similibus*: & quia solus etiam conatus delinquendi puniatur, ut suprà dicitur, de quo vide etiam *Zaf. num. 35*.

23. D. Quod si dubium sit, quo animo vasallus domini secretum enunciaverit, & ipse quidem dicat, se dolo & consilio nocendi caruisse, dominus autem non acquiescat, utri incumbet privatio, vasallone an domino?

M. Quemadmodum aliàs semper contraeum est præsumptio doli, qui rem fecit illicitam, quæq; sit de genere prohibitorum, l. 1. & ibi omnes *Dd. notant. C. ad l. Corn. de fscar. Rol. à Vall. conf. 52 n. 33. vol. 4. Cravet. conf. 2. n. 12. lib. 1.* ita hic quoq; contra talem vasallum præsumitur, quod dolo malo vulgarit arcanum. Quare si dicat dolum malum à se abfuisse, hoc ipsum tenetur probare, ut quilibet reus suam exceptionem. Probat autem suam innocentiam & sinceritatem vel ex conjecturis ac circumstantiis, puta, quia non inimicis, sed amicis domini talia detexerit, in quos nihil sinistra suspicionis cadebat, &c. vel etiam quod extremum remedium, & quasi sacra anchora erit per jurandum purgationis, cui standum erit: nam aliàs quoq; traditum est, ea quæ in animo hominis consistunt, verbi gratia, bono an malo proposito quis fecerit quid jurejurando decidenda esse. Cauti ergo & circumspecti esse debent vasalli, nec pleni rimarum, qui ut *Comicus* ait, *hac atq; illac persuuant*, ne se in has difficultates sua futilitate conjiciant; mentores illius quod est apud *Horat. lib. 1. Epist. 18*.

*Arcanum nec tu scrutaberis ullius unquam:*

*Commissusq; reges & vino tortus & ira.*

Item Satyra 4. lib. 1.

*Fingere qui non visa potest, commissa tacere*

*Qui nequit, hic niger est; hunc tu. Romane, caveto.*

Cumque omnis arcani enunciatio futilis sit ac fœda, tum maximè ea odiosa ac detestanda est, quæ sit ab iis, qui ex amicis inimici aliquando facti sunt; in re militari quidem, qui secreta sive consilia renunciant hostibus, capitis quoq; pœnam luunt, & aut vivi exuruntur, aut furcâ suspenduntur, l. 6. §. exploratores, ff. de re militari. l. 38. §. 1. ff. de pœn.

24. D. *Quid si vasallus literas domini aperuerit?*

M. Puto hanc quoque justam esse privationis causam, maximè si argumentum earum revelaverit inimicis domini ad ejus perniciem. In genere autem quæ sit pœna proposita aperiendi literas alterius, vide apud Wurmbs. tit. 47. obser. 25. ubi docet aliquando pœnam esse l. Corn. de fals. aliquando extraordinariam stellionatus, prout scilicet aliquis ad legendas dederit ac prodiderit adversario scribeutis, vel ipse tantum pro se legerit. Illud hinc quoq; obiter observabis ex doctrina Bald ad fi. tit. de pace Constantia: Senatorem, quem vocat ipse Ancianum, qui arcanum revelet in damnum communitatis suæ, removeri debere ab officio, quod & Zas. probat nu. 36. part. 10. & observat. commun. prax. in consiliis enim inprimis requiritur taciturnitas & fides.

25. D. *Quæ est undecima causa?*

M. Si vasallus contra dominum famosam aliquam actionem instituerit, tex. & gl. in verbis: *Salva reverentia*, t. 22. & t. seq. vers. *quomodo*, li. 2. feud. hujusmodi enim actio, quamlibet sit civilis, tamen proximè accedit ad accusationem & crimina, in quibus etiam condemnatum sequitur infamia, l. 7 ff. de publ. jud. l. 1. ff. de his qui not. infam. Argumentum quoq; ducitur à liberto & patrono; quorum ille non debet huic ullam famosam actionem intendere, quod suprâ latius probavimus,

mus, cùm de reverentiâ domino à vasallo debita diceremus: quibus addere potes quæ scribit *Rosenth.c. 10. concl. 32.*

26. D. *Nullane est exceptio?*

M. Exceptitur vasallus, qui atroci & reali aliqua injuria à domino adfectus contra ipsum agit, de quo vide *Wesemb.c. 10. nu. 15. ubi adlegat gl. & Dd. inc. 1. §. item si delator, tit. 24. lib. 2.*

27. D. *Sed an etiam ob interdictum unde vi adversus dominum propositum agens vasallus feudo privabitur?*

M. Hæc est duodecima causa amittendi feudi secundum aliquos, sed non caret controversia. Sunt enim qui volunt indistinctè cum hoc interdicto experiri contra dominum non posse, ut *Zas part. 11. n. 23. & seqq. Forn. de feud pag. 93. Menoch. de recuperanda possessione remed. 1. num 96.* Ex illorum igitur sententia locum habebit pœna privationis, si vasallus hoc interdicto uti voluerit. Alii contra interdictum hoc vasallo concedunt, ut *Jacob. de S. Georg. Andr. de Ifern.* quem refert & probat etiam *Myns. cent. 4. obser. 91. in vers. quare non ineptè Borch. c. 9. nu. 18.* qua in sententia fuit etiam Vincentius in Speculo doctrinali citatus à *Cujac. tit. ult. in fin. lib. 2.* ex horum sententia non amittet vasallus feudum suum ex hac causa. Alii deniq; distinguunt inter vim armatam & inermem, ut ob illam quidem possit vasallus interdicto unde vi agere adversus dominum, ob istam non item, sed uti debeat actione in factum, *Men. d. remed. 1. n. 98.*

28. D. *Quæ est decima tertia causa?*

M. Inficiatio seu abnegatio domini vel feudi, vel totius, vel partis, vel etiam qualitatis & conditionis feudi facta à vasallo sciente dolo malo seu fraudulenter, §. *vasallus si feudum*, & §. *vasallus feudum, tit. 26. lib. 2. feud.* & §. *ult. tit. 24. eod. lib.* ratio est odium mendacii; cujus & aliæ passim in jure civili sunt pœnæ; de quibus paulò post dicam. Nihil enim magis contrarium est justitiæ & veritati, (quæ anima est Reipubl.) quàm falsum & mendaciū, ut gravissimè scribit *Ioach.*

*Hop-*

*Hopper. lib. 12. de vera Iurispudentia, tit. 6.* Deinde quantum est crimen ingrati animi abnegare beneficium, ejusq; auctoritatem erubescere, unde & apud Persas turpissimum ducebatur crimen ingratum esse & mentiri; item secundo loco deberi æs alienum, teste Herod. lib. 1. Videbatur hæc causa referenda esse inter ejus culpæ species, quæ committitur circa res domini, non circa personam ipsam. Et sanè mixtam quandam causam continet. Quia tamen ista inficiatio & abnegatio maximè respicit ad contumeliam domini, idcò rectè hic de ea tractamus.

29. D. *Cùm ut confessio, ita & negatio sit vel judicialis, vel extrajudicialis, & cùm non tantum noceat extra judicium facta confessio, quantum in judicio, ut exp'icatur ad tit. ff. de confessis, & ad tit. de interrogationib. in jure faciendis, an etiam hic aliquod est discrimen inter inficiationem?*

M. Nihil refert in judicio, an extra judicium vasallus dominum & beneficium abneget. Nam utrovis modo feudum ipsi auferitur, dummodò fuerit mendacii convictus. Primum enim generales sunt textus supra adducti, neque distinguunt inter locum abnegationis in judicio, an extra id fuerit facta. Secunda ratio apertè ostendit §. *vasallus si feudum, d. tit. 16.* etiam extra judicialem inficiationem eandem mereri poenam, dū ait de patefactione alterius vasalli apud dominum prætermissa, quæ ipsi non debeat esse fraudi: qui certè locus de extrajudiciali abnegatione omnino accipiendus est: nam de judiciali stulta esset questio, an alius vasallus domino eā patefacere teneatur, cùm non possit dominus ignorare ea, quæ propalam in judicio, quod inter se & vasallum exercetur, gesta sunt? Atq; ita verissimè eum textum ponderabimus, cum *Cuj. in com. ad d. t. 5. lib. 4.* ubi etiam notabis lectionem meliorem, quam ita manifestò veram esse judicabit Cuj. ut verbum de ea nullum fecerit, & tamen ab aliis vulgò negligitur: Nimirum ita legendū: *eo quod negavit feudo, ejusvè conditione expoliabitur*; ubi vulgò, (imò

(imò etiam apud *Hoto. & Gothofr.*) malè editur; èò quòd *abnegavit feudum ejus vel conditionem.*

30. D. *Quid si vassallus negans feudum, erret?*

M. Ignorantia ejus erit excusata, eiq; subvenietur, ne feudum perdat, d. §. *vassallus feudum.* In errantem enim & ignorantem non cadit dolus. Et idè ait Feudista d. t. 26 *si vassallus feudum ex certa scientia inficiatur;* item, *feudum quod sciens abnegavit.* Unde etiam in prisca illa formula jurisjurandi erat: *si sciens fallo;* de qua vide *Fest. lib. XI.* Item ex animi sententia, ut Cicer. in Acad. q. *Maiores,* inquit, *voluerunt primum ex animi sui sententia quemq; jurare.* Deinde ita teneri, *si sciens falleret.* Sic & Plin. in Paneg. expressit explanavitque verba: *Quibus caput suum, domum suam si sciens fessellisset deorum ira consecraret, &c.* Quam ad rem plurima collegit *Brissou. lib. 8. de formul. post Cujac. lib. 1. observat. cap. 21.*

31. D. *At quomodo potest vassallus ignorantiam prætendere facti proprii, cum non possit ipse ignorare, an de eo seudo jurarit fidelitatem, necné. Alieni quidem facti, & qualitatibus probabilis & tolerabilis est ignorantia, proprii non item, l. 3. & ibi gl. ff. de jur. & fact. ignor.*

M. Rectè dicis, sed intelligere debes hanc ignorantiam de persona non ipsius vassalli, qui semel investitus est de feudo, & juravit, sed de ejus successore. Ille improbè faceret, si ignorantiam allegaret facti proprii: In hoc justa est ignorantiae causa, si inquam, cum hærede agatur, non si ipse agere velit, l. 24. *qui in alterius, ff. de reg. jur. & ita Hotomannus quoq; explicat §. ult. s. 24. lib. 2. feud.* Crassa tamen & supina ignorantia nunquam erit excusata, ut rectè *Accurs. in d. §. vassallus si feud. in verbo scientia.*

32. D. *Quid si quis dubitet de re aliqua, sitné feudum an allodium? & si sit feudum, qualia ei imposita sint servitia? item sitné feudum antiquum an novum, proprium, an improprium, Francum, an non Francum, Ligium, an non ligium?*

M. Qui dubitat, dubitanter quoq; respondere debet

bet per verbum : Nescio, d. §. *vasallus feud. tit. 26. & d. §. ult. tit. 34.* Sed ambiguè respondere perinde est, ac si nihil responderis, l. *de atate, §. nihil interest. ff. de interrogationib.* ideoq; dubitans hîc habetur pro ignorante, sicut & aliâs in jure civili, l. *ult. & ibi gl. C. de condict. indebiti. l. 2. ff. quis ordo in bon. poss. servetur.*

33. D. *Quid si vasallus à domino conventus litem contestetur negativè, ita ut hodie in judiciis est receptum: Nego narrata prout narrantur, & petitionem fieri debere.*

M. Hæc negatio ei non nocebit, arg. l. *ii. si dubitet, ff. de fidejussorib. Zas. part. 10. n. 53. vers. 3. si vasallus, de quo tamen non immeritò quis dubitet.*

34. D. *Quid si vasallus non feudum ipsum, sed aliam rem domini celaverit, an ob id feudo privari poterit?*

M. Ob hanc causam feudo vasallus non privabitur: nam disertè textus feudales de ipso feudo loquuntur, nō de aliis rebus dominicis, ad quas proinde non sunt porrigendi.

35. D. *Quid si non totum feudum, sed partem duntaxat ejus inficiatus sit, privabiturnè toto, an parte tantum?*

M. Rectè respondet glossa: quam communiter sequuntur Interpp. & Cujac. quoq; lib. 4. *feud. t. 5.* hunc eam tantum partem, quam inficiatus est, amissurum, & non totum feudum. Primum enim non debet ulterius progredi metus, quàm reperiat delictum, l. 22. *fancimus, ff. de pæn. l. 43. §. Julius Longinus, ff. de vulg. & pup. l. Pau. us respondit ff. ad SC. Treb. l. 6. & ibi Bart. aliq; Dd. ff. de his quib. ut indig.* Deinde, quia & is, qui partem feudi alienavit contra Constit. Imp. non toto feudo privatur, sed ea tantum parte, ut expressum est *tit. 38. lib. 2. in verbis: Si totum alienaverit, perdat totum, si partem, perdat partem.* Tertio, quia etiam in officiosum testamentum pro ea tantum parte infringitur, in qua testator contra officium pietatis deliquit, id est, quoad institutionem: cætera verò capita firma manent, *auth. ex causa, C. de liberis prateritis, quod exemplum etiam Accursius in argumentum adducit ad d. tit. 38. in verbo, partem.*

35. D. *Quid si feudum fuerit individuum?*

M. Si feudum non recipiat divisionem, ut pro parte auferri, pro parte relinqui vasallo non possit, hoc casu putarim stricto jure totum ei adimi posse. Benignius tamen fortasse fuerit, vasallo mendacii convicto multam aliquam irrogare, & feudum relinquere.

37. D. *Quid si neq; feudum totum, neq; ejus partem, sed tantum conditionem aliquam vasallus abnegaverit?*

M. Tum non ipso feudo, sed conditione tantum illa expoliabitur, d. §. *vasallus*, tit. 26. lib. 2. secundum veteriorem Cujacii lectionem.

38. D. *Quid si non ipsum feudum, neq; conditionem ejus, sed instrumentum investitura duntaxat abneget, an ob id feudo ipso privabitur vasallus?*

M. Qui instrumentum investituræ (quod *brevetestatum* vocatur) abnegat, aut celat dolo malo, hunc quoq; feudo privari posse, ait *Schrad. part. 9. c. 6. nu. 23.* quod licet satis durum videatur, ideoque contrariam sententiam probabiliorē existimet *Henricus Boerius*; tum quia instrumentum feudi non sit feudum ipsum: Ob alias autem res domini à se celatas non debeat vasallus feudum amittere, ut suprà dictum: tum quia pœnæ non debeant adjuvari interpretatione, sed potius restringi ac molliri, ut est in regula juris, & l. 19. cum quidam, ff. de liber. & posth. tamen eatenus defendi & tolerari potest ea sententia, si aliter quàm ex pactis investituræ instrumento comprehensis constare non possit de conditionibus feudi. Tunc enim certe vasallus, qui breve testatum fraudulenter supprimit, quid aliud quàm conditiones feudi abnegat? Proindeque non quidem ipso feudo, sed illis conditionibus, quæ fortè pro ipso erant, privabitur, secundum ea quæ paulò ante dixi. Neq; ita planè separatum est instrumentum feudale à feudo, ut aliis rebus domini, quæ planè separatam à feudo naturam habent, annumerandum sit. Imò qui tradit instrumentum mancipiorum animo donandi, ipsa mancipia donasse videbitur, l. l. C. de don. & qui legat chirographum, nomen ipsum eo compre-



hensum legasse censetur, l. 44. *servum filii*, §. *eum qui chirographum*, ff. de leg. 1. l. 59. *qui chirographum*, ff. de l. 3. sicut etiam is qui futatur chirographū, tenetur de summa in eo cōprehensa, l. 27. *qui tabulas*, cum seqq. ff. de furtis.

39. D. *Quid si vasallus uno abnegante feudum ejusq; conditionem, alius fortè conscius ei sit hujus mendacii, teneaturne domino id patefacere sub pœna privationis feudi?*

M. Imò alius vasallus, quamvis sciens hoc non patefaciat domino, tamen feudum non amittit. Non igitur nocet ei tacuisse, d. §. *vasallus*, tit. 26.

40. D. *Sed an non vasallus ea ipsa reticentia facit contra jusjurandum suum, quo promisit, se adjuturum dominum in recuperanda retinendaq; re, quam contigerit eum injustè amittere, versic. & si contigerit, tit. 7 lib. 2. Atqui hæc reticentia alterius vasalli maximè damnosa est domino, cum tamen vasallus in memoria habere debeat etiam utile, ut, est tit. 6 eod. lib. An non deniq; veritas æquè laeditur tacendo quàm falsum dicendo?*

M. Exclamat quidem *Zaf. nu. 53 part. 10.* hîc inter se pugnare jura feudalia, verùm non est hæc verà pugna, sed tantùm apparens, sive, ut Græci vocant *ἐναυσιόμαχία*. Juravit quidem ista vasallus, sed ita demum, si ejus opera requiratur, §. *et si*, & §. *licet vasallus*, tit. 26. lib. 2. Non enim cogitur ultrò se offerre, nisi magnum periculum sciat domino imminere, de eo demum cogitur ipsum certiorare, §. *præterea si vasallus*, t. 24. lib. 2. & d. §. *licet vasallus*. Nullo autem modo se obstrinxit illo jurejurando ad delatoriam quandam curiositatem, hæc enim à nemine exigitur, ut eleganter *Ulp. in fin. l. 6. ff. de jur. & fact. ignor.* Rectissimeq; hoc scripsit *Cujac. ad tit. 5. libr. 4. feud.* non omnia quæ in rem sunt domini, indicare domino vasallus debet; sed ea tantùm, quæ ad domini vitam, existimationem, & patrimonii grandem jacturam spectant, per d. §. *præterea*, *Zaf. d. loc.* putat etiam hanc rationem reddi posse; quia nemo debet sese ultrò in testem offerre non rogatus. Unde etiam inter generalia interrogatoria super quibus testes examinantur, quæri solet, an testis se obtu-

lorit.

lerit. Nam qui se obtulit, hoc ipso suspectum se reddidit. Addit etiam ex Ciceron. Epistolarum familiarium; *Neminem in rebus alienis curiosum esse debere*, quod pertinet ad l. culpa 36. ff. de regul. jur. & ad leg. consulta 23. Cod. de testament. & extat hac de re insignis Commentarius Plutarchi περὶ πολυωραγμοσύνης: Item totus liber sextus Joannis Spinai contra curiositatem directus est, illustribus & sententiis, & exemplis refertissimus. Quod postremò loco dicebas, veritatē æquē lædi reticentia veri, atque proferendo falsum, id non est usquequaq; verum; sed tum demum valet, quando quis vel interrogatur de dicenda veritate, sicut testis, vel aliàs ultrò sua sponte eam propalare tenetur officii ratione. Alioquin enim futurum esset, ut curiositatem quandam delatoriam in vitam humanam introduceremus, quæ meritò exosa est legumlatoribus, ut paulò antè addidisti ex l. culpa, de reg. jur. & l. 23. C. de testam. & ex l. 6. ff. de jur. & fact. ignor.

41. D. Dixisti, mendacium etiam jure civili multis casibus puniri. Eos igitur nunc velim in memoriam mihi revoces prius, quàm ad alias feudi amittendi causas procedas.

M. Faciam, ubi prius admonuero & de mēdacii definitione, & de differentia quæ est inter mendacium dicere & mentiri. Mendacium est falsæ vocis significatio cum intentione fallendi. Ita ex B. Augustino definit Accurs. in l. de atate, §. si cum esset. ff. de interrog. act. Intentionem fallendi vocat Augustinus, quod Jurisconsulti solent dolum malum dicere, quo sine nec falsum, nec mendacium, nec ullum aliud crimen cōmittitur. Porro inter mendacium dicere & mentiri, quamvis vulgò ferè hæc confundantur, tamen hoc interest, quòd qui mentitur, ipse non fallitur, sed alterum fallere conatur, imò quantum in se est, fallit: qui verò mendacium dicit, ipse fallitur. Ideoque vir bonus cavere debet ne mentiatur; prudens ne mendacium dicat. Alterum incidit in hominem, alterum non, ut argutè distinxit P. Nigidius Figulus homo acutiss. teste Gell. lib. 11. cap. 11. Incidit in hominem dicere mendacium;

id est, potest hoc accidere homini, etiam viro bono, ut mendacium dicat, deceptus videlicet ab alio, & referens, quod accepit, pro vero, licet falsum sit. Humanum quippe est errare, labi, decipi; at mentiri non incidit in hominem, id est, nemo casu, sed quisq; ex proposito aliud dicit, quam ex animo sentiat verum esse. In summa, decipi quis potest invitus: decipere autem nisi volens non potest. Casus autem quibus etiam jus civile mendacio & inficiationi pœnam proposuit, novè insigniores breviter recensebo, reliquos aliunde petere jubebo. Primum igitur socius, qui actione pro socio conventus negat se socium esse, perdit beneficium competentiae, quod aliàs haberet, videlicet ne in solidum condemnatur, & jam propter mendacium istud in solidum tenetur, non autè in quantum facere potest, *l. 63. §. hoc quoq; & l. etiamsi, §. ult. ff. pro socio. l. 22. §. ult. ff. de re jud.* Secundò, qui abnegat propriam scripturam, is convictus amittit beneficium exceptionis non numeratae pecuniae, imò in duplum quoq; condemnatur, *auth. contra qui propriam, C. de non nu. pecun.* Tertiò, fidejussor qui negat se fidejussisse pro aliquo, convictus perdit beneficium divisionis, quod aliàs ex Epistola D. Hadriani inter plures fidejussores locum habet, *l. 10. §. ita demum. ff. de fidejussor.* An autem inficiator talis perdat beneficium excussionis, quod vocant, sive ordinis, argumenta & auctoritates in utraq; partem refert *Anton. Tessauro. decis. 50.* Quartò, qui abnegat depositum certis quibusdam casibus (ut incendii, ruinæ, naufragii vel tumultus causa factum) is pœnæ causa in duplum condemnatur, *l. 1. ff. de posit. §. in duplum, & §. sed furti. Instit. de action.* Quintò, quidamnum à se datum inficiatur, etiam in duplum tenetur actione *l. Aquil.* quæ adversus confitentem alioquin ferè esset simpli, *§. vi autem bonorum, versic. sed & l. Aquil. d. §. in duplum, & d. §. sed furti. Instit. de action. §. ex quibusdam. Instit. de oblig. qua quasi ex contractu.* Sextò, qui negat legatum ad pias causas à se relictum, is alterum tantum pro pœna solvere cogitur: neq; solùm ob inficia-

ficiationem, sed ob dilationem quoq; solutionis hinc crescit lis inficiando, d. §. ex quibusdam, & d. §. vi autem bonorum, item mixta est actio. *Institut. de action.* Septimò, hæres negans rem aliquam esse hæreditariam, in mendacio deprehensus, perdit beneficium legis Falcidæ: ut probavi ad *Inst. de l. Falcid.* Octavò, possessori qui inficiatur possessionem rei aufertur illa & adjudicatur actori, qui rei vindicationem adversus eum instituit, ut est in *l. ult. ff. de rei vind.* IX. Sic si quis cum ex semisse heres esset, in jure interrogatus responderit se ex quadrante hæredem esse, mendacii hæc pœnam feret, ut in solidum conveniatur, nō enim debuit mentiri, dum se minoris portionis hæredem adseverat, *l. 11. de atate, §. 3. si cum esset. ff. de interrog.* X. Sic cui simile est quod dicitur in *l. 17. si servus, eod. tit.* Si plures domini ejusdem servi omnes mentiantur, suum non esse, unumquemque eorum teneri in solidum qui possidet rem jure pignoris vel alio aliquo, & conventus à creditore, licet posteriore, negat rem fuisse sui auctoris, propter pœnam mendacii multatur possessione, quæ ad actorem transfertur, *auth. item possessor. C. qui posteriores in pignore habeantur, & Novell. 18.* XI. Sic etiam punitur qui se emphyteutam esse negaverit. XII. qui tutorem. XIII. qui libertum. XIV. qui filium familiæ. XV. qui denique civem: de quorum pœnis videte *Jason. ad l. 5. quod te. ff. de reb. cred. si cert. per. & Tessauro. de cis. 50.*

42. D. Videris jam satis dixisse de iis cul'pis, quæ in committendo consistunt, & quidem adversus personam ipsam domini. Nunc priusquam transeas ad eas culpæ species, quæ vel circa res domini à vasallo committitur, vel eas quæ adversus alios, sive domini potestati adfectuivè subjectos, sive prorsus extraneos, audire ex te cupio eas culpas, quæ in omit-tendo sunt positæ, cum videlicet vasallus omittit aliquid, quod ratione officii facere debebat. Hoc enim consentaneum videtur, & consequens superiori tue partitioni?

M. Probè meministi. Hujusmodi autem culpæ omissionis species quasi octo constituere possumus,

quas ordine ac breviter exponam, dum tamen hoc memineris, in quibusdam simul utrumque concurrere, & culpam, inquam, omissionis, & culpam commissionis; quod deinceps in exemplis erit manifestius.

43. D. *Qua est prima species culpe omissionis?*

M. Si vasallus intra tempus lege definitum non petierit renovationem investituræ; culpa hæc est in omittendo consistens, ob quam dignus est qui feudo privetur, videtur enim dominum suum contempsisse. Tempus autem illud in feudo quidem novo esse arbitrarium, in antiquo autem esse annum & diem, idque indistinctè: non autem in aliis annum & diem; in aliis annum & mensem, supra diximus in loco de investitura. Oportet autem renovationem petere intra illud tempus, siue mortuus fuerit prior dominus, siue prior vasallus, illo casu ab hærede domini, isto ab hærede vasalli; quoties, inquam, mors vel domini feudi, vel vasalli intervenerit: so offt sich ein Fall begibt. Vide t. 22. lib. 1. & 2. feud. t. 24. in pr. & t. 40. §. ult. & t. 52. §. ult. & t. 55. §. præterea si quis infeudatur.

44. D. *Sed unde hoc tempus numerare incipimus?*

M. Currit annus & dies non à tempore mortis, sed à tempore scientiæ; quando videl. vasallo innotuit, vel innotescere potuit mors prioris vel domini, vel vasalli. Crassa tamen & supina ignorantia non erit excusata, si fortè vasallus ignoret, quod omnes in ea civitate sciunt, ut rectè gloss. in verb. ultra annum, d. tit. 22. lib. 1. Sit igitur hæc prima exceptio, qua cessat regula de privatione feudi ex hac causa, nempe, justa & probabilis ignorantia mortis alienæ. Altera exceptio huic vicina est, si vasallus rem feudalem esse ignoraverit, arg. §. si vasallus feud. alien. ignor. tit. 26. lib. 2. Ratio utriusque est eadem; quia dolus in ignorantem non cadit. Sola dolosa omissio nocet, d. t. 52. §. ult. Tertia exceptio siue excusatio à pœna caducitatis, est vasalli ætas pupillaris, id est, si nondum sit natus annos 14. Zasp. 7. nu. 8. quam ætatem Feudistæ longè aliter quam jus civile,

nunc

nunc *infantiam* vocant, nunc *minorem ætatem*, nunc *impuberem*, ut *d. tit. 22. lib. 1.* ubi tamen alii legunt, *infamiam*; ut monuit *Accur.* Sed *Hot.* & *Cuj.* retinent *infantiam*, §. *si minori*, & ibi *Accurs.* quem sequuntur *Hot.* & *Cuj.* t. 26. jure *dicto* §. *præterea si quis* t. 55. Licet aliàs Longobardi *minorem* vocant eum, qui est infra annos 18. ut notavit *Hotom.* in *Lex. feud.* §. *ad d. §. si minori*. Ratio hujus exceptionis est, quia hæc ætas non est doli capax. Sola autem dolosa omissio nocet, ut paulò ante dictum. Ut taceam, quòd quicquid est ætate, quæ ignorat quod videt, ut ait *L. 1. versicul. impuberes*, C. de fals. monet. fidelitatem quoque jurare non potest, *d. l. si minori*, cum §. *seq. tit. 26.* Putat autem *Accurs.* & plerique alii, quos refert *Jul. Clar. q. 49. n. 5.* ex hac causa læso minori succurri per restitutionem in integrum usque ad 25. annū: cum hoc ipso sit læsus, quòd intra id tempus investiturā non petuit: de qua tamen non immeritò dubites, sicutiple quoq; hæsitanter hoc ponit: fortè inquit, *restituitur in integ.* Illud hîc obiter observes, non distinguas in feudis inter sexum quoad pubertatem, quemadmodū jure civili inter mares & fœminas hac in re discrimen est, ut voluit *Baldus*, quem sequuntur pleriq; ad *d. §. præterea*, t. 53. Vide *Borch. c. 8. n. 17.* Quarta exceptio est, si justa aliqua causa intervenierit, quæ vasallum a pœna caducitatis excusare possit: cujusmodi causæ recensentur istæ: capitales inimicitie, item justa absentia, verbi gratia, Reipub. causa vel studiorum. Inimicitias autem capitales plerique intelligunt eas, quas exercet vasallus cum ipso domino feudi, quibus tamen non ipse, sed dominus causam præbuit. Et quidem hoc ampliatur, etiam si dominus salvum conductum vasallo obtulerit, cui vasallus se committere non cogitur, ut videre est apud eundem *Borcholt. num. 10. 11.* & *seq.* ubi & hoc ex *Jacob. Menoch. libr. 2. de arbitr. judic. casu 110.* rectè refert arbitrio judicis definiendum esse, quænam sint capitales inimicitie. Sic, inquam, pleriq; Feudistæ. Alii tamen volunt, intelligi debere inimicitias cum aliis susceptas. De absentia

porrò iusta, quod dixi, sic intellige: nisi procuratorem relinquere potuerit vasallus, nec tamē reliquerit, per quem investituram petere potuisset, *gl. in d. tit. 22. lib. 1. feud. quam & Cujac. ibidem probat. Vide etiam d. t. 40. §. ult.* Deinde absentiam intelligere oportet non modò vasalli, sed etiam domini: nisi dominus constituerit procuratorem, qui suo nomine renovationem investituræ concederet. Potest enim investitura per procuratorem & dati & accipi, ut supra dixi per §. *utrum, t. 3. lib. 2. feud.* Sic si iter sit intutum propter metum contagionis pestilentis, vel incursum latronum aut hostium, aut propter bella. Item si acciderit incarcerationio, vel captivitas vasalli, &c. de quibus Dd. tractant ad *d. tit. 21. lib. 1. feud.* Facit huc *l. 2. ff. si quis caut. & gl. in e. imputari, de R. l. in 6.* Quinta exceptio est, nisi controversia de feudo fuerit mota, & antequam lis decidatur, tempus fuerit elapsum. Nam & hîc nihil est, quod imputari possit vasallo, qui lite impeditus & incertus est redditus. Vide *Matth. de Afflict. ad d. tit. 22.* Sexta exceptio est, nisi mortuus sit vasallus infra prædictum tempus. Tunc enim hæres ejus in feudo antiquo habet annum & diem noviter computatum à morte vasalli, non attento tempore quod jam cucurrerat vasallo priore. Dixi, *in feudo antiquo*: nam in feudo novo, id est, quando filius succedit patri, cui primò adquisiverat feudum, conjungitur tempus antecessoris cum tempore successoris. Quam distinctionem pleriq; omnes probant, secuti *Alvarot. ad d. tit. 22.* Vide & *Borch. cap. 8. nu. 8. & 9. cum seq.* Ratio differentiarum, quia in feudo novo filius patri tantum succedit, & pro una persona cum ipso reputatur: In feudo antiquo succeditur non tam ultimo defuncto, quam ulterioribus & primo acquirenti succedit. Septimò, excusatur vasallus à pœna caducitatis, si dominus ab eo post cessationem anni & diei, id est, post feudum sibi commissum denuò receperit servitia, idq; sciens ac prudens, & nulla adjecta protestatione. Hac enim receptione servitiorum videtur pœnam caducitatis remisisse, *gl.*



*in verb. & mensem, versic. sed pone, & in verbo damnetur, versic. sed si dominus, in d. tit. 22. ff. ibid. Alvaros. ad §. licet, tit. 26. lib. 2. Iason ad l. 2. C. de jure emphyt. num. 124. Dixi, sciens: Aliud enim est, si ignoranter servitia postulaverit, aut ultrò oblata receperit: nā nemo ignorans suo juri renunciassse videtur, l. nec ignorans, C. de don. Dixi etiam, nullā adjectā protestationis. Nam si dominus servitia denuò recipiens, protestatus fuerit, se salvo jure suo servitia recipere, non præjudicat sibi, neq; censetur caduci pœnam remisisse, Alvar. & alii ad d. tit. 22. Octava exceptio est, nisi infamia intervenerit domini, secundum lectionem quorundam in d. tit. 22. Ratio est, quia cum infamibus nullum nobis commercium esse debet, quibus & portæ dignitatum non patent, c. infamib. de R. l. in sexto, l. 2. C. de dignitat. libr. 10. atq; hæc ferè sunt justæ excusationes à pœnâ privationis, quæ aliàs imminet vasallo ob non petitam investituram intra justum tempus: de quibus etiam vide Jacob. Ar-dizon. in tract. de feud. c. 72. Et de plerisq; etiam explicat Borcholt. initio cap. 8. Huic non est dissimile, quòd etiam emphyteuta qui non solvit canonem, ob justum impedimentum excusatur à pœna privationis, ut docet Ias. ad d. l. 2. n. 63. C. de jure emphyt. Phil. Dec. consil. 138. Hanc porrò causam amittendi feudi elegantibus versibus complexus est Gunth. lib. 8. quos hinc referam priusquam ad alia pergamus:*

*Successor feudi totum si fortè per annum,  
Atq; diem tacto prima jam tempore pubis,  
Sive dolo, seu desidiâ, seu mente superbâ  
Spreverit à domino feudalia postere jura,  
Perdat, & hæc dominus proprios adsumat in usus.*

45. D. Quid si elapso jam anno & die veniat vasallus investituram petens, poteritne moram purgare, atq; ita effugere pœnam caducitatis?

M. Quanquam non desunt, qui admittant moræ purgationem, si fiat antequam dominus declaraverit voluntatem suam de privatione, ut videre licet apud

*Vultej. lib. 1. de feud. c. 11. n. 23.* tamen verior videtur contraria sententia, quæ confirmari potest his potissimū rationibus. Prima est sumpta à simili: Emphyteutæ non cōceditur moræ purgatio, si post cessationem triennii afferat canonem, idq; secundum rigorem, teste *Matt. de Affl. decis. 714.* & *Iul. Clar. in §. emphyt. q. 8. n. ult.* *Franc. Conan. lib. 7. comm. c. 13. n. 9.* *Giph. deniq; ad tit. C. de jure emph.* ubi ait, huic juri non potuisse derogari per Papam in *c. potuit. extr. de locat.* quo permisit, posse moram celeri satisfactione purgari. Si igitur hæc purgatio non conceditur emphyteutæ; ergo neque vasallo permitti debet, ob paritatem rationis. Utrobiq; enim mora est in rem, quæ nō potest purgari. Secundò, quia quandocunque pœna alicubi imponitur à legibus ob maleficiū, ibi nec moræ purgatio, nec pœnitentia locum habet: sicut de pœnitētia aliàs dixi, neminem eā delinere nocentem esse, alioquin plerique omnes impunè evadere, & legū pœnas simulatione pœnitentiæ eludere possent, *l. 65 ff. de furtis, l. pen. ff. vi bonor. rapt. l. 1. §. si rem ff. depositi, l. si insulam, ubi Bart. las. & alii, itemq; Zas. nu. 35. & seq. ff. de V. O. vide etiā l. 19. ff. de leg. 2. l. 35. qui ob rem. ff. de cond. indeb. l. 10. ff. de s. d. com. libert. cum simil.* Tertiò, quia vasallus ex ista cessione anni & dici feudum perdit ipso jure, ita ut id redeat ad dominum, sic enim sonant textus in *d. t. 24. in pr. & d. t. 55. in §. prater ea*, ut uno ore traditum est ab interpretibus. Quartò, quia jus semel quæsitum non potest domino auferri absque suo facto. Fieret autem hoc, si purgationem moræ invitatus admittere cogeretur *arg. l. 11. id quod nostrum, ff. de R. I.* Quintò, purgatio moræ ex bono & æquo fit, teste *Paul. in l. 91. si servum, §. sequitur ff. de V. O.* Non patitur autem æquum & bonum, ut quis lucrum reportet, & conditionē suam meliorem faciat ex dolo suo, *l. 1. ff. de dolo malo, l. 1. §. 1. ff. de doli mali & metus except.* & indignus legum auxilio videtur, qui in leges ausus est committere, *l. 37. in fin. ff. de minorib.* Quæ autem huic sententiæ objici solent, non ad eò magni sunt momenti, & disputationibus reservari melius est.

46. D. *Audiri primam speciem culpa omissionis; dic age & reliquas.*

M. Secunda species est, si vassallus cùm rescivisset vel periculum vitæ domino imminere, vel capturam (sic enim interpretor *captionem*, quam vocat Feudista, licet aliàs in jure civili captio sæpè deceptionem & fraudationem significet) vel grandem patrimonii jacturam domino imminere, non tamen de ea certiorum ipsum quantocius fecerit, ut scilicet dominus periculum declinaret, aut, cùm posset, eam ope sua non averterit, §. *præterea, titul. 24. libr. 2. vers. utile, & vers. et si contigerit, t. 6. lib. 2.* Et quidem ista omisso non tantùm si dolosa fuerit, vassallum feudo indignū facit, verùm etiam si ex negligentia tantùm proficiatur, d. §. *præterea, vers. quod si non fecerit*, ubi Accursius hoc notandum monet, etiam ex sola negligentia feudo aliquem privari.

47. D. *Qua est tertia species?*

M. Si vassallus requisitus non præstat domino servitia, quæ pro feudo ei debet: si domino suo deservire noluerit, ut ait Feudista in §. *1. tit. 21. lib. 1.* Qua quidem non est alia justior causa beneficii auferendi, ut ait Obertus Ortensius, §. *sed non est alia, d. tit. 24.* Nam cùm beneficium detur propter officium, cessante officio, meritò etiam ipsum cessabit beneficium. Facit hoc, quòd ob causam datum causâ non secuta potest condici, *tot. tit. de condict. causa dati, causa non sec. & tit. C. de don. que sub modo.* Unde etiam in d. *tit. 21.* addit Feudista, ob *denegata servitia* proponi conditionem causa data ad repetendum feudum. Sed de actionibus infra separatim. Sic & conductor si non servet legem locationis, itemque emphyteuta, qui non servat legem contractus, expelli potest à locatore, itemque a domino emphyteuseos. Notabis autem quòd dixi, *requisitus*, id est, cùm servitia ab eo postularentur, nam ultrò ea offerre non cogitur, ut aliàs dixi ex §. *et si vassallus, & §. licet, titul. 26. libr. 2. & ex tit. 21. libr. 1.* Exceptio est, nisi forrè justa impedimenta vassal-

vasallo obstiterint, quò minus servitia domino exhibere possit, tunc enim feudum non amittit; quæ exceptio ab ipso Feudista additur in *d. §. sed non est alia, vers. aliud est*. Quodnam autem justum sit impedimentum, relinquendum est arbitrio parium curiæ, tanquam judicium in hac causa. Ad hanc culpæ speciem refero, si vasallus munera justæ militiæ a domino vocatus detrectet, neq; dominum comiteretur in bello. Quam tamen proficiscendi necessitatem potest vitare vel alio æquè idoneo pro se misso, vel datâ parte fructuum ejus anni, sive datis holtenditiis, de quibus suprà dictum ex *§. similiter, t. 40. lib. 2. & §. firmiter, tit. 55*. Suntq; hac de re insignes versus *Gunth. lib. 8.* quos alibi retulimus & exposuimus.

Pertinet quoque huc illa species officii, quo vasalli Imperatoris ad comitatum Principis evocati, dum proficiscitur ad coronationem suscipiendam, præstesse debent, atq; ad delectum respondere, idque sub pœnâ privationis feudi. Qua de re sic ait idem *Gunth. lib. 2.*

*At quicumq; domi domino nolente relictus  
Defuerit, feudo privari curia censet.*

Ubi etiam historicus ille refert, Episcopum Halberstatensem & Bremensem ex tali nota amisisse regalia jura, id est, feuda sua, & complures alios censura vindice regni amisisse, diu tali possessa reatu, quòd nimirum Frederico I. expeditionem suscipienti in Italiam defuissent. An autem possit vasallus talium servitorum libertatem præscribere, seseq; præscriptione aliqua tueri, aliàs vidimus.

48. D. *Quæ est quarta species culpæ omissionis?*

M. Si vasallus dominum in prælio campestri, sive in acie dimiserit ac deseruerit periclitantem, nō mortuum, nec ad mortem vulneratum, ut initio *tit. 5. & in fin. tit. 21. lib. 1. feud. & §. item qui dominum, tit. 24. & tit. 57.* in verbis, seu in campestri bello. Quanquam hæc desertio simul etiam factum quodam seu commisionem complectitur, videlicet, fugam. Dixi: non

*mor-*

*mortuum, nec ad mortem vulneratum*, hæc enim duo hoc in loco æquiparantur: & qui in prælio mortiferum vulnus accepit, pro jam mortuo habetur; quamvis aliàs non soleant hi duo æquiparari, ut est *text. in l. ii. §. Celsus scribit, ff. ad l. Aquil.* Differentiæ rationem hanc esse puto, quia tempore prælii semper difficilior solet esse curatio, quàm in pace. A contrario igitur sensu licebit vasallo mortuum, vel mortifero vulnere percussum impunè deserere absque metu privationis, & suæ salutis consulere quoquo modo potest, cujus expediendæ omnis jam honesta est ratio. In ratione hujus rei investiganda non opus est Oedipo. Nam frustra tunc amplius adisteret domino & propugnaret: nec ipsi, inquam, prodesset, & se in præsentaneum discrimen conjiceret, ac in seipsum crudelis esset.

49. D. *Sed unde æstimabitur vulneris qualitas, an fuerit letale, necne?*

M. Arbitrio judicis hoc definietur, adhibito consilio medicorum, quibus tanquam peritis in sua arte credendum est. Vide *Nicol. Boër. in decis. quest. 323. & Jacob. Menoch. lib. i. de arbit. jud. quest. casu 275.* ubi aliquot signa & conjecturas recenset vulneris letalis, vel non letalis, quas etiam *Borcholt. refert cap. 8. n. 89. & 90.* sed hæc omittamus, utpote, quæ sint magis medica, quàm juridica.

50. D. *Quid si dubium sit, an vulnus fuerit mortiferum?*

M. In dubio Judex pronunciabit, vulneratum non esse mortuum ex vulnere, *Menoch. d. loc. n. 13. arg. l. pen. ff. de poen. & l. 155. §. ult. ff. de reg. jur.* quod tamen haud scio, an in nostro casu non habeat locum.

51. D. *Quid si vasallus per errorem putet dominum esse mortiferè vulneratum, cum tamen is vel planè vulneratus non esset, vel certè non letaliter, atq; ita fugiendo ipsum deserat?*

M. Nonnulli putant ob id feudo privandum non esse: de quo *Franc. Soub. part. 12. nu. 13.* sed fuga vasalli non tantum dolosa, verum etiam ea, quæ ex negligentia

gentiâ & culpâ fit, omninò est coërcenda, *argum. d. §. praterea, tit. 24. lib. 2.* nisi fortè vasallus fuerit deceptus falso rumore, cui tamen non temerè fidem adhibere debuit.

§2. D. *Dixisti vasallum feudo privari posse, si dominum periclitantem in acie deseruerit: quid igitur si nondum imminente periculo eundem destituerit?*

M. Videbatur a contrario sensu dicendum, hoc casu eum nō incidere in pœnam privationis. Et ita quidem multi voluerunt Dd. *ad §. item qui dominum, tit. 24.* Sed contrarium verius videtur, etiam hunc esse dignum cui feudum auferatur; quia nimirum exemplo suo aliis nocuit, & præsidio suo dominum orbatum hostibus objecit, contra quos satis esse tutus poterat, si rem amississet. Accedit huc, quòd ille quoq; qui tantum denegat servitium domino feudi, tamen feudo privari potest, ut supra audivisti in tertia specie culpe omissionis.

§3. D. *Quid si vasallus cum sciret dominum movere injustum bellum, cepisset auxilium ei prestare, postea eundem deserat, mutata voluntate, privabiturne feudo?*

M. Hanc quaestionem proponit *gl. initio t. §. lib. 1.* & respondet, vasallum hoc casu feudum non amittere, si pœnitentia ductus resilierit à propugnatione causæ injustæ: quam sententiam communiter Dd. probant, ut videre est apud *Henr. Ros. c. 10. concl. 13.* & apud *Ludol. Schrad. p. 6. de feud. c. 6. n. 87.* Videtur autem mihi quoq; sententia æquissima, ut talis vasallus ob desertionem domini pro causa injusta belligerantis feudo non privetur: Primum, quia ab initio poterat, imò etiam rectius debebat ab ejusmodi causa abstinere, ut supra dictum. Deinde, quia à peccato desistere laudabile est: sicut contra scientem ac prudentem in malo perseverare non modò probrosum, sed & planè diabolicum est. Tantò enim graviora sunt peccata, quantò diutius infelicem animam detinent alligatam, ut sunt elegantes textus in jure *Can. s. §. in malis, c. 8. unusquisq; c. 10. magna sapientia, 22. q. 4. c. ult. ext. de consuetudine.*

Accur-

Accursius hanc quoq; rationem adfert, quia sufficiat, si vel in paucis amici labore nobis consulatur, ut ait Imper. in *l. 20. tutori, C. de neg. gest.* si tamen dominus etiam in causa injusta in præsentaneum vitæ periculum inciderit, volunt quidam, debere eum à vasallo defendi: in quam sententiam adlegant textum initio *tit. 28. libr. 2. feud. vers. sed cum palàm est*, ubi tamen distinguitur inter defensionem domini, & offensionem aliorum pro domino, guerram injustam & irrationabilem faciente, & relinquatur hæc res arbitrio vasalli: Quod quidem an satis rectè fiat, alibi disputavimus.

§ 4. D. Nunquamne igitur vasallus, qui dominum deseruit, à pœna privationis excusatur?

M. Imò sunt quædam exceptiones: ut prima, si dominum deseruerit, cum esset prorsus inutilis ad ejus defensionem, verbi gratia, si brachiis abscissis aufugit, hoc enim casu nihil juvisset dominum vasalli in prælio permansio, quo exemplo utitur *gl. ad d. r. 5. libr. 1.* An autem vasallus cogatur salutem domini anteponeere propriæ, quam quæstionem Accursius ibidem attingit, ut & in *gl. pen. ad tit. 39. libr. 2.* de ea quid sentiendum sit, suprâ audivisti; nempe posse vasallum sine reprehensione propriam salutem domini salutem anteferre, & antiquiorem habere; secus quam servus domini, de quo est *l. 1. §. hic autem quaritur, versicul. servi, ff. ad SC. Syllan.* Altera exceptio est, si nimia sit hostium, quibus cum bellum geritur, sævitia atque immanitas, cujus terrore vasallus fugerit, dominumq; deseruerit: huic enim meritò ignoscetur. Vide *Schrad. p. 6. cap. 6. nu. 83.* nam etiam si vasallus juraverit, se pro posse suo, sive pro viribus adjuturum esse dominum, ut est *t. 7. libr. 2.* tamen id demum posse dicimur, quod fieri potest commodè, *gloss. in verbo, potuerit, d. tit. 39. argument. l. nepos Proculo, ff. de V. S.* Unde & Aristoteles in Ethicis ait, in doloribus ac terroribus, qui superant omnem modum humanæ naturæ, perferendis, fortitudinem non cerni.



55. D. *An etiam pœnitentia vasallum excusabit à pœna caducitatis, si, cum fugere, ac dominum deserere cœpisset, statim redierit, mutato consilio & domino opitulatus fuerit denuò?*

M. Videbatur dicendum quòd excusetur l. *quicquid calore* 48. ff. de regul. jur. Ubi brevi reversa uxor, nec divertisse videtur; quia non fecit hoc iudicio animi sive ἐν ἀποσπένσεως, sed potius calore & impetu, verius tamen est pœnitentiam hîc nō præstare excusationem: idq; primùm ex generali regula suprâ tradita, neminem pœnitentiâ suâ nocentem esse desinere. Deinde, quia & is fugitivus est, qui ex fuga rediit, l. 17. §. 1. ff. de edil. edict. Præterea, quia miles etiam, qui tantum accessit agmen, punitur l. 3. §. sed qui agmen, ff. de re milit. & qui prior fugam iniit, propter exemplum capite plectitur, ut est in l. 6. ff. eod. tit. Accedit, quòd & illo ipso momento, quo vasallus fugitivus dominum deseruit, maximum in periculum eum coniecit. Vide & Mart. Laudens ad d. t. 5. lib. 1. & Franc. Curt. in tract. de feud. part. 4 n. 12. Somsb. part. 12. n. 14.

56. D. *Quid si duo sint fratres commune habentes feudum, quorum unus dominum deseruerit, alter manserit in fide, & strenuè persisterit in defensione domini; an hujus fidelitas illum excusabit sublevabitq; à pœna p̄ivationis, an verò nihilominus eam sustinebit, quàm si solus fuisset?*

M. Anceps est hæc quæstio; de qua ita visum est Bald. & Alvarot. ad tit. 5. lib. 1. & las. ad l. 1. C. de transact. (eamq; sententiam & Lud. Schr. probat p. 6. c. 6. n. 91.) fidei ac perseverantiâ unius fratris prodesse debere alteri desertori, eumq; sublevare ne in pœnam incidat: nam sæpè propter alios aliquid obtinemus, quod ex nostra tantùm persona nunquam obtinuissimus: ut est exemplum apud Bart. in l. precipimus, §. ex observando, C. de appellat. & l. 3. in fin. ff. de alimen. legat. L. si communem ff. servit. quemad. amit. l. si inter duos. ff. de liber. leg. Innocent. in c. ad audientiam, extr. de præscr. Barb. in rub. extr. de offic. deleg. & apud Angel. in pr. tit. de ineffic. testam. Alii contra existimarunt, eum, qui ex duobus fratribus fugit,

git, sua parte privandū esse: quæ sententia mihi quoque probabilior videtur, de qua *Borch. c. 8. n. 87.* secutus *Mart. Laudens. Curt. vide & Nic. Mozz. in cap. ex quib. caus. feud. amitt. n. 96.* item *Sonsbec. p. 12. n. 13.* Ratio est, ne delicta maneant impunita, sed culpa suum teneat auctorem, *l. ita vulneratus, § 1. ff. ad l. Aquil. l. 22. C. de pœn. l. 26. crimen. ff. eod.* Neq; enim vel innocens odio nocentis prægravari, vel nocens innocentis puritate gaudere aut sublevari debet, arg. *l. 45. & l. 52. § ult. ff. pro soc. l. 8. in fin. & l. 11. § dominus, & l. ult. § magnus, ff. de public. & vectig. item l. pen. C. de condit. insert. l. 13 ff. de manum. s. test.* quò & illud pertinet sacrarum literarum effatum: *Unumquemq; suum onus portaturum.*

57. D. *Quid si feudum, quod duo fratres commune habent, fuerit individuum?*

M. Hoc casu existimaverim, fratrem desertorem domini aliter puniendum esse, quàm privatione suæ patris, & locum habere posse multam aliquam pecuniariam ratione indivisibilitatis.

58. D. *Quid si civitatis feudum habentis pars aliqua dominum feudi in prælio deserueris, num ob id civitas feudo, ejusvè parte privari poterit?*

M. Non potest, de quo *Rosenth.* qui plures allegat *cap. 10. conclus. 14.* Nam pars civitatis neq; contrahendo, neque delinquendo potest nocere toti civitati, ut docet *Hartm. lib. 5. quæst. 37. in pr.* Quemadmodum nec Prælati seu Episcopi delictum Ecclesia luere debet, ut præclare scribit *Gunth. lib. 2.*

—— Neq; enim quod Pastor iniquè

Gesserit, Ecclesia fas est in damna refundi.

Quocirca si Ecclesia feudum habeat, & peccet fortè ejus Episcopus aut Prælatus, non quidem ipsa Ecclesia feudum perdet; quia nemo alienam culpam sustinere, aut alieni criminis successor constitui debet, sed Episcopus solus feudo priuabitur. Vide & *Hart. tit. 54. observ. 3.*

59. D. *Satis multa dixisse videris de dimissione seu desertione domini in prælio. Unum tamen etiam, priusquàm*

ad alias causas privationis tranſeamus, querere mihi liceat. Quid enim ſi domino nihil nocuerit ignava & probroſa vaſalli fuga, an evadet pœnam privationis?

M. Imò adhuc poterit vaſallus feudo privari, ſecus quàm Zaſius putabat p. 10. de feud. quẽ rectè reprehendit Forner. in comment. de feud. ſub t. de comodo quod dominus ex feudo percipit, in §. quid ſi auſugerit cliens. Nam vaſallus iſte, quantum quidem in ipſo fuit, jam prodidit atq; perdidit dominum ſuum, qui quoddã conſervatus eſt ex prælio ſive acie, non fidei neq; virtuti vaſalli acceptum ferre debet, ſed vel ſuæ ſtrenuitati, vel etiam caſui ac fortunæ, quæ in bellis plurimum valent. Neq; tantum eventus rerum, ſed & conſilia pernicioſa legibus vindicari ſolent, l. 3. §. ſi quis rem, ff. de re militari, & Cicero pro Milone.

60. D. Quæ eſt quinta ſpecies culpæ omiſſionis, ob quam vaſallus feudo excidat?

M. Si vaſallus dominum ab hoſtibus captum, cum poſſet, redimere neglexerit. Hoc enim unum eſſe ex officiis vaſalli jam ſuprà diximus, vide Schrad. p. 9. c. 8.

61. D. Quæ eſt ſexta ſpecies?

M. Si carceri incluſum ſciens dominum non liberaverit, cum poſſet: nam ad hoc quoq; vaſallum ſuprà probavi teneri, ubi hujus rei fundamenta attuli.

62. D. Quæ eſt ſeptima ſpecies?

M. Si dominum inopem pro feudi quantitate atque ad dimidiam partem fructuum annuorum alere neglexerit. Hanc enim ſententiam veriorẽ eſſe ſuprà oſtendimus ex Topic. Nicol. Eberhard. in loco à feudo ad emphyteuſin, & obſerv. Hartman. item ex tract. feudali Schrad. p. 9. c. 8.

63. D. Quæ eſt oſtava ſpecies?

M. Si vaſallus domino juſtitiam facere neglexerit, ut loquitur Feudiſta in §. illud tamen, t. 24. lib. 2. quæ verba poſſunt quidem triplicem recipere interpretationẽ; videlicet primò hanc: ſi vaſallus domino in ſua curia juſtitiam adminiſtrare, ſive juſ reddere recuſet, Wann er ihme das Recht verſagt / oder ihme nicht rechts verheſſen will,

1011. Secundo hanc: si in judicio parium Curia vasallus non ex æquo & bono judicet, lite inter dominum & alium vasallum agitata. Tertio hanc: si juris sui de feudo experiundi causa non pareat evocatus edictis domini, quibus ad judicium de feudo vocatus est: siue quod idem valet, si per contumaciam judicio se sistere noluerit. Sed postremam harum expositionum cæteris omnibus præfert Cujac. argu. §. ult. in fin. tit. 22. libr. 2. feud. cum quo etiam Hotom. consentit ad d. §. illud tamen, t. 24. ubi vocat hanc contumaciam judicalem: Idemque Hotoman. in Lex. feud. etiam plures significationes hujus formulæ adnotat & exemplis comprobatur.

64. D. Quæ est nona species?

M. Si vasallus non studuerit placare ac reconciliare dominum offensum forte ab aliis, in quo vasallus aliquid juris habet; v. g. à filio suo, item à subvasallo, §. insuper si vasalli, t. 55. libr. 2. juncto §. quesitum, tit. 51. & §. illud quoque precipimus, d. tit. 55. qui textus tanquam commentario illustrari poterunt, si conferas paraphrasin metricam Gunth. lib. 8. quam recitabo:

*Si patris dominum vasalli filius acri  
Læserit offensa, festinet protinus illum  
Conciliare pater: quod si contemnet agendum,  
Munere privetur. Si verò audire monentem  
Filius indomitâ neglexerit aure parentem:  
Non erit in feudo successor idoneus illo,  
Ni prius accensam domini placaverit iram.  
Si tuus ex feudo cuiquam vasallus id ipsum  
Contulit, atque tuo vasallum munere fecit  
Ipse sibi, si forte tuam jam tertius ille  
Successor meruit factis atrocibus iram,  
Nec tibi pro culpâ domino mediante secundo  
Fecerit ipse satis, reprobato protinus illo,  
Ad dominum redeant feudalia jura secundum.  
Si tuus ille suum tibi conciliare fidelem  
Spernit, & aut torpens aut perfidus esse probatur,  
Ambobus spretis ad te tua jura recurrent. Hæc Gunth.*

ex cujus verbis : *aut torpens aut perfidus*, nota obiter quod & suprà monui ex Accursio : *Non modò perfidiam ac dolum, sed & torporem & negligentiam sufficere ad feudi privationem.*

65. D. *Qua est decima species culpa omissionis?*

M. Si vassallus in præstatione annui canonis, quem domino debet, per triennium cessaverit, secundum quosdam dignus est qui feudo privetur : quamvis alii & quidem communiter dissentiant, teste *Iul. Clar. in §. feudum, qu. 51. Schr. par. 9. c. 6. nu. 78. cum seqq. & c. 8 n. 20. & seqq. Rosenth. c. 10. conclus. 19.* Nec desunt qui distinguant & limitent, ut tunc demum sit locus privationi ob non solum canonem, si feudum principaliter ob canonem sit concessum, tunc enim verum est, non fieri id propter quod feudum est datum, argu. §. *sed non est alia, tit. 24. lib. 2.*

66. D. *Cupio cognoscere tam agentium, quam negantium fundamenta, quibus inter se collatis, magis elucescat veritas.*

M. Eorum qui negant, hæc est potissima ratio; quia hæc causa amissionis in jure feudali nusquam sit expressa. Non debet igitur ab Interpretibus induci, cum sit odiosa. Nam tametsi de emphyteusi in jure hoc cautum sit, eam ob non solum canonem amitti, l. 2. *C. de jur. emphyt.* (unde etiam argumentum ad feudum ducunt contrariæ sententiæ auctores) tamen hoc ad feudum produci non debuit, cum pœnæ non sint interpretatione ampliandæ, aut producendæ. Eorum verò qui ajunt (ut sunt in primis *Franc. Sensb. p. 12. d. t. nu. 64. & seqq. item Henr. Bocer. in disp. 17. thes. 124 class. 4.*) hæc sunt argumenta: Primum ab emphyteusi ad feudum, de quo tamē quid hoc casu sentiendum sit, paulò ante audivisti. Secundum, quia intermissione solutionis annui canonis ajunt, non minus versari contemptum domini feudi, quàm in ipsa denegatione servitiorum personalium. Quare sicut vassallus ob non præstita servitia feudo privari potest, ut suprà dictum: ita etiam volunt posse ob non solum cano-

nem.

nem. Ubi enim eadem est ratio, ibi idem jus statui debet. Sed hoc ipsum videtur satis controversum ac dubium, de pari contemptu, qui utroque casu interveniat: Sicut & illud, quod tertio loco adferunt de similitudine obligationis ad servitiorum personalium & canonis præstationem: & illud, quod quarto allegant de fraude & dolo, quodque talis vasallus sit perfidus in dominum, qui diu in solutione canonis cessavit, potest enim etiam sine dolo & fraude ac perfidia cessare, & non solvere. Quinto inquirunt, vasallus indignum se facit feudo, si non det operam, ne dominus rem quam habet, habiturusve est, amittat. Hoc enim juravit se facturum, *vers. etsi contigerit, tit. 7. lib. 2.* Sed hoc quoque argumentum vides quam infirmum sit: nam per istam cessationem in solvendo canone, nihil rei suæ, aut juris amittit dominus, cum salva ipsi sit sua adversus vasallum obligatio, & canon, priusquam solvatur, non sit domini; aliud namque est nostrum esse, aliud nobis deberi, *l. 27. ff. de auro & arg. leg.* Magis igitur inclino in eorum partes, qui negant, hanc esse causam satis idoneam privationis feudi: Aut si quis omnino urgere velit sententiam agentium, non aliter eam admittendam puto, quam si fraudulenter, dolose ac perfide vasallus in solvendo cessaverit. Dolus autem non præsumitur, sed à domino poenam privationis intentante & urgente probandus esset.

67. D. *Audi vi decem species culpe in omittendo posite. Atque ita jam absolvisti ea, quæ circa ipsam domini personam vasallus fecit, aut non fecit, ob quæ feudi privationem merito incurrit. Proximum nunc est, ut illas culpa species exponas, quæ circa res domini committuntur.*

M. Ante omnia illud tenebis: Res domini hoc loco intelligendas esse, tum ipsum feudum, tum alias extra feudum domini proprias. Etsi enim feudum vasalli quoque sit, & dicatur, tamen non pleno jure ipsius est; quia directum, ut vocant, dominium manet domini. Non etiam irrevocabiliter ipsius est, quia multis modis extinguitur, atque amittitur, & ad dominum

feudi revertitur. Videamus igitur primùm, quomodo ex culpa in ipsa re feudali commissâ vasallus feudo privetur. Deinde quomodo ex culpa in aliis rebus domini extra feudum.

68. D. *Quomodo vasallus circa ipsum feudum malè se gerens feudo privatur?*

M. Duobus ferè modis hoc contingit, primùm deterioratione feudi, quod retinet. Secundò, alienatione ejus, quod à se dimittere cogitat. De utroq; jam suprà me agere meministi, cùm ea explicarem, quæ vasallo in feudo denegantur. Neq; verò actum agam, sed quædam ibi intacta reliquimus, quæ hîc opportune adjici possunt.

69. D. *Deterioratio feudi qualis est?*

M. Textum hac de re agentem adduxi ex §. è contrario. *vers. meliorem, t. 8. li. 2.* cui nunc addo §. *praterea si vasallus, in verb. aut patrimonii grandem jacturam facere molientem, t. 24. §. quicumq; advocatiam, in verbo, beneficium inornatè tractaverit, t. 27. lib. 2.* (ubi tamen rectius cum *Hoto. & Cuj. legas, inordinatè.*) Idcirco autem vasallus ob deteriorationem privatur feudo, quia facit contra officium suum, & juratam promissionem, de non damnificando domino, ut est in *tit. 7. lib. 2.* Sic etiam emphyteuta interdum ob deteriorationē prædii emphyteutici suo jure privari potest, *auth. qui rem, C. de sacros. Eccles. Nov. 120. c. 8. Myns. cent. 6. obs. 86. Hart. Pist. libr. 1. q. 28.* Sic & usufructuarius rem usufructuariam deteriorationem faciens, ex tali causa jus suum perdit, ut ad *Instit. audivisti tit. de usufr.* Sic & conductor ex prædio conducto ob talem causam expelli potest, *l. 3. C. de locator & conducto; & dixi ad tit. Inst. de loc. & conduct.* Non tamen ob quamlibet deteriorationem statim expelli volunt vasallum, sed ita demum si concurrant hæc tria: Primùm, si deterioratio facta sit dolo malo, vel culpa ejus. Secundò, si insignis & grandis ac notabilis quantitatis sit. Tertiò, si pertineat ad perpetuam feudi jacturam. Primum requisitum probatur cùm aliis locis plurimis, tum vel maximè per *tit. 21. lib. 1. Feud. de feudo*  
*sine*



*sine culpa non amittendo, & §. sancimus, ut nemo miles adimatur de possessione sui beneficii, nisi convictus culpa tit. 22.* Unde etiam conjunguntur, dolus, negligentia & fraus in §. *præterea si vassallus, tit. 24. lib. 2.* Dolus autem vassalli ex eo maximè arguitur, si admonitus à domino non resipuerit, non destiterit à deterioratione, *Schrad. p. 9. c. 6. nu. 69.* Quanquam hæc admonitio domini non sit adedè necessaria, quin etiam absq; ea possit locum habere privatio. De secundo requisito, id est, quod oporteat grandem & insignem esse deteriorationem (quæ autem talis sit dicenda, vel quæ sit modica, definiendum est arbitrio judicis, ut rectè docet *Menoch. libr. 2. de arbitr. jud. casu 78.*) vide *tit. 24. libr. 2. feud.* ubi aliquoties Feudista nominat *grandem jacturam*, *grave dispendium*: item, *grave crimen*, *si graviter deliquerit*, *si grave quid commiserit*. Item in *tit. 23.* vocantur *egregia ingratitude causa*, de quo loquendi modo eruditè explicat *Zaf. p. 10. nu. 65.* Si igitur vassallus ex sylva feudali, quæ non sit cædua, arbotes frugiferas dolosè cædat, eaq; res vergat in magnum & notabile damnum ejus sylvæ, nec substituat alias in locum excisarum: ex hac causa feudo privandus venit, *Ias. ad l. 7. §. si fundum, n. 2. 3. 4. ff. solut. matrimo. Schrad. p. 9. c. 6. n. 77.* Idem si vassallus villam feudalem diruat, unde insigne damnum feudi emergat, *arg. l. 13. §. fructuarius causam, ff. de usufr.* Tertium requisitum, nempe ut perpetua sit deterioratio, à quibusdam in dubium vocatur: Quia nimirum vassallo non liceat feudi cōditionem, ne quidem in qualitate facere deteriorē, ut suprà dictum, & quia multis in locis juri feudalis traditum sit, quoties sua culpa vassallus effecerit, ut non possit ex feudi fructibus servitia seniori præstare, toties cum feudo privari posse, vide *tit. 52. & tit. 55. lib. 2.* Ergò inquiunt hæc conditio, ut deterioratio contineat jacturam perpetuam, aliena est à jure feudorum.

70. D. *Quid si feudum sit emptitium sive pecunia comparatum?*

M. Etiam hujusmodi feudum ex causa deteriora-

tionis amittitur: quæ est notabilis ampliatio superioris regulæ. Ratio dubitandi est, quia feudum emptum sit improprium: quæ etiam ratio nonnullos movit, ut statuerent non amitti tale feudum quamlibet deterioratum. Vide *Aymon. Cravett. consil. l. n. 109*. Sed ratio decidendi est, quia feudum etiam improprium iisdem ex causis amittitur, ob quas & proprium, argu. §. *pen. & ibi gl. tit. 26. lib. 2. juncto tit. 48. vide & Zas. p. ult. n. 21.* ubi ait: *Feudum emptitium in ceteris placitis feudali-bus omnibus relinqui sub recta & simplici natura feudi, eo solo excepto, quod non sit gratuitum: & idem Zas. ead. p. sub nu. 3.* generalem doctrinam de feudis degenerantibus & impropriis tradit hanc: Feuda licet in aliquibus contra communem naturam feudorum concessa, tamen in reliquis capitulis, sive placitis non alteratis remanere in recta ac simplici feudorum natura. Accedit & hæc ratio, quod textus feudales supra adducti generaliter loquuntur atque indistinctè de quovis feudo ob deteriorationem amittendo. Jam verò tritum est illud: *Ubi lex non distinguit, ibi nec nos debere.*

71. D. *Quid si vassallus partem duntaxat feudi deterioraverit, an toto privabitur?*

M. Imò partis deterioratio facit, ut illa tantum parte privandus videatur, cum & alienatio partis non toto feudo, sed ea tantum parte, quam alienavit, vassallum privet, *tit. 38. lib. 2.* in verbis: *si partem alienaverit, partem perdat*; & ibi *bona gloss.* Non enim ulterius progredi debet metus, quam reperiatur delictum. Vide & *Schrad. part. 9. c. 6. nu. 70.* Nec obstat *l. 3. §. si autem non totum, ff. de SCto Sillan.* ubi dicitur parum referre, totum testamentum, an pars ejus aperiatur. Nam hoc dicitur respectu SCti illius, in quod æquè delinquit qui partem aperit testamenti antequàm vindicata sit nex defuncti, atque is qui totum: nec debet trahi ad feudi vel deteriorationem, vel alienationem. Nihil etiam movet *l. etiam si, 101. ff. de legat. 1.* ubi etiam tutor partis bonorum, si à tutela se excuset, toto eo privatur, quod ipsi testamento est relictum. Nam etiam

tutor partis bonorum pupilli, tamen est tutor, & cum totum detrectet tutelæ officium, merito & omni carere beneficio legati vel fideicommissi: Secus est, si quis partem feudi deterioraverit, vel alienaverit: hic enim non potest dici totum deteriorasse vel alienasse. Deniq; non obstat, quod feudum sit jus quoddam, ac proinde individuum, quod pro parte auferri, pro parte relinqui non possit: nam feuda multa sunt divi-  
dua, suprà diximus.

72. D. *Audivi de culpa in deterioratione feudi commissâ. Expecto nunc ut dicas de ea, qua est in alienatione.*

M. Regulam quidem de prohibita feudi alienatione cum suis rationibus, ampliationibus, atque exceptionibus, tum etiam de speciebus alienationis suprà tractavimus, unde repetere licet. Hic verò tantum quæstiones quasdam huc pertinentes, & ibi omittas, prosequemur: ubi hoc præmisero, prohibitioni alienationis ab Imp. Lothario & Friderico I. hanc esse additam sanctionem, ut vasallus contraveniens, feudo privetur.

73. D. *Quid si ignoret vasallus feudum esse, ac putet esse allodium & rem propriam?*

M. Vasallus qui ignorans feudum alienavit, non amittit jus suum: ideoque feudum non domino, sed ipsi vasallo restituendum est, ab eo qui accepit, §. si vasallus feud. tit. 26. nam quod dicitur, alienatione feudum aperiri domino, id intelligendum est, cum a scientibus alienatur, beneficium, ut est elegans text. in tit. 42. ubi vide gloss. de ignorantia qualis ea esse debeat, ut excusetur, non enim quælibet excusabilis est: non crassa & supina, non facti proprii, non denique juris, quamvis hanc in mulieribus & minoribus excusari ibi dicat Accursius, reclamantibus aliis, ut videre est apud Zaf. part. 10. Vide etiam Andr. Geil. lib. 2. observ. 48. ubi multa præclara adfert de ignorantia, quando & quatenus illa noceat, vel non. Et hujus exceptionis ratio evidēs est, quia ignorans non videtur cōtemnisse dominum,

*arg. l. 50. ff. locati.* ubi non contemnit disciplinam qui ignorat militem.

74. D. *Sed quomodo vasallus ignorantiam suam probabit, si fortè dominus neget, contendens, eum scivisse rei conditionem?*

M. Per jusjurandum *d. t. 42. in verb. si vasallus jurare poterit.* Vide & *Schrad par. 9. c. 1. n. 45. cum seqq.* Nam quæ in animo consistunt, (ut scientia & ignorantia, ut bona malaq; fides, &c.) probantur jurata cujusq; adsertione, *c. 4. extr. de exceptionib. c. ult. ext. qui matrimonium accusare possunt, Andr. Geel. d. obs. 48. n. 25.* Ad hoc tamen jusjurandum non semper vasallus debet admitti, ne videlicet aperiatur perjuriis, ne auctores simus perjurii. Quid enim si non sit verisimile, eum ignorasse? Quid si scire potuerit, ac debuerit feudum esse? id quæ etiam Accursius voluisse videtur ad *d. t. 42. in verbo, jurare poterit*, vide etiam *text. in §. fin. t. 41. & præclare Zaf. part. 10. nu. 10.* ubi ait: *tunc deferri jusjurandum vasallo, si conjecturis aliquibus juvetur, & si vir bonus sit, non etiam si sint presumptiones contra ipsum.*

75. D. *Quid si dubitans vasallus, an feudum sit, ita alienaverit?*

M. Putant pleriq; hunc non esse multandum feudo; primùm, quia textus nominat certam scientiam, §. *vasallus feudum, tit. 26. & §. fin. tit. 34. libr. 2. Feud.* Secundò, quia dubitatio imitatur ignorantiam, & dubitans comparatur ignoranti, *l. ult. C. de condict. indeb. l. 22. §. fin. autem, C. de furtis, & l. 2. ff. quis ordo in bon. poss. serv.* & dixi supra cum agerem de inficiatione feudi. Tertiò, illud quoq; accedere potest, quòd dubitans non possit dici contemnere dominum, quem certò non scit se habere. Mibi tamen in mente versatur illud Ciceronis: *Ipsa dubitatio significationem habet injuriæ.* Deinde, quemadmodum is qui dubitat, dubitanter respondere debet de feudo, non autem negare, ut supra dictum: Ita etiam videtur abstinere debere ab alienatione feudi. Itaq; talis meo judicio vix effugiet poenam privationis.

76. D. *Quid si vassallus inter alienandum adjecerit hanc conditionem, si dominus consenserit alienationi: si domino placuerit, sive salvo beneplacito domini, liberabitur à pœna privationis?*

M. Verius est ipsum liberari, nisi feudū in aliquem potentiores alienaverit, ex cujus manibus non possit feudū recuperari siue reglutinari. Nam tali appositæ conditione cessat ratio. Jam enim non contempsit dominū, cui jus suum expressè reservavit: integrum, qui alienationi consentire non cogitur: imò antequam dominus consenserit, non potest dici alienatio. Est enim hæc venditio conditionalis: cujusmodi contractus tunc demum perficiuntur, quando impleta est conditio, qua non existente, deficiunt, *argum. l. 7. ff. de contra. empt. l. ult. C. eod. t. §. sed & certum. Inst. de empt. & vendit.* hæc enim est natura & vis conditionis, ut suspendat rem vel actum cui adjicitur, ut *audivisti ad tit. Instit. ff. de verbor. obligat.* Quod autem addidi de alienatione facta in potentiores, in hac frustrâ adjici talem clausulam siue conditionem: eam limitationē tradit *Zaf. d. p. 10. sub n. 14.* rectissimè, nam hic locum habet versus M. Palingenii; *Qui vis est, jus non metuit: Ius obruitur vi.* Atq; hæc altera sit exceptio, qua officium suū perdit regula de feudo ob alienationem amittendo (prima enim erat de ignorantia probabili vassalli.) Et si autem non desunt magni auctores, qui huic sententiæ contradicant, ac velint hanc adjunctionem nihil operari, si nihilominus secuta sit traditio: cum sit protestatio ipsi facto contraria, nisi addatur: *Non aliter nec alio modo, ut videre est apud Bald. ad l. uni. nu. 36. C. de his qua pœna nomine relin.* Et apud *Jason. ad l. 8. §. morte, nu. 27. ff. de op. nov. nunc. & Iul. Clar. q. 31. nu. 5.* quibus nuper accessit *Andr. Fach. lib. 7. controuv. c. 85.* tamen, ut dixi, verius est, hujus clausulæ adjunctione vassallum relevari à metu privationis, cujus sententiæ auctores plurimos vide apud *Zaf. p. 10. num. 15. Borch. c. 8. nu. 82. Rosenth. c. 9. conclus. 98. & 100. Menoch. consil. 38. n. 12. & 13.*

77. D. *Quid si traditio non sit secuta contractum?*

M. Tunc vassallus feudo nō cadit, ut ex Isernia probat *Iul. Clar. q. 31. n. 3.* quæ tertia nobis erit exceptio.

78. D. *Quid si contractus alienationis à vassallo factus sit nullus atq; invalidus?*

M. Tunc vassallus feudo privari non debet, nisi etiam veram & actualem fecerit traditionem, teste *Iul. Clar. d. quest. 31. n. 2.* atq; hæc quarta sit exceptio. Dixi, *veram & actualem traditionem.* Nam si tantum ficta interveniat, puta per constitutum, quod vocant possessorium (de quo tamen quid sentirem supra exposui) vel per precarii rogationē: Æquitas suadet hanc non sufficere ad privationis pœnam, licet communiter de rigore juris contrarium sentiant. Vide eundem *Clar. n. 4. & Fachin. lib. 7. cap. 86.*

79. D. *Quid si vassallus feudum à se alienatum & traditum in continenti recuperavit?*

M. Hoc casu nonnulli volunt, pœnam amissionis ipsum evitaturum: Quia sicut is qui statim ac natus est, decessit, ne quidem natus videtur, *Lult. C. de inst. & substit.* Sicut item uxor, quæ statim ad maritum reversa est, nec divertisse videtur, *l. 3. ff. de divortio & repudio, l. quicquid calore. ff. de R. I.* Deniq; sicut is qui possessionem, à quâ vi dejectus est, illico recuperat, non per vim possidere, sed possessionem semper retinuisse intelligitur, *l. 17. ff. de vi & vi armata.* Ita hîc quoq; feudum, quod quis in continenti recuperat, nunquam alienasse videtur. Quæ quidem sententia æquior ac benignior videtur, probaturque post *Ardizonem, Iserniam, Baldum & Alvarottum*, etiam *Zaf. d. p. 10. n. 4.* ubi etiam numero seq. declaratur, quid sit *in continenti recuperari*, ac tandem id relinquit arbitrio judicis. Et hæc esset quinta nostra exceptio, quæ tamen non caret controversia: nam pro contraria sententia (quam post *Bartol. in l. sequitur 4. §. idem Labeo, in fin. ff. de usuc.* amplectuntur *Iul. Clar. d. q. 31. n. 6. Schrad. p. 9 c. 1. n. 17. & seq. Rosenh. par. 9. cap. 9. conclus. 5. & Fachin. lib. 7. cap. 84.*) Pro hac, inquam, sententia validissimæ quoque mili-

tant rationes, quas breviter commemorabo, ut ad disputationem te instruam. Prima hæc est, quia vasallus factâ alienatione statim ipso jure feudo excidit, idq; domino acquiritur. Non enim opus est, ut dominus voluntatem suam declaret, quod velit feudum sibi commissum esse, quod tamen quibusdam visum est, *arg. l. i. C. de revocand. donat. cum similib. Schrad. part. 2. 9. partis princ. sect. 9. n. 1.* In emphyteusis amissione hoc additur, *si dominus voluerit, l. 2. C. de jure emphyt.* Sed in feudi amissione sive caducitate idem non exprimitur; sed potius purè, simpliciter atque indistinctè dicitur, vasallum ob alienationem amittere feudum; non autem tunc demum, si dominus voluerit, vel si declaraverit voluntatem suam. Alienatio, inquam, vasalli ipsa & jus ipsum, non autem voluntas domini hoc facit, ut feudum à vasallo alienatum amittatur, & domino committatur, ut ad ipsum redeat, sive revertatur, ut ipsi aperiatur. Nam his formulis passim hîc utuntur feudistæ, vide *tit. 24. in fi. tit. 38. 49. 52. & 55. lib. 2. feud.* Si igitur feudum ipso jure ob illicitam vasalli alienationem ad dominum rediit, non debet jus ei quæsitum invito auferri absque suo facto, ut maximè vasallus feudum recuperaverit, *arg. l. ii. de R. I.* Et hanc rationem *Iul. Clar. quoq; adfert d. n. 6.* Secundò, eo ipso vasallus dominum contempsit, quod ipso inconsulto feudum alienare præsumpsit, *arg. tit. 24. in fin.* Hoc igitur delictum contemptionis per pœnitentiam, & subsequentem recuperationem feudi non corrigitur, neque evitatur pœna, ut suprâ quoq; dixi, *l. 65. ff. de furtis, l. penult. ff. vi bon. rapt. l. quid sit fugitivus ff. de adul. edict.* Tertiò, quia textus est generalis in *tit. 44. lib. 2.* hodie autem (inquit) si ipsum feudum alienaverit, siquidem illicitè, (intellige absq; consensu domini) licèt postea recuperaverit, tamen penes eum non remanebit, utpote domino ad quemcunq; pervenerit apertum. Vides, hîc nō distingui inter recuperationem factam in continenti, & ex intervallo, sed simpliciter ait, licèt postea recuperaverit, nempe post illicitè factam alienatio-



nationem. Accedit his quartum etiam argumentum à simili, quo utitur *Accurs. ad d. tit. 44.* in verbo, *remanebit*. Nam & clericus seu conversus à seculo ad religionem, quamvis postea habitum religiosum deposuerit, & quasi postliminio redierit ad vitam secularem, feudum tamen, cujus incapax semel effectus est per professionem Clericatus aut vitæ monasticæ, suo illo ad seculum reditu non recuperabit, §. *ult. l. 30. li. 2.* Ex quibus omnibus patet, quintam hanc exceptionem valdè esse dubiam & controversam.

80. D. *Quid si vasallus alienaverit feudum, quod acceperat pro se, & quibus ipse dederit?*

M. Non privabitur feudo, quæ erit nobis sexta exceptio: Eaquæ est communis sententia, innixa claro textu in *tit. 48. lib. 2. juncto §. pen. & ibi gl. tit. 26.* ubi distinguitur inter has duas formulas: *Do tibi feudum ut habeas ipse & cui dederis*: & alteram illam: *Do tibi feudum ut habeas ipse, & cui in feudum dederis*. Vide *Iul. Clar. q. 31. nu. 8. Fachin. lib. 7. conclus. cap. 82.* & quæ suprà hæc de re attigi.

81. D. *Quid si in magna necessitate, verbi gratia, famis, nuditatis, æris alieni constitutus vasallus ad alienationem feudi processerit, excusabitur né ipsum necessitas à pœna privationis?*

M. Suprà probavi, quòd excuset necessitas: quam sententiam ita tamen temperabis, ut necessitate pressus vasallus denunciaret prius domino, & consensum ejus requiratur; quem si non obtineat, tunc demum impune vendat cui voluerit. Quod & *Iul. Clar.* probat. *q. 31. nu. 11.* licet aliàs sequatur communem sententiam, quæ est Baldi & aliorum, probata etiam *Schrad. p. 8 c. 1. n. 20. & Henr. Rosenth. c. 9. conclus. 3. Menoch. de arb. jud. casu 182. n. 11.* Non posse autem dominum cogi ne hoc quidem casu necessitatis ad præbendum vasallo ad sensum, censet idem *Schrad. nu. seq.* quod satis durum, atque inhumanum est, & a phorret à mutuâ illa, quæ inter vasallum & dominum esse debet, necessitudine. Taceo quòd etiam dominum egenum vasallus alere cogitur,

gitur, ut suprà dictum. Quidn̄ igitur etiam dominus cogendus sit vasallo feudum vendituro ad sedandam famem consentire? cū debeat vicem reddere vasallo in omnibus, *arg. §. ult. l. 6. §. tit. 47. lib. 2. feud.* Sit igitur hæc septima exceptio.

82. D. *Quid si dominus sciverit alienationem feudi & tacerit?*

M. Verius est tunc non posse vasallum feudo privari: quæ esse potest octava exceptio. Nam tacitus quoque consensus domini sufficit ad alienationem, ut sit licita: quod latius probavi suprà. Et in eadem sententia esse video etiam *Fachin. libr. 7. c. 80.* licet multis rationibus eam impugnare conetur *Henr. Bocerus disp. 17. class. 4. thesi 88.* ubi docet, taciturnitatem non semper imitari vel operari consensum.

83. D. *Quid si consuetudo alicubi vigeat per quam liceat feudum absq; consensu domini alienare?*

M. Non amitter vasallus feudum, quæ est nona exceptio: nam consuetudo in iis quæ ad feuda pertinent, vincit legem, & pro lege custoditur, *Iul. Clar. d. q. 31. nu. 12.* Jam verò quod sit jure permittente, non meretur pœnam, *l. 4. C. ad l. Iul. de adult.*

84. D. *Quid si dominus vasallo remiserit culpam illicitâ alienatione feudi commissam?*

M. Jam non amplius vasallus feudo privari potest (quæ erit decima exceptio) quia per remissionem & condonationem culpæ res in eum statum reducitur, quasi commissâ non esset. Hic tamen duo observabis: primùm, opus esse nova investitura de tali feudo. Secundò, si feudum quod per alienationem commissum est, fuerit paternum, & dominus remisit culpâ vasallum, quasi de novo feudo rei investire voluerit, oportere accedere etiam agnatorum cōsensum.

85. D. *Cur nova investitura opus est?*

M. Quia feudum per alienationem illicitam desit esse feudum, ac statim ipso jure ad dominum est reversum, ipsiq; apertum, quasi consolidatione quadam factâ utilis domini cum directo, ut loquuntur, *§. pen. tit. 26. §.*

*tit. 26. & tit. 44. & §. callidis, tit. 55.* Vasallus item per contemptum domini desinit esse vasallus. Ergò sine novâ investiturâ non potest feudum retinere vel recuperare, sic & aliâs feudum semel amissum sine novâ investiturâ non recuperatur, ut videre est *tit. 45. & tit. 54. lib. 2.* Ducunt etiam argumentum ab emphyteusi ad feudum. Si emphyteusis (inquiunt) aliqua ex causa fuerit finita, non renovatur tacitè, sine nova scriptura, ut docet *las. ad l. l. n. 96. C. de jure emphyt.* Ergò nec feudum recuperatur aut retinetur sine nova investitura. Ratio consequentiæ est; quia quod in emphyteusi est scriptura, hoc in feudo est investitura. Sed hujus enthymematis antecedens apud me valdè dubium est, qui cum *Cujacio, Giphanio*, aliisque recentioribus contra communem opinionem sentio, scripturam ad substantiam emphyteusis non pertinere. Interim tamen illud facilè concesserim, ad renovationem emphyteusis finitæ opus esse nova declaratione, vel contestatione voluntatis domini, non minus quàm in feudo hujusmodi nova requiritur investitura.

86. D. *Cur autem adgnatorum consensum in feudo antiquo accedere oportere ajebas?*

M. Quia de ipsorum præjudicio agitur, *arg. t. 39. lib. 2. de alien. patern. feud.* Non debet autem adgnatis jus suum, quod ad feudum habent beneficio primi adquirentis, auferri invitis, *argu. §. si capitanei, tit. 13. lib. 1. vide Hartm Pist. lib. 2. q. 15. cum seq.*

87. D. *Quid si vel dominus antequàm feudum à vasallo illicitè alienatum revocaverit, vel vasallus qui alienavit, moriatur, poteritné lis vel ab hærede domini, vel in hæredem vasalli post mortem intentari?*

M. De hac quæstione, an jus privandi feudo transeat ad hæredes activè & passivè, ut loquuntur, commodius erit infrâ disserere. Est enim generalis ad omnes ex delicto descendentes privationis causas pertinens. Interim de ea vide *gloss. in §. porrò, tit. 34. lib. 2. & Jul. Clar. q. 64. cum seq.*

88. D. *Audivi de pœna vasalli alienantis feudum, sed quâ*

qua pœnâ adficitur notarius sive tabellio, qui instrumentum alienationis confecerit?

M. Scriba qui instrumentum super tali contractu alienationis illicitæ sciens conscripserit, triplici pœna adficitur ex Constit. Friderici I. nempe I. amissione officii sive depositionis & degradationis (quomodo etiam jure civili interdum advocacione alicui interdicitur pœnæ causa, vel in perpetuum, vel ad tempus, l. 5. C. de postuland. l. 6. §. fin. ff. mand.) II. Periculo infamix. III. Manus amputatione. Et priores quidem duas pœnas constituerat Lotharius Imp. in tit. 52. vers. notarium verò. Tertiam autem addidit Fridericus in §. callidis, versic. scriba verò. Dixi: qui sciens conscripserit. Sic enim disertè continetur in constit. Friderici. Et merito. Nam si ignorans feudum esse, instrumentum super alienatione ejus fecerit, non punietur: cum nec vasallus ipse, qui ignorans alienaverit, puniatur, ut suprâ dictum in prima exceptione, vide & gl. in verbo, infamia, t. 52. Si tabelliones veritorum contractuum scriptores aliquando etiam irrevocabilis exilii animadversione plectuntur, ut est in leg. 14. §. his tabellionibus, C. de sacrosanct. Eccles. De manus amputatione observabis hîc regulam: plerumq; qua parte corporis quis peccavit, in eadem quoq; plectendum esse: quod elegantibus exemplis tam ex historiis, quàm ex jure nostro & ex Galeno declarat Cujac. lib. 7. observ. cap. 13. Et ex eo Borch. c. 8. de feud. n. 31. quibus adde primò insignem locum Heraclidis Pontici in allegoriis Homericis, ubi ait, ὡς αὖτε οἱ νομοθέται τὰς πατρτύπτας χειροκοποῦσι, τὴν δουλεῖαν αὐτῶν μέντοι ἐξαίρετως ἀποτέμνοντες, ὅπως ὁμοίως ἐν ἡπαπκολάζει τὸν δὲ ἡπαρ ἀσεβήσαντα. Loquitur autem de pœna libidinis, qua in jecore affectus est Tityus. Deinde quòd & perjuriis plerumque duo primores digiti, & blasphemis lingua ejusvè pars præcidi solet, quia nimirum ea corporis parte peccarunt: quam consuetudinē Germaniæ approbat etiam Carolus V. in constit. crim. c. 10. & cap. seq.

Vide etiam l. 3. cum auth. seq. C. de servis fugitivis. Sic interdum nasus abscissus legitur in adulterio deprehensus; & qualis fuerit pœna apud Græcos usitata in adulteris, vide apud Suidam, & Hesychius quoq; eandem rem attingit in Lexico.

89. D. *Cum igitur non valeat venditio feudi absq; consensu domini facta, quid fiet de precio, quod emptori forsè dedit?*

M. Dixi suprà, etiam precium auferri vasallo venditori: sed distingui debere inter bonæ & malæ fidei emptorem, sive eum, qui ignorans & qui sciens feudum comparaverit. Illi namq; salvum esse precium suum: hunc autem id perdere, quod secūdum gl. & communiter Dd. fisco applicetur. At ex sententia Hotomanni parti læsc, id est, domino attribuitur. Ob unum igitur factum illicitæ alienationis vides puniri tres homines; vasallum, amissione feudi; notariū, qui instrumentum confecit, remotione ab officio, infamia, & abscissione manus; deniq; emptorem, amissione precii. Quia verò permutatio similis est emptioni, l. 1. ff. de contrah. emp. cum l. 1. ff. de rerum permut. consequens esse videtur ut dicamus, etiam eum, qui permutatione facta rem aliam vasallo dederit pro feudo, eam amittere: quamvis Impp. Lotharius & Fridericus tantum de emptore & precio locuti sint.

90. D. *Audi vi de culpa vasalli commissa in ipsa re feudali, ejusq; tum deterioratione, tum alienatione, sequitur ut exponas, quomodo ob culpam in aliis rebus domini non feudalibus commissam feudo privetur?*

M. Id accidit, si vasallus domino damnum dederit in ipsius munitionibus, castris, aliisvè possessionibus: si castrum domini, (ut Feudista loquitur) assilierit, id est, obsederit, vel oppugnaverit, §. similiter, tit. 5. lib. 1. & tit. 6. lib. 2. in versic. tutum. & versic. utile. Nec mirum, facit enim contra jusjurandum fidelitatis. Deinde, cum ipse damna ab aliis domino impendentia avertere debeat, inque recuperandis rebus injustè amissis dominum juvare, ut est tit. 7. lib. 2. & in §. præterea, t. 24. lib. 2.

*lib. 2.* Multò magis ab omni maleficio & damno ipsemet abstinere debet. Ampliatur hæc regula duobus modis. Primùm, etiã si arx aut villa, aut vicus, castrum, aut civitas, quam vasallus oppugnat, fuerit ipsi communis cum domino: licet diversum sentiat *Schrader. part. 9. cap. 3. n. 4.* sed alterum mihi probabilius videtur, *arg. l. 47. §. 1. & l. seq. ff. pro socio, l. 19. & l. seq. ff. ad l. Aquil. l. 45. ff. de furtis, l. 8. & l. 13. ff. de servit. urb. præd.* Secunda ampliatio est, etiam si non ipse vasallus principaliter oppugnaverit castrum domini, sed alteri consilium vel opem præstiterit. Vide *Henr. Rosenth. c. 10. concl. 52. argu. eorum quæ supra de amicitia cum inimicis domini copulata diximus.*

91. D. *Quid si vasallus nesciat, dominum ejusvè uxorem in castro quod oppugnat esse: aut si inde absit?*

M. Nihilominus feudo privabitur ob hunc adfultum sive oppugnationem: ut sentit gl. quamlibet contraria textui in verbo, *sciens, d. tit. 5. lib. 1. feud.* & probat etiam post alios *Zaf. par. 10. n. 38.* sufficit enim ad privationem, vasallum scivisse, quòd castrum esset domini (aliud est, si putet probabiliter alterius esse) proindeque omnem vim & injuriam abstinere debuisset, etiam si dominus nō fuerit intus, aut ipsum esse vasallus ignoraverit. Et quanam, quæso, probabilis esset ratio differentiæ inter scientiã & ignorantiam vasalli, quòd dominus sit intus, vel inde absit? Quamvis major fortè sit impudentia atque perfidia ejus, qui etiam in oculis domini arcem ejus adgredi non veretur. Sed id nunc non quæritur, uter gravius peccet, vel impudentior sit; verùm id tantùm, an castrum domini oppugnans dignus sit, qui feudo multeretur? quod adfirmamus indistinctè, sive ignoret dominum adesse, sive sciat abesse.

92. D. *Posteaquàm de culpis adversus ipsam domini personam ejusvè res tam feudales, quàm alias, commissis dixisti, nec non de culpis omissionis: proximum esse videtur, ut exponas ea culpa genera, quæ perpetrantur in personas subiectas domini potestati, vel adfectui, tandemq; de iis, quæ*

*in personas prorsus extraneas committuntur, & vasallum privatione dignum efficiunt.*

M. Rectè meministi Oeconomix nostræ superioris, quam & ipsa natura sensusque communis dicitur. Quæ sint autem personæ potestati adfectuivæ nostro subjectæ, didicisti in *Instit. §. patitur, de injuriis*: & recensentur in *§. item si fidelis, tit. 5. libr. 1. & in §. rursus, tit. 24. libr. 2.* verbi gratia, filia, neptis ex filia (rectè *ex filio*: quamvis Cuj. ibi moliatur mutationem textus, quam non probo. Nam neptis ex filia, non est in potestate avi materni, sed in potestate patris sui, vel avi paterni, *§. ultim. Instit. ut. de patria potestate*) nupta filio, id est, nurus domini, soror domini, uxor domini. In his igitur personis si quis libidinetur, feudo privari meretur. Facit enim contra eam jurisjurandi fidelitatis clausulam, quæ ad honestatem pertinet, *versic. honestum, tit. 6. libr. 2.* Omnes autem istas libidinum impuritates, quas vasallus in hujusmodi personas ita conjunctas domino expatrat, Feudistæ uno communi verbo *cucurbitandi* complexi sunt, quod barbarum vocat *Zaf. part. 10. n. 24.* Extat autem aliquoties in his libris: ut *tit. 5. libr. 1. & tit. 57. libr. 2. & in constit. Imp. Henrici II. de militum beneficiis*, quam *Hotom. lib. 3. feud. tit. 2.* refert ex *Ardizone & Alvarotto*. Dicitur autem vasallus dominum suum cucurbitare, qui stuprum infert ejus uxori, filiæ, nepti ex filio, nurui, sorori, quæ est in domo domini adhuc in capillo, id est, innupta, *d. tit. 5. libr. 1.* Rationem verbi hæc esse puto; quia qui hoc flagitium patrare audet in personas tam conjunctas domino, is cum habet pro homine inerte, quasi qui pro capite habeat cucurbitam, & peponem loco cordis, ut est proverbium apud *Tertull. libr. 4. adversus Marcion. c. 40.* si ve qui pepone magis insulsus sit, ut ait idem in *lib. de anima*: hominem, inquam, dignum qui cucurbitas pingat. Longobardi alio quoque nomine idem dixerunt, nempe *facere aliquem argam*, ut in legibus Longobar. continetur, quas etiam laudant Cujac. & *Hotom.* qui eleganter derivant hoc nomen ex Græco fonte



*ἀρῶς*, quod significat ignavum, stupidum, inertem ac segnem. Itali vulgari lingua *cornutum* vocant eum, qui subsefforem patitur sui matrimonii, suæq; uxoris est leno; qualis apud *Herod. li. i.* est Candaules. Sed quo hæc tota res manifestior sit, proponamus ac declaremus regulā, ejusq; recenseamus & ampliationes & exceptiones. Regula hæc est: Vassallus feudo multatur, qui dominum suū cucurbitaverit, id est, corrupuerit ejus uxorem, vel filiam, vel neptem ex filio, vel nurum vel sororem adhuc in capillo existentem, frattisq; sui domesticā. Ratio jam suprà indicata est: quia scilicet facit contra honestatem, & ita contra unam ex clausulis juris jutandi fidelitatis, ut ita deinceps non possit honestè stare in curia domini, eiq; ministrare. Hujus porrò regulæ plures sunt partes, pro numero videlicet personarum, in quas peccatur, quæq; enumeratur in *d. tit. 5. lib. 1. & tit. 24. 2.* Sed priusquam de singulis videamus, exponenda nobis est vis verbi, *corrupterit*. Hic primū intelligendus est actus perfectus, puta constuprationis, seu concubitus, quod quidem omni caret dubitatione: expressum enim est in *d. t. 5. in verb. cum uxore ejus concubuerit*. Deinde hoc ampliatur primò, e iam si nō perfecerit stuprum, etsi effectū sceleris potiri non potuit, ut loquitur Paulus in *l. i. ff. de extraord. crim. & libr. 5. sent.* sed tantū conatus fuerit, siue exercuerit ac præpataverit se ad imputū illum actum venereum, *d. tit. 5. in verb. vel concumbere se exercuerit*. Ratio hujus ampliationis est illā, quia ipse conatus interdum pro effectū habetur: ut *l. 5. si quis non. C. de episc. & cleric. l. uni. C. de rapt. virgin. gl. in d. t. in verbo, exercuit*. Vide etiam suprà dicta, cum ageremus de domino à vasallo occiso. Tum etiam voluntas perniciosæ libidinis & conatus sceleris pœnam meretur, etiam si effectus non fuerit secutus, *d. l. i. ff. de extraord. crimin.*

39. D. *Quid si is qui ad conatum sceleris jam processerat, ab eo desisterit?*

M. Si sua sponte & ultro desistat ante factum, excu-

fabitur à pœna: secus, si propter impossibilitatem & impedimentum ab aliis fortè adlatum. Ita probabiliter distinguit gloss. in d. verbo, *exercuerit*, & præter alios probat Zaf. part. 10. n. 27. in fin. cum num. seq. Licèt aliter distinguat Franc. Curt. & Baro Schenck. ad d. §. item si fidelis, n. 2. tit. 5.

94. D. Dic aliam ampliacionem.

M. Secunda est, etiam si tantùm turpiter luserit cum uxore domini, id est, impudicè eam contrectarit, d. t. §. & ibi gl. in verbo, *luserit*, quæ allegat l. 16. si quis amodò, t. 54. lib. 2. legum Longobardicarum; cujus hæc sunt verba initio: si quis amodò inventus fuerit cum uxore aliena turpiter conversari, id est, si manum in sinum aut ad pectus ejus miserit, vel ad alium locum unde turpe esse potest, cum consensu istius mulieris, &c. Jure civili hæc dicitur attentatio pudicitiae, ac refertur inter species injuriarum, l. 10. ff. de injuriis. Hæc utraq; tamē ampliatio, ut & sequentes nonnullæ, non immeritò dubites an præter uxorem etiam pertineat ad cæteras personas supradictas. Magis tamen est, ut non pertineant nisi ad uxorem. Primùm argumento ejus, quod ait textus [cum ea] sc. uxore: idem verò non repetit in seqq. Secundò, quia de cæteris personis paulò post loquens, tantùm facit mentionem concubitus, non etiam cæterarum rerum, quæ quasi præparatoriæ, & promulsis Veneris esse solent. Accedit tertio, quia pœnalia non debemus ampliare, sed potius restringere. Atque ita post Baldum sentit Frider. Schenk. ad d. tit. 5. licèt alij dissensiant, ut Mart. Laud. Jac de Belvis. & Curt. quos nuperrimè secutus est Henr. Bocer. disp. 17. class. 4. n. 45.

95. D. De osculo quid dicis? contineturne id sub appellatione turpis lusû, ut ob id vassallus feudo privari possit, quod uxorem domini osculatus fuerit?

M. Non referâ hoc loco, quæ de osculo satis amœna & erudita attulit Borch. c. 8. n. 98. cum 3. seqq. Ea nâq; apud ipsum legere potes. Ex quibus in primis est memorabile exemplum punitarum à Tiberio Imp. libidinum adolescentis Romani Decii Mundi & Paulinæ, quibus

quibus lenocinabantur sacerdotes Indis, ut prolixè scripsit *Ioseph. li. 18. antiq. c. 6.* Tanrùm adjungam quædam ab illo D. meo prætermissa, scitu tamen nō modò jucunda, sed etiam partim necessaria. Tale est primò, quod *Varro in lib. de vita pop. Romani apud Nonium Marcellum* relatùs, osculum quidem derivat ab ore; at suaviū à *suavitate*. Deinde discrimen quod antiquus interpret Terentii facit inter hæc tria: *Osculum, basium, & suaviū*: ut Oscula sint officiorum: basia pudicorum affectuum: suavia libidinum vel amorum. Quibus cum ferè conveniunt glossaria vetera *Henr. Steph.* quando *Basium* interpretantur *φίλημα ἐρωπικόν*: Et *φιλητήν*, *basiatorem, amatorem*. At suaviū *φίλημα ἑταιρικόν*. Sed hoc discrimen vulgò ferè negligitur, & promiscuè hæc omnia uno *Osculi* verbo denotantur. Quibus tertio observare licet distichon ex veteri Anthologia Epigrammatum, quo continentur quatuor gradus amoris sive lineæ totidem. Recitabo sententiam latinè, sunt autem verba insani amatoris ad eam quam amat, & qua potiri cupit: *Beatus est qui te aspicit: at ter beatus, si audiat: & semel Deus, dato osculo: Deus, dato usu corporis* Græcè hæc ita sonant:

*Ευδαίμων ὁ βλέπων σέ· τριπλόλιν, ὅστις ἀκούει.*

*ἡμίτερος δ' ὁ φιλῶν, ἀδανάλιν δ' ὁ συνών.*

Cū ergò quaeritur, an vassallus perdat feudum propter osculum uxori domini sui datum, definienda erit hæc quaestio, tūm diversarum gentium moribus, tūm etiam distinctione ipsius osculi. Moribus quidem: Nam aliud de osculo censent Galli, & his viciniore Germaniæ quidā populi. Aliud Itali, Hispani, & pleriq; Germanorum. Apud illos osculum non modò omni culpa & crimine vacat, sed etiam signum est benevolentiae & humanitatis; quod si quis prætermitteret, ipsorum opinione rusticus & agrestis haberetur. Apud hos verò osculum est criminolum, & severè graviterq; vindicatur, quasi scilicet quædam arrha & præparatio rei venereæ. Vide *Alciat. libr. 4. parerg. cap. 10.*

Deinde distinctio illa, quam dicebam, hæc est: ut osculum luxuriosum & amatorium discernatur ab officioso & amico. Sic officiosum, imò & pium sanctumque est illud genus osculi, quod ambo Apostolorum principes Christianis præceperunt ad *Rom. c. 16. v. 16. 1. ad Cor. 16 v. 20. & 2. ad Cor. c. 13. v. 12. 1. Epist. Pet. c. 5. vers. 14.* Hinc fluxisse quoque videtur, quòd clericus si alienam mulierem amplectatur, hoc interpretandum sit, benedictionis causa factum, ut ait *gl. in c. absit, in verbo, sinistrum, 11. quest. 3.* Sed nequitia clericorum effecit, ut illa sententia glossæ tandem communiter sit rejecta: de quo vide & *Schrad. part. 9. c. 2. n. 87. cum seqq.* Si igitur osculum fuerit impudicum & luxuriosum ac præparatorium Veneris, vasallus feudo privabitur. Atque hæc tertia est ampliatio.

96. D. *Quæ præterea ad corruptelam istam pertinent?*

M. Quarta ampliatio sit, si vasallus uxorem domini adfectatus fuerit, si literas amatorias ad eam dederit, quibus ad stuprum sollicitarit: Item, si munusculis & aliis illecebris ac strophis expugnare pudicitiam ejus voluerit, de quo vide *Schenck. & alios ad d. §. item si fidelis, tit. 5. lib. 1.* In his enim omnibus contra honestatem & bonos mores facit vasallus.

97. D. *Quid si non ipse uxorem domini ceterasq; supra dictas personas impuravit, sed alteri id facienti opem iulerit?*

M. Sit hæc quinta ampliatio, ut etiam tunc feudo privari possit, verbi gratia, si internuncius seu proxeneta fuerit inter uxorem domini & adulterum, ut rectè *Zaf. part. 10. sub n. 27.* Nam & de furto datur actio, ope, consilio, ut audivisti ad *Instit. lib. 4. tit. 1.* & in aliis quoque delictis tenetur is qui opem delinquenti tulit, ut docet *Menoch. de arb. jud.* Et meritò talis vasallus tenetur quasi de lenocinio. Nam lenocinium quoque vindicatur *l. lul. de adult. l. 2. l. si mater, l. qui domum, l. et si amicis, cum l. seq. ff. ad l. lul. de adult. l. 3. §. sed & hi, ff. de accusationib.* sicut enim sublati receptatoribus non essent fures & latrones, *l. 1. ff. de receptatorib. Paulus libr. 5. sentent.*

*sentent.* ita nec adulteri tam crebri forēt, aut certè non diu laterent, si non essent lenones & sequestri Veneris atque emissarii, quos eleganter quidam *accipitres mulierum* appellarunt. Vide *Guil. Forner. in comment. de feud. pag. 101.*

98. D. *Quid si injusta fuerit uxor domini, cum qua vasallus rem habuit, vel habere tentavit?*

M. Ne tum quidem impunè feret vasallus; dummodò non ratione sanguinis injusta sit uxor, id est, modonè incestæ sint nuptiæ, *argu. l. 13. §. 1. & §. sed et si ea. ff. ad l. Iul. de adult. Matth. de Affl. ad §. 1. d. t. 5.* Atq; hæc est sexta ampliatio.

99. D. *Quid si volenti & consentienti domini uxori vasallus vitium obtulerit, an non tunc saltem excusatus erit à pœna privationis?*

M. Est quidem regula juris (quæ & vulgi sermonibus trita est) volenti non fieri injuriam neq; dolum, *l. 145. ff. de reg. jur. cum similib. c. 27. scienti, de regul. jur. in 6.* qua de re etiam Aristoteles differit in 5. *Ethic.* sed nihil hoc impedit, quò minus alteri tamen vel sic fiat injuria, & injuriarum actio nascatur, cujus scilicet potestati vel affectui persona consentiens subiecta est, *arg. l. 1. §. usq; ad eò, & l. 26. si quis servum, ff. de injuriis*, proindeq; verius est, etiam hunc vasallum pœnam privationis feudi non effugere; quæ erit septima ampliatio, pertinens etiam ad alias personas, quas superius recensui, de qua etiam vide *Schraderum*, qui multorum auctoritates allegat *part. 9. c. 2. n. 19.*

100. D. *Quid si questuaria sive publicum scortum & prostibulum sit, in quam vasallus peccavit?*

M. Communis est Dd. sententia, etiam cum, qui cum talibus consueverit, feudo privari possit, ut probat *Henric. Rosenth. c. 10. conclus. 57. & Schrad. d. loc.* quæ est octava ampliatio, item communis plurium personarum. Ratio tamen dubitandi hoc loco esse poterat, quia neq; stuprum, neq; adulterium committitur in meretrice, quam vitæ vilitas & turpitudine curâ legum indignam efficit, & cui proinde injuria non infertur,

*l. 22. si ea, & l. 29. C. ad l. Iul. de adulteris, l. 3. § pen. l. 13. § si quis, & l. 15. § si quis virgines, ff. de injuriis, cum similibus.* Hic obiter notabis, quod meretrices in quibusdam rebus publ. tolerantur potius, quam probantur à legislatoribus. Connivendum est enim interdum ad nonnulla, quantumvis mala, ne, si ea avertere aut excindere velimus, maiora accersamus. Minus autem mali est, ut libidinem suam incōtinentes expleant in vulgariis mulieribus, sive prostibulis, (quas eleganter Tertull. in *lib. de cultu fœminarum, c. 12.* appellat *infelicissimas victimas publicarum libidinum*) quam in alienis matronis, aut filiabus. Sed hæc dubitandi ratio nihil obstat. Fieri namq; potest, ut meretricia illa vitæ uxoris latuetit dominum: atque ita existimaverim temperadam esse communem illam Dd. sententiam. Nā certè si dominus sciat uxoris turpitudinē ac dissimulet, tūc verò reus erit lenocinii, & proinde dolus cum dolo compensabitur, nec ad feudi privationem agere poterit, ne audiat illud Satyrici: *Clodius accusat mœchos, Catilina Cethegum.* Paria enim delicta mutua cōpensatione tolluntur, *l. ult. § pen. & ibi Accur. & Bar. ff. de eo per quem factum erit.* Distinguendum quoq; puto inter eam quæ ante matrimonium fuit vulgaris, sed postea esse desit, & illam quæ est aut fieri cœpit talis in ipso matrimonio, *arg. d. l. 13. & ibi notat Gothof. ff. ad l. Iul. de adult.*

101. D. *Audjvi aliquot ampliaciones regula de feudo ob vitiatam domini uxorem amittendo. Proximum est, ut si quæ sunt exceptiones, addas.*

M. Exceptio hæc est, nisi quis ignorans talem esse, vitiauerit, puta, quòd personatā aut meretricia veste indutam compresserit: sicut Patriarcham Judam fecisse legimus Thamar in Genesi, *l. 15. § si quis virgines, ff. de injuriis, l. ult. de adult. c. 6. in lectum, 34. q. 1.* nam ignorantia talis marito erit excusata, cum inde absit animus delinquendi, *arg. l. si quis ignorans, ff. locati, l. 3. § qui nescit, ff. de libero homine, l. 11. § ult. ff. de his qui not. infam. ligitur, ff. de liberali causa.* Et hanc exceptionē etiam ad

alias

alias personas, de quibus mox diceretur, accommodare debes, est enim generalis.

102. D. *Quid si vasallus sponsam domini corruperit?*

M. Hic quoq; pœnam privationis incurrit, ut rectè post Alvarott. & Ardizonem sentit *Zaf. p. 10. num. 27. & Schrader. p. 9. cap. 2. num. 12. cum seq.* ubi plurimos alios ita sentientes allegat. Atq; hæc nona esse potest ampliatio. Quamquam enim sponsa licet verbis de præsenri, ut loquantur, constituta, propriè loquendo differt ab uxore, quæ per deductionem in domum mariti, tanquam in domicilium matrimonii constituitur, *l. 5. ff. de ritu nuptiarum, l. 15. cui fuerit. ff. de conditionib. & demonstrationib. fac. l. 32. ea quæ, ff. ad municipalem*, hodie verò per deductionem ad Ecclesiam, & benedictionem sacerdotalem, ut docet *Hotom. in Illustr. quæst.* tamen nec matrimonium qualecunq; nec spem matrimonii violare oportet. Et potest sponsus stupratorem sponsæ etiam jure mariti accusare, *leg. 13. §. divi. ff. de adulteriis, l. 7. C. eod.* Præterea sponsæ illatam injuriam etiam sponsus vindicare potest, *l. 15. §. sponsam ff. de injuriis*. Facit huc deniq; *l. 12. §. 1. & 2. ff. de ritu nupt. & §. si uxor. versic. nam constat. Institut. de nupt.* ubi etiam à nuptiis sponsæ parentis, & sponsæ filii abstinere jubemur, quamvis nec illa propriè sit noverca, neque hæc propriè sit nurus. Item quòd tutor æquè prohibetur sibi despondere suam pupillam ac ducere, *l. 60. si quis tutor. §. quamvis, ff. de ritu nupt.* Atque ex his facilè sumi potest responso ad objectionem, quæ quis fortè dicere possit, in pœnis irrogandis verba legum propriè accipièda, nec interpretatione esse producenda, *l. interpretatione. ff. de pœnis, c. odia. & ibi Dynus. ff. de regul. jur. in 6.* nam neq; lex Julia, quamvis loquatur de viro, excludit sponsum, *d. l. 13. §. Divi. & oratio D. Marci*, quamvis nuptias tantùm nominat, tamen & sponsalia comprehendit, *d. l. 60. §. quamvis, ff. de ritu nupt.*

103. D. *Quid si vasallus in viduam domini stuprum commiserit, poteritne ob id feudo privari?*

M. Di-



l. 22. *si ea*, & l. 29. C. ad l. *Iul. de adulteris*, l. 3. § *pen. l. 13. § si quis*, & l. 15. § *si quis virgines*, ff. *de injuriis*, cum *similibus*. Hic obiter notabis, quod meretrices in quibusdam rebus publ. tolerantur potius, quam probantur à legislatoribus. Connivendum est enim interdum ad nonnulla, quantumvis mala, ne, si ea avertere aut excindere velimus, maiora accersamus. Minus autem mali est, ut libidinem suam incōtinentes expleant in vulgaribus mulieribus, sive prostibulis, (quas eleganter Tertull. in *lib. de cultu fœminarum*, c. 12. appellat *infelicissimas victimas publicarum libidinum*) quam in alienis matronis, aut filiabus. Sed hæc dubitandi ratio nihil obstat. Fieri namq; potest, ut meretricia illa vita uxoris latuerit dominum: atque ita existimaverim temperadam esse communem illam Dd. sententiam. Nā certè si dominus sciat uxoris turpitudinē ac dissimulet, tūm verò reus erit lenocinii, & proinde dolus cum dolo compensabitur, nec ad feudī privationem agere poterit, ne audiat illud Satyrici: *Clodius accusat mæchos*, *Catilina Cethegum*. Paria enim delicta mutua cōpensatione tolluntur, l. ult. § *pen. & ibi Accur. & Bar. ff. de eo per quem factum erit*. Distinguendum quoq; puto inter eam quæ ante matrimonium fuit vulgaris, sed postea esse desit, & illam quæ est aut fieri cœpit talis in ipso matrimonio, arg. d. l. 13. & ibi notat Gothof. ff. ad l. *Iul. de adult.*

101. D. *Audi vi aliquot ampliaciones regula de feudo ob vitiatam domini uxorem amittendo. Proximum est, ut si quæ sunt exceptiones, addas.*

M. Exceptio hæc est, nisi quis ignorans talem esse, vitia verit, puta, quòd personatā aut meretricia veste indutam compresserit: sicut Patriarcham Judam fecisse legimus Thamar in Genesi, l. 15. § *si quis virgines*, ff. *de injuriis*, l. ult. *de adult. c. 6. in lectum*, 34. q. 1. nam ignorantia talis marito erit excusata, cū inde absit animus delinquendi, arg. l. *si quis ignorans*, ff. *locati*, l. 3. § *qui nescit*, ff. *de libero homine*, l. 11. § *ult ff. de his qui not. infam. l. igitur*, ff. *de liberali causa*. Et hanc exceptionē etiam ad alias

alias personas, de quibus mox dicetur, accommodare debes, est enim generalis.

102. D. *Quid si vassallus sponsam domini corruperit?*

M. Hic quoq; pœnam privationis incurrit, ut rectè post Alvarott. & Ardizonem sentit *Zaf. p. 10. num. 27. & Schrader. p. 9. cap. 2. num. 12. cum seq.* ubi plurimos alios ita sentientes allegat. Atq; hæc nona esse potest ampliatio. Quamquam enim sponsa licet verbis de præsentì, ut loquantur, constituta, propriè loquendo differt ab uxore, quæ per deductionem in domum mariti, tanquam in domicilium matrimonii constituitur, *l. 5. ff. de ritu nuptiarum, l. 15. cui fuerit: ff. de conditionib. & demonstrationib. fac. l. 32. ea quæ, ff. ad municipalem.* hodie verò per deductionem ad Ecclesiam, & benedictionem sacerdotalem, ut docet *Hotom. in Illustr. quest.* tamen nec matrimonium qualecunq; nec spem matrimonii violare oportet. Et potest sponsus stupratorem sponsæ etiam jure mariti accusare, *leg. 13. §. divi. ff. de adulteris, l. 7. C. eod.* Præterea sponsæ illatam injuriam etiam sponsus vindicare potest, *l. 15. §. sponsam ff. de injuriis.* Facit huc deniq; *l. 12. §. 1. & 2. ff. de ritu nupt. & §. si uxor. versic. nam constat. Institut. de nupt.* ubi etiam à nuptiis sponsæ parentis, & sponsæ filii abstinere jubemur, quamvis nec illa propriè sit noverca, neque hæc propriè sit nurus. Item quòd tutor æquè prohibetur sibi despondere suam pupillam ac ducere, *l. 60. si quis tutor. §. quamvis, ff. de ritu nupt.* Atque ex his facilè sumi potest responsio ad objectionem, quæ quis fortè dicere possit, in pœnis irrogandis verba legum propriè accipièda, nec interpretatione esse producenda, *l. interpretatione, ff. de pœnis, c. odia. & ibi Dynus. ff. de regul. jur. in 6.* nam neq; lex Julia, quamvis loquatur de viro, excludit sponsum, *d. l. 13. §. Divi. & oratio D. Marci, quamvis nuptias tantùm nominat, tamen & sponsalia comprehendit, d. l. 60. §. quamvis, ff. de ritu nupt.*

103. D. *Quid si vassallus in viduam domini stuprum commiserit, poteritne ob id feudo privari?*

M. Di-

M. Distinguendum est inter viduam, quæ manet in statu viduitatis, & eam, quæ ad secundas nuptias transit. Et hoc quidem casu vasallus, qui rem cum ea habuerit, feudum non amittit. Jam enim non amplius dici potest injuriâ affecisse priorem ejus maritum, aut memoriam ejus læsisse, quam ipsamet mulier abolevit, & læsit iterum nubendo. Priore aurem casu magis communis est sententia, vasallum feudo privari ob stuprum in ea commissum, *Zaf. p. 10. d. n. 27. Jul. Clar. quest. 48 in §. feudum, & lib. 5. sent. §. stuprum, n. 5. Borch. c. 8. n. 96. Rosenth. c. 10. concl. 55. Schrad. p. 9. c. 2. n. 5. eum seqq.* Ratio est, quia vidua, quam diu talis manet, videtur in eodem matrimonio vivere, & quemadmodum viventis mariti honore erigebatur, radiisq; coruscabat, *l. ult. C. de incol. lib. 10.* quæ lex totidem verbis repetitur in *l. mulieres, 13. C. de dignit. lib. 12.* sic etiam vidua retinet ejusdem privilegia & dignitatem jam defuncti, *l. quoties, C. de privileg. Scholar. libr. 12. vide & Dd. ad auth. ejusdem, C. de secundis nuptiis, & ad auth. sacram. C. quando mulier tutelæ offic. fungi possit:* & proinde eam lædens aut vitians vasallus videtur ipsi domino, quavis defuncto inferre injuriam, ejusq; manes violare, adeoque crimen privatione feudi dignum committere. Sunt tamen qui contrariam sententiam tucantur, ut Bald. Schenck. Molinæus, Contius, Fornerius, Eguin. Baro, Sonsbeccius & alii, qui nituntur auctoritate textus in *§. ult. t. 21. lib. 1. feud.* in verbis: *Si concubuerit cum uxore domini sui, domino vivente:* quasi à contrario sensu aliud sit, si hoc fecerit domino mortuo. Nam alioquin (inquiunt) illa verba, *domino vivente*, otiosè fuissent addita. Et sæpè difficile est ad hunc locum respondere. Idè tamen sententiæ negativæ propugnatores unam tradunt exceptionem: *Nisi vasallus intra tempus luctus vitium obtulerit viduæ domini.* Tunc enim volunt jure eum privari feudo posse: Et meritò: nam & qui sciens uxorem duxerit, eam quæ priorem maritum nondum eluxit, infamia notatur jure civili; quia videlicet occasionē præbet turbando sanguini, & facit

facit ut incertus nascatur fœtus, dum nescitur, utrum ex priore, an ex postérieure marito fuerit conceptus, *l. 1. § 11. §. notatur etiam, ff. de his qui not. infra.* Deinde qui tam citò cum vîdua domini se commiscet, is videtur etiam vivente domino turpem consuetudinem cum ea habuisse, nec caruisse adulterii suspitione: argumento ejus quod ait *Iust. in Novell. 39. cap. 2. vers. si enim illas.* Tempus autem luctus legitimum olim fuit, decem mensium, ut constat ex *Fastis Ovid. lib. 1. § 3.* Deinde verò à Theodosio factum est annuum, *l. 2. C. de sec. nupt.* Quamvis enim & Seneca facit mentionem anni, dum sic ait *lib. 8. Epistol. 64. Annum fœminis ad lugendum constituerem majores, &c.* tamen annum Senecæ intelligere debemus tantùm decem mensibus constituisse, quibus postea duo sunt additi. Sic enim seipsum alibi declarat in libro de consolatione, cùm ait: *Majores decem mensium spacium lugentibus viros dedere.* Sed hoc obiter dictum sit: ut & hoc tempus illud luctus annui, nostris moribus ex jure Pontificio non observari; sed malè.

104. D. *Quid si vasallus concubinam domini sui constuprarit, poteritne ob id feudo privari.*

M. Quanquam jure civili permissus fuit concubinatus: *tot. tit. ff. de concub. l. 144 ff. de V. S. & passim in legibus, & concubina ab uxore solo dilectu, id est, animi destinatione, & proposito separatur, teste Paulo lib. 2. sentent. 2. 20. sive sola dignitate, l. item legato. §. parvi refert ff. de leg. 3. tamen jure divino & Pontificio, & à Leone Imp. in Novell. 91. prohibitus est, quam prohibitionem etiam mores nostri sequuntur, vide Genes. cap. 3. Matth. 19. 1. ad Cor. 5. § 7. & c. concub. cum seqq 32. q. 2. c. nemo. c. dicam, c. meretricem, & c. seq eadem causâ, quest. 4. ut ita hæc quæstio, quam tamen omnes movent, non magni sit usus. Quòd si tamen alicubi contingat, concubinarum in usu esse & tolerari, sicut à Romanis toleratum fuisse diximus, & fortè vasallus concubinam domini vitiaverit, quæri poterit, quid juris sit? Qua de te ita censeo cum Iohan. Petro Ferrariensi in forma libelli,*

belli, quo agitur de revocatione feudi, in verbo, nec superstitibus, & cum Martin. Laud. ad tit. 5. libr. 1. feud. & cum Molineo in consuetud. Parisiens. tit. 1. §. 30. n. 140. Non esse hanc causam satis justam privationis feudi. Rationes sunt istæ: Licet in iis quæ sunt favorabilia parū distet concubina à justa uxore, solo (ut ait Paulus) dilectū separata, aliud tamen est in iis, quæ sunt odiosa, cujusmodi sunt pœnalia, in quibus non debet fieri extensio, c. odia, de R. l. in 6. l. interpretatione, ff. de pœn. l. 19. ff. de liberis & posthumis. Argumentum quoq; duci potest ex l. 17. in princ. ff. rerum amot. ubi actio furti, quæ marito in uxorem post divortium non datur ob honorem & memoriam matrimonii, cui parcere debet, datur tamen adversus cōcubinam, si quid ab ea fuerit subtrahitum. Accedit denique, quod quis in concubina non possit vindicare adulterium jure mariti, l. 13. §. si quis uxorem, versic. quod & in concubina, ff. ad l. Jul. de adulter. Multis tamen contrarium est visum, quos refert & sequitur Schrad. part. 9. cap. 2. nu. 15. pro quibus facere videtur, quod filius, qui concubinæ patris se miscuerit, non minus meretur fulmen exheredationis paternæ; ac si uxorem ejusdem, id est, novercam suam constuprasset, ut est expressum in Nov. 115. Jam verò quæ sunt justæ & sufficientes causæ ad exhæredandum, eadem etiam ad privationem feudi satis graves sunt, §. predictis modis, tit. 24. lib. 2. cum & privatio feudi sæpè dicatur exhæredatio, ut supra ex observatione Cujacii retuli.

105. D. Quid si pedissequam sue domine vasallus stupraverit?

M. Multi negant, ob id pœnam privationis locum habere: ut videre est apud Iferniam, & Schenk ad d. t. 5. lib. 1. feud. & Franc. Curt. de feud. p. 2. n. 22. Somsb. p. 12. n. 22. A quibus licet dissentire ob has rationes: primum, quia etiam jure civili, qui pedissequam alicujus matronæ adsectatur, ejusvè pudicitiam attentat, injuriarum tenetur ipsi dominæ, l. 15. §. tenetur, cum §. seq. & §. meminisse, ff. de injuriis. nisi quis dicat injuriarum quidem

dem actionem dari hoc casu, sed tamen ad privationem feudi procedi non posse. Deinde, quia hoc ipso vasallus facit contra honestatem dominæ, quam sartam testam se conservaturum promisit in jurejurando fidelitatis, ut est in *vers. honestum, tit. 6. libr. 2. Feud.* Tertio, quia etiam pedissequa est ex numero earum personarum, quæ potestati & adfectioni nostræ subjæctæ sunt, à quarum contumeliâ vasallus abstinere debet, ut supra audivisti.

106. D. *Quid si vasallus matrem domini stupravit, eritne ob id feudo privandus?*

M. Omnino puto. Nam si sororem domini vitians hac pœna dignus est, ut mox dicâ, quanto magis eandem merebitur stuprum offerens matri ejus, multo enim major & arctior est inter matrem & filium, quàm inter fratrem & sororem cõjunctio ac necessitudo, & proinde gravius quoque injuria redundat ad vasallum ex constupratione matris, quàm sororis a vasallo perpetrata. Accedit quod est in *titul. 7. lib. 2. feud.* Ad tuam vel tuorum injuriam vel contumeliam, &c. Suorum autem appellatione, vel in primis continetur mater; utpote, cujus viscerum portio fuerit filius. Contrarium tamen placuit *Eguin. Baro. lib. 3. de benefic. cap. 3. & Franc. Somb. d. p. 12. n. 19.*

107. D. *Audivi de violata domini uxore, sponsa, viduâ, concubinâ, pedissequâ domina, itemque matre domini. Restat ut dicas de cæteris personis ad adfectionem domini vel domina pertinentibus.*

M. Eæ sunt in *d. t. 5. lib. 1. & tit. 24. lib. 2.* filia domini vel dominæ, neptis ex filio (non etiam ex filia, propter rationem superius indicatam ex *§. ult. Inst. de patria potestate*) item nurus, nam & hæc loco filiæ est loco & locui, *§. adfuitatis, Inst. de nuptiis.*

108. D. *Quid autem de sorore domini ais, an vasallus etiam ob stuprum huic illatum feudo privabitur?*

M. ita; sed cum distinctione. Nam si est in capillo adhuc innupta virgo, & in domo domini, id est, in familia ejus, tum vasallus ob stuprum ei illatum feudo multa-

multabitur: secus si sit alteri nupta, aut vidua extra domum fratris sui, ejusdemque domini feudi degens, §. *item si fidelis. titul. 5. libr. 1.* & §. *rursus, titul. 24. libr. 2.* Ratio differentię est, quia hoc posteriore casu contumelia sororis non tam propè attingit dominum feudi, fratrem ejus, ut priore: nam nubendo alteri, à domo fratris transit in familiam mariti sui, qui illam injuriam vindicare poterit, secundum id quod habetur in §. *patitur autem, Instit. de injuriis.* Cæterum de illa formula, esse in capillo, pro innuptam adhuc puellam, vide *Hotom. in Lex. feud.* ubi eandem etiam observat ex legibus Longobardorum & Constit. Neapolitanis. Adnotat quoque, fuisse apud antiquos hanc consuetudinem, ut novæ nuptæ crines solverent, qui mos adhuc hodie in quibusdam Germaniæ civitatibus etiam in paranympis virginibus usurpatur.

109. D. *Sed de sorore mihi hic dubitatio quadam incidit, videtur enim nimis asperè agi cum vasallo stupratore sororis domini, adeoque videri poterat non posse privandus feudo, quandoquidem is, qui fratrem domini interfecit, non idcirco feudum amittit, ut est in t. 37. lib. 2. feud. & infra fortassis attinges?*

M. Non debet hoc mirum tibi videri, quòd stuprator sororis domini feudo priveretur, occisor fratris non priveretur. Nam viro bono longè gravior debet esse metus stupri, quàm mortis, ut rectissimè ait *Pinell. in l. 8. ff. quod metus causa*, unde & *S. August. lib. 1. de civitate Dei, cap. 18.* & seq. multis disputat, utrum præster, spontaneâ morte stuprum antevertere atque effugere, quàm pati salva vita. Et nobile est exemplum Virginii apud *Livium lib. 3.* Quare & Feudistæ existimarunt, gravius crimen esse in vasallo, si stuprum sorori domini, quàm si necem fratri ejus obtulerit.

110. D. *Quid si vasallus concubuerit cum sorore dominae suae, an ob id feudi privatione dignus erit?*

M. Putò distinguendum, an domina feudi, cū qua soror moratur, adhuc sit innupta, an verò conjugata, ut priore tantum casu, non etiam posteriore vasallus

cum



cum sorore ejus rem habēs, feudo excidat. Atq; ita intelligendus videtur *text. in d. §. rursus, tit. 24. lib. 2.* Alter verò textus in *tit. 5. lib. 2.* tantum sororis domini mentionem facit. Differentiæ ratio est, quia si domina feudi sit conjugata, jam non amplius potest dici soror ejus esse, aut manere in ipsius domo, cum ipsa nubendo transferit in mariti domicilium, quod jure civili uxor sequi cogitur. Cessante itaq; ratione juris, cessabit jus ipsum.

**III. D.** Proximum est, ut exponas de criminibus à vasallo non adversus ipsam domini personam, eosve qui ipsius potestati vel adfectui subjecti sunt, sed prorsus extraneos commissis?

**M.** Hujusmodi crimina ferè quatuor reperio in jure feudali, quæ sunt primò, parricidium: Secundò, traditio, siue proditio cõvasalli. Tertiò, incestum. Quartò, læsæ majestatis: quibus & quintum nonnulli interpp. addunt, adulterium & stuprum: de quibus singulis ordine videndū est. *Quomodo igitur vasallus feudo privatur ob parricidium perpetratum?* **M.** Si fratrem suum, aut filium fratris sui occiderit, §. deniq; *vers. si verò non in domino, tit. 24. & §. item si fratrem suum occiderit, tit. 5. lib. 1.* Ubi quod Accursius putat pronomen, Suum, posse ad utrumq; referri, tam ad dominum feudi, quam ad vasallum, pace ipsius dixerim, peccat (sicut alibi quoq;) ignorantia linguæ Latinæ, quæ hoc non permittit: ut multis docet *Laur. Valla de usurecpr.* Quanquam autem Feudista in *tit. 17. libr. 2.* hanc addit limitationem; ut tunc demū vasallus feudo privetur, si patrem suum occiderit totius hæreditatis obtinendæ causa (ubi nomen *hæreditatis*, pro successione feudali accipiendum videtur) tamē reliqui duo textus indistinctè fratricidium vindicant amissione feudi, etiamsi non hoc animo, aut eo fine id perpetratum fuerit: & quidem longè cõmodius omittunt istam limitationem. Quæ enim ratione fratrem suū quis occiderit, etiamsi non spe successionis, tamen semper verum est parricidium esse, *l. 1 in verbo fratrem. ff. de l. Pompeja de parricid.*

& ita Cujac. ad tit. 2. libr. 1. rectissime admonet, quod & Hotom. placere video in commentario ad tit. 5. libr. 1. in verb. *fratrem vel nepotem*: ubi obiter observabis nepotem dici non lineâ descendentium, qui ex filio aut filiâ alicujus natus est, sed fratris filium in transverso ordine, quem & *fratruelem* & *fraternum* posteriores scriptores appellare solent, Cuj. ad d. t. 2. lib. 1. feud. Dicendum est igitur, exempli potius causa hoc ibi adjici de spe potiundæ hæreditatis, quod nimirum ita fortè contigerit, non quòd semper sit necessarium. Exempla enim declarant potius, quàm restringunt regulam.

112. D. *Se l'cur ob necem fratris sui feudum quis amittit; & non ob necem fratri domini oblatam, ut est in allegato tit. 37. cum tamen frater domini propius ipsi conjunctus sit, quàm frater vassalli, qui respectu domini prorsus est extraneus, & proinde eum occidendo nihil delinquit in dominum?*

M. Ratio differentiæ hæc est; quia priori casu commissum est parricidium, d. l. 1. ff. de l. Pompeja de parricid. & diximus ad §. *alia* deinde lex, Inst. de publ. jud. posteriore tantùm simplex homicidium. Atqui parricidium longè gravius & atrocius crimen est homicidio, sicut etiam gravius punitur; & proinde æquum visum est Feudistis, ne adedò infamis & crudelis persona, quæ se parricidio polluit, amplius in curiâ domini versetur. Nam cui tandem parceret, si proprio fratri & suo ferè sanguini non pepercit? Neq; tamen dicimus impunè esse debere vassallo, si fratrem domini occiderit, (subite enim hoc nomine debet judicium parium curiæ, & coërcitionem aliquam:) sed hoc volumus, pœnam non esse privationem feudi. Vide Cuj. d. loco, & *Sonsbec. p. 12. n. 54.* Excipiunt tamen duos casus, quibus etiam propter fratrem domini occisum feudo privandus sit vassallus: ut primò, si in contumeliam domini eum occiderit. Secundò, si proditoriè id fecerit, de quibus exceptionibus vide Nicol. *Mozz. t. ex quib. caus. feud. amit. n. 61.*

113. D. *Cur Feudista hic tantum meminerunt fratris & filii fratris, sive nepotis ex fratre, ut vulgò vocant, cum tamen longè latius pateat crimen parricidii?*

M. Non injuriâ hoc mitatis, & requiris. Neq; defuerunt qui extensionem ad alia patricidii genera in aliis coniunctis personis commissa (quæ extensio vulgò; & rectè quidem, ut puto, ab interpretibus fit, sicut videre est apud *Schrad. p. 9. c. 3.*) improbarent, atque rejicerent, quia, inquiunt, unius inclusio cæterorum est exclusio, *arg. l. 12. ff. de judiciis, l. hos accusare, 8. ff. de accusationib. c. nonnè benè. extr. de præsumpt. & ibi Dd. Menoch. conf. 158. nu. 29. libr. 2.* Dum igitur Feudistæ exprimunt fratrem & fratris filium, eo ipso alias personas excludere voluisse videntur. Et sanè hi aliquid dicent, nisi haberemus textum generalem in *d. §. deniq., t. 24. lib. 2.* ubi fratricidii mentioni adjunguntur ista: Vel aliud grave crimen, quod parricidii appellatione continetur. Ex quibus verbis satis patet, non ob solum fratricidium feudum amitti, verùm etiam ob aliud quodvis parricidium, quod nisi sic admitteremus, meritò stultitiæ arguendi forent Feudistæ; & mera pecora fuissent, quia hoc pacto nobis restrinxissent parricidium, ut non nisi fratrem occidens, aut fratris filium, feudo privaretur; ac ne hoc quidem semper, sed tunc demum, si spe potiundæ hereditatis sive feudi hoc fecissent: Quid enim? num augetur crimen ex hac circumstantia? Deinde an non æquè graviter peccat, qui sororem suam occidit, atq; is qui fratrem, *d. l. 1.* An non deniq; gravius multò, qui patrem aut matrè, vitæ suæ auctores, qui item filium filiamvè, nepotem neptemvè, qui ab ipso vitam acceperunt, occidit, quàm qui fratrem? Omnino igitur verior est, ne dicam communior sententia illa; vasallum ob quodvis parricidium, & non tantum fratricidium, feudo privandum esse, quicquid nonnulli dicant; qui tunc demum admittunt extensionem ad alias personas, si quis eodem animo illas occiderit, nempe, ut vel solus ipse, vel tantò maturiùs feudum consequatur. Ex hac enim

circumstantia, ut dixi, crimen non crescit, quod per sese satis est grave, sicut nec ejusdem defectu decrescit vel minuitur. Exemplum hîc referre libet ablati ob parricidium feudi. Id præbet historia Gallica. Cùm enim Arturus, Angliæ Rex, Richardi filius, à patruo suo Johanne cæsus esset nefariè, Philippus Augustus rex Gallia, qui Arturum vivum totis viribus defende-  
rat, etiam ipsius indignissimam necem ultus est, dam-  
nando Joannem apud se & pares Franciæ de parricidio accusatum, & feuda quæ à se tenebat in Francia, ipsi auferendo.

114. D. *Quid si vassallus compatrem suum, (quem Canonista vulgò vocant patrem spiritualem) occiderit?*

M. Etiam hoc crimen parricidii speciem esse volunt, nimirum quia in Baptismo contrahatur inter susceptum & susceptorem spiritualis quædam cognatio, quæ & nuptiis impedimento est. Græcis est οἰκότης καὶ τὸ πνεῦμα, susceptus enim susceptori est loco filii, & contrà, susceptor suscepto loco patris, tot. tit. extr. de cognatione spirituali, & ibi Cuj. in recitationib. vide & l. 26 si quis alumnus, C. de nupt. quæ unica in jure civili lex de hac spirituali cognatione exstat. Merito igitur si quis tã impius extiterit, ut occidat eum, cujus animæ Deo mediante copulatus est in sacrosancto baptisate, feudo privabitur: qua de re vide Schr. p. 9. c. 3. n. 25. Andr. Tirag. in tract. de pæn.

115. D. *Quid si quis tantum insidias struxerit vitæ talium personarum, nec secutus fuerit eventus?*

M. Sit hæc prima ampliatio, ut etiam tunc vassallus feudum amittat: Idem Schrad. d. p. 9. c. 3. nu. 30. arg. l. 1. in fin. & l. 7. ff. de l. Pompeja de parricidiis.

116. D. *Quid si vassallus tantum adjuverit parricidium ab alio susceptum, aut conscius fuerit criminis?*

M. Sit hæc secunda ampliatio, ut talis quoq; feudum perdat, quamvis alioquin sit extraneus, Schrad. d. loc. n. 33. arg. l. 2. & l. 6 ff. d. tit. de l. Pomp. §. alia deinde lex. vers. nec non is, cujus dolo, Inst. de publ. jud.

117. D. *Quid si eum dolosè capti vum detinuerit, aut carcere mancipaverit aliquem ex suprâ dictis personis?*

M. Sic hæc tertia ampliatio, ut tum quoq; vasallus feudo privetur: de qua vide eundem Schrad. num. 35. & Henric Rosenth. c. 10. conclus. 65. argu. l. 7. §. 1 ff. quod metus causa: ubi vincula morti comparantur. Accedit quòd etiam vasallus dominum ex carcere nō liberans, cū possit, feudo privatur, ut suprâ audivisti: quantò igitur magis hoc dicendum est de eo, qui patrem, vel aliàs tam conjunctas personas, ut patricidii in ipsis committatur, non solum non liberat ex vinculis, sed etiam ipse eas includit. Deniq; argumentum sumi potest ex Novell. 125. ubi hæc juxta est causa exheredationis. Erit ergò etiam sufficiens ad privationem feudi, arg. §. prædictus modus, tit. 24.

118. D. *Satis de parricidio: Quid autem si vasallus sibi ipsi violentas manus intulerit, factus autόχοης, num feudo privabitur, vel ipse si supervivat, vel ejus heres?*

M. Julius Clarus in §. feudum, quest. 58. indistinctè respondet negativè, secutus Baldum & Jacobinum de S. Georgio: quia scilicet hoc delictum vasalli nullo modo pertineat ad domini offensionem: de qua tamen decisione, ejusvè ratione non immeritò dubites. Quomodo enim hoc nō pertinet ad offensionem domini, si vasallus tam nefario modo conetur servitiis & fidelitati ejus se subtraheret? Cū etiam Reip. injuriam faciat, qui seipsum interficat, dum civem ei admittit, ut rectè Aristot. lib. 5. Ethic. Distinguendum ergò potius existimo inter causas impulsivas, ob quas vasallus sibi ipsi manus intulerit, ut si quidem propter alicujus criminis conscientiam talis, ob quod aliàs feudo privandus esset, seipsum rebus humanis extrahere conatus sit, tum privetur feudo, & ipse si fortè vulnere supervixerit, & eo mortuo heres: Sin autem aliam ob causam, ut impatientiâ adversæ valerudinis & doloris, item tædio vitæ, atq; odio lucis, tum neq; ipse, si supervixerit, neq; eo mortuo heres feudum amittat. Quod idem Zasius quoque voluisse videtur

p. 10. nu. 105. eaq; distinctio passim in jure civili tradita receptaq; est. Loca aliquando collegi in *Instit. ad finem tit. quibus non est permixsum facere testamentum*, unde licebit repetere.

119. D. *Traditionis crimen quale est?*

M. Si vasallus feloniam commiserit, hominem tradendo, privabitur feudo, ut ait textus in *d. tit. 37. libr. 2. feud.* Tradendo hominem, id est, convasallum suum prodendo. Traditio enim Longobardis usurpatur in significatione prodicionis, sicut & hodie Italici, *traditor* idem est quod *proditor*, & apud Gallos similem habent notionem, *Trahir*, item *Trahison*. Quod autem hominem interpretatur vasallum ejusdem domini, non est novum in isto jure: de quo & aliàs audivisti, & docet Hoto. in *Lex. verb. feud.* Ratio quare ob hanc causam vasallus feudum perdat, hæc est, quia convasalli sunt confratres inter se, unde & pares appellatur, item pares cutiæ, sive domus. Cum ergo vasallus fratrem suum occidens, aut fratris filium, amittat feudum, (de quo supra) merito etiam subibit eandem pœnam, si convasallum prodiderit alteri ad occidendum, præsertim cum proditores magis etiam sint nefarii, atq; exosi omnibus mortalibus, quam ipsi homicidæ, ut pulchrè aliquot argumentis probat *Borch. c. 8 nu. 125.* sunt etiam plures vasalli ejusdem domini inter se commilitones. Atqui commilitonem suum vulnerans, vel exauctoratur militiâ, vel etiam capite plectitur, *l. 6. §. si quis commilitonem, ff. de re militari.* Sunt tamen longè plurimi authores, qui in *d. tit. 37.* hominem non de convasallo, sed in genere de quolibet homine accipiendum putant, ut videre est apud *Schrad. p. 9. c. 3. n. 64.* & *Rosent. c. 9. concl. 62.* etiam *Borch. d. loc.* à quibus liceat dissentire ob rationes satis evidentes.

120. D. *Quomodo ob incesti crimen vasallus feudum amittit?*

M. Si vel incestas contrahat nuptias, vel aliàs extra matrimonium incestu se polluat, *Zaf. p. 10. n. 29. Schr. p. 9. c. 3. n. 1.* & *Rosent. c. 9. conclus. 68.* Ratio est posita in hujus

hujus criminis turpitudine, per quā fit, ut nō amplius honestè vasallus stare possit in curia domini. Ampliatur autem hæc regula; primū, ut ne tum quidem, si Papa dispensaverit, feudum retineat, aut recuperet, ut rectissimè ex Baldo retulit *Zaf. d. loc.* Nam ut maximè concedamus, papalem hanc dispensationem facere posse, ut justum vasalli sit matrimonium, quod per se futurum erat incestum: tamen ejus tanta vis non est, ut jus suum domino feudi acquisitum auferre possit. Secundò ampliatur ut procedat, siue incestus sit juris gentium, siue juris civilis, observabis enim hīc obiter duas incesti divisiones: quarum prima est ea, quam modò indicabam, nempe incestum aliū esse juris naturæ seu gentium, aliū juris civilis. Altera est divisio, quā incestus aut committitur sub figura matrimonii, aut cum aliqua specie fornicationis extra matrimonium.

121. D. *Quæso hæc species leviter mihi explices: & primum quidem incestus naturæ seu gentium qualis est?*

M. Quando inter se commiscetur ex cognatione quidem ascendentes, & descendentes in linea recta, verbi gratia, si filius rem habeat cum matre, aut pater cum filia, quomodo in Genesi Loth cum filiabus suis, à quibus inebriatus fuerat & ad concubitum illectus post conflagrationem Sodomæ & Gomorrhæ: Quomodo item Myrrha cum patre Cynira sese commiscuit, ut est apud Ovidium in Metamorph. Hujus generis eadem est secundum quosdam Interpp. ex transverso, si quis cum sorore rem habeat: ut in *lib. Reg.* filius Davidis Ammon cum sorore sua Thamar. Item hujus generis incestus est, si ex affinitate inter se commisceantur ex personæ; quæ sibi invicem sunt loco parentum & liberorum, ut soror, nurus, socrus, gener, noverca, privignus, vitricus, privigna aut privignæ filia, &c.

122. D. *Quis est incestus juris civilis?*

M. Si quis non abstineat ab ea, cujus conjunctio non divino aut naturali jure, sed aliqua lege aut con-



stitutione, aut alia parte juris positivi prohibetur. Extant autem hujus distinctionis fundamenta in *l. 138. §. adulterium. §. 1. ff. ad l. Iul. de adul. l. si. ff. de cond. sine causa. l. fin. ff. de ritu nupt.* & *l. 35. §. 1. de V. O.* De altera verò incestus divisione, in eum qui fit sub figurâ matrimonii, & eum qui cum specie fornicationis, vide *Iul. Clar. lib. 5. sent. §. incestus*, Covarr. p. 2. de matrim. §. 8. de incestis nuptiis, nu. 2. ubi plures allegat autoritates: item Anton. Tessauro. decis. 100. n. 3. Deniq; Jacob. Thoming. decis. 42. Et quidem si incestus committatur sub figura matrimonii, nuptiæ dicuntur vel nefariæ, vel simpliciter incestæ. Nefariæ quidem, si sit commissus primi generis incestus, nempe contra prohibitionem juris naturæ seu gēitium; incestæ simpliciter, si posterioris generis, nempe adversus interdictum juris civilis, ut rectè Cujac. distinguit in *paratis. C. ad tit. de incestis & inutilibus nuptiis*. Quanquam autem aliàs ferè mitius puniatur incestus sub specie matrimonii cōmissus, quàm cum specie fornicationis, ut videre est in *l. 4. §. 6. cum auth. incestas nuptias, C. de titul. & apud Dd. supra relatos*, tamen quoad amissionem feudi non distinguimus inter genera incestus. Atque hæc quidem de incestu communis est opinio, ob hoc crimen vasallum perdere feudum, quam tamen in dubium revocavit Francisc. Curt. part. 4. de feud. num. 40. ubi contendit simul stare posse hæc duo, ut bona alicujus ob crimen quoddam publicentur, & tamen civiliter contra eum non agatur ad privationem feudi: eamque singularem opinionem nuper rationibus quibusdam oppugnavit etiam Bocero. disp. 17. class. 4. nu. 105. Prima est, quia nusquam in libris feudorum hæc ponatur inter causas amissionis feudi, ideoq; nec recipienda videatur, arg. *l. 19. C. de collat.* Secundò, quia in pœnalibus non sit admittenda extensio, sed potius benignior interpretatio facienda, ut supra quoq; non semel diximus. Tertiò, quia causæ exheredationis, & revocandæ donationis adsimulati solent causis privationis feudi, ut item supra dictum. Jam verò ob incesti crimen, neq;

liberi

liberi à parentibus exheredantur, neq; donatio revocatur à donatario. Ergo neq; feudum ex hac causa amitti debet, cum & feudi privatio sit quædam exheredatio. Quartò, quia vasallus ob stuprum viduæ domini illatum non amittit feudū, propter textum expressum in *tit. 21. lib. 1. in verb. domino vivente*, (qua tamen de re & supra dictum.) Atqui ista injuria etiam ad defunctum pertinet, & magis quidem quàm quod vasallus in sorore sua perpetravit. Quintò & ultinò, quia vasallus ob stupratam domini sororem non amittit feudum, nisi unico illo casu, quando est in capillo & domo domini, ut supra audivisti: Et tamen propius attingit dominum ista injuria, quàm quod vasallus peccat in sorore propria. Verùm huic argumento responderi potest ex Cujacio ad *tit. 2. lib. 1. feud.* sicut gravius est crimen patricidii, quàm homicidiū, ideoq; ob necatum fratrem proprium feudo vasallus privatur; ob fratrem domini occisum, non item: Similiter incestum, quod in sorore propria committitur, longè gravius est stupro, quod in sorore domini. Deinde incestum non tantum in sorore, sed etiam in aliis personis multis committi potest: ut ita in hoc quinto argumento, sicut & in quibusdam præcedentium, non satis roboris esse videatur. Vide etiam de tota hac re, an inquam, & quando vasallus ob incestum privetur feudo 35. *cons. Modest. Pist. vol. 2.*

123. D. *An etiā adulterium & stuprum à vasallo perpetratum in extraneas personas meretur pœnā privationis feudi?*

M. Ita quidem nonnulli putant, relati ab *Henric. Rosenth. c. 10. conclus. 67.* sed quoniam de incestu dubitari posse paulò antè audivisti, multò majorem intelligis esse dubitandi causam de adulterio & stupro; cum constet, utroq; gravius crimen esse incestum. Quod autem de majore negatur, id non videtur adfirmandum de minore; quia si id non inest quod magis, nè illud quidem inerit quod minus inesse videtur, ut docet *Eberhard. in Top. in loco à majore ad minus.* Est & hoc certissimum argumentū, quòd jura feudalìa expressè

loquuntur de eo stupro, quod infertur domini uxori, & filix & nurui, nepti ex filio & sorori domini, quæ est in capillo, & in domo domini. Jam verò unius inclusio cæterorum est exclusio. Quid quòd neq; exheredatio filii à patre fieri potest ob hæc crimina, nisi forrè in novercâ, aut patris concubinâ fuerint à filio perpetrata. *argum. Nov. 115. c. 3.* Sæpè autem solemus à causis exheredationis ad causas amissionis feudi argumentum ducere, tam negativè quàm affirmativè.

124. D. *Quomodo ob crimen lesa majestatis vasallus feudum amittit?*

M. Superiora crimina in singulos; hoc in universos redundat. Porrò majestatis crimen a perduellione quomodo differat, item contra quas personas committatur, audivisti ad §. 1. *Instit. de pub. jud.* & latius explicatur ad l. *quisquis*, C. ad l. *Iul. majest.* Cùm autem hujus gravissimi criminis variæ sint pœnæ, inter cæteras est etiam hæc, quòd vasallus id committens feudum priveretur: ut docet *Bald. ad §. callidus, de prohib. feud. alien. per Frideric.* vide *Schrader p. 9. cap. 8. nu. 18.* Et hoc verum est, sive crimen hoc perpetretur adversus ipsum dominum feudi, sive contra alium: (quanquam hic propriè de iis delictis agimus, quæ in extraneas personas committuntur, non in dominum, neque personas ejus potestati vel adfectui subjectas.) Deinde hoc ampliatur, ut etiam ipso jure ex hac causa feudum amittatur absq; sententia, quæ aliàs saltem declaratoria desideratur, ut infra audies. Vide *Francisc. Curt. p. 4. de feud. nu. 155.* His delictis in alios commissis adde nimiam sævitiam vasalli in subditos feudales: de qua causa privationis vide *Mynsing. cent. 5. observ. 8. Gasl. lib. 1. de pac. pub. c. 2. num. 22. Et in observat. Schrad. p. 9. cap. 3. num. 59.* Huic simile est, quòd jure quoq; civili non licet domino in servum supra modum sævire: ut in *Inst.* audivisti.

125. D. *An etiam feudum ob benè merita concessum revocari potest ex causa aliqua ingrætitudinis?*

M. Vulgò ferè putant, nō posse. Verior tamen videtur sen-

tur sententia Caroli Molinæ, quam & Ar. Pinell. approbat ad l. 1. part. 3. sub n. 62. vers. infertur 17. Falsa enim est illa vulgaris hypothesis, donationem remuneratorem non posse revocari. Cui consequenter hoc statuerunt, feudum ob benemerita concessum ex causa ingrati non posse revocari. Sed falso fundamento illo subruto, etiam quod ei superstruxerunt, corruit.

## CAPUT VI.

*Modos & causas amittendi feudi culposas sequuntur non culposæ. Hic quæstiones quædam de amissione feudi solvuntur: 1. Utrum ipso jure feudum dominor cõmittatur, an verò sententiâ interveniente. 2. Feudum amissum ad quem redeat. 3. Quid juris sit de fructibus, meliorationibus & incrementis feudi amissi?*

**I. D.** *Videris jam expediuisse causas amittendi feudi, ut sic dicam culposas. Nunc expecto ut dicas, quibus casibus vassallus sine culpa sua feudo privetur.*

**M.** Id verò lex modis accidit. Primùm, morte vassalli, nullis relictis feudi successoribus. Secundò, monachismo & clericatu. Tertiò, refutatione feudi. Quartò, lapsu sive exitu temporis. Quintò, voluntate domini, repetentis feudum certo casu. Sextò, interitu rei feudalis. In his omnibus facilè animadvertis nullam versari culpam vassalli. Quidam autem ex his casibus sunt voluntarii, alii non voluntarii.

**2. D.** *Cupio de singulis breviter abs te erudiri. Et primum quidem quos vocas voluntarios?*

**M.** Refutationem feudi, item monachismi & clericatus professionem. Nemo enim cogitur feudum refutate invitus, quamvis domino invito refutari illud possit: nemo quoq; invitus professionem suscipit clericatus vel monachismi. Cæteri modi omnes sunt involuntarii.

3. D. *Quomodo morte vasalli feudum finitur?*

M. Animadvertere debes, quòd non simpliciter dixerim, morte vasalli feudum finiri, atq; ad dominum reverti. Non enim semper sicut ususfructus, ita & feudum morte extinguitur, sed ita demum, si nullis relictis feudi successoribus vasallus decesserit, §. *rursus, tit. 5. lib. 1. & §. et si clientulus, tit. 13. eod. lib. §. 1. versicul. sin autem, tit. 9. & t. 12. cum tit. 18. lib. 2.* Ut maximè verò quis habeat in rebus allodialibus hæredes & successores (sicut rarò contingit, aliquem sine omni hærede mori: quo casu fiscus bona tanquam vacantia occupat) tamè nisi successores idonei & capaces feudorum adsint, nihil hoc juvat defunctum. Quinàm autem sint feudi successores idonei, plenè diximus suprà; neque hîc eandem incudem tundere debemus. Ratio est: Quia feuda ad conservationem familiarum ut plurimum dari solent. Extincta igitur familia, in cujus gratiam feudum fuerat concessum, tanquam cessante una ratione, ob quam datum fuerat, feudum ad suam originem revertitur, unde profectum erat.

4. D. *Sed feudo morte vasalli domino ita, ut dictum est, aperto, possuntne proximi defuncti cognati petere, ut sibi potius, quàm extraneo dominus de novo concedat, ipsosq; de eo investiat?*

M. Quanquam Bartol. in l. 1. §. promittitur, ff. de aq. quot. & assiv. voluit, feudo ad certam generationem concesso, eaq; generatione deficiente posse proximos cognatos postremo defuncti vasalli à domino petere, ut feudum sibi consisteret, idq; dominum ipsis sine injuria denegare non posse, & hoc communi Dd. catervæ placuit; tamen a jure & ratione alienum videtur, quia unusquisque est rei suæ moderator & arbiter, de eaque statuere potest quod vult; & nemo cogitur socium aut vasallum recipere, quem non vult; imò & generaliter, nemo contrahere cogitur, ut noti sunt hac de re textus juris l. nec emere. C. de jur. deliber. l. 2. ff. si à parente quis manum. Unde & Iul. Clar. id nunquam se vidisse in praxi servari, & durum sibi videri testatur, ut  
domi-

dominus cogatur proximos cognatos defuncti investire de feudo sibi aperto, §. *feudum*, q. 87. De emphyteusi autem quid juris sit in tali casu, docet idem in §. *emphyteusis*, q. 43. Vide & *Andr. Fachin. libr. 1. controvers. cap. 10.*

5. D. *Quomodo clericatu aut monachismo feudum amittitur?*

M. Quemadmodū in jure civili adjungi solet morti naturali deportatio, quasi mors quædam civilis, ut audivisti ad *tit. Instit. de cap. dimin.* ita hoc loco rectè morti naturali adjungimus hanc velut spirituales mortificationem: nam qui clericatus vel monachismi professionem faciunt, ii præ cæteris Christianis se totos Deo devovent, & quasi mortui sunt mundo. Rationem porrò quare Clerici & monachi non sint capaces feudi, jam suprà audivisti; quia scilicet servitia & officia militaria, ob quæ feuda conceduntur, dominis suis præstare nequeunt. Vide *t. 21. §. qui clericus*, *tit. 26. item tit. 30. & tit. 36. in fin. lib. 1. feud.* & in *extraord. cap. tit. ult. apud Cujac. lib. 4. feud.* qui apud Hoto. est *tit. 47. lib. 3.* Scriptum est, (inquit textus) in divinis eloquiis: *Miles Christi serviat Christo; milites seculi serviant seculo.* Quod totidem quidem verbis non legimus in sacris Bibliis, sed tamen sensus idem extat in Epistolis Paulinis. Quòd tamen etiam homini Christiano liceat militare, & bella, dummodò sint legitima, gerere, suprà quoq; indicavi ex sententia SS. Patrum.

6. D. *Quomodo per refutationem feudi jus vasalli extinguatur?*

M. Si vasallus feudum à se abdicet, idq; resignet ac cedat vel feudi domino, vel proximis adgnatis, qui post mortem suam aliàs successuri erant in feudo, vide *tit. 19. & tit. 39. cum tit. 49. lib. 2. feud.* Sed rota hæc de re saris diximus suprà, cū de jure vasalli in feudo ageremus: Ubi inter alia hoc quoq; audivisti, domino etiam invito ac repugnanti refutationem fieri posse. Deinde, si refutatio fiat domino, tum ut ea valeat in feudo

feudo veteri, requiri consensum agnatorum, quia his præjudicium fieret. Quod autem omnes tangit, ab omnibus debet approbari, *c. 29. de R. I. in 6.* In novi autem feudi refutatione domino facta non requirimus hunc consensum; quia in feudo novo non succedunt agnati, ne frater quidem fratri. Hoc quoq; ibidem audivisti, remotioribus agnatis non aliter fieri posse refutationem, quam si proximiores consentiant. Nam & hîc ipsis fieret præjudicium, & jus succedendi quod habent, auferetur, quod fieri non debet.

7. D. *Quomodo lapsu temporis feudum extinguitur?*

M. Si ad certum tempus feudum fuerit cōstitutum, eo elapso finitur: ut videre est *t. 2. lib. 1. feud.* Imò olim ab initio feuda omnia temporalia fuerunt, ut supra dixi. Ratio est eadē, quæ in revocatione precarii: quia non est naturā æquum, ut quis diutius re nostrā utatur quàm nos velimus, *l. 2. §. & naturalis. ff. de precario.* Deinde, quia hæc lex contractui initio adjecta est, meritoq; custodienda, *l. 1. ff. de pact. l. 1. §. si convenit. ff. de positi, l. contractus 23. ff. de R. I. cum simil.* Hoc loco observabis differentiam inter feudum & dominium. Hoc enim ad tempus constitui non potest, sed sui natura est perpetuum; illud temporale esse potest.

8. D. *Quomodo voluntate domini feudum finitur?*

M. Nō quodvis feudū dominus vasallo quoties vult, auferre potest (nā in plerisq; valet regula: *Quod ab initio fuit voluntatis, postea fit necessitatis*, ut supra dixi ex *l. 5. C. de O. & A.*) sed est hoc speciale in feudis, quæ vocāt *Guardia & Castaldia*, ut post annum voluntate domini avocari possint; de quo vide *t. 2. li. 1. in pr. & t. 11. eod. lib.*

9. D. *Quomodo interitu rei feudalis feudum amittitur?*

M. Si fundus feudalis chasinate perierit, si ædes feudales incendio cōsumptæ fuerint, vel terræ motu, vel quo alio casu collapsæ, eadem ratione jus feudi extinguitur, quæ & ususfructus & emphyteusis ob similes causas finitur: hæc enim omnia sunt jura in corpore, quo sublato, ipsa quoq; tolli necesse est, ut docet Cicero in *Topicis*: nam accessoriū sequitur suum principale,



cipale, l. cum principalis, ff. de R. l. c. accessorium, eod. t. in 6.  
 De usufructu vide §. pen. Instit. de usufr. De emphyteusi,  
 quod ipsa quoq; totali rei interitu extinguatur, est l. i.  
 C. de jure empl. & §. ad eò, in verb. tunc siquidem totius rei  
 interitus, &c. De feudo autem licet destituamur textu,  
 tamen ex identitate rationis rectè idem dicemus. Ad  
 hanc classem aggregari potest ille quoq; feudi finien-  
 di modus, qui tamen specialis est in feudis de Came-  
 ra, & de cavena: nam hæc quoq; evanescent, si domi-  
 nus facultatibus ita exhaustus sit, ut nō amplius pos-  
 sit solvere vasallo quod debebat & solebat. Camera  
 autem Feudistis est idem quod ararium: sicut hodie  
 quoq; Cameram Principum dicimus: Die Fürstliche Kammer:  
 item bona Cameralia, das Kammer Gut/ pro fisco Prin-  
 cipis. Cavena iisdem est horreum, penuarium, cella-  
 rium, ex quo scilicet vasallo præberi solet annona:  
 verbi gratia, frumentum, vel vinum annuum, vel pe-  
 cora, &c. de quo vide Cujac. ad tit. 2. lib. 2. feud. & Hoto. in  
 Lex. V. F. habetur hic casus in princ. tit. ult. lib. 2. feud. &  
 attingitur ab Hot. in disp. de feud. c. 39. Sed additur ibi-  
 dem limitatio hæc: si camera vel cavena ita sit evacua-  
 ta sine culpa promissoris, id est, domini feudi, qui pen-  
 sionem aliquam ex sua Camera vasallo promisit, &  
 constituit se soluturum. Ex quo à contrario sensu in-  
 telligimus, si culpa intervenierit domini; puta, si sua  
 profusione atq; luxuriâ dissipaverit bona, aut in frau-  
 dem vasalli alienaverit, ipsum nō liberari, neq; feudū  
 finiri. Quamvis inanis tunc erit actio, quam inopia  
 debitoris excludet, l. 6. ff. de dolo malo. Ratio quoq; ibi-  
 dem additur; quia non sit æquum, ut quis egentem vi-  
 deat, quem antea habuit in conjugem, nimirum, pro-  
 pter commune vinculum fidei, quod ipsi conjunctus  
 est, ut rectissime exponit Cuj. ad t. 5. li. 2. Hoc vult dice-  
 re illa ratio; sicut maritus de dote conventus, tantum  
 in id quod facere potest, condemnandus est, l. 12. ff. sol.  
 mat. l. 20. ff. de re jud. §. item si de dote, Inst. de act. ita etiam  
 vasallus cum domino benignè agere debet. Nam &  
 dominus ipsi est quidam quasi cōjux. Vel etiam hoc  
 vult

vult dicere: quia qui ex liberalitate sua convenitur, in id quod facere potest, cōdemnari debet, ne sua liberalitate inops fieri periclitetur, nam & feudū est quoddam beneficium, *arg. l. 28 ff. de R. I.* Faciunt huc ea quæ dixi ad finem *tit. Inst. de action.* ubi etiam exposui, quomodo æstimandum sit id, quod vel quatenus quis facere potest. Feudista inquit in *d. tit. ult. lib. 2. feud.* dominum feudi dare posse, intelligitur omni ære alieno deducto: quasi dicat, quia bona non intelliguntur, nisi quæ supersunt deducto ære alieno: *l. 39. §. bona, ff. de verb. sign.* Item creditores, qui ex alienum exigunt, certant de damno vitando, cum vassallus certet de lucro capiendo: Ideoq; creditores meritò præferentur vassallo. Ad illud autem quod ait Feudista: *omni ære alieno deducto*, etiam hoc addi debet: *& deductis ipsius domini a inventis, sive deducto ne ipse egeat*; ita, inquam, ut & ipsi aliquid sufficiens relinquatur, ut loquitur Pomponius in *l. cum ex causa 30 ff. de re jud. cum similib. loc.* Possremò ex illis verbis *text. in d. tit. ult.* expectandum est donec *interim* (malim, iterum) de Camera vel de cavena dari possit: colligi posse videtur, huiusmodi feudum iusto casu vel in suspensio esse, vel etiam extinctum resuscitari, si quid denuò esse cœperit, in camera & cella domini, unde dari possit, vel si dominus ad pinguiorem fortunam reversus sit: quamvis aliàs obligatio semel in perpetuum extincta non facilè restituitur, ut est in *l. 98. qui res, §. aream, ff. de solut.*

10. D. *Annon sunt & alii modi, quibus feudum absq; culpâ vassalli extinguatur?*

M. Superioribus sex modis etiam hi addi possunt: Defectus aut vitium corporis: cessio bonorum: evictio, & revocatio facta à domino ob supervenientiam liberorum. Deniq; præscriptio. Sed quomodo & quando feudum præscriptione extinguatur, jam supra exposui: unde repetes, quæ hîc erunt necessaria. De reliquis tantum restat ut videamus. Tradiderunt & alium quendam singularem modum amittendi feudi sine ullâ beneficiarii culpâ: nempe ob hoc solum,

lùm, quòd dominus proprietatem feudi concesserit Ecclesiæ, feudum Ecclesiæ aperiri, nec à vasallo retineri posse amplius, nisi per gratiam Ecclesiæ id tanquam de novo recepit, §. *si verò contigerit. 2. F. 54.* De alio, luassisse hoc videtur favor Ecclesiæ & piæ causæ, qui tamen tantū valere non debet, ut alicui jus suum auferat. Ideoque si omninò hoc jus recipiendum sit (quod satis iniquum videtur) non sine grano salis recipietur, nempe cum hac limitatione, quam ibid. addidit *Accurs. in gloss. verb. non poterit*, dummodò dominus hoc casu vasallo aut æstimationem feudi, quod Ecclesiæ concessit, aut aliud pro eo feudum præster ejusdem bonitatis & quantitatis, tanquam scilicet de re aliena ipsum investiisset: argumento eorum, quæ suprà diximus de investitura de re aliena facta, quæ res evicta sit.

D. *Quomodo ob defectum corporis vasallus feudum amittit?*

M. Debilitas, imbecillitas, vitium & mutilatio corporis reddit quem feudi incapacem: ut, si mutus aut surdus, aut cæcus aut mancus quis factus sit. Tales enim feudum deservire non possunt. Cessante autem officio, cessare debet & beneficium, *arg. l. in omnib. 68. ff. de reg. jur. vide tit. 6. lib. 1. & t. 36. lib. 2. feud. & ibid. Hor. in commenta.* & adhibe temperamentum distinctionis suprà traditæ, cùm de personis diceremus eorum, qui feuda accipere possunt. Absq; eo enim nihil videtur hoc jure agrestius, inhumanius, & importunius dici posse, *arg. l. 44. sup. eum qui. ff. de usuc. ut rectè Hor. ad d. t. 6. §. mutus.* Huc pertinet etiam furor vasalli, & perpetuus morbus.

II. D. *Quomodo cessione bonorum?*

M. Si vasallus bonis cesserit, feudum amittit, & liberatur ab onere servitii; ubi tamen distinguendum est, perinde ut distingui solet ab Interpp. in illa, an feudum ex causa domini infecti, item pro executione rei judicatæ capi possit, de quo *Bar. & alii ad l. 15. §. si de vectig. ff. de damno infe. Schrad. p. 9. c. 10. sub n. 4.*

12. D. *Quomodo per evictionem?*

M. Si vafallo de feudo litigante indicatum fit feudum ad alium pertinere, vafallus feudū amittit, *Schr. d.loc.* An autem & quando vafallus cum domino agere possit de evictione aliās audivisti.

13. D. *De supervenientia liberorum quid ais?*

M. Si quis dum nullos haberet liberos rem magni precii alicui in feudum dederit, & postea liberos suscepit, potest ex hac causa secundum quosdam feudum a vafallo revocari. Ita voluit *Matth. de Afflict. ad §. ult. t. quib. mod. feud. amitt. arg. l. 8. si unquam. C. de revoc. donat.* ubi idem jus tribuitur donatori, cui post donationem liberi fortè nascuntur, de quibus tempore donationis non cogitaverat, vel etiam desperaverat. Sed hæc sententia aliis displicuit, maximè *And. Tiraq. in comm. ad d. l. si unquā, in verbis, donatione largitus, n. 340. cum seqq. & Schrad. p. 9. c. 10. nu. 7.* Rationes apud ipsos videre licet, quæ me quoque permovent, ut in ipsorum partes concedam: Quanquam non nego, humanitèr & benignè facturum hoc casu vafallum, si ultrò suo jure decesserit, & feudum domino jam liberis aucto, ac fortassè cognati sui prædia restituerit. Sed nos hîc quaerimus, an jure ad hoc faciendum cogi possit? quod cum Tiraquello & Schradero negandum videtur.

14. D. *Audi vi modos & causas amittendi feudi in persona vafalli contingentes. Nunc proximum esse puto, ut exponas de ea amissione, quæ contingit in persona domini.*

M. Faciā, ubi prius dixero de his tribus quæstionibus. Primū, an feudū ex his causis ipso jure finiatur, atq; ad dominū revertatur, ita ut is vafallum propria auctoritate expellere possit, an verò judicis sententia ad hoc requiratur? Secundū, feudum amissum ad quem redeat? Tertiū, de fructibus & meliorationibus feudi finiti & amissi, quid juris sit, de quib. ordine videamus.

15. D. *An ergò feudum ipso jure amittitur, an verò sententia judicis necessaria est?*

M. Joan. Oldendor. in fine class. §. t. de act. benefic. putat hanc Dd. disputationem non admodum fructuosam

tam esse: nisi fortè aliquid contulerit ista investigatio  
 propter fructus à tempore alienationis perceptos, ut  
 sciamus nimirum, an illi ad vasallum, an verò ad do-  
 minum pertineant. Regulariter autem vasallus non  
 privatut feudo ipso jure, sed post convictam culpam,  
 atq; ita secutâ sententiâ. Ita *Iul. Clar. in § feudum, quest.*  
*62. Zaf. part. 10. n. 72. Borch. cap. 8. de feud. n. 157. & Schrad.*  
*part. 2. 9 part. princ. Henric. Rosenth. c. 10. concl. 108. Franc.*  
*Zoannet. cap. 4. rer. quotid. n. 14. Modest. Pist. conf. 35. nu. 49.*  
*& seqq. vol. 2. Quæ communis sententia adedè firmiter*  
*fundatur in iplis verbis textuû, ut repertos esse mirer,*  
*qui dissentire aut dubitare auderent. Sic enim legas*  
*tit. 21. lib. 1. feud. Ut nemo miles sine cognitâ culpâ be-*  
*neficium suum amittat, id est, si ex culpis iis vel causis*  
*convictus non fuerit, quas milites usi sunt (id est, so-*  
*lent) nominare, quando fidelitatem faciunt dominis*  
*suis per laudamentum parium suorum. Per laudamen-*  
*tum, id est, arbitrium, estimationem, cognitionem, con-*  
*silium, judicium, vel sententiam. Laudare enim apud*  
*feudistas & historicos rerum Germanicarum idem est,*  
*quod examinare, & re benè explorata decernere ac*  
*statuere sive arbitrari. Exempla adnotavit Hot. in Lex.*  
*verb. feud. Item Cuj. ad t. 17. lib. 1. feud. Similis est textus*  
*in §. sancimus, t. 22. Ut nemo miles adimatur de pos-*  
*sessione sui beneficii, nisi convicta culpa quæ sit lau-*  
*data per judicium parium suorum. Et mox: Si autem*  
*dixerit miles, quodd sui pares iniquè judicassent. Et*  
*rursum: Qui laudamentum atq; judicium fecerunt,*  
*verba hæc sunt constit. Imp. Lotharii, ut Hotom. vult*  
*Primi, ut Cujacius, Tertii. Pares autem, ut jam notum*  
*est, dicuntur convasalli. His accedit constitutio Con-*  
*radi Imp. relata in l. 3. tit. 7. de beneficiis & terris tributa-*  
*rus, libr. 3. legum Longobard. ex qua verba huc facientia*  
*sunt ista: Præcipimus & firmiter statuimus, ut nullus*  
*miles sine certa & convicta culpa suum beneficiû per-*  
*dat, nisi secundum consuetudinem antecessorum no-*  
*strorum & judicium parium suorum. Atq; hæc tria lo-*  
*ca etiam glos. allegat ad tit. 5. libr. 1. feud. in verbis amit-*

tere censetur, quam gloss. approbant Bald. Prapof. & alii communiter Feudistæ. consentit quoq; alia rursus gl. in verbo, revertatur, in §. callidis, tit. 55. de prohib. feud. alien. per Frid. quæ vult, vasallum qui commissa felonja feudum adhuc habeat, tantum per sententiam amittere debere. Addo ego quartum locum ex constit. Henrici secundi, relata apud Ardizonem & Alvarott. itemque ab Hoto. lib. 3. de feud. t. 2. si quis ergo dominum suum interfecerit, parium laudatione beneficium amittit; ubi rectissime adnotat Hoto. Feudum enim ipso jure ob vasalli crimen patrono non committitur, sed parium sententia causa cognita ei abjudicatur. Suffragatur huic regulæ præter auctoritatem & textum & interpretum etiam aperta ratio juris: quia scilicet si concederetur domino facultas proprio Marte excelendi vasallum feudo, quod dicat ipsum sibi commissum esse, negante id vasallo, & domino se (ita ut sit) opponente, sæpè ad rixas, ad manus & arma veniretur, hoc autem prætor permittere non debet iis, quos potest sua jurisdictione componere: nec singulis concedendum est, quod potest publicè per magistratum fieri, ne detur occasio tumultus faciendi, l. 13 §. sed si inter duos, ff. de usufructu, l. non est singulis 176 ff. de regul. jur. Huc & illa pertinent; Neminem sibi ipsi in sua causa judicare, sibi que jus dicere debere, tot. tit. C. ne quis in sua causa jud. &c. Item: si quis rem suam alteri per vim extorqueat, eum amittere dominium suum: si sibi debitum, amittere jus crediti, l. exstat. 13 ff. quod met causa, l. si quis in tantam. 7. C. unde vi, & dixi ad tit. Institut. de vi bonorum raptorum.

16. D. Atqui Feudistæ sæpè ajunt: vasallum cadere à feudo, item amittere feudum, carere beneficio: ajunt item beneficium pertinere ad dominum, vel adgnatum, item reverti: Quæ certè verba significare videntur, ipso jure hoc fieri, nec opus esse sententia, vel privativâ, vel declaratoria.

M. Per hæc verba & similia non excluditur, sed potius includitur sententia: quod vel inde satis patet, quod toties alibi mentionem faciunt Feudistæ laudamenti,

menti, atq; iudicii parium, ut jam aliquot prolatis locis docui. Quod cur nominassent, si non agnovissent necessarium esse. Et profectò quantumvis res ad aliquem pertineat, tamen si ab alio possideatur, detineaturvè, omninò opus est ad eam consequendam actione & iudicio, uti videre est in rei vindicatione, in petitione hereditatis, & aliis innumerabilibus. Sic & in *l. 31. ff. de pign.* convenisse dicitur, ut vectigali non soluto fundus rediret ad dominum: unde videbatur dicendum, ipso jure id fieri debere, & tamen in eadem lege additur, *pronunciatum fuisse*; ex quo intelligimus iudicium institutum fuisse super eo fundo & latam sententiam. Quemadmodum, igitur cùm dicimus, dominum posse expellere emphyteutam ob nò solum canonem, per id non excludimus nec evertimus ordinem iudiciorum, sed potius mediante sententia id eum facere debere volumus intelligi: ita hìc quoque, cùm dicimus vasallum expelli posse ob commissam feloniam, aut aliud quod crimen; non enim vi, sed jure, non per se privatim, sed publicè per iudicem ejusq; apparitores id facere debet. Observabis hìc, quod sæpè ad alia quoq; tibi inserviet: nonnunquam ita loqui legumlatores, ut quod propriè convenit iudici, vel magistratui, id tribuant auctori: verbi gratia, Reū condemnare, item iudicatum facere debitorem suum, restituere se in integrum, & similia: vimirum quia quod quis per aliū facit, ipse fecisse videtur, *c. 72. qui facit per alium, de R. I. in sexto*. Exempla vidè in *l. 33. ff. de jure dot. l. 13. §. etiam ff. de pign. l. 2. ff. ad l. Iul. de adult. l. 3. §. si quis minor, & l. 48. in princ. ff. de minorib.* Sic 3. Annal. scribit Tacitus, C. Cestium fraudis damnavisse Anniam Rufillam; sed addit, sub iudice, ut intelligamus ipsum Cestium fuisse accusatorem.

17. D. Atqui cùm non requiratur sententia iudicis ad constituendum & acquirendum feudum (sicut certè nemo dixerit requiri) non videtur etiam ad amissionem esse necessaria: Vel si necessaria est ad amissionem feudi sententia, erit etiam necessaria ad constitutionem & acquisitionem ejusdem,



dem, nam eo modo quidq; solvi debet, quo ligatum est, l. nihil tam naturale 35. cum similib. ff. de reg. jur.

M. Non satis hoc argumenti est. Nam neq; ad contractus faciendos, aut dominia rerum transferenda requiritur Judicialis auctoritas. (excepto fortè casu pignoris, quod in creditorem jure domini transferri debet, tit. C. de jur. dom. imp.) sed possunt illa privatim quoq; fieri, ut ita jure subsistant: & tamen ad obligationum aliorumq; jurium vel in personam, vel in rem inde nascentium executionem, sæpè opus est judicis vel magistratus auctoritate, tot. t. Inst. de act. Quod autem à quibusdam de patria potestate adfertur, de tutela item & de cura, de usufructu, de obligat. ea, inquam, omnia quemadmodum cõstituuntur & acquiruntur absq; sententia Judicis, ita & finiri atq; extinguì sine ejus interventu; facilè ipse vides quanti sint hæc dissimilia. Deinde, annõn si altera pars fortè contradicat, etiam tunc partes Judicis hñc certè requirerentur, quia causam cognosceret, & per sententiam declararet, extincta ac sublata esse hæc jura: v. g. patriam potestatem, tutelam, curam, usumfructu, servitutem, testamentum, obligationem, &c. quæ una pars contendit adhuc durare, altera parte id negante. Quare non recedes à vulgari sententia interpretum, quæ etiam Giphantio probatur in tractat. Feud. nec non Duarenò & Ant. Cont. De emplr. autem fundo, an & quando cum dominus propria auctoritate ingredi atq; occupare possit, vide Iul. Clar. in §. emphyteusis, quæst. 20. 25. & 44. Item Connan. lib. 7. comment.

18. D. Nullanè igitur ab hac regula est exceptio, quando videlicet ipso jure feudum ad dominum revertatur, nec sit sententia?

M. Iul. Clar. in §. feudum, q. 62. in fi. unicum excipit casum, nempe si vassallus alienaverit & tradiderit feudum inconsulto domino; tunc enim vult feudum ipso jure amitti, atq; ad dominum reverti, eamq; exceptionem & Zas. part. 10 agnoscit, n. 72. & Borch. c. 8. nu. 156. & jam olim tenuit glos. in §. callidis, in verb. revertatur, tit. 55. distinguat

stinguit tamen ibidem gloss. inter personam vasalli qui alienavit, & tradidit feudum, & emptoris qui accepit, ut quantum quidem ad vasallum non sit opus sententiâ; quia scilicet feudum ipso jure per alienationem apertum sit domino, & non amplius à vasallo possideatur: quantum verò ad emptorem, non nisi per sententiam id dominum recuperare posse. Huic addunt alii plures exceptiones, ut I. si vasallus crimen læsæ majestatis commiserit in dominum, quod sumpserunt ex l. *quisquis*, C. ad l. *Iul. maj.* vide Borch. d. loc. & III. nisi inter dominum & vasallum ita convenerit, ut feudum etiam ipso invito ob delictum domino committeretur, *Zaf. d. loc.* de qua tamen non immerito dubites propter l. 3. C. de pignorib.

19. D. Sequitur ut dicat feudum amissum ad quem recidat, cui committatur, cui applicetur, sive ut feudistarum verbo utar, aperiatur?

M. Distinguendum est primò inter modos seu causas amittendi feudi; deinde inter genus feudi, sitné novum, an verò antiquum & paternum; interdum etiam interest, an feudum sit *informe*, ut vocant, id est, simpliciter acceptum, an verò pro se & filiis aut liberis; item an sit hereditarium, an verò ex pacto & providentia, *Zaf. p. 10. nu. 85.* constituit quatuor modos aperiendi feudi, quorum tres priores culpâ vacui sunt, videlicet mortem, refutationem, defectum & delictum, eosq; postea explicat usq; ad n. 105. vide *Iul. Clar. q. 66.* ubi tamen paulò aliter recenset, omisso defectu. Morte ad quem redeat feudum, satis jam intelligis ex his, quæ suprâ diximus de successu feudi, ut illa repetere non sit opus: nam si quidem supersunt vasallo liberi aut agnati, ad hos feudum morte redit. Sin autem ipse sit ultimus suæ familiæ, & linea sive progenies in ipso deficiat, nulli dubium est, quin domino aperiatur, *Iul. Clar. d. quest. 66. nu. 1.* Sicut etiam de refutatione jam ante satis dictum: Memineris tamen feudum novum à vasallo refutatum reverti ad dominum excluso jam filio, nisi filii quoq; intuitu datum sit; antiquum verò

devolvi ad liberos, quorum semper prima & potior est causa, aut his non extantibus ad proximos agnatos, *Zaf. d. p. 10. n. 87. in fin.*

20. D. *Quomodo & cui defectu feudum aperitur?*

M. Defectum appellamus cum *Zaf.* si vassallus vitio aliquo corporis laboret, ut si sit mutus, surdus, aut aliter imperfectus, aut religionem ingressus, id est, si clericus aut monachus sit factus. Priore casu feudum novum revertitur ad dominum exclusis filiis & agnatis; antiquum verò ad filios, vel agnatos; posteriore casu novum quidem ad filios, vel his deficientibus ad dominum revertitur; antiquum verò semper ad filios vel ad agnatos, *Zaf. p. 10. n. 90. & seqq.*

21. D. *Delicto seu culpa vassalli apertum feudum ad quem pertinet?*

M. Duplex hinc observanda est distinctio. Prima, aut delictum committitur in ipsum dominum, ad cujus læsionem pertinet, aut in alios, & quidem ita, ut crimen sit publicum, id est, ex eorum genere, quæ in jure civili publica nominantur, ita post *Zaf. num. 101. & 103. p. 10.* aliosq; veteres distinguit in *disp. feud. c. 41.* & *Guil. Forner. in comment. feud. imò & in ipso text. feud.* hæc distinctio extat § *deniq; tit. 24. lib. 2. & in tit. 27.* Secunda subdistinctio est, qua separamus delictum non peritæ investituræ intra debitum tempus, item delictum alienationis ab aliis vassalli delictis in dominum commissis.

22. D. *Ad quem pertinet feudum cujus investituram justo tempore vassallus petere neglexerit?*

M. Ex hac causa apertum feudum indistinctè revertitur ad dominum, siue antiquum fuerit, siue novum; sic enim disertè continetur in *constit. Frid. I. in constit. imperialem, §. præterea*, quod in sua quoque paraphrasi expressit Guntherus noster *lib. 8.*

— *feudalia jura*

*Perdat: & hæc dominus proprios adsumat in usus.* Ratio est, quia vassallus dominum contemnendo in ipsum deliquit, ipsum contumelia adfecit; nā & à contemnenda con-

da con-

da contumelia dicta est. Sunt autem & omissionis delicta, quæ non minus merentur pœnam, quàm commissionis, ut suprà audivisti. Deinde ratio suadet, ut hanc saltem dominus habeat injuriæ suæ ultionem, ut loquitur §. *deniq.*, d. tit. 24. *quasi ad solatium*, ut eleganter ibi adnotat gloss. ad verbum, *ultionem*. Sicut etiam injuriarum actio, quæ vindictam continet, datur ad solatium violati honoris, ut aliàs ad tit. *de injur.* audivisti; & hæc ratio generalis est, atque etiam ad sequentia genera delictorum pertinet, quæcunque in ipsum dominum committuntur, d. §. *deniq.*

23. D. *De feudo novo facile tibi ad sentior, at in feudo antiquo durum hoc est, ut culpa unius in tam multos transferatur, & redundet, puta, ut etiam descendentes & adgnatos excludat à feudo.*

M. Fateor durum esse, ideoq; & gl. hac in re sibi non satis constat. Nonnulli verò distinctione rem temperari posse existimarunt, ut feudum novum ad dominum, vel ad adgnatos vasalli revertatur, cujus auctores refert *Borch. c. 8. n. 141.* Alii (in quibus & Alvarotus) mediam sententiam excogitarunt, ut quàm diu descendentes vasalli vivunt, feudum penes dominum maneat; illis verò mortuis ad agnatos revertatur, ut refert *Zaf. d. part. 10. n. 101.* Sed tutius videtur textui adhærere indistinctè loquenti, quantumvis ille durus appareat, arg. qui & à quib. *manumiss.*

24. D. *Alienatione amissum feudum ad quem pertinet?*

M. Si feudum fuerit novum, idq; vasallus sine consensu domini alienaverit, revertetur ad dominum exclusis & descendantibus & adgnatis vasalli, nisi feudum vasallo & filiis ejus concessum fuerit. Sin autem antiquū, redit ad filios, dummodò hi nihil participēt de hæreditate patris (wann sie sich des Väterlichen verzeihen) vel deficientibus liberis ad agnatos proximiores. Hujus sanè probabilis distinctionis fundamenta & auctoritates vide apud *Andr. Gail.* & apud *Borch. ca. 8. nu. 142. & seq.* quibus adde *Iul. Clar. in §. feud. quest. 66. n. 7.* ubi & aliorum opiniones refert. Alii existimarunt,

qualecunque fuerit feudum, indistinctè id deferri domino, quos refert & sequitur *Hoto.conf.3.* pro qua sententia *Iul. Clar. allegat Aretin. & Socin. jun. in consiliis.* Et certè fundamentum ejus sententiæ esse videtur in ipso textu, §. *deniq.* versic *si vassallus, tit. 24. lib. 2.* qui indistinctè ait: Beneficium alienatum ad dominum pertinere. Alii contra putant, ne quidem feudi novi alienationem filiis præjudicare, ut videre est apud *Men.conf. 161. n. 17. & Hartm. Pifst. lib. 2. quæst. jur.* quod probari vix potest, nisi eo casu, quem supra dixi, quo scilicet feudum vasallo & filiis ejus concessum est.

25. D. *Atqui multa sunt loca juris feudalis, quibus traditum est: Beneficium alienatum ad dominum pertinere, ad dominum reverti, & domino aperiri, quæ diligenter adnotavit d. c. 8. nu. 144 Borcholdus. Verior ergo videtur illorum sententia, qui indistinctè quodlibet feudum ad dominum redire volunt?*

M. Omnia illa loca de novo tantum feudo Interpp. communiter accipiunt, quod Borcholdus ibidem probat; sed hoc displicet *Pifst. lib. 2. q. 17. nu. 13. & seqq.* nec fortassè immeritò; cum textus generaliter loquens, etiam generaliter intelligendus sit. Cui ratio subfragatur, quia vasallus feudum alienans absq; consensu domini, ipsum dominum contemnere videtur: quæ ratio in omni feudo locum habet tam veteri, quam novo. Ideoq; Hart. mediam quandam insistentem viam, putat feudum statim quidem aperiri domino, sed tamen tantum manere penes eum, quoad vivit is qui alienavit; Eo mortuo, redire ad filios vel agnatos, a qua sententia etiam Cujac. non abhorret.

26. D. *Quid si dominus alienationi vassalli consenserit, quod eum facere posse vel expresse vel tacite supra dixisti?*

M. Si feudum, in cuius alienationem dominus consensit, novum fuerit, cerrum est agnatos id revocare non posse; hi namq; in feudo novo nihil juris habent, neq; succedunt, ut supra monuisti: sed an filiis competat jus revocandi, disputari potest. Communiter tamen placuit Dd. negativa sententia, ut probat *Borcholds*

*cholt n. 145.* qui & rationes dubitandi prolixè diluit *n. seq.* Sin autem feudum fuerit antiquum, quod vassallus cum consensu quidem domini, sed invitis liberis atq; agnatis alienavit in extraneum, possunt hi qui non consenserunt, revocare feudum; filii quidem statim etiam vivo adhuc patre, refuso tamen emptori precio: Agnati verò post mortem demum sui agnati, sed absque refusione precii, vel etiam vivente alienatore, verum cum refusione precii, qua dicitur, vide *Mynsin. cent. 4. obs. 85.* & hæc facultas revocandi feudum durat ad 30. annos, qui currere incipiunt filii quidem statim à tempore alienationis paternæ, agnatis à tempore mortis agnati sui alienantis, ut ex *Rol. à Valle,* & aliis probat *Borch. n. 38.*

27. D. *Quid si alienatio cum consensu domini facta sit, non in extraneum, sed agnatum aliquem remotiorem præteritis propinquiorebus?*

M. Competit agnato proximiori adversus remotiorem jus revocandi feudi, quod præscribitur anno à tempore scientiæ occupando, §. *Titius filios. l. 36. libr. 2. feud.* & ibi gl. & communiter Dd.

28. D. *Quid de aliis à vassallo commissis delictis extraneæ glæ in investitura petitionem, & alienationem feudi?*

M. Si quidem delictum ejusmodi sit, quo directò offendatur dominus, feudum novū reddit ad dominum, exclusis filiis, exclusis item agnatis vassalli. Et quidem cum agnati excludantur, expedita est ratio; quia hi etiam alias non succederent in feudo novo, etiam si id non fuisset apertum delictum, aut culpa vassalli, sed alio modo. De filiis autem est ea ratio, tum quia in his quoque exempla metuumtur criminis paterni: mali enim corvi malum ovum, *argum. l. quisquis, C. ad l. lul. majest.* quam rationem etiam Cujac. reddit ad *titul. 2. libr. 3. feud.* & *Forner. in comm. de feud.* sed reprehendit *Hoto. in disp. de feud. c. 41.* tum ut tantò magis in officio contineantur parentes respectu liberorum, cum sciant pœnas suorum criminum in sobolem quoq; suam quodammodo redundaturas. Solent autem paren-

tes pro incredibili suo in liberos suos adfectu, (quem nullus est alius qui vincat, teste *Imp. l. ult. C. de cur. furio.*) magis etiam terri in persona liberorum, quam in propria, *l. 8. ff. qui met. caus. & arg. §. ult. Inst. de nox. act. Hotom.* hanc quoque rationem esse vult; quia sceleris hujus damnatus habeatur pro mortuo, sicut igitur una stirpe intermorta, sic & sceleris convicta damnataq; feudum datum generi & posteris vasalli transferratur ad alteram, cui per investituram fuerat destinatum, *arg. l. 20. ff. de bonis libert. & l. 7. cum ratio ff. de bonis damnat.* De feudo antiquo, quantum quidem ad liberos, consentiunt pleriq; omnes interpretes, hos quoq; ab eo excludi propter rationes modò dictas. Quantum verò ad adgnatos seu collaterales, diversæ sunt opiniones, communiter tamen etiam hos excludi volunt, ob crimen à vasallo in dominum perpetratum: quam opinionem ut iniquam, sibi nunquam placui sic scribit *Iul. Clar. d. quest. 66. n. 3. in fin.* Sicut & *gl. in verbo, quandoq. tit. 31. lib. 2.* indicat, sibi videri æquiores sententiam illam, quæ adgnatis relinquat feudum, quam *Isernia* secutus est ad *§. deniq. tit. 24. libr. 2.* ne videlicet ex delicto alterius alius damnum patiatur: quibus & hæc ratio accedere potest; quia adgnati habeant jus, aut certè spem feudi, non tam à vasallo ultimo, quam à majoribus suis: & proinde iniquum sit hoc ipsis interverti improbitate sui adgnati. Vix tamē est, ut hoc obtinere possimus, cum inspicimus textus feudales, maximè *d. §. deniq. juncto tit. 37.* ubi disertè dicitur, si quidem vasallus ita peccaverit in dominum, ut feudum amittere debeat, non ad proximos (scilicet adgnatos: malè enim qui *proximos* ibi interpretantur, *descendentes*, quod tentat *Accurs. in gloss. ibidem, & ad §. hoc quoq; observandum, in verbis, partem suam, t. 8. lib. 1.*) non, inquam, ad proximos, sed ad dominum beneficium revertatur: item cum ad dominum respicit felonia, feudum tunc domino aperitur. Vides hinc utroq; loco sententiam illam non modò *Dd.* auctoritatibus, ut *Iul. Clar.* putabat, sed disertis & claris textibus niti.



Et si contra fortè dura sententia illa videri potest, tamen servabitur, quia sic lex scripta est, *arg. l. 12 ff. qui & à quibus manumiss* sic etiam dominus omnibus modis facultatem habet in suos usus redigendi feudum, si à domino vocatus vassallus ad expeditionem cum Imperatore suscipiendam (quàm olim dicebant *transalpizationem*) temerè supersederit venire, neq; vel alium suo loco miserit, qui domino sit acceptabilis, vel mediam partem reddituum annuorū ei subministraverit, ut cautum est *constit. Frid. I. in §. firmiter, t. 55. lib. 2.* Notabis ergo hīc locum communem, quodd interdum unus delictum etiam alteri noceat, quod aliquoties inculcat *gl. ut ad d. §. deniq; in verbis, ad proximos. & ad §. si vassallus culpam, tit. 26. & ad t. 31. in verbo, tamen*; quæ est notabilis exceptio ad regulam *l. sancimus, C. de pœn. cum concordantib. l. ff. eod.* Sic igitur interdum & adgnati delictum nocet adgnato, & paternum crimen præjudicat filio, & delictum filii nocet patri, ut pulchrè explicat *gl. in d. tit. 31.*

29. D. *Quid si vassallus feloniam commiserit non in ipsum dominum, sed in alium, ob quam feudo privandus sit?*

M. Si crimen non directè respiciat ipsam domini personam, sed in alios commissum sit; verbi gratia, si fratrem suum interfecit, si hominem, id est, convassallum suum tradiderit, si in subditos feudales nimium sævierit, &c. feudum novum quidem reverteretur ad dominum, vetus autem sive paternum ad proximos sive ad adgnatum proximiorē pertinebit, quæ distinctio continetur in *text. feud. d. d. loc. §. deniq; t. 24. & §. si vassallus culpam, tit. 26. & d. t. 31 lib. 2. feud.* ita tamen ad proximos adgnatos feudum pertinet, dummodò non sint infra quartum gradum, quam communem licet opinionem & duobus textibus fundatam semper sibi duram visam fuisse scribit *Iul. Clar. quest. 66. in 6. & limitat, ut non procedat in feudo, quod pater vel avus delinquentis non simpliciter accepit, sed pro se & liberis vel filiis suis.*

30. D. *Nunquamné filius aspirabit ad feudum patris sui culpa amissum?*

M. Imò poterit licitò iterum adquirere à domino gratiam sibi faciente, fortè quòd alii ex latere sive agnati non extant, quibus feudum aperiatur. Quæ exceptio additur *d.tit. 31. & secundum eam accipendus §. si vassallus culpam. d.tit. 26.* ubi dicitur, neq; filius, neq; ejus descendentes ad feudum ob culpam vassalli amissum admitti. Intellige nisi dominus gratiam ipsis fecerit delicti paterni, & denuò investituram contulerit. Neq; hoc mirum; cùm non possit dominus ipsi vassallo propriam culpam remittere, cumq; in gratiam recipere condonata offensa, multò magis idem facere poterit in ejus liberis & agnatis, idq; ex generali regula: Omnes habere licentiam juri suo renunciandi, atq; ita sæpè videmus vassallos senioribus suis reconciliari, & amissa feuda recuperare, non tam ex jure, quàm ex gratia. Est tamen hic etiam illud non rarò verum, ab amico reconciliato unumquemque sibi cavere oportere. Ex quo illud fluxit, quòd etiam amicus reconciliatus ex inimico, non minus potest recusari tanquam suspectus, quàm si adhuc duraret inimicitia, ut docet *Rob. Marast. part. 6. de ordin. judic. actu 2. num. 64.* Cæterùm quod dicitur in allegato *titul. 31. si non sunt alii ex latere*; id non rectè accepisse videtur gloss. quòd dominus non possit filio gratiam facere, si alii ex latere adsint, quibus feudum aperiatur. Imò potest dominus filio gratiam facere, & feudum denuò concedere sive agnati extent, sive non extent; nam textus pro exemplo tantùm id ponit, quod ita fortè contingat; non autem ponit hoc pro conditione & forma, quod necesse sit semper ita esse. Satis hoc arguunt illa verba: *verbi gratia, &c.* Interim non negaverim faciliùs dominum adduci posse ad gratiam filio faciendam, si nulli extent agnati, quibus feudum amissum aperiatur. Sed agnatos impedire posse, quò minus dominus gratiam faciat filio, cumque cogere, ut se potius quam filium

lium vasalli delinquentis investiat, hoc est quod negamus.

31. D. *Quid si crimen ejusmodi sit, cui debeat pena confiscationis bonorum vasalli?*

M. Feudum non veniet in publicationem bonorum, sed vel domino relinquetur, vel agnatis secundum superiorem distin. Vide *Bart. ad l. si finita. 15. § si de vestigalib. ff. de damno infect. Iohan. Oldendorp. in fin. Cl. 5. tit. de actionib. beneficiarius, item Iul. Clar. q. 84. & Hartm. Pistor. lib. 2. q. 15. n. 7. & seqq.*

32. D. *Quid si vasallus, qui feudum alteri subinfendavit, delinquendo jus suum perdidit, relinquetur feudum penes subinfendatum?*

M. Nequaquam, sed extincto jure dantis, extinguetur etiam jus accipientis; hoc enim verius est, ut pulchrè multis auctoritatibus probat *Borch. conf. 3.*

33. D. *Quid si subinfendatus deliquerit, ad quem redibit feudum?*

M. Si quidem primo vasallus qui subinvasallum fecit, delinquentem eum punierit, ipse feudum ei ablatum recipiet ac retinebit. Sin autem conniverit ad ipsius scelera, & impunitum abire passus sit, domino aperietur beneficium, §. *in super. & §. illud quoq.*, tit. 15. verbi gratia; si Dux aliquis habeat vasallum Comitem seu Baronem, & Comes sive Baro subvasallum nobilem, sive, ut antiquo verbo Albertus Krantzius vocari vult, *ministerialem*, & nobilis ille subinfendatus deliquerit, ob quod crimen feudo privari dignus sit: hoc casu feudum vertetur ad Ducem excluso Comite vel Barone, id est, primo vasallo, nisi hic pœna subvasallo imposita ostenderit, sibi ejus scelus displicere. Hac de re elegantes sunt versus Guntheri lib. 8.

*Si tuus ex feudo cuiquam vasallus id ipsum  
Contulit, atq; tuo vasallum munere fecit,  
Ipse sibi: si fortè tuam jam tertius ille,  
Successor meruit factis atrocibus iram,  
Nec tibi pro culpa domino mediante secundo*

*Fecerit.*

*Fecerit ipse satis: reprobato protinus illo  
Ad dominum redeant feudalia jura secundum.  
Si tuus ille suum tibi conciliare fidelem  
Spernit, & aut torpens, aut perfidus esse probatur,  
Ambobus spretus ad te tua jura recurrent.*

34. D. Intellexi ad quos unoquoq; casu feudum amissum revertatur. Reliquum nunc est, ut exponas de fructibus: deinde & de meliorationibus feudi quid juris sit?

M. De fructibus feudi vasalli morte vel delicto cæteriſq; modis aperti, sæpè gravissimæ occurrunt controversiæ, vel inter dominum & vasallum ipsum; vel inter dominum & heredes vasalli allodiales; vel inter adgnatos vasalli; eos deniq; successores feudi, & alios hæredes vasalli bonorum patrimonialium: Vel denique inter filios & filias defuncti vasalli, imò etiam inter adgnatos sæpè & creditores vasalli: Nec minores etiam nasci solent de melioramentis. De fructibus igitur priore loco, tum de melioramentis, sive emponematis feudi cognoscendum est. Ad fructus quod attinet, semper de his magnæ & veterum & recentiorum interpretum dissensiones exstiterunt, ut videbis, si cõferas legendo quæ ad §. *his consequenter*, t. 28. lib. 2. scripserunt tum alii, tum inprimis Cujac. & Hotom. conferas etiam Hartm. Pistor. quest. 24. & Schrad. par. 9. nove partis prin. sect. 3. & Matth. Coler. de processibus executivis, p. 2. c. 3. Oportet autem hîc præcognitas adferre divisiones fructuum, de quibus dictum est in *Instit. ad tit. de rer. divis.* Primùm enim alii sunt naturales, alii civiles. Item alii sunt naturales, alii industriales, sive ut Hot. vocat, alii sponte nati, alii manu sati. Rursum alii sunt percepti, alii nondum percepti, sed stantes, qui & pendentes dicuntur. Item alii sunt extantes, alii consumpti. Denique alii sunt percepti, alii qui honestè percipi potuerunt. His ergo ita præsuppositis, quantum quidem ad fructus perceptos à vasallo nulli dubium est, quin hi pleno jure pertineant ad vasallum, ut ita de his disponendi statuendiq; quicquid voluerit liberam habeat voluntatem; hos enim & inter vivos alienare pro arbitrio potest,

potest, puta vendete, donare, in dotem dare, & testamento relinquere cui vult, ut suprà suis locis dictum est. De stantibus sive pendentibus maximè est lis. Reperio autem ferè tres opiniones hac de re planè divet-  
 las; quarum duæ referuntur in *d. §. his consequenter, tit. 28.* Prima, eaquæ communiter à Dd. etiam Fornerio, Botcholdo & Rosenthalio adprobata est hæc, quæ distinguit inter anni ultimi tempora, quo feudum est amissum, hoc modo, ut siquidem feudum fuerit apertum ante mensem Martium, item si post Augustum, fructus pertineant non ad vasallum, non etiam ad heredem ejus, quem habet in bonis allodialibus, sed vel ad dominum, vel ad agnatos vasalli, prout vel illi, vel his feudum apertum fuerit: si verò post Cal. Martii usque ad Augusti inclusivè, id est, ut etiam Augustus totus comprehendatur, quod rectè monet Hotom. tum fructus ad heredem bonorū allodialium pertineant, non ad dominum, non etiam ad successorem feudalem. Hæc, inquam, communis sententia, quam tamen proportionem Cuj. negat æquam esse. Hotom. quoq; incredibile dictum esse ait, quantum absurditatis contineat hic articul. sicut etiam olim visum est Bald. hanc distinctionem nullam aliam rationem habere, quàm beneplaciti, & *Frid. Schenck. ad §. his consequenter, item Molinæus in consuet. Paris. tit. 1.* tanquam irrationabilem & falsam traducit. Verùm sicut in JC. non omnium quæ à majoribus tradita sunt, ratio teddi potest; ita multò magis hoc obtinet in jure feud. quod totum ferè est consuetudinarium. Quanquam & veteres Feudistæ, ut *Ifern. & Alvar.* probabilem hujus rei rationem reddere sunt conati, & *Anton. Ont. in methodo.* Atq; hac in re differt inter vasallum & fructuarium, qui extincto usufructu nec suos facit, nec adhæres transmittit fructus solo adhuc cohærentes, quos nondum collegit, ut ad *§. is verò*; ad quem est dictum *Inst. de rer. divis.* Ratio differentię est; quia longè melior conditio & plenius jus est vasalli, quàm fructuarii: habet enim vasallus utile, ut vocant, do-

minium, cùm fructuarius vix possessionem naturalem habeat, *leg. 12. nihil commune. ff. de acquir. poss. & feudum transeat ad heredes vasalli*, usufructus autem morte fructuarii extinguatur, §. *finitur, tit. de usufruct. vide Forner. cap. 15. de feud.* Altera opinio est eorum, qui dixerunt, quocunque anni tempore vasallus decedat, omnes fructus stantes sive pendentes ad dominum & adgnatos pertinere; perceptos verò, id est, lectos, quamvis nondum expressos, ad vasallum, ejusvè heredes allodiales: quam sententiam sibi quoque solam ut æquissimam & verissimam scribit *Hottoman. ad d. §. his consequenter, tit. 28.* licèt referatur tantùm à Feudista, & rejiciatur ibidem in *fin. §. & Accurs. ibidem* dicat, iniquitatem hoc contineret. Eandem quoque amplectitur Carolus Molinæus. Hic animadvertite, non esse perpetuum neque catholicum, ut ex pluribus discrepantibus opinionibus, ea quam quis postremo loco recitat, sit verior, aut cæteris præferatur, quamvis interdum fortè id verum esse possit. Habet autem ista opinio hanc rationem, quia fructus pendentes sint pars fundi feudalis, *argu. l. fructus pendentes. ff. de rei vind.* Quare ut ipse fundus feudalis jam ad dominum vel agnatos proximos pertinere incipit; ita & fructus ad hos solo cohærentes, ad eosdem videntur pertinere debere, *argument. cap. accessorium, de regul. jur. in 6. & l. que de tota. ff. de rei vind.* Accedit deinde exemplum usufructus extincti: nam quocunque anni tempore mortuus fuerit usufructuarius, fructus quos ipse percepit, omnes relinquuntur hæredibus ejus; pendentes verò ad proprietarium pertinebunt, etiamsi jam maturis illis decesserit usufructuarius, *d. §. is verò ad quem. Institut. de rer. divis. l. 8. in singulos. ff. de annuis leg. l. 13. & l. 12. ff. quibus modis usufructus, l. 58. ff. de usufructu. l. qui scit, §. 1. ff. de usuris.* hoc tamen ita temperandum est, ut proprietarius rependat sumptus & impensas in sationem & culturam factas. Et mentò quidem: nam fructus non intelliguntur nisi deductis impensis, *l. qui fructus, 46. ff. de usuris, l. 51. ff. famil. erciscund.*

*erciscund. l. 1. C. de fructibus, & litium expensis*, sicut neque bona sunt, nisi deducto ære alieno, *l. subsignatum, 39. §. bona. ff. de V. S.* Deinde alioquin locupletaretur proprietarius cum alterius jactura contra naturalem æquitatem. Tertia opinio jam olim fuit *Alexand. in l. 7. §. Papin. ff. solut. matrimon.* eamque sequitur *Cujac. in comment. ad tit. 30. lib. 4. feud.* ita nimirum esse ineundam rationem non modò inter usufructuariam ejusvè hæredem & proprietarium finito usufructu, verùm etiam inter vasallum ejusvè hæredes & dominum vel adgnatos finito feudo, ut pro rata temporis sive partis anni, quo feudum commissum atque apertum est, fructus præstentur vasallo ejusvè hæredi: reliquum restituatur domino, sive fructus sint pendentes, sive à solo separati ac percepti tempore amissi feudi. Pro hac opinione argumentum ducitur ab exemplo mariti & uxoris soluto matrimonio dividendum fructus fundi dotalis pro rata temporis quo matrimonium consistit, *l. 78. §. quid si mulier. versic. divorzio, ff. de jure dot. & l. 7. ff. solut. matrim.* Quod tamen ad usumfructum attinet ea sententia *Cujacii* reprehensa, vulgarem tuentur *Iohan. Robert. libr. 2. animadversionum, & Pistoris d. questio. 24. num. 20.* Ex his autem tribus sententiis tutissimum esse videtur adhærere primæ, ut quæ non solum textibus apertis in ipso jure feudali fundata, sed etiam communiter à *Dd.* approbata usquè recepta sit, ne videamur adversus ventos spirare, aut brachia contra torrentem jactare velle: si tamen fructus sint ejusmodi, qui non quotannis percipi solent; sed tertio vel quinto quoque anno, ut contingit in sylva cædua, in piscinis, &c. non videtur iniqua distributio pro rata temporis, ut docet *Schrad. 2. part. 9. pr. section. 3. num. 71. & Hartm. Pistor. d. quest. 24. num. 71.* Aliud deniq; observatur jure Saxonico, quo tantùm habetur ratio culturæ, ut scilicet, quàm primum satum est, Wann die Egen das Land besfrichen hat: & ager rastrois subactus, fructus inde provenientes transmittantur ad hæredes, quocunque anni



tempore quis moriatur. Vide *Hart. Pistor. d. quest. n. 71.*  
*Iohan. Schneidew. tract. de feud p. 6. n. 30. Wefemb. de feud.*  
*c. 9. n. 5. Iacob. Thoming. decis. 3 n. 6. & Matth. Coler. in tra-*  
*ctat. de processibus executivis p. 2. c. 3. n. 289. deniq; Schrad.*  
*p. 7. c. 13. n. 13. & p. 2. 9. pr. n. 67.*

35. D. Sed unde incipiemus computare annum, aut ubi dicemus finiri?

M. Variè incipit & terminatur annus, ut docet gl.  
*ad l. per hanc, C. de advoc. & alia gl. ad rubr. C. de vindict.*  
*lib. 10.* Sed quod ad hanc rem attinet, qua de agimus,  
 volunt Dd. incipere à Calen. Septembris, & finiri cum  
 mense Augusto; de quo vide eundem *Schrader. d. sect. 3.*  
*num. 73.*

36. D. Audiui etiam sæpè controverti solere de piscibus;  
 qui sunt in lacu vel stagno vel flumine feudali, ad quem per-  
 tineant illi feudo amisso, de quibus expecto ut dicas.

M. Pisces aut custodiæ tantum causa ancubi im-  
 ponuntur aquæ, aut ut ibi propagent genus & multi-  
 plicentur. Priore casu non sunt pars fundi, & proinde  
 remanent ejus, qui imposuit, vel hæ redum ejus fiunt.  
 Posteriore sunt pars fundi; perinde ut fructus penden-  
 tes, ideoq; cum ipso fundo feudali ad eum transcunt,  
 ad quem feudum devolutum est. Ita *Guido Papæ decis.*  
*91. Chassan. in consuet. Burgund. §. 2. gl. pen. n. 4. & Zas p. 4.*  
*n. 2. & 3. Molin. in consuet. Paris. tit. 1. §. 1 gloss. 8. nu. 17. cum*  
*seqq.* aliud tamen visum est aliis interpretibus, teste  
*Hart. Pistor. n. 69. in d. quest. 24. & teste Matth. Col p. 2. de*  
*processibus executivis, c. 3. n. 38.* nempe, pisces fundi feu-  
 dalis non esse ejus partem, per *l. 15. ff. de action. empt. ubi*  
*tamen Gothofredus Molinæi sententiã probat, & quo-*  
*ad dominium piscium spectandum esse, quantur. tem-*  
*poris elapsum sit ab immissione piscium, an jam in et*  
*tempus piscationis, nec ne, quando vasallus moritur,*  
*vel aliàs feudo privatus venit: nam si piscinæ tum jam*  
*fuerint piscabiles, pertinere pisces ad hæredes allodia-*  
*les potius, quàm ad dominum, vel ad agnatos, quibus*  
*feudum apertum est: sin autem nondum sint piscabi-*  
*les, spectandum esse an tempus mortis vel amissionis*  
 ex alia

ex alia causa propius absit à tempore piscationis, an verò invectionis piscium, ut pro rata fiat divisio. Vide etiam de hac quæstione Schrad. p. 29. prin. in sect. 3. n. 71. cum seq. & sect. 4. n. 10.

37. D. *Quid si feudum culpa aliqua vasalli amissum sit, fructus ad quem pertinebunt?*

M. Fructus pendentes omnes indistinctè, nulla habita temporis ratione pertinebunt vel ad dominum, vel ad agnatos. vide Hart. Pist. d. quæst. 24. n. 25. & Borch. c. 7. n. ult. vers. sanè si vasallus. Ratio est, quia sibi impurare debet, qui talem culpam admiserit, qua se indignum feudo & fructibus ejus redderet, non debet autem quis vel ex re aliena lucrum capere, vel ex dolo suo conditionem suam facere meliorem. Ei verò qui sine culpa sua feudum amittit, nihil est, quod impurari possit, neque solum fructus pendentes vasallus perdit, nec transmittet ad hæredes suos, verùm ii ad dominum vel agnatos pertinent, sed etiam cogitur restituere jam perceptos à tempore commissæ culpæ, ut docet Schrad. d. sect. 3. n. 28. & 5. seqq. & meritò: nam post commissum crimen vasallus incipit esse malæ fidei possessor, qui multos fructus suos facit; sed omnes restituit domino, ut aliàs audivisti ad § si quis à non domino, Inst. de rer. divis. & ad tit. de off. jud. Huic simile est quod de clericis traditum est, qui commisit delictum propter quod beneficio Eccl. privati possit, cum licet habeat & retineat jure, quousque sit ea privatus, tamen post sententiam privationis teneri restituere fructus perceptos a tempore commissi delicti, vel quos percipere potuit, sive extent, sive consumpti sint; item sive locupletior factus sit ex consumptione, sive minus, ut ex Paulo Castrensi & communi opinione docet Clarus, § fin. in pr. act. crim. q. 73. n. ult.

38. D. *Meliorationum in feudo factarum à vasallo qualenam jus est, aut ad quem illæ pertinent feudo amisso?*

M. Meliorationes vocamus, quæ Græci *Emponemata*, teste Imp. in l. 2. & 3. C. de jure emph. verbi gratia; si ædificium fundo impositum sit, si vasallus fundo a-

liquam servitutem adquisiverit suo precio. His enim duobus exemplis Feudista utitur, in §. *si vassallus in feud. tit. 28. libr. 2.* Hæ autem meliorationes cum in facto positæ sint, nunquam præsumuntur, sed probandæ sunt ab eo, qui ait se fecisse, quique eas repetit, *Roland. à Valle consil. 28. num. 30. Et seq. vol. 1. Mascard. de probationib. conclus. 40. nu. 4. Et §.* Si ergo feudum culpa est amissum, res expedita est, tunc enim omnes, quantumvis magnis cum sumptibus factæ meliorationes illi lucro cedunt, cui feudum aperitur, vel domino vel agnatis proximis secundum distinctionem superiorem, *argument. l. 2. ubi Iason Et alii, C. de jure emphyt. vide Schrader sect. 2. num. 16. cum duob. seqq. Et Henric. Rosenthal. cap. 10. conclus. 121.* hæc enim pœna est debita culpæ, quando sibi imputet, qui commisit, ut ita hîc valeat regula: *Damnum quod quis sua culpa sentit, sentire non videtur.* Si verò feudum absq; culpa vassalli amissum, & alteri apertum sit, meliorationes pertinebunt ad ipsum vassallum, vel ad heredes ipsius alloodiales, tam fœminas, quàm masculos, non autem ad dominum, non etiam ad successorem feudalem, videlicet aliquem ex agnatis, §. *si vassallus in feudo, tit. 28.* ubi adfertur exemplum in casu mortis vassalli, vide & *Novell. Moz. cap. de naturalib. feud. num. 131. cum seqq.* ratio est, quia si diceremus meliorationes non pertinere ad vassallum qui eas fecit, ejusque heredem, sed ad dominum vel successorem feudi, tum locupletaretur aliquis cum alterius damno, id quod jure naturæ iniquum est, *l. nam hoc natura 14. ff. de condict. indeb. Et leg. 206. jure natura, ff. de regul. jur. cum similibus.* Accedit quòd nemini officium suum damnosum esse debet, *l. 7. ff. testam. quemadm. aperiantur, l. 61. §. quod verò, ff. de furtis.* item quòd nemo suum jactare præsumitur, *l. 4. cum de indebito, ff. de probat. l. 7. ff. de donat. l. contra 28. §. si filius, ff. de pactis.* Est tamen hoc casu in arbitrio domini, utrum malit premium meliorationis, id est, impensas reddere, an verò pati, ut ædificium tollat is qui extruxit, ejusve heres, *d. §. si vassallus, l. ult. Clar.*

q. 88. *Hoto. in comment. ad d. § si vassallus*, & quidem ante restitutionem feudi potest vassallus ejusvê heres jure retentionis incumbere feudo, quoad plenè sibi satisfactum fuerit de impensis, & potest se tueri adversus dominum vel agnatos, vel etiam extraneum aliquem, qui a domino feudum finitum nactus fuerit; tueri, inquam, se potest exceptione doli, vel etiam aliquando habet in feudo jus tacitæ hypothecæ, & quidem privilegiatæ, eo nimirum casu, quod in conservationem rei aliquid impendit, vide *Bald. Matt. de Affl. & al. feud. ad d. § si vassalli*, & *Schrad. d. sect. 2. num. 49.* Post restitutionem vassallo ejusvê heredibus nomine meliorationum, de quibus nondum est satisfactum, competit etiam condictio, ut docet *Schrad. d. sect. n. 34.*

39. D. *Sed quomodo æstimanda erunt melioramenta? an secundum valorem ædificii consistentis, an verò pro valore rudерum & materia, quanti ea vendi possent diruto ædificio?*

M. Verius & æquius est, ut non rudera, sed ipsa ædificia æstimentur, ut ex *Bal. & Molin. probat Iul. Clar. d. quest. 88. n. 2.*

40. D. *Cujus autem temporis in hac æstimatione habebitur ratio? illiusvê, quo positum est ædificium, an verò ejus quo feudum apertum restituitur?*

M. Quamvis aliqui existiment, spectandum esse illud tempus, quo factæ sunt impensæ & meliorationes, ut videre est apud *Menach. de recuper. poss. rem. 15. nu. 565.* tamen communior est opinio in contrarium, potius spectandum esse tempus restitutionis, de quo vide *additio. ad Iul. Clar. d. loco.*

41. D. *Quid si ædificium à vassallo fuerit exstructum colligendorum fructuum causa?*

M. Hic limitatur superior regula, ut in his regulis non habeat locum: item *gloss. & Dd. in d. § si vassallus, titul. 28.* Addunt & hanc limitationem; nisi impensæ fuerint exiguæ: hoc enim negant repeti posse *Alvar. Præpositus & alii, ad d. § si vassallus, Schr. 29. d. sect. 2. n. 69.* quid autem juris sit de meliorationibus ab emphyt.

factis, ad quem illæ pertineant finita emphyteusi, videtur apud *Iul. Clar. in §. emphyt. quest. 45.*

42. D. *Audivi de meliorationibus à vasallo in feudo factis: Quid verò si incrementum aliquod feudo accesserit sine facto vasalli?*

M. Communiter ita distinguunt, ut incrementum evidens & separatum acquiratur domino feudi, latens verò pertineat ad vasallum. Prioris generis exemplum est, ut si insula in flumine nata sit è regione fundi feudalis; posterioris, si quid per alluvionem accreverit fundo, ita *Iul. Clar. quest. 88 n. 3.* ex Carolo Ruino, & repetit *Nicol. Mozz. in cap. de natural. feud. n. 133.* vide *gl. & Dd. ad §. si quis de manso, t. 4. lib. 1.* Clarus tamen æquius esse putat, ut quodvis incrementum, quod sine industria & opera vasalli feudo accesserit, quod proprietatem quidem acquirat domino feudi: quantum verò ad jus, sive utile dominium, vasallo; qua de re manet cogitandum. Illud certum est, si quid hac de re comprehensum sit in ipsa investitura, & certi quid convenerit inter dominum & vasallum, hoc servandum esse; legem enim huic contractui dedit, ut supra prolixè exposui, in *c. de pactis investiturae.*

43. D. *Quid si vasallus jurisdictionem aliquam feudo adquisiverit aliunde, ad quem illa amisso feudo pertinebit?*

M. Jurisdictio non accrescet feudo, ideoque non pertinebit ad dominum, neque ad agnatos, ad quos feudum revolvitur; sed manebit penes vasallum, vel ad heredes vasalli transibit, ita *Bald. & Alvar. ad §. è contrario, t. 8. lib. 2. Iul. Clar. d. q. 88. n. ult.*

44. D. *Tamen servitus feudo acquisita per vasallum finito feudo, manet penes feudum, & unà cum ipso acquiritur domino vel agnato, ut aliàs traditum recorder ex d. §. è contrario, quidni ergo idem dicemus etiam de jurisdictione, cum utroque sint jura quedam & res incorporales?*

M. In eo quidem conveniunt servitus & jurisdictio, quòd ante sint res incorporales & jura. Unde etiam Interpp. quæ actiones pro servitutibus comperunt, nempe confes. & negat. easdem etiam pro jurisdictione dari

ne dari posse putant, ut *Ioannes Faber*, & *Zas n. ult. ad §. aquè. Inst. de act.* (quod tamen ab aliis reprehenditur) sed in eo tamen differunt, quòd iurisdictione est aliquid separatum ab ipso castro sive feudo, cùm servitus sit ius inseparabile. Unde nihil mirum est, quòd diversum ius de his statuitur.

## CAPUT VII.

*De illa feudi amissione, quæ in persona domini contingit.*

1. D. *Audivi de causis ob quas vasallus suo jure excidat. & feudum ab eo amissum cui aperiatur. Tempus & ordo tractationis nunc admonere videtur, ut dicas de causis, ob quas dominus sive senior, sive ut *Hotomannus* loquitur, patronus, feudum amittat, & cui ab ipso amissum applicetur.*

M. Hæc de re agitur partim in §. domino committente *feudoniam, tit. 36. & tit. 47.* Qualiter dominus proprietate feudi privetur, *lib. 2. feud. item à Zasio part. 10. n. 79. & seq. Cuj. ad tit. 5. lib. 5. li. 2. & Hot. in disp. feud. c. 41.* Summa hæc est: quibus ex causis vasallus feudo privatur, ex iisdem causis dominum quoque id amittere debere; & sicut ibi feudum vel domino vel agnatis aperiatur, ita hîc ius proprietatis redire ad vasallum, ut is pro utili domino, ut vocant, jam fiat directus & plenus; sive ut jam plenum ac solidum dominium consequatur: qua de re paulò pòst plenius dicam. Ratio hujus regulæ est; quia dominus suo fideli, id est, vasallo in omnibus iis capitibus, ad quæ vasallus per iurjurandum ipsi sese adstrinxit, vicem reddere debet: quod si non fecerit, malefidus meritò censetur, § *ult. tit. 6. lib. 2. feud. gloss. ad c. de forma, 22. quest. 5. & ad tit. 47. lib. 2. feud.* & nulla fraus, nec ullum malum ingenium inter dominum & vasallum intervenire debet, ut ait *Imp. Lothar. in t. 52. lib. 2.* cùm dominus vasallo sit conjunx, ut aliàs dixi, ex *tit. ult. lib. 2. feud.* Et hoc est quod vulgò jactatur ab interpretibus, vasallum & dominum ad paria judicari. Reddunt & hanc rationem Topicam

& communē; quia vasallus & dominus sint ex numero relativorum, atqui dispositum de uno correlativorum etiam de altero statui debeat, *argum l fin. C. de indicta viduit. tollen.* quod nimis longè petatum videtur. Quanquam autē Feudistæ in persona vasalli diligenter enumerāt illas causarum figuras, ob quas ipse feudum amittat, ut suprà vidimus; tamen in persona domini ferè sicco pede transeunt, & specialem enumerationem prætermiserunt, quodd existimarent nova explicatione rem non indigere: Credo etiam quodd rariora sint exempla dominorum quàm vasallorum, qui feudo privantur. Plerumque enim domini sunt potentiores, & legum ac judiciorum telas tanquam aranearum vespæ & crabrones vi perumpunt, in quibus imbecilliores quasi muscæ & culices adhaerescunt ferè. Namque secundum Varronem: *Quæ potest plures urget.* In exheredatione quidem, ubi non solum sunt causæ propter quas liberi à parentibus, sed etiam ob quas parentes à liberis exheredari possunt, de utroque separatim & diligenter explicatur, pluresq; sunt causæ in personis liberorum quàm parentum, ut audivisti ad *tit. de inoffic. testa. ex Novell. 115.* Ampliatur autem hæc regula primùm, ut procedat sive novum sit feudum sive antiquum: sic enim communius placuit, ut docet *Rosenthal. cap. 11. concl. 20.* Secundò ampliatur, ut procedat, sive vasallus sit per sacramentum, sive non, id est, sive juratus, sive injuratus, *tit. 47. libr. 2. in fin.* Potest enim jusjurandum fidelitatis remitti vasallo a domino: quamvis fides ipsa non possit remitti, ut suprà dictum. Quare non debuit *Hoto.* hoc tanquam vitium feudisticum exagitare. In omni nam feudo fides datur & intervenit, licet non in omni feudo juretur, cum possit dominus jurisjurandi gratiam facere vasallo, qui tamen ob id à fide non absolvitur. Quanquam si vasallus jusjurandum ad quod tenebatur, præstare voluerit, dominus non dicatur feloniam contra ipsum committere, ut docet *Rosenthal. d. conclus. 20.*



2. D. Sed quia tamen quæ in specie non exprimuntur, ea præterita & quasi neglecta videntur, velim mihi nonnullas causas recensere, propter quas dominus feudum perdit.

M. Faciam: sed in quibusdam remittam te ad superius dicta in persona vassalli. Primum igitur, si dominus vassallum debito tempore, id est, intra annum & diem investituram petentem investire recuset, in eaq; recusatione persistat per annum & diem, hæc iusta erit causa, ob quam feudi proprietate privetur, *gloss. ult. in tit. 3. lib. 2.* quæ tamen dubitanter hoc ponit. Facta est nihilominus hæc communis opinio, ut ex *Guidone Papa & Iacob. de S. Georg.* probat *Iul. Clar. quest. 49. nu. 7.* quamvis ipse nimis rigorosum hoc esse putet: vide *Zaf. quoq; p. 10 nu. 81.* Secundò sic, si dominus vassallo graves & inhonestas injurias inferat re aut verbis, feudum amittet; item si ejus proditor sit aut delator, si arcanorum revelator, si accusator, si testis adversus eum in causa criminali aut civili, quæ sit gravius, si justitiam denegat vassallo: de quo *Iul. Clar. quest. 68.* si feudum dissipet, aut aliter abutatur suo jure proprietatis: si nimium sæviet in vassallos, eosq; malè tractet atq; expilet: de quo vide *Hartm. Hartm. tit. de feud. observ. 43. & Nicol. Mozz. in fin. tract. feud.* item si dominus fratrem suum, aut filium fratris occiderit, aut aliam quamlibet personam ex eorù numero, in quibus crimen patricidii committitur; si uxore vel sponsam adulteraverit; si filiam vel sorore vassalli, quæ sit in capillo & domo ejus, constupraverit; si impudicè eas tetigerit, aut adsectatus sit, earumvè pudicitiam attentarit; si oppugnaverit arcem vel castrum vassalli, aut etiam occupaverit, vel aliud in quo vassallum commorari sciebat; si filium suum, qui adversus vassallum deliquit, non stiterit vassallo petenti, nec reconciliare studuerit, aut cum id impetrare non posset, à se repulerit; si non ignorans grande dispendium & periculum vite aut fortunatum vassallo impendere, cum non præmonuerit aut certiorarit, ut malo præcaveret; si carcere inclusum aut captum, cum posset, non liberarit,

aut

aut redemerit; si quid eorum, ad quæ ex pacto investituræ tenebatur vasallo, præstare noluerit; si feudum vasallo tradere recusaverit; si feudo ipsum spoliaverit propria auctoritate sine causæ cognitione: his & similibus de causis dominus feudi sua proprietate privatur, quæ singula qualia sint, faciliè ex superioribus intelligis, *argu. l. 1. ff. de his qui sunt sui vel. vide & Zas p. 10. de feud. n. 80 & seqq.* Exemplum memorabile domini suo jure feudi privati exhibet Wenceslaus Caroli IV. filius, cognomento *Ignavus*, cui Electores Imperii communi consensu imperium abrogarunt, ut ex *Cosmographia Münsteri lib. 3* probat *Hotom. cap. 41. in disp. feud.* Sic & Concilium Constantiense Pontificatum abrogavit Johanni XXIII. Papæ; de quo præter cæteros vide Gobelinum Personam, *libr. ult. Cosmodromii.*

3. D. *Quid si dominus feudi inficiatus sit feudum?*

M. Etiam ipse non minus quam vasallus ob inficiationem suo jure multabitur, idq; ob paritatem rationis.

4. D. *Licetne domino proprietatem feudi invito vasallo alienare sine metu privationis, an est hæc quoq; justa causa privationis?*

M. Huic quæstioni ferè satisfacimus jam supra, cum ageremus de iis quæ permissa vel non sint domino feudi in ipso feudo, ubi etiam egimus de oppignoratione, an & quatenus ea sit permissa domino in sua proprietate: nempe pro modica summa, ut faciliè possit feudum lui, si non ab ipso, saltem à vasallo; non verò pro magna, ut nulla sit spes luitionis. Ea hîc repetere licet adjunctis iis, quæ tradit *Iul. Clar. q. 28. nu. 3. & 4. cum aliis commemoratis à Borch. cap. 8. n. 136.* voluit autem, vasallos separatim quidem non posse à domino transferri in alium; sed universè cum toto territorio, (quod vocant Feudistæ cum curia, §. *ex eadem lege, tit. 34. libr. 2.*) posse quemlibet invitos alienare, multa namque transeunt cum universitate, quæ aliàs non transferrentur, vide *Fernan. Vasq. cap. 8. lib. 1. illustr. controvers.*

*troverf. & Iul. Clar. d. q. 28. n. 2.* Si ergo contra hæc dominus feudi alienaverit proprietatem feudi, non tantum ipso jure nulla est ejusmodi alienatio, ut voluit Baldus, & defendit *Sonsb. p. 13. nu. 180.* sed etiam locum habet pœna privationis: per ea quæ suprà dixi. Exceptio est prima, nisi dominus proprietatē suam transfulerit in Ecclesiā, sive in pios usus cōverterit. Quamvis enim vasallo in suo jure id non liceat, ut suprà dictum, tamen domino in sua proprietate non denegatur. Et hoc casu infeudatus sive vasallus feudū, quamvis nulla sua culpa intervenientē, amittit, ut est in §. *si verò contigerit*: ubi hæc notandum monet *gloss. in verb. non poterit, tit. de allodis, Mozz. c. 9. nu. 122.* Ratio hujus exceptionis est favor Ecclesiæ & piæ causæ, ob quem etiam alia multa singularia sunt recepta, maximè inter Interp. & Canonistas. Dominus tamen tenetur vasallo vel aliud æquivalens feudum, vel precium ejus præstare. Esset enim iniquissimū, si dominus sine ulla refusione liberalis esset de alieno, cum species sit furti de alieno largiri, sibiq; debitorem beneficii constituere: ut ait Ulp. & nemo sine suo facto debeat jure suo excidere, *can. presentium, ubi gl. in verb. & alia, 2 q. 1. Sonsb. part. 14. n. 183.* Minimè verò omnium debet Ecclesia hujusmodi liberalitatem de alieno agnoscere, cum sit cultrix & auctrix justitiæ, quæ non patiatut aliquid contra justitiā fieri in se vel in alterum, ut ait *Feudist. t. 13. lib. 1.* Imò de S. Augustino accepimus, eum, quoties Ecclesiæ suæ aliquid à domino offerretur, etiam ex propriis facultatibus, si is haberet liberos, talia dona recusasse, cum hoc dicto: *Alium quæreretur potius quàm Augustinū qui talia acciperet.* Nolebat quippe sanctissimus antistes verè id usurpari posse de Ecclesia, quod falsò Christianis objecit præfectus urbi apud Prudentium in hymno de S. Laurentio:

*Ad dicta avorum pradia  
Fœdis sub auctronibus  
Successor exhaeres gemit,  
Sanctus gens parentibus.*

*Hæc occuluntur abditis  
Ecclesiarum in angulis:  
Et summa pietas creditur  
• Nudare dulces liberos.*

quæ benè notanda sunt cōtra eos, qui spoliant ac devorant domos viduarū, ut salvator in Evangelio dicit.

5. D. *Estne alia quoq; exceptio, qua dominus proprietate non privetur?*

M. Est, nempe si pœna aliqua conventionalis in investitura fuerit comprehensa: tunc enim cessante pœna legitima potius aget vasallus ad conventionalem. De qua notabili exceptione vide *Matth. de Afflict. ad d. tit. 47. lib. 2. feud.* huic simile est, quod etiam emphyteuta, qui ad canonem solvendum se adstrinxit, pœna aliqua cōventionali, ut maximè cesset per biennium vel triennium in solutione, tamen non potest privari jure suo emphyteutico, sed tantum exigetur pœna conventa.

6. D. *Estne & alia exceptio sive casus, quo dominus proprietatem non amittat?*

M. Adferunt hanc quoq; ex Luca de Penna, ad l. in sacris, C. de proximis sacrorum scriniorum, lib. 12. nempe si dominus feudi sit talis, qui superiorem non recognoscat. Hunc enim volunt proprietate sua non multari, quantumvis atrociter in vasallum aliosq; deliquerit. Sed cavendum est, ne hæc opinio fenestram aperiat tyrannidi. Bono sanè Principe digna vox est, *legibus se subiectum fateri, quamvis ipsi nemo sanciverit leges, & legibus licet solutum, tamen legibus vivere*, ut aliàs diximus ad rit. *Inst. quibus modis testam. ex l. 3. C. de testam. l. 23. ex imperf. ff. de legat. 3. l. 4. C. de legib. & Plinio in Panegyrico.* Accedit quod ex contractu suo etiam Princeps summus obligatur; de quo omnes consentiunt, *ad c. 1. extr. de probat.* Atqui feudum est contractus ultro citroque obligatorius, ut supra demonstratum est, quare & Principem vasallo obstringer.

7. D. *Quid si dominus feudi Ecclesiastici sive prelatus aliquis feudum sua aliqua culpa amiserit, nocebitne hoc Ecclesia,*

*clesia, ut propter culpam sui praelati proprietate perpetuo carere cogatur?*

M. Non nocebit Ecclesie culpa praelati, nisi quam diu is vivit: Mortuo igitur proprietas manebit penes Ecclesiam, *Zaf. part. 10. n. 83. Mozz. cap. ult. n. 131.* neque enim quod Pastor iniquus gesserit, Ecclesie fas est in damna refundi, ut eleganter canit Guntherus Poeta feudalis *lib. 2.* quo modo & supra dictum de feudo Ecclesiastico, quod amisit vasallus praelatus. Illud quoque hic repetendum ex superioribus, etiam in persona domini amittentis feudum necessariam esse sententiam saltem declaratoriam privationis, *Zaf. d. part. 10. nu. 83. in versic. debet autem.*

8. D. *Ad quem verò pertinebit proprietas sic à domino feudi amissa?*

M. Ait Feudista, proprietatem feudi ob feloniam aliquam à domino amissi ad vasallum pertinere; id est, consolidari dominium directum, ut vocant, cum utili, idque sive in vasallum peccaverit dominus, sive in alium, §. *domino committente feloniam titul. 26. libr. 2.* eamque sententiam probat & gloss. *ad d. tit. 47.* Eandem quoque receptiorem esse testatur *Lauren. Sylvan in tract. de feudi recognitione, q. 32. Iul. Clar. tamen q. 72.* ita eam limitat, ut tum demum procedat, quando neque superior aliquis adest dominus, neque agnati ejus domini qui deliquit, ad feudum ex tenore investituræ vocantur. Et ita quidem, ut potior ac prior habeatur ratio agnatorum, quam domini superioris. Sin autem vel dominus superior, vel agnati delinquentis adsint, ut tum ipsis potius quam vasallo proprietas ea applicetur. Alii distinguunt inter feloniam contra vasallum commissam, & eam culpam quæ respicit extraneum aliquem, ut ob illa omissa proprietas pertineat ad vasallum; ob hanc verò ad superiorem dominum. Ita post alios Dd. *Mat. de Affl. ad d. t. 47. n. 5.* quæ distinctio tamen si probabilem hanc rationem habet, ut vasallus iniuriæ suæ ultionem habeat, quæ non ad eum ipsi debetur, si culpa in alium sit commissæ (quid enim attinet ad vasallum

vasallū, si dominus aliquid peccaverit adversus alios ) tamen repugnat disertis verbis textus in *d. §. domino, t. 26.* qui certè eā rejicit, ut & *gl. in d. t. 47. in verb. non habita distinctione peccavit dominus in vasallū vel in alium.* Quidni ergò hic quoq; valeat illa regula *l. prospexit, ff. qui, & ex quibus causis manumissi:* ut nimirum servetur quod scriptum est, quamvis durum videatur: nisi fortè dicamus, hoc jus variè in variis provinciis observatum, atq; in ambiguo fuisse relictum, ut putat *Hotom. arg. d. tit. 47.* sed ibi variæ sententiæ non de hac nostra quæstione referuntur, cui debeat cedere proprietas feudi amissa, sed de ea potius, ob quam speciem felonix debeat dominus privari proprietate, an ex omni, an ex nulla, an ex magna tantum. Gallorum mores, ut & *constitutiones Neapolitane lib. 3. t. 19.* proprietatem addicunt domino supremo, ut testantur *Cuj. ad d. t. 5. 6. & 7. lib. 2. feud. & Hoto. in comm. ad d. §. domino, t. 26.* ubi allegat ad hanc rem summam Ruralem Butelerii Itaque apud Gallos vasallus liberatus à fide & hominio proximi sui domini, qui proprietate feudi ob delictū aliquid multatus est, deinceps sit vasallus ligius supremi domini, *Hotom. d. loco.*

9. D. *An etiam dominus præscriptione amittit feudum sive proprietatem suam?*

M. Hac de re plenè dixi suprà, cū de præscriptione feudi ageretur, quæ huc repeti possunt.

10. D. *Feudo ob culpam aliquam amisso, sive id fiat à domino, sive à vasallo, si forte in vita sua feudum non repetierit dominus aut vasallus, sed tacerit usq; ad mortem, poteritne heres vel hujus vel illius adhuc post mortem ejus actionem instituere?*

M. Quæstio hæc, an jus privandi feudo transitorium sit ad hæredes, competatq; & hæredibus & contra hæredes, commodius fortassè tractetur infra inter actiones feudi nomine competentes. Sic autem de ea habendum est, si vasallus aliquid cōmiserit contra dominū, propter quod deberet amittere feudum, si dominus de eo tacuit in vita, non poterunt hæredes

des post mortem ejus agere, *gl. in verb. assalierit, in §. 24. tit. lib. 2. feud.* ubi ait, hoc non esse tradendum oblivioni, multisq; locis juris civilis comprobat, ut *l. 1. & ult. C. de revoc. donat. l. 30. omni modo, C. de inoffic. testam. l. 26. Procula ff. de probatio. l. 3. §. si emancip. ff. de bon. poss. contra tab.* Quibus & alia loca addi possunt. Idem tenuit *Azo in comment. C. ad l. omni modo, 30. n. 3. (arg. ejus legis) C. de inoffic. testa. caq; est communis Dd. sententia, teste Iul. Clar. in §. feud. q. 64. n. 3. & Apostilla ad quest. 60.* Ampliatur hoc, ut ne tum quidem transmittatur ad hæredes jus revocandi feudi, etiam si culpa ejusmodi fuerit, ob quam ipso jure vasallus feudo privaretur. Et *d. quest. 64. n. 2.* Exceptiones tamen ab interpretibus excogitatae sunt istæ: Prima, nisi defunctus injuriam ad animum revocasset, & celeritate mortis præventus non potuerit agere ad privationem, tunc enim (ut ajunt) transmittit jus revocandi ad hæredem; quia hinc satis apparet de ipsius voluntate, quam quidem etiam executus esset, nisi morte præventus fuisset. Secunda, nisi defunctus delictum ignorasset, atque ita justa ignorantia ductus id non vindicasset, vide *Bal. & Prepos. ad d. §. porro, t. 24.* His addi potest tertia, nisi quis post litis contestationem decesserit, nam litis contestatio inter cæteros hunc quoq; effectum habet, quod actionem facit transitoriam ad hæredes, etiam quæ aliàs talis non esset: idq; ided, quia judicio quasi contrahitur, *l. 3. §. idem scribit. ff. de peculio.* Dixi, regulariter non posse hæredes agere ad privationem feudi, quam non instituit defunctus. Non potest etiam agi contra hæredes ejus, qui delictum admisisse dicitur privatione feudi dignum: Quamvis ipso jure per id amitteretur feudum; nisi delictum aded notorium esset atq; inexplicabile, ut nullo modo negari aut defendi possit, de quo vide *Clar. quest. 65.* Quæ de vasallo diximus, eadem de persona domini quoque intellige: nam ad paria judicantur, ut supra dictum.



## CAPUT VIII.

*De actionibus, aliisq; juris remediis, quæ feudi nomine competunt vasallo, & domino; itemq; liberis & agnatis vasalli, quibus feudum apertum seu vacuefactum est.*

I.D. *Audivi de jure feudi cujusmodi sit, quo pacto & adquiratur & amittatur, & amissum cui aperiatur. Sed quia parum est jus nosse, quod nobis competit, nisi etiam sciamus rationem ac viam juris nostri tuendi conservandiq; aut persequendi positam in actionibus partim aliisq; juris remediis, sicut parum esse dicitur, jus in civitate esse, nisi sint qui jura regere possunt, teste Pompon. in l. 2. ff. de O. I. Cupio nunc ex te cognoscere, quæ nam sint actiones feudi nomine competentes; tum coram quo iudice, & quomodo in iudicium deducantur?*

M. Rectè atque ordine priusquàm de ordine & iudicio feudali quæratur, videndum est de actionibus. Cùm enim sine actione acturone limen quidem iudicii pateat, sed talis statim repellatur, eiq; exceptio objicitur, *tibi non competit actio*: Ante omnia videndum est litigaturo, ut actione aliqua convenienti instructus sit, quemadmodum qui in prælium proficiscitur non inermis nec sine telis ire debet. Dicam distinctè & ordine primùm de actionibus vasallo competentibus pro feudo. Secundò, de iis, quæ domino competunt feudi nomine. Tertiò, de iis, quæ dantur agnatis & successoribus. In singulis autem maximè attendendum, qualis unaqueq; sit, an in personam, an in rem, an bonæ fidei, an stricti juris, cui & adversus quem, an etiam hæredibus & contra hæredes detur, ad quid detur, & quàm diu; deniq; quibus exceptionibus elidatur ac submoveatur una qualibet actio; de quibus omnibus satis diligenter scripsit Iohan. Oldendorp. in clem. act. ut Feudistas nuntiarem.

2. D. *Quanam aut quales sunt actiones, quæ pro feudo ejusq; nomine dantur vasallo?*

M. Harum aliæ sunt in rem : aliæ in personam. In rem est, primò, *utilis rei vindicatio* : de quo sic ait Feudista *tit. 8. lib. 2. feud.* Rei per beneficium rectè investitæ vasallus hæc habet potestatem, ut tanquam dominus possit à quolibet possidente sibi quasi vindicare. Et si ab alio ejus rei nomine conveniatur, defensionē opponere. Quorum verborum enucleatio nō est nobis negligenda. Ait igitur Feudista : *Rei per beneficium rectè investita* : id est, cujus possessio ipsi tradita est per investiturā, quæ dicitur *recta* seu *propria*. Esse enim duplicem investiturā, unam *abusivam* sive *ceremonialem* seu *verbalem* ; alteram verò *propriam* sive *rectam*, suprà audivisti. Et hæc illam sequi debet. Quemadmodum autem traditio jure gentium transfert dominium in accipientem, §. *per traditionem*, *Instit. de rer. div. l. tradit. 20. C. de pact.* ita hæc investitura quasi dominium, sive ut vulgò vocant *utile* (Feudista *usumfructum* vocat) in investitum seu feudatarium transfert, proprietate, seu directo dominio penes senioremanente, §. *pen. t. 23. li. 2.* Ait porro : *tanquam dominus* : item *quasi vindicare*. Particulæ illæ & adjectiones, *tāquam*, & *quasi*, significant improprietatē, nempe, ut intelligamus, verè ac propriè sive directè dominū rei feudalī nō esse vasallum ; ideoq; directam vindicationem non habere, quæ nō nisi domino detur, *l. 23. in pr. ff. de rei vind.* sed utilem duntaxat, quæ tamen in effectu idē valeat quod directæ, *arg. l. 47. ff. de neg. gest.* sic & superficiario utilis in re actio à prætore cōmendatur, *l. 75. ff. de rei vin. junctæ l. 16. §. ult. ff. de pig. act. l. 1. §. 1. ff. de superfi.* ubi etiam quando in rem actio dicitur, *Giph. in tract. feud.* putat hanc actionem dici posse feudariā, sicut actio hypothecæ dicitur hypothecaria ; quomodo & *Ioh. Old. beneficiarias actiones* vocat in Classibus à beneficio sc. quod idem est cū feudo. Ait Feudista, à possidente, nam hoc proprium est rei vindicationis, ut non detur nisi cōtra possessorem, *l. 9. offic. ff. de rei vin.* Possessio enim huic actioni in rem

parit adversarium, ut ait *l.unic ff.de alie.jud.mut.* aded, ut si reus non possideat, aut possidere desierit, dummodò sine dolo absolvendus sit, ut audivisti ad §.1. *Instit. de act.* addit: *A quolibet possidente*, ut intelligamus, vasallo hanc utilem vindicationem dari non solū adversus extraneum, sed etiam adversus ipsum feudi dominum, si is fortè possessionem feudi nactus sit, *lul. Clar.g.89.* Nec poterit senior se tueri exceptione dominii, sicut neque dominus emphyteuseos contra emphyteut. *l.1.in fi. ff. si ager vet.* qua in re notabiliter differt hæc actio à Publiciana, cui obstat exceptio justii dominii, *l.pen. & ul. ff. de publiciana in rem actione.* Ratio differentia est, quia vasallus, (sicut & emphyteuta) causam sive jus habet à domino ipso sibi concessum: at bonæ fidei possessor, cui publicianam prætor adcommodat, non habet causam & jus à domino, sed ab alio, quem dominum esse putabat opiniois errore: ideoq; non est mirum, si dominus ipsi præferatur, eumq; agentem repellat exceptione dominii: dicendo: *Nisi ego sim dominus.* Quod si dominus quoq; contra extraneum agere velit de feudo, vasallus domino præferetur, ut docet *Hartm. Hart. tit. 54 obs. 13.* Quod denique ait Feudista: *vasallum, si ab alio feudi nomine conveniatur, posse defensionem opponere:* verbo defensionis, significatur exceptio, & hîc & passim in utroq; jure. Rectissimè sanè: sunt enim exceptiones comparatæ defendendorum eorum gratia, cum quibus agitur, ut ait *Imp. init. tit. Inst. de except.* hujus autem dicti ratio posita est in regula juris: *Cui damus actionem, eidem & exceptionem competere multò magis:* ex *l.156. in vitus, §.1. ff. de R.I.* facilius, inquam, datur exceptio, quàm actio, unde etiam rei favorabiliores habentur, quàm actores, ut alia juris regula habet, *l.175 ff. eod.* sive autem actores sive rei partes vasallus sustineat, (sive agat, inquã, seu conveniatur,) poterit litigare etiam ignorante & non laudato domino feudi, & hic cogetur judicium ratum habere, sive obtineat vasallus, sive succumbat, dummodò ne quid fraudulenter ab eo factum sit, §. *ff. vasallum,*

*vasallus, de beneficio, t. 26. lib. 2. & tit. 43. quod tamen jus graviter reprehendit Hor. in disp. de feud. c. 39. & in comment. ad § rei autem, tit. 8.*

Ex his quæ dixi intelliges, qualis hæc actio sit, ex qua causa, cui & adversus quem, & ad quid detur, nempe esse in rem, & dari ex jure in rem, sive quasi dominio, quod vasallus in feudo habet: Et dari vasallo jam rectè investito, id est, qui possessionem rei feudalis nactus fuerit, sed postea casu aliquo amiserit, & dari adversus quemlibet possessorem, etiam ipsum feudi dominum, secus quàm Publiciana, quæ in dominum non datur: Dari deniq; ad id, ut declaretur sententiâ judicis, rem jure feudi pertinere ad actorem: quo facto judicis officio incumbit, ut jubeat reum actori restituere possessionem ejus cum fructibus inde perceptis. Quid autem veniat in hanc actionem, plenius intelliges ex iis, quæ suprà exposui de jure ipso, quod vasallo in feudo competit. Indidem quoq; intelliges, quid actori probandum incumbat in hoc judicio. De hæredibus vasalli si quæras, an & ipsis hæc actio detur, dicam dari quidem, sed non ut hæredibus, verùm ut idem feudi jus habentibus, & suo nomine: quomodo & Paulus de act: one ad exhibendum ait: Eam hæredibus, non tanquam hæredibus, sed suo nomine dari, l. 12. § ult. ff. ad exhibend. & in l. 7. his solis. C. de revocan. donat. dicitur hoc proprium esse vindicationis, id est, in rem actionis, non ut ex Cujacio exponit Gothofredus, vindictæ sive ultionis; nam ipsa oppositio hoc satis docet, actionis personalis & vindicationis. Solent enim inter se opponi, actio in personam, & in rem, quæ generali nomine dicitur vindicatio, ut meministi ex init. tit. Instit. de actionib. At quæ ad vindicationem seu ultionem datur actio, cùm & ipsa in personam sit, non rectè ei opponitur, cùm species suo generi non opponatur, sed subjiciatur. Verùm redeamus ad rem. Hæredi vasalli tanquam hæredi non datur ista quasi vindicatio sive utilis rei vindicatio: I. Quia actiones in rem non dantur hæredibus

quâ hæredes, sed quâ ipsi quoq; hæredes sunt domini; deinde, quia feudum nihil cōmune habet cum hæreditate, ut suprà docui. Hæreditas propriè est rerum allodialium, & sæpè etiam extraneis defertur; Feuda verò dantur generi, & in his habetur ratio sanguinis & agnationis. Ut maximè igitur heres quis sit, tamen nisi etiam sit successor feudi, hanc actionem non habebit: si quæras deinde, an ista actio etiam contra hæredes detur; respondebo similiter dari quidem, sed nō tamen quatenus hæredes, verū quatenus possessores: quomodo & de noxalibus actionibus & de pauperie ait J.Ctus, eas dari in hæredes nō ut in hæredes, sed ut in dominos; non jure successionis, sed jure domini, l. 42. §. ult. ff. de noxal. actio. l. 1. §. ult. ff. si quadr. paup. quare ut maximè quis hæres & successor alicujus sit, nisi tamen & ipse rem, de qua agitur possideat, absolvendus erit: & cōtrā, etiam si quis hæres alterius non sit, dummodò rem possideat, condemnabitur. An autem ista actio sit bonæ fidei, vel stricti juris, disputat *Duaren. cap. 19. n. 4. de feud.* esse bonæ fidei: sed cū in rem sit, & nulla in rem actio sit bonæ fidei, verū aut stricta aut arbitraria, excepta petitione hæreditatis, de hac quoq; idem dicendum videtur, bonæ fidei non esse: Cui tamen reclamant *Iohan. Oldendorp. in tit. de actionib. beneficiarius*, ubi ait: *Quænam erit actio bonæ fidei, si hæc non erit?*

3. D. *Quid si plures sint pertinentia feudi?*

M. Eadem ratione vindicabūtur, quæ & gregis vindicatio est, in quo plura sunt capita, l. 1. §. ultim. cum seqq. ff. de rei vind. qua de re plura vide apud *Barthol. Camerarium in comment. ad cap. Imperialem, de prohib. feud. alien. per Frid. pag. 290. in ed. Basiliensi, cum seqq.* ubi disputat, an in feudo sit universitas juris, an verò facti?

4. D. *Daturne & alia vasallo in rem actio?*

M. Altera actio in rem est, quæ datur ipsi de servitute rei feudali debita, d. §. rei autem, versic. nam & servitutem, eod. tit. 8. lib. 2. Sunt qui putent, etiam de servitute feudali dati vasallo utilem rei vindicationē: sed

verius est dati confessoriam aut negatoriam, quod & Antonio Contio placuisse video in *capit. 13. metho-  
di feudalis*, quæ quidem vindicationes utiles dici pos-  
sunt, sed non rei vindicationes utiles. Aliud enim est  
vindictio, aliud rei vindictio, quæ differunt tan-  
quam genus & species. Vindictio competit & de re-  
bus corporalibus, & de servitutibus, & de pignoribus,  
hæc enim omnia dicimur vindicare, ut docet *Cuj. lib. 5.  
obs. c. 29*. At rei vindictio non nisi de speciali in rem a-  
ctione, quæ pro rebus corporalibus competit, rectè  
usurpatur, ut dictum est ad § *omnium, Inst. de actio.* Cui  
autem & adversus quem, & ad quid detur confessoria  
& negatoria actio, ne hæc diutius quàm par est immo-  
rer, repeti potest ex §. *equè Inst. de act.* Fendistæ utramq;  
actionem distinguunt his verbis: *servitutem petere po-  
test, & retinere*. Petitur per confessoriam; retinetur per  
negatoriam. Notanda est hæc differentia inter vassal-  
lum & usufructuarium simplicem: hic enim neq; fun-  
dum fructuarium ipsum, neq; servitutem ei debitam  
sibi vindicare potest, l. i. ff. *si usufructus petatur, & l. i. §.  
ult. ff. de nov. oper. num.* Utrumque verò conceditur va-  
sallo; quia jus multò pinguius ac plenius habet, quàm  
usufructuarius, tametsi interdum & feudum dicitur  
usufructus quidam, ut §. *ult. ff. t. 23, lib. 2.*

§. D. *Audivi de actionibus in rem quæ vassallo compe-  
tunt, sed quasnam habet actiones in personam?*

M. Multiplices, ut ait *Cont. d. c. 13*. Et primùm qui-  
dem adversus ipsum dominum ex contractu investi-  
turæ abusivæ agere potest, ad hoc, ut reipsâ tradatur  
feudum, quod antea imaginariè tantùm per investi-  
turam ceremonialè traditum est: live, ut investituram  
abusivam quæ possessionem nondum transtulit in in-  
vestitum, sequatur propria quæ illius sit complemen-  
tum. Hanc actionem putat Contius dici posse præ-  
scriptis verbis, vel beneficiariam, Bartol. eam vocat *actio-  
nem ex feudo*. Communis schola interpretum appellat  
*condictionem ex moribus*; ut præter cæteros videre est apud  
*Iul. Clar. questio. 89.* nimirum quia feuda moribus

potius constāt & reguntur, quā legibus. De qua generali actione feudali videndus est *Spec. in §. ult. tit. de feud. & Ias. in l. 7. ff. de pact. itemq; Dd. in l. unic. ff. de cond. ex l.* Ejus enim actionis exemplo hanc introduxerunt, quotiescunq; mores aliquā actionem concedunt, nec tamen exprimunt nomen ejus. Alii tamē putant, conditionem ex lege etiam huc accommodari posse, ita *Duaren. c. 18. comment. de feud. itemq; Giph. & ante utrumq; Q!dendorp. in class. nam ut conditio ex lege hodie datur de omni donatione inter vivos ex Constitutione Justin. in l. 35. si quis argentum. C. de donat. Ita & de feudis.* Datur etiam vasallo adversus dominum actio ex stipulatu, si nimirum stipulatio de feudo intervenierit: si promissio de investiendo stipulatione vallata fuerit, ut loquitur *Iul. Clar. d. quest. 89.* Quod si feudum emptum fuerit, dabitur vasallo actio ex empto, *arg. l. 11. ex empt. ff. de act. empt.* si aliam rem pro feudo dederit, sive permutationem fecerit, (quod vocant Feudistæ, *cambium*, ut aliās dixi) præscriptis verbis agere poterit, *arg. l. 1. §. 1. & l. 5. §. 1. totiq; tit. ff. de præscript. verb. l. 4. C. eod.* Sunt qui putent, de feudo in ultima voluntate, ut testamento aut codicillis constituto, dari vasallo actionem ex testamento vel directam vel utilem: quæ est actio in personam: Dari quoq; rei vindicationem & hypothecariam, quæ sunt in rem: has enim actiones omnes concurrere & legatario ad consequendum legatum dari meministi ex *Inst. in tit. de legat. & l. 1. C. commun. de leg.* Sed *Hor. in disp. de feud. c. 34.* in ea sententia est, feudum nisi inter vivos constitui nō posse, eaq; in re distare ab usufructu, qui etiam testamento constitui potest. Rationem ipse hanc reddit; quia illius demum vasallus quisq; fit à quo investituram accepit, *tit. 3. & tit. 32. lib. 2. feud.* videtur & hæc reddi posse; quia qui vasallum sibi constituit, idcō hoc facit, ubi habeat à quo sibi præstentur servitia, & plerūq; militaria. Atqui his non eget mortuus. Testamentum autem, & quæcunq; in eo scribuntur, non nisi post mortem vires habent, *l. 1. ff. de hered. vel action. vend.*



*vend. cum simil.* Præterea nusquam in toto jure feudali testamenta inter modos constituendi feudi recensentur, quare sine lege loqui erubescimus, quod & supra alicubi attigisse recordor.

6. D. *Ad quid dantur superiores illæ actiones, an ut præcisè dominus rem tradat, an verò ad id quod interest?*

M. Aut contractus tantum initus est vel habitus de feudo: & secundum jus commune liberabitur dominus præstando id quod interest, *arg. l. stipulationes non dividuntur. ff. de V. O.* Aut investitura jam facta est impropria, nondum tamen res tradita vasallo, & hoc casu dominus præcisè cogetur ad rem tradendam, nec poterit liberari præstatione ejus quod interest, *§ si facta, t. 26. li. 2. feud. gl. in d. 1. 8. in verbo, præstabit. ita & Dua. distinguit c. 18. nu. 4. & Borch. ferè c. 9. nu. 11. & 12. vide & Iohan. Vaud. lib. 1. q. 9. in fine.* Dixi etiam nonnihil supra quo loco agebatur de rei alienæ investitura.

7. D. *Danturne istæ actiones etiam heredibus & contra heredes?*

M. Omnino, neq; ea res dubitationem ullam habet, si laicus sit is, qui investituram fecit, & antequam traderetur, vel conditio tempusvè existeret, mortuus est; nam successor ejus cogitur adimplere investituram ubi dies venerit, vel conditio extiterit, *argum. l. ex contractib. 49. ff. de O. & A. l. 57. si quis. ff. de V. O. l. 1. ff. de fidejuss. tut. & c. l. 3. C. de reb. alien. non alien. l. 14. cum à matre. C. de rei vind. l. ex qua persona ff. de reg. jur. cum similib.* aliud est in persona Ecclesiastica; verbi gratia, in Episcopo aliove prælato Ecclesiæ aut monasterii, qui rem Ecclesiæ vel monasterii in feudum concessit: hujus enim successor non obligatur, si fortè investitor præmoriatur ante eum, de cujus feudo nondum aperto alium investivit, vel ante eventum conditionis aut dici, ut habetur *tit. 3. §. hoc ita, tit. 9. libr. 1. feudorum*, vide *Duaren. d. c. 18. n. 5. & Borch. c. 7. de feud. n. 19.* Dixi: *qui rem Ecclesiæ in feudum concessit*: ut intelligas aliud esse, si clericus de re sua & propria aliquem investivit. Nam in hujusmodi rebus propriis clericus habet

tur pro laico, *l. 3. C. de episc. & cleric.* ideoque & ipse investitor obligatur, & hæredem quoque obligatum relinquit, ut est scriptum in *tit. 35. libr. 2. feud.* Ratio differentiae est: quia magis faveretur bonis Ecclesiae propriis, quam profanis & communibus, ideoque in his Clericus vasallum aliquem investiens suum negotium gerit: In illis Ecclesiae, nec est dominus earum, sed administrator tantum, constituit autem Lotharius Imperator, successores non debere obligari actis antecessorum suorum, si illis lædatur Ecclesiarum utilitas. Extat constitutio ipsius *libr. 3. legum Longobardic. tit. 10.* quam etiam glossa allegat. Exceptio ab hac regula primum hæc est, ex *tit. 3. versic. nisi ille. libr. 1. feud.* nisi Titius, verbi gratia, ejus feudi nomine in possessionem sit missus, adhuc vivo & consentiente ultimo vasallo, qui sine successoribus decessurus speratur. Tum enim & successorem Episcopi esse cogendum putant ad implendam investituram sui antecessoris, & feudi possessionem tradendam. Quæ tamen exceptio satis aliena videtur à jure civili, quo non possunt duo eandem rem in solidum possidere, *l. 3. ff. de acquir. vel amitt. poss.* Quomodo igitur poterit quis mitti in possessionem feudi nondum vacantem, sed adhuc detentam & occupatam ab alio vasallo? sed jus feudorum magis nititur consuetudine quam ratione, ut & supra aliquoties admonui, & notat *Iohan. Vaud. lib. 4. quasi 9. in fin.* Alteram quoque exceptionem addit *Borch. cap. 7. num. 20. & 21. ex Matt. de Afflic.* nisi investitura à Clerico facta sit cum consensu totius capituli, nam & hoc casu successor tenebitur adimplere contractum defuncti: quia Ecclesia ipsa, quæ nunquam moritur, investituram fecisse videtur. Idem est si rati habitio fuerit subsequuta, quæ consensum imitatur: atque hæc tertia esse potest exceptio.

8. D. *Dic alias actiones in personam, quæ vasallo adversus dominum competunt.*

M. Præterea datur etiam vasallo actio de evictione, si res in feudum ipsi data fuerit aliena & vasallo à vero do-

ro domino, vel cui obligata erat, per iudicium ablata. Datur autē hæc actio ad id, ut dominus aliud feudum ejusdem bonitatis seu quantitatis, siue æstimationis ei præstet, cujus erat prius tempore rei judicatæ: ut est *tit. 8. lib. 2. § 1. 25.* sed requiritur, ut investitura facta sit ignorantī: nam si quis sciens alienæ rei investituram accepit, non aliter habebit de evictione actionem, quā si eam stipulatus sit. Ita intelligendum esse, quod ait Feudista: *nisi pacto speciali sibi prospexerit*, aliās docui. *fac. l. 27. si fundum. C. de evictionib. l. apud, §. item Labeo. ff. de doli mali & metus except.* In domino autem non distinguimus, utrum sciverit, an ignotaverit. Petinde enim uterq; tenetur, & qui scivit, & qui ignoravit rem alienam esse, scire namq; debuit, ut ait *gl. ad d. tit. 8. in verbo, ignoraverit.* Et omninò facilius toleratur atq; excusatur ignorantia facti alieni quam proprii. Non poterit tamen vasallus habere contra dominum regressum de evictione, si castrum, verbi gratia, quod in feudis habebat, vi aut clam amiserit, arg. *l. ult. C. de act. empt. & l. si per imprudentiam. ff. de evictionib.* Ferrariensis in forma libelli, quo agitur ad revocationem feudi: sed si dominus postea recuperaverit possessionem ab invasore, tenetur rem restituere vasallo; maxime si ex causa lucrativa eam nactus fuerit, ut rectè Ferrariensis dicto loco propè finem, repudiata aliorum distinctione. Plura de evictione feudi dixi supra, cum de re aliena in feudum concessa ageremus: ubi & hoc necessarium esse dixi, ut vasallus, qui de evictione agere vult, auctorem suum laudet, id est, licet domino, à quo causam habet, denunciet tempestivè, ut licet subsistat, ut se defendat, quod requisitum exprimitur in ipso *text. tit. ul. 25. libr. 2. feud.* Sin autem hoc prætermiserit, non dabitur ei regressus adversus dominum: jam enim est, quod ipsi imputari possit; domino autem nihil.

9. D. *Annón etiam alia contra dominum actio datur vasallo?*

M. Datur quoq; eo casu, quo dominus proprietatem ob

tem ob feloniam aliquam amisit, nec tamen eam dimittere à se vult, sed nihilominus pergit servitia à vasallo exigere. Tunc enim quia vasallus sine actione adversus eum experiri non potest, nec tamen jure feudali ullum genus actionis expressum est, dabimus ei conditionem ex lege, qua petat se declarari immunem ab omni obsequio & hominio, servitiique præstatione, & proprietatem feudi commissam à domino ad se jam pertinere. Ita rectè Duarenus *c. 18. de feud. nu. 7.* hanc autem actionem non dari in hæredes, neq; etiam hæredibus jam suprà dictum est, ubi etiam de illius regulæ exceptionibus.

10. D. *An etiam interdictum, uti possidetis & unde vi, datur vasallo contra dominum?*

M. De interdicto quidem, uti possidetis, nemo dubitat, quin detur. Sed de interdicto unde vi, dissentiunt Dd. Et Canonistæ quidem ad *c. ceterum. §. extr. de jud.* volunt, non dari, argumento liberti, cui similiter hoc interdictum denegatur adversus patronum; quia suggillat verecundiam patronalem, *leg. 2 ff. de vi & vi arm. junct. l. 7. liberto. ff. de obsequiis, & l. cum ad firmes, C. de liberali causa, & §. si verò vasallus, tit. 22. lib. 2.* eamque communem & veriore sententiam esse attestatur *Zaf. part. 11. n. 23.* sed alii dissentiunt, ac putant, vasallo dejecto contra dominum spoliatores dari interdictum unde vi: quos referunt & sequuntur *Frideric. Schenck. ad d. §. si verò vasall. & Borch. c. 9. nu. 18.* qui & rationem elegantem reddit *ibid. nu. seq.* Deniq; & *Giphanius in tract. feud. Cuj.* quoq; pro hac sententia (in qua est etiam *Ant. Cont.*) allegat *Vincent. in Spéc. doctrinali.* Accedit & illa ratio, quia vasallus ex tali causa etiam agere posset contra dominum ad privationem proprietatis: nam & jure civili amittit quis dominium rei suæ, quam alteri per vim eripit, ut docui ad *§. 1. Institut. de vi bon. rapt.* Cur ergò ipsi denegetur id quod minus est, nempe interdictum recuperandæ possessionis, cum permittatur ei, quod plus est, nempe actio ad privationem dominii? Non debet enim cui plus licet,

licet, etiam quod minus est non licere. De eorantùm inter aliquos ambigitur, utrum directò hoc interdictum proponi possit contra dominum, an verò in factum temperari debeat, omiſſa ſcilicet mentione violentiæ, in quam ſententiam inclinat *Zaf. d. p. 11. nu. 24.* de quo vide plures allegatos à *Rofent. h. c. 10. concl. 32. & c. 12. concl. 3.*

11. D. *Quomodo praterè vaſallus contra dominum agere poterit?*

M. Si à domino turbetur in poſſeſſione feudi, aut ſi indebita atq; inſolita ſervitia exigantur, aut ſi crudeliter ipſi ejusvè ſubditi ab eo tractentur: poterit querelam proponere contra dominum apud ſuperiorem, ejusq; officium implorare, ut domino mandet deſiſtere a vexationibus & iniquis exactionibus malaq; tractatione: quod multis auctoritatibus probat *Rof. c. 12. concl. 4.* & attingit etiam *Giphan. c. ult. de feud.* Sanè cùm jure civili præfectus urbi, itemq; proconſul aut præſes provinciæ querelas ſervorum de ſervitia dominorum audire ſolitus ſit, ut conſtat ex *l. 1. §. 1. & §. quod autem dictum, ff. de offic. præf. urb. l. 2. ff. de his qui ſunt ſui vel al. jur. & ex §. ſed & major aſperitas. Inſtit. eod.* inultò magis quis de vaſallorum adverſus dominos querelis hoc idem dixerit, cùm longè plus domino in ſervum licuerit, quàm ſeniori in vaſallum. Præſcribitur tamen hic ordo in *§. ult. t. 2. lib. 2. feud.* ut curia prius adeat dominum pro vaſallo, & reverenter admoneat, ut velit deſiſtere, & tum demum ſi ter admonitus adhuc pergat, adeat vaſallus majorem poteſtatem, ſi forèt curia ob nimiam domini potentiam non haberet eum in poteſtate ſua, vel ſi dominus velit ſe ſubmittere judicio parium curiæ: ut ibidem explicat *gl. in verbo, majorem.*

12. D. *Nullumné aliud remedium prater actionem modò dictam, & interdicta, quæ inſtar actionis obtinent, & querelam mala tractationis, de quibus hætenus, domino competit?*

M. Faciunt etiam Feudiſtæ mentionem remedii depræ-

deprædationis, ut scilicet vasallus dominū justitiam facere nolentem, sive qui malo more atq; ordine, sive per vim occupavit feudum, nec restituit vasallo post tertiam admonitionem, & querelam de eo apud pares curiæ, vel superiorem potestatem institutam possit deprædari, bonaq; ejus diripere, & impunè in eum grassari, vimirum quasi quadam lege talionis, *d. §. u. l.* & ibi communiter omnes interpretes, & *Cujac. tit. 22. libr. 2.* Et hoc quidem more vasallos in Hispania uti solere testatur *Andr. de Isern.* qui est casus notabilis in hoc jure, quo licet alicui sibi jus dicere, sequè sine judice vindicare, quod alioqui regulariter prohibitum est, *l. nullus, v4. C. de Judic. tot. tit. C. ne quis in sua causa judicet, vel jus sibi dicat.* Eleganter quoque *Cassiodorus lib. 4. vari. form. ar. 10.* Legum, inquit, reperta est via & sacra reverentia, ut nihil manu, nihil proprio ageretur impulsu; Quid enim à bellicâ confusione pax tranquilla distabit, si per vim litigia terminentur? Et ex personâ Imp. Friderici ait Guntherus libr. 8. Ligu-  
tini:

*Judicis officio sua cuncti jura sequantur,  
Contineantq; manum ———*

Hoto, tamen in *comment. feud.* (nec fortassis immeritò) barbaricum hoc vocat institutum & abhorrens à jure civili, quo coercitio atq; executio non committitur privatis hominibus in suamet causa, sed potius manui militari sive apparitoribus & officialibus magistratuum & judicum, *l. qui restituere. 68. ff. de rei vind. l. 3. in fin. pr. ff. ne vis fiat ei qui in possess. mittitur.* Quocirca etiam Accursius tex. suprâ d. ita limitat, ut tunc demū licita ac permissa sit vasallo deprædatio domini, si is propter contumaciam suam bannitus sit, quo casu unicuiq; licet impunè eum offendere, nedum vasallo injustitiam passo, vide *gl. in verbo, deprædari, d. t. 22.* quæ tamen limitatio communiter ab aliis interpretibus reprobat, & deprædatio illa universè admittitur, Cui simile est, quòd etiam vasalli res ejus qui rebellis & contumax esse perseverat, direptioni adjudicantur,  
sicut

sicut ex Radevico & Gunthero adnotavit Cujac. ad fin. tit. ult. libr. 2. feud. simile quoque est quod infra recitabo de manus injectione, quam Gallorum jura permittunt domino.

13. D. *Post exposita juris remedia, quibus vasallo adversus dominum consulitur, proximum est, ut dicas de actionibus quas habet adversus extraneos vel possessores vel turbatores feudi.*

M. Hic ferè non est opus nova explicatione, possunt enim sufficere, quæ antè dicta sunt de utili rei vindicatione adversus quemlibet possessorem feudi, vasallo competente: item, quæ de confessoria & negatoria ratione servitutum feudo debitarum; denique de interdictis, uti possideris, & unde vi; quorum illud est retinendæ, hoc recuperandæ possessionis. Hæc enim omnia remedia cùm dentur vasallo adversus dominum, sicut dari diximus, multò magis adversus extraneum eidem dabuntur, ut quivis facilè intelligit. Tantùm hoc dicam ex interpretibus, si vasallus non immediatè à domino rem feudalem ipsius concessione acquisierit, sed per præscriptionem, & quidem bona fide cœptam: contra extraneum quidem habere ipsum & actionem & exceptionem, contra dominum verò exceptionem duntaxat, non etiam actionem, *argum. l. pen. C. de præscrip. 30. ann.* Si verò possessionem rei amisit ante impleta jura tempora ad præscriptionem necessaria, huic alii quidem dant actionem in factum, *argum. l. 14. si colonum. C. de agricol. & censu. libr. II.* (quæ tamen lex non multum ad rem facit.) Alii putant judicis officio hanc controversiam dirimendam finiendamque, *arg. l. 2. ff. de extraord. cognit.* habet etiam vasallus de feudo per dominum absque ipsius consensu alienato actionem adversus eum, in quem facta est alienatio: quæ qualia sint, ex suprà dictis facilè cognoscet.

14. D. *Domino quanàm actiones dentur feudi nomine?*

M. Quædam in ipsum vasallum, quædam in extraneos



neos ei competūt. Et primò quidem in vasallum istæ. Primùm, conditio causa dati causa non secuta, quæ proponitur ad repetendum feudum, si vasallus domino suo petenti servire noluerit, ita expressus est textus in *c. sancimus, tit. 21. libr. 1. feud. de feudo sine culpa non amitt.* ubi communiter Feudistæ, & *Ant. Cont. cap. 13. in methodo de feud.* Quanquam enim feudum est beneficium, §. *ult. tit. 23. lib. 2.* tamen in eo non versatur mera & absoluta liberalitas, sed negotium quoddam continetur: datur enim certa quadam lege, & ob causam, nempe hanc, ut vasallus domino præster servitiâ, ut sit ipsi fidelis, d. §. *ult. tit. 23.* & §. *sed non est alia, tit. 24. lib. 2.* & copiosè explicatum est supra. Si igitur hæc causa ob quam feudum datum est, non sequatur ex parte vasalli, non est mirum quod domino adversus eum competat ista species conditionis, *tot. tit. de conditio. caus. dat. caus. non secuta; & tit. C. de condit. ob causam datorum.* cujus fundamentum æquè positum est in ipsa naturali æquitate, ut conditionis indebiti, itemque sine causa: nam si à me tibi quid datum sit ob causam (ut aliquid fieret) & per te steterit, quò minus illa causa sequatur, jam id quod dedi, apud te esse incipit sine causa & indebitum esse. Repeti ergo potest, ne videlicet contra naturalem æquitatē, contra æquum & bonum tu locuplereris cum meo damno, l. *nam hoc natura, ff. de conditione indebiti.* Ideoq; Græcus interpretes Stephanus adnotavit, conditionem indebiti esse generalem; reliquas verò speciales: quod probat & *Cujac. in paratit. C. de condit. ob causam.* Porro hanc actionem putant interpretes dari non tantùm eo casu, quo vasallus denegavit servitiorum præstationem, verùm etiam quando culpam aliquam commisit, quæ privationem feudi promereatur. Ita d. *text. tit. 21:* accipit *Duaren. cap. 19. in comment. de feud.* & *Borch. in c. 9. num. 22.* ubi tamen Duarenus non allegat. Secundò, habet dominus conditionem ex lege, si servitiâ non sint expressa: ut vult *Duarenus d. cap. nu. 1.* Tertiò, datur etiam domino actio præscriptis verbis, si fortè malit

malit urgere & exigere servitia à vasallo, relicto penes ipsum feudo, quàm illud revocare. Ita *Cuj. in proœmio feud. propè finem*. Est enim feudum ferè negocium sive contractus, *do ut facias*. Ex quo genere actionem præscriptis verbis nasci constat *l. 8. & passim, ff. de præscriptis verbis, l. 6. C. de rerum permutat.* Giphanius putat utilem operarum actionem hîc habere locum, *arg. l. 1. ff. de bonis libert. & l. 2. ff. de op. libert.* Quartò, datur domino & actio ex stipulatu ad exhibenda à vasallo servitia, si ea stipulatus sit: quod quidem dubitationem nullam habet, *Duar. d. c. 19. n. 1. glos. in §. ult. tit. 51. lib. 2.* Quintò, habet etiam dominus actionem proficiscentem ex illo ipso contractu bonæ fidei, ex quo feudum primò est constitutum, si pacta aliqua in continenti adjecta sint, hæc enim inesse dicuntur ipsi contractui & formare actionem inde descendente, *l. 7. §. quinimò, ff. de pact. l. 75. qui fundum, & l. 79. fundi, ff. de contr. empt. l. si sterilis, 21 ff. de act. empti. ff. de lege commiss.* Sextò, habet dominus directam rei vindicationem, sicut vasallo utilem accommodari suprâ audivisti, ex *§. rei autem, tit. 8. libr. 2.* & de rei vindicatione domino competente est *text. in §. si verò vasallus, in verbis, rem suam petat, tit. 2. lib. 2. & glos. ad init. tit. 42.* ubi etiam Alvarotus & alii interpretes, item ad *§. sed non est alia, tit. 24. Duar. d. cap. 19.* ubi ait, hoc esse ex jure communi, id est, civili. Quanquam *d. §. si verò vasallus*, rei vindicationem det domino, non quasi de feudo, sed tanquam de re propria, quam negat in feudum datam esse, vasallo licèt hoc cõtendente. Illud certum est, senioreni retinere proprietatem, sive ut vulgari voce utat, *directum dominium* rei in feudum concessæ, *§. ult. t. 23. lib. 2.* sicut & hoc non minus est certum, quòd ex dominio tanquàm ex causa nascatur rei vindicatio, *l. in rem act. 23. in pr. ff. de rei vind.* & quin hanc possit dominus contra extraneum possessorem feudi instituere, etiam extra dubitationem est, eo quoq; casu, quando vasallus agere non potest, aut non vult, ut multis auctoritatibus Dd. probat *Henric. Rosenth. cap. 12. in synopsi feud. conclus. 5.*

Tentari tamen posset adversus vasallum, quamdiu is nihil privatione feudi dignū commisit, neq; domino proprietatem intervertere, sibiq; causam possessionis suæ contra regulas juris mutare conatus non est, domino hanc actionem non dari; sed submoveri eū hac exceptione: *Nisi ipse jus feudi in illa re habeat*. Quod vel inde satis liquet; quia si dominus & vasallus concurrant in re feudali ab aliquo tertio vindicandā, vasallus in sua utili rei vindicatione præfertur domino directā instituere volenti, ut suprà probavi ex *Hart. Hart. t. de feud. observ. 13.* & pluribus docet *Rosenth. d. conclus. 5. & Schrad. p. 9. c. 7. n. 81.* Hinc etiā Dd. qui rei vindicationem domino feudi tribuunt contra vasallum, de eo tantū casu loquuntur, quando vasallus feloniam vel culpā feudum amisit, ut videre est apud *Alvarott. Bald. Prapof. & alios ad §. sed non est alia, tit. 24. & ad t. 42. lib. 2. feud.* ubi tamen distinguunt inter eos casus, quibus ipso jure feudum à vasallō commissum sit, & eos quibus non, ut etiam adnotat *Mozz. cap. 8. de feud. num. 9.* quamvis alii indistinctè rei vindicationem ipsi tribuant, ut docet *Rosenth. conclus. 7. d. cap. 12.* Tutius tamen esse domino, ut dicter conditionem ex lege, sive ex moribus, quā rei vindicationem instituat, plerique fatentur: quia in hac necessaria sit probatio domini, *d. l. 23. ff. de rei vind.* quæ difficilis esse solet, *argum. l. 1. qui destinavit, 74. ff. eod.* vide *Frid. Schenck. ad d. t. 42. & Mozz. d. cap. 8. nu. 10.* pro rei vindicatione etiam dant interpretes publicianam actionem: ob eandem rationem; quia in hac facilius quis obtinere possit, quā in illa, *Rosenth. d. loco, conclus. 7.* Cæterū quod dixi ex *text. feud. titul. 21. l. 1.* & communis Dd. sententia, domino dari conditionem ob causam dati causa non secuta: id reprehendit Giphanius *cap. ult. in tractat. feud.* tanquam repugnans rationi juris. Negat enim feudum principaliter dari ob causam, aut certè ob talem causam, ex qua detur ista conditio, sed ob operam militarem. Deinde ait conditionem illam non dari domino: nemo enim rem suam (nisi furtivam) condicit, id est,

Id est, sibi dari oportere rectè intendit, cùm jam antè dominium ipsius habeat, nec amplius dominus ejusdem reï fieri possit: ut meministi ex *tit. Instit. de act.* id eoque putat ipse potius ex principiis juris dandam actionem ingrati, sicut ea datur patrono, & donatori adversus libertum & donatarium ingratos. Sed illi objectioni de conditione, quod non detur domino, respondet *Borchol. cap. 9. nu. 23.* Eadem quippe ratione, qua odio furum receptum est, ut pluribus actionibus teneantur, nempe & rei vindicatione, & conditione furtiva, & actione furti, §. *ult. Institut. de furtis*, §. *sic, versicul. planè itaq.*, *Institut. de actionib.* Ita & hic odio vasallorum perfidorum atq; ingratorum fieri. Alii putant, dominum condicere possessionem rei feudalis, quod voluit *gloss. ad d. tit. 42. eamque sententiam sequuntur Duaren. cap. 19. num. 3. & Henric. Rosenth. conclus. 8.*

15. D. *Annón etiã præjudiciales actiones domino adversus vasallum dantur?*

M. Negant quidem hoc *Jonn. Faber, Iason, Zasius, Schneidew. & alii ad § præjudiciales, Instit. de action.* idè nempe, quia persona vasalli nō sit affecta vel obligata, sed res. Præjudiciales autem actiones tunc dantur, quando persona alicui obnoxia esse dicitur, quando, inquam, de statu hominis agitur; ut, an aliquis sit filius, an servus, an libertus alicujus: ut dicto loco ad *Instit.* audivisti. Speculator tamen in *tit. de feud. §. ult. nu. 4. & Bald. ad §. item qui dominum, versic. porro, tit. 24. libr. 2.* volunt, dari utilem actionem præjudicialem, quorum sententiam refert & sequitur etiam *Giphanius*, hac ratione; quia feudum non solum rem, sed personam quoque vasalli afficiat: unde etiam multis in rebus vasallus cum liberto comparari solet, ut docet *Nic. Eberh. in Top. in loco à liberto ad vasallum.* Quare sit hæc septima actio, vel etiam octava, si annumeres publicianam inter illas quæ domino adversus vasallum dantur. Ultimùm remedium domino competens moribus Gallorum, parci est manus injectio

in ipsum feudum; & quidem magis expedit domino manus in jicere feudo, si vasallus non præstet ea, quæ debet, quàm actionem intentare, *argum. l. plus cautio- nus, de reg. jur.* Hac de re vide *Ant. Cont. c. 8. ult. in mesh. de feud.*

16. D. *Quomodo dominus adversus extraneos agit?*

M. Primò actionem in rem, siue rei vindicationem directam habet adversus extraneū feudi possessorem, si fortè vasallus vel nolit & negligat, vel non possit instituere utilem rei vindicationē, quam ipsi dari paulò ante dixi; vel si ipse vasallus alienaverit feudum in ipsum; ita tradiderunt *Alvar. Isern. Præposit. Matth. de Afflict. & alii.* quos etiam allegat *Henric. Rosenth. d. cap. 12. concl. 5.* non enim debet domino nocere vel impotentia, vel negligentia, vel etiam malitia vasalli agere cessantis, *argum. l. ult. in verbis, ne ex aliena malignitate alienum damnum emergat. C. de acq. & retinend. poss. cum similibus.* De alienatione autem, eam sine consensu domini factam pro infecta habendam esse, satis dictum est suprà Si verò vasallus ipse agere velit, in concursu præferri debet ipsius utilis actio directæ domini, ut & modò dictum. Secundò, habet dominus conditionem ex lege, id est, ex constitutione *Frid. I.* quæ incipit, *Imperialem, tit. 55. lib. 2.* ad revocandum à quocunq; possessore feudum se invito alienatum à vasallo, *arg. l. ult. C. de revot. don.* Et quidem hanc actionem omnium commodissimam atq; utilissimam esse interpretes uno ore consentiunt, teste *Oldendor. in classe actionum, tit. de actionib. beneficiariis, sed rubrica, ad finia remedia:* & plures allegat *Rosenth. conclus. 9. d. cap. 12.* Tertiò, dant etiam domino ad revocandam possessionem feudi à vasallo sibi interversam conditionem ex lege, ex lib. *Sabini*, quæ est *lex ult. C. de acquir. poss.* ita voluit *gl. ad d. t. 42. in verbo, agente;* quam sequitur præter alios *Oldend. sub jam d. rubrica.*

17. D. *An etiam interdicta pro feudo domino accommo- dantur?*

M. De interdictis vasallo dandis suprà audivisti. At  
de in-

de interdictis domino dandis, re est magis contraversa, alii enim ajunt, alii negant. Qui ajunt, hoc nituntur fundamento; quia dominus semper retineat possessionem feudi civilem vasallo naturaliter id possidente. Itaq; retinendæ vel recuperandæ illius possessionis suæ causa æquum esse putant, dari ipsi etiam remedia possessoria: verbi gratia, interdictum uti possidetis, & unde vi, ita *Schneid. §. retinende.* in explicatione interdicti, *uti possidetis; n. 14. Instit. de interdictis,* & latius *Duaren. c. 19 de feud. nu. 6. Eguinaricus Baro lib. 4. de benefic. cap. 7. Hannek. lib. 4. de feud. c. 2. Rosenth. concl. 6. d. c. 12. Iohan. Blanc. lib. 4. c. 1. n. 68. & seqq.* Sed verior mihi viderur négativa sententia, Domino, inquam, non dari interdicta, sed vasallo tantum. Moveor hac ratione; quia feudum possidet vasallus, non dominus, qui omnem possessionem rei feudalis à se in vasallum transtulit, ut habetur *lib. 1. feud. t. 3. & 4 & t. 7. libr. 2. & §. ult. tit. 8. cum §. si facta, tit. 26.* quibus in locis nihil additur de civili possessione, quam sibi retinuerit dominus, cum feudum alteri concederet. Ut jam nihil dicam de lubrico illorum fundamento, qui volūt duos eandem rem possidere; unum naturaliter, & alterum civiliter. Pro hac parte stant *Borch c. 9. n. 26. in fi. Henr. Bocer. class. 4. disp. 18. n. 16. & 2. seqq.* Item *Giphan. part. ult. de feud.*

18. D. Fateor dominum non possidere feudum, sed tamen negari nō potest, quin quasi possessionem habeat juris exigendi percipiendiq; à vasallo servitia sibi debita, vel etiam aliquando præstationem sive pensionem annuam: Quid igitur si in hac quasi possessione à vasallo aut extraneo turbetur, an non interdicto experiri poterit?

M. Imò potius alias actiones habebit: contravassallum quidem conditionem causa dati causa non secuta, actionem præscriptis verbis, vel ex stipulatu, vel conditionem ex lege; vel, ut interpretes volunt, ex moribus, de quibus suprâ dictum: cōtra extraneum verò poterit agere injuriarum: hæc enim actio datur nobis adversus omnes, à quibus re nostra vel jure uri

prohibemur, l. 13. §. ult. in vers. aut si quis re mea, l. 15. item apud, §. si quis bona, 31. & l. 74 si quis proprium, ff. de injuriis, cum similib. per Gothofr. adnotatis add. §. ult. Non est igitur quoddam moreris illam distinctionem Dd. inter praestationem realem & personalem domino debitam, ut illius nomine dominus turbatus vel dejectus habeat interdictum, hujus non item, nisi ex sententia Canonistarum, de quo vide Menoch. remed. 1. recuperanda possessionis, n. 87. Matth. de Afflict. decis. 395. & Borck. c. 9. n. 27. cum aliquot seqq.

19. D. Restat ut exponas de actionibus, qua liberis & adgnatis vasalli pro feudo competunt.

M. Primum, si dominus investituram feudi ipsis appeti denegeret, possunt eum cogere ad investituram implorato judicis officio, ut docet Paris. Card. conf. 28. in pr. vol. 1. Andr. Tiraquell. lib. 1. de retractu in praefatione, n. 41. cum seq. & Molinaus in additionib. ad Alex. conf. 80. n. 11. lib. 1. vel etiam poterunt contra eum agere ad privationem proprietatis, quam denegando investituram amisit, ut supra dictum. Sic etiam ob alias causas, verbi gratia; ob delicta & feloniam, si dominus proprietatem amiserit, liberis & adgnatis contra eum actio dabitur. Porro distinguendum est hoc loco inter feudum alienatum à vasallo illicite, & alias ob causas amissum. Si vasallus feudum alienaverit, sine consensu eorum quorum interest, sive quibus ex investitura prima jus quaesitum est, hi adversus emptorem agere possunt ad revocandum restituendumque feudum, §. Titius filios, tit. 26. lib. 2. juncto tit. 15. eod. lib. & §. praterea, tit. 5. lib. 1. à contrario sensu ejus §. nec interest, sive in extraneum alienatio facta fuerit, sive remotiori alicui adgnato refutatum sit feudum: (nam & hæc pro alienatione habenda est, ut supra dictum) sive denique in filiam translatum, ut habet t. 39. li. 2. feud. & ibi præter cæteros Hotom. & Cujac. Sed quo ad tempus, intra quod illa revocatio permittitur, nonnulla est differentia inter extraneum & remotiorem agnatum (extraneum hic vocamus eum, qui non est comprehensus in prima



in prima feudi investitura, quantumvis aliàs fortè ad-  
 gnatus sit) nam si feudum fuerit alienatum in extra-  
 neum, jus revocandi competens filio vel agnato pro-  
 ximiori durat ad 30. annos; sin autem in remotiorem  
 agnatum, ad annum duntaxat, quo elapso jam præ-  
 scriptum est, *text. gl. & Dd. in d. §. Titius filios, tit. 36. lib. 2.*  
 eamque communem opinionem esse copiosè probat  
*Henr. Rosenth. c. 9. conclus. 124. & seq.* Ratio diversitatis  
 est aperta, quia plus juris habet ad feudum agnatus a-  
 liquis, licèt remotior, qui propinquiorebus è medio  
 sublatis potest ipse quoq; aliquando fieri proximus.  
 At extraneus planè nihil juris habet neq; in re, neque  
 in spe, ideoq; non mirum si citius præscriptione mu-  
 niatur agnatus contra revocationem feudi, quàm ex-  
 traneus: ille quidem annali, hic autem tricennali. A-  
 liam tamen rationem adfiguat *Isl. Clar. qu. 44. §. feud.*  
*n. 11.* nempe, quia vasallus intra tempus anni teneatur  
 petere à domino investituram; quã si non petierit de-  
 bito tempore, nec feudum revocarit, meritò postea à  
 feudo excludatur. Quæ ratio mihi non satis idonea  
 videtur, cùm idem dici possit de investitura intra an-  
 num & diem petenda etiam tunc, quando feudum in  
 extraneum fuerit alienatum. Observabis deinde et-  
 iam differentiam inter alienationem feudi licitam &  
 illicitam, itemque inter filium & adgnatos revocare  
 volentes. Voco *licitam alienationem*, quæ sit cum con-  
 sensu domini, aut aliàs jure aut statuto permitten-  
 te. In alienatione illicita potest indistinctè fieri re-  
 vocatio, etiam non refuso precio, & vivo adhuc a-  
 lienatore. Et quidem hoc casu agnati præferen-  
 tur ipsi filio, eumque excludent. Sin alienatio fue-  
 rit licita, filius quidem qui jam adgnatis præfertur,  
 etiam vivo patre alienatore potest feudum revoca-  
 re, sed refuso precio: Agnati autem proximi (si for-  
 tè non adsit filius, aut non velit revocare) expecta-  
 re debent mortem alienantis, & tum demum revo-  
 care poterunt sine refusione precii, qua de re vide  
*Henric. Rosenthal. d. cap. 9. conclus. 126. & plurimos Dd. ibi*

*allegatos*, item *Iul. Clar. d. q. 42. n. 8.* Ratio differentiæ, quare filius revocans feudum cogatur restituere precium emptori, cum agnati admittantur sine refusione precii, hæc reddi solet; quia agnati pro illo onere, quod coguntur expectare mortem alienantis, merito sint sublevandi altero illo onere refusionis precii. Filius verò in uno sublevatus, (nempe quod potest statim etiã vivo patre qui alienavit, revocare) in altero gravatur dum cogitur restituere precium. Est enim regula brocardica: *In uno gravatus in altero debet relevari*; & contrà, *in uno relevatus, debet in altero gravari*, ut docet *Specul. in tit. de teste, §. 1. versic. sed quid si vassallus.* redditur & hæc ratio à *Iul. Clar. d. q. 42. n. 7.* quia non sit æquum, ut adgnatus, ad quem feudum in omnem casum ex providentia primi acquirentis devolveretur, suã rem prius emere teneatur, sed qui minus idem valeat etiam in persona filii revocantis? Cur, inquam, is renumerabit precium, atq; ita rem suam onere tenebitur præagnato. Verius igitur est, vix posse aliquam concludentem rationem assignari, nisi quia receptum sit vetustis feudorum moribus, ut rectè idem *Clar. statetur n. 8. in fin. d. quest.*

20. D. *Quid si filius non revocarit feudum vivo patre, sed maluerit expectare civilitatis causam mortem patris: aut si agnati contrà nolint tam diu expectare, sed statim revocare etiam vivo alienante?*

M. Hoc casu filius quidem non cogitur precium reddere; agnati autem reddent, *Mynsing. cent. 4. observ. 85. Rosenth. d. c. 9. conclus. 127.* sed tunc necesse est, ut filius non sit heres patris. Nam si heres fuerit, non poterit contravenire facto defuncti, *argu. l. cum à matre 13. C. de rei vind. cum similib.* Addunt quidam exceptionem, nisi cum beneficio inventarii filius hereditatem adierit. Quod tamen alii (ut in primis *Hart. Pist.*) rejiciunt. Sed quod de agnato remotiore dictum est, posse ab eo feudum revocari per proximiorum, id à jure & moribus Gallorum & aliarum quarundam gentium discrepat, teste *Cujac. ad tit. 19. libr. 4. feud. id est, ad d. §.*

*Titius filios*, ubi & rationem ex quorundam sententia reddit, quare apud ipsos adgnatus contra adgnatum non utitur jure *ωεπημύσως*, quia scilicet jus hoc introductum sit, ne res de familia exeat. Hæc autem ratio cesset in agnatis. Nam res licet in remotiorem aliquem ex agnatis translata, tamen remanet in familia; cessante igitur hac ratione, merito ipsum jus cessabit, argum. eorum, quæ tradit *Nicol. Eberh. in Top. in loco à ratione legis cessante*, sed ipse postea aliam rationem ex suo sensu reddidit; nempe, quia honestum sit & conveniens, ut agnatus qui tantundem offert extraneo, præferatur, & conjunctior atq; proximior remotiori: qui tamen inanis color honestatis, & velum gravi injuriæ obtentum dicitur ab Impp. in *l. dudum*; 14. C. de contrah. empt.

21. D. *Dixisti de feudo per alienationem aperto, quomodo, quando & quandiu per agnatos revocari possit. Quid autem si culpam aliquam vasallus in extraneum admiserit, ob quam feudo privandus sit?*

M.. Tunc agnati proximi statim id revocare poterunt, ut docet *Hart. Pist. lib. 2. q. 15.* quæ tamen facultas revocandi 30. annis præscribitur, ut prolixè ostendit *Rosenth. c. 10. concl. 92.*

22. D. *Quid si agnatus proximior suo jure in revocando uti nolit, aut non possit, quia scilicet consenserit in alienationem, poteritné remotior ad revocationem admitti?*

M. Quamvis id nonnulli negent, ut *Hart. Pistor. q. 11. nu. 65. cum seqq.* tamen verior est sententiâ communis aliorum, qui remotiorem hoc casu admittunt, argum. §. *sed etiam*, t. 3. lib. 2. & ibi *Hoto. vide & Schrad. p. 1. q. 3. nu. 14.*

23. D. *Sed quanâm actione adgnati utentur ad revocationem feudi?*

M. Vel conditione ex lege, vel rei vindicatione, de quibus actionibus suprâ satis dictum, quæ huc repeti possunt. Docebit aurem is, qui revocare vult, cum primis hæc duo: primum, se esse proximum adgnatum, qui ex vigore primæ investituræ jus in feudo habeat.

Secundò, feudum, de quo agitur, sibi apertum esse per aliquem ex suprà dictis modis. Quibus probatis, haud dubiè victoriam reportabit.

24. D. *Restant nonnullæ quæstiones de actionibus & remediis juris, quæ pro feudo competunt, vel certè ab aliquibus competere existimantur, de quibus, cùm adhuc nihil dictum sit, queram ordine quid sentias, priusquàm ad alia transeamus. Et primum quidem, daturne vasallo novi operis nuntiatio pro feudo?*

M. Si quis in feudo ædificare vel opus facere attentarit, cùm ei jus non esset, poterit vasallus suo quoque nomine novum opus ipsi nunciare, & illam extructionem inhibere, vel etiam cogere eum ad tollendum. Nam cùm hoc possit emphyteuta, & superficiarius, ut est in l. 3. §. pen. ff. de oper. novi nunc. & apud Cuj. lib. 1. obs. c. 16. non debet quoque denegari vasallo, qui non minus juris in re feudali habet, quàm vel emphyteuta in agro vectigali seu prædio emphyteutico, vel superficiarius in superficie sua: qua in re differt vasallus ab usufructuario, nam hic non suo, sed tantùm procuratorio & domini nomine novum opus nunciare potest, l. 1. §. ultim. ff. eod. tit. de operis nov. nunc. Quod si vasallus hac in re cesset, licebit id facere domino feudi, cujus etiam res agitur, argu. eorum quæ suprà dicta sunt, de actionibus.

25. D. *Qui abusi vè tantùm de feudo investitus est, nec unquam possessionem ejus nactus, proindeq; nec dominium, quod ex naturali possessione cepit, ut agebat Nerva filius, teste Paulo l. 1. §. 1. ff. de acqu. poss. habebitne aliquam actionem adversus tertium possessorem?*

M. Nullam prorsus; quod probo ex sufficienti enumeratione, quod est argumentum in jure validum: Si enim aliquod remediùm contra ipsum haberet, id esset vel actio in personam, vel actio in rem, sive rei vindicatio, vel deniq; esset interdictum: atqui nihil horum ipsi competit. Non actio in personam; quia hæc non datur, nisi adversus eum cum quo cōtraximus, ejusvè heredem: Quod de tertio illo dici non potest; cùm  
contra.

contractus investituræ tantum intervassallum & dominum celebratus sit. qui tertium illum nihil attingit, tanquam scilicet res inter alios acta, quæ aliis neque nocet, neque prodest. Non etiam actio in rem; quia hæc præsupponit dominium. *l. 23. in rem actio ff. de rei vin. dominium* verò non transfertur pactis vel contractibus, sed traditionibus & usucapionibus, *leg. 20. C. de pactis cum similib.* Ponimus autem feudum traditum vasallo fuisse: non denique interdictum aliquod dari potest, si ve adipiscendæ, si ve retinendæ, si ve recuperandæ Non adipiscendæ, quia nulla species hujus generis his quadrare potest: non quorum bonorum, non quod legatorum; non ex *l. ult. C. de edict. D. Hadr. tollendo*, non denique Salvianum interdictum, quæ omnia per se nimis quam manifesta sunt ex ipsa descriptione singularum specierum. Non retinendæ aut recuperandæ, quia hujus generis interdicta non dantur nisi illis, qui possessionem nacti sunt, & nihil adhuc habet vel habuerunt, quorum nihil de nostro illo vasallo dici potest, Ex quo efficitur, neque actionem neque interdictum ullum ei dari posse: ut valde mirer extitisse, quibus in meam venire potuerit de interdicto aliquo adipiscendæ ipsi accommodando: cujus sententiæ auctores recitat *Scbrad p. 2. c. 3. num. 28.* Verior est igitur sententia *Andr. de Isernia in praludis feud. quest. 6. & Hart. ac Modest. Pistor. lib. 2. quest. 20.* Ex investitura abusiva nullum jus in re oriri, nullam etiam actionem revocatoriam contra tertium feudi possessorem sic investito competere posse.

26. D. *Quoniam igitur pacto consulatur tali vasallo?*

M. Duobus modis. Primum actione personali adversus dominum à quo investituram abusivam accepit, qua consequatur ab eo, quanti sua interest, rem traditam esse, argum. eorum, quæ suprà diximus. Secundò potest petere à domino, ut cedat sibi actiones quas habet adversus tertium illum possessorem, atque ita jure cesso contra tertium illum experietur, quod remedium tradidit *Isernia d. loco.*

27. D. *Huic finitima est quaestio de vasallo, qui investituram accepit super feudo vivente, qui postea cum consensu domini feudum alienavit, quomodo huic consulatur?*

M. Non aliter quàm actione in dominum data, à quo investitus est, & cum quo contraxit, ut multis docet *Hartm. Pistor. lib. 2. quaest. 28.* nam neq; contra vasallum priorem, qui alienavit, agere potest, neque cum altero in quem res alienata est, argu. eorum quæ paulò ante dixi. Restat igitur ut regressum habeat contra dominum, à quo investitus est, & ab eo petat, quanti sua interest.

28. D. *Habetné locum in feudo beneficium l. 2. rem majoris, C. de rescind. vend. ut scilicet si vel dominus, vel vasallus deceptus sit ultra dimidium justiprecii, agere possint, vel ad supplendum ejus quod deest, corrigendamq; istam iniquitatem velle sionem, vel ad rescindendum contractum?*

M. De hac quaestione non omnes idem sentiunt, ut videre est cum apud alios, tum apud *Bertach. in repertorio, in versic. emphyteusis convenit cum feudo, &c.* Videbatur dicendum quod etiam in feudo locum habeat ista l. 2. argu. contractus emphyteutici, ad quem communis schola interpretum id beneficium produxit, recte *Ario Pinello ad d. l. p. 1. c. 3. nu. 37.* quod & *Connanus* probat *lib. 7. c. 12. n. 1.* & *Giphan in comment. C. ad d. l. 2.* Solent autem sæpissimè feudum & emphyteusis inter se comparari, ut quod est receptum in uno, valeat etiam in altero, quod videre est apud *Nicol. Eberhard. in Top.* sed verius esse videtur, quòd locum in feudo non habeat hoc beneficium, neq; ex parte domini, neque ex parte vasalli. Ex illa, quia is donatum voluit, est enim feudum beneficium quoddam, §. *ult. tit. 23. lib. 2.* In donatione autem non est locus remedio d. l. 2. *C. de resc. vend.* ut docet idem *Connan. lib. 8. comment. cap. 9 nu. 11.* & probat *Giphan. in d. comment. C.* Ex hac verò, quia non valet conventio, ut vasallus tantundem præster, quantum accepit. Est enim contraria substantiæ feudi, vel certè facit, ut res trāseat in aliam speciem contractus, nec amplius sit feudum, argum. eorum quæ supra

suprà diximus de pãctis feudalibus : vide hac de re Schrad. p. 1. quæst. 3. nu. 22. ubi pro eadem sententia allegat Baldum.

29. D. *Quid si feudum vasallus locaverit (hoc enim ipsi non denegari suprà audivisti) & locatione hac alterutra pars læsa sit ultra dimidium?*

M. Quamvis nonnulli existimarint, etiam hoc casu cessare beneficium d. l. 2. quos allegat Schrad. d. p. 1. quæst. n. 23. tamen verius existimo hoc casu locum esse beneficio ejus legis. Aliud enim est concessio rei in feudum facta vasallo à domino, & aliud longè locatio rei feudalis facta à vasallo alteri. De locatione autem feudi cùm nihil cautum sit ac definitum jure feudali, quoad læsionem ultra dimidium justæ mercedis; sequemur dispositionem juris communis, argum. tit. 1. lib. 2. Juris autem civilis interpretes unanimiter producunt d. l. 2. etiam ad locationem rerum allodialium, de quo vide Ari. Pinell d. cap. 3. n. 17. & Cuj. lib. 16. observ. cap. 18. hanc igitur sententiam in feudalium quoq; rerum locatione merito sequemur.

30. D. *Quid si contentio incidat inter fœminam & agnatos, verbi gratia, si filia vasallitiget cum fratribus vel agnatis de re feudali, quid interim dum lis pendet, de possessione faciendum est?*

M. Hac de re vide § inter filiam, tit. 26 lib. 2. & tit. 41. & §. si contentio, tit. 51. Summa est, fœminam omnino in possessione interim tuendam, vel etiam in eam interdum mittendam, dummodò facillè fundatam intentionem habeat, ut ait gloss. ad d. §. inter filiam. Erit autem facillè fundata intentio filia, si vel ipsa contendat prædium, de quo mora est controversia, esse allodium, agnatis contra feudum esse dicentibus: Quo casu præsumptio est pro filia; quia in dubio unaquæque res præsumitur potius allodialis & libera, quàm feudalis, ut suprà diximus, arg. l. 8. altius, C. de servitutib. & aqu. Vel si quid probabiliter pro se allegat filia. Unde appareat cur ad successionem feudi admitti debeat, cùm aliàs regulariter fœmina in feudo non succedat.



cedat. Vide *Hartm. Pistor. quest. 39. Menoch. in rem. 4. ad discipulanda possessionis, nu. 375. & seqq. item consil. 187. nu. 31. & 52. Aymon. Cravett. consil. 704. n. 6. & consil. 822. nu. 6. Francisc. Bursat. consil. 89. nu. 30. lib. i. Phil. Dec. consil. 424. nu. 11. Wesemb. consil. i. & consil. 93. Actoris igitur partes agnatus sustinebit, ut rectè *Cuj. ad t. 3. lib. 4. feud. id est, ad d. §. inter filiam, tit. 26.* Est autem durior semper conditio actoris, & melior conditio possessoris. Sed hæc ita sunt, si, ut dixi, filia faciliè fundatam habeat intentionem; nam si secus esset, id est, si manifestò constaret, aut ab agnatis datum probari posset filiam calumniari, & bona nō esse allodialia, sed feudalialia, & quidem ejusmodi, in quibus fœminæ non succedant, sicut regulariter non succedunt: non erit possessio penes filiam collocanda, sed potius penes agnatum, qui successionem feudi ad se pertinere contendit, atq; ita fœmina ad petitoris partes suscipiendas compelleretur, ut docet *Wesemb. in dd. consiliis.**

31. D. *An etiam petitio hæreditatis pro feudo datur, si ve an feudum venit in petitionem hæreditatis?*

M. Cùm feudum aliud sit hæreditarium, aliud ex pacto & providentia, ut suprà dictum in divisionibus feudorum. De priori genere non est dubium, quin veniat in petitionem hæreditatis: sed de posteriori genere interpretes dissentiunt, dum alii ajunt, alii negant, ut videre est apud *Iasonem in §. actioni enim 210. & Schneid. ibid. sub rubr. de petit. hæred. nu. 54. Mynsing. cent. 3. observ. 67. nu. 2. & Wesemb. in paratit. ff. de hæred. petiti. nu. 11.* Ratio cur de tali feudo non videatur danda petitio hæreditatis, est; quia non est quiddam hereditarium, sed ab hereditate separatum. Ac inter se opponuntur feudum & hereditas, cùm alibi in his libris, tum maximè *tit. 51. lib. 2. in §. si contentio, in verbis: dicat ipsa hoc est de mea hereditate, & ille dicat: imò de feudo, unde potest quis interdum repudiata licèt hereditate, alicujus tamen amplecti feudum, ut aliàs dixi ext. 45. lib. 2.* Sed tamen quod eadem ratione, qua in petitionem hereditatis veniunt res commodatæ, depositæ, &

tæ, & similes aliæ, quarum dominium non fuit defuncti, sed quæ tempore mortis in hereditate repertæ sunt, l. 19. & non tantum ff. de hered. petit. eadem, inquam, ratione etiam feuda ista, quia veniant in hanc actionem, nihil prohibet. Fuerunt enim & manserunt in hereditate defuncti, proindeque à possessore ad quem pervenerunt, advocari poterunt ista actione per successorem feudi. Non minus ergo petitio hereditatis dabitur de feudo, quàm de allodio. Hoc tantum interest, quòd cum de allodio possit, tam ex testamento, quàm ab intestato institui petitio hereditatis, de feudo tantum ab intestato potest agi, quia, ut suprà dictum in c. de successione feudi, in feudis nulla valet ultimæ voluntatis vasalli dispositio seu ordinatio sine consensu domini. Hac ita, si idem sit successor allodialium & feudalium bonorum. Aliud est si feudum particulare ad aliud devolvatur successorem, qui nihil juris habet in hereditate allodiali: hinc enim quia successor est singularis, non poterit dari hereditatis petitio, quæ est universalis actio, seu universale iudicium.

32. D. *Quid si quis petitionem hereditatis instituerit generaliter nulla facta specificatione rerum hereditariarum, continebitur in ea feudum?*

M. Continebitur, sed illud tantum, quod est hereditarium, non etiam quod ex pacto & providentia. Ita ex communi sententia Dd. probat Henric. Rosenth. c. 71 conclus. 24. nam si hoc quoque actor comprehensum voluit, clarius loqui debuit & exprimere hoc ipsum: quod dum non fecerit, sibi imputare debet, & pati, ut contra se fiat interpretatio pro reo, cujus persona semper est favorabilior.

## CAPUT IX.

*De iudiciis feudalibus. Quis hic sit iudex competens. Quis ordo iudicii observetur.*

1. D. *Audri de actionibus, interdictis, & aliis juris remediis,*

*diis, quæ pro feudo competunt vasallis, dominis, & agnatis. Cupio nunc etiam de judicio feudali cognoscere.*

M. Judicium aliquando pro ipsa actione usurpatur, ut cum dicimus, judicium finium regundorum, judicium communi dividundo, familiæ eriscundæ, pro socio, injuriarum, judicium utile, extarordinarium, directum, &c. cujus notionis infinita occurrunt exempla in toto jure nostro. Aliquando etiam judicium pro loco sumitur, ut cum dicitur aliquis habere vel non habere legitimam personam standi in judicio: quomodo etiam actus judiciales opponi solent extrajudicialibus. Sed hîc judicium separamus ab actione, quæ in judicio proponitur, vocamusque judicium, legitimam disceptationem rei controversæ sub judice institutam. Constituitur autem omne judicium tribus tantum personis, iisq; distinctis, quæ sunt, *Aktor*, à quo initium litis proficiscitur: *Reus*, qui convenitur sive lite pulsatur, sive ut veteres circumscribunt, is cum quo agitur, & undè peritur: & deniq; *Judex*, qui est inter utramque personam medius, ut ait l. 22. C. ad l. Corn. de fals. Pontifex quidem Fabianus in c. nullus, 4. q. 4. ait, in omni judicio semper necesse esse ut adsint quatuor personæ; videlicet iudices electi, accusatores, defensores, & testes. Sed interdum non est opus testibus. Quid enim si causa non per testes probetur, sed per instrumenta, aut si jurejurando lis decidatur? Credo autem spectasse Pontificem id, quod ut plurimum contingit. Accusatores verò populariter & latè appellat, ut cōprehendat quosvis actores, cum aliàs propriè accusatores dicantur in causis criminalibus & judiciis publicis, tot. tit. ff. de accusat. Defensores intelligi vult reos, vel etiam eos, qui pro reis principalibus interveniunt, ut procuratores & advocatos. Sanè in jure nostro defensores propriè sunt procuratores reorū, & quidem qui sine mandato alienam causam defendunt, ut explicatur ad tit. ff. de procurat. & defensorib. ubi & Cujac. vide in paratit. Sic in regula juris: *Nemo alienæ rei idoneus defensor intelligitur*

*telligitur sine satisfactione: qua de re dictum ad Inst. de satisfactionibus.* Quod autem addit Pontifex, *accusatores debere uti intentione*, id est, exaggeratione & auxilio ad amplificandam causam, defensores extenuatione ad minuendam causam, id potius accipiendum est de eo quod sit, quodq; faciendum præcipunt Rhetores, quàm quod fieri ubique debeat: fortasse enim præstiterit causas agere, quemadmodum in Arcopago: ἀντὶ τοῦ ἀπονημίων καὶ πάθων, qua de re in orationibus nostris judiciariis. Dixi, distinctas esse has personas in judicio intervenientes, judicis, inquam, actoris, rei, & testis. Nullus enim unquam præsumat simul esse accusator, & judex vel testis. Sed per se sint accusatores, per se judices, per se testes, per se accusati, ut, ex Epistola Damasi Papæ refertur in *capit. 2. eadem causa* & q. unde & D. Augustin. homil. 50. de poenit. Quis, inquit, utrumq; audeat sibi adsumere, ut cuiquam ipse sit & accusator & judex? Quod ejus dictum refertur in c. 18. multi. 2. q. 1. & convenit cum jure civili l. 10. ff. de jurisdic. l. pen. ff. de recept. arb. Ex quo fundamento inter alia XI. nullitatis arguitur concilium Tridentinum ab Innocentio Gentileto li. 5. *examinis Concilii Tridentini*, p. 322. His breviter præmissis, ad rem præsentem veniamus, & de judicio feudali per hæc capita explicemus: Primum, de judice causarum feudalium, & foro competente. Secundò, de forma & ordine ac modo judicii feudalis; quatenus nimirum aliquid peculiare habet, in quo à jure communi recedat: maximeq; de probationibus, præsumptionibus & jurejurando.

2. D. De judice causarum feudalium quid ais?

M. Ut judicem competentem & suum adeamus, non minori nobis curæ esse debet, quàm ut actionem convenientem habeamus, quam intentemus sive dictemus adversario: nam quemadmodum qui sine intentione agit, oleum & operam perdit, atq; à limine judicii repellitur, opposita hac exceptione: *Tibi non competit actio*, ut suprà dictum; ita etiam qui in foro alieno & apud judicem non suum agit, ut maxime vel

optima actione instructus sit, nihil consequetur. Est enim ipso jure nulla sententia ab incompetente judice data, *tot. t. C. si à non competente judice judicatum esse dicatur*, & ibi *Euj. in parat. vide & Sebast. Vant. in tract. de nullitatibus*. Unde nec judicati actio vel exceptio, inde nascitur, cum id quod nullum est, nullum etiam producat effectum, *l. 5. C. de ll. quæ causa est, cur tam diligenter atq; sollicitè explicetur de foro competente li. 3. C. à t. 13. usq; ad 27. itemq; à Canonistis ext. t. de foro competente*, ne videlicet in competente judice adito nullitas committatur, & judicia fiant elusoria: quod diligenter præcavendum esse meministi ex his, quæ dicta sunt ad *Inst. t. de divis. stip. & t. de satisfd.* Ad præsens negotium quod attinet, prout sunt personæ eorum, qui agunt vel qui conveniuntur, prout etiã sunt res & causæ, de quibus agitur, ita alius atq; alius hinc erit cõpetens iudex; nunc dominus feudi, nunc pater curiæ, nunc ambo simul, & dominus, & pater curiæ; nunc ordinarius iudex loci; nunc arbiter; nunc ipse Imperator. Quod quale sit, exsequentibus clarius patebit. Aut eni lis est inter duos vasallos (& hi sunt vel capitanei majoresq; vasalli, ut Duces, Marchiones, Comites, &c. vel sunt minores atq; inferiores) aut inter dominum & vasallum; aut inter dominum & vasallum vasalli; aut inter dominum & extraneum, aut deniq; inter vasallum & extraneum. Quarum divisionis partium aliquæ suas etiam subdivisiones habent, ut videre est apud *Ferr. in for. lib. 9. ubi agitur de revoc. feud.* De singulis personis & casibus ordine dicam, & de notabilibus quæstionibus, quæ circa unumquemq; moveri solent. Primum igitur, si lis agitur inter duos pluresvè convasallos de feudo, aut re ad feudum pertinente, iudex competens erit dominus, à quo uterq; feudum accepit. Quæ regula probatur aperto *text. §. præterea, tit. 55. libr. 2.* si (inquit Imper. Frid.) inter vasallum de feudo sit controversia, domini sit cognitio, & per eum controversia terminetur. Quæ verba sic expressit carmine *Guntb. lib. 8.* Poëta, ut *Hotom.* eum vocat, *nobilissimus*:

*Inter vassallos unus forte patroni*

*Questio de feudo quæstio agitur, eodem*

*Quo feudi domino gaudent, hoc iudice certent.*

Vide etiam hac de re c. 5. cæterum, ext. de foro compet. ubi latè de hoc argumento scribunt Canonistæ: quibus iunge etiam Cuj. in recitat. ad decret. Hoto. sanè in disp. feu. c. 42. graviter conqueritur, varium & incertum jus hac de re traditum esse in libb. feud. ac profert quædam loca, statuentia, ut controversia definiatur vel per Imper. vel per iudicium parium, vel per iudicem curtis, sive curiæ (habent enim nonnunquam domini feudi propriam quandam iudicem, qui iudicet inter convassallos de controversiis feudalibus, ut adnotat Cuj. ad r. 16. lib. 1. feud.) vel per iudicem ordinarium ejus loci, vel deniq; per arbitrum, quem vulgò vocant iudicem compromissarium. Locata pugnancia sunt r. 15. & 18. lib. 1. & r. 15. 34. & 46. lib. 2. feud. quibus addi potest §. si duo homines, r. 27. lib. 2. sed dicendum videtur, in d. §. præterea, r. 55. lib. 2. contineri regulam: in cæteris verò locis adferri quasdam exceptiones, vel etiam nonnunquam illis derogari per d. const. Friderici; tanquam posteriorem conciliationem etiam tentat gl. ad d. §. præterea, & Cuj. ad d. r. 15. lib. 1. item Somsb. part. 14. de feud. nu. 21. Retineamus autem regulam, ejusq; primò rationem atq; explicationem videamus, cum ampliationes & exceptiones sive limitationes quasdam. Ratio igitur hujus juris est; quia dominus habet jurisdictionem feudo suo coherentem ac propriam hæreditariam ac regalem, qua in re differt jus Longobardicum à jure civili Romanorum. Hoc enim jure nulla fuit jurisdictio perpetua, neque prædialis sive prædio coherens: ut rectè admonet Anson. Cont. in method. de feud. c. 12. Domino autem feudi hanc jurisdictionem tribuit ipsa lex feudalitatis, ut probat Zas. p. II. & Borcholt. cap. 10. num. 33. eamq; ordinariam esse docet Zul. Clar. quest. 90. num. 6. Notandum autem primò, quod dicitur regula: *Inter duos pluresve convassallos. Tentus quidem in d. constit. Frider. §. præterea, duos tantum*

nominat; quia videlicet sæpius contingit, ut inter duos sit controversia. Idem tamen dicendum est etiam, si plures sint, sed oportet ut certò constet, utrumq; litigantium esse vasallum unius ejusdemque domini sive respectu ejusdem feudi, de quo est contentio, sive aliorum. Nam si uterq; non sit verus atq; indubitatus ejusdem domini vasallus; sed alter adsertus & putativus, ut loquitur *Zaf. d. part. 11. n. 5.* cessabit regula, nec dominus judex competens esse poterit, sed vel pares curiæ, vel etiam interdum dominus adjunctis paribus curiæ, ut docet *Rosenthal. cap. 17. conclus. 33. & seq.* Secundò notandum quod dicit regula: *si lis sit de feudo*: intelligè sive de toto, sive de parte ejus: item, si de confinibus. Neq; solùm si de proprietate agatur, verùm etiam si de possessione feudi (neq; enim audiendus esset, si quis coram uno judice litigare vellet de proprietate, & coram alio de possessione ejusdem rei, *l. 10. nulli, C. de judiciis*, ne videlicet contentia causæ dividatur contra *d. l. 10.* qua de re eruditè & copiosè scripsit *Petrus Friderus*.) item si de servitute fundo feudali debita agatur, vide & *Inl. Clar. d. quest. 90. n. 9. & Rosenth. d. cap. 12. n. 31.* item de feudo, intellige sive agatur de constitutione ejus, sive de retentione & conservatione, sive de amissione, vide *Matth. Colerum in tract. de processib. execut. part. 12. cap. 3. nu. 311. cum duob. seqq.* Sin autem non de feudo, sed alia quapiam re ad feudum non pertinente lis sit inter convasallòs: judex erit non dominus feudi, sed ordinarius. Vide *Borch. c. 10. num. 33.* ubi hoc probat ex *Baldo, Alexandro, Zafio, & Canonistis*, nisi ipsi vasalli cum elegerint judicem prorogatione jurisdictionis in ipsum facta: hoc enim facere non prohibentur, ut docet idem *Borch. d. cap. 10. num. 34.* Ampliatur autem superior regula, primum, ut obtineat locū etiam in feudo Franco, in quo non minus erit dominus judex competens, quàm in non Franco. Nam feudum Francum in aliis rebus extra libertatem à servitiis manet sub regula, & cōmuni natura feudorum, ut ex *Curtio & Menochio* probat *Borch.*



*Borch nu. 20 & Rosenth. c. 12. n. 38.* Secundò ampliatur, ut habeat locum non tantum inter vassallos laicos, verum etiam Clericos: potest enim etiam laicus esse iudex inter Clericos sive Ecclesiasticas personas, quæ ipsi ratione feudi subjiciuntur, ut communiter etiam Canonistis placuit, paucis licet contradicentibus, ad *c. ceterum, extr. de jud. vide Jul. Clar. d. q. 90. n. 8. & Borch. c. 10. n. 21. & 24.* quamvis aliàs Papa Clericis indulserit privilegium fori, eosq; ob omni jurisdictione Laicorum sive secularium exemptos esse voluerit, ut coram his non possint conveniri: & quidem adeò, ut huic privilegio non possint Clerici renunciare, ultroq; se subicere jurisdictioni seculari, ut, inquam, sua renunciatione nihil agant, quasi scilicet de jure publico aliquid remitterent, *c. 12. si diligenti, extr. de foro competente, & de exemptione Clericorum ex professo scripsit Jesuita Bellarminus. Vide Andr. Geil. libr. 1. obs. 37. n. 5. & obs. 40. n. 7.* quomodo etiam prohibentur clerici de rebus, quas vocant spiritualibus compromittere in laicum, *c. 8. contingit. extr. de arbitr.* Quam tamen rationem tanquam incongruam improbat Cujacius non solum ad *l. jus publicum 18. ff. de pactis*, sed etiam in *recitationibus decretalium ad d. cap. 12. si diligenti.* Sic etiam vice versa, clericus feudi dominus potest judicare inter vassallos laicos, *Borch. d. c. 10. n. 25. & Rosenth. c. 12. conclus. 17.* Tertiò ampliatur regula, ut dominus sit iudex comptens etiam de eo feudo, in quo vassallum coactus investivit, *Borch. c. 10 num. 19.* quo tamen casu sunt, qui velint, posse hunc talem dominum à vassallo recusari tanquam suspectum judicem, cum videatur malè affectus in eum, quem invitus investivit ac recepit, & præsumatur qui fuit injustus in uno, etiam futurus iniquus in altero ejusdem generis, *argum c. semel malus, de R. l. in 6. cujus sententiæ auctores refert & sequitur Henr. Rosenth. c. 12. conclus. 36.* Quartò ampliatur regula, ut vassalli invito domino non possint suo consensu prorogare jurisdictionem, qua de regl. quidam hæsit ad *d. § præterea; tit. 55. sed Jul. Clar. d. q. 90.*

n.10. communem opinionem esse testatur. Vide etiam *And. Geil. d. lib. 1. obs. 40. & Rosenth. conclus. 37.* Prorogare jurisdictionem dicuntur litigatores, quando alium pro alio judicem eligunt atq; adeunt, id quod jure civili permissum est, dummodò fiat à consentientibus, non si per errorem, quo nihil magis consensui adversatur, l. 1. & 2. ubi *Bartol. & alii, ff. de judiciis, l. 15. si per errorem ff. de jurisdict.* necesse tamen est, ut is, in quem ita consentitur, ipse præsit tribunali, jurisdictionemque habeat, nam cōsensus privatorum jurisdictionem nemini tribuit, neq; judicem facit eum, qui antea per se judicio non præest, d. l. 1. ff. de jud. l. 3. *privatorum, & ibi Bald. C. de jurisd. omni. jud.* Jure autem feudali non licet vasallis invito domino prorogare jurisdictionem in alium, id est, alium adire judicem, quàm ipsum dominum, gl. in d. §. *præterea, in verbis: sed nunquid ab initio, tit. 55.* Ratio est, quia injuria fieret domino feudi, cui a lege tributa est ordinaria jurisdictio, ut paulò ante dictum: adempta namq; ipsi jurisdictione sive cognitione, ejusque prorogatione permissa, simul etiam adimentur commoda sportularum & multarum, & alia multa, quæ iudicibus competunt, ut rectè *Ant. Cont. c. 12. metho. feud.* cumq; domino feudi jurisdictio à l. specialiter sit tributa, nihil contra illud privilegium operari debet consensus litigantium, *Borch. cap. 10. n. 35.* ne videlicet jus suum domino invito auferatur, contra l. *id quod nostrum, 11. ff. de reg. jur.* A contrario igitur sensu si dominus consentiat, tum verò nihil vetat, quin possint vasalli alium judicem adire, & jurisdictionem in eum prorogare. Vide *And. Geil. lib. 1. obs. n. 55.* Ratio est, quia volenti & consentienti non fit injuria neq; dolus, ut est in *reg. jur.*

3. D. Sed cum consensus duplex sit, tacitus vel expressus, queri solet, num requiratur consensus domini expressus, an verò sufficiat & tacitus, id est, si sciat & patiatur nec contradicat,?

M. Verius est, etiam tacitum consensum sufficere: ut sensit *Abbas, & Phil. Decius ad c. ceterum, extr. de judicis,*

*judiciis*, quos & Borcholt, sequitur, *cap. 10. de feud. nu. 30.* Quamvis alii expressum requirant consensum; sed cum consensus domini tacitus ipsi præjudicet quoad alienationem feudi à vasallo factam, ut aliàs docui: multò magis hic ei præjudicabit quoad jurisdictionem. Quintò ampliatur regula, ut etiam in Imp. locum habeat, qui est competens iudex inter vassallos majores sive regios, qui *capitanei* dicuntur, quod est ex constit. *Conr. Imp. tit. 18 lib. 1. & tit. 34. lib. 2. feud.* ubi nota *Regem* dici, qui paulò antè *Imperator*. Exemplum hujus rei est in Imperatore Sigismundo, qui cognitionem causæ feudalís inter Henricum Lawenburgerensem Ducem, & Fridericum de Ducatu Saxonie Electoralis investitum ad se pertinere aiebat, cum Henricus mallet à Concilio Constantiense eam suscipi. *Feudalis contentio* (inquit Sigismundus) *per dominum feudi ac pares curia terminanda est*, ut ex 3. tomo Concil. refert *Cujac. ad tit. 15. lib. 1. feud.* ubi notandum est, Imp. adhibitis paribus curiæ, tanquam confessoribus judicare, cum quidem ipse posset solus. Solent namq; boni Principes non ex suo tantum arbitrio res graviores agere, sed in consilium adhibere viros sapientes & JCtos, quomodo & Alexandro legimus viginti & aliquot JCtos semper ad latus fuisse: & Fridericum I. in consilio suo habuisse non paucos. Sextò ampliatur regula, ut locum habeat etiam in domino minore, sive subalterno, qui subinfeudationem fecit: nam hîc quoq; si de feudo litigent quos subinfeudavit, inter ipsos competens iudex erit, non autem superior feudi dominus, vide *Henr. Rosenth. c. 12. conclus. 31.* Septima & ultima ampliatio est, ut dominus sit iudex non solum si causa in prima instantia ad ipsum devoluta fuerit, sed etiam si per appellationem, *Curt. par. 2. reg. 7. q. 11. Jul. Clar. d. q. 90. n. 11.*

4. D. *Quo in loco dominus exercebit judicium?*

M. Ubicumq; ipse voluerit, salva tamen honestate, & observato more majorum, ut rectè respondet *gl. in d. §. prætoræa, in verbo, cognitio, tit. 55. lib. 2. feud.*

5. D. *Quid si dominus noluerit cognoscere sive judicare?*

M. Si dominus palam denegat vasallis justitiam, poterunt illi vel cogere eum ad judicandum per superiorem seu majorem judicem cui subest: vel actor poterit alium judicem adire, & ex communi regula sequi forum rei; quæ duo remedia tradit gloss. in verbo, *duos, d. § prater ea*, vide & *Zaslin Epit feud. part. 11. nu. 8. in fin.* quod benè notandum est, si inquam, dominus feudi in jure reddendo lentus ac negligens fuerit, tunc manifestam negligentiam atq; injuriam ipsius transferre cognitionem ad alium: idq; etiam in ordin. Camerae cautum est, *lib. 2. tit. 1. § alibi von geweigertem Diechten*. Sæpè etiam propter desidiam judicis secularis causa transfertur à foro seculari, & com meat ad forum Ecclesiasticum, ut post veteres adnotat *Cujac. ad cap. ex transmissa, & ad cap. 15. ex parte, extr. de foro compet. argument. cap. licet, & c. ex tenore, eod. titul.* quod ipse valdè novum esse dicit. Certè in primitiva Ecclesia, & priusquàm tantopere crevissent Romani Episcopi, prorsus inaudita hæc res fuit: sed Pontifices se & suos Episcopos constituerunt, quasi Ephoros causarum civilium, qui providerent, darentque operam, ne cuiquam justitia denegaretur, aut injuria fieret. Sic etiam viduarum & pupillorum tanquam miserabilium personarum (ut vocantur in *tit. Co* Quando Imperator inter pupillos) & dotium, quatum maximus est favor, ut est in *l. i. ff. sol. matr.* defensionem ad judicem Ecclesiasticum pertinere, traditum est in *cap. 1. distinct. 87. in cap. nuper. extr. de donatione inter vir. & uxor. c. super quibusdam, in fin. extr. de V. S. Cujac. ad d. cap. ex parte, extr. de foro comp.* Est & tertium remedium adversus talem dominum, qui vasallis justitiam denegat, comparatum; nempe ut contra eum agatur ad privationem proprietatis feudi. Est enim inter cæteras hæc quoq; justa & ad privationem sufficiens causa, ut suprà dictum in loco *de causis amissionis feudi in persona domini*: vide & *Rosenth. c. 12. n. 40.* Atq; hæc de domino cogendo. Au autem & pares curiæ cogi possint judicare, infra videbimus.

bimus. Ex his dictis una sumi potest exceptio à regula. Sunt & aliæ exceptiones sive casus, quibus dominus non est iudex inter vassallos; ex quibus secundo loco hanc ponimus: si unus ex vassallis contra dominum opponat exceptionē declinatoriam fori, negans scilicet, se vassallum ejus esse. Tunc enim domini cognitio non erit, sed iudicis ordinarii, qui tamen ubi compererit quòd vassallus sit, statim remittet causam ad feudi dominum, ita *gl. fin. ad r. 15. lib. 2. feud. quam & Dd. communiter sequuntur, teste Iul. Clar. d. q. 90. nu. 7.* ubi tamen si vassallus ita excipiens sit in quali possessione vassallorum, verius esse putat Clar. ut non ordinarius iudex, sed aut ipse dominus cognoscat, aut certè pares curiæ. Tertia exceptio est, ut dominus non sit iudex inter vassallos, posteaquàm semel consenserit vel expressè, vel tacitè, ut alium iudicem adirent; qua de re vide *Canonist. ad d. c. ceterum, extr. de iudiciis*; & dixi supra sub quarta ampliatione regulæ. Ratio hujus exceptionis est facilima; quia quod semel alicui placuit, amplius eidem displicere non potest, nec datur regressus ad jus, cui quis renunciavit, quodque remisit. Quarta exceptio est, nisi causa quodammodo etiam ad ipsum dominum spectet, puta quia de evictione tenebitur; tunc enim dominus non poterit esse iudex, ne videlicet in propria causâ contra omnia jura & mores judicare videatur. Judicabunt igitur pares curiæ, §. *Et responsum, tit. 46. lib. 2. feud.* Quarta exceptio est secundum quosdam, nisi agatur inter vassallos de validitate jurisjurandi: hanc enim quæstionem tanquam spiritalē volunt non pertinere ad forum laici, sed apud iudicem Ecclesiasticum esse ventilandam, ita *Canonistæ ad d. c. ceterum, vide Rosenth. cap. 12. conclus. 42.* quod tamen in Camera non observatur, ubi etiam recipiuntur & cognoscuntur causæ juramentorum. Quinta exceptio est, nisi dominus esset suspectus, tunc enim recusari posset, ut post Baldum docet *Sonsbec. quamvis aliud visum sit Iacob. Menoch. remed. 3. retinenda possessionis, n. 391.* Sexta & ultima exceptio, nisi aliud

fit receptum consuetudine alicujus loci, ut scilicet de causis feudalibus inter vassallos non dominus feudi, sed ordinarius judex cognosceret, *Curt. p. 7. n. 13. & Ros. c. 12. concl. 42.* Nam ut sæpè jam dictum, in feudis dominatur consuetudo, & jus istud potissimè regitur moribus. Idem est dicendum si superior princeps hoc constituerit, quæ octava esse poterit exceptio. De utraque hac vide & *Borch. c. 10 n. 31.*

6. D. *Exposito huc usque primo casu, quo videlicet vassallus cum vassallo litigat, proximum est, ut dicas de secundo, quo inter se contendunt dominus & vassallus: quis ergo iure judex erit competens?*

M. Inter dominum & vassallum invicem de feudo contententes, judicabunt pares curiæ sive curtis ejusdem jurati, ad id electi. Hæc regula confirmatur istis locis *t. 10. lib. 1. t. 16. 19. 20. 22. & § finitur dominium. ti. 39. & § pen. tit. 55. libr. 2. feud.* quem postremum locum his versibus complexus est *lib. 8. Guntherus:*

*Sit tibi pro feudo quod te tribuente fatetur  
Acceptum, tu verò negas; vassallus agendam  
Fortè movet litem, non tu, sed curia judex  
Audiat, & certo determinet ordine causam.*

Dicitur autem nunc *laudamentum parium*, ut *tit. 21. lib. 1 feud.* nunc *laudato parium*, ut in constit. Henrici secundi Imperatoris apud *Ardiz. n. & Alvarott.* quam & *Hotom.* refert *lib. 3 tit. 2.* Laudare enim idem est quod judicare; unde culpa per judicium parium laudata dicitur, in *tit. 22. libr. 1. feud.* De eadem regula vide & *Baldum, & Canon. in c. 5. ceterum, extr. de judic. Zasp. part. 11. n. 11. & seqq. & Jul. Clar. quæst. 90. in pr. Hartm. tit. 54. obs. 21. & seq. Mynsing. cent. 1. obser. 99. & cent. 4. obser. 89. & cent. 5. observ. 68. & 75. item cent. 6. observ. 19. Andr. Geil. libr. 1. observ. 1. Schrad quoque part. 10. sect. 5. & 6. Modest. Pist. conf. 18. vol. 1. & conf. 13. vol. 2.* Germani vulgò vocant hoc judicium, das *Manngericht.* Pares enim sunt *Männer*, à virilitate & animositate, quæ in militibus potissimum requiritur. Ratio autem cur non etià hoc casu, sicut in priore, judex sit ipse dominus, hæc est: Quia non potest

potest quis esse iudex in propria causa, ut & supra dictum: excipiunt quidam summum principem, qui non recognoscat superiorē: hunc enim volunt in sua causa judicare posse, quia scilicet in eo cesset metus injustitiæ, de quo vide *Bart. in l. & Tiberius quidem. ff. de hæred institut. Cyn. ad l. unic. C. ne quis in sua judic. Quintil. lib. 4. cap. 1.* Exemplum illustre est in historia Henrici Septimi, qui ipse cognovit & judicavit causam vassalli Roberti regis Siciliae, quem omnibus suis ditionibus exuit, ob confederationem cum subditis Imperii rebellibus, id est, ob crimen læsæ majestatis, *c. ad reprimendum.* Sed Papa Clemens V. sententiam illam Imperi rescidit, multos ut videri vult justis de causis, & nullam declaravit in *Clem. 2. pastoral. de sententia & re judic.* eaq; exceptio à multis in dubium revocatur, ut videre apud *Wesemb. de feud. c. 17. & Henric. Rosenth. c. ult. conclus. 16.* In constitutione quidem *Friderici I. in d. §. pen.* non additur ista exceptio sive distinctio. Quare ubi lex non distinguit, nec nos fortasse distinguere debemus. Estq; cum primis laudabilis mos regum Galliae, qui semel ipsos subjiciunt parlamento, sive supremæ curiæ regni sui, quæ est Lutetiæ Parisiorū, ubi non raro causa cadunt, ut adnotat *Goth. ad d. l. unic. C. de quib. in sua.* Ut autem tantò plenius tota res intelligatur, breviter explicanda sunt singula membra superioris regulæ. Primum igitur quod dixi, *inter dominum & vassallum*, intelligere debes nihil interesse, sive hic vel ille clericus sive laicus: nam respectu feudi etiam Clericus laico subjicitur, ut maximè aliàs exemptum sit illud genus foro seculari, quæ de re vide quæ supra dixi, & *Iul. Clar. quest. 90. num. 4.* Deinde nihil interest, utrum dominus recognoscat superiorem, vel non recognoscat, ut probat *Iohan. Borcholt. cap. 16. num. 16.* quæ ampliatio si vera est, concedit illa distinctio quorundam inter feudum ligium & non ligium. Quod si dubium sit, & nec dum planè constet, an vassallus sit is qui contendit, se de feudo suo recto investiri debere domino id negante, pares curiæ non ante

pote-



poterunt esse judices inter ipsum & dominum, quàm abusive eum investierint sine incommodo fidelitatis. Quo facto jam erunt judices competentes, & de causa principali cognoscēt, in qua si dominus vicerit, investitura illa habebitur pro nulla: Sin autem vasallus vicerit, tum demum præstito jurejurando fidelitatis, sequetur propria investitura, ut habetur *tit. 20. & tit. 29. lib. 2. feud.* Prior illa investitura sine juramento (id est, injurata) nihil aliud fuit quam color quidam quæsitus & adhibitus ad hoc, ut pares curiæ efficerentur congrui judices hujus litis, qui aliās non fuissent; quomodo etiam querelæ inofficiosi testamenti color quæritur, qui non sanæ mentis fuerit testator, ut eleganter explicat *Cujac. ad d. tit. 20. lib. 2.* Hæc tamen ita demum obtinent, si nihil aliud pro beneficio seu feudo ab eo domino vasallus teneat. Nam si constiterit vasallum aliquid aliud, præter id de quo quæritur ab eodem domino in feudum tenere, sive si extra controversiam sit, ipsum alterius feudi nomine vasallo dominum esse, non est dubium, quin debeat de feudo suo recto investituram accipere, & fidelitatem jurare, *d. tit. 20. juncto tit. 39.* quam tamen distinctionem *Hotom. in comment. ad eundem tit. 20.* ait, se nec satis intelligere nec probare posse, vide & *Sonsb. part. 14. n. 14. & seq. Schr. d. p. 10. sect. 6. n. 164. cum seqq. Myns. cent. 1. obs. 99.* existimat eo casu, quo vasallus nullum aliud feudum habet præter id, de quo se investitū fuisse ait, cognitionem non esse parium curiæ, sed ordinarii: quod & mihi aliquando visum est. Porro dictum est in regula de feudo, contendentes, intellige, sive de ejus investitura, sive recognitione, sive retentione, sive reputatione, sive amissione & privatione & aperitione, sive de finibus feudi: neq; tantum si de proprietate, & jure feudi agatur, item de qualitate ejus, puta, an sit verus, an novum, proprium an improprium, ut masculinum an fœmininū, verum etiam si de possessione. Nam & de hac judicabunt pares curiæ, non autem judex ordinarius, *arg. t. 26. versic. si verò vasallus, li. 2. feud.*

ut taceam quoddam textus omnes, qui cognitionem tribuunt paribus curiæ, commemorantur & indistinctè loquuntur, ut *tit. 20. § 39. § si inter, § tit. 55. § pen. vide Zas part. 11. nu. 21. § seq.* Quod si non de ipso feudo, sed de alia quapiam re cōtentio sit inter dominum & vassallum, jam non erit judicium penes pares curiæ; sed penes ordinarium, & quidem ita, ut actor sequatur forum rei. Non enim sufficit ad fundandam jurisdictionem parium curiæ, ut sit lis inter dominum & vassallum, nisi etiam sit de feudo, vide *Mynsing. d. cent. 1. obser. 99. & Schrad. d. sect. 6. n. 32. cum seqq. item 135. & seq.* estq; jurisdictio parium limitata ad ipsum feudum, ut ad alias causas non producat. Atq; hinc est, quod ne reconventio quidem (*Widertlag / oder Gegentlag*) locum habeat coram paribus curiæ, *Mynsing. cent. 4. obser. 90. glossa quidem in verbo faciendum, tit. 10. lib. 2.* putat actorem reconventum debere se defendere apud eandem curiam, etiam de omnibus aliis causis. Sed eam sententiam gl. rectè reprobatur *Schenck. in comment. ibid.* neq; enim aliter locum habebit reconventio, quàm si contineat aliquid ex ipso feudo dependens. Si quid verò complectatur omninò extraneum, non poterit remissio fieri ad eosdem judices, ut rectè *Bald. ad d. tit. 16. Sonsb. part. 14. n. 38.*

7. D. *Quid si de promissione feudi contentio sit inter dominum & vassallum, & dominus ex illa conveniatur actione in personam ad faciendam investituram, remq; tradendam?*

M. Communiter placuit Interpp. hanc litem non ad pares curiæ, sed ad ordinarium pertinere, ut docet *Rosenth. c. 12. n. 45. & Schrad. d. sect. 6. n. 167. & seq.* tentari tamen posset ex *d. tit. 39. in vers Sed si nihil hoc quoq; casu, cognitionem esse parium, id est, quod dicebatur in regula: pares curia sive curtis ejusdem?*

M. Hoc eò pertinet ut intelligamus, non satis esse ut pares sint vassalli ejusdem domini, nisi etiam in eodem territorio, sive districtu sint constituti. Vide *Mynsing cent. 4. c. 39. in fin. & Franc. Sonsb. part. 14. in feud. in princ.*

*in princ.* Unde in textibus feudalibus vocantur *pares curtis illius domus*. Item *pares de domo domini*, loca adnotavit *Hotom. in text. feud. in verbo, pares curiæ*: exemplum apparet *Zaf. part. 11. num. 4. de Maxim. I.* qui vassallos habuit & in Austria, & in Brisgaudia: Quia omnes licet ejusdem domini fuerint vassalli, non tamen de earum domo, non ejusdem curtis sive territorii fuerunt, sed tantum Austriaci inter se, & Brisgaudi inter se. Ratio, quare pares ejusdem potius territorii, quam diversorum, quatenus quidem fieri possit, sumi debeant, est hæc: Quia si propter petitionem aptiores fore videntur ad hanc judicandi provinciam, quam extranei: cum vicinus præsumatur melius scire res vicini, quam aliquis extraneus, & in una provincia habitantes præsumantur magis scire quæ publicè & quotidie in ea fiunt, *gloss. in cap. 1. extr. de postul. gloss. & Bart. in l. 1. C. de peric. tut. Baldus in l. Verius, in fin. ff. de probationib. Bart. & Dec. in l. 1. si certum petatur. Menoch. de præsumpt. libr. 6. præsumpt. 23. num. 68. & præsumpt. 24. num. 9. 10. & 28.* ut taceam quòd minore etiam negotio ac sumptu convocari & convenire possunt, quam remotiores, si tamen in eadem provincia atque districtu non habeat pares, proximum est, ut sumantur ex alia, & quidem maximè finitimi, vide *Alvarott. ad d. §. pen. n. 10 tit. 55.*

8. D. *Cur in regula addebas, jurati?*

M. Quia vassallus qui domino fidelitatem non juravit (audivisti autem supra fieri posse, ut dominus vassallo suo jusjurandum remittat, licet quidem ipsam remittere nequeat) regulariter non est pro pari seu iudice eligendus. Condicio hæc ut jurati sint expressè requiritur in *d. §. pen. tit. 55. in verbo, pares curiæ à domino sub fidelitatis debito conjuratos, & ti. 26. lib. 2. feudorum, in versic. ille tamen ubi exceptio simul indicatur; in verbis, domino vel vassallo dissentiente*. A contrario igitur sensu si consentiant dominus & vassallus in tales, ut sint iudices, nihil prohibet, quò minus esse possint; nam unusquisque suo juri & favori renunciare potest, & consen-

tiēti non fit dolus neque injuria, ut habent jura vulgata, vide præter cæteros *Hart. t. 54 observ. 22. nu. 1. § 6.* Et quidnā possit in vasallos etiam injuratos consentiri, cūm possit jurisdictio ista etiam prorogari in non vasallos, ut docet *Schrad. p. 10 sect. 11.*

9. D. Sed cūm judices jurare soleant in aliis causis, an etiam a paribus curiæ novum jusjurandum exigitur in singulis causis feudalibus. quōd velint judicare secundum jus, &c. an verò sufficit illud jusjurandum fidelitatis, quod ab initio præstiterunt domino?

M. De jurejurando judicium, quod olim cogeantur præstare in singulis causis ad quas dati essent, extat in *l. rem non novam 14. C. de injuriis*, ubi etiam de jurejurando advocatorum, sicut de jurejurando testium in *l. jurisjurandi 9. C. de testib.* ubi teste nō jurato non creditur. Et de terribili jurejurando magistratuum in *Nov. 8.* Hodie verò judices non ad singulas causas de novo jurant se justè & secundum leges, ac secundum mores judicaturos; sed semel ab initio officii sui, quoniam perpetuum ferè id esse solet. Ad præsentem verò quaestionem quod attinet, an pares curiæ jurare cogantur ad singulas causas, quæ inter dominum & vasallum incidunt, non idem de ea sentiunt interpretes: quidam enim volunt sufficere jusjurandum fidelitatis, quo obstricti sunt domino ab initio investituræ, nec opus esse novo de rectè judicando. Ita *Andr. de Isernia*, quem sequitur *Mynsing. cent. 4. d. observat. 89.* Quorum ratio est, quia ut sæpè dictum, §. *pen. titul. 55.* tantūm requiritur, ut pares sint conjurati sub debito fidelitatis. Secundò, quia plerumque in ipso jurejurando fidelitatis ex communi stylo vasalli jurare solent, se ad requisitionem domini judicare, & justitiā administrare velle, ut testatur *Zasparr. 11. nu. 20.* Non videtur ergò jusjurandum sine necessitate sæpius iterandum; cūm consuetudo & facilitas jurandi atque temeritas viam aperiat perjuriis. Alii contrà, quorum princeps est *Præposit. ad sit. 46 lib. 2.* putant, debere pares curiæ ad singulas causas specialiter jusju-

jusjurandum præstare; quanquam enim jurarent fidelitatem, tamen quia id favorem domini respiciat, non posse alteri, nempe vasallo prodesse, cum res inter alios acta aliis non profit, ut neq; nocet aut præjudicat quidquam, *l. sepè 63 ff. de re jud. cum similib.* Vide *Hanneton. lib. 4. de feud. c. 2. versic. sed nec pares, & Hartm. d. tit. 54. obs. 22. n. 13. & Schrad. d. part. 10 sect. 11. num. 105.* Existimarem ergò hoc jure sequendam esse cujusque loci consuetudinem. Et compertum hoc loco Comitum quendam imperii, qui contra vasallum suum quem feloniam commisisse multiplicem arguebat, ad feudi privationem agebat coram paribus curiæ, aliquot nobilibus prius ipsis jusjurandum, quo ipsi tenebuntur, remisisse, quoad præsentem causam & judicium ipsos deinde pares jusjurandum novum præstitisse de rectè judicando. Quomodo etiam à *Modest. Pist. in dictis consiliis* præscribitur formula jurisjurandi in tali casu à paribus præstandi, ut etiam à *Schrad. d. part. 10. sect. 11. num. 1261.* ubi in duobus sequentibus numeris probat, hoc jusjurandum præstari debere utraque parte præsentem, aut certò ad hoc citata. Eodemq; modo etiam principes quando coram suis consiliariis conveniuntur (*vermög der Aufråg*) solent ipsis remittere suum jusjurandum quo ad præsentem causam; quo facto deinde novo jurejurando iidem consilarii adstringuntur ad rectè judicandum. Vide & *Schrad. d. loc. n. 131.*

10. D. *Quid est quod in regula dicebas: Ad id electi, & quomodo fit ista Electio?*

M. Possunt quidem rationes ejusdem curiæ pates simul esse judices, si ita placeat litigantibus. Nusquam enim id prohibetur. Sed si vel nimia sit vasallorum multitudo, vel non omnes ad judicandi provinciam idonei, receptum est, ut ex toto eorum numero aliqui ab utraq; parte eligantur. Sic & olim apud Romanos stante Republ. actor & reus judices eligebant non solum si causa capitis ageretur, verum etiam si lis esset de re familiari, ut ex Cic. & Asconio Pædiano in comment. orationum ejus didicimus. Quæ consuetudo in

aliis

aliis quidem rebus hodie desit, cum judicium etiam in invitum reddatur, *leg. 21. 38. ff. de V. O. & judices*, ut paulò autè dixi, ferè sint singulares & perpetui: remissit tantum in controversiis feudalibus. Et quidem si dominus & vassallus inter se consenserint in eligendis paribus, nulla dubitatio est; quia hoc quod ipsis placuit, observandum sit, & judices illi sint futuri, quos utraq; pars eligit. Si verò dissentiant proceres, eligendi partes tribuentur domino secundæ vassallo, ut quot pares elegerint, dominus totidem etiam ipse eligat, ut, inquam, utrinq; par sit numerus, ut disertè cautum est *l. 16. lib. 2. feud. vers. & Zasius p. 11. n. 12. & seq. Jul. Clar. quest. 90. n. 2. Somsb. p. 14. n. 32.* debet enim in judiciis servari æqualitas, & vitari confusio, *Zas. d. p. 10. nu. 13.*

11. D. *Quid si dominus solus velit eligere pares curia, nec aliter juri stare, quàm si hoc sibi permittatur?*

M. Non erit audiendus contradicente vassallo; quia non careret ea res suspitione subornationis, ut rectissimè *Zas. d. loc.* graviter reprehendens malum morem quorundam dominorum, qui volunt judicari nisi ab iis, quos ipsi soli ordinarunt judices. Quid enim hoc aliud est, quàm judicem esse in propria causa, cum quod quis facit per alium ipse fecisse videatur? Nec debeat facere per interpositam personam, quod per se non potest. Et iniqui exempli res est, eum dari judicem, quem altera pars nominatim petiit, ut rescripsit D. Adrianus teste Callistrato in *l. observandum, 47. ff. de judicis.*

12. D. *Quid si vassallus contumax sit in omittenda electione, qua sibi competeat, & ut Proverb. dicitur, si nolit, arborem eligere ad suspendium?*

M. Hoc demum casu solus eligit dominus in poenam videlicet contumaciæ; quæ quidem hoc casu sufficit, nec potest ob id ad privationem feudi perveniri, ut rectè docet *Schrad. p. 10. sect. 8. n. 118. cum seqq. item n. 131. & seqq.*

13. D. *Quid si dominus quoq; per contumaciam nolit eligere?*

M. Tum facultas eligendi ab ipso ad vasallum solum devolvetur, *argu. l. 22. si legatario, §. à duobus. ff. de fideicom. libert.* & quia dominus & vasallus judicantur ad paria. Et quemadmodum ob contumaciam vasalli solus dominus eligit, ita ob contumaciam domini solus vasallus, vide *Schrad. d. sect. 8. nu. 136. & seq.* quamvis *Sonsbec. part. 14. nu. 32.* voluerit, causæ cognitionem tunc ad totam curiam, & ad omnes pares curiæ simul pertinere.

14. D. *Potestné etiam consuetudine hoc introduci, ut solus dominus pares eligat?*

M. Imò hujusmodi consuetudo tanquam iniqua nō valet, ut & in Camera cōclusum esse testatur *And. Gail. lib. 2. obs. 34.* vide & *Zasium p. 11. nu. 14. & 2. seqq.* ubi vehementer in talem consuetudinem invehitur, item *Francisc. Bursat. consil. 49. n. 3. lib. 1.* Quamvis hanc opinionem rejiciat *Schrad. p. 10. sect. 8. nu. 141.* ac velit tam statuto, quàm consuetudine id effici posse.

15. D. *Quid si pactus investitura hoc insertum sit, ut vel dominus vel vasallus solus eligendi potestatem habeat?*

M. Hujusmodi pactum valere nō dubito cum *Schr. p. 10. sect. n. 138.*

16. D. *Quid juris est de parte majore parium curia, valetné quod ab ea gestum est, & quando valet?*

M. Hac de re vide copiosè scribentem *Schrad. d. p. 10. sect. 11. n. 4. & aliquot seqq.*

17. D. *Quid si dubium sit an pares curia legitime ac rectè electi sint. præsumiturné electio rectè facta?*

M. Non præsumitur, sed probanda est ab eo, qui dicit: idq; ex cōpluribus rationibus, quas petere potes ab aliis, maximè à *Schrad. sect. 12. n. 1. & sex seqq.* ubi etiam *nu. 10.* & multis subsequentibus docet, quomodo illa probatio fieri debeat, & unde sumenda sit. Ex his quæ dixi, puto mediocriter intelligi posse superiorem regulam nostram, ad quam equidem plura accumulare possum: verum servandus est modus, ne, dum omnia sequi conamur, nihil adsequamur, ut eleganter monet prudentissimus *Zas. p. 10. in fin.* Ampliatur au-



tem regula, ut pares curiæ etiam cogi possint ad judicandi partes cognoscendas. Quanquam enim quibusdam contrarium est visum, eos cogi nō posse invitos, nisi quando jam semel judicandi munus receperunt, *Zaf. p. 11. nu. 20. Hartm. tit. 54. observ. 21. nu. 8. & observ. 22. nu. 8.* ubi pro hac sententia allegat *gl. Iferniam, Alvar. Prapof. & alios, ad tit. 46. lib. 2.* Et si judicare velint pares eundem esse ad arbitrum vel judicem ordinatum, tamen altera sententia mihi videtur verior, quam & *Jul. Clar. ait esse communem, quest. 9. num. 3. & probat Schrader. p. 10. sect. 6. num. 22. & seq. item sect. 10. num. 49.* Nam sicut tutela munus publicum & necessarium, ut audivisti ad *t. de Attil. tutore*; ita & judicandi: adeo ut quis cogi ad id possit *l. 9. si quis, & l. ult. §. judicandi, ff. de muneribus & honoribus, l. 13. prator. §. quia ff. de voc. & excus. muner. Novell. 86.* hoc autem jus civile non est mutatum, neq; abrogatum in feudis. Quare ergo manere non censeatur? *arg. l. precipimus, C. de appell. & §. ult. tit. 1. lib. 2. feud.*

18. D. *Quis autem coget nolentes?*

M. Ipse dominus feudi, non obstante eo quod sit pars. Neq; enim jam ipse sibi jus reddit, aut in sua causa: vide *Schrad. sect. 12. nu. 115. & seqq.* quod si dominus cesset, jam vassallus potest implorare auxilium superioris adversus pares.

19. D. *Quibus autem remediis pares cogentur judicare?*

M. Iisdem ferè, quibus & tutores ad suscipiendā tutelam, à qua legitimè se excusare non possunt, coguntur. Reperio autem hæc ferè novem remedia. Primum, ut pignora ab ipsis capiantur. Secundò, ut multa ipsis indicetur. Terriò, ut banni pænæ subjugentur. Quartò, ut censura Ecclesiastica feriantur, si nimium is qui cogit, sit Ecclesiasticus judex. Quintò, ut etiam de propria domo extracti capiantur, & carceri mancipentur. Sextò, ut missio sit in possessionem bonorum. Septimò, ut bona eorum publicentur. Octavò, ut feudo priventur. Nondò, ut cibus & potus ipsis subtrahatur: de quibus remediis ordine explicat

*Schrad. p. 10. sect. 10. n. 49. & 10. seqq.* Postremum tamen ex his ita temperandum puto, ne fame quis enecetur, aut conficiatur, tum quia volens judicare non est meritis pœnam capitis, & ut maximè meritis esset; tamen ut quis fame enecetur, pœna est incivilis ac jure prohibita; cujusmodi genera pœnarum collegit plura *Cuj. in observ.* Est autem in arbitrio ejus, qui cogere potest, ut ex his remediis eligat, quodcunque ipsi placuerit: & electo uno non prohibetur postea etiam alia adhibere adversus eum, qui in contumacia perseveraverit, *Schrad. d. sect. 10. n. 62.* Quanquam enim alias ob unum delictum duplici affici pœna nemo debet, ut tradit *Bart. ad l. 1. ff. vi bonor. rapt. & Angel. in l. qui sepulchra, C. de sepulchr. viol. per l. prator, 7. § si dicatur, ff. de injuriis, cum similibus*: ne videlicet afflicto addatur afflictio, contra *l. Divus, 14. ff. de offic. præs. & ne de unius hominis admisso sæpius quærat contra l. 7. §. ii. dem. ff. de accusatio.* unde videbatur dicendum, non nisi unicum remedium hinc locum habere adversus contumacem quemlibet perseverantem; tamen quoties iteratur contumacia, toties novum est delictum, proindeque non mirum, si etiam nova ipsi imponatur pœna. Solet autem plerumque à levioribus pœnis infligendis initium sumi, indeque ad graviores procedi, si non sequatur emendatio, qui est finis pœnarum, ut non tantum J.Ci, sed & Plato tradiderunt.

20. D. Possuntne pares curia scilicet electi unum ex suo numero constituere judicem feudalem, cui præ cæteris majorem potestatem attribuant?

M. Non possunt, ut docet *Schrad. p. 10. sect. 10. n. 63. & seqq.* Delegare tamen seu committere alteri causas ad suam cognitionem pertinentes non prohibentur, sicut neque vicarium constituere, *d. sect. 10. n. 71. & n. 102.* quamvis ille delegatus causas sibi commissas alteri subdelegare non possit, *d. loc. n. 100. & seqq.*

21. D. Possuntne pares curia causam transmittere ad judicium sapientum?

M. Possunt, quamvis regulariter non cogantur: quæ

qua de re multa habet *Schrad. sect. 14. nu. 4. usq; ad fin. & hujus sumptibus transmissio fieri debeat, vide ibid. nu. 81. & seqq.*

22. D. *Debentné pares curiæ etiam secretarium adhibere seu actuarium judicii?*

M. Debent, ut & nuncium sive apparitorem, *Schr. sect. 16. ubi & de examinatore testium.*

23. D. *Cujus autem sumptibus pares curiæ ad judicandum convenient?*

M. Sumptibus litigantium, non propriis, ut docet *Ioan. Eichard. conf. 18. vol. 1.* Nam & in communem utilitatem ipsorum res ea cedit. Valeat igitur regula *l. secundum naturam, ff. de R. l. & cap. qui sentit. eod. tit. in sexto.*

24. D. *Suntné aliqua exceptiones à superiore regula, & casus quibus pares non sint iudices?*

M. Sunt; & quidam primò pares curiæ non erunt iudices inter dominum & vasallum, si nulli extent; quod per se satis manifestum est, cum non entis nullæ sint qualitates, hoc igitur casu ordinarius adhibetur iudex, *gl. in §. p. n. tit. 55. Mynsing cont. 6. obs. 19. Borch. c. 10. n. 13. Hartm. tit. 54. obs. 21. n. 4.* ubi ait, quosdam voluisse, quòd tunc arbitri debeant eligi; sed veriore esse priorē sententiam propter rationem ibidem redditam; quia jurisdictio feudalī sit super inducta, & proinde restringenda. Secunda exceptio, secundum aliquos est, nisi pares curiæ essent inferioris conditionis ac dignitatis quàm litigantes; hos enim volunt non posse judicare de superioribus: verbi gratia, Nobiles de Barone vel Comite; sed tantum pares de paribus; omnes, inquam, ejusdem dignitatis, aut certè non inferioris esse debere, ut videre est apud *Henning. Gøden. conf. 29. in pr. & Modest. Pistor. conf. 59 nu. 45. lib. 1. vol. 1. & Hart. Hart. tit. 54. obs. 5.* Verum hæc exceptio aliis non probatur, & quidem, ut puto, rectius: nam nihil prohibet, quin etiam inferioris ordinis vasalli judicent de superioribus: nam pares non tam dicuntur ratione ejusdem dignitatis, quàm ejusdem fidelitatis, quam

communi domino jurarunt. Non tamen nego hac in re multum valere consuetudinem ejus loci, & potissimum attendendam esse, ut & *Mynsinger. videtur cent. 4. observat. 98. Borchol. cap. 10. num. 7. Rosenth. cap. 12. conclus. 18.* Tertia exceptio est: nisi pares curiæ sint suspecti; tunc enim recusari possunt, & peti, ut alii in eorum locum subrogentur; vel si id fieri non possit, tum perinde erit, ac si nulli extarent. Vide *Hartman. d. observat. 21. nu. 7. & observ. seq. nu. 6. & Borcholt. cap. 10. num. 11.* Zafius tamen post *Bald. & Alvaros.* in contraria est sententia; pares videlicet non posse recusari ut suspectos; quia videlicet ordinaria sit eorum jurisdictionis. Ordinarius autem jure civili recusari nequeat. *l. 4. nemo, C. de judicis.* Tantum suspectis aliquem adjungendum esse, sicut interdum & tutori suspecto adjungitur alius, ut audivisti ad *tit. Institut. & est in l. si tutor. ff. de suspect. tutor. ita, inquam, Zafius p. 11. de feud. num. 25. & seq.* sed quod dicitur de judice, cum recusari non posse, id, ne quis decipiatur, non universè verum est: tantum de eo dicitur, in quem jam semel commissum est, & eorum quo lis contestata. Sic enim ait *l. 4. nemo post litem contestatam sedis ordinaria declinet examen.* Nam ante litis contestationem certè judex variis ex causis repudiari potest, ut docet *Merantapart. 6. de ordin. judic. act. 2. numer. 24. & seqq. usq. ad 77.* Et metirò quidem talis judex recusari potest; cum periculosum sit coram suspecto judice litigare, ut ait *Pontifex in cap. 1. cum inter, extr. de except.* Unde ne quidem excommunicato debet denegari talis recusatio suspecti: sicut neq; defensio, quæ est juris naturæ, maximeq; favorabilis, *d. c. 5. & ibi Interp.* quibus adde *Spec. tit. de inquisit. §. 5.* ubi ait: *Ne Diabolo quidem si in judicio esset, hanc denegandam esse.* Hic tamen cavendum, ne à suspecto judice statim appellemus, sed tum demum, si recusationi locum non dederit. Ea, inquam, non admissa, tunc demum est appellandum ab illo gravamine. Quem ordinem & quam cautionem recte tradit *Hartm. lib. 19. observ. 37.* Quarta exceptio est, nisi pares

curiæ testimonium perhibere debeant in eadem causa, in qua alioquin deessent probationes. Hanc tum quoque, quia nemo potest simul esse iudex & testis, ut suprà dictum, & ut docet *Hartm. tit. 15. de testibus, observ. 1.* neque tamen facultas probationum coarctari aut restringi debet: non ipsi, sed ordinarius iudex erit, *Mynsing. d. observat. 19. cent. 6. num. 12. Borcholt. cap. 10, num. 12.* Quinta exceptio est, nisi vel constitutione superioris, vel privilegio, vel consuetudine aliqua aliter sit constitutum ac receptum; nempe, ut pares non sint iudices, sed ordinarii. Hoc enim casu sequi debemus illam constitutionem, vel privilegium, vel consuetudinem, *Mynsing. observat. 19. in fin. Rosenth. cap. 12. conclus. 42.* Sexta exceptio est secundum *Francisc. Cure. p. 7. num. 36.* nisi vassallus agat contra dominum indubita & insolita servitia exigentem, quo casu vult executionem esse non parium curiæ, sed posse vassallum implorare auxilium superiorum. De qua tamen exceptione subdubito, non minus quàm etiam de illa, quàm nonnulli volunt, causas, in quibus agitur de iurjurando, non ad pares curiæ, sed ad forum Ecclesiasticum, adeoque sæpè ad ipsum Papam pertinere, quod & suprà innuebam in Camera Imperii non observari.

25. D. *Quid si dominus nolit stare sententiæ à paribus curiæ contra se dictæ?*

M. Si sententiam impugnet & arguat injustitiæ, dicatque malè eos iudicasse, locus erit provocationi ad Imperatorem; de quo remedio appellationis in causis feudilibus, vide §. *sancimus in fin. lib. 1. feud. tit. 22. & versicul. his enim non cogentibus, tit. 26. eod. libr. & Hartman. tit. 19. de appellationib. observat. 25.* Sin autem non impugnet dominus sententiam, sed aliter, tamen ei non pateat vassallus, primò implorabit officium curiæ, quæ ter citabit dominum, quo non parente citationi, implorabit auxilium populi, vel principis, vel regis, vel Imperatoris. Si ne per hos quidem jus suum consequi possit, tunc demum poterit

dominum deprædari; de quo extremo remedio suprâ quoq; dixi, & vide §.ult.tit.22.libr.2.feud.item *Sonsbec.* p.14.nu.33.

26. D. *Quis mandabit executioni sententiam parium curiæ?*

M. Non ipse dominus, quia est pars, & nemo sibi ipsi jus reddere debet, ut suprâ dictum, sed superior ejus. Ita ex *Ifern. & Præposito ad tit. de controversia feudi, apud pares terminanda probat Hartm.d.tit.54.obf.22.n.11.* Plurimas alias quæstiones quæ de electione parium curiæ, & officio eorum in judicando incidere possunt ac solent, consultò hîc præterimus; quòd eas, quando usus exigat, petere liceat cùm ab aliis, tum maximè à *Schrad.d.p.10.* ubi etiam de aliis personis in judicio intervenientibus, ut de adfessore, examinatore, auditore testium, de consilio sapientum, de procuratore, tutore, & curatore, quæ maxima ex parte communia sunt juri feudali, & cum jure communi seu civili.

27. D. *Audi vi de casibus primum iis, quibus dominus sit judex, deinde illis, quibus pares curiæ: sequitur ut dicas de iis quibus alii sint judices. Quid igitur si lis sit inter dominum & vasallum vasalli, sive subvasallum, vel cui vasallus feudum vendiderit, quis, inquam, tunc judex erit, competens?*

M. Ex juris civilis dispositione actor sequetur forum rei; nam de hoc casu nihil cautum est jure feudali; retinemus igitur jus commune. Jure tamen canonico hoc mutatum est, ut scilicet dominus ipse cognoscat, si paratus sit, cognitionem suscipere, *Cont.in methodo cap.12. allegans c.ex transmissa, & c.verum, extr. de foro comp.* ubi & hoc addit; moribus Francorum specialiter judicare dominum, nec unquam ad pares curiæ causam agi.

28. D. *Quid si lis oriatur inter vasallum & extraneum, vel inter dominum feudi, & extraneum; puta, quia extraneus ille servitutem aliquam prætendit, sibiq; adserit in feudo?*

M. Si contentio sit inter vasallum & extraneum,  
vel

vel inter duos vasallos, qui diversos proferant investitores, seu dominos vel denique inter dominum feudi & extraneum; siue hic, siue ille agat, vel conveniatur, nihil interest: non poterit iudex esse vel dominus vel curia, sed ad ordinarium pertinebit causæ cognitio, cui videlicet reus subest, *vers. tit. 43. lib. 2. feud. §. si vasallus de beneficio, t. 26. & §. si autem inter pares, t. 34. libr. 2. feu. & §. si iudex populi, & vers. si tres, t. 27. eod. ratio est, quia cum hic casus non sit comprehensus, siue decisis consuetudinibus feudorum, nihilque super commutatum jure feudali, merito lege scripta sine calumnia uti poterimus, arg. §. strenuus, t. 1. lib. 2. & proinde ex reg. communi, actor sequetur forum rei. Ita rectè gl. ad §. pen. tit. 55. De illa autem regula: Actor sequetur forum rei, *vers. l. 2. C. de jurisdict. omn. jud. l. ult. C. ubi in rem actio exerc. cap. 8. extr. de foro compet.* Hic repetantur & alii casus non pauci, quos supra sparsim attigimus, quibus ad ordinarium judicem itur; puta, si ita ferat consuetudo loci, vel statutum vel privilegium; si dominus nullos habeat pates cutiæ, vel si suspecti sint, & recusati illi, quos habet; vel si testes in eadem causa esse debeant: si res spectet ad ipsum dominum, si de feudo tantum permissio ex stipulatu agatur.*

29. D. Intellexi satis quando & apud quem fundata sit jurisdictio in causis feudalibus. siue quis competens sit iudex unoquoque casu, proximum est ut doceas ordinem siue formam horum judiciorum apud competentem judicem instituendorum.

M. Ordinem judiciorum, vulgò processum vocant, qui accuratè describitur *lib. 2. decretal.* & ab iis qui peculiare libros atq; tractatus de ea re fecerunt, ut sunt Robertus Maranta imprimis, aliiq; quos recensui ad §. ult. *Inst. de satisfd.* De eo igitur hanc tenebis regulam: In causis feudalibus servari debere ritum & ordinem siue processum judicii, jure communi usitatum ac receptum, nisi quatenus in jure feudorum aliquid singulare ac proprium fuerit introductum, quæ regula sumitur ex *d. versic. strenuus, tit. 1. lib. 2.* & celebratur ab



omnibus interpretibus, ut *Alvarot. ad §. per. tit. 55 Ardi-  
 zone in summa feudali, tit. de contentione feudi. sub ru-  
 brica: Qualiter in causis debite procedatur, & Canonistæ  
 ad cap. ceterum, extr. de judic. Soubec. part. 14. de feud. nu.  
 33. Gail. lib. 2. observ. 156.* Quæ igitur aliorum judicio-  
 rum sunt partes ac veluti membra, eadem hîc quoq;  
 erunt necessaria; puta, in jus vocatio, sive citatio, a-  
 ctionis editio, seu libelli oblatio, litis contestatio, ex-  
 ceptiones, replicationes, & cæteræ allegationes, pro-  
 bationes, disputationes ultrò citroq; factæ, conclu-  
 sio in causa, sive submissio, sententia, sententiæ execu-  
 tio, nisi interposita sit appellatio, aut aliud quodpiam  
 remedium sententiæ suspensivum, & impediens, ne  
 sententia in rem judicatam transeat; de quibus aliàs  
 plenius dicendi locus dabitur. In præsentia omîssis cæ-  
 teris, tantùm illa brevissimè commemorabo, quæ hîc  
 sunt singularia, in quibus jus feudale à communi re-  
 cedit. Observabis autem, plurimum in his valere con-  
 suetudines locales. Non dicam hîc (quòd primum  
 singulare ponit *Borch. cap. 10. nu. 37.* de paribus curiæ:  
 An jurate debeant, nec ne se justè judicaturos, quia  
 hanc quæstionem jam suprà examinavimus. Nihil  
 etiam hîc dicam de ea quæstione: An vasallus domi-  
 num sine venia impunè in jus vocare possit, necne:  
 (in quo secundum singulare ponit *Borch. d. cap. 10. nu.  
 38.* concludens posse) de hac enim etiam dixi, quòd  
 satis esset cùm agerem de effectibus reverentiæ do-  
 mino à vasallo debitæ. Sicut & illam attigimus jam  
 ante quæstionem; in qua tertium & quartum singu-  
 lare collocat *Borch. num. 39. & seqq.* an in causis feuda-  
 libus præstetur jusjurandum calumniæ: audivisti e-  
 nim suprà id non præstari, neq; à domino, neq; à va-  
 sallo. Et vasallus quidem à domino non potest hoc  
 jusjurandum exigere ob eandem rationem; quia &  
 libertus a patrono id exigere prohibetur in *l. 84. ff. de  
 jurejurando*; nempe, quia observantia, verecundia  
 sive reverentia obstat, quæ non patitur sinistram su-  
 spicionem de calumnia ejusmodi personarum conci-  
 peret

pere: Dominus autem à vasallo idcirco non potest exigere; quia quod quisq; juris in alium statuit, ipse eodem jure uti debet: quam rationem reddit Feudista, §. *in quib. tit. 33. libr. 2.* sive, ut alibi ait, quia dominus fidei suo vicem in omnibus reddere debet, §. *ult. tit. 6. lib. 2.* & quia etiam aliàs in judiciis servanda est æqualitas, l. *fin. C. de fructibus, & litium expensis*; quæ tamen ratio æqualitatis jure civili in personâ patroni locum non habet; nusquam enim prohibitum reperitur, ne patronus à liberto jusjurandum istud exigere possit. Excipiunt tamen gl. & Interp. eum casum, quo vasallus fidelitatem nondû domino adjuravit: hunc enim volunt jusjurandum calumniæ posse adigi sine recusatatione, vide gl. *Alv. & alios ad d. §. in quibus, tit. 33.* quo casu etiam dominum volunt jurare oportere de calumnia, vide *Hart. tit. 54. obs. 45.* quem sequitur *Borch. d. cap. 10. n. 40. in fin.*

30. D. Sed cum jusjurandum calumniæ duplex sit. *vetus, & novum sive Iustinianæum*, quorum illud præstatur ab eo, qui jusjurandum alteri in judicio deservit, & est speciale; hoc initio litis ab utraq; parte, & est generaliter introductum à Iustiniano in l. 2. C. de jurejur. propter calu. quari posse video, an de utroq; atq; ita etiam de Iustiniano intelligendus sit textus in d. §. *in quibus*, an verò tantum in veteri?

M. Hoto. quidem ut & Cuj. locum eum accipiunt tantum de veteri & speciali, quam expositionem Giphapius quoq; probat in tract. feud. argument. §. *precedentis sacramentum*, ubi agitur de delatione jurisjurandi; cum quia conjunctum est jusjurandum calumniæ speciale. Quare cum ille §. *in quibus ex altero*, nexus sit, de eodẽ quoq; esse intelligendum: Accedit quod jus feudorum nunquam reperitur mutatum jure communi a Justiniano constitutum in d. l. 2. C. de jurejurando propter calumniam. Sed quidquid illi dicant, communis schola Interpp. eò abiit, ut nullum omninò jusjurandum calumniæ, neque speciale seu vetus, neq; generale seu novum in feudalibus judiciis locum habere velint,

velint, vide *Hart. d. t. 45*. Contius quoq; non distinguit in jam antè allegato *cap. 12*.

31. D. *Quid si altera pars, puta, dominus velit prestare hoc jusjurandum calumnia, cogetur né etiam altera?*

M. Potest quidem dominus si velit, ultro jurare de calumnia, cum unusquisq; suo juri possit renunciare; sed nulla necessitate inde adstringitur vasallus, ut ipse quoq; idem exemplum imitetur, & volens nolens de calumnia jurare debeat. Ita volunt *Bald. Alva aliiq; ad t. de consuetudine recti feudi*, per rationes quatuor, quas refert & sequitur *Iac. de S. Georg super verb. & dicti vasalli, n. 15*. verum ego puto non facile aliquem ultro sic jurare.

32. D. *An etiam inter convasallos de feudo litigantes jusjurandum calumnia cessat?*

M. Imò vasallis inter se hoc jusjurandum jure feudali non est remissum: consuetudines enim feudales cum tantum agant de domino & vasallo, *d. 5. in quib. tit. 33. lib. 2*. strictè sunt interpretandæ, argu. l. quod verò contra *ff. de legib*. In his igitur sequemur jus commune, l. 2. *C. de jurejur. propter calumniam dando*, vide *Guil. Hanne-ton. lib. 4 de feud. c. 3. vers. quo peracto*. atq; hæc de jurejurando calumniæ, ex quibus nonnulla addere licebit ex superioribus. Illud quoq; jam antea attigi, re-conventionem coram judice feudali non habere locum de causis non feudalibus. Quod quartum singulare hic esse. Hanc enim directam veriore esse sententiam quamvis aliis secus videatur, quos refert *Mynsing. cent. 4. observ. 90. & Pet. Nic. Mozz. in cap. de naturalib. feud. n. 114*.

33. D. *Estné aliqua differentia etiam quoad citationem?*

M. De citatione in judiciis feudalibus quomodo faciendâ sit, prolixè commentatur *Accursius ad verbum, at si, tit. 22. lib. 2*. quam gl. & *Zasius* commendat p. 11. n. 26. habet autem illa hoc peculiare, quod tria esse debeat, distincta, & quidem justis constans intervallis pro arbitrio judicis; plerunque tamen septem vel de-

tem dierum spacio singulis edictis interposito, d. t. 22. ubi gl. & Dd. Ant. Cont. c. 12. in methodo feud. versic. dominus si agat, & Schrad p. 10. sect. 8. nu. 85. jure civili sufficit unum pro tribus edictis, quod tamen in se eadem illa intervalla complectatur, id est, triginta diebus, non verò angustiore spacio contineatur aut circumscribatur, l. 68. & duab. seq. ff. de judicis.

34. D. De libelli formatione in causis feudalibus quid agitur?

M. Etiam hinc necessaria est libelli oblatio; hujus formula varia erit, pro diversitate scilicet actionum, quas feudi nomine competere supra diximus. Sed hac de re quid receptum sit, videre licet cum apud alios practicos, tum apud Ferrariens. & Iohan. Oldendorp. in classib. maximeq; Specul. lib. 4. & Ioan. Blanch. in summa feud. Giphani. 4. diversarum actionum formulas, sive ut vulgò vocant, libellandi modos tradit; convenienter ille quidem juri ac mori veterum: Sed nostri mores nimium quantum ab ea veterum brevitate recesserunt! Metuunt videlicet nostri homines, ne quis quò sit brevior, eò habeatur indoctior: cum potius contra sapientibus semper gratissima sit brevitatis: & quemadmodum illa moneta preciosissima habetur, quæ in minimo pondere, & magnitudine exigua plurimum valet, ita & omnino, quæ paucis verbis plurimas res complectitur. Primum actionis feudariæ, sive utilis rei vindicationis formulam hanc esse vult: *Hoc pradium jure feudi meum esse ajo* (debet autem fieri designatio ipsius prædii, perinde ut in rei vindicatione consuevit) vel hanc: *Feudum hujus prædii meum esse ajo*. Secundò, actionis, qua dominus à vasallo petit operas sive servitia feudalia, formulam hanc constituit: *Ajo Titium vasallum seu hominem meum, has vel illas operas mihi debere* (oportet autem primere operas plerumque ex tenore investituræ de iure, vel ex consuetudine.) Tertio, actionis præjudicialis, utilis hanc formulam tradit: *Titium vasallum seu fidelem seu hominem meum esse ajo*. Quarto, actionis ingrati istam: *Ajo Titium vasallum*

*fallum meum feloniam commisisse hanc vel illam. hinc exprimenda est species feloniam seu ingratitudinis, quæ ad privationem feudi sufficiat. Quemadmodum ut qui injuria se adfectum dicit, in specie exprimere debet, qualem sit passus, ne vocari videatur in generalitate cum periculo alienæ existimationis, ut JCtus loquitur, ita hinc quoque jus est. Dicit igitur dominus in specie, verbi gratia: Titium a jo vitæ meæ insidiatum esse, vel uxori, aut filiam meam vitium obtulisse, quas species ingratitudinis copiosè supra executi sumus. Ad hunc igitur ferè modum exemplo veterum formulas concipere licebit, argu. eorum quæ dicta sunt ad §. appellamus, & §. sic itaq. Inst. de actionib. & eorum quæ tradit Briss. in lib. de formulis P. R. Sed nostris moribus quo pacto sit libellandum, à pragmaticis & formulariis, qui passim extent, petendum est.*

## C A P U T X.

*De probationibus feudalibus, & quid hinc peculiare sit. Appellatio in causis feudalibus ad quem fiat, deq. executione.*

I. D. De probationibus causarum feudalium quid habes peculiare?

M. In probationibus feudalibus maxima est & difficultas, & ut ita dicam, singularitas. Nam si ulla in re differunt judicia feudalibus ab aliis cõmunibus; in his certè vel maximè differunt non tantum quo ad genera probationum, verum etiam quo ad personas; quæ probare debeant. Principio autem illud ex jure civili huc adferendum est, probationem propriè sic dictam ferè duplicem esse; unam, quæ fiat per testes: alteram, quæ per scripturam seu literas, sive per instrumenta in specie sic dicta, tot. tit. ff. & C. de testibus, & de fide instr. Sunt quidem etiam alia quæ fidem faciant rei antea dubiæ, ut confessio, jusjurandum, rei evidentiæ, & inspectio ocularis (Germanicè der Augenschein) notorietas, &c.

&c. propriè tamen dictæ probationis species istæ non sunt. Deinde à probationibus distinguendæ sunt præsumptiones, quæ sunt conjecturæ quædam, quæ tametsi non probent ipsæ directò; tamen hoc efficiunt, ut onus probandi ab uno in alterû transferant, nempe ab eo, pro quo, in eum adversus quem militant: de quibus prolixè explicant post Canonistas ad *tit. extr. de presumptionib. Alciat. & Jacob. Menoch.* in peculiari-  
bus suis tractatibus, quos hac de re ediderunt. Ter-  
tiò & hoc notandum, à probationibus differre de-  
fensionem, cujus genera ferè ista sunt: Jusjurandum,  
exploratio, & Duellum, sive monomachia, quod &  
*certamen singulare* appellatur. His ita in genere præ-  
missis, nunc de singulis cognoscamus: Et primùm  
quidem de testibus: tum de probatione per instru-  
menta sive scripturam.

2. D. *Qualis hic probatio est per testes?*

M. In testibus feudalibus hæc potissimum quatuor  
spectanda sunt. I. Sexus. II. Qualitas sive conditio.  
III. Numerus. IV. Coactio sive compulsio, & jusju-  
randum eorundem.

3. D. *De sexu quid ais?*

M. Jure quidem civili fœminæ tametsi à testimo-  
nio in testamentis perhibendis arcentur, ut audivisti  
ad *tit. Inst. de test. ord.* tamen in judiciis testes esse non  
prohibentur, l. 18. ex eo, ff. de testib. cap. mulierem, 33. q. 5.  
& ut pleriq; volunt, etiam in codicillis testes esse pos-  
sunt, maximè si copia virorum haberi non possit, ut  
adnotavit ex *Spec. & Ioan. Olden. Godofr. ad d. l. 13.* At in  
causis feudalibus regulariter muliebris sexus à testi-  
monii dictione remotus est, §. ult. in verbo, *præter fœ-  
minam*, & ibi *Alvar. Bald. & alii, tit. 32. libr. 2. feud.* ubi e-  
leganter *Cuj.* mulieres, inquit, testes esse possunt, su-  
perstitæ esse non possunt, *Const. Harmenop. libr. 1. tit. 6.*  
distinguit inter *testimonia commendatoria*, quæ ipse vo-  
cat *Systatica*, & inter *apodictica*, seu *demonstratoria*, ut  
ad hæc tantum, non etiam ad illa mulieres admittan-  
tur. *Apodictica* autem testimonia vocat cætera omnia  
præter

præter testamentum, & codicillum, & donationem causa mortis. Sed quod ait Constantinus de codicillis, & de donatione causa mortis, in illis repudiari testimonium mulieris, id à jure civili alienum est. Ratio autem quare in causis feudalibus testimonium mulieris non sit idoneum, ex eo pendet, quòd regulariter fœmina non est capax feudi, nec potest esse vasalla, ut supra dictum. Testes autem feudales ut plurimum esse debent convasalli, sive pares curiæ, quatenus haberi possunt, ut mox dicam ex §. *testes verò, tit. 26. libr. 1.* & ex §. *quod autem pares tantum, tit. ult. lib. 2.* Hoc igitur teneatur, mares tantum regulariter hîc ad testimonium recipi, & addatur etiam hoc pro exemplo ad *lin. multis. ff. de statu hominûm, & ad l. 2. ff. de reg. jur.* Dixi, *regulariter.* Excipiunt enim fœminas illustres, quæ cum possint judicare, causas cognoscere, & condemnare, multò magis etiam ad testimonia adhibendæ esse videntur: de qua exceptione vide *Matth. de Affl. ad d. tit. qui testes sint necess. n. 25.* & ad *tit. 4. lib. 1. si de investit. feudi controvers. nu. 104.* & *Iohan. Sûcidian. p. 9. de feud. cap. 2. nu. 20.*

4. D. De qualitate seu conditione testium quid dicis?

M. Ad alias quidem causas jure communi admittuntur quilibet testes, etiam extranei, dummodò sint idonei, & integræ frontis, ut patet passim ex *ll. in ff. tit. de testibus.* In feudis autem regulariter oportet testes sint pares curiæ seu convasalli, qui ab eodem domino feuda teneant: qua de re vide *d. tit. 4. & tit. 10. & 11. & tit. 23. cum tit. 26. in §. testes verò, libr. 1. feud. & tit. 2. & tit. ult. §. 1. & tit. lib. 2. feud.* Ratio cur pares curiæ potissimum hîc requirantur, mihi hæc esse videtur, tum quia hi optimè sciunt res suorum convasallorum, utpotè, quotû etiam investituræ adhibitæ fuerint: tum, quia inter dominum & cõvasallos sæpè versantur quædam arcana, quæ non expedit inter alios passim divulgari. Dixi, *regulariter pares curiæ testes esse debere.* Exceptio enim est, nisi haberi non possint, & dominus non habeat alios vasallos, quo casu extranei quoque admittuntur,



tentur, ne videlicet veritas occultetur, & labore inopia probationum: quæ exceptio additur in *d. §. testes verò, tit. 26. lib. 1. & d. t. 2. libr. 2. & in §. quod autem dictum est, tit. 33. de consuetud. recti feudi. & §. 1. tit. ult.* Altera exceptio est, nisi pares non adfuerint tempore investituræ. Tertia exceptio, nisi jurare noluerint, aut jurati dixerint, se ignorare investituram esse factam, quas exceptiones rectè addit *Cont. in c. ult. method. feud. vers. aliàs si nullos habeat, ex tit. de contentione inter dom. feud. & vassal.* Addit & hanc quartam & quintam exceptionem, nisi agatur de investitura à clerico facta, nam & tunc extranei testes admittuntur, *§. hac omnia, d. tit. 26. vide & Franc. Sonsb. p. 15. de feud. nu. 2. & 7. seqq.*

5. D. *Quid si is qui tempore investituræ ex paribus curia fuerat, postea vassallus esse desierit, an à testimonio ob id removebitur?*

M. Imò admittetur: Sufficit enim tempore investituræ ex numero pariū fuisse, quamvis tempore mortis litis non amplius sit: hoc enim imputari non debet illi, qui eorum testimonio utitur, qua de re extat *rot. t. 19. lib. 2. feud.* ubi eleganter ait textus: *Quid enim peccavit qui investituram accepit, si illi quos eo tempore, utpote idoneos adhibuit, postea pares esse desierint?* Accursius ibidem in gl. hanc ait esse rationem; quia hic non sit modus interdicendi testimonium: significat tamen ibidem Feudista de hoc articulo diversas fuisse opiniones; sed hanc, quā modò exposui, prævaluisse. Quemadmodum igitur in testibus testamēto adhibitis spectatur illud tempus, quo testamentum est factum, nec obest, quamvis postea tempore mortis, cū testamētum vires accipit, conditio testium mutata sit, *l. 22. ad testium, §. 1. ff. qui testam. fac. poss.* ita hic quoq; res habet. Qua comparatione rectè & Accursius utitur in *d. t. 19. in gl. ad verbum, pares.*

6. D. *De numero testium feudalium quid ais?*

M. Distinguendum inter probationem investituræ feudalis, & probationem ingratitudinis. Si agatur de probatione investituræ, quam vassallus factam esse ait,

N n domi-

dominus negat, sufficiunt duo testes. Ita disertè scribunt Feudistæ aliquoties, ut §. *si quis se*, tit. 26. lib. 1. in verbo: *Nisi per duos pares de domo ipsius domini probaverit, quod intendunt*. Ubi hoc notat etiam Accurs. tit. 2. lib. 2. in verbo, *saltem coràm duobus ex illis*, §. 1. tit. ult. lib. 2. in verbo, *duos testes idoneos*. Et hætenus quidem congruit jus feudale cum civili & canonico; imò etiam cum jure divino: nam & jure civili & canonico unius testis dictum non probat, ne quidem si magnæ sit dignitatis & auctoritatis, l. *jurisjurandi*, C. de testibus, ad quam l. alludit Pontifex in c. 47. *licet ex quadam*, extr. de testib. & attestacionibus, usq; ad eò unius testimonio credere pessimi exempli est, ut ait & Scævola J.C. & Pontifex apud Valer. Max. lib. 4. nullaq; est causa, quæ unius testimonio quasi legitimo terminetur, c. 23. *licet univervis*, extr. de testib. Unde & Quintilianus in declamatione eleganter inquit; *Redeant Catones & Scipiones, vel alia quacunq; clarissima nomina, unius testimonium nunquam habebitur pro legitimo*: Et hoc ad eò verum est, ut ne quidem semiplenam probationem vel præsumptionem faciat unus testis; quod tamen vulgò putant, qui multa de semiplena probatione tradunt ad l. 31. *admonendi*, ff. de jurejurando. Sed contrarium docet Cuj. ad c. 38. extr. de testibus, quamvis idem clementius ad tit. 36. lib. 4. feud. ubi sic scribit: *Si queratur, an unus testis præsumptionem sive probationem semiplenam faciat? dicam hujus rei disquisitionem totam esse, positam in arbitrio & religione judicantium*. Unius igitur testis dictum, ut ajebam, nihil probat, neq; civili, neq; Canonico, neq; feudorum jure. A qua tamen regula excipiunt Canonistæ Pontificem Romanum, quasi qui multorum instat esse debeat, t. cum à nobis 28. & ibi præter alios Cuj. extr. de testibus & attestacionib. Requiritur ad minimum duo; quia pluralis locutio duorum numero contenta est, l. 12. ff. de testib. quam regulam ex jure civili usurpavit & Feudista in d. §. *quod autem pares*, t. ult. lib. 2. & facit huc l. inter 217. §. 1. ff. de V. S. Huc pertinet quod vulgò jactatur ex Evangelio Matth. 19. In ore duorum vel

vel trium stat omne verbum. Quo tamē dicto abusus est Pontifex Alexand. III. in c. 10. *extr. de testa*. Et hæc de numero testium ad probandam investituram necessariū. Si verò agatur de probatione ingratitudinis, duo testes non sufficiunt, sed requiruntur quinque; & quidem nō quilibet, sed tantū summæ atq; integræ opinionis, ut disertè scriptum est in *Constitutione Henrici Imp. tit. 57. lib. 2. feud.* cujus tam ampli numeri ratio est gravitas hujus judicii: quippè, ubi majus periculū est, ibi cautius est agendum, ut aliās jura ajunt: sic in codicillis quoque & donatione causa mortis & alia quavis ultima voluntate præter testamentum, quinque testes requiruntur, *l. ult. C. de codicillis, l. ultim. C. de don. causa mortis*.

7. D. *Sed quid est, quod alibi duodecim requiruntur sacramentales sive conjuratores: Si duodecim: Non igitur sufficiunt duo vel quinque testes?*

M. Duodecim illi, qui vocantur *sacramentales*, huc non pertinent, sed ad defensionem, quæ fit per jusjurandum: de qua nos infra dicemus. Jam enim de probatione quærimus, à qua separandam esse illam defensionem supra monui. Nihil igitur duodenarius numerus hîc te morari debet.

8. D. *De coactione testium feudalium quid dicis?*

M. Ut pares curiæ compelli possunt ad judicandum, de quo supra, ubi & remedia exposui hujus compulsionis: ita & testes cogi possunt. Sed hoc distinctius pauld explicandum est, neq; enim aut semper jure civili & in omnibus causis, aut jure canonico cogi testes potuerunt. Scire igitur debes, olim in privatis judiciis utramque partem non nisi voluntariis testibus uti solere: In publicis autem judiciis solēbant vel judices vel accusatores testimonium denunciare invitatis: Excipiebantur tantū certæ personæ, puta, cognati & adfines, qui lege Julia in cognatos vel adfines invitati ad perhibendum testimonium non pertrahēbantur. *l. 4. 8. 19. ff. de testib.* Unde & *Quintilian. lib. 5. c. 7.* testes ait esse vel voluntarios, vel necessarios, quibus

testimonium denunciari solet. Deinde à Justiniano introductum est in *l. 16.* (quam legem summam restituit *Cuj. 13. obs. 38.*) & in *l. si quando. C. de test. & Novell. 90. de testib.* ut etiam in causis civilibus testimonium denunciari possit invitis, exceptis tantum iis personis, quas anteriores leges jam exceperant in publicis iudiciis, sive in capitalibus causis: exceptis item personis illustribus, quem *rigorem juris humani* vocat Pontifex in *c. 3. in fin. extr. de testib. cogend. vel non.* Hæc de jure civili. At jure Pontificio testes inviti cogi non consueverunt, sed tantum admoneri & persuaderi ipsis, ne veritati adferendæ deesse velint, ne veritatem rei occultent: quæ admonitio & suasio non est propria legis virtus, neq; necessitatem adfert ei, cui adhibetur: sicut & consilium. Crus ait extra necessitatem parendi positum esse, propria namque legis virtus est imperare aut vetare, *l. legis virtus, ff. de legibus*, & Aristoteles ait: *ὁ νόμος ἀναγκαστικὸν ἔχει δύναμιν*: Jus, inquit Pontifex, non cogit regulariter invitos, sed monet tantum ut testimonium perhibeant pro veritate causæ, ut videre est ex *d. 1. decretal. de testibus cogendis*, & ibi notavit *Cujacius*. Excipitur unus casus, quo etiam jure pontificio cogi testes possunt; videlicet si quis testimonium detrectet adeoq; cohibeatur, vel gratia vel inimicitia, odio vel metu, & aliæ probationes deficient. Hoc, inquam, unico casu omnes testes etiam jure Pontificio cogi possunt in omnibus causis, tam criminalibus quam civilibus. Nam quod quidam volunt, nunquam in criminalibus testes cogi posse, malè id colligunt ex *c. pen. extr. d. tit.* ut rectissimè docet *Cujac. ad rubr. d. tit.* Atq; hæc in genere adhuc de testibus cogendis. De testibus autem in causis feudalibus compellendis, vel à Comite (id est à iudice) vel à populo, vel denique his cessantibus ab Imp. duo extant textus, ut in *§. testes vero, t. 26. lib. 1. & vers. qui si denegaverint, tit. 2. lib. 2.* Uterq; locus cum faciat mentionem corruptelæ, à moris, seu gratiæ, odii & precii, videtur intelligendus esse secundum jus pontificium, & secundum illam exceptionem, de qua paulò antè dixi.

9. D. *Quid de iurjurando testium deniq; dicis?*

M. Ut iudex iurjurandum quoddam præstat de re-  
ctè judicando, & secundum præscriptum legum, de  
quo supra dixi, ita & testibus non juratis fides non ad-  
hibetur. Iurjurandi religione arctandi adstringen-  
diq; sunt, l. 9. C. de testibus. Jurare autem debent, se ve-  
ritatem dicturos, neq; ullo pacto velaturos. Feudista  
inquit, *compelluntur jurare, quòd ex ea causa falsitatem  
non dicent, nec vera scientes tacebunt.* Ad quem locum  
notabis: In omnibus causis non minus delinqui sup-  
presso vero, quam còtra verum dicto mendacio. Quò  
pertinet illud Ausonii in præfat. Idyllii 2. *Falsum dicere  
& verum tacere, ejusdem piaculi existimo.* Et Lactantius  
lib. 5. divin. Instit. cap. 3. *Eadem cæcitas est, & vero falsi-  
tatis, & mendacio veritatis nomen imponere.* Hinc ele-  
ganter Plautus in Querulo: *Peterat sapè qui tacet.*  
Tantum est enim tacere verum, quantum & falsum  
dicere. Quam in sententiam & S. Augustinus ad Ca-  
sulanum: *Uterq; reus est, & qui veritatem occultat, &  
qui mendacium dicit: quia & ille prodesse non vult, &  
iste nocere desiderat; quod ejus dictum refert Gratia-  
nus in can. 80. quisquis metu. 11. q. 3. & c. 1. ext. de crim. falsi.*  
Et Chrysostomus homilia 25. in Matth. *Non solum ille  
proditor est veritatis, qui transgrediens veritatem palàm  
pro veritate mendacium loquitur; sed etiam ille, qui non li-  
berè veritatem pronuntiat, quam liberè pronuntiare oport-  
et, aut non liberè veritatem defendit, quam liberè defende-  
re convenit, proditor est veritatis.* Quod autem in tit. 2.  
lib. 2. feud. additur, *jurent tactis sacrosanctis scripturis;* id  
pertinet ad solennitatē iurjurandi; de qua alibi jam  
dictum, occasione scilicet illorum verborum in tit. 5.  
eod. lib. *Ego juro ad hæc sancta Dei Evangelia.* Quid quod  
& Judæi hodieq; ex ordin. Cam. Imperial. part. 1 tit. 86.  
jurantes jubentur dextram manum usque ad carpum  
imponere libro legis dicens, & quidem super illo præ-  
cepto, quod est: *Non adsumes nomen domini Dei tui in  
vanum.* Longobardi etiam tactis armis sacratis jura-  
re solèbant, ut ex ipsorum legibus probat Cujac. ad d.

*2. it. 1. feud. §. si autem controversia.* Jurabant etiam super reliquias sanctorum, quomodo Imp. Otto Magnus Joanni XII. Papæ iusjurandum præstitisse perhibetur per lignum vivificę crucis, & reliquias sanctorum, quas demonstrabat, vel etiam tangebatur, ut est in *c. 13. tibi domino, distinct. 63.* & alibi passim.

10. D. *Satis de probatione per testes dixisse videris. Quomodo autem sit probatio per scripturam in causis feudalibus?*

M. Distinguendum hîc quoq; est inter probationem investiturę, aut alicujus qualitatis feudi, de quo agitur: & inter probationem felonię per scripturam faciendam.

11. D. *Quomodo investitura, aut qualitas, feudi per scripturam probatur?*

M. Vel per instrumentum publicum, vel per registrum principis, quo continetur descriptio bonorum feudalium. Nuss den Saalbûchern.

12. D. *Quale est instrumentum illud, quod vocas publicum?*

M. *Publicum instrumentum* nominatur initio *t. c. §. si verò vassallus, tit. 2. lib. 2. F.* & *instrumentum publicè confectum.* Quia appellatione publici instrumenti, vel forensis (ut vocat Imp. in *l. pen. C. de fid. instrum.*) intelligere debemus id quod confecit tabellio. *Nov. 73. ubi Cuj. & idem in recitat. ad c. 10. extr. de fid. instrum.* Aliās hoc vocant *breve testatum*, ut *t. 2. 3. 4. aliquoties lib. 1. feud. item tit. 32. lib. 2.* Breve sic dicitur, ut aliās *breve Apostolicum*, pro literis papalibus. Reperitur etiam *brevis*, in genere masculino, ut in *l. 5. §. ult. C. de conveniend. fisc. debis. libr. 10.* ubi brevis quidam adseveratur inventus inter chartulas confiscati. Hinc & *breviculum* dictum est, ut in *t. C. de sententiis ex breviculo recitandis*: quamvis Cuj. ibi legi velit, *ex periculo.* Hinc Germanicum nostrum *Wrieff*, quo literas sive Epistolas denotamus. *Testatum* verò pro *descriptione* à veteribus illis & elegantibus JCrîs usurpatur, ut *Ulp. in l. 1. §. rectè, ff. usufructuarius quemadmodum cave. inquit, hæredē & legatarium,*

cui ususfructus sit relictus, debere in testatum redigere, qualis sit res, cū legatarius frui incipit, ut inde apparere possit, an & quatenus res deterior sit facta à legatario. Ubi, *red gere in testatum*, nihil aliud est, quàm descriptionem quandam ( seu Inventarium ) earum rerum conficere. Apparet igitur, Feudistas suum illud breve testatum hinc mutuatos esse. Debet autem id subscriptum esse à duobus vel tribus testibus etiam extraneis, *arg. d. tit. 32. & cæterorum locorum*, quæ supra allegavi, in quibus opponitur testimonium parium curiæ probationi factæ per breve testatum. Licet quidem ita distinguât, ut quo casu dominus possidet feudum, requiratur subscriptio parium: Quo verò vassallus possidet, etiam extraneorum subscriptio sufficiat, *arg. eorum quæ notat gl. ad init. tit. 2. lib. 2.* Ut autem aliàs *exemplis* seu *copiis*, (quæ & *transsumpta* vocât) non creditur, sed originale ipsum sive authenticum instrumentum in iudicio producere oportet ad fidem faciendam, *l. 2. ff. de fide instr. l. 8. ff. fam. ercisc.* cum similibus locis, (nisi exemplar publica manu & jussu iudicis cōscriptum fuerit, cū videlicet antiquum instrumentum periclitaretur, ne deficeret paulatim vetustate, & fugientibus literis. Nam tunc demum inde cōfectum instrumentum eandem auctoritatem obtinet cū authentico, *c. ult. extr. de fid. instru. & adnotavit Cujac. ad c. 1. & 2. eod.* ) ita hîc quoq; oportet originaliter produci breve testatum, vide *Ioseph. Mascard. in tract. de prob. conclus. 941. nu. 7. & Tiber. Decian. consil. 24. n. 23. in 1. vol.* Illud autem vix opus est ut admoneam, instrumentum hoc feudale inter eos tantum vim probationis obtinere, quos inter cōfectum est, eorumque hæredes; non etiam inter alios, hîc enim valet regula: *Rem inter alios aitam, aliis neq; prodesse neq; obesse.* Vide *Henr. Rosenth. c. 6. n. 126.*

13. D. Potestné vassallus à domino, aut vice versa dominus à vassallo cogi ad editionem instrumenti feudalis?

M. Regulariter potest, & tenetur tã vassallus domino, quàm dominus vassallo perenti edere instrumen-



tum feudi; imò etiam subvasallus domino feudi hoc desideranti edere debet instrumentum subfeudationis sibi factæ, nisi longi temporis possessio intervenerit, quæ immunitatem præstat, ne quis cogatur edere. Sed hanc rem suprâ quoq; attingisse memini, cum de mutua obligatione inter vasallum & dominum ageremus. Vide *Borch. c. 8. n. 117. cum seqq. & Ros. c. 8. conclus. 59. & seq.*

14. D. *Quomodo autem per registrum principis fit probatio?*

M. Si ostendatur, bona feudalia in eo descripta existare, quâ de re vide *Aymon. Cravett. consil. 226. in princ. & Matth. de Afflict. in decis. 217. nu. 3. & Mascard. conclus. 768. n. 10.*

15. D. *Quomodo & quando feloniam per scripturam probatur?*

M. Primum, si feloniam scripto sit commissâ: deinde per acta judicialia, quæ nototium facere perhibentur: deniq; per instrumentum in judicio productum.

16. D. *Quomodo feloniam per scripturam committitur?*

M. Id variis modis fieri potest: puta, si vasallus per literas amicitiam contraxerit cum inimicis domini; si literas diffidationis, id est, quibus bellum domino indiceret, seu hostem ejus se profiteretur, (*Wann er ihm Feind oder Absage Brieffe zuschickt*) si injurias graves scripto comprehensas ei fecerit: si per literas alteri mandaverit, ut dominum læderet; si per literas aliquod arcanum domini manifestaverit alteri; si deniq; falsum instrumentum in ipsius grave præjudicium ac dispendium, & grandem patrimonii jacturam confecerit, vel per se, vel per alium, &c. Hæc igitur scriptura adversus scriptorem in judicio producta probationem facit: sed oportet, ut vel agnoscat eâ reus; vel si diffiteatur, ut cōparatione ejusdem manus convinci possit, perinde ut aliâs quoq; in communibus judiciis fieri solet, quâ de re aliâs plenius.

17. D. *Quomodo per acta judiciaria solennia probatur?*

M. Si contumaciam admiserit vasallus, idq; in a-

Etis fuerit adnotatum, siue ut vocant, *registratum*, hæc probata erit probatio; quia acta dicuntur facere siue inducere notorium, *Bald. in l. 1. C. quomodo & quando iudex.* & in *l. ciues, C. de appell.* vide *Bertachinum in reperi-*  
*torio, in verbis: Notorium causatur, notorium autem pro-*  
*batione non eget.*

18. D. *Quomodo per instrumentum in iudicio productum fit probatio?*

M. Si vassallus instrumentum aliquod produxerit, ex quo aliquid contra ipsam desumi potest, nam hoc quoq; agnoscere cogetur, ipsiq; nocebit. Quisquis enim scripturam aliquam pro se profert in iudicio, is omnia in eo comprehensa agnoscere & fateri videtur, ideoq; pati debet, ut etiam contra se adversarius suus inde aliquid depromat. *Jason post gl. in l. 1. §. editiones. ff. de edendo, & idem Jason, Bald. & Dec. ad l. 1. C. eod. l. 9. ubi gl. & Bald. C. de liber. causa, c. 6. cum venerabilis, & ibi canonista, ext. de excep.* Quod idem etiam de testibus valet, ut scilicet testes, quos quis produxit pro se, non debeat contra se recusare.

19. D. *Quid si neq; testibus neq; instrumentis, intentionem suam actor implere petuerit, sed in probatione desecerit, ut objici ei possit illud Pauli, in l. 30. duo sunt Titii ff. de test. tut.* Non tibi ius, sed probatio deficit: *absolvendus ne erit reus?*

M. Jure quidem civili regula est: Actore non probante, cum qui convenitur (id est, reum) tamen si nihil ipse præstiterit, obtinere siue absolvendum esse, *l. 4. qui accusare, C. de edendo, l. 8. frustra, & l. 23. actor. C. de probationibus, l. 11. cogi, C. de petit. hered.* ejusq; rei ratio additur in *d. l. 4* quia neq; juris, neq; æquitatis ratio permittat, ut reus cogatur actori potestatem facere inspiciendorum instrumentorum suorum: atq; ita quasi tela subministrare adversario, quibus ab eo juguletur: unde & vulgò dicitur: *Bis perire, qui suis armis periat.* Indicatur & altera ratio in *d. l. 23.* quia illi qui dicit, non qui negat, probatio incumbit, ut ait *Paulus in l. 2. ff. de probation. cum quo consentit Martianus in l. 21.*

*verius, eod. tit.* Semper, inquit, probandi necessitas incumbit illi, qui agit: cujus regulæ multa exempla sub eod. tit. & passim in jure adferuntur. Estq; inter commoda possessionis unum etiam hoc, quod quamvis possessoris res non sit, tamē in suo loco remanet possessio, si actor non pot. erit probare suam esse, §. *resistenda, vers. commodum: Inst. de interd.* Ita, inquam, jure civili res habet: quamvis interdum si sit inopia probationum, id est, cum aliquatenus, sed non tamen plenè probatum est, possit iudex velut ad supplementum vel reo, vel actori deferre jusjurandum, l. 3. *C. de rebus cred. Nov. 124.* & prolixè explicatur à Dd. ad l. 31. *admonendi, ff. de jurejurando*, ubi Cajus: Solent, inquit, sæpè iudices in *dubis causis exacto jurejurando* (intellige quod ipsi detulerunt,) *secundum eum judicare, qui juraverit.* Quod ait, *secundum eum judicare*, intellige, vel secundum actorem condemnando reum, vel secundum reum absolvendo ipsum, sed longè aliter jure feudali observatur, quo non continuò absolvitur reus actore non probante, quin imò sæpè aliquid amplius præstare prius debet; hoc est, se defendere vel purgare, licet interdum etiam hoc jure locum habeat illa regula, l. 4. *C. de edendo*, ut indicat *Frudista in §. sacramentum, tit. 33. lib. 2. in verbis: Aut actore nihil probante, qui convenitur, etiamsi nihil præstiterit, obtinet.* Sic enim ibi legendum cum Cujacio, deletis illis verbis [*reus tamen absolvitur: vel*] quæ imperitè ab aliquo adfuta sunt: nam qui *convenitur*, periphrasis est *rei*, ut apud Cic. *is unde petitur*, &c. & qui *absolvitur*, is certè *obtinet*.

20. D. *Quotuplex est illa defensio, sive quæ modis sit ea, quam dicitur purgatio?*

M. Tribus. Jurejurando: duello: & exploratione; quæ rursus variis modis fieri solet.

21. D. *Qualis est purgatio sive defensio per jusjurandum seu juratoria?*

M. Hanc jus pontificum vocat *purgationem canonicam*; quia scilicet à sacris canonibus sit approbata. Reliqua duo genera, nempe, duellum & explorationem, idem

idem jus pontificiū vocat *purgationem vulgarem*; quid scilicet vulgus hominum, (in quo, ut ait Cicero, non est ratio, non est mens, non est consilium) illam introduxit, & usurpare consuevit malo more, vide *lib. 5. de cr. t. 34. & seq.* vocantur etiam peregrina judicia, quæ prohibita esse dicuntur in *c. 8. ex tuarum, extr. de purgatione canonica* Sed de his vulgaribus purgationibus, & peregrinis judiciis postea dicetur. Nunc de juratoria, quæ est canonica purgatio, videamus Solet autem ea tunc adhiberi in feudis, quando agitur de feudo, & dubitatur vel de investitura, utrum sit facta, nec ne: vel de qualitate feudi, &c. vide *lib. 1. feudorum, tit. 4. tit. 8. t. 10. & tit. ult. §. si quis verò, & lib. 2. feud. t. 25. §. sed si dominus, & tit. 33. §. sacramentum, & tit. 41. juncto tit. 51. §. si contentio, & alibi Borch. cap. 7. de feud. n. 53.* Et jusjurandum, deferret vel litigator, vel judex. Prius potest deferenti referri, ut ipse potius juret; alterum non potest referri, sed simpliciter suscipiendum est, *d. §. sacramentum, & ibi Cujacius.* quod planè congruit cum jure civili, quo manifestæ turpitudinis & confessionis esse dicitur, nolle nec jurare, nec jusjurandum referre, *l. 38. manifeste. ff. de jurejurando*, qui locus intelligendus est tantum de jurejurando, quod pars parti in judicio defert, non de eo, quod alter alteri extra judicium ex cōventionē: non etiam de eo, quod judex alteri in judicio defert. Neutrum enim horum recusari aut referri potest, *l. 17. in princ. ff. de jurejurando.* Diversitatis causam indicat Cujac. ad *c. fin. extr. de jurejur.* ubi etiam addit exceptionem à superiori regula, qua dicebam, jusjurandum quod pars parti in judicio defert, posse referri. Fallit, inquam, hæc regula in actione furti vel rerum amotarum, quæ est quasi furti actio & injuriarum, in quibus delatum sibi jusjurandum reus referre nequit, *l. 11. §. ult. & 2. ll. seqq.* Ratio est, quia lex nominatim non permisit, ut hîc liceret delatum jusjurandum referre, sicut permisit pacisci, & jusjurandum deferre, *Cujac. d. loco.* Et si autem plerumq; judex possessori defert jusjurandum in causis feudalibus, ta-

men hoc non est perpetuum, nam prout aliquid est quod judicem moveat, id est, prout aliqua adest præsumptio, ita in arbitrio ejus erit, vel huic vel illi jusjurandum deferre. Ex quo facile intelligis, multum hac in re posse auctoritatem prudentiamq; judicis, *d. §. sacramentū, l. 33.* quod & Accursius rectissime adnotavit ad §. *si contentio, in verbo, discernere, tit. 51.* pro quo aliqui & melius quidem, ut videtur, legūt, *decernere*, quomodo etiam paulò antè ibidem legendum putō, *decernere veritatem jurejurando*, ubi vulgo, *discernere*. Monuit idem de judicis potestate in deferendo jurejurando, etiam Cujac. ad §. *si autem controversia, tit. 1. libr. 1. feud.* Et ex cō Borch. *d. c. 7. atq; Giphani. parte ult. tract. feudal.* Sive autem jusjurandum deferatur domino, sive vassallo, & sive ab adversario, sive à judice, is cui delatum est, jurare debet non solus, sed adhibitis duodecim sacramentalibus, quorum aliqui sunt parentes, id est, cognati jurantis; aliqui extranei; quod maximè proprium est hujus juris, valdeq; singulare, *d. §. sacramentum, vers. si à judice, tit. 33.* quem textum elegantem Zasius vocat, & *clavem controversiarum feudalium, p. II. nu. 34.* ubi tamen hanc potestatem judici tum demum tribuit, quando pares ab utraq; parte probationes sunt adlatæ. Canonistæ hoc vocant *duodecima manu jurare*, sicut tertia & quarta manu, item septima aut quinta manu sui ordinis jurare, dicitur in *c. 5. & c. 8. ext. de purgatione canonica*, qui mos loquendi etiam in idiomate Gallico remansit. *Sacramentales* dicti sunt à sacramento, id est, juramento ( sæpè enim sacramentum pro jurejurando usurpatur non solum in *C. & authent.* sed etiam hoc jure feudorum, cum alibi, tum maximè *tit. ult. §. ult. lib. 2. feud.* ubi dicitur, *multum discrepare sacramentum hereditarium à principali sacramento* ) & alio nomine appellantur *conjuratores*, itemq; *purgatores*, vel *compurgatores*, ut passim in tit. decretal. de purgatione canon. in textibus & summariis viderè licet. Cur autem parentes seu cognati adhiberi debeant, & non soli extranei jurent, ratio in promptu est; quia cognati

melius

melius ac facilius scire creduntur res cognatorum quam extranei, sicut & vicini vicinorum. Est tamen hac in re melior quodammodo conditio domini quam vassalli: videlicet quod non præcisè dominus sex parentes sacramentales adhibere cogitur, quemadmodum vassallus, d. §. *sacramentum*, & ibi notat Accurs. in glos. verb. §. *vult*. Forma istius jurisjurandi in sacramentalibus hæc olim recepta fuit, ut omnes conjuratores manus suas imponderent supra capsam, & principalis omnibus super imponderet suam manum, ac verba cæteris præiret, ut ex legibus Alemanicis, tit. 6. probat Hotom. in *Lex feud. in verbo sacramentales*.

22. D. Atqui de alieno facto jurare res est conjuncta cum periculo ancipitis perjurii, arg. l. videamus. ff. de in litem jurrando, l. 11. ff. de act. rer. amot. Non vid. batur igitur admit-tenda esse hac jurandi ratio per sacramentales?

M. Rectè mones, & hanc objectionem Hoto. quoque movet, cap. 43. disp. feud. post Accursium ad verb. *conscientia*, tit. 33. lib. 2. feud. in §. *sacramentum*. Sed respondendum est, sacramentales istos non tam de alieno facto jurare, id est, dominum fecisse investituram vel non fecisse, quam de sua conscientia, ut ait textus feudalitatis: id est, omitta mentione crudelitatis. Ratio differentiæ est, quia in rebus nostris ac propriis ita certi esse debemus, ut non opinemur aut credamus, sed sciamus: nec in his ita probabilis est ignorantia, sicut in alienis, in quibus non debemus esse nimis curiosi, & sufficit opinari seu credere, vel non. Ita intelligendus est text. in d. tit. 33. vers. *& juravit, cum versic. dominus quoq.* Sic & hæredis jusjurandum differt à jurejurando principalis seu antecessoris: cum hæredem sufficiat jurare de sua credulitate, quod nõ est satis in persona principalis, §. ult. tit. ult. lib. 2. ubi qui allegantur textus ex jure civili iis addi potest l. qui in alterius, ff. de reg. jur.

23. D. Estne hoc perpetuum, ut tam dominus quam vassallus juret adhibitis XII. sacramentalibus?

M. Imò nonnunquam dominus absolvitur injuratus,

ratus, jurejurando in totum ei remisso, *d. §. sacramentum, & §. ult. tit. 33.* Nonnunquam conjuratores sive sacramentales ipsi remittuntur, & solius domini religioni statuitur; nempe si vasallus sit actor sive Gastaldius ejusdem ex causa alterius feudi, de quo non sit controversia, & dicat, se investituram alterius quoq; feudi, quod dominus possidet, ab eo accepisse; nec tamen probare possit, quod intendit. Hoc casu quamvis stricto jure dominus idemq; possessor se defendere deberet adhibitis XII. sacramentalibus, tamen ex æquitate ipsi remittitur ista necessitas defensionis. Debetur enim hic honor seniori sive domino, pro quo etiã hic est præsumptio, ne quærendis & adhibendis sacramentalibus se fatiget, ut est *text. in tit. 4. lib. 1. feud. & tit. 10. & tit. 26. eod. Cuj. ad §. si autem controversia, t. 1. lib. 1. cont. cap. ult. method. feud. Borch. c. 7. n. 54.* Notabis autem in *d. t. 4.* inter se opponi hæc duo: *Ex ordine, & ex æquitate;* perinde scilicet, ut in jure civili *jus strictum, jus rigidum,* sive *rigor juris* æquitati, sive æquo & bono. Ut autem dominus intetdum solus jurat, de quo jam dictum; ita & vasallus sine sacramentalibus aliquando jurare potest, nempe quando per annũ in possessione feudi fuit sciente & patiente domino, qui postea negare velit, se vasallum investisse, *§. si autem aliquis, tit. 26. lib. 1.* Hic igitur vasallus si juraverit solus, relinquetur penes ipsum possessio feudi, quemadmodum fit in causa interdicti: Uti possidetis, *Cuj. d. loco, & Borch. n. 54.* Est etiam quando vasallus cum uno vel duobus convasallis suis jurat, ut in *const. Henrici II. apud Cuj. li. 5. feud.* nempe si agatur de servitio aliquo, quod vasallus ait se præstitisse domino intra annum, domino id negante. Horo. putat ad *d. constit.* tantundem ibi valete tres pares curiæ, quantum aliàs XII. sacramentales, qui non sunt pares. Est deniq; casus quo neutri defertur conditio jurisjurandi, sed dominus est potior in lite, videlicet si dominus probat, se prædium alicui concessisse non jure feudi; sed jure Gastaldix vel pignoris. Tunc, inquam; dominus in lite potior erit, nisi possessor cõ-

tra pro-



tra probet investituram, quæ secuta sit illam Gastaldia vel pignoris constitutionem, vide *Cujac. d. loco, & Ant. Cont. d. c. ult. in fin.*

24. D. *Quid si neuter possideat, neq; actor, neq; reus?*

M. Hoc casu neuter habebit juratoriam defensionem: sed quia deficit jus feudale, utemur jure civili, ut scilicet probet is qui dicit, non qui negat, *l. 2. ff. de prob. c. ult. extr. de jurejur. vide Cont. d. c. ult.*

25. D. *Estne talis consuetudo jurandi adhuc in usu?*

M. Imò recessit hoc ab aula; neq; moribus nostris receptum est, *Zas. p. II. n. 36.* cujus desuetudinis causam esse puto; quia hic subest anceps periculum perjurii, cum quis pro alio etiam ex sua opinione, non ex rei veritate jurat, & devovet fiduciâ inductus nimia probitatis & innocentie alienæ, quæ, ut quotidiana testatur experientia, non semper respondet opinioni. Nam, ut ille ait, *Fronti nulla fides.* In Dania tamen audio illum morem jurandi adhibitis XII. conjuratoribus, hodieque durare ac frequentari, non quidem in feudis, sed in aliis causis, etiam criminalibus.

26. D. *Quid si non de feudo ejusq; investitura & qualitate, aut etiam servitius agatur; sed de feloniam seu crimine infidelitatis, habetne etiam tunc locum ista purgatio; sive defensio juratoria cum duodecim sacramentalibus, sive duodecima manus, ut loquuntur?*

M. Hoc casu si de feloniam vasallus, vel etiam dominus incusetur, non puto unquam receptum fuisse, ut per jusjurandum & sacramentales se purgarent: nullum certè hujus rei vestigium aut in libris istis, aut in historiis extare reperio, sed potius aliis modis purgatio fiebat; nempe, duello, ferro candente, aqua fervente aut frigida, de quibus mox dicetur. Jure tamè canonico receptum fuit, ut etiam de criminibus suspectus & diffamatus hac ratione se purgaret, licet nō semper 12. sacramentalibus seu juratoribus adhibitis, sed tribus duntaxat, vel quatuor, vel septem, vel interdum quatuordecim, in *tit. cap. 10. extr. de purgat. canon.* quod ut supra admonui, vocabam: *Tertia, quarta, septima, decima.*

*decima quarta manu jurare.* Quod autem Innocent. 3. in d. c. 10. ait, purgationem 14. manus indicendam, si vera est lectio vulgaris, mala est Grammatica: debuit enim dicere purgationem 14. manuum, vel purgationem per quatuordecim manus, vel etiam, purgationem quartæ decime manus, quo modo crediderim Pontificem, qui bonus fuit J.C. scripsisse, & errorem postea natum ex nostratibus notis, quod non est infrequens. Septima quidem manu jurare dicitur non solum in c. 8. extr. de purgatione canon. sed etiam in cap. 2. requisisti. 33. quest. 1. & c. 33. ubi notat hoc Cujacius, extr. de testibus. Deniq; in § si rusticus militem, t. 27. lib. 2. ubi vulgò manus sua, sed Hor. restituit manu septima. Observabis benè quinq; potissimum capita ex illo t. de purgatione canonica, ad quem ordo interpretationis nos jam deduxit, l. c. continet aliquot exēpla, in quibus purgatio ista admittitur; ut si quis insimuletur vel infametur de homicidio, quod tamen contra eum nō probatur, hic debet jurejurando se purgare, c. 8. d. 1. item, si moniales libidinibus inservire accusentur, c. 3. eod. item si quis arguatur consensum vel operam præbuisse raptoribus alienarum sponfarum, c. 4. eodem, item si quis diffamatus sit quasi fautor & familiaris hæreticorum, cap. 10. eod. item si Presbyter infamatus sit, quasi negligens vitæ suæ, & pravis exemplis malè de se suspicandi ansam hominibus præbuerit, c. 2. eod. item si Episcopus de Simonia, c. 5. ordo. Sequitur quales esse debeant compurgatores, de quo ait c. 7. debere esse idoneos ejusdem honestatis & opinionis, ut non sit verisimile, eos amore vel odio, vel obventa pecunia sive sordibus pejorare velle, hoc amplius debere notam habere vitam & conversationem illius, quem purgare debent, sive pro quo jurant. Item, debere personas esse non solum honestas, sed etiam vicinas, d. c. 7. & c. 11. cum dilectus, eod. tit. Tertiò notandum est, quid jurare debeant compurgatores, nempe, non quidem de veritate, id est, quòd verè sit innocens ac purus criminis ille qui insimulatur de eo, aut diffamatur; sed de sua credulitate & conscientia,

scientia, se videlicet credere eum verè ac liquidò jurasse, *c. 5. in fin. eod. tit. & c. 13. de testib. eod.* Quartò observandus est locus, ubi fieri debeat ista purgatio, de quo hanc regulam tradit Innocent. II I. in *d. c. 10. inter.* ut ibi purgetur, ubi quis infamatus esse noscitur. Hujus ratio est, ut scandalum, quod ibi maximè præbitum est, tollatur. Cui non est ab simile, quòd etiam publici latrones, eo maximè loco supplicio adfici solent, ubi deliquerunt, *l. 28. Capitolium, § famosos. ff. de pœnis.* Ratio est, primùm, ut ubi contractum est crimen, ibidem etiam expietur; deinde, ut conspectu alii deterreantur à similibus facinoribus. Deniq; , ut pœna ibidem reddita, solatio sit cognatis & affinibus interfectorum. Quintò, observanda est pœna deficientis in purgatione, quæ est ut habeatur ac puniatur pro convicto, verbi gratia; si diffamatus sit presbyter, deponatur ab officio, omniq; Ecclesiastico beneficio privetur. Postremò & VI. observanda est exceptio, sive casus, in quibus purgatio ista non admittatur, nempe in criminibus manifestis, ac notoriis: verbi gratia, si totus populus notoriæ vicinæ sit testis, *c. pen. vers. dicitur enim; juncto c. 4. eod.* Ratio exceptionis est, quia si tunc quoq; locus daretur purgationi juratoriæ, aperiretur fenestra perjuriis, quod fieri non debet. Atq; hæc velut in transcurso de purgationibus criminum per jusjurandum infamati & compurgatorum, sive sacramentalium.

27. D. *Post juratoriam seu canonicam purgationem explices mihi velim reliquas species defensionum.*

M. Fiebat innocentiae ostensio, vel divino, vel humano judicio. Sic enim partitur *Imperat. in §. si miles rusticum, titul. 27. de pace tenenda, libr. 2. feud.* Divinum judicium vocabant explicationem per ferrum ignitum, vel aquam ferventem, & cæteras species, de quibus infra. Humanum judicium appellabant, probationem innocentiae per pugnam, sive singulare certamen, quæ Græcis *monomachia*, & vulgariter *duellum* dicitur; sic enim dictum locum exponit *Accursius in*  
gloss. ad

*gloss. ad d. titul. 27. quam tamen expositionem refellam infra.*

28. D. *De duello quid habes dicere?*

M. De toto hoc loco singularis certaminis luculenter scripserunt hi auctores: *A. Alciatus in lib. de singulari certamine, Fernand. Vasq. libr. 1. ult. controvers. cap. 49. ubi differit; An & quatenus licitum sit duellum, Bernh. Sacc. lib. 9. historia Ticinensis, c. 8. 9. 10. & 11. Franc. Hot. disput. de feud. c. 45. qui & lib. 3. feud. aliquot legibus & constitutionibus ponit, ut Othonis IV. ex legibus Longobardicis, lib. 2. tit. 34. Friderici I. ex const. Neapolit. lib. 2. tit. 32. 33. & 40. Phil. Pulchri regis Gall. ex decis. Guid. Papa decis. 67. Denique ex Speculo juris Saxonici lib. 1. à tit. 63. lod. Damhoud. in praxi rerum crim. cap. 42. & seqq. Petrus Martyr in locis communibus, classe 14. loco 18. Angelus Matthaeus professor Patavinus libr. 1. de vi & ratione juris, c. 32. Franc. Soub. tract. de feud. n. 75. cum seqq. ubi plures allegat Henr. Boer. de jure belli sive pugna, lib. 2. c. 1. & seqq. Deniq; Phil. Cam. noster cent. 2. med. histor. c. 19. & seqq. ubi exempla illustria hujusmodi singularium certaminum hinc inde ex historiis collecta, recenset. Hos & similes auctores ubi legeris, nihil admodum desiderabis eorum, quæ ad duelli jura pertinent. Dicenda tamē & mihi pauca hac de re existimavi, & quidem per hæc 8. capita cundo. Primum, de vocabulo & origine duelli. Secundò, de definitione. Tertiò, de divisione. Quartò, de personis, quæ duellum committere possunt. Quintò, de rebus super quibus duellum committi solitum sit, & quæ sint requisita duelli super causa criminali. Sextò, de forma seu modo ejus committendi. Septimò, de jure seu effectu singularis certaminis. Octavò, de iis sive regibus sive Pontificibus, qui jura illa duellorum vel omninò tollere, vel certè earum licentiam coarctare & refrænare sunt conati. In quorum capitum faciliore tractatione plurimum me scriptis Bernhardi Sacci & Fr. Hoto. adjutum esse, libenter & ingenuè profiteor, neq; enim turpe est, sed ingenui potius animi fateri per quos profeceris, teste*

Plinio.

Plinio. De singulis igitur hisce capitibus eodem quo proposui ordine, me interrogare poteris.

29. D. *De nomine duelli quid ais?*

M. Duellum à duobus sive duabus partibus factum vocabulum vet. Latinis idem prorsus valet, quod bellum, teste *Varrone libr. 6. de lingua latin. & S. Pomp. Festo*, imò hoc ex illo factum est per contractionem, & mutationem unius literæ. Hinc perduellis in l. 234. *Quos nos hostes, & ibi Alciatus aliq., ff. de V. S.* Perduelles, inquit, cum quibus bellum nobis est. Hinc postea dictum est perduellionis crimen, eorum scilicet, qui hostile quid contra Rempubl. vel Principem moliti sunt, quiq; hostili animo adversus Rempubl. vel Principem animati sunt, ut explicatur ad §. 1. *Inst. de publico jud. & in l. ult. ff. ad l. Iul. majest.* hinc etiam duellicus, ut apud Lucret.

——— *Equorum duellica proles.*

Postea depravata lingua latina per Gothorum & aliarum gentium in Italiam diruptiones duellum dici coepit, quod latini *singulare certamen*; Græci, ut aiebant, *monomachiam*, qualis in historia sacra describitur pugna Davidis cōtra Goliathum Philistæum inuinitatæ magnitudinis bellatoris, qualia item nō pauca in historia Romana occurrunt exempla apud Livium & alios.

30. D. *Origo duelli qualis est, aut à quibus populis inventa?*

M. Sicut institutum ipsum feudorum esse Germanicum aliàs docui, ita duella quoq; ab iisdem creberimè usurpata, & in Italiam ac Galliam importata fuere; nam tamen si mulcarum etiam aliarum gentium hoc institutum fuit, ferro dirimere controversias, quæ jure & iudicii legitimo tramite componi non potuissent (unde & *Cic. in li. de offic. duo disceptandi genera facit; unum jure, alterum vi; quorum istud tum demum probat, cū prius illud locum habere non potuit.*) Præcipuè tamen Germani jam ab antiquo hunc morem habuerant, ut controversiarum

disceptationes committerent dubiè duellorum alex,  
 & incerto armorum eventui, manibus litam haberet  
 jus, quemadmodum apud Hesiodum inter ferrei se-  
 culi homines, & qui viribus, idem etiam jure supe-  
 rior esset habendus. Sic *Vellejus Paterculus lib. 2.* testa-  
 tur, Germanos, ad quos debellandos Augustus Quin-  
 tilium Varum cum legionibus miserat, circumven-  
 endi ipsius causa simulasse sibi ipsius novum institu-  
 tum ac disciplinam magnoperè probari, pro eoque  
 gratias ipsi agere, quòd lites & controuersias, quas ip-  
 si armis ex provocatione discernere soliti essent, ipsi  
 Romanâ justitiâ & jure potius terminare atque deci-  
 dere inciperent. Itaq; & Longobardos monomachix  
 consuetudinem retinuisse, secum etiam in exteras re-  
 giones, quas armis occupârunt, intulisse, nihil mirum  
 est. Consuetudinis enim, præsertim inveteratæ, ty-  
 rannica quædam vis est, quæ difficilimè extirpatur,  
 quantumvis fortè vitiosa sit, cùm sit altera quodam-  
 modo natura, imò etiam sæpè ipsâ naturâ potentior,  
 posteaquàm vires diuturnitate acquisivit. Sic ergò et-  
 iam Longobardicis legibus aliquid hac de re interen-  
 dum sancendumque fuit, quamvis ab invitis eorum  
 regibus piis ac religiosis viris, ne scilicet consuetudo  
 per se mala neglecta etiam pejor ac dissolutior evade-  
 ret. Tres autè potissimum causas animadvertit *Bern-  
 hardus Saccus*, introductæ ac retentæ inter Longo-  
 bardos monomachix, primò defectum legum, quod  
 scilicet iis non omnes ambigui & contentiosi casus  
 vel articuli comprehenderentur, ideoque ad eas con-  
 trouersias tollendas necessariò ad manus veniendum  
 fuisset, secundum illud vulgò jactatum: *Sinon suffi-  
 ciunt jura, veniamus ad arma.* Nam feritas illius gentis  
 in causa fuit, ut omnibus aliarum nationum legibus  
 posthabitis, ipsi sibi proprio jure per consuetudinem  
 constituerint, confirmata postea à suis regibus, duci-  
 bus & judicibus, ut scribit idem *Saccus cap. 7. lib. 9.* Se-  
 cundò, licentiam militarem, cui cùm non potuerit o-  
 mninò compesci, aliquid indulgendū fuit. Non enim  
 poterat

poterat hæc opinio prorsus evelli militatibus animis, quia putabant turpe, ignominiosum ac perniciosum, etiam alterius insultum in alterum insurgentis aut percuti, aut fugere; sed potius decorum & gloriosum, insurgentem armis repellere, eoq; jure uti, quod natura omnia animalia docuit, *l. ut vim, ff. de just. & jur. l. 1. ff. si quadrupes pauperiem*. Tertio concursum, conglobationem & factiones cognatorum atq; amicorum utriusq; partis, quibus nimium adauctæ fuissent contentiones. Quare tolerabilius visum fuit duobus permittere singulare certamen, quam plures ad ejusdem periculi societatem admittere. Hanc igitur originem duella habuerunt, nimirum ferè eandem cum bellis, quæ juris gentium esse constat ex *l. 5. ff. de justitia & jure*. Nec verò soli Longobardi aliique Germani hunc motem habuerunt dirimendi armis controversias, sed reperio etiam apud Ombricos idem expediarum litium remedium in usu fuisse. Sic enim Nicolaus Damascenus, magnæ quondam apud Aug. & Herodem Regem auctoritatis historicus, de illis scriptum reliquit in lib. de moribus gentium: *Ὀμβρικοὶ ὅταν πρὸς ἀλλήλους ἔχωσιν ἀμφισβήτησιν, καὶ τοπλιδέντες ὡς ἐν πολέμῳ μάχονται καὶ δοκῇσι δικαιοτέρα λείπειν, οἱ τοὺς ἐναντίους ἀποσφάζαντες, hoc est: Ombrici quum inter se controversias habent, pugnant armati, ac si bello congregiendum esset: & videntur justiorein habuisse causam, qui adversarium interemerint.*

31. D. *Duellum quomodo definitur?*

M. Pragmatici quidem vulgò sic definiunt, quòd sit singularis pugna inter duos ad probationem veritatis. Item, quòd sit pugna corporalis deliberata, hinc inde duorum ad purgationem vel gloriam cōsequendam, vel ad odii exaggerationem tendens. Sed *Hotom. d. c. 45.* hanc definitionem reprobat, eò quòd non modò duorum, sed & plurium esse possit duellum, quare ipse sic potius vult definiri, quòd sit duorum pluriumve concertatio, ea lege instituta, ut ex ipsius eventu de



re ambigua dijudicetur. Concertatio sive pugna loco generis ponitur, cui differentiarum loco adduntur ceteræ, a lege, ut ex eventu de re ambigua dijudicetur; quibus verbis hæc species pugnae discernitur a ceteris, quæ aut belli aut latrocinii, aut rixæ aut spectaculi tantum causa instituuntur. Ex eventu, id est, pro ut victoria ab hac vel illa parte steterit; quasi scilicet vix aliter fieri posse putandum sit, quàm ut Deus justæ causæ patronus ac vindex sit, ejusque victoriam largiatur, quod tamen interdum fallit, cum constet aliquos etiam in causa justa succumbere, occulto Dei judicio: sed nunquam injusto id permittere. Quocirca poeta:

———— Careat successibus opo,

*Quisquis ab eventu facta notanda putat.*

Cui similis extat sententia apud Diodorum Sicul. Exemplum nobilissimæ controversiæ per duellum decisiæ extat in historia Othonis Primi, sive Magni, cum incidisset quæstio: *Utrum nepos unà cum patruo succederet avo, an verò à patruo excluderetur.* Et victoria cessit, qui nepotes ad successionem admittebant, an inter filios computabant. Vide historicos citatos a Cujac. ad tit. 4. lib. 1. feud. & Hoto. illust. quæst. 3. & cap. ult. disputationis de feudo. Borch. quoq; cap. 7. nu. 50. plura refert exempla.

32. D. *Quotuplex est duellum?*

M. Duplex: Aliquando enim committitur inter ipsos principales, sive eos, quorum interest, & quorum res est propria: aliquando inter alienos. Nam interdum potest quis etiam propugnatorem pro se dare, sive partes pugnandi quasi delegare alteri mercede conducto, vel etiam gratis delecto; nimirum, si quis ipse parum idoneus esset ad pugnam vel ætate, vel morbo, aliavè imbecillitate præpeditus. Feudistæ hunc propugnatorem vocant *campionem*, non tam à campo, sive circo decertantibus definito ac circumsepto, ut putat Bernh. Sacc. c. 9. & Hoto. in text. feud. quàm à Germano *temppfen*, quod est certare, poterit etiam elegan-

ter vocari *vicarius pugna*. Potest etiam ita dividi duellum, ut aliud sit inter duos, aliud inter plures utrinque delectos. Exempla utriusque generis plurima videre licet apud *Hotom.* & *alios*.

33. D. *De personis duello pugnantium quid ais?*

M. Primum oportet, ut concertatum sint par conditionis ac dignitatis, verbi gratia, ut si unus sit miles, etiam alter sit miles, non paganus: si unus nobilis, etiam alter sit ejusdem generis, *d. tit. 27. libr. 2. feud.* Indignum enim esse visum fuit, ut quis cum eo, qui dispar sit conditionis & dignitatis, in certamen descendat, quamvis ut aliis in rebus, ita hinc quoque nemo prohibeatur suo juri renunciare, atque ita etiam ad eum se demittere, qui inferioris sit ordinis. Contra eum verò adversarium, qui dispar esset vel dignitate, vel viribus, vel ætate, vel aliis rebus licebat campionem dare, sive vicarium pugnae subrogare, ut paulò antè dicebam, *argument. § si rusticus, titul. 27. libr. 2. & legum Longobardi. libr. 1. titul. 11. & libr. 2. tit. 54.* Deinde in personis requiritur paritas, & similitudo armorum; cujus rei æstimatio erat penes præfectum duelli, sive arbitrum. Præterea à personis exigebatur jusjurandum calumniæ, quod præstare debebant campum ingressi antequàm pugnam incœpissent; nempe, quòd credant se justam fovere causam, neque calumniandi animo vel astu, id est, dolo malo, ad pugnam descendere. Idemque jusjurandum calumniæ etiam campiones præstare cogebantur, & hoc amplius, quòd non essent prævaricaturi, sed optimo studio adjuturi principales suos, pro quibus pugnant, vide *titul. 37. libr. 2.* Constituit, Neapolitanarum morte multabatur, ut docet 39. *in iisdem constitut.* Aliquando etiam cogebantur pugnaturi jurare (Longobardicæ leges hoc vocant *extendere manum suam*, phrasi Biblica Hebræis usitata, de qua eruditè monuit Janus Drusius, post Robert. Stephanum in phrasibus Hebræicis) quòd nullis herbis aut aliis rebus ad maleficiū sive incantationes pertinentibus sese

munivissent, ut extit. 112. de *campionib. in legib. Longobard.* probat *Bernhard. Sacc. libr. 9. c. 10. & Hoto. in verbo, Campio.*

34. D. *Super quibus rebus & causis duellum committi solebat?*

M. De omnibus causis, tam publicis, quam privatis, tam Ecclesiasticis, quam laicorum litibus, tam capitalibus, quam pecuniariis, sive tam criminalibus, quam civilibus licebat jure Longobardorum duello adversarium provocare, ut docet *Hoto. in d. c. ult. post Bernhard. Sacc. d. lib. 9. c. 9.* ubi in tres causas hæc omnia partitur. Primum, pro salute & fama. Secundò, pro rebus & bonis. Tertiò, pro fama tantum; eaq. vel propria vel aliena. De rebus sive causis publicis committitur duellum: verbi gratia, quando duo reges vel Imperatores de summa Imperii inter se certant, ea lege, ut victus dedat victori urbem, agrum, aras, focos, &c. Exempla vide apud *Hoto. cap. ult.* qui & locum ex Amphitruone Plaut. egregiè huc facientem profert. Ad publicas causas etiam refero crimina, sive judicia publica, ut læsæ majestatis, adulterii, homicidii, veneficii, incendii, furti, vis, &c. Privata judicia sunt, ut convicii seu contumeliæ, felonix, seu infidelitatis, causæ libertatis sive actio præjudicialis, item actio depositi abnegati, venditionis vi aut metu extortæ, debiti paterni, de re mobili vel immobili malo ordine possessa, item de nuptiis puellarum nobiliû & regiarum. Et de felonix quidem duello cõcertari solere, habes t. 39. in *fi. lib. 2. feud.* sicut de homicidio, quod quis defensionis suæ causa commisisse ait, est §. *si quis alium*, tit. 27. libr. 2. *feud.* De cæteris exemplis vide ll. Longobardicas, & Constit. Neapolit. quas & *Bernhard. Sacc. d. c. 9. & Hoto. d. c. ult.* allegant. Quodd si de criminali causa duellum committeretur, quatuor necessaria erant requisita, ut vocanti primum, ut certò constaret facinus esse commissum. Secundò, & quidem ut facinus esset capitale. Tertiò, ut occultum esset, cujus probatio nulla extaret. Quartò, ut is cui crimen objiceretur,

argue-

argueretur & urgeretur indiciis quibusdam ac præsumptionibus, & suspicionibus, ex quibus tamen solus nemo condemnandus est, *l. ult. C. de prob. l. dolum, C. de dolo malo*; quæ quatuor requisita ex edicto Philippi Pulchri collegit *Guido Papa, decis. 617.* & probat *Hotom. d. c. ult.* ubi ipse etiam addit, nempe, ut excipiat furtum, de quo non debeat duellum committi. De Ecclesiasticis litibus, quod etiam in his locum habuerit duellum, probatur per Constitutionem Othonis IV. quam consentiente Papa promulgavit in Italiâ. In universum autem, ut legitimum sit duellum, *Bernhard, Sacc. d. loc.* ponit quatuor requisita principalia. I. causam idoneam, & concertatione dignam. II. Necessitatem & auctoritatem judicalem. III. Impossibilitatem probationis & reprobationis, id est, ut res aliter quàm isto modo probari non possit. Quartò permissionem consuetudinis aut legis. Extra hos casus & has condiciones ait nemini licere imperioso quodam actu, & citra iudicii auctoritatem alterum provocare ad certamen, ut hodie malo more fit: quod etiam scribit improbari *Ant. Massa Galefio*, quem auctorem mihi nondum contigit videre.

35. D. *Quid de forma sive modo singularis certaminis dicis, sive qualis est ordo pugna?*

M. Forma, modus sive ordo duelli legitimi committendi in his potissimùm novem capitibus consistit. I. Ut ante omnia à magistratu licentia pugnandi peteretur. II. Certamine decreto rex tempus locumque certamini designabat. III. Uterque pugnatorem dabat pignus, provocator quidem prius; lacessitus autem posterius. Et plerumque pignus illud erat chirotheca, quo tanquam symbolo non solum fidem mutuam adstrangebant, sed etiam de sumptibus in eam rem factis victori restituendis ex bonis victi. IV. Campus in quo pugnaturi erant, funibus aut repagulis, seu perticis aut palis, aut cancellis undique includebatur; quibus tantum aditus spectatorum circumstantium, non etiam prospectus arceretur. Addebantur

etiam milites aliquot campo custodiendo præfecti, qui præcaverent, ne quis ad pugnatōres irrueret, alterique contra alterum ferret auxilium. V. Adsciscēbat etiam sibi utraque pars aliquot socios & amicos pugnandi peritos, à quibus ante pugnam instruerentur, quo pacto se quisque tueri, & adversarium facili-  
mè lædere posset. Habebat etiam uterq; armigerum suum, quem *collibertum* vocabant, sicut socios parentes, item patrilos & patronos. VI. Præerat duello vir aliquis primarius, & dignitate præstans, cui in consilio aderant aliquot adfessores. VII. Arma utrinque paria adferebant; & quidem provocator ad conditionem lacesiti, (cujus erat optio armorum) se accommodare cogeatur. Nec in armis tantum eotumque qualitate, verum etiam in cæteris rebus omnibus, quantum omnino fieri poterat, æqualitati studebant, aded ut si quis integer cum lusco, aut manco aliquo congredi vellet, cogeretur prius sibi eam partem corporis, qua ipse adversarium vincebat, fasciola aut ligamento præpedire, ne videlicet ulla in re adversarium superaret. VIII. Præstabant pugnaturi jusjurandum de calumnia, de quo jam supra dictum. Sæpè etiam fors mittebatur uter initium feriendi facere deberet. Conveniebant denique inter se de numero ictuum & plagarum, quoties alter alterum ferire deberet. IX. Finis certaminis non semper erat mors adversarii; sed ferè vulnus tantum, non letale, idque arbitrio judicis & adfessorum. Solebat autem victus manum dare victori, quo ritu profitebatur se ab eo victum esse. Nam ut vetus Poëta: *Qui vicit non est victor, nisi victus fatetur.* Quod si nondum vellent desistere (ut est difficile caloris impetum reprimere, & ut vulgò ajunt, plagas & verbera quasi ad mensuram infligere) finis pugne etiam per præconem jussu magistratus proclamabatur; de quo toto ordine, modo, ac processu duelli plura vide apud *Sacc. libr. 9. cap. 10.* & *Hotoman. d. cap. ult.* apud quem etiam reperies leges de singulis ferè capitibus productas.

36. D. *Ius duelli sive effectus pugna cujuscumque est?*

M. Primum respectu provocati, qui pugnam directavit, quivē conditionem pugnandi ab adversario oblatam acceptare noluit, jushoc est, ut pro confesso, convicto ac condemnato habeatur. Idem est si quis vel delata vel acceptata semel conditione, postea ad diem duello præfinitum non adfuerit, videretur enim uterq; diffidere justitiæ suæ causa, alioquin pugnaturus, præsidio fretus divino & armorum; nam quod eleganter ait Ovidius de milite, idem etiam huc accommodare possumus:

*Frangit & attollit vires in milite causa:*

*Quæ nisi justa subest excutit arma pudor.*

Deinde qui duello superatus fuisset, pro eo habebatur, ac si judicalem sententiam cōdem. natus excepisset: proindeq; si causa esset criminalis, eodem supplicii genere adiciebatur, quod leges interrogabant convicto, & condemnato judicialiter; verbi gratia, amputatione dextræ manus ob crimen homicidii, vel falsi, vel perjurii, &c. Deniq; si procurator, qui alterum lacesivisset, inferior ex certamine abiisset, pro calumniatore, id est eo, qui falsum crimen alteri intentasset, habebatur, vide *Hotom. in disp. de feud. c. ult. prope finem.*

37. D. *Quid de duelli abrogatione & de consuetudine dicis, quod erat extremum caput abs te supra propositum?*

M. Cum agnoscerent & Longobardorum pii religiosiq; reges, & Pontifices Rom. atq; Imp. quidam, impium esse, hanc consuetudinem inter privatos ita depugnandi, & ambigua causarum fata armis decernendi, utpotè, per quam Deus tentatur (quod quæ legibus ac jure disceptarentur melius, severè prohibemur divinis literis) Pontifices quidem planè reprobaverunt duellorum institutum. Sic enim ex decretis Nicolai refertur in *canon. 22. monomachia 2. quest. 5. monomachiam verò in lege non adsumimus. Ubi omissum puto à librario vocabulum, nova, & legendum: In lege nova, non adsumimus*: id est, in novo testamento, ut rectè exponitur in summatio d. c. quæ est lex gratiæ seu

Evangelica, ut sæpè *novalex* à sanctis patribus dicitur, pro *novo testamento*; ut cùm dicunt *sacramenta nova legis*. Cui opposita *vetuslex*, est verus Testamentum. Sic *Celestinus* 3. in c. 1. extr. de probatione vulgari, descripsit; Duella neq; in Ecclesiasticis possessionibus, neq; in aliis casibus ullatenus debere sustineri, cujus prohibitionis duæ redduntur rationes in summario d. c. Una, quia Deus hoc modo tentari videatur, quæ est sumpta ex c. ult. eod. tit. & ex d. cap. monomachiam. Altera, quia per hujusmodi purgationem sæpè fiat, ut condemnetur qui erat absolvendus, & ut multi sub clypeo justitiæ concidât, ut dici solet. Exemplum recitat Innocentius III. in c. 12. eod. tit. Accusati erant quidam de furti crimine, & pugnandi sui causa delictum inire coacti fuerât cum accusatore; sed in eo certamine succubuerunt; fortè quoddam aliis peccatis essent præpediti, ut maximè in præsentī causa innocentes essent. Repertis enim postea apud alios rebus furtivis, detecta fuit ipsorū innocentia. Quo facto Papa mandavit consulibus Spoletanis, ut ipsi restituerent bona universa, quibus eos tanquam furci convictos spoliaverant.

Reges autem Longobardorū, ut Rhotarius & Luitprandus, quamvis animū adjecerint ad impiam hanc legem extirpandam abolendamq; (qua in re imitati videntur Constantinum Magnum, qui & gladiatoria certamina multò antè prohibuerat in l. unic. C. de gladiatoribus penitus tollendus, ii. ubi *cruenta* vocat *spectacula*; contra quæ cùm alii, tum Tertullianus gravissimè scribit in libr. de spectaculis) tamen cùm id quod volebant obtinere statim non possent, propter inveteratā scilicet consuetudinem, qua ea lex corroborata erat, (difficilimè autem antiqua gentis consuetudo, quæ ei sic inolevit, ut jam quasi in naturam verterit, funditus extirpari potest) id saltem effecerunt, ut licentiam illam pugnandi comprimerent nonnihil atque coercerent: Incerti sumus, inquit Rex Luitprandus, de iudicio Dei, & multos audivimus per pugnam sine justa causa



causa perdere causam suam, *l. 23. tit. de homicidio liberi hominis*. Idem animi fuit Imp. Friderico II. ut apparet ex his ejus verbis *lib. 2. tit. 33*. Monomachiam, inquit, quæ vulgariter duellum dicitur, paucis quibusdam casibus exceptis, in perpetuum volumus locum non habere, quæ non tam vera probatio, quam divinatio dici potest, quæ naturæ non consona à jure communi devians æquitatis rationibus non consentit. Addit rationem: quia magna sit inter homines dissimilitudo atq; diversitas tam corporum ac virium, quam animorum & ingeniorum, in quo alludere videtur ad *l. 31. inter artifices, ff. de solut. & t. 40. vocat consuetudinem pravā*, & a tramite rationis cujuslibet alienam. Idem sensit Philippus Pulcher Rex Galliarum, ut videre est ex ejusdem Constit. relata apud *Guid. Pape, & ab Hotom. repetita d. ult.* Prohibitionem autem juris Canonici passim hodie sequimur in benè constitutis rebus pub. unde etiam pœnis adfici solent, qui ex provocatione pugnarūt, tam provocati quam provocatores (quamvis provocantium deterior nonnunquam soleat esse conditio, arg. *l. 1. §. cum arietes, ff. si quadrupes pauperiem*). In multis tamen locis etiam hodie duella tolerantur, ut docet *Borch. c. 7. n. 51.*

38. D. *Audivi de humano judicio, sive purgatione per duellum. Tempus est dicere de divino judicio, id est, de exploratione ejusq; speciebus: & quid de his sit sentiendum?*

M. Ita quidem suprâ dixi, humanum judicium interpretari Accursium, atq; distinguere a divino, ad § *si miles rusticum, tit. 27. lib. 2.* Sed dissimulare non debeo, diversos ab hoc abire *Hotom. & Cujac.* qui, per humanum judicium intelligunt testimonia legitima in judicio producta, divini autē judicii appellatione tam duellum quam explorationes illas, de quibus jam dicam, comprehendunt: quæ sanè expositio mihi quoque probabilior videtur, arg. *can. pen. causa 2. quest. 5. in verbis: orant sibi concedi, ut alter illorum utrosq; divino purget judicio*: qui certè locus intelligendus videtur de duello. Sequitur enim si unus in hoc ceciderit. Verùm ad pro-

ad propositum. Explorationis igitur siue violentæ, & quasi per tormenta expressæ probationis genera ferè sex enumerari possunt : 1. Per flammam. 2. per crucem. 3. per ferrum candens, puta vomeres ignitos, aut chirothecas ferreas candentes. 4. Per aquam ferventem vel etiam congelidam. 5. Per sortes. 6. Per corpus & sanguinem domini, siue sacram hostiam, de quibus omnibus diligentissimè exposuit *Hotom. cap. 44. disputat. de feud.* ubi singulas species suis auctoritatibus, & exemplis historicis copiosè illustravit. Quædam etiam, sed protinus attingit *Cujac. ad §. si autem controversia, tit. 1. lib. 1. feud.* Vocat autem *Hotom.* furiosas hujusmodi omnes explorationes, quæ olim à simplici vulgo dici consueverunt leges patibiles, teste *Frideric. 1. libr. 2. tit. 32.* quasi dicas manifestorias & apparentes, ut per quas veritas, quæ in profundo antea latebat, pateat, & in apicum proferatur, Deo nimirum quasi per miraculum eam revelante : nam si quis in læsus atque innoxius abiisset, pro innocente dimittebatur ; sin læsus esset, puta, à flamma aut ferro candente, aut aqua fervente adustus, aut sacra hostia in corpus adsumpta extinctus aut suffocatus, habebatur pro convicto & condemnato. Priusquàm autem ad rem accederetur, offerre solebant accusatos sacerdoti, cujus interventu omnis gerebantur. Is enim conceptis verbis formulas precum præibat, quibus vel ferrum, vel aquam, vel hostiam consecrabat divino numine adorato, ut servaret innocentes, malè autem perdetet nocentes. Quas formulas precum & devotionis recitat *Ioann. Aventin. libr. 4. Annal. Bavar. & ex eo Hotom. d. cap. 44.* Sic & in l. Mosàica erant aquæ maledictionis, quas mulier à marito insimulata adulterii expetebat, eæque innocentem quidem nullo damno afficiebant, pollutam autem & ream ita pertransibant, ut ventrem ei inflarent, ejusque femur computrescere facerent, ut est *Numer. cap. 5. & refertur à Gratiano in cap. 21. d. causa & questione.* Unde Christiani suum illum morem duxille videntur, argumen-

gumento nescio an bono, inquit Cujac. *ad d. lib. i. tit. i.* quomodo & alia multa per quandam Cacozeliam Judaicam usurpata, & in Christianismum recepta esse liquet. Inprimisque septentrionales populi quidam maximè hujusmodi rebus dediti fuerunt, sicut de Livonibus testatur *cap. ult. extr. de purgatione vulg.* in quo Pontifex Honorius III. improbat morem illum magistratuum, quo solebant de crimine aliquo infamatos compellere ad subeundum judicium ferri candentis, & adustis tanquam reis civilem quandam poenam infligere: sic & hodie in Saxonia occidentali, quæ est Westphalia, mos ille viget, ut sagas in flumen conjiciant vinctas, atque ita explorent sintne noxiæ an insontes, qua de re extant superiorum annorum disputationes, Johannis Ewichii, Herman. Neuwaldi Medicorum; Joannis item Bodini, & Joannis Georgii Gödelmanni Jurorum. Sed rectè de hujusmodi probationibus censuerunt sacri canones esse populares inventiones superstitiosa ad inventionem confectas, fabricante invidia, id est, Diabolo: quas qui sectentur, si nihil aliud quàm Deum tentare videantur, *cap. 7. Mennam, & c. 20. consuluisi, & c. 22. monomachiam, 2. q. 5. & d. c. ult. extr. de purgatione canonica:* ideoque & nostris moribus non amplius frequentantur. In primis autem horrenda fuit profanatio & abominandus abusus cœnæ domini, quodd rem ad salutem hominum institutam, in execrationem ac perniciem quodammodò cõverterunt. Et tamen etiam canon Concilii Wormaciensis hanc rationem purgandi per corpus domini non modò probavit, sed etiam præcepit, ut fërto facto in monasterio fratris seu monachi sui expurgandi causa cõmunicarent in ult. missa, in hæc verba: *Corpus domini sit mihi ad probationem hodie*, ut refertur in *c. 23. sepè, d. causa & q.* Sic Papa Gregorius VII. cùm ei controversiæ gravissimæ intercederent cum Imperatore Henrico IV. primùm quidem sacramentum corporis domini in ignem conjecit, ac responsa divina contra ipsum quælivit, teste Benone Cardi-

Cardinali, qui vitam ejus descripsit. Deinde cùm Imp̃ Romam venisset sui purgandi causa, Papa missam celebravit, fractæq; sacræ hōstiae partem unam ipse accepit ac comedit, alteram Imperatori sumendam obtulit, ut nimirum Deo teste ipsius innocentia comprobata, ōs obstrueretur iis, qui falsa de eo detulissent, ut scribit *Lambertus Schafnaburgensis*. Et quam horribilia sunt illa diræ imprecationis verba, quæ ex *Chronicis Ioh. Trithemii c. 15.* recitat Hotom. *Si aliter est, quàm dixi, corpus non pertransuat corpus meum, sed hæreat in faucibus meis, strangulet & suffocet me.* Ex quo improbo certo more adhuc sæpè audies reliquias quasdam in sermonibus vulgi, seipsum execrantis impius-  
simis: paratus sum sumere sacramentum ni res ita habeat. Non satis igitur sibi constituisse videntur Pontificii in hac postrema explorationis specie: nam si ea vulgaris est, si populari & superstitionis adinventioni adscribenda, si deniq; est ex earum numero, quæ fabricante invidia Diaboli scilicet fractæ sunt. Quare & Concilium Wormaciense suo decreto, & Gregor. VII. suo ipsius facto eam approbavit, & ut vulgari verbo utar, *canonizavit*. Aut quæ poterit reddi ratio diversitatis, cur canonica & licita sit hæc purgatio in Pontifice & Imperatore, nec non in personis monachorum, quibus *d. c. sæpè 23.* eam concedit, eadem verò sit vulgaris ac prohibita in personis laicorum, & quomodo unum idemq; factum in his quidem contineat tentationem Dei, in illis verò non contineat. An non meminisse oportuit, quod in vulgus manent exempla regentum, quod principum mores imiteretur tota civitas ac regio; imò quod ad exemplum regis totus orbis componatur. Sed hæc pluribus exagitari non est nobis propositum, quæ seipsa satis refellunt ac evertant. Quare à probationibus & defensionibus, de quibus huc usq; diximus, ad alia transeamus. Quamquam autem multa adhuc dici possunt de præsumptionibus feudalibus, tamen hunc locum prolixius persequi jam supersedebimus, tum quod non pauca  
de his

de his jam supra sparsim attigerimus, tum quodd hoc argumentum post Menochium *lib. 3. de præsumptionib.* aliosq; diligenter tractavit Ioan. Schön. *lib. 2. disp. feud. disp. 3. à nu. 57. usq; ad 100.* qui cùm in multorum manibus sit, cætera ab eo peti poterunt; v.g. An & quando, & quibus argumentis res præsumatur potius esse feudalis, quàm allodialis, ut aliàs regulariter solet: item quodd præsumatur potius feudum proprium quàm improprium; rectum quàm degenerans; antiquum, quàm novum; ex pacto & providentia, quàm hereditarium.

39. D. *Probationes feudales quid sequitur?*

M. Probationibus factis & disputationibus hinc inde desuper habitis, causaq; cognita à competente iudice, proximum est, ut feratur sententia, per quam controversia feudalis decidatur. Quæ erit vel absolutoria, vel condemnatoria, ut etiam jure civili solet, *l. 1 ff. de re jud.* vel deniq; declaratoria, secundum ea quæ supra dicta sunt in causis amittendi feudi. Quodd autem sententia, quam vasallus reportavit, etiam aliis, ut domino feudi vel profit vel noceat, secus quàm jure civili, supra jam audivisti, cùm de facultate compromittendi litigandique vasallo competente ageremus.

Sententiæ promulgationem nisi ea fuerit suspensa per appellationem aliavè similia remedia, ut per revisionem, per querelam nullitatis, per restitutionem in integrum, per supplicationem, & jure Saxonico per Leuterationem, &c. sequi debet executio.

Appellatio regulariter, perinde ut jure civili, intra decem dies (vulgò *decendium*) fieri debet, ut post alios docet *Iul. Clar. q. 91. Mynsing. cent. 5. obs. 5. Hart. in tit. de appellat. obs. 25.* alioquin sententia transibit in rem judicatam. Dixi, *regulariter*. Nam excipiuntur feuda regalia, in quibus appellationi ad Imperatorem faciendæ sex hebdomadæ sunt præfixæ, § *fin. ubi gl. Schenck. & alii, tit. quo tempore miles investituram petere debet.*

Executio in causis feudalibus à quo iudice, & quomodo

modo facienda sit, vide apud Ioan. Schön. d. loc. nu. 128. cum seqq. qui etiam de contumacia tam vera quam præsumpta quædam utiliter adfert.

*Traditis hætenus partitionibus juris feudalis, poteramus quidem adhuc nonnulla adjicere de regalibus, quorum in communi usu vite, & in materia feudali plurima fit mentio. Verùm ne nimis longè evagemur, & diutius quàm par est à professione juris civilis absimus, eam tractationem REGALIUM in præsentiarum omitemus, cum præsertim satis accurata & copiosa eorum explicatio ab aliis tradita sit in manibus studiosorum juris: in primis autem Ioan. Borcholdo, & Frid.*

*Bruckmanno: ad quorum utilissimos in hoc genere labores nunc sufficiat remisisse.*

# FINIS PARTITIONUM JURIS FEUDALIS.

INDEX





# INDEX

## RERUM ET VERBORUM MAXIME INSIGNIUM.

A.



Vctor cur librum  
hunc inscripse-  
rit Partitio-  
nes feudales.

pag. 15. 16. 20. & 21

Abnegatio feudi à vasallo  
facta est causa privatio-  
nis. 395. & seqq.

Abseissio membri, quo quis  
peccando abusus est, poena  
causa sapè fieri solet. 433

Accidentalìa feudi. 143

Accipitres mulierum Leno-  
nes. 441

Accessiones feudi ad vasallū  
pertinent. 295. 296

Actiones quas nomine feudi  
vasallus exercere possit. 302

Actio confessoria & negato-  
ria datur vasallo nomine  
feudi. 502

Actiones in personā quāquā  
vasallo competant. 503

Actiones ad quid vasallo cō-  
petant. 504

Actiones in personā an den-  
tur heredibus & contra  
heredes. 505. 506

Actio de evictione competit.

vasallo adversus dominū.  
507

Actiones quales competant  
domino adversus vasal-  
lum. 512. & seqq.

Actiones prejudiciales dan-  
tur domino adversus va-  
sallum. 515

Actore non probante reus in  
feudis non statim absol-  
vitur. 569

Actus operantur in subjecto  
predisposito. 128

Adoptivi liberi in feudis non  
succeedunt. 171

Adoptivi quando succedant.  
172

Adulteriū in extraneas per-  
sonas commissum à va-  
sallo an mereatur poenam  
privationis. 460

Uffertelchen. 300

Agnatus an. possit in feudo  
refutato succedere. 224

Agnatus potest alicujus feu-  
dum amplecti, repudiata  
licet ejusdē hereditate. 192

Agnati ad quodum usq; gra-  
dum succedant in feudis.  
222. & seqq.



# I N D E X.

- Agnati vasalli quomodo pro feudo agere possint.* 518.
- Agnati vasalli num possint vivo etiam alienante revocare feudum.* 522.
- Agnati vasalli qua actione agere possint ad revocationem feudi.* 521.
- Alere dominum an teneatur vasallus egestate laborantem.* 286.
- Alienationis verbum quot modis accipitur.* 325.
- Alienatio quid.* 325. *Ejus quot species.* ibid. & seq.
- Alienatio feudi quando subsistere possit.* 321.
- Alienationis feudi formula.* 320.
- Alienatio feudi per quam domini conditio sit melior an valeat.* 321.
- Alienatio urgente necessitate facta an valeat.* ibid.
- Alienatio consentiente domino facta an valeat.* 322.
- Alienare feudum etiam dominus non potest invito vasallo.* 359.
- Ampliationes hujus regulae.* 360. *Exceptiones ejusdem.* 361.
- Alienatione vasallo permissa an partem quoque alienare possit.* 324.
- Alienare feudum in ultima voluntate an possit vasallus.* - ibid.
- Alienatione amissum feudum ad quem redeat.* 472.
- Alienatum feudum absque consensu domini & agnatorum non potest vasallus prescribere.* 247. *Rationes quibus haec sententia probatur.* 252. & seqq.
- Argumenta contraria diluuntur.* 255.
- Alimenta an in feudis constitutenda.* 201.
- Allodia quae sint, & quando minis ratio.* 56.
- Allodialia in dubio praesumuntur esse bona; non feudalia.* 57.
- Amissionis feudi causarum catalogus.* 369. *cum seqq.*
- Amor potius descendit quam ascendit.* 162.
- Annuum tempus luctus in foeminis viduis.* 445.
- Antiquatum, pro antiquitus receptum.* 283.
- Antonius de Prato vetere IC. Bononiensis in ordinem redegit jus feudale auctoritate Frid. III.* 20.
- Antichresis potest domino a vasallo constitui in feudo.* 346. *Et quare id permisum, quanquam sit jus singulare.* 346.
- Antiquum feudum vertitur in novum.* 74.
- Appellatio etiam in causis feudali-*

# I N D E X.

- alibus intra x. dies facienda.* 593. *Exceptio.* *ibid.*
- Ariani proditio quàm sit odiosa.* 394. & seqq.
- Arces Ganerbica aliquot enumerantur.* 235. & seq. quib. adde Reiffenberg *infra Francofurtum.*
- Argam aliquem facere quid sit.* 437
- Argumenta an duci possint ex jure feudali ad jus civile.* 38
- Arturus Richardi F. Rex Anglia à patruo Ioanne casus.* 452
- Ascendentes in feudis nō succedunt: & quare.* 161. quando succedant in feudis. 162
- Astaliū idem cum feloniam.* 375
- Augenschein.* 559
- Auribus tracti testes.* 109
- Austriaci Archiduces nō coguntur extra fines sue ditionis investituram accipere.* 118
- Authentica Codicis sunt intelligenda secundum contextum Novel. unde sumpta.* 220
- Æs alienum à domino contractum an vasallus solvere teneatur.* 194
- Ære alieno oppressum dominum an vasallus liberare cogatur.* 287
- Æstimatio meliorationum feudi quomodo & quando fieri debeat.* 487
- Ætas que immunitatē vasallo præstat.* 280.

## B.

- B** *Arbara oratio, qua feudorum jus ferè conscriptum est, est una ex causis difficultatis ejus.* 12
- Bassa Turcorum etiā nominis similitudine ad vassos feudales quàm proximè accedunt.* 30
- Bellum requirit stipendium.* 283
- Bellica vis an sit modus constituendi feuda.* 260
- Beneficii definitio, ex Seneca.* 57
- Beneficium l. 2. C. de resc. vend. an in feudis locum habeat.* 524
- D. Bernhardi locus insignis de investitura symbolis.* 111
- Bernhardi Sacci locus ex Historia Ticinensi de Monomachia.* 578
- D. Beceri rationes examinantur, quibus probare vult, vasallum non debere domino cōtra suum fratrem ferre opem.* 277
- Bona fidei possessoris jus quid differat à feudo.* 45

# I N D E X.

- Brevia, etiam dicitur eodem significato.* *ibid.*
- Bürger Lehen.* 71.
- C.
- C**Æcus an in feudis succedere possit. 198
- Calumnia iurandum an in causis feudalibus præstari debeat.* 266
- Cambium est permutatio.* 99
- Cambium, cambitas, cambire.* 329
- Camera & cavena in feudis quid.* 463
- Campio, est pugnator, non à campo, sed à Kampff dictus.* 27
- Canonem annuum non præstans vasallus, non ob id privatur feudo* 420. *Argumenta huius sententiae & ad contraria responsiones.* *ibid.*
- Captio Feudistis est captura: nõ ut veteribus Ictus, deceptio.* 411
- Capita præcipua doctrina feudalis.* 21. & 2. seqq.
- in Casa communi remanere.* 207
- Catalogus Interpp. juris feudal.* 16
- Catalogus symbolorum sive ceremoniarum qua actibus legitimis adhiberi solent.* 107. & seq.
- Causarum feudi amittendi enumeratio.* 369. cum seqq.
- Causa amittendi feudi culposa.* 371. & seq.
- Causa non culposa.* 419. & 464
- Catzenellanbogen Comitatus quando, & qua occasione ad Lādgravios Hassie pervenit.* 226.
- Censualis contractus differentia à feudo.* 49 ab emphyteusi. *ibid.*
- Cessione bonorum quomodo extinguatur feudum.* 465
- Charitas ordinata incipit à seipsa.* 274
- Christianorum in clericos & laicos distinctio antiquissima.* 84
- Chirotheca symbolon inventura Episcopatus.* 111
- Christiano an permissum militare etiam sub signis infidelis principis.* 195
- Citatio in feudis quomodo fiat.* 556
- Civitatis feudum habentis pars si deseruerit dominum feudi, non ob id tota civitas feudo privatur.* 99
- Clericus an feuda recipere possit.* 90
- Clerici possunt feuda dare.* 81
- Clerici an in feudis succedant.* 195. & seqq.
- Clericatu quomodo amittatur feudum.* 474
- Cogna.

# I N D E X.

- Cognati in feudis non succedunt.* 205
- Cognitio grata est & dulcis etiam nota repetenti.* 19
- Collectas imponere vassallis an possit dominus.* 365
- Collegium an possit feudum alicui dare.* 89
- Commerciales res in feudum dari possunt.* 96
- Commissoria lex quare in pignoribus sublata.* 148
- Commissoria lex differt à fiducia.* 149
- Compatrem suū occidens vassallus feudum privatur.* 452
- Compromittere in arbitros de feudo num possit vassallus absq; consensu domini.* 304
- Commodatum à precario ut differat.* 352
- Compensare feudum an possit vassallus.* 360
- Compileres juris feudalis.* 35
- Conatus sceleris an & quando punibilis.* 380
- Concubinā domini stuprans vassallus an feudo privetur.* 445
- Conditionale seu conditionatum feudū quodnam sit.* 308
- Conditio adjici potest investitura.* 117
- Conditio, si consenserit dominus, sive salvo domini beneplacito, &c. alienationi feudi adjecta, an vassallum à pœna privationis relevet.* 427
- Conductoris ab usufructuario differentia.* 343
- Confessio ingenua erroris familiaris est magnus ingenuis, exemplo Hippocratis.* 149
- Conjuges sibi invicem dicuntur vassallus & dominus.* 356. & seqq.
- Conjuges an in feudis sibi invicem succedant.* 225. & seqq.
- Conjuges non sunt affines inter se, sed principium affinitatis præbent aliis. ibid.*
- Consensus aliorum an requiratur in feudi alienatione.* 324
- Consensus domini tacitus an sufficiat in alienatione feudi.* 322
- Constitutum possessorii quale. 353. & quare id vassallo in feudis interdictum. ibid.*
- Consuetudo in feudis maxime attendenda, & quare.* 131
- Contii partitio causarum amissionis feudi.* 373
- Controversia feudales quomodo decidende.* 37
- Controversiā oriā inter feminam & agnatos, quid*

- interim, dum lis de proprietate pendet. faciendum sit de possessione.* 525.
- Contumacia vasalli pœna est direptio bonorum ejus.* 511
- Conversi in monastica vita, qui.* 196
- Cornutus hodie vulgari lingua, qui Longobardis Arga.* 436
- Corporis ob defectum quomodo vasallus feudum amittat.* 465
- Crimē laesa majestatis causa princeps privationis feudi.* 458
- Cucurbitare quid, & unde dictum.* 436
- Cucurbitans vasallus dominū privatur feudo, ibi. Ampliationes VIII. hujus regula. 438. & 4. seq. Exceptiones ejusdem.* 442
- Cujacius fiduciā & legem cōmissoriam pro eodem habet; non recte.* 149
- Culpa alia est in committendo, alia in omittendo.* 373
- Culpa cōmissionis bifariam contrahitur.* 377
- Culpe omissionis species.* 405
- Curator an feuda dare possit nomine adolescentis.* 89
- Curiositas in rebus alienis reprehēditur. 402. & seq.*
- Cusani Cardinalis locus illustis de ortu & incrementis feudor. 30. & 154.*
- D.
- D** *Annus in expeditione pro domino suscepta an dominus vasallo refarcire teneatur.* 283
- Dania Rex, olim vasallus Imperatoris.* 128
- Dare in dotem feudum vasallus nequit.* 335. *Ampliatio hujus regula.* 336
- Dare in dotem feudum potest fœmina.* 336. *Ratio differentia, cur mulier possit; maritus non item.* 337
- Decernere jurejurando, non ut vulgò, discernere.* 572
- Decima an in feudum dari possint.* 97
- Decisio cōtroversiarum feudalium unde petenda.* 37
- Defectu vasalli feudū amissum cui aperiatur.* 472
- Delatoria curiositas exosa ll. latoribus.* 403
- Delator quis.* 393
- Delictum à vasallo bifariam committitur.* 374
- Delicto vasalli amissum feudum cui aperiatur.* 472
- Denegatio justitiæ ut coercenda in domino feudi.* 535
- Difficultatis juris feudalis quot præcipua causæ; quæ item remedia.* 13. & 14
- Dilectio sui ipsius est regula dilectionis proximi.* 274
- Descen-

# I N D E X.

- Descendētium in feudorum  
successione prima causa.*  
164
- Depradatio domini aliquā-  
do jure feudali permiffa  
vasallo.* 510
- Deterioratio feudi ut sit  
causa caducitatis, triare-  
quirit.* 422
- Dignitatum feuda ad here-  
des transitoria.* 153
- Direptio honorū vasalli con-  
tumacis.* 511
- Distrahere interdum latè si-  
gnificat idem quod alie-  
nare quovis modo.* 327
- Dividi possunt feuda mino-  
ra vel dignitatem nō ha-  
bentia.* 330. & seq.
- Divisio feudi qua vocatur,  
auff den Niegen.* 334
- Divisionem non recipiunt  
feuda majora.* 331
- Domesticorū cura cuiq; pra-  
cipua esse debet.* 83
- Dominus feudi cur senior  
dictus.* 5
- Dominus vasallo conjunx  
quomodo dicatur.* 356. &  
seqq.
- Dominus feudi differt à pro-  
prietario rei usufructua-  
rie.* 359
- Dominus an vasallo precise  
teneatur ad traditionem  
possessionis rei in feudum  
concessa.* 122
- Dominus an liberetur pra-*  
stando id quod interest.  
123
- Domini heres investituram  
adimplere cogitur.* ibid.
- Dominus an etiam vasallo  
jurare teneatur. fidelita-  
tem.* 139
- Dominus an iusjurandum  
calumnia à vasallo exige-  
re possit.* 266
- Dominum an possit vasallus  
in jus vocare sine venia  
impetratione.* 267. &  
seq.
- Dominus an proprietatem  
feudi praescribere possit cō-  
tra vasallum.* 245
- Dominus an possit cōtra pra-  
scriptionem xxx. anno-  
rum in integrum restitui.*  
258
- Dominus denegans vasallo  
justitiam quibus remediis  
cogendus.* 535
- Dominum bānitum vel ex-  
communicatum vasallus  
adjuvare non tenetur.*  
272. Restitutum tamen  
atq; absolutum ab Eccle-  
sia vel Rege juvare tene-  
tur. 273
- Dominus an possit à vasallo  
excommunicatio exigere  
servitia.* ibid.
- Dominum ab hostibus ca-  
ptum, an vasallus coga-  
tur redimere.* 288
- Dominus ex iisdem causis, ex*  
Pp 5 qui-

# I N D E X.

quibus vassallus, feudo privatur. 489. & seq.	salus in feudo secundum quosdam. 293
Dominus vassallum intra annum & diem petentem investituram recusans in- vestire, perdit proprietatem feudi. 491	de Dominii divisione in di- rectum & utile quid sen- tiendum. 69 & seq.
Dominus an possit proprie- tatem feudi absq; pœna privationis alienare 493.	Donatio à feudo quid diffe- rat. 51
Exceptiones quibus casi- bus possit dominus pro- prietatem feudi transfer- re. ibid.	Donatarii differentia à va- sallo. ibid.
Dominus feudi Ecclesiastici si culpâ suâ id amiserit, an ob id Ecclesia debeat privationis pœnâ incur- rere. 495	Donare feudum vassallus nō potest. 314
Dominus quando sit iudex competens in feudali con- troversia. 530. & seqq.	Donare propter nuptias fe- dum vassallus nequit. 337.
Domino quæ dentur actio- nes contra vassallum no- mino feudi. 512. & seqq.	& seqq. Exceptio hujus regula. 339
Dominus quomodo adver- sus extraneos agere possit. 516	Dos an possit in feudum da- ri. 200 & 227
Domini voluntate quomodo finiatur feudum. 462	Dos an constitui possit in feu- dis. 202
Domino omnibus suis facul- tatibus ita exhausto, ut ex Camera & Cavena non possit prestare vasallo quod debet, feudum ex- tinguitur. 463	Dos ex bonis feudalibus an possit restitui. 337
Dominium utile habet va-	Dotudatio à subinfeudatio- ne quid differat. 335
	Duellum unde dicatur. 579
	Duelli origo. ibid.
	Duelli introducti rationes & cause. 580
	Duelli definitio, ejusq; expli- catio. 581
	Duellum quotuplex. 582
	Duellum quæ persona com- mittere possint. 583
	Duelli legitimi requisita. 585
	Duelli forma & ordo. ibi.
	Duelli vis & effectus. 587
	Duelli abrogatio & desuetu- do. 587. & seq.
	Eccle-



# I N D E X.

E.

**E**cclēsia nocere non debet  
quod Episcopus seu Pa-  
stor iniquē gesserit. 417.

495

**Ecclesiastica beneficia quid à  
feudis differant.** 53

**Ecclesiasticum feudum quod  
nam sit.** 69

**Ecclesiasticae opes ut & unde  
creverint.** 82

**Ecclesiastica res possunt in-  
feudari. 97. quomodo pra-  
scribantur.** 244

**Ecclesiasticū feudum an pos-  
sit infeudari.** 301

**Edictum, unde vir & uxor,  
an habeat locum in feu-  
dis.** 228

**Electōr Palatinus Imperia-  
lium feudo. investituram  
confert vacante imperio.**  
116

**Emancipati succedūt in feu-  
dis.** 185

**Emphyteusis à feudo ut dif-  
ferat. 42. & seq. quomo-  
do à contractu libellario.  
48. à contractu censuali.**  
50

**Emphyteuticā re in feudum  
datā, an censeatur cōtra-  
ctus feudalus, an emphy-  
teuticus.** 45

**Emphyteusin an possit va-  
sallus in feudo constitue-  
re.** 340

**Episcopi feudis mulctati ab**

*Imp. quod sum in expedi-  
tione non essent comitati.*  
86

**Episcopi investituram rega-  
lium ab Imp. petunt.** 87

**Erbeinigung siue Erbverbrüde-  
rung; differt à Gauerbina-  
tu.** 235

**Erbhuldigung an idem cum  
jurejurando fidelitatis.**  
138

**Errorē propriū fateri &  
corrigere, adēd turpe non  
est ut sit etiam laudabilē.**  
148

**de Evictione quando vasa-  
llus agere possit.** 99

**Exceptio vera esse debet de  
natura regula.** 347

**Exceptio facilius datur quā  
actio.** 293

**Exhereditati an succedant in  
feudis.** *ibid.*

**Exhereditatio an possit ob plu-  
res causas fieri quā qua  
in Nov. CXV. sunt expres-  
sa.** 376

**Exhibere, exhibitio pro ali-  
mentis.** 199

**Explorationis species.** 598

**Exploratio quomodo fiebat.  
596. & an rectē, *ibid.* &  
seq.**

**Extendere manum, pro ju-  
rare.** 589

**Extraordinaria capit. feudo-  
rum non usq; quaq; au-  
thentica.** 283.

Fahns

F.

<b>F</b> hntchen.	116
<b>F</b> amis necessitas omnium maxima.	287
<b>F</b> ehdbrieff.	568
<b>F</b> elonia ( que & astalium ) quid. & unde dicta. 27. & 374. & seq.	
<b>F</b> elonia quomodo committatur scriptis.	568
<b>F</b> errariensis ducatus feudum Ecclesia Roma. apertum.	367
<b>F</b> eudi verbum an latina originis, necné sit.	39
<b>F</b> eudorum commendatio ab utili, &c.	7. & seqq.
<b>F</b> eudi etymon.	39
<b>F</b> eudalium verborum & formularum nomenclatura.	40
<b>F</b> eudalis juris difficultas varias habet causas. 13. ejus difficultatis remedia. 14	
<b>F</b> eudorum liber authenticus.	35
<b>F</b> euda non extiterunt ( ut quidam vult ) unà cum genere humano ipso.	31
<b>F</b> euda à quibusdam Germania populis introducta.	26
<b>F</b> eudalia beneficia militaria.	3
<b>F</b> eudistarum duo signifi- 150	
<b>F</b> eudistici juris interpretum catalogus.	16
<b>F</b> euda non traxerunt origi-	

nem à pradiis tributariis & stipendiariis. 31. nec à fundus limitaneis. 32. nec ab assignatione agrorum militibus veterum & emeritis fieri solita. ibi. nec à Romanorum militibus. 33. nec à largitionib. Imp. ibi. nec à clientelis. ibi. ab hominibus Romanorum. ibi. nec à Gallorum Solduriis. 34. nec à Longobardis solis. ibi. sed ab aliis quoq; Germaniæ populis, ut Francis, Suevis, Saxonibus. ibid.
<b>F</b> eudi cognata x. vel xi. 42
<b>F</b> eudum ut differat à precario. 34. ab emphyteusi. 43. & seq. ab usufructu. 45. & seq. à jure b. f. possessoris. 45. à jure dotis. 46. à libellario contractu. 49. à censuali contractu. ibid. ut à precaria. 50. à donatione. ibi. à jure veteri possessionis. 51. à jure protectionis. ead. à jure superficiario. 53. à beneficiis Ecclesiasticis 54. à jure majoratus. 55
<b>F</b> eudorum usum Reipub. perniciosum non videri. 7
<b>F</b> eudi proprietates ac nota. 55
<b>F</b> eudi substantialia & accidentalialia quæ sint secundum interpretes. 142
<b>F</b> eudi homonymia, ejusq; explicatio. 56

# I N D E X.

- Feudi definitio ejusq; explicatio.* 57. & seqq.
- Feudum est contractus.* 62. cum seqq. *Refutatio argumentorum Hotoman. & Giphani. qui id negant.* 63. cum seqq.
- Feudum, est contractus nominatus.* 66. *an sit contractus b. f. an fructu juris.* 67. *an sit beneficium.* 64. & 100
- Feudum aliud Ecclesiasticum; aliud seculare.* 69
- Feudi divisio in proprium & improprium, an sit legitima.* ibid.
- Feudum aliud regale, aliud non regale.* 70. *aliud nobile, aliud ignobile.* 71. *aliud ligium, aliud non ligium, id est aliud antiquum, aliud novum.* 73
- Feudum novum redit ad dominum, exclusis filiis & agnatis vassalli.* 475
- Feudum aliud masculinum, aliud femininum.* 75
- Feudum forma an & quomodo differat à feudo femineo.* 179
- Feudum pignoratitium, Pfandtschen.* 75
- Feudum aliud hereditarium aliud ex pacto & providentia, aliud mixtum.* 75. *in dubio presumitur feudum esse ex pacto & pro-*
- videntia.* 76
- Feudum informe.* ibid.
- Feudum aliud francum, aliud non francum.* 77
- Feudum aliud in territorio, aliud extra territorium.* ibid.
- Feudum aliud in curte, aliud extra curtem.* ibid.
- Feudum aliud personale, aliud reale.* 78
- Feuda qui possint conferre.* 79
- Feudum quamvis gratuitum sit, tamen pro eo intervenire potest remuneratio.* 141. & seq.
- Feudum etiam inferiori superiori dari potest.* 93
- Feuda tenere qui prohibentur.* 90
- Feudum cur in immobilibus & non in rebus mobilibus consistat.* 95
- Feudi acquirendi & constituendi modi quot sint.* 103. & seq. & 260
- Feudum an in ultima voluntate relinqui possit.* 157. & seq.
- Feudum an testamento constitui possit.* 261
- Feudi constituti & acquisiti jus duplex, personale & reale.* 262
- Feudi possessio pertinet ad vassallum.* 81
- Feuda an omnia successio-*  
*nem*

# I N D E X.

- nem recipiant.* 151. &  
*seqq.*  
*Feuda dignitatum ad here-*  
*des transitoria.* 153  
*Feudum pro anima judicari*  
*non potest.* 157  
*Feudum an possit prelegari*  
*uni ex liberis.* *ibid.*  
*Feudum an in legitimā im-*  
*putetur.* 201  
*Feudum an veniat in resti-*  
*tutionem fideicommissa-*  
*riam.* *ibid.*  
*Feudi privatio sive ablatio*  
*vocatur aliquando ex ha-*  
*redatio.* 376  
*Feudum non ipso jure, sed ju-*  
*dicis accedente sententia*  
*amittitur & alicui aufer-*  
*tur. 466. cum seqq. Exce-*  
*ptiones.* 470  
*Feudum quo modo per evi-*  
*ctionem extinguatur.* 465  
*Feudum amissum ad quem*  
*revertatur.* 470  
*Feudi proprietas à domino*  
*amissa ad quē pertineat.*  
 495  
*Feudum aliquādo inter va-*  
*sallos potest dividi.* 101  
*Feudum quod agnatus refu-*  
*tavit, eo defuncto an ad*  
*agnatū transferatur.* 224  
*Feudi libertatem an possit*  
*dominus contra vasallum*  
*prescribere.* 245  
*Feuda omnia moribus Gal-*  
*lorum redacta sunt ad in-*  
*star patrimoniorum.* 177  
 & 209  
*Feodum pro feudum usur-*  
*parant aliqui veterū.* 39  
*Fidelitas aliquando ponitur*  
*pro ipso jurejurando fide-*  
*litis.* 135  
*Fidelitas an precedat inve-*  
*stituram.* 127  
*Fidelitatem jurans vasallus*  
*copulativè domino & ha-*  
*redibus ejus, an postea ite-*  
*rum jurare cogatur ha-*  
*redi.* 126  
*Fidelitatis juranda formula*  
*varia ejusq; explicatio.*  
 130. cum 16. seqq.  
*Fidelitatis juramentum an*  
*idem sit cum jurejurando*  
*subjectionis oder Erbhuld-*  
*gung.* 139  
*Fidelitatis iusjurandum an*  
*possit mutari altero invi-*  
*to.* 137  
*Fides charitate demonstnan-*  
*da.* 263  
*Fiducia non est idem cum*  
*lege commissoria, ut ali-*  
*qui putarunt.* 149  
*Filius sa. an feudum acqui-*  
*rere possit.* 92  
*Filius propter feloniam com-*  
*missam non succedit.* 200  
*Filius non legitimo tempore*  
*petens renovationem in-*  
*vestitura removetur à*  
*succeffione.* 201  
*Filiabus à succeffione feudi*  
*exclu.*

# I N D E X.

- exclusis, an legitima saltem debeat.* 201
- Filius ad feudum patris sui culpa amissum, an possit aspirare.* 478
- Filius repudiās hereditatem patris an succedere possit in feudis.* 192
- Filius adiens hereditatem cum beneficio inventarii, an possit feudum retinere liberum ab oneribus hereditariis.* 194
- Finem facere de feudo, est idem quod refutare seu resignare feudum.* 307
- Fiscus an in feudis succedat.* 229
- Formule fidelitatis explicantur.* 130. cum 16. seqq.
- Fœmina an possit feudū dare.* 88
- Fœmina an feudi capax.* 92
- Fœmina in feudis non succedit.* 173. *Ampliationes huius regule.* 175. & seq.
- Fœmina bellicosa & prudens an succedat in feudis.* 174
- Fœmina quando in feudis succedere possit.* 178. & seqq.
- Fœmina an in feudo franco succedat.* 181
- Fœmina an in probatione investitura testis esse possit.* 115
- Fœmina an possint esse testes in feudis.* 559
- Francia Rex an fenda regalia conferre possit.* 87
- Frater fratri an succedat in feudo.* 206
- Fratris pradesuncti filii superstites in feudo novo non succedunt.* 209
- Frater in feudo antiquo fratris excludit patruū.* 210
- Eratres in simulstantes, sive in casa cōmuni remanentes, id est, consortes.* 208
- Fratres uterini an sibi invicem succedant in feudis.* 210
- Fratrum filii cū patruis quomodo succedant.* 212
- Fratrū filii soli existentes patruo suo succedunt in capita. & non in stirpes.* 212.
- Rationes quibus hac sententia non solum confirmatur ut iustissima, sed etiam vetustissima esse ostenditur.* 214. & seq. & 216. cum seq. *Contraria sententia argumenta examinantur & refelluntur.* 218. & seq.
- Fratrum sine filiis nec nepotes superstites sint, agnati proximiores à latere venientes in feudis succedunt.* 222
- Fratrum duorum qui habēt feudum cōmune, uno deserente dominum altero eundem contrā constanter adju-*

- adjuvante, an fidelitas hu-  
jus illum excuset à feudi  
privations. 416
- Fratricidium* à vasallo com-  
missum in proprio fratre  
est causa privationis feu-  
di. 449. non tamen in per-  
sona fratris domini com-  
missum. 450
- an in Fratrem debeat vasal-  
lus opē ferre domino. 277
- Friderici Constitutio* prohi-  
bitoria alienationis feu-  
dorum, qua in re differat  
à Constitutione Lotharii  
Imp. 318
- Fridericus III.* approbavit  
novam Feudistici compo-  
sitionem factam ab Ant.  
de Prato, veteri IC. Bono-  
nienſi. 20
- Fructus* percipiendi jus ad  
vasallum spectat. 294
- Fructuum* divisiones. 480
- Fructus* pendentes an ad va-  
sallum pertineant. 481.
- Tres hac de re opiniones  
recensentur. *ibid.*
- Fructus* ad quem pertineant  
feudo culpa vasalli amif-  
so. 484
- Fuga* vasalli, qua nihil no-  
cuit domino deserto, an  
debeat esse impunita, ut  
ob id non possit feudo pri-  
vari. 418
- Furiosus* non potest infeuda-  
re. 93. an feudum recipere  
possit. *ibi.* an in feudis suc-  
cedat. 93
- Fürsten* ab *Herrn*ogen / quomo-  
do differant. 86.
- G.
- G** Ageria, lingua Teuto-  
nica significat pi-  
gnus. 347
- Galli* quantum tribuant ju-  
ri Civ. Rom. 216
- Gallorum* moribus feuda o-  
mnia censentur jure pa-  
trimonii & allodii. 177.
- & 209
- Ganerbschaffe* (quem Ganer-  
binatum vocare liceat)  
unde dicatur. 231
- Ganerbschafft* oder *Ganerben*  
güter / quam habeant ori-  
ginem. 232
- Ganerbenhäuser* / sive arces a-  
liquot *Ganerbica* enume-  
rantur. 234 & seq. quibus  
adde *Neiffenberg* / infra  
*Francofurtum*.
- Ganerbinaus* constitutio. 235
- Ganerbinaus* differentia à  
majoratu & à legato fa-  
milie. 336
- Ganerbſchaffe* differt ab Erb-  
einigung. *ibid.*
- Ganerbinaus* jus quale. 236
- Ganerbinaus* quomodo ex-  
tinguatur. 237
- Begenscheur* / oder *Begenver*  
machung. 338
- Generalia* verba generaliter  
accipienda. 251
- in Ge-

# INDEX.

in Generali quantumlibet  
oratione semper intelligi-  
tur excepta persona lo-  
quentis. 594

Geniculum Lōgobardi vo-  
cant gradum cognationis.  
223

Gesampter Handbetschnung. 127  
à Glossa & communi opinio-  
ne quando liceat recedere.  
255

Gradus non tantum primi,  
sed & ulterioris liberi in  
feudis succedunt parenti-  
bus. 185

Graduum supputatio in feu-  
dis utrum facienda secun-  
dum jus pontificium, an  
verò secundum jus civile.  
191

Gradus primi liberi quid  
differant à liberis ulterio-  
ru gradus. 160. & seq.

Gratuita quoq; non respuunt  
aliquam remunerationem.  
141

Gracismus: habendum est  
honorem pattono. 264

Grave siue Gravius, est veter.  
ling. Germ. Judex. 234.  
ubi vide multa inde com-  
posita vocabula.

Guadium (quod est vadium)  
Longobardis est pignus.  
345

Guerra & bellum publicam  
& privatam vixam signi-  
ficat. 284.

H.

Hindlohn / quod datur se-  
niori remunerationis  
gratia pro investitura. 141

Hassia Landgravii qua oc-  
cassione potiti Comitatus  
Catzenelenbogen. 227

Heraclius Pontici locus de  
poena partidarum. 433

Hereditatis peritio an pro  
fendo detur. 526

Hermaphroditus an feudi  
capax sit. 92

Hertogen & Fürsten differen-  
tia. 86

Historia jucunditas quantu.  
10

Hominiū siue hominatus  
unde dicatur. 129

Hominiū ( vulgò Homagiū )  
quid differat à fidelitate.  
ibid.

Homonyma definiri non pos-  
sunt. 56

Hosenditiae unde, & quid  
dicantur. 281

Hōtoman. retractat priorem  
sententiam, quā fiduciam  
& legem commissariam  
confuderat. 149

Hoto. expositio & distinctio  
text. 1. F. 1. reprobat. 173

Hotom. aliquando nimis cu-  
pide & immerito repre-  
hendit Fendistas. 59. &  
nonnunquam dissimulat  
Cujacii emendationes. 328

Hotomanni rationes, quibus

29 negat.



- negat feudum esse contra-  
ctum; examinantur. 63
- Quidigung* differt à jureju-  
rando fidelitatis. 138
- Hypotheta* an possit in feudo  
constitui. 349. & seqq.
- I.
- I**mmunitas vasallo tribu-  
tatione atatis. 279
- Imperator solo DEO minor,  
neminem in terris habet  
parem (nec superiorē)  
ex Tertulliani & Chryso-  
stomi doctrina commemo-  
rabili. 8;
- Imperator non tantum secu-  
laria feuda, sed etiam Ec-  
clesiasticas dignitates cō-  
ferre potest. 86
- Imperatoris Rom. iur juran-  
dum in coronatione pre-  
standum, an sit juramen-  
tum fidelitatis. 139
- Incestuosi liberi in feudis non  
succedunt. 166
- Incestus est causa privationis  
feudi. 455. Ampliationes.  
ead.
- Incompetētis iudicis senten-  
tia nulla est. 530
- Incrementa feudi ad vasallū  
pertinent. 295. & seq.
- Incrementa & accessiones feu-  
di ad quem pertineāt. 488
- In dubio praesumitur allodiū  
potius, quàm feudum. 56.
- feudum antiquum potius  
quàm novum. 74.
- Indignationē suam Principes  
comminari solent in mā-  
dato more perveusto. 90
- Inficiatio à vasallo facta, est  
causa privationis feudi.  
395. & seq.
- Informe feudum. 76
- Ingratitudo causa privatio-  
nis feudi. 458
- In solutū datio in feudis va-  
sallo prohibita est. 330
- Instituta variorum populo-  
rum varia. 13
- Instrumentū publicum quid  
dicatur. 566
- Instrumentū investiturae ne-  
gans vasallus, an feudo ob  
id privetur. 401
- Interdicto unde vi, nū possit  
vasallus cōtra dominum  
experiri. 264. & 508
- Interdicta an competant do-  
mino cōtra vasallum. 516
- Interitu rei feudalis quomo-  
do finiatur feudum. 462
- Interpretandi iuris feudalis  
ratio. 37
- Interpretes feudalis iuris ali-  
quam multi. 16
- Inventarii confectio an libe-  
ret filiū ab oneribus, qua  
sunt in hereditate patris.  
194
- Investitura unde dicatur.  
105
- Investitura duplex; propria  
vel impropria, seu abusi-  
va. ibid.
- Inve-

# I N D E X.

- Investitura propria qua sit.*  
106
- Investitura abusiva definitio, ejusq; explicatio.* 106
- Investitura utraq; an in feudis necessaria.* *ibid.*
- Investitura abusiva symbola qua, & cur adhiberi solita.* 107. & seqq.
- Investitum possit quis de re ab alio possessa, priore vasallo adhuc supersit.*  
84. & 102
- Investituram praesumptam quam vocent.* 239
- Investitura an necessarium requirat scripturam.* 113
- Investitura probatio quomodo requirat testes.* 114
- Investitura an per procuratorem dari accipere possit.*  
116 & 407
- Investitura adjici potest conditio.* 117
- Investitura ubi petenda: item, quando, & quoties.*  
118. & seq.
- Investitura renovatio quare petenda. 119. ea neglecta justo tempore removeat quem à successionem.* 201
- Investitura renovanda tempus an possit dominus coarctare vel procelare.* 120
- Investitura renovationem an singuli haeredes petere cogantur.* 124
- Investitura unius rei an duobus vel pluribus fieri possit, & si duobus facta sit, uter alteri preferatur.* 120. Excepti casus ubi posterior priori non praefertur. 121
- Investituram precise implere cogitur dominus.* 122
- Investitura an precedat fidelitatem, vel contra.* 127
- Investitura simultanea quid*  
126
- Investitura renovationem petere negligentis, poena est ut privetur feudo.* 406. Exceptiones hujus regulae. 407. & seqq.
- Johannes frater Richardi Angli. Regis occidit ejus filium Arturum.* 452
- Judeorum saeculandi ratio* 148
- Judicium quam varie decipiat.* 528. quot personas necessarium requirat ad ejus constitutionem. *ibid.*
- Judicis incompetentis sententia nulla.* 530
- Judiciū ubi exerceri debeat.*  
536
- Judicis sententia an sit modus constituendi feudi.* 260
- Judicis sententia an ad privationem feudi sit necessaria.* 466
- Judicii processus & ordo in feudalibus controversiis qualis esse debeat.* 530. & seq.

# I N D E X.

Judicare pro anima, quid sit.

157

Judicare, idem quod testati,  
ibid.

Jurare solebant per ossa &  
cineres parentum & ma-  
jorum. 133

Jurare adhibitis sacramen-  
talibus variè dicitur. 579

Juratoria purgatio quomodo  
fieri debeat. 577

Jure eodem quod quis in altè-  
ram statuit, uti debet ipse.

358

Juris feudalis cõpilatores. 35

Juris feudalis compositio au-  
thoritate Frid. III. facta.

20

Juris feudalis interpretes va-  
rii. 15

Jus feudale praevalet jure ci-  
vili in causis à se decisis.

36

Jus feudale an sit pars juris  
scripti, nec ne. il.

Jus accrescendi an in feudis  
locum habeat. 203

Jus dotis à feudo quid disse-  
rat. 47

Jus feudi constituti & acqui-  
siti duplex. 262

Jusjurandum fidelitatis &  
subjectionis differunt. 139

Jusjurandum fidelitatis quâ  
formâ fiat. 130. quæ perso-  
nae ed excipiantur. 135

Jusjurandum calumnia an  
dominus vasallo, vel hic

illi prestare teneatur. 266

Jusjurandum calumnia in  
causis feudalibus an pra-  
standum. 555

Jusjurandum adhibitis Sa-  
cramentalibus an adhuc  
hodie observetur usu. 574

Jus meliorandi in feudo ha-  
bet vasallus. 297

Jus patronatus ut differat à  
feudo. 362

Jus percipiendi suosq; facien-  
di finctus ad vasallū per-  
tinet. 295

Jus personale & reale in feu-  
do considerandum. 263

Jus personale quo adstringi-  
tur vasallus domino ad  
certa quaedam prestanda.  
ibi. & seqq.

Jus personale quo dominus  
vasallo ad certa quaedam  
capita obligatur. 355. &  
seqq.

Jus possessionis vetus ut disse-  
rat à feudo. 52

Jus privandi feudo non est  
transitorium ad heredes.  
496. Ampliatio cū exce-  
ptionibus quibusdā. 497

Jus retentionis competens vi-  
duæ vasalli ex jure Saxon.  
& moribus in bonis feu-  
dalibus mariti. 351

Jus manet quamdiu nō mu-  
tatum reperitur. 204

Jurisdictio an in feudum da-  
ri possit. 98

Jurif-

# I N D E X.

- Jurisdictione an possit praescribi.* 259
- Jurisdictionem vasalli invito domino feudi prorogare non possunt.* 533
- Jurisdictione ad quae pertineat amisso feudo.* 488
- Justitia denegatio ut coercenda sit.* 536.
- L.
- L** *Aici & Clerici antiquissima Christianorum distinctio.* 85
- Laici possunt feuda dare.* ibid.
- Laicis licere non debet, quod sacerdotibus non licet.* 81
- Landgravii Hassia quando & qui potiti Comitatu Catzenelenbogen.* 226
- Languor animi corporisve non debet alicui etiam in bonis damnum afferre.* 198
- Laudare auctorem quis dicatur.* 98
- Laudare apud Feudistas est arbitrari, judicare.* 467. & 538
- Laudemium an Dominus à vasallo, quem investit, exigere possit.* 365
- Leges regulariter futuris negotiis formam dant.* 317
- Legatum etiam ad pias causas non valet in feudis.* 156
- Legatum familia à Ganerbiatu differt.* 235
- Legis commissoria pactum in feudis an valeat.* 150
- Legitima sua singulis, aliis, teste Pindaro.* 13
- Legitimationis liberorum quot modi.* 167
- Legitimati liberi in feudis non succedunt.* 169. & seq.
- Legitima an debeatur filiabus à feudi successione exclusis.* 202
- Lehentager.* 124
- Leben aussagen oder auffstünden.* 305
- Lehentgeide quod datur domino remunerationis gratia pro investitura.* 141
- Leibgeding.* 339. & seq.
- Lenones accipitris mulierum.* 441
- Leutes sive Leotes, homines alienius sunt.* 129
- Lex commissoria cur sublata in pignoribus.* 147
- Lex commissoria à fiducia differt.* 149
- Lex nova, id est, novum Testamentum.* 589
- Lex 2. C. de rescin. vend. an in feudis locum habeat.* 524. & seq.
- Lex Salica quid commune habeat cum jure feudali.* 173
- Libellarii contractus differentia ab Emphyteusi.* 48.
- à feudo.* 49
- Libellario nomine num pos-*

# I N D E X.

- sit feudum concedere va-*  
*fallus.* 341  
*Libellus quomodo formādus*  
*in variis pro feudo actio-*  
*nibus.* 357  
*Liberorum varia genera.* 165  
*Liberi non primi tantum,*  
*sed & ulterioris gradus in*  
*feudis succedunt.* 204  
*Liberi non tantum ex uno*  
*eodemq; matrimonio, sed*  
*etiam ex diversis precrea-*  
*ti in feudis succedunt.*  
 187  
*Liberi ex matrimonio ad*  
*Morganaticam contracto*  
*nati, an in feudis succe-*  
*dant.* 187  
*Liberi putativi an in feudis*  
*succedant.* 192  
*Liberi vasalli quomodo age-*  
*re possint.* 318  
*Liberarum superveniētia an*  
*revocetur feudum.* 466  
*Ligium feudū quid, & qua*  
*nomini ratio.* 71  
*Liga sancta.* ibid.  
*Lite inter dominum & va-*  
*fallum orta quis sit com-*  
*petens iudex.* 552  
*Locatio perpetua vel ad lon-*  
*gum tempus an tribuat*  
*conductori jus in rem.* 342  
*Locare feudum an possit va-*  
*fallus.* ibid. & seq.  
*Loquendum nonnunquam*  
*cum multis, quamvis sen-*  
*tiendum cum paucis.* 60  
*Lotharii constitutio de alie-*  
*natione feudi prohibita in*  
*quo differat à constitutio-*  
*ne posteriore Friderici I.*  
 317  
*Luctus tempus legitimum.*  
 445.  

M.

*Majoratus jus quid dif-*  
*ferat à feudo.* 54. vi-  
 de & 189  
*Mala fidei emptori, qui sibi*  
*cavit interposita stipula-*  
*tione, an detur actio de e-*  
*victione.* 328  
*Manngericht.* 538  
*Mann lehen.* 71  
*Manuum injectio conceditur*  
*domino in vasallum jure*  
*Gallorum.* 515  
*Maritus an feudum in do-*  
*tem datum possit lucrari.*  
 200 & 227  
*Maritus feudum ab uxore*  
*capere an possit.* 93  
*Matrem domini stuprans*  
*vasallus privatur feudo.*  
 447  
*Maximiliani I. Constitutio*  
*de Ganerbiis.* 233  
*Meliorationes feuda amisso*  
*ad quem pertineant.* 485  
*Membrum quo peccatū est,*  
*pœna causa sepe abscindi*  
*solet.* 433  
*Menandri versus à Paulo*  
*sanctificatus.* 385  
*Mendacium quid.* 403  
 Men-

# I N D E X.

- Mendacium dicere & Men-  
tiri quomodo differant.*  
*ibid.*
- Mendaciū quot casibus jure  
civ. puniatur.* 404
- Mercēs contrarium officio.*  
141
- Meretrices victimæ publica-  
rum libidinum.* 442
- Methodi ratio in hisce parti-  
tionibus feudalibus obser-  
vata.* 18.22 & seqq.
- Militare num liceat Chri-  
stiano etiam sub infideli  
principē.* 195
- Ministeriales qui olim.* 5
- Minor an possit feudum da-  
re.* 80
- Minor quis dicatur à Longo-  
bardis.* 217
- Minor an feudi capax.* 92
- Mobilia cur regulariter in  
feudum non dentur.* 95.  
*excepti casus, ubi dari pos-  
sint.* 96
- Molendinum an in feudum  
concedi possit.* *ibid.*
- Molere in molendino an do-  
minus vasallos cogere pos-  
sit.* 366
- Monachus an feudi capax  
esse possit.* 91
- Moram purgare num possit  
vasallus, qui investitu-  
ram justo tempore non pe-  
tiit.* 409
- Morganatica unde dicta.* 145.  
187. & 338
- Morte vasalli quomodo feu-  
dum amittatur.* 460
- Mulier an habeat in bonis  
feudalibus mariti tacitā  
hypothecam nomine dotis  
& donationis propter nup-  
tias.* 340. & 350
- N.
- N** *Asus adulteris abscis-  
sus.* 438
- ad Naturam suam facile u-  
naqueq; res revertitur.*  
246
- Naturales liberi in feudis nō  
succedunt.* 167
- Necessitas, in qua vasallus  
cōstitutus, an excuset eum  
à pœna privationis.* 430
- Negans feudum vasallus eo  
privari potest.* 395. &  
seqq.
- Nobilitium titulus quibus o-  
lim tribui solitus.* 5
- Nomenclatura verborum &  
formularum feudalium.*  
41
- Notarii instrumentum alie-  
nationis conscientis pœna  
triplex.* 433
- Notwere, inculcata tutela.*  
382
- Novum feudum conceditur  
interdū jure antiqui.* 74
- Novalex, pro, novum Testa-  
mentum.* 588
- Novi operis nunciatio an cō-  
petat vasallo pro feudo.*  
322.

O.

**O**bligatio personalis inter vasallum & dominum mutua, in quibus rebus consistat. 263. cum seqq. 289. & 356. cum seqq.

Occasio & causa feudorum instituendorum. 28

Opera liberi hominis sunt in commercio. 63

Oppugnerare proprietatem feudi dominus invito vasallo non potest 363. Limitationes hujus regule. ibid.

Origo feudorum à quibus populis extiterit. 26. Argumenta, quibus probatur, à Germanis orta feuda.

27

Ordo confusus & preposterus feudi difficultatis causa.

14. 20

Osculum officiosum. 440

Osculum unde dicatur, & quid differat à basio & suavio. 439

Ostendens se. 281.

P.

**P**acta investituris addita an valeant. 143. & 3. seqq.

Pactum de non prestando servitio ex feudo valet. 135

Pactum investitura obscuro, sit interpretatio contra vasallum. 150

Pactum legis commissoria an in feudis locum habeat. ibid.

Palatinus Elector vacante Imperio confert feuda Imperialia. 116

Panes coquere in suo forno, an possit dominus vasallos cogere. 366

Parentes interdum quilibet cognati usurpantur. 180

Parentela pro cognatione vel etiam affinitate. ibid.

Parentes magis terrentur in liberis, quam in semetipsis. 277

Pares curie licet orta inter vasallum & dominum judices competentes sunt. 538. Hujus regule explicatio.

539. & seqq. Ampliatio.

547. Exceptiones ejusdem.

549. & seqq.

Pares Curie quando sunt judices, an in singulis causis specialiter iurjurandum iudicum prestare debeant.

543

Pares Curie quomodo eligantur. 544. an à solo domino eligi possint. ibid. quibus remediis cogantur judicare. 547. judicant sumptibus litigantium. 549

Parium Curie electio in dubio presumitur rite facta. 546

in Par. causa idem jus esse debet.



# INDEX.

- debet ex ipsa æquitate. 350
- Parricidis cur manus amputare soleat, docetur ex Heraclide Pontico. 433
- Parricidium à vasallo perpetratum est iusta causa privationis feudi. 451. & seq.
- Ampliationes tres. 452
- Pastoris delictum non debet Ecclesia imputari. 417
- Pater an possit feudum uni ex filiis prælegare. 157
- Pater an præferendus domino à vasallo, an dominus patri. 276
- Patria est antiquior parens. 276
- Patronatus ius quid differat à feudo. 362
- Pauli sententia emendata. 100
- Pauli sententiarum vera lectio defensa adversus Hotom. 215
- Pedissequā domina stuprans vasallus, privatur feudo. 446
- Permutare feudum an possit vasallus. 329
- apud Persas turpissimum erat esse ingratum, mentiri, & debere æ alienum. 398
- Personæ exceptæ in iuramento fidelitatis. 134
- Personæ obligatio inter vasallum & dominum in quibus consistat. 289
- Philippus August. Rex Francia vindex necis Arturo Regi Angl. à patruo suo Ioanne oblata damnavit eum sub paribus Francia. 452
- Psandtehen. 183
- Phœdum aliquando à veteribus dictum feudū: quod & Feodum vocant. 39
- Pignus quomodo Longobardi appellarint. 314
- Pignus trimembre. 348
- Pignus consuetum quod sit. 17
- Pignus conventionale nō potest in feudo constitui, sed necessarium. 348
- Pignori obligare feudum non potest vasallus. 345. Exceptiones regule. 346. & 2. seqq.
- Pigneratitiū feudū, Psandtehen. 75
- Pisces in lacu feudali amisso feudo, ad quem pertineāt. 484
- Plebei homines an feudata, re possint. 88
- Pluralis pro singulari, & contrā, positus. 333
- Pœna triplex Notarii conscientis instrumentum alienationis feudi. 432
- Pœna vasalli inficientis feudum, est privatio feudi. 397 & seqq.

# I N D E X.

- Pœna contumacia vasalli est direptio bonorum ejus.* 511  
*Pœna mendacii in jure receptæ.* 404  
*Pœna receptatorum.* 233  
*Pœna abscissionis membrorum, quibus peccatum est.* 433  
*Possessionis jus vetus quid à feudo differat.* 52  
*Possessio feudi pertinet ad vasallum.* 293  
*Precarium ut differat à feudo.* 34  
*Precaria & precaria, quid.* 50  
*Precaria à feudo differētia.* 51  
*Precarium juris civilis quid differat à precaria juris pontificii.* ibid.  
*Precarii cōcessio quare vasallo in feudo interdicta.* 352  
*Precarii à comodato differētia.* ibid.  
*Precarium duobus modis rogari & concedi potest.* 353  
*Prelatus Ecclesie an possit feudum ab alio possessum alii concedere, priori adhuc superstitite.* 83  
*Prelatus feudum Ecclesie apertum consanguineis suis dare.* 84  
*Prelatus rem solitam in feudum dari, & Ecclesie apertam retinere debet, & bonis Ecclesie incorporare.* 85  
*Prescriptio 30. annor. patro-*  
*næ generis humani.* 240  
*Prescriptione quomodo feudum adquiratur.* 239  
*Prescriptionis requisita, eorumq; explicatio.* 241. & seq.  
*Prescriptio feudi quanto tēpore currat contra agnatos.* 258  
*Prescribere proprietatē feudi an possit vasallus contra dominum.* 246  
*Præstat recurrere quā mālè procurrere.* 20  
*Precium, cujus repetitio denegatur mala fidei possessori sive emptori feudi invito domino alienati, non fisco, sed sensori adjudicatur.* 328  
*Princeps obligatur etiā subditus ex suo contractu.* 494  
*Princeps est propter subditos.* 26  
*Primogenitura jus an in feudo obtineat.* 188. & seqq.  
*Probatio, presumptio & defensio differūt.* 559. & seq.  
*Probatio duplex.* ibid.  
*Probatio per scripturā quomodo fieri soleat.* 573  
*Procurator an feuda dare possit.* 89  
*Procurator an intervenire debeat in collatione feudi sine investitura danda accipiendaq;* 116. & 408 & 424

# I N D E X.

- Prodigus non potest feudum  
constituere.* 81
- Proprietates feudi.* 55
- Proprietatem feudi an possit  
vasallus prescribere con-  
tra dominum.* 246
- Protectionis jus ut differat à  
feudo.* 52
- Pubertatis tempus in utroq;  
sexu idem apud Feudistas  
statuitur.* 406
- Pupillus an possit res suas in  
feudum concedere. 80. an  
novum feudum cōstituere  
possit.* 81
- Pupillus an feudicapax sit.*  
92
- Purgatio mora an fieri possit  
à vasallo, qui investiturā  
debito tempore non petie-  
rit.* 409
- Purgatio tribus fit modis.*  
577
- Purgatio canonica quomodo  
fiat.* 529
- Putativi liberi an succedant  
in feudis.* 192.
- Q
- Verelā male tractatio-  
nis potest vasallus cō-  
tra dominū instituere.* 509.
- R.
- Ratio methodi in hoc o-  
pere observata. 18. &  
22. & seqq.*
- Reale jus in feudo competens  
tām vasallo quām domi-  
no quale sit.* 263
- Receptatorum poena.* 233
- Reconventio an habeat lo-  
cum coram paribus Cu-  
ria.* 141
- Reditus annui an in feudum  
dari possint.* 96
- Res qua in commercio sunt,  
sola in feudum dantur;  
nō etiam qua extra illud.  
ibid.*
- Refutare potest va'allus feu-  
dum invito etiam domi-  
no; & qua sit hujus rei  
ratio. 307. Ampliationes  
hujus regulae. ibid. cum  
seqq. Limitationes ejus-  
dem regulae. 310. cum  
seqq.*
- Refutatio an possit fieri de-  
scendentibus & agnatis.*  
312
- Refutatio feudi fit iisdem  
solennitatibus in contra-  
rium actus, qua interve-  
niunt in ipsa investitura.*  
305
- Refutationis effectus.* 315
- Refutationis quomodo amit-  
tatur feudum.* 461
- Refutatio sententiae, quae te-  
net feudorum usum Reip.  
esse perniciosum. 8. & al-  
terius qua negat feudum  
esse contractum. 63. &  
seqq.*
- Regis nudū verbum plus va-  
lere debet, quām quodvis  
jusjurandum.* 357
- Regem

# I N D E X.

- Regem minori juvare turpe est. ibid.
- Regium nomen Romanis invisum, quare. 134
- Regalis feudi à nō regali differentia. 69
- Regalia an præscribātur. 244
- Res vindicatio utilis vasallo competit de feudo. 499. & seq. an & heredibus ejus detur. 501
- Remedia quibus juris feudalis difficultas curari possit. 14
- Renovatio investitura quādo, quoties, & cur peti debeat. 119
- Repetitio grata & dulcis est etiam eorū qua novimus. 19
- Representationis jus in linea descendentium extrahitur in infinitum. 204
- Res ab alio possessa an possit alteri investire priore vasallo & possessore adhuc superstite. 84. & 102.
- Res aliena in feudū dari potest. 98
- Res communis an in feudum dari possit. 101
- Res mobiles cur in feudū regulariter non dentur. 95.
- Excepti casus ubi dari possint. 96
- Retentio vasalli in recuperanda re domini an vasallo noccat. 402
- Retentionis jus Sax. moribus competens vidua vasalli in feudis defuncti mariti pro dote, paraphernis, donat. propter nupt. & Mor. gengeba. 351
- Reverentie, quam vasallus domino debet, quā sint effectus. 264
- Reverentia vasallititia an extincta censeatur feudo amisso. 268
- Revers geben, est dare instrumentū recognitionis. 289
- Romana expeditio, Remer. jug 284
- Rusticus an feudi capax. 93.
- S.
- S**accus historicus. 582
- Sacræ res an possint in feudum dari. 97
- Sacramentales quomodo jurent. 572
- Sacramentalibus adhibitis jusjurandū an adhuc hodie observetur usq. 554
- Sacramentalium adhibendorum necessitas, cur aliquādo remittatur domino. 573
- Salica lex convenit in quibusdam cum jure feud. 173
- per Sanctos eorumq. reliquias an rectè juretur. 132.
- & 566
- Schraderi catalogus causarum amissionis feudi. 372
- Seri-

# I N D E X.

- Scriptura semper loquitur.* 114
- Scripturam an necessariò requirat investitura.* 113
- Senator (sive Ancianus) annuncians arcanum in damnum communis sue (der auß dem Nasse schwanget) removendus est ab officio.* 396
- Senior unde dictus dominus feudi. §. Plura vide in verb. dominus.*
- Sententia discrepantes de feudorum origine. 30. & seqq.*
- Sententia judicis est modus constituendi feudum.* 259
- Sententia per quam controversia feudalis deciditur duplex.* 593
- Sententia in melius mutatio, semper laudabilis.* 149
- Sententia promulgatio quibusnam remediis suspendatur.* 593
- Sermonis horror & stridulo causa non postrema difficultatis juris feudalis.* 13
- Servus an feudi capax esse possit.* 91
- Servus an possit esse testis in probatione investitura.* 115
- Servitus potest quidem feudo acquiri; an autem ei imponi quoque possit, à nonnullis dubitarum est.* 295. & seq.
- Servitia an teneatur vasallus domino ulterò offerre & prestare irrequisitus.* 270
- Sexagenarii de pōte. Proverb.* 280
- Si sciens fallo: vetus formula iurijurandi.* 399
- Si, pro an, per Gracissimum positum* 225. & 337
- Simplices per individua ducuntur.* 131
- Simultanea investitura que dicatur.* 127
- Solemnia quæ in actibus legitimis adhiberi solent.* 107. & seqq.
- Solemnitas feudalis investitura an requirat testes.* 115
- Sororem domini vel domina stuprans vasallus, an feudo privetur.* 447. & seq.
- Solemnitates in investitura & refutatione feudi eadem, sed in contrariū acta interveniunt.* 305
- Sponsam domini corrumpens vasallus privatur feudo.* 443
- Sponsa quibus casibus sit eodem loco quo nxor.* ibid.
- Spiriti in feudis non succedunt.* 166
- Stare insimul.* 207
- Stoicorum ineptia in Erymologus.* 40
- Stoici sunt majores Iurisperitorum.* 41

Stupri metus gravius esse de-  
bet honesto viro, quam  
mortis. 448

Subinfeudatio an valeat.  
102. quid à dotis datione  
differat. 335 tribus serva-  
tu conditionibus fieri po-  
test. 300. & seq an etiam  
fieri possit de feudo Eccle-  
siastico. 301

Substantialia feudi. 143  
Successio allodialis quid dif-  
ferat à feudali. 160

Successio feudalis nō est uni-  
versalis, sed singularis. 155  
Successio an in omnibus feu-  
dis locum habeat. 152. &  
seqq.

Successio in feudis quousq;  
fiat. 222. & seq.

Successio conjugum in feudis  
an possit fieri. 225. & seqq.  
Sumptibus propriisne an do-  
mini vasallus militare  
teneatur. 281. & seq.

Superficiarii ius quid à feu-  
do differat. 53

Superstitum & testium dif-  
ferentia. 115. & 559

Supponere vadio feudū non  
licet vasallo. 345

Surdus an possit succedere in  
feudis. 198

Suum cuiq; institutum pul-  
chrum. 22

Symbolorum qua aetibus le-  
gitimis adhiberi solent ca-  
talogus. 107. & seqq.

T.

**T** Autologia una est ex  
causis difficultatis, &  
radii iuris feud. 14

Tēporis lapsu quomodo feu-  
dum extinguatur. 462

Testamento an feudum con-  
stitui possit. 261

Testari de feudo non licet.  
156. & seq.

Testatum pro descriptione.  
567

Testes auribus tracti. 109

Testes in feudis regulariter  
esse debent Pares Curia.  
560. Exceptiones regula.  
561

Testes in feudis quot inter-  
venire debeant. 561. & seq.

Testes an possint cogi ad dicē-  
dum testimonium. 564

Testes jurare debent. 565

Testes an pertineant ad solen-  
nitatem investitura feu-  
dalis. 115

Testimoniū an vasallus con-  
tra dominum dicere pos-  
sit. 265

Testimoniū an in feudis per-  
hibere possint etiam fœ-  
mina. 559

Testimonio unius credendum  
non est. 562

Thellung des Lehens auff den  
Meinen. 334

Transalpizare quid 284

Translatio Longobardis signi-  
ficat prodicionem. 454

Tran-

# I N D E X.

*Transigere de feudo an va-*  
*fallus possit.* 303

*Treuer Herr / treuer Knecht /*  
*Proverb.* 139. & 356

*Tutor an feuda dare possit.*  
89.

## V.

**V**adio sive *guadio sup-*  
*ponere feudum.* 345

*Vassi sonant idem quod Bal-*  
*læ.* 30

*Vasallus quid differat à do-*  
*natario.* 51

*Vasallus quando possit agere*  
*de evictione.* 98

*Vasallus abusive investitus*  
*propria auctoritate feudi*  
*possessionem ingredi atq;*  
*apprehendere potest.* 107

*Vasallus qualiter domino fi-*  
*delitatem juret.* 130. *cum*  
*seqq.*

*Vasallus an possit dominum,*  
*qui furiosus aut Tyran-*  
*nus est, capiendum adju-*  
*vare.* 137

*Vasallo an teneatur dominus*  
*jurare.* 139

*Vasallus non potest de feudo*  
*testari.* 156. & *seq.*

*Vasallus an & quomodo pos-*  
*sit feudum prescribere.* 240

*Vasallus an possit contra do-*  
*minum prescribere pro-*  
*prietatem.* 146. *an liber-*  
*tatem servitiorum feu-*  
*daliū.* 247

*Vasallus an possit feudum*

*absq; consensu domini &*  
*agnatorum alienatū pre-*  
*scribere.* 247. & *seq.*

*Vasallus an possit dominum*  
*accusare per daellionis cri-*  
*men committentem.* 264

*Vasallus non potest adigere*  
*dominum ad iuramentum*  
*calumnia.* 266

*Vasallus an possit dominū in*  
*jus vocare non impetrata*  
*prioris venia.* 267. & *seq.*

*Vasallus an teneatur ultrā*  
*currere ad serviendum*  
*domino.* 270

*Vasallus an in quovis bello*  
*dominum adjuvare te-*  
*neatur.* 271. *non tamen*  
*bannitum seu excommu-*  
*nicatum.* 272

*Vasallus an propriis, an do-*  
*mini sumptibus ipsi mili-*  
*tare teneatur.* 281. & *seq.*

*Vasallus an in expeditione*  
*pro domino acceptum da-*  
*mnū possit consequi à do-*  
*mino, ut ipse id resarciat.*  
283. & *seq.*

*Vasallus Imperatoris debet*  
*eum comitari profiscen-*  
*tem ad suscipiendam co-*  
*ronam.* 284

*Vasallus an teneatur contri-*  
*bui pecuniam ad dotā-*  
*dum domini sui filiam,*  
285

*Vasallus an cogatur dominū*  
*egerum alere.* 286. *an*  
*tenea-*



# I N D E X.

- teneatur solvere et alienū  
à domino cōtractum. 194.  
¶ 287
- Vasallus an cogatur dominū  
ab hostibus captum redi-  
mere. 288
- Vasallus quando excusetur à  
necessitate servitorū pra-  
standorum domino. 290.  
¶ seq.
- Vasallus quale jus in feudo  
habeat. 292
- Vasallus an possit usumfr. in  
feudo constitucere. 300. an  
servitutem feudo impo-  
nere. 298. an refutare feu-  
dum remotiori agnato,  
absq; consensu proximio-  
ris nō attentagradus pra-  
rogativa. 313
- Vasallus an novum feudum  
refutare possit. 314 an pos-  
sit feudum sibi appropri-  
re. 320. an in aliū quā  
quem dominus expressit  
in suo consensu, feudum  
alienare possit. 323
- Vasallus non potest feudum  
deteriorare. 316
- Vasallus non potest dare feu-  
dum in emphyteusin 340.  
Ampliatio huius regula.  
ibid. • Exceptio ejusdem.  
ibid.
- Vasallo sine liberis virilis se-  
xus mortuo, nec aliis a-  
gnatis proximis supersti-  
tibus, feudum revertitur  
ad dominum. 366
- Vasallus an ob easdē causas  
privetur feudo, ob quas  
feri solet exhereditatio, di-  
vortium & repudiū, nec  
non revocatio donationis.  
375
- Vasallus interdictū unde vi  
intentās adversus domi-  
num an privari possit feu-  
do. 397
- Vasallus famosam actionem  
aliquam instituēs contra  
dominum, feudo priva-  
tur. ibid. Exceptio huius  
regula. 398
- Vasallus petēs investituram  
post annum & diem, an  
possit moram purgare &  
pœnam caducitatis effu-  
gere, posteaquam cessavit  
intra id tempus eam pete-  
re. 409
- Vasallus non avertens, quā-  
tum in se est, periculum  
vite, quod scit domino  
imminere, privatur feu-  
do. 411
- Vasallus requisitus si nō pra-  
stet domino servitia, po-  
test feudo privari. ibid.
- Vasallus deserens dominum  
in pralio periclitantē, feu-  
do cadit. 412. Exceptiones  
huius regula. 415
- Vasallus sciēs dominum mo-  
vere bellum injustū, eum  
neq; adjuvans, sed postea  
de se-

# I N D E X.

- esse ferens, an feudo privatus sit.* 414
- Vasallus fugiens, sed statim tamen rediens opitulaturus domino, an effugiat, poenam caducitatis.* 416
- Vasallus occidens dominum feudo privatur.* 378. *Ampliatio & restrictio hujus regula.* 379. & seqq.
- Vasallus atroci injuriâ afficiens dominum privatur feudo.* 385. & 434
- Vasallus amicitias copulans cum inimico domini feudo privatur.* 385. & seq.
- Vasallus duorum dominorum hostilibus animis inter se dissidentium, an uni contra alterum assistere possit absq; metu privationis feudi.* 386
- Vasallus dominum accusans de capitali crimine, privatur feudo.* 388. *Ampliatio regula* 389. *Exceptiones ejusdem.* 390
- Vasallus testimonium dicens contra dominum privatur feudo.* 391. *Exceptiones ejus regula.* ibi.
- Vasallus delator domini feudo privatur.* 392
- Vasallus secreta domini enūcians, privatur feudo.* 394. & seq.
- Vasallus aperiens literas do-*
- mini an feudo privetur.* 396
- Vasallus inficiās partem feudi, tantum ea parte privari potest, non toto feudo.* 400
- Vasallus dominum ab hostibus captum carceri inclusum non liberans, nec alens inopem pro quantitate feudi, privatur feudo.* 418
- Vasallus denegās domino justitiam, privatur feudo.* ibid.
- Vasallus feudum alienatum & traditum recuperans incōtinenti an feudo privetur.* 428
- Vasallus contra quem teneatur dominum adjuvare.* 273
- Vasallus an debeat dominū etiam contra seipsum adjuvare.* 274. *an contra patrem.* 275. *an contra filium.* 276. *an contra fratrem.* 277
- Vasallus Cōmītis vel Baronis an teneatur eum adjuvare contra Principem.* 278
- Vasallus an possit domino servire per substitutū.* 279
- Vasallus alienans feudum eo privari potest.* 424. *Exceptiones x. ab hac regula.* ibid. cum 7. seq.

# I N D E X.

- Vasallus qui feudum alienavit ignorans aut dubitans, an poenam privationis incurrerit.* ibid.
- Vasallus proditor, sive traditor, perdit feudum.* 454
- Vasallo qua competat actiones super feudo.* 499
- Vasallus agere potest contra dominum, qui insolita & indebita ab eo exigit servitia.* 509
- Vasallus qui possit dominum feudi depraedari, & bona ejus diripere.* 510
- Vasallus abusive investitus, an possit agere contra tertium possessorem.* 522
- Vasallus non debet permittere, ut feudum suum ab alio usucapiatur.* 352
- Vendere feudum an possit, vasallus invito domino.* 326
- Venia petitio an vasallo contra dominum agere volenti sit necessaria.* 267
- Verbum pro integra oratione vel sententia.* 130
- Vestibulum splendidum cuiusq; rei statuere oportet.* 285
- Vidua vasalli jure Saxonico habet jus retentionis in bonis feudalibus mariti defuncti pro suis bonis dotalibus & paraphernalibus, & donat. propter nuptias & Morgengaba.* 351
- Viduam domini corrumpens vasallus an in poenam privationis incidat.* 444
- Vindicatio in l. 7. his solis, C. de revoc. don. non significat vindictam ( ut clarissimi viri nonnulli voluerunt ) sed rei vindicationem, sive in rem actionem.* 501
- Virum distribuere.* 214
- Vis bellica an sit modus constitutiendi fenda.* 260
- Ultima voluntate an possit feudum constitui aut relinqui.* 261
- Universalia sunt obscuriora.* 130
- Vocabula sunt rerum symbola & nota.* 41
- Vocabulorum deductio sapientius eruditus ingeniorum.* 40
- Unde, id est, de qua.* 111
- Usucapionis permissio quare vasallo interdicta.* 352
- Usufructus à feudo, quid differat.* 45. & seq.
- Usufructuarii à conduttore differentia.* 363
- Usu fori recepta exterminare aut mutare difficile est.* 354
- Utilis rei vindicatio competit vasallo.* 499. & seq.
- an etiam vasalli hereditarij*

# INDEX.

<i>bus competat.</i>	500	<i>an maritum rectè inve-</i>	
<i>Vulneris qualitas quomodo</i>		<i>stiat.</i>	93.
<i>estimanda.</i>	413	<i>Z.</i>	
<i>Uxor an possit marito do-</i>		<b>Z</b> ητητικὸν εἶναι, nota bona	
<i>tem in feudum dare, &amp;</i>		<i>indolis.</i>	18.

# FINIS.



574471



